





HISTOIRE
GENERALLE
DES INDES OCCIDENTALES

ET TERRES NEUVES,
qui iusques à present ont
esté descouuertes.

*Traduite en françois par M. Fumee Sieur
de Marly le Chastel.*



CAR. C 21

A PARIS,
Chez Michel Sonnius, rue saint Jacques
à l'enseigne del'Esku de Halle.

M. D. LXXVII.
AVEC PRIVILEGE DV ROY.



EXTRAICT DV PRIVILEGE.

PAr grace & priuilege du Roy, il est permis à Michel Sonnius, marchand Libraire iuré de l'Vniuersité de Paris, d'imprimer ou faire imprimer, mettre en vente & distribuer, vne fois ou plusieurs, vn liure intitulé *Histoire generale des Indes & terres neuues, qui iusques à present ont esté descouuertes*. Et faiet defense ledict seigneur, à tous Libraires, Imprimeurs, ou autres de quelque qualite qu'ils soient, de non imprimer, ou faire imprimer, vendre, ou distribuer en ses pays, terres, & seigneuries, autres que ceux qu'aura faiet imprimer ledict Sonnius. Et ce iusques au temps & terme de sept ans, à compter du iour & date que lesdicts liures seront acheuez d'imprimer, sur les peines contenues es lettres patétes dudit Seigneur. Dónees à Bouloigne le 16. de Iuillet 1568.

Par le Roy.

Signé de Vabres, & scellé du grand seau
en cire iaune.

9057



A MONSEIGNEVR
MONSEIGNEVR
LE MARESCHAL
de Montmorency.



ONSEIGNEVR, encor que iusques huy la puiffance n'ayt permis de vous declarer par autres actions la bonne affection que i'ay de cōtinuer en vostre maison, le seruice encommencé dés long temps par feu Monsieur des Roches mon pere, soubs Monseigneur le Connestable, que Dieu absolue: si est-ce toutefois que la bonne volonté esguillonnée par vne certaine passion n'a peu en rien estre refroidie, ains entant que l'aage l'a peu permettre a tousiours cherché les moyens de le vous faire paroistre, & mesme n'en ayant aujourd'huy autre que cestuy-cy, encor

qu'il soit petit, si n'ay-ie osé le laisser. Ainsi, comme si ja i'auois esté receu en la continuation du seruice que ie pretends, ie n'ay peu à autre qu'à vous offrir ceste mienne traductiō, qui discourt des Indes Occidentales, & des terres neuues, qui iusques à present ont esté descouuertes: en attendāt que la fortune me presente vne occasion plus suffisante pour vous faire vn seruice plus agreable. Ie vous supplie donc Mōseigneur, qu'il vous plaise receuoir ce mien œuure comme auez accoustumé prendre tout ce, qui avec vne bonne intention part del'vn des vostres. En ce faisant ie m'asseure que ce liure courant par entre les mains des hommes soubs l'ombre de vostre grandeur sera mieux receu d'vn chacun, & me donnerez courage de continuer le seruice que ie vous doibs. Qui sera pour fin où Monseigneur ie prieray le Createur vous donner en santé longue & heureuse vie. De vostre maison de Marly le Chastel, ce septiesme de Septembre.

*Vostre tres-humble & tres-affectionné
seruiteur, M. Fumee.*

SONNET.

*Voulant ce monde en esprit compasser
Par le moyen d'une vieille peinture,
Ou bien par quelque ancienne lecture
Ses degrez longs & larges amasser.
Soit que tu vueilles quelque temps passer
A rechercher les secrets de nature.
Soit que tu vueilles veoir en esriture
Harnois par guerres civiles casser.
Ce n'est pas assez de veoir un Mela,
Un Ptolomee, Strabon, un Sylla:
Ce n'est assez de feuilleter un Pline,
Encor fault il pour contenter l'esprit
Lire ce liure, qui au clair décrit
Comme en rond cet uniuers se termine.*

PROLOGVE DE L'AVTHEVR.

LE monde est si grand, si beau, & si diuersifié de choses différentes les vnes aux autres qu'il rauist en admiration celuy, qui le veult biē contempler: & y a peu d'hommes, s'ils ne viuent comme bestes brutes, qui quelquesfois n'emploient leur esprit à considerer ses merueilles. Car le desir de sçauoir est vne chose naturelle à vn chacun. Il est biē vray qu'aucuns ont ceste enuie plus grāde que les autres pour auoir l'art & l'industrie conuincts à leur inclination naturelle. Tels personages entendent beaucoup mieux les secrets, & causes des choses que nature procree. Mais encor qu'ils soient si subtils, & si curieux: si est ce qu'à la verité ils ne peuuent avec leur grand esprit, & sçauoir paruenir iusques aux œuures merueilleuses que la sapience diuine a faictes avec de grands mysteres, & faict encor tousiours. Ace propos nous voyons le passage de l'Ecclesiastique estre veritable, où il est dict: Dieu a mis le monde en controuerse, & dispute entre les hommes, afin qu'aucun d'eux ne peust descouurir les œuures que luy-mesme a faict & faict tous les iours. Mais encor que cela soit vray, ainsi que mesme le confirme le sage Salomon disant: Avec difficulté nous iugeōs des choses de ce monde, & avec vn grand travail espeluchons ce que nous auons, & voyons deuant nous, si est-ce que pour cela l'homme n'est point incapable, ny indigne d'entendre que c'est que du monde, & quels sont ses secrets. Car Dieu a creé le monde pour l'homme, & l'a mis en sa puissance, & sous ses pieds, & comme Esdras dict: Ceux, qui habitent la terre, peuuent cognoistre ce qui est en icelle. Puisque donc Dieu a mis le monde entre nous pour en pouoir disputer, & nous a faict capables de pouoir le comprendre, & nous a donné vne inclination volontaire, & naturelle pour sçauoir, ne perdons point nos priuileges, & les graces qu'il nous a faictes.



AV LECTEUR.



E pendāt que ces derniers troubles auoient cours, pour soulager mon esprit greuē de veoir un temps si calamiteux, ie prins ce liure en main, Amy lecteur, pour te le traduire, & te donner cognoissance de beaucoup de choses, desquelles on parle en l'air & par un ouy dire seulement, qui oultrepassant tousiours ses bornes, selon la nature d'un bruiēt volāt, faict biē sounēt chāger le vray en faux. Or ce qui me fait choisir ce liure entre autres, estoit que mon esprit atedie de longue maladie ne requeroit point un estude plus solide, & aussi qu'il cōuenoit biē au temps turbulēt, auquel pour lors nous estions. Car le quatriesme liure discourt amplement sur les guerres ciuiles, qui sont aduenues entre les Espagnols pour la domination du royaume du Peru. D'auantage ie voyois noz histoires Françoises manquer de ceste cy. I'auois leu Ieā Leon pour l'Afrique, François Aluarez pour l'Ethiopie, Louys Bertoman pour l'Arabie, Perse, & Indie Orientale, & Antoine Lopez de Castagneda, qui descrit de la descēte des Portuguais à Calicut. I'auois veu les obseruatiōs de Belō pour la Grece,

*l'Asie mineur, Syrie, Palestine, & l'Egypte, & pour
 les mesmes pays la Cosmographie de Lennat faicte par
 Theuet. Mais ie n'auois peu recouurer en nostre lan-
 gue ny mesme en Latin aucune description des Indes
 Occidentales, que vulgairement par un mot general
 nous appellons terres neuues. Il est bien vray que i'a-
 uois veu dix liures tournez en nostre l'ague de vingt-
 huit ou trete, qu'auoit faict en Espagnol un certain
 Croniqueur du Roy d'Espagne touchât les choses no-
 tables qu'il auoit veues en ces Indes. Mais toute son
 histoire n'est que de la seule isle Espagnole. I'auois
 veu aussi un liure, qui parle des singularitez de la
 France Antarctique, où Monsieur de Villegagnon
 alla il y a treize ans. Mais, hors-mis la description
 du pays où noz François descendirent, la plus grand'
 part de ceste histoire n'est farcie que de mesonges, non
 pas forgees par l'Autheur, mais par des mariniers, qui
 luy en comptoient ainsi qu'il recite. Vous y verrez
 de beaux comptes des Amazones, des fautes en la si-
 tuation des lieux, & des abus, en l'interpretation de
 beaucoup de choses, comme quand il veult descrire la
 separation des terres du Roy d'Espagne, & du Roy de
 Portugal. Encor est-il à excuser, comme estant le
 premier, qui nous a donné cognoissance de ces Indes,
 & ne fault estimer tirer du premier coup la verité
 d'une chose. Voyant donc telle defaillance entre noz
 histoires ie pense par la traduction de cet œuure com-*

A V L E C T E U R.

posé par faire quelque profit au public, non pas tant pour les costumes, religions, & façons de faire des Indiens qui sont comprises en ce liure, cōme pour la Geographie de toutes ces Indes descrite de poinct en poinct par l'Authheur aussi doctemēt qu'il est possible. Ainsi le Cosmographe, l'Historien, & le guerrier y apprendront, aussi fera le Philosophe s'il veut esplucher beaucoup de choses qu'il y trouuera. Quāt au style tu le trouueras rude pour les sentēces mal ioinctes. Et ceste façō d'escrire est si cōmune à nostre authheur, qu'il eust fallu chāger tout. Ce que si i'eusse fait, possible eust-il esté trouué bō d'aucū, & mal des autres. Mais i'ay mieux aymé laisser le style de l'authheur tel qu'il estoit, esperāt q̄ tu supporteras aussi aisēmēt ceste traductiō q̄ celle de beaucoup d'autres, q̄ soit en François, soit en Latin, ont traduit grossēmēt ce q̄ estoit aussi rudement couché par escrit. Encor ie m'assure q̄ tu ne trouueras pas trop mauuais mō style doux, et simple. Au reste ie te veux aduertir, q̄ tu trouueras en ce liure des fantes, qui sont suruenues en l'impression tant aux mots qu'aux poinctes mal situez. Je t'ay remarqué les plus apparētes, et te cōseille de les corriger suyuāt ma correction, deuāt que tu te mettes à lire ce liure. Car autrement tu te trouueras empesché à beaucoup de passages. La necessité, qu'auoit celuy, q̄ entreprint ceste impressiō d'aller en Flādres pour ses vrgēs affaires, lors q̄ la premiere fueille se ietta sur la pressē,

est cause de ce que tu as cet œuvre si mal poly. Il y a encor d'autres fautes, lesquelles ie n'ay correes. Mais elles sont si legieres qu'elles ne retarderont la lecture, & ne te cacheront aucunement l'intelligēce de la lettre. Pour ceste cause ie m'assure que tu les excuseras aisement. Tu trouueras aussi ces deux mots Adelantado, & Pesant assez frequens en ceste histoire, qui ne sont pas cognez à un chacun. Ainsi voulant satisfaire à tous i aduertiray ceux, qui en sont ignorans, que ce mot Adelantado est un nom de dignité appartenant proprement aux capitaines, qui courent la mer pour faire nouvelles cōquestes. Et ceste dignité, & tiltre de grād hōneur se baille à celuy, qui premier a descouuert ou subiugué un nouueau pais, suyuant l'interpretation du mot, qui descend du verbe Espagnol, qui signifie, non seulement passer, mais oultrepasser. Quāt au mot de Pesant, tu scauras que Pesant, & Castillan est tout un, & un Castillan vault un escu & demy. Dautage, afin que tu ne t'esbahisses de ce que tu verras cet œuvre diuisé en cinq liures, sans toutefois veoir le nombre des chapitres finir à chasque liure, il fault que ie te declare mō intentiō. L'auteur n'auoit faict qu'un liure de toute son histoire, & ainsi n'auoit faict aussi qu'un nombre de tous ses chapitres. De moy trouuāt vne incōmodité grande pour le Lecteur de n'auoir où reposer son esprit, i'ay tranché son liure en cinq pour plus grāde facilité: ioinct que ie voyois la matiere du

A V L E C T E V R.

liure y estre disposée, ainsi que tu pourras iuger par la lecture: Car le premier ne parle que du monde, de l'entreprise de Colomb, & de son execution, & décrit seulement l'isle Espagnole sans toucher encor à la terre ferme. Au second l'Authheur commence sa geographie à la terre ferme, & la poursuit iusques au tiers, ou lors laissant la suite de ses Indes Occidentales fait un discours du voyage de Magellan aux isles des Moluques, qui sont vulgairement comprises sous les Indes Orientales, & parle des espiceries, & du differet, qui est entre l'Espagnol, & le Portugais pour la iouissance & seigneurie d'icelles. Au quatriesme il revient à sa geographie, & toutefois la laisse dès le second chapitre pour descrire bien amplement les guerres civiles, qui entre les Espagnols ont duré dix ans au Peru. Ces guerres acheuees il reprend au cinquiesme ce, qui restoit de sa geographie. Par là tu iugeras que ie n'ay que bien fait, cõme au cõtraire tu dirois que i'eusse mal fait, si à chasque liure i'eusse recommencé nouveau nombre de chapitres. Car par ce moyen i'eusse osté la facilité au lecteur de conferer ma traduction à l'original. Encor n'auras-tu pas ceste histoire aussi bien complete, cõme i'eusse voulu. Car la description de ceste grande ville Themistitan, ou Mexique tãt desirée d'un chacun, & plus estimee que n'est Venise y default, par ce que l'Authheur la remettoit en un autre volume, où il vouloit particulièrement descrire les faicts & ge-

stes de Ferdinand Cortes, qui la conquesta: & ne m'a esté possible reconurer ce liure en Paris. Mais cela n'empeschera point que tu ne repaisse ton esprit d'autres choses, qui sont aussi notables en ce liure, & ce pendāt tu le retiēdras en appetit iusques à la seconde impressiō, où lors ie satisferay à ton desir. Reçois dōc amy Lecteur, ce liure aussi amiablenēt que liberalement il t'est offert. En le lisant, il te seruira d'aide (cōme il m'a fait en le traduisant) à pousser le tēps avec les espaules durant ces guerres prochaines, qui cruellement nous menacēt d'accabler nostre Frāce. Et de ma part, afin que ie ne sois vn otiēx contemplateur de noz miseres, ce pendāt qu'un chacun mettra la main à la paste, ie feray comme Diogenes, qui voyāt tous les Corinthiēs empeschez à la defense de leur ville, & qu'on ne l'employoit en rien, print son tōneau, & le porta au hault d'un collicule, & de là le laissoit rouler en bas, & puis le remontoit, aymant mieux faire continuellemēt cet exercice, que d'estre veu seul oisif en sa ville, lors qu'un chacun travailloit. Ainsi ce pēdant q̄ tous serōt employez, les vns pour la ruine, les autres pour la defense de ce royaume, ie remuneray mō tōneau, & te descriray les guerres aduenues en la Transsylvanie, depuis cinquante ans en ça entre le Roy de Polongne, l'Empereur, les Roys de Hongrie, & le Turc. Ce que ie te presenteray apres que i'auray cogneu q̄ tu auras daigné goûster à bon escient de ces premiers fruiēts.



PREMIER LIVRE DE
L'HISTOIRE GENERALE DES
Indes, & terres neuues, qui iusques à pre-
sent ont esté descouuertes.

*Qu'il n'y a qu'un monde & non plusieurs, comme aucuns
Philosophes ont pensé. Chapitre 1.*



Lusieurs, & grands Philo-
sophes, qui ont esté person-
nages tenuz en leurs temps
pour doctes; & sçauâts, co-
me ont esté Leucippe, De-
mocrite, Epicure, Anaximã-
der, & autres, ont eü ceste
opinion, qu'il y auoit plu-
sieurs mondes esquels tou-

tes choses s'engendroient & se creioient des At-
mes qui sont certaines petites particules de rien
comme celles que nous voyõs aux rayõs du soleil.
Ces Philosophes disoient qu'il y auoit plusieurs
mondës; &, comme seulement de vingt & tant de
lettres se composoient vne infinité de liures: ainsi
ne plus ne moins de ce peu, & de ces petits atomes
si subtils se faisoient plusieurs, & diuers mondes.
Ils tenoient ceste opinion asseurément, parce qu'ils
croyoient que tout fut infiny: Aussi il sembloit à

Metrodore chose mal seante , & mal proportion-
 nee n'auoir en cest infiny plus d'un seul monde, ain-
 si comme ce seroit vne chose ridicule n'auoir en v-
 ne grande vigne qu'un sep , ou en vne campagne
 un espic seul. Orphæe pensoit que chascque estoille
 fust un monde selon qu'escriit Galien en l'histoire
 philosophique. De ceste opinion ont estez Hera-
 clides, & autres Pitagoriciens, selon que recite Theo-
 doret en son liure de la matiere, & du monde . Se-
 leuce philosophe (comme escriit Plutarque) ne s'est
 contenté de dire qu'il y auoit infinis mondes: mais
 encor disoit que chascque monde estoit infiny, cō-
 me qui diroit que ce ne peut auoir commencement
 où il prend sa fin. Je croy que le grand Alexandre
 print de là enuie de conquerir, & assubiectionner tout
 l'vniuers, puisque, comme escriit Plutarque, il se
 print à pleurer quād un iour il ouyt ceste question
 estre debatue par Anaxarque, lequel demandant la
 cause de telles pleurs iettees sans propos . Alexan-
 dre respondit qu'il pleuroit non sans iuste & gran-
 de raison, n'ayant sceu encor subiuguer un monde
 de tant qu'il y en auoit, ainsi que disoit Anaxarque.
 Ceste responce demonstre bien que, quand il cō-
 mença sa conqueste de ce monde, il imaginoit plu-
 sieurs mondes, & pretendoit de commander à tous,
 mais la mort luy couppa chemin auant qu'il peult
 subiuguer la moitié de cestui. Pline aussi disoit qu'il
 y auoit infiniz mondes, & s'aduançoit de vouloir
 mesurer le monde par paz, qui est vne chose pleine
 de trop grande braueté, encor qu'il die l'auoir fait
 si subtilement, & auec si bon compte que ce seroit
 honte à celuy, qui ne le croyroit . De l'opinion de

tous ces philosophes est sorty le prouerbe qui dit: que, quand on se trouue neuf en aucune chose, on semble estre en vn autre monde. Nous aurions estimé peu le dire de ces gentils, puisque, comme dit saint Augustin, ils s'embrouillent ainsi en vne infinité de mondes avec leurs folles, & vaines pensées; encor moins aussi celuy des hereticques dits Ophiens, & celuy des Tamuldistes, qui affirment auoir dix-neuf mille mondes, puis qu'ils escriuent contre l'Euangile, s'il n'y auoit des Theologiens, qui font mention de plusieurs mondes. Baruch parle de sept mondes, comme dit Origene, & Clemēt disciple des Apostres dit en vne sienne Epistre, selon Origene, en son liure Peri arcon, que la mer Oceane n'est nauigable, & que les mondes, qui sont derriere iceluy se gouernent par la prouidence de Dieu. Semblablement saint Hierosme allegue ceste mesme autorité sur l'Epistre de saint Paul aux Ephesiens, où il est dit: tout le monde est inys en malice. En plusieurs passages du nouueau testament il est fait mention d'un autre monde, & IESVS CHRIST, qui est la mesme verité, disoit que son regne n'estoit point de ce monde, & appelle le Diable prince de ce monde: disant cela, il semble qu'il en y a d'autres pour le moins vn, & c'est ce qui fait errer les heretiques Ophiens, lesquels n'entendans pas bien l'escripture sainte inferoient par là qu'il y auoit innumerables mondes, & qui croyroit qu'il y eust plusieurs mondes comme le nostre il failleroit malheureusement avec eux. Tout ce monde que Dieu a cree ciel, terre, eau, & les choses visibles, comme dit saint Augustin contre les Aca-

demiciens, se maintient l'un l'autre. Ce qui est approuvé par tous les philosophes Chrestiens, & mesme par les Gentils, si ce n'est Aristote avec ses disciples, qui fait le ciel different du monde, au traité qu'il en a composé. Cestuy-cy est donc le monde que Dieu a basti selon qu'il est tesmoigné par saint Jean l'Evangéliste, & plus amplement par Moysé, par ce que s'il y en avoit d'autres eöme cestuy-cy, ils ne l'eussent pas celé. Le Royaume de Iesus-christ, qui n'estoit pas de ce mode (afin que respondions à ce point) est spirituel, & non materiel, & l'appellons autre mode, ainsi comme nous disons vne autre vie, & l'autre siecle: ce que declare fort bien Esdras, disant: Le tout-puissant a fait ce monde pour plusieurs, & l'autre, qui est la gloire pour peu. Et S. Bernard appelle ce monde, inferieur, au regard du Ciel. Quant aux mondes que met Clemēt derriere l'Océan, ils se doivent entendre & prédre pour climats & parties de la terre. Ainsi Plinē & autres auteurs appellent la Scandienne, terre des Gots, & l'isle Taprobane, que maintenant ils appellent Zamorre. Epicure, selon que recite Plutarque, tenoit pour mondes semblables climats & parties de terre, separees de la terre ferme, comme est vne isle: Et parauēture telles portioēs de terre se doivent prédre pour la rōdeur que l'escriture appelle des terres, & quād elle dit de la terre, ce doit estre tout ce mode terrestre. Or quant à moy, encor que ie croye qu'il n'y a qu'un mode, i'en nōmeray toutesfois souuent deux en ce mien œuvre, pour changer les noms en vne mesme chose, & pour mieux m'entēdre, appellant nouveau monde les Indes desquelles i'escris.

*Que le monde est rond, & non plat.**Chap. 2.*

IL y a plusieurs raisons pour prouuer que le monde est rōd, & non plat, mais la plus-claire & plus vray-semblable est le tour rond que le soleil chaque iour luy donne avec vne incredible legereté. Estant donc tout le corps du monde rond; il est necessaire que toutes ses parties soyēt rondes, spécialement les elements, qui sont la terre, l'eau, l'air, & le feu. La terre qui est le centre du mode (ainsi que le demonstrent les Equinoxes) est fixe & stable, tāt & si fort, & si bien fondee sur elle mesme, que iamaïs elle ne defaudra, ny ne flechira : & outre cela elle attire à soy pour ses extremitez la mer, laquelle encor qu'elle soit plus haute que la terre, & plus grande, si garde-elle sa rondeur au milieu de ce monde, & sur la terre, sans s'espādre, ny sans la couvrir, ne voulant rompre le commandement & les bornes qui luy ont esté baillees : mais enuironne, abbreuue, & taille en plusieurs lieux la terre, de telle maniere qu'elle ne se mesle aucunement avec elle, ce qui semble vn miracle. Plusieurs ont pensé qu'elle estoit comme vn œuf, ou vne pomme de pin, ou bien comme vne poire. Et Democrite l'a estimee ronde comme vn plat, mais non pas creuse. Anaximander, Anaximenes, & Lactance, & ceux qui nient les Antipodes, affirment que ce corps rond composé d'eau & de terre, est plat : ils l'appellent plat à comparaison de rond, encor qu'on y voye plusieurs montaignes & valees. Quel hōme de raison qu'on voudra prendre, encor qu'il n'ait aucunes lettres, trouuera incontinent le point où

ce, & absence du Soleil, & sur l'excessive chaleur, qui est souz la Zone torride pour la vicinité & présence continue du Soleil. Le mesme est confirmé par l'Escot, & quasi par tous les autres Theologiens modernes : mesme Jean Picque de la Mirandolle, Seigneur fort docte, soustint en ses conclusions qu'il proposa à Rome, en présence du Pape Alexâdre sixiesme, comme il estoit impossible que aucun homme peut viure, ny demeurer souz la Zone torride. Mais maintenant le contraire se prouue par le dire de ces mesmes escriuains, & par l'autorité des sages anciens & modernes, par la sentence de l'escriture sainte, & par l'experience, Strabon, Mela, & Pline, qui cōfirment ce que nous auons dit de ces cinq Zones, disent qu'il y a des hommes en *Æthiopie*, en la *Chersonelle doree*, & en *Taprobane*, que nous nommons aujourd'huy *Guinee*, *Malague* & *Zamorre*, lesquels pais toutes-fois sont sous la Zone torride. La *Scandinavie*, les monts *Hyberbores*, & autres terres, qui sont sous la *Tramontane* denotee par le pource, sont peuples, & toutesfois selon *Herodote* en son *Melpomene*, & *Solin* en son *Polyhistor*, ces *Hyperbores* sont sous la *Tramontane*, combien que *Ptolomee* ne les mette si voisins du pôle, il ne les met qu'à septante degrez de l'equinoxial, ce que nie *Matthieu de Micoy*. On s'esmerueille de *Pline* (auteur graue) de ce qu'en escriuant de ces cinq Zones, il s'est ainsi oublie, ou bien de son petit sçauoir en la *Geographie* & *Mathematique*. Le premier qui asseura que la terre estoit habitable du costé des Zones temperees, fut *Parmenides*, selon que dit *Plu-*

tarque. Solin recitant quelques autheurs anciens, met les Hyperbores où vn iour dure demy an, & vne nuit, vn autre demy: cela aduient, parce qu'ils sont à quatre vingts degrez de l'Equinoxial, viuans au reste sainemēt, & si long tēps, que quand ils sont saouls de viure, ils se tuent eux-mesmes. Il dit aussi que les Arimphées qui sont en ce climat mesme, sōt sans cheueux & sans bōnet. Ablauc historien Goth escript que les Adogites, qui ont le iour de quarante iours des nostres, & la nuit de quarāte nuits, à rai sōn qu'ils sont loing du Sur septante degrez, viuēt sans mourir de froid. Galeote de Narue en son liure qu'il a fait des choses incongneues au vulgaire, assure qu'il y a de grāds peuples vers le quartier qui est pres & sous la Tramontane. Saxe grāmairien, & Olauu Goth, Archeuesque d'Vpsale, lequel i'ay hā-tē longuemēt à Bologne & à Venize, pour vne terre bien peulee mettē la Scandinanie, qu'aujour-d'huy on appelle Suece, laquelle est neātmoins fort Septētrionale. Albert le grand, qui tient pour mauuaise demeure le pais, qui est à ci quātēsix degrez du Sur, croit qu'il est impossible qu'il y ait habitation sous la Tramontane: car où la nuit dure vn mois, la froidure, ce dit-il, est intollerable: Aussi Antoine Boufin en son histoire des Hōgres & Bohemes dit, que es Isles pres la mer glacee, les loups perdēt les yeux, à cause du froid. Quant à la Zone torride, plusieurs ont escript qu'elle est peulee, & qu'elle se peut habiter. Auerrois le prouue par Aristote au 4. liure du Ciel & du mōde. Auicēne en sa doct. 2. & Albert le grand au chap. 6. de la nature des lieux, ont voulu prouuer par raisons naturelles que la terre qui

est souz la Zone torride, est habitable: & d'auantage qu'elle est plus t  p  ree pour la vie de l'h  me, que les Zones des Tropicques. Heraclides, & plusieurs Pythagoriciens, selon que recite Theodor  t, ont estim   que chascue estoille fust vn monde, & qu'il y auoit des h  mes qui demeuroient en icelle. Xenophanes c  me rapporte Lactance, disoit qu'il y auoit des hommes qui demeuroient au sein & c  cavit   de la Lune. Anaxagoras, & Democrite disoit qu'il y auoit en icelle des montagnes, vallees, & des champs: & les Pythagoriciens y mettoient des arbres, & animaux quinze fois plus grands que la terre, & quelle estoit de couleur de terre: qu'elle   toit peuplee & pleine d'hommes comme nous. De l   sont venues les nouuelles & fables que les vieilles comptent, estans accroupies    leur feu. Il y a eu semblablement des Stoiciens (comme dit Lactance, alleg  t Seneque) qui ont dout   s'il y auoit, ou non, des peuples au Soleil. Voyla comment les p  sees, & les langues des hommes s'extrauaguent, quand en toute libert   on ose proferer ce qui vient en la fantasie. Le Seigneur (dit Esaye prophete, au chap. 45.) n'a point cr  e la terre en vain, il ne l'a faicte sin   afin qu'   s'y habitast, & qu'on y peuplast. Et Zacharie dit au commencement de sa prophetie, qu'ils cheminer  t la terre, laquelle estoit toute peuplee & pleine de gens. Et si on croit que la mer soit pleine de poissons en tous lieux autant aux lieux froids & chauds, qu'aux temperez, la terre ne doit pas estre vaine, & vuyde d'hommes   s Zones, que on feint estre intemperees: & moins le froid, quel enemy il puisse estre    la vie humaine, les empes-

chent puis qu'ils y vivent longuement, & vôt teste nue à l'air, comme nous auôs dit des Hyperborees & Arimphées : car si la coustume naturelle de viure fait qu'on se conserue sain & entier, mesmes és lieux pestiferez, combien plus est-il ayse se conseruer en pais froid? Il est bien vray qu'il fait meilleur viure en la Zone torride, estant le chaut plus amiable au corps humain. Et par ainsi la terre n'est point depeuplee pour le trop grand chaud, ou pour le trop grand froid, mais bien par faute d'eau & de pain. Outre ce que i'ay dit, l'homme estant fait de terre, peut viure en quelque partie de la terre qu'il voudra : attendu mesme que Dieu commanda à Adam & Eue qu'ils creussent, multipliasse & remplissent la terre. L'experience, qui se fait iournellement à nauiguer la mer si continuellement, & à voyager par terre, est si grande que nous sçauons comme toute la terre est habitable, & comme elle est habitee & pleine de gens. Gloire en soit à Dieu, & honneur aux Espagnols, lesquels en descouurant & conquestant, ont cheminé par terre, & nauigué la grand mer Oceane, trauersans la Zone torride, & passans souz le cercle Artique, qui seruoÿt d'es-pouuentaux à nos anciens.

Qu'il y a des Antipodes, & pourquoy ils s'appellent ainsi.

Chap. 4.

ON appelle Antipodes les hōmes, qui cheminent sur la rondeur de la terre au cōtraire de nous autres, ou au contraire del'vn de l'autre, lesquels semblent, encor' qu'il ne soit pas ainsi, tenir la teste basse & les pieds haults. Sur laquelle chose comme dict Plinc, y a grand discord entre les do-

ctes, & personnes de lettre. Aucuns nyent ces Antipodes, autres les approuuent, aucuns assurens qu'il y en a, afferment qu'ils ne se peuuent veoir, ny trouuer, & ainsi sont vacillant, & font troubler les autres. Strabon, & autres qui ont esté deuant, & apres les nient gaillardement, disans qu'il est impossible qu'il y ait des hommes en l'Hemisphère inferieur, où on les met. Laisant là les auteurs gentils, ie dis qu'il y a aussi des Chrestiens, qui nient qu'il y ait des Antipodes. Ceux qui tiennent la terre pour plate, les nient. Lactance Firmian y contredit aussi gentiment, croyant qu'il n'y a point d'hommes, qui marchent en terre au cōtraire de nous, par ce que si telle chose estoit vraye, ils chemineroient contre nature les pieds en hault, & la teste en bas: chose en son iugement faincte, & faincte pour rire. Et pour ceste raison on s'est mocqué grandement de ceux, qui croyoient que le monde fust rond, & qu'il y eust des Antipodes. Sainct Augustin les nie pareillement au seizieme liure de la Cité de Dieu, chap. neuvieme, il les nie selon que ie croy pour n'auoir trouué en l'escripture sainte aucune memoire d'eux: & encor' pour s'oster hors de debat ainsi qu'on dict, par ce que s'il les eust confessez, il n'eust sceu prouuer qu'ils fussent descendus d'Adá & Eue, comme nous autres, qui demourons en ceste moitié du monde, & Hemisphère, lesquels il faisoit citadins, & voisins de la cité de Dieu qu'il d'escriuoit. Aussi l'ancienne, & cōmune opiniō des Philosophes, & Theologiens de ce temps là, estoit qu'ecor' qu'il y eust des Antipodes, ils ne pouuoient toutesfois cōmuniquer avec nous autres, à cause

qu'ils deuoient estre en l'autre hemispheré, & en l'autre moitié de la rondeur de la terre, ou il est impossible aller ne venir pour la grande, & non nauigable mer, qui est entre deux, & pour la Zone torride, qui nous coupe le chemin, & passage. Notre saint Isidore en ses Etymologies dict, qu'il n'y a raison de croire qu'il y ait des Antipodes, par ce que la constitution de la terre ne sçauroit comporter telle opinion, & aussi qu'il ne se peult prouuer par aucune histoire, sinon par les Poëtes, qui les ont inuentez pour auoir occasion de laiser. Lactāce, n'Isidore n'ont eu aucune raison de les nier. Sainct Augustin a esté poussé à les nier pour la cause que j'ai dicté. Mais encore qu'on ne trouue en la Bible ce nom d'Antipodes, si n'est ce pas vn argument, qui nous oblige à croire qu'il n'y en ait point, puis qu'il est escrit en la Bible mesme comme la terre est ronde, & comme le Ciel & le Soleil l'environnent; ce qu'estans ainsi tous hommes ont necessairement leurs testes droictes vers le Ciel, & les pieds sur la terre. Car, en quel costé d'icelles les hommes soient, ils sont ne plus ne moins que les rayons d'une rouë d'une charette, qui se tiennēt fermes au trou ou ils sont fichez, quand la charette est menee, sans qu'aucun d'eux soit en la rouë plus droict que l'autre ne plus hault, ny plus renuersé. Quasi tous Philosophes anciens ont tenu pour certain qu'il y auoit des Antipodes selon que recite Plutarque en son liure des opinions des Philosophes, & selon Macrobe sur le songe de Scipion. Ce nom d'Antipodes est si commun que le nombre de ceux, qui ne l'ont congneu ne leur

doit estre bien petit, & croy qu'il a tousiours esté en bruit iusques icy depuis le deluge. Le premier, que ie scache, qui ait fait mention entré les Theologiens Chrestiens des Antipodes a esté Clement disciple des Apostres, selon que disent Origene & saint Hierosme, de maniere qu'il est tout certain qu'il y en a.

Où, qui, & quels, sont les Antipodes: Chap. 5.

L'Element de la terre, encor qu'il soit party en plusieurs Isles, n'est qu'un corps, qui est rond en sa proportion, soit qu'il semble plat comme nous auons cy deuant dict. Thales Milesien vn des sept Sages de Grece, estoit de ceste opinion, & plusieurs autres Philosophes come l'escrit Plutarque. Mais Oecetes vn autre grãd Philosophe Pitagoricien fait deux terres de la nostre, & de celle des Antipodes. Theopompe historien, selon Tertulian cõtre Hermogenes, dict que Silene affirmoit au Roy Midas qu'il y auoit vne autre rondeur de terre sans la nostre. Macrobe, pour abbreger, traicte bien au lóg de ces deux Hemispheres. Mais il faut scauoir, qu'encor qu'ainsi soit que tous facent bien de mettre deux parties de terre, chasque partie toutesfois ne faict pas vne terre, comme si s'estoient differētes terres: car il n'y a point plus d'un element de terre, sinon qu'il est taillé par la mer ainsi que parle Solin des Hyperborees: & qui contempera l'image du monde en vn globe, & mappemonde; il verra claiřemēt comme la mer part la terre en deũx parties quasi esgallement, qui sont les deux Hemispheres susdits Asie, Affrique, & l'Europe font vne partie, & les Indes l'autre, en laquelle sont ceux

qu'on appelle Antipodes. Il est tout certain que ceux du Peru, qui habitent en Lima, au Cuzco, & Arequipa sont Antipodes à ceux qui vivent à l'embouchement du fleuve Inde, à Calecut & Zeilan, isles & terres d'Asie. Les Molucques (isles des especeries) sont aussi Antipodes de l'Ethiopie, qu'aujourd'hui nous appellons Guinee: Et Pline dit fort bié que la Taprobane est des Antipodes, par ce que certainement ceux de ceste isle sôt Antipodes des Ethiopiés, qui sont à la rive du Nil, entre sa source, & Meroc. Semblablement les Nexicquains, encor que non du tout, sont Antipodes de ceux de l'Arabie heureuse, & de ceux qui habitent au Cap de bonne esperance. Outre les Antipodes, il y en a encor d'autres qu'on appelle Parecques & Antecques: Souz ces trois noîms se comprennent tous les habitans du monde. Les antipodes sont dits, par ce qu'ils cheminent sur la terre directement l'un contre l'autre, comme ceux du Cuzco & de Calecut: Les Antecques de Guinee sont ceux du Calecut, & les Parecques de la mesme Guinee sôt ceux de Cuzco: iceux ne demeurent point en pais contraire comme les Antipodes, ny diuers côme les Antecques, ains demeurent en quartier de mesme temperament. Encor que Antecques & Parecques ne soyét proprement Antipodes, si se peuvent-ils ainsi appeller, & de faict on les y nomme, & ainsi on cõfond les vns avec les autres, ce qui est cause que j'ay remarqué pour Antipodes, de la nouvelle Espagne ceux du Cap de Bonne esperance, qui sont nos Antecques.

Qu'on passe de ce pais aux Antipodes, contre la commune opinion des Philosophes. Chap. 6.

Tous les anciens, j'entends les Philosophes gentils, nient qu'on puisse passer de nostre Hemisphere à celuy des Antipodes, à cause que la Zone torride est au meillieu, qui les separe: & aussi à cause de l'Ocean, qui empesche le passage, ainsi que plus amplement le traicte Macrobe, sur le songe de Scipion que cōposa Cicerō: Quand aux Philosophes Chrestiens, Clement dict qu'il n'y a homme, qui puisse passer l'Océa: & Albert, qui est des nouueaux le confirme. Je croy bien que iamais le chemin ne fut cogneu par eux, & puis les Indics, qu'on appelle Antipodes, n'auoient point vaisseaux suffisans pour si longue, & si forte nauigation, cōme ont les Espagnols pour la mer Oceane. Mais le chemin est des-là si frequenté, & cogneu que chaque iour les Espagnols y vont fort aisément, & ainsi l'experience est contraire à la Philosophie: Je veux laisser là le grand nombre de nauire, qui ordinairement vont d'Espagne aux Indes, j'en coteray seulement vne nommee la Victoire, qui donna la volte à tout le rond de la terre, & qui abordant au pays des vns, & des autres Antipodes, demōstra l'ignorance du sçauoir ancien, & s'en retourna en Espagne, dedans le troisieme an qu'elle estoit partie, selō que plus amplement nous dirons quand nous traicterons du destroiēt Magelanique.

De la situation de la terre. Chap. 7.

Il semble estre vne grande vanité de vouloir situer la grandeur de la tetre, & toutesfois c'est vne chose fort facile. Sa situation donc est au meillieu du monde, & la mer, qui l'environne, luy sert d'aisses, ie ne le sçauois dire plus briuefement, ny plus.

plus au vray . Mela pour signes notables , & pour les fins & limites , dū ciel il marque , comme aussi faiēt Dauid au Pſalme 106. l'Orient, le Ponent, le Septentrion , & le Midi , desquels meſmes ils bornent aussi la terre, & par le moyen d'iceux ils tiennent le compte des voyages qu'il conuiēt faire par icelles. Eratoſthenes ne mettoit pour ſes aiſles que les deux poles, la Tramontane, & le Midi, diuiſant la terre ſelō le chemin du ſoleil. Marc Varro louoit fort ceſte partition à cauſe qu'elle eſt cōforme à la raiſon, qui nous diēt que ces poles ſont fermes, ſtables, & immobiles, cōme ceux qui ſouſtiennent le ciel , & autour deſquels il prend ſon mouuement. Outre que ces ſignes ſuſdits, qu'un chacū cognoiſt, pour entēdre vers quel coſté du ciel nous ſommes, ils aidēt encor' à entendre à combien eſt le deſtroit de Gibraltar , de la Tramontane . Mettons Eſpagne pour exēple, elle eſt vers Tramontane, & à cinquante degrez d'icelle, ou pour mieux dire , du point de de la terre, qui eſt ou peult eſtre ſous la meſme Tramōtane, qui ſont neuf cens & quatre vingts lieuës: ſelon le cōmun compte des Coſmographes, & mathematiſciens, elle eſt à trente ſix degrez de l'Equinoxial, ce qui reuient à noſtre compte. Et à celle fin que de là en auāt on entēde quelle choſe eſt degre, ie veux dire ce qui en eſt. Il faut aussi ſçauoir que les mariniers Eſpagnols prennent quatre mil pour lieuës, & les Italiēs en prennent cinq, & nous prendrons touſiours quatre mil pour vne lieuē.

Que ſont-ce degrez. Chap: 8.

ANciennement, on comptoit & on meſuroit la terre, & le monde par ſtades, paz, & picds ſelon
b.

qu'on lit en Plinē, Strabō, & autres auteurs. Mais depuis que Ptolomée inuenta ces degrez, cent cinquante ans apres la passion de IESVS CHRIST, on laissa ce compte. Ptolomée donc partit tout le corps, & tour que faict la terre, & la mer en trois cēssoixāte degrez de lōgueur, & en autāt de largeur, car le monde estant rond, il est aussi large, que lōg, & donna à chacun degré soixante mil, qui font dix-sept lieues & demye d'Espagne, de façon que le rōd de la terre, en chemināt droit par quelle part qu'on voudra des quatre sus-nōmees, a de circuit six mille deux cēs lieues, qui sont vingt quatre mille, huit cents mille. Ce compte est si certain, que tous en v-sent & le louent, & est d'autant plus à louer celuy qui l'a trouué de ce que Iob, & l'Ecclesiastique ont estimé estre difficile qu'aucū peut trouuer la mesure, & largeur de la terre. On appelle les degrez de longueur ceux, qui se cōmptent d'un soleil a autre par equinoxial, qui tire de l'Orient à Ponent par le meillieu de la rondeur de la terre : Iceux ne se peuvent pas bien comprendre à cause qu'il n'y a point au ciel de ce costé là signe aucun, qui soit stable, & arresté par ce que le soleil, encor que ce soit un signe bien clair & euidēt, chāge chascue iour quelque peu, & iamais ne reprēd son cours par la voye mesme, par laquelle il a ia passé selon l'aduis de plusieurs Astrologiēs. On ne sçait le nōbre de ceux, qui se sont tourmentes à chercher les moyens, de pouoir comprendre, & remarquer les degrez de longueur, comme on remarque ceux de la largeur & haulteur, tant y a que personne n'a peu encor trouuer ces moyens. Les degrez de haulteur, ou lar-

geur sont ceux qui se comptent de la Tramontane, lesquels sont certains, & s'accordent de poinct en poinct, a raison que la Tramôtane est ferme, & stable, & sert de blanc où on vise. Par ces degrez ie remarqueray la terre. Iceux se diuisent en quatre parties esgales, de la Tramontane à l'Equinoxial, il y a quatre vintgs dix degrez, de l'Equinoxial au Midy; il y en a autât, de Midy à l'Equinoxial encor' autât: & d'iceluy à la Tramontane s'en cõpte autant. Mais nous n'auõs aucune relation des terres, qui sont en yne si grãde distâce, cõme de celles, qui doiuent estre sous le Midy, qui est l'autre esseuil du ciel, de la veüe desquelles nous sommes priuez, car cõme il y a des hyperborees, il y a aussi des hypernocques, ainsi que dict Herodote; qui sont voisins du Midy, & parauenture sont ce ceux, qui habitent es pays du destroit Magelanique, qui suit la voye de l'autre Pole, laquelle, n'est encor cogneu. Partant ie concluds que la rondeur, & grandeur de la terre ne sera entierement cogneue iusques au temps quelqu'un l'ait enuironné par dessus les deux Poles, comme Jean Sebastien de la Cane l'a entouree par dessous l'Equinoxial.

Qui fut inuenteur de l'esguille marine. Chap. 9.

Auant que commencer la description & cosmographie ie veux dire quelque chose de la navigation, par ce que sans icelle on n'eust rien sceu de ceste description. Car on n'expedie pas tant de chemin, ne si viste par terre, comme par eau, & sans les nauires iamais les Indes n'eussent esté trouuees, & les vaisseaux se fussent perdus en la mer oceane, s'ils n'eussent porté l'esguille: tellement que ceste es-

guille est la principale partie pour bien nauiguer. Le premier, ainsi qu'escriuent Blonde, & Malphee Girard, qui trouua ceste esguille marine & l'vltance d'icelle fut Flaue, natif de Melphe, cité du Royaume de Naple, où encor auiourd'huy ils s'en glorifient, & non sans grande raison, puis qu'un de leur voyfins a trouué vne chose si necessaire, si profitable, & si subtile. Les anciens n'ont sceu trouuer ce secret, encor qu'ils eussent le fer & l'aymant qui sont les matieres pour cōposer ceste esguille. Ceux qui sont plus obligez à Flaue sōt les Espagnols, qui nauigent beaucoup. Ce secret fut inuēté, peut estre, il y a deux cens cinquante ans : ou, tout au plus, trois cens ans. Aucun ne sçait la cause pourquoy le fer touché à l'aymant, regarde tousiours la Tramontane: tous l'attribuent à vne certaine proprieté occulte, aucuns en dōnent la vertu à la Tramontane, & les autres à la mixtion que font ensemble le fer, & la pierre. Si c'estoit proprieté de la Tramontane, il se feroit, cōme disent les Nochers, mutation en l'esguille quad le vent est de Nordest, qui est le vent Grec, hors de l'Isle troisieme des Azores à huit cēs mil d'Espagne, vers Ponēt l'est, ou est, c'est à dire Leuant, Ponēt. Encor moins aussi ceste esguille perdroit sa vertu quad on passe, comme dit Olanu, par dessous l'Isle d'Aymant, mais soit que ce soit, l'aymant regarde tousiours la Tramōtane, encor qu'on nauigue pres du midy. L'Aymant a pieds & reste, & encor dit-on qu'il a des bras : le fer qui y est suit la reste, iamais ne s'arreste qu'il ne regarde directemēt la Tramontane, ainsi fait-on les quadrants pour le soleil: les pieds seruent pour le midy, & le reste sert

pour les autres parties du ciel,

*Opinion que Asie, Afrique & Europe, ne sont que
Isles. Chap. 10.*

LEs anciens ont party nostre hemisphere en trois parties, Asie, Europe & Afrique. Ils ont separé l'Asie de l'Europe par le fleuve Tanais, ainsi que recite Isocrates en son Panegyricque, & ont diuisé l'Asie de l'Afrique, par le fleuve du Nil, & possible la diuision eust esté meilleure par la mer rouge, qui quasi trauerse la terre depuis la mer Oceane iusques à l'autre Mediterranee. Celuy qu'on nôme Berosé dit que Noé donna les noms à l'Afrique, l'Asie, & l'Europe, & les distribua à ses trois fils, Cam, Sem, & Iaphet, & qu'il vogua par la mer Mediterranee l'espace de dix ans. Nous demonstrerôs à la fin que ces trois susdites prouinces occupent la moitié de la terre. Tous en general afferment que l'Asie est plus grande qu'aucune des autres, & mesme que les deux autres ensemble; mais Herodote se moque en son Melpomene de ceux qui font l'Europe esgale à l'Asie, disant que l'Europe est esgale en longueur à l'Asie & Afrique, & les passe en largeur, ce qui n'est hors de verité: Mais laissant cela pour ceste heure, ie dis que Homere autheur fort ancien disoit que le rond, qui se diuise en l'Europe, Asie & Afrique n'estoit que vne Isle, comme racompte Pomponé Mela en son troisieme liure. Strabon, au premier de la Geographie dict que la terre qui est habitée est vne Isle toute enuironnée de l'Ocean. Higini, & Solin confirment ceste opinion, encor que Solin erre en l'imposition des noms de la mer, pensant que la mer Caspe fust partie de l'Ocean, qui

toutesfois est mediterrancee, c'est à dire, entre des terres, & ne participe en rien de la grand mer. Strabon racompte comme au temps du Roy de Prolo-mee Euegetes vn certain Eudoxe nauigea trois ou quatre fois de Caliz en Indie, qui a prins son nom d'vn fleuve: & que les gardes de la mer Arabeque, qui est la mer rouge apporterent audit Roy vn Indien en present. Le roy Iuba confirme ceste nauigation selô que dict Solin, & a esté tousiours aurât celebree comme aussi elle est notable, & encor' aujourd'huy l'est elle plus qu'elle n'a esté, on faict ce chemin par terre, passant par pays fort chaud, mais il n'est point si penible, comme au contraire, il est tresperilleux, & dangereux voquant par le costé de la Tramôtane, où sont les grâdissimes froids: Aussi il n'est memoire entre anciens, qu'il soit venu de l'Indie à Caliz par ce chemin plus d'vn navire lequel, selon Mela, & Pline alleguans Cornelien arriua en Allemagne. Et le Roy des Suanubes qu'aucuns appellent Saxons, presenta certains Indiens de ce vaisseau à Quinte Metelle Celer, qui en ce temps la gouuernoit, la France sous le peuple Romain. Mais possible ces gens estoient du pays de la-beur, & les prindrent pour Indiens abusez de la couleur, car on dict aussi que du temps de l'Empereur Federic Barberousse certains Indiens arriuerēt à Lubec en vne barcque. Le Pape Pie second dict que la mer Sarmaticque & Scyticque est aussi certaine que la mer Germanicque & Indicque: auourd'huy nous sçauons par experiéce certaine comme on peult florter depuis Noruegue iusques à passer par dessous la Tramôtane, & vôguer le lóg & la co-

ste vers le midy iusques à la Cinna. Olan Goth me comptoit plusieurs choses de ces pays, & de ceste nauigation.

Confins & limites des Indes par la voye de Tramontane. Chap. II.

LE pays qu'on appelle Indie, est encor' vne isle cōme est ce país de deça, il cōmence ses limites vers la Tramōtane, qui est vn signe certain. Je compteray par degrez qui est le meilleur, & le pl⁹ vsité ie ne mesureray, ny n'approcheray de l'Europe, Afrique, & Asie, puisque plusieurs en ont assez escript. Les confins donc, qui sont plus proches & plus remarquables vers le Septētriō, sont les isles d'Island, & Grútlád. Islád est vne isle enuiron de cinq cēs mil, situee à septāte degrez de haulteur: mesmes il y ena quelques vns, qui la veulent mettre plus hault, disāns que le iour y dure quasi deux de nos moys. Ce mor d'Islád veut dire isle, ou terre gelee, aussi à l'auerté non seulement la mer se gele à l'entour d'icelle, mais la gelee aussi est si forte au dedās de ceste isle que la terre s'en esclate avec vn merueilleux bruit, tellemēt qu'il semble que ce soit vn grand nombre d'hommes brayants, & se lamentans: de là vient que les habitans pensent que le purgatoire soit là, ou bien qu'on y tourmēte quelques pauures ames. Il y a trois montaignes estranges, qui iettent le feu au pied, estants toutesfois tousiours geles à la cime. Aupres de l'une d'icelles, qu'on nomme Hecla, sort vn feu, qui ne prend point à l'estoupe, & neantmoins brusse sur l'eau, & la consume. Il y a encores deux fontaines notables, l'une, qui iette certaine liqueur comme cire a demy fondue ou

caillee, & l'autre iette son eau bouillante, qui tourne en pierre tout ce que on y iette sans changer la forme & figure. Les ours y sont blancs, aussi sont les regnards, lieures, faucôs, corbeaux, & autres oyseaux, & animaux sêblables. L'herbe y croist haute & espaisse, & y en a tant qu'ils ne s'en souciét: aussi le bestial y profite merueilleusement, & est-on contraint de l'oster de pasturage de peur qu'il ne creue de graisse. La laine est grosse, mais le beurre est bon à perfection, lequel avec le poisson est le principal soustenemêt de tous les habitans. Les Baleines frequentent fort le tour de ceste Isle: elle y sont si enragees qu'elles rompent & cassent les nauires. Ils ont faict vne Eglise des costes & os de ces baleines, & autres grands poissons. Les Islandois sont bien dispos de leurs corps, mais sont fort gourmands & sujets à leur bouche. Aucuns ont pensé que ceste isle fust Thylé, isle derniere de celles que les Romains subiuguerent vers la Tramontane, mais ils s'abusent, par ce qu'il n'y a pas long temps qu'elle est descouuerte, & aussi est-elle plus grande & plus tirant vers la bize. Thilé proprement est vne petite isle, qui est entre les Orcades & Faré, tirant vn peu vers l'Occident & est à soixante-sept degrez, encor que Ptolomee ne la mette si haut, & Island est a cêt soixante mil, de Faré, & deux cens quarâte de Thilé, & plus de quatre cens des Orcades. Vers la partie septentrionale d'Island est Gruntland, isle fort grande, laquelle est à cent soixâte mil de Laponie, & vn peu plus de Finmarchie, qui sont pais de la Scandinanie, portion de l'Europe. Les Gruntlandois sont vaillans, & beaux hommes. Leurs vais-

seaux sont couuers de cuir, de peur du froid & des poissons. Gruntland, selō aucuns, est à deux cēs mil des Indes, vers le pais de Labeur : on ne sçait encor si ce pais est joint à Gruntland, ou s'il y a entre deux quelque destroit : si les deux se joignent, les deux ronds & hemispheres de ce monde se couplent aupres de la Bize, ou bien dessus, puis qu'elle n'est point plus de cent soixante mil, ou deux cens mil, de Finmarchie. Et encor qu'il y eust vn destroit, ces pais sont assez voyfins, puis que de celui de Labeur on ne compte selon le commun rapport des mariniers, que cent soixante mil iusques au Faial, qui est vne des isles des Azores, & deux mille mil iusques à l'isle d'Island, & deux mille quatre cens mil iusques en Espagne.

De la situation des Indes.

Chap. 12.

LE costé des Indes, qui est le plus Septentrional, est vers la partie de Gruntland, & d'Island. Il s'estend le long de sa coste huiēt cēs mil iusques au fleuve de Neige, qui est à soixante degrez de hauteur : Ceste coste toutefois n'est encor gueres bien recongneue, de là il ya autre huiēt cens mil iusques à la plage des Molues, & toute ceste coste est quasi situee sous le mesme soixantiesme degré, & c'est le pais qu'on appelle de Labeur : ceste coste enclost l'isle des Demons. Des Molues iusques au cap de Mars, qui est au cinquāte-sixiesme degré, on cōpte deux cēs quarante mil : de là iusques au Cap de Gado deux cens mil : de ce cap, qui est à cinquante & quatre degrez de hauteur, suiuant la coste droit en Ponent on compte huiēt cens iusques à vn grand

fleuve dict saint Laurent, qu'aucuns croient estre
 bras de mer, & a on vogué dessus plus de 800. mil
 en tirant contremont: de là est venu qu'on l'a ap-
 pellé le destroit des trois freres. Il sy fait vn goul-
 fe quasi quarré, qui tourne iusque à la poincte de
 Baccalos plus de 800. mil. Outre ceste poincte, &
 le cap de Gado, on voit plusieurs isles bié peuplées,
 qu'on nomme Cortes Reales, lesquelles resserrent
 & couurent ce goulfe quarré, C'est vn lieu en ce
 quartier là fort notable. De la poincte de Baccalos
 à la Floride on met 3440. mil, en comptant ainsi
 par le menu: premieremēt de la poincte de Bacca-
 leos, qui est à 48. degrez & demy, on compte 280-
 mil iusques à la plage du fleuve: & de ceste plage,
 qui est vn peu plus qu'à 45. degrez, y a autres 280.
 mil iusque à vne autre plage, qu'on nomme de Is-
 leos, qui est quasi à 44. degrez de cest plage iusques
 au fleuve Fonde on marque 280. mil, & de là en vn
 autre fleuve qui s'appelle de Gamas, y à 240. mil, &
 tous les deux fleuves sont à 43. degrez du fleuve de
 Gamas, on compte 200. mil iusques au cap de S.
 Marie, aupres duquel est le cap Bas à 160. mil, & de
 là iusques au fleuve de S. Antoine on met plus de
 400. mil: de ce fleuve on cōpte en tournant par la
 coste à l'étour d'un goulfe 320. mil, iusques au cap
 des Arenes, qui est quasi à 39. degrez des Arenes au
 port du prince, y a plus de 400. mil, & de là iusques
 au fleuve Iourdan 280. & de ce fleuve au cap S. He-
 lene, qui est à 32. deg. y a 160. mil: de ce cap au fleuve
 Sec y a autre 160. mil: de ce Sec, qui est à 31. degré,
 on compte 80. mil iusques à la Croix, & de là à Câ-
 naueral, qui est à 28. degr. y a autre 160. iusques à la

poincte de la Floride. La Floride est comme vne langue de terre, qui s'estend en la mer bien 400. mil droiēt vers le Midy. Et il a à l'opposite de soy loing enuiron de 100. mil l'isle de Cuba, & port de la Habane, & vers le Leuant ell' a les isles de Bahama & Lucaia. De la poincte de la Floride, qui est à 25. degrez, & qui tient 80. mil de lōgueur, on cōpte 400. mil, ou plus, iusq̄s au goulfe bas, qui est à 200. mil, du fleuue Sec de Ponent en Leuāt, qui est la largeur Floride. Du goulfe bas on met 400. mil iusq̄s à la riuiera des neiges : de là iusques au fleuue de fleurs, y a 220. mil, autant iusque à plage du saint Esprit, laquelle, par vn autre nom ils appellent la Culate, ell' a de costé 120. mil, de ceste plage qui est à 29. degrez, y a plus de 280. mil, iusques au fleuue des pescheurs: de ce fleuue, qui est à vingt huit de grez & demy on met 400. mil iusques à la riuiera des palmes, au pres de laquelle passe le tropicque de Cancer. De ceste riuiera iusques au fleuue Panuco, on compte plus de 120. mil, & de là à la Riche ville, ou bien, la vraye Croix, y a 280. mil, Almerie est comprise en cest espace de la vraye Croix, qui est à vingt-neuf degrez, y a plus de 120. mil, iusques au fleuue Alaurado que les Indiens appellent Papalopan: de ce fleuue à celuy de Coazacoalco on met 200. mil, de là au fleuue de Gritalua vers le cap rōd y a 320. le long de la coste, en laquelle sont situez Ciampoton, & Lazaro, du cap rond à celuy de Cotoce, ou Iucatan on compte 360. & est enuiron à vingt & vn degrez, tellement que le tout bien cōpté, on trouue 3600. mil en costoiant tousiours la mer depuis la Floride iusques Iucatan, qui est vne

autre Promontoire, qui sort de terre, & s'auance en la mer vers la Tramōtane, & d'autant qu'il s'estend en l'eau d'autant plus il s'eslargist. Il y a à deux cēs quarāte mil l'Isle de Cuba vers l'Orient, qui enferme le goulfe, qui est entre la Floride, & Iucatan. Aucūs appellent ce goulfe, le goulfe Mexicain : autres le goulfe de la Floride, quelques vns le goulfe de Cortes. La mer entre en ce goulfe, entre Iucatan, & Cuba, avec vn courant roide, & sort entre Cuba, & la Floride, & iamais ne monte au contraire. De Coroce, où Iucatan, y a 440. iusques au grand fleuue. Il y a en chemin la poincte des femmes, ou dames, & la plage de l'Ascension. De ce grand fleuue qui est à seize degrez & demy, on compte six cens mil, iusques au cap de Cameron, lesquels on diuise en ceste sorte. On en compte 120. depuis ledict fleuue iusques au port de Higueras, ou Fichoré : de Higueras, au port de Cauallios autant, & encor' autant de là, iusques au port du Triomphe de la Croix : & de là au port de Honduras, on en met trente, & de ce port au cap de Cameron 80. d'où on compte 280. iusques au cap de Graces à Dieu, qui est à 14. degrez : on voyt en ceste coste Carthage. De graces à Dieu on marque 280. mil, iusque à Scignato, qui vient du lac de Nicaragua : de là a Zorebaro y a 160. mil, & plus de 200. de Zorebaro, iusques au nom de Dieu : Veragua est au milieu. Ces 360. mil, sont à 9. degrez & demy, ainsi nous auōs 1960. mil, de Iucatan iusques au nom de dieu, qui est notable pour le peu de terre & le peu d'espace, qui est de là iusques a la mer, de midy. Du nō de Dieu y a 280. iusques aux Farellons de Darien,

qui sont à 8. degrez: le long de la Coste on voit Acla, & le port de Misas: & puis suit le goulfe d'Vraba, qui contient en son emboucheure 24. mil, & 56 de longueur. De ce goulfe on compte 280. mil, iusques à Carthagene. On trouue entre deux le fleuve de Zenu, & Caribana, d'où prennent nom les Caribes. De Carthagene on met 200. mil, à S. Marthe, qui est environ à 11. degrez de hauteur, sur la coste on voit le port de Zambre, & le grand fleuve de S. Marthe y a 200. mil, iusques au cap de la voile, qui est à 12. degrez, & à 400. mil, de S. Dominiq, de ce cap on cõpte 160. mil, à Coquibocoa, qui est vn autre cap de la mesme hauteur, au derriere duquel cõmence le goulfe de Venezuela, qui faict de tour 320. mil, iusques au cap de S. Roman: de ce cap au goulfe malheureux, où rõe la Curiane, on met 200 mil. De ce goulfe à celuy de Cariari on met 400. mil, il est à 8. degrez, il contient le port de la Cane fistule, Ciribici, & le fleuve de Cumane, & la poincte de Araja, à 16. mil, d'Araja, est Cubagna, qu'ils appellent Isle des Perles: & de ceste pointe à celle des Salines on cõpte 240. mil, de la pointe des Salines au cap d'Anegat y a pl^o de 280. mil, par le goulfe de Parias, qui se fait entre la terre ferme, & l'Isle de la Trinité. d'Anegat, qui est à 8. degrez, on met 200. mil, iusqs au fleuve doux, qui est à 6. degrez: de ce fleuve à celuy de Orellane qu'on dit le fleuve des Amazones, y a 440. tellement qu'on compte 3200. mil, le long de la coste depuis le nom de Dieu iusques à la riuere d'Orellane, laquelle entrant en la mer s'estend 200. mil, en largeur estant droict sous la ligne Equinoxiale. De ceste riuere on cõpte 400. mil, ius-

quies à celle de Maragnon, qui s'espend en la mer avec vne esteduë de 60. mil, & est à 4. degrez del'Equinoxial vers le Midy. De Maragnon au pays de Humos sur lequel passe la regle du departemēt, on compte autres 400. mil. De là iusques à l'Angle de saint Luc on en compte encor autant. De cet Angle iusques au cap premier y a encor 400. mil, & de là au cap de saint Augustin, qui est à 8. degrez & demy au delà de l'Equinoxial, on compte 280. mil: & à ce compte, d'Orellane iusques à ce cap on trouue 2100. mil. De toutes les Indes ce cap est le plus proche d'Afrique, & d'Espagne: car il n'y a de là iusques au cap verd, selon le commun recit des mariniers point plus de 2000. mil, encor en diminuent ils. Du cap de saint Augustin on met 400. mil, iusques à la plage de tous les saints, qui est à treize degrez suiuant la coste vers le Midy: il y a au meillieu le fleuve de saint François, & le fleuve Royal. De tous les saints on compte 400. mil, iusques au cap de Apre, qui est à 18. degrez ou environ de ce cap iusques à celuy, qu'on appelle froid on met 400. mil, le cap froid est quasi comme vne Isle: & de là y a 400. mil, iusques à la pointe du bon Abrigo, par laquelle passe le tropique de Capricorne: & la raye de la partition du bon Abrigo on compte 200. mil, iusques à la baye de saint Michel, & de là au fleuve de saint François, qui est à vingtsix degrez, y a 240. mil. De saint François à la riuere de Tibiquiri, on met 400. mil, où est le port de Partos, & celuy de Fariol, & autres. De Tibiquiri à la riuere de la Platte, ou d'Argēt, on marque plus de 200. mil, & ainsi on compte 2640. du cap de saint

Augustin iusques à ceste riuere, qui est à 35. degrez, elle tient d'emboucheure iusques à sainte Helene 260. mil, de là iusques aux grosses Arenes y a 120. & de ces Arenes aux rochers d'Annegats 160. & de là à la terre basse 200. & de ceste terre à la plage sans fond 260. de ceste plage qui est à 41. degrez, on met 160. iusques aux Arracifes des loups: de ces loups, qui est à 44. degrez, on compte 180. iusques au cap de saint Dominique, de ce cap iusques à vn autre qu'on nomme Blanc y a 240. qui est pres d'un fleuve nommé saint Iean le Serran, qui est à quarante neuf degrez, autres appellét ce fleuve des trauaux, depuis lequel on cõpte 320. mil iusques au Promõtoire des vnze mille Vierges, qui est à 52. degrez & demy, & en l'emboucheure du destroit Magelanique, lequel dure 440. mil d'une mesme hauteur, & droit de Leuant en Ponent, & est à 4800. de Venezuela tirant de Midy vers la Tramontane, du cap Desiré, qui est à l'autre emboucheure de ce destroit en la mer de Midy qu'on nomme Pacifique, on cõpte 280. mil iusques au cap premier, qui est à 49. degrez, & de ce cap à la riuere des Salines, qui est à quarante quatre degrez, on met plus de 620. mil. De ceste riuere on compte 442. mil, iusques au cap Solitaire, & de ce cap à la riuere de saint François y a 240. mil, de ceste riuere, qui est à quarante degrez, au fleuve Saint, qui est 33. degrez, y a 480. mil: ce fleuve n'est loing de Ciriurara, qu'aucuns appellent le port Desiré de Chillé. De Ciriurara, qui est à 31. degrez, on nauigue quasi par la Tramõtane, & par le Midy par le moyen du fleuve de l'Argent. Du fleuve Saint y a 800. mil, iusques à Cinca & à la ri-

uiere depeuplee, qui est à vingt-deux degrez de ce fleuve y a 360. mil à Arequipa, qui est à dixhuit degrez. D'Arequippa, on compte à Lima 560. mil, qui est à douze degrez. De Lima iusques au cap de l'Anguille on compte plus de 400. mil, qui est à six degrez & demi, sur ceste coste on voit Trufilio & & autres ports. De l'Anguille y a 160. mil au cap Blanc, & de la au cap de sainte Helene 240. mil, Tombez, & Tumbamba sont au milieu, & l'Isle de la Pune. De sainte Helene, qui est à deux degrez de l'Equinoxial y a 280. mil iusqu'à Quigemis par ou il passe sur la coste sont situez les caps de saint Laurent & de Passaôs. On compte le long de ceste coste iusques au cap de saint Augustin 4000. mil: tout ce pays pour estre soubs & aupres de la Zone torride est fort riche & opulent, comme bien l'ont demonstré les prouinces de Colao, & de Quito, ainsi que dirons cy apres. De Quigemis y a 400. mil. iusques au port & fleuve de Peru, duquel a pris le nom la riche & fameuse Prouince & Royaume du Peru, en ce long traict on voit la plage de saint Matthieu, le fleuve de S. Iaques & celuy de S. Ican du Peru, qui est à deux degrez de l'Equinoxial en tirant en ça. De l'Equinoxial on comte plus de 280. iusques au goulfe de saint Michel, qui est à 6. degrez de l'Equinoxial, & a de tour 200. mil, & n'est qu'à 100. du goulfe d'Vraba. De saint Michel on met 220. mil à Panama, qui est à huit degrez & demi de l'Equinoxial en ça, & n'est qu'à 60. mil du nom de Dieu, si ceste espace estoit rerranchee le Peru seroit vn Isle. Ce Royaume de Peru a de largeur mille lieues, & de lógueur 1200. & donnant trois mil

mil seulement pour vne lieuë (comme on compte par terre) la largeur seroit de 3000. mil, & la longueur de 3600: il y a de tour 4065. lieuës, & par ce que le circuit s'estend pour vne bonne partie sur la coste de la mer, nous compterons à la mode de la mer, qui est de quatre mil pour vne lieuë, tellement que le tour se montera iusques à 16260. mil. De Panama suyuant tousiours la coste iusques à Tecoantepec on compte 2600. mil, en comptant en ceste façon. De Panama on mesure 280. mil, iusques à la poincte de la Guerre, qui est enuiron à six degrez, en ceste coste on trouue Paris, & Natan. De la Guerre à Borrique, qui est vn autre pointe de terre à huit degrez, y a 400. mil. de Borrique on compte autres 400. mil, iusques au cap Blanc, où est le port de la Ferrallerie, duquel on compte encor 400. mil iusques au port de la possession de Nicaragua, qui est pres de douze degrez de l'Equinoxial. De la possession à la plage de Fonseca y a 60. mil: de là à Ciorotega 80. de Ciorotega au grãd fleuve 120. & de ce fleuve à celuy de Guatimala 260. mil. De Guatimala à Catula y a 200. mil, & tout au pres est le lac de Cortes, qui contient 200. mil de lōueur, & trēte deux de large, de là au port Serre y a 400. mil, & de là à Tecoantepec 160. qui est tirant vers la Tramōtane, & le midy avec le fleuve de Coazacoalco, & est vn peu plus qu'à treize degrez, tellement que iustement finissent les 2600 mil. Tout ce traict de pays est fort estroict d'une mer à l'autre, & semble que la mer d'une part & d'autre, ronge ces costes pour se ioindre ensemble, ainsi aussi elle nous monstre comme il seroit aisé

faire vn passage d'un costé à l'autre. De Tecoaantepec à Colima on met 400. mil, on voit sur la coste Acapulco, & Zacatula. De Colima on compte 400. mil iusques au cap des Courans, qui est à vingt degrez: le port de Nouël est en ce quartier. Du cap des Courans y a 240. mil iusques à celui de Ciametlan, par lequel passe le tropique de Cancer: sur ceste coste sont situez les ports de Xalisco, & de Vandas. De Ciametlan y a 1000. mil iusques à l'estang ou fleuve de Miraflores, qui est quasi à trente-trois degrez: en ces 1000. mil on voit le fleuve de saint Michel, le Guayaual, le port de remede, le cap Roux, le port des ports, & le port du passage. De Miraflores à la pointe des Baleines, qu'autres appellent Califormia, y a 880. en passant par le port caché, par Belen, le port des Feux, & la plage de Canoa, & par l'Isle des perles. La poincte des Baleines est sous le tropique, & à 320. mil du cap des Couras, par lesquels entre la mer de Cortes, qui ressemble à l'Adriatique, & est quelque peu rouge. De la pointe des Baleines iusques à la plage de l'Abbe y a 400. mil, & de là on en compte autant au cap de tromperie, qui est loing de l'Equinoxial trente degrez & demy, aucuns y en mettent d'auantage, mais quant à moy ie suis la commune opinion: De la Tromperie au cap de la Croix y a quasi 200. mil, & de ce cap y a quatre cens quarante mil iusques au port des Sardines, qui est à trêtesix degrez: En ceste coste est situé le goulfe de saint Michel, la plage des Feux, & la coste blanche. Des Sardines au mont des neiges on compte 600. mil, passant par le port de tous les saints, le cap de la galere, le cap de neige, & la

des premiers. Le mont de neige est à quarante degrez, & est le dernier país remarqué en ce quartier là, si est-ce toutesfois que le reste de la coste suit la Tramontane encor bien loing iusques à borner toutes les terres susdictes avec la terre de labour; ou Gruntlandi en forme d'Isle, & ce reste monte iusques à 2040. mil: & par ainsi on costoye toutes les Indes de contree en cōtree iusques au dernier país congneu & descouuert. Quāt à ce qui est congneu il contient de tour 9300. lieuës & plus, qui sont 37200. Il y en a 3375. lieuës par la coste de la mer de Midi, & 5960. par nostre mer tirant du Nort, qui est la Tramontane. Au surplus il faut entēdre que toute la mer de Midi croist, & diminue beaucoup, & en aucuns caps six mil, & iusques à perdre la marée: & au contraire la mer de Nort ne croist quasi point sinon depuis Parie iusques au destroit Magellanique, & en quelques autres endroits. Personne iusques auourd'huy n'a peu encor sçauoir ny comprendre le secret, ny la cause de la croissance & décroissance de la mer, & encor moins pourquoy c'est qu'en aucuns lieux elle croist, en autres, non. Partāt ce seroit chose superflue d'en traicter icy quelque chose. Le compte que ie prens des lieuës & degrez, est selon les cartes marines des Cosmographes du Roy, lesquels ne reçoient, ny ne font memoire d'aucune relation de quelque pilote que ce soit sās auoir receu le sermēt & bon tesmoignage. Ie veux bien dire encor qu'il y a autres Isles & país en la rōdeur de la terre, sans ce que nous auons descrit cy dessus, entre lesquels est le país du destroit Magellanique, qui regarde l'Orient, lequel est de grande

estenduë à ce qu'on en peut veoir, & est bien pres du pol Antartique, on pense qu'un des costez dece pays responde vers le cap de Bonne-esperance, & l'autre vers les Molucches, par ce que les pilotes du viceroy Anthoine de Mendozze rencontrerent vn pays de Negres, qui duroit 2000. mil, & croyoyët q ce pays se cōfinaist avec celuy que nous disons. Par ainsi on voit que la grandeur de la terre n'est point encor toute descouuerte, mais les pays que nous auons d'escrit font le corps de la terre, que nous appellons Monde.

Comment les Indes furent descouuertes pour la premiere fois. Chap. 13.

Comme vne Carauelle flottoit par nostre grād mer Oceane, vint à s'esleuer vn vent d'Ost si fort & impetueux, & soufflant si continuellement que ladicte Carauelle se trouua en vn pays inconnu, ny aucunement marqué en la Mappemonde, ou Carte marine. Elle retourna de la en bien plus long temps qu'elle n'auoit faict à aller, & quād elle arriua de par deça elle n'auoit plus qu'un Pilote, & trois ou quatre Mariniers, lesquels estans arriuez malades, & de faim & de trauail moururēt en peu de iours au port. Voila cōment se descouurirent les Indes, avec l'infortune de celuy, qui premier les vit, finissant sa vie auāt que iouir d'elles, & mesme sans laisser memoire de son nom, n'y d'oū il estoit, ny en quel an il les trouua. Je croy biē que ce ne fut pas sa faute, mais cela aduint par la malice, & meschāceté d'autrui, ou bien par l'enuie de celle qu'on appelle Fortune. Je m'esmerueille des histoires anciennes, qui de petits commencemens

nous racomptent de haults faicts, & grandes entreprises, puis que no^r sçauōs, qui est celuy, qui depuis peu de temps en ça a descouuert les Indes qui sont si remarquables, & si nouuelles. Si le nom de ce Pilote au moins fust resté, puis que tout a prins fin avec sa mort. Aucuns font ce Pilote d'Audeluz, lequel lors que ceste fortune luy aduint cōtractoit és Isles de Canarie, & madere: autres le font Biscain negociant en Angleterre, & en France: & autres le disent auoir esté Portugays, qui pour lors alloit ou venoit de la Mine, ou Indie, ce qui accorde au nom que prindrent ces nouuelles lettres, aussi il y en a qui disent que cesté Carauelle arriua en Portugal, & autres qu'elle arriua à l'isle de Madere, où à vne autre des Isles des Azores: mais pas vn n'asseure rien, ils s'accordent seulement en cela que ledict Pilote mourut en la maison de Christofle Colomb, en la puissance duquel demeurerēt les registres de la Carauelle, & le raport de tout ce long voyage, avec la marque, & hauteur de ces terres nouuellement trouuees.

Qui estoit Christofle Colomb. Chap. 14.

Christofle Colomb estoit natif de Cugureo, ou comme aucuns veullent, de Nerui, vilage de la Seigneurie de Gennes, qui est vne cité de grand renom en Italie. Il descendoit des Pellestreli de Plaisance en Lombardie. Au commencement il fut petit compagnon comme d'estre marinier, qui est vn mestier auquel volontiers s'employent tous ceux de la riuere de Gennes. Ainsi il n'auigua plusieurs années en Syrie, & en autres pays de Leuant: depuis il deuint maistre à faire des cartes marines,

d'où luy aduint tout le bien, & la bonne aduventure qu'il rencōtra. Il vint en Portugal pour auoir congnoissance de la coste d'Afrique, qui regarde le Midi, & de tout le reste des pais qu'environnēt les Portugays par leurs nauigations. Or pour mieux faire, & pour biē vēdre ses cartes, il se maria en ce Royau me de Portugal, ou, cōme aucuns veulent, en l'isle de Madere, ou, à ce que ie puis croire, il demeueroit au temps qu'arriua la Carauelle cy dessus mentionnee: il receut en sa maison le patron d'icelle, lequel luy racompta tout le voyage qu'il auoit faict, & les terres neuues qu'il auoit veuēs, afin qu'il remarquast en vne carte marine qu'il achetoit de luy: ce pendant mourut ce patron, qui laissa par ce moyen à son hoste la relation, la marque & la hauteur de ces terres neuues. Voila comment Christofle Colomb eut congnoissance des Indes. Et afin que ie n'oublie rien, aucuns ont voulu dire que Colomb scauoit la langue Latine, & qu'il estoit biē entendu en la Cosmographie, qui l'incitoit à chercher les pais des Antipodes, & la riche Cipanga, notee par Marc Paul, pour auoir leu Platon en son Timee, & en sō Crijcias, où il parle d'une fort grāde Isle nomēe Atlantea, & d'un pais couuert plus grand qu'Asie & Affrique. Et aussi pour auoir leu Aristote, ou Theophraste, qui dit cōme certains marchās Cartaginois nauigeās du destroit de Gibraltar, vers Ponēt & Midi, decouurirēt, apres lōgues iournees, vne grande Isle depeuplee, bien pourueue toutesfois, avec riuieres nauigeables. Mais laissant là ces autheurs, ie dis que Christofle Colōb n'estoit point docte, ains seulēmēt de bō iugemēt, & qu'ayant la cognoissāce

de ces nouveaux pais, par le rapport de ce Pilote mort, il s'informa de personnes doctes sur ce que les anciens disoyent des autres pais, & autres mondes: entre autres il communiqua fort avec vn frere lean Peres de Marcene, qui demeuroit au monastere de la Rabida: par telles cōmunications, il creut pour certain ce que luy auoit laissé de bouche, ou par escrit, ce Pilote. Il me sēble que si Colōb eust cōgneu par sō sçauoir où estoÿēt les Indes, beaucoup deuāt sans venir en Espagne, il eust traicté de cest affaire avec les Geneuois, qui couroyent tout le monde, mais iamais n'en creut rien, iusques à ce qu'il eust rencontré ce Pilote Espagnol, lequel il trouua par la fortune de la mer, & par la volonté diuine.

*Combien trauailla Christofle Colomb, pour aller
aux Indes. Chap. 15.*

A Pres que le Pilote & les Mariniers de la Caruelle susdite furēt morts, Christofle Colōb se proposa d'aller chercher ces Indes: mais autant que le desir estoit grand, d'autant la puissance de s'acheminer estoit petite. Car outre qu'il n'auoit les moyens de fournir vn nauire, il auoit encor besoin de la faueur d'vn Roy, de peur qu'apres qu'il auroit descouuert la richesse qu'il imaginoit, on luy enleuast ce bien. Or voyant le Roy de Portugal estre empesché à la conqueste d'Afrique, & à les nauigations en Orient, que pour lors il ne faisoit qu'encommencer, voyant aussi celuy de Castille empesché à la guerre de Grenate, il enuoya sō frere Barthelemy (qui sçauoit aussi son entreprise) au Roy d'Angleterre Henry septiesme, qui estoit fort riche & opulent, & qui n'estoit occupé en au-

cunes guerres, pour negocier avec luy, tendant à fin qu'il luy donnast des vaisseaux pour descouvrir les Indes & qu'il print en sa protection, luy promettant, & l'assurant de luy apporter en peu de temps de grandiffimes thresors. Barthelemy rapportant mauuaise despesche, Christofle comença à traicter de ce negoce avec le Roy de Portugal Alфонse cinquiesme, avec lequel il trouua peu de faueur, & encor' moins de deniers pour aller chercher ces richesses qu'il promettoit, par-ce que ces raisons estoient rebutees par le Docteur Calciadiglia Euesque de Viseo, & parvn certain maistre Roderic personages estimez bien entéduz en la Cosmographie, lesquels assureoient qu'en l'Occident il ne pouuoit auoir Or aucun, ny autre richesse comme affirmoit Colób. Cela le feist deuenir tout melancholique, & pensif, si est-ce que pour cela il ne perdit courage, ne l'esperance de sa bone fortune que depuis il eut. Il s'embarqua à Lisbonne, & s'en vint à Palos de Moguer, où il communiqua avec Martin Alфонse Pinzon Pilote bien practiqué, & expert, & s'offrant à luy, luy racompta comme il auoit entendu qu'en nauigeant derriere le Soleil par la voye temperree, on trouueroit de grands & riches pays. Il communiqua aussi avec frere Iean Perez de Marcene Cosmographe, moine de l'ordre de S. François, auquel en secret il declara tout ce qu'il imaginoit en son esprit. Ce frere l'encouragea d'auantage en son entreprise, & le cōseilla de negocier, & cōferer de cest affaire avec le Duc de Medine Sidonie Héry de Cuzman, Seignr grād & riche & avec dō Roysde la cerde duc de l'autre medine, surnómee

Celi, qui auoit en son port de S. Marie vn bon appareil, pour luy donner vaisseaux, & gens necessaires: mais ces deux Ducs ne voulurent entendre a tel voyage, reputant que ce n'estoit qu'un songe, & vn compte d'un moqueur, comme auoient ia fait les Roys d'Angleterre, & de Portugal. Alors le mesme Cordelier l'anima d'aller à la Court des Roys Catholiques, qui prenoient grand plaisir à tels deuils: & pour cest effect il escriuit pour luy à frere Fernad de Teleuere confesseur de la Roynne Isabelle, Christophe Colomb s'en alla à la Cour de Castille où il entra l'an 1486. & presenta aux Roys Catholiques Fernand, & Isabelle les memoires de son entreprise. Iceux en feirēt peu de cōpte, par ce qu'ils auoient leus. esprits empeschez à chasser les Mores, hors le Royaume de Granate, il s'adressoit à ceux que l'on disoit estre fauoriz du Roy, & qui auoient quelque pouuoir pres le Roy sur les affaires: mais attendu qu'il estoit homme estranger, pauurement vestu, & sans aucun credit que celuy d'un moine de l'ordre des Freres mineurs, ils ne luy donnoient aucune faueur, & ne le vouloient escouter: ce qu'il tourmētoit grandemēt en son esprit, il n'y auoit qu'Alfonse de Quintauille grand thresorier qui luy donnaist à viure, & qui volontiers preloit l'oreille à ces choses qu'il promettoit de ces pays incogneuz: ce qui luy seruoit d'entretien pour ne point perdre l'esperāce de traicter quelque iour de cest affaire avec les Rois Catholiques. Par le moyē, donc, d'Alfonse de Quintauille, Colōb eut entree, & audience, avec le Cardinal Gōzalez de Mēdozze Archeuesque de Tolēde, qui estoit fort fauorisē, &

auoit grande autorité pres la Royne & le Roy. Ice-
 luy le presenta deuant eux, lesquels apres l'auoir
 diligemmēt examinē, & bien entendu son desseing,
 commencerent à luy prester l'oreille, & prindrent
 ses memoires, & encor' qu'au commencement ils
 eussent pour vne chose vaine, & faulse, tout ce qu'il
 promettoit, luy dōnerēt toutesfois esperāce d'estre
 despeschē à son souhait apres qu'ils auroient mis fin
 à la guerre de Granate qu'ils auoiēt pour lors entre
 les mains. Auec ceste bonne responce Colomb cō-
 mença à esleuer les pensees encor' plus hault, & à e-
 stre en estime, & ouy de tous les courtisans, qui ius-
 ques à ceste heure s'estoient tousiours moquez de
 luy, & ne se soucioit aucunemēt de son affaire, puis
 qu'il auoit trouué occasion. La guerre de Granate
 acheuee; il poursuiuit son affaire de telle façō, qu'ils
 luy donnerent ce qu'il demandoit pour aller cher-
 cher ces terres neuues, où il promettoit trouuer de
 l'or, argent, perles, pierreries, espiceries, & autres
 choses riches. D'auantage ils luy donnerent la di-
 xieme partie des reuenus, & daces Royalles, en tou-
 tes les terres qu'il d'escouriroit, & gagneroit, sans
 preiudice, toutesfois, du Roy de Portugal. La capi-
 tulation de ce negoce fut passēe en la Cité de Sain-
 cte Foy, & le priuilege accordē en la Cité de Gra-
 nate le 30. d'Auril en l'an mesme que ceste Cité fut
 recouuerte des Mores. Et parce que le Roy n'auoit
 pour lors aucuns deniers pour despescher Colomb,
 ayant espuisē son thresor en ceste longue guerre,
 qui dura dix ans. Louis de Sainct Ange son Secret-
 taire luy presta six comptes de Marrauedis qui sont
 seize mille ducats d'or. Sur cecy nous noterās deux

choses l'une, comme avec si peu de comptant le reueu de la couronne d'Espagne est creu en tant cōme valent auioird'huy les Indes, l'autre qu'aussi tost que la guerre des Mores, qui auoit duré plus de 800. ans, print fin, celle des Indiens commença, afin que les Espagnols combattissent tousiours contre les Infidelles, & ennemys de la Saincte Foy de Iesus Christ.

Comme Christofle Colomb descouurit les Indes.

Chap. 16.

CHristofle Colomb equippa trois Carauelles en Palos de Moguer aux despens des Rois Catholiques en vertu de la prouision qu'on auoit obtenue d'eux. Il mit en icelles six vingts hommes, tāt mariniers que soldats. Il bailla la charge de l'une à Martin Alphonse Pinzon, de l'autre à François Martin Pinzon, avec son frere Vincent Ianes Pinzon, & quant à luy cōme grand Capitaine de toute l'armee il se mit avec son frere Barthelemy, qui estoit marinier fort adextre, en la plus grande, & meilleure des trois. Il mit les voiles au vent, & commença à sortir du port vn vèdredi, troisieme iour d'Aoust mille quatre cents quatre vingts & douze. Il passa par Gomere, qui est vne des Isles des Canaries, où il print raffreschissement, de là suivit la route qu'il s'estoit imaginé, & apres plusieurs iournees, rencontra tant d'herbe, qu'il sembloit que ce feust vn pré, ce qui luy donna vne peur, encore qu'il n'y eust aucun danger: & diēt on qu'il s'en vouloit retourner, si d'auenture il n'eust veu bien loing de luy certaines petites cases, qui luy donnerent assurance que la terre n'estoit

gne pour rapporter les nouvelles aux Rois Catholiques de tout ce qu'il auoit veu: & deuant que partir fist en peu de iours vn petit fort de terre & de bois, avecques la volonté du Cacique, & mesme avecques l'aide de ses vassaux, dedans lequel il laissa trente huit espagnols, sous le capitaine Roderic d'Arene natif de Cordube, tant pour apprendre la ligue que pour decouvrir les secrets du pays, & de ce peuple: & les laissa là, iusqu'à tant qu'il fust retourné d'Espagne. Ce fut la premiere demeure pour peupler que firent les Espagnols aux Indes. Colomb prit dix Indiens, quarante perroquets, plusieurs Coqs, Connils, qu'ils appellent Hutias, Bataras. Axies. Il emporta aussi du Maiz, duquel ils font leur pain & autres choses estranges & differentes des nostres, pour tesmoignage de ce qu'il auoit decouvert: Il mit semblablement dedans ses vaisseaux, tout l'or qu'il uoit trouué, ou qu'il auoit par eschange. Il despescha trente huit compagnons qui demeureroient là, & dict, à Dieu, au Cacique, qui pleuroit pour sa departie, s'en allant avec deux Carauelles, & tous les autres compagnons, faisant voile du port Royal, & avecques vn temps à souhait arriua en cinquante iours au port de Palos: Voila comme les Indes furent descouvertes par Colomb.

De l'honneur & grace que les Roys Catholiques firent à Colomb, pour auoir decouvert les Indes. Chap. 17.

Lors que Colomb se desbarqua en Palos, & se mettoit en chemin pour aller à la court, le Roy & la Royne estoient à Barcelone: & encor que le voyage fut long, & que les eschanges qu'il auoit faict

faict par delà fussent grâdes, si se mit il en chemin. Ce voyage luy estoit honorable, par ce qu'un chacun sortoit dehors pour le voir, à raison du bruit qui couroit là par tout, comme il auoit descouuert vn nouveau monde, d'où il apportoit grandes richesses, & amenoit des hommes de nouuelle forme & d'autre couleur. Aucuns disoyent qu'il auoit trouué la nauigation qu'autrefois les Carthaginois auoient prohibee & deffendue: Autres que c'estoit celle que Platō en son Cricias met pour perdue avec fortune: Autres disoyent qu'il auoit acōply ce que Senecque en la Tragedie de Medee auoit deuinee, c'est à sçauoir, qu'il viendrait par cy apres vn tēps auquel on descouueroit de nouveaux mondes, & qualors l'isle de Thillé ne seroit pas la derniere. En fin il entra à la court bien venu & bien souhaitté, & avec grande assemblee de tous qui venoyent au deuant de luy: Ce fut le troisieme d'Auril vn an apres qu'il en estoit party. Il presenta au Roy, l'or & tout ce qu'il auoit apporté de l'autre mōde, ce qui feist esmerueiller vn chacun, voyant toutes ces choses nouuelles excepté l'Or. Ils louoyent les Perroquets pour estre de fort belle couleur: les vns estoient verds, autres rouges, autres jaunes, avec très te sortes de plumes de diuerses couleurs, & peu d'iceux ressembloyent à ceux qu'on apporte d'autre pais. Les Hurias, autrement conuils, estoient petits, ayans les oreilles & la queue de souris, & estans de couleur cendree: Ils esprouuerent l'axies, qui est vne des sortes d'espice qu'vsent les Indiens, laquelle leur brusloit la langue: Ils raterent aussi des Baratas, qui sont racines douces: Ils mangerent aussi des

gne pour rapporter les nouvelles aux Rois Catholiques de tout ce qu'il auoit ven: & deuant que partir fist en peu de iours vn petit fort de terre & de bois, avecques la volonté du Cacique, & mesme avecques l'aide de ses vassaux, dedans lequel il laissa trente huit espagnols, sous le capitaine Roderic d'Arene natif de Cordube, tant pour apprendre la ligue que pour decouvrir les secrets du pays, & de ce peuple: & les laissa là, iusqu'à tant qu'il fust retourné d'Espagne. Ce fut la premiere demeure pour peupler que firent les Espagnols aux Indes. Colomb prit dix Indiens, quarante perroquets, plusieurs Coqs, Connils, qu'ils appellent Hutias, Bata-ras. Axies. Il emporta aussi du Maiz, duquel ils font leur pain & autres choses estranges & differentes des nostres, pour tesmoignage de ce qu'il auoit decouvert: Il mit semblablement dedans ses vaisseaux, tout l'or qu'il uoit trouué, ou qu'il auoit eu par eschange. Il despescha trente huit compagnons qui demeureroient là, & dict, à Dieu, au Cacique, qui pleuroit pour sa departie, s'en allant avec deux Carauelles, & tous les autres compagnons, faisant voile du port Royal, & avecques vn temps à souhait arriua en cinquante iours au port de Palos: Voila comme les Indes furent descouuertes par Colomb.

De l'honneur & grace que les Roys Catholiques firent à Colomb, pour auoir descouvert les Indes. Chap. 17.

Lors que Colomb se desbarqua en Palos, & se mettoit en chemin pour aller à la court, le Roy & la Roynie estoient à Barcelone: & encor que le voyage fut long, & que les eschanges qu'il auoit faict

faict par delà fussent grâdes, si se mit il en chemin. Ce voyage luy estoit honorable, par ce qu'un chacun sortoit dehors pour le voir, à raison du bruit qui couroit là par tout, comme il auoit descouuert vn nouveau monde, d'où il apportoit grandes richesses, & amenoit des hommes de nouuelle forme & d'autre couleur. Aucuns disoyent qu'il auoit trouué la nauigation qu'autrefois les Carthaginois auoiēt prohibee & deffendue: Autres que c'estoit celle que Platō en sō Cricias met pour perdue avec fortune: Autres disoyent qu'il auoit acōply ce que Senecque en la Tragedie de Medee auoit deuinee, c'est à sçauoir, qu'il viendrait par cy apres vn tēps auquel on descouuriroit de nouueaux mondes, & qualors l'isle de Thillé ne seroit pas la derniere. En fin il entra à la court bien venu & bien souhaité, & avec grande assemblee de tous qui venoyent au deuant de luy: Ce fut le troisiēme d'Auril vn an apres qu'il en estoit party. Il presenta au Roy, l'or & tout ce qu'il auoit apporté de l'autre mōde, ce qui feist esmerueiller vn chacun, voyāt toutes ces choses nouuelles excepté l'Or. Ils louoyent les Perroquets pour estre de fort belle couleur: les vns estoient verds, autres rouges, autres jaunes, avec trēte sortes de plumes de diuerses couleurs, & peu d'iceux ressembloyent à ceux qu'on apporte d'autre pais. Les Hutias, autrement conuils, estoient petits, ayans les oreilles & la queue de souris, & estans de couleur cendree: Ils esprouuerent l'axies, qui est vne des sortes d'espice qu'vsent les Indies, laquelle leur brusloit la langue: Ils taterent aussi des Baratas, qui sont racines douces: Ils mangerent aussi des

Coqs du pays, qui sont meilleurs que nos parïs & poules. On s'esmerueilloit qu'en ce pays il n'y auoit point de grain, & que tous mangeoient du pain faict de Maiz. Ce qu'ils regardoient le plus, estoit les hommes qui auoient en leurs nez, & en leurs oreilles des pierres pendantes, qui n'estoient ne blâches, ne noires, n'oliuastres, mais estoient de couleur de pomme de coing cuicte: ils estoient six, qui furent baptizez, le Roy & la Royne estoient parrins, & le prince dom Iean, pour autoriser d'auantage en la personne de ces Indiens premiers Chrestiens le S. Baptisme: tous les autres que Colomb auoit amené, moururent deuant qu'arriuer à la court. Le Roy, & la Royne estoient fort attentifs au recit que leur faisoit Colomb de tout ce qu'il auoit veu. Ils s'esmerueilloient d'ouyr que ces Indiens n'auoient aucuns vestemens, ny lettres, ny monnoye, ny fer, ny grain, ny vin, ny aucun animal plus grand qu'un chien, ny aucuns nauires que petites barquettes, faites à la semblance d'esquifs, tels que les vendageurs vsent à Rome; faits tout d'une piece: mais quand ils entendirent qu'en ces Isles & terres neuues, les hommes se mangeoient l'un l'autre, & qu'ils estoient tous Idolâtres, ils ne le peurent endurer ny supporter, & aussi tost firent promesse à Dieu que s'il leur donnoit vie, ils osteront ceste grand' cruauté, & desracineroient par route l'Indie, ceste idolatrie abominable, s'ils pouuoient auoir une fois commandement sur eux: un veu, certes, d'un Roy tres-Chrestien. Ils firent grand honneur à Christofle Colôb le faisant seoir en leur presence, qui est un signe de grande faueur, & amitié, par-ce que pour l'honneur

& reuerence de l'autorité Royale, c'est vne ancienne coustume d'Espagne, que tous vassaux & seruiteurs, soient tousiours debout deuant leur Roy. Ils luy confirmerent la dixieme partie des reuenus Royaux, & luy dōnerēt le tiltre & office de grād Admiral des Indes, & feirēt son frere Barthelemy Colōb Adelantado Christofle Colōb mit à l'entour de l'Escu de ses Armes, que le Roy luy auoit donnees, ces deux vers en langue Espagnole:

Por Castiglia, y por Leon,

Nucuo mondo halla Colon. qui veulent dire en François.

Pour Castille & Leon, Colombe

A descouuert vn nouueau Mōde. De là on soupçonnoit que la Royne fauorisoit plus ce descouurement des Indes, que non pas le Roy. Mesme elle ne permettoit que pas vn autre de ses Castillās passast aux Indes, & si quelq Arragōnois y vouloit aller, il falloit qu'il eust cōgé expres d'elle. Plusieurs deceux, qui auoiēt acōpagné Colōb en ces voyages, demāderēt grace, laquelle le Roy n'octroya à tous, dequoy fasché le marinier de Lepe, se retira en Barbarie, où renia sa foy, tāt pour ce que Colōb ne luy dōna rien, que pour n'auoir obtenu sa grace du Roy, encore que deuant nul autre il eust veu aux Indes le premier la lumiere.

Pourquoy on appelle tout ce pays Indie.

Chap. 18.

Auant que nous passions plus auant, ie veux dire ce qu'il me semble de ce nom Indie, par ce qu'aucuns croyent que ce pays s'appelle ainsi, à raison que les hommes sont semblables en couleur à

ceux de l'Indie Orientale. Mais il m'est aduis qu'ils sont bien differens, & en couleur, & en façon de faire: & soit que de ces Indes ce pais soit dict Indie, Indie toutesfois est proprement ceste grande province d'Asie, où Alexandre le Grand feist la guerre, laquelle print son nô du fleuve Inde, & se diuise en plusieurs Royaumes, qui sont aux enuiron de ce fleuve. De ceste grande Indie, qu'on appelle Orientale, sont sortis grandes compagnies d'hommes, qui descendirent, ainsi que recite Herodote, pour se peupler en l'Æthiopie, qui est entre la mer Rouge & le Nil, ce qui auourd'huy est en la puissance de Prete Ian. Ils furent si forts en ce pays qu'ils chagerent les anciennes coustumes de ce pays en les leurs. De là vint que l'Ethiopie s'appella aussi Indie: ce qui a men plusieurs, & mesme Aristote, & Senecque, de dire que l'Indie estoit pres d'Espagne. De ces Indes, donc, de Prete Ian, où là negotioient les Portugays a prins le nom d'Indie ce pays, par ce qu'à dire vray, la Carauelle premiere, qui avec un vent impetueux fut poussee en ce pays venoit ou alloit à ces Indes, & quand le Pilote vit ces terres neuues, il les appella Indes, & ainsi Christofle Colomb les a tousiours depuis appelees. Ceux, qui font Colomb pour grand Cosmographie, disent qu'il les appella Indes pour l'Indie Oriëtale, croiât que ces terres neuues fussent l'Isle de Cipango qu'il cherchoit, laquelle est viz à viz de la Cina, ou Catay, & si auoit pluost le Soleil derriere soy que nô pas deuant: plusieurs, toutesfois, croient que ceste Isle de Cipago n'est point. Or soit pour telle raison qu'on voudra que ce pais s'appelle Indie, si s'appelle il auourd'huy ainsi.

*La donation des Indes que feist le Pape aux Roys
Catholiques. Chap. 19.*

AVssi tost que les Roys Catholiques eurent ouy Christoffe Colomb, despescherent vn courrier à Rome, qui portoit la relation de ces terres nouvellement trouuees pour la bailler à ses Ambassadeurs, qui quelques peu de moys deuant estoient partis pour aller prester l'obedience au Pape Alexandre sixiesme, ainsi qu'ont accoustumé faire tous les princes Chrestiens. Le courrier arriué les Ambassadeurs presenterent au Pape les lettres de leur Roy, & de leur Royne avec la relation de Colôb. Ce fut certainement vne grãde nouuelle, à laquelle sa Saincteté, les Cardinaulx, & toute la Court prendrent grand plaisir, & s'esmeruilloient d'ouïr choses si estranges & si rares, tant de ce que les Romains, qui ont gouuerné tout le môde, n'en auoient iamais rien entendu, que de ce que les Espagnols auoient faict ce descouurement. Le Pape de sa propre volonté, & de son seul mouuement, & avec le consentemēt des Cardinaux dōna de grace au Roy d'Espagne toutes les isles, & terre ferme qu'ils decouueroiēt vers l'Occident, aux charges & conditions qu'en les cōquerant, ils enuoiroient des precheurs pour cōuertir les Indiens de leur idolatrie. Je descriray icy la bulle du Pape, à fin que tous la lisent, & qu'un chacū sçache cōme ceste cōqueste, & cōuersion des Indes, que font les Espagnols, est avec l'autorité & donatiō du grãd vicaire de Iesuschrist.

La bulle & donation du Pape.

Alexandre Euesque seruiteur des seruiteurs de Dieu à nostre trescher fils en Iesuschrist Ferdi-

nand Roy, & à nostre treschere fille en Iesu-Christ
 Isabelle Royne de Castille, de Leon, d'Aragon, de
 Sicile, & de Granade salut, & benediction Apo-
 stolicque.

Entre tous les œuvres agreables à la majesté di-
 uine, & que desirós le pl^e est que la foy catholique
 & la religion Chrestienne soit principalemēt en no-
 stre tēps exaltee, & par toute ampliffice & espādue,
 & que le salut des ames soit procuré d'un chacun,
 & que les nations barbares soyēt subiuguees & re-
 duites à la foy: ce qui est cause que nous estās parue-
 nus par la seule diuine clemence, & non pour nos
 merites, à ceste sacree chaire de S. Pierre, nous de-
 uons à bon droit de nostre bon gré, & avec toute
 faueur vous donner les moyens & occasions pour
 mettre à execution, & pour poursuiure de iour en
 iour avec vn ardāt courage en l'hōneur de Dieu, &
 de l'Empire Chrestien, vn si louable & si saint œuvre
 qu'avez encōmēcé par l'inspiratiō de Dieu immor-
 tel, cōsiderans que, cōme vrays roys & princes Ca-
 tholiques, tels que nous vous auons tousiours cō-
 gneus, & cōme assez est notoire à tout le mōde par
 vos grādes entreprises, vous n'avez point seulemēt
 vn tel desir que nous, mais qui est d'auātage, que de
 toute vostre puisāce, soing, & diligēce executez vo-
 stre bon vouloir sans espargner aucuns trauaux, sās
 auoir esgard à aucune despence, sans vous soucier
 d'aucuns perils, mesme en espandant vostre propre
 sang, & que vous avez voüé tout vostre cœur, tou-
 tes vos forces dés long tēps à cela, comme assez le
 demōstre le recouuremēt qu'avez n'aguere fait du
 royaume de Granade d'être la titānie des Sarrazins

avec vne si grãde gloire de vostre nom. Nous auõs entẽdu cõme par cy deuant vous auiez proposẽ de faire cercher quelques isles & terres fermes lointaines & incongneuẽs, & non encor par aucuns descouuertes pour reduire les habitans d'icelles à faire profession de la foy, & reconnoistre nostre redẽpteur: mais que n'auiez peu cõduire ceste sainte & loũable deliberation à sa fin pour la guerre de Granada, en laquelle estiez pour lors empeschẽ, & que du depuis, ce Royaume estant recouuert par la permission diuine, auiez, non sans grands perils & despences, enuoyẽ sur ceste grande mer, où personne n'auoit encor voguẽ: Christofle Colomb, homme digne & recommandable, & propre à vn tel affaire, pour diligemmẽt cercher ces terres fermes & isles loingtaines & incongneuẽs: lesquelles, apres auoir singlẽ tout au trauers cet Ocean, il auroit trouuees par sa grãde diligẽce avec l'aide de dieu, toutes peuplees & rẽplies d'hommes, viuãs paisiblement ensemble, se tenans nuds, & se nourrissans de chair, & qui, selon le rapport de vos ambassadeurs, croient qu'il y a vn dieu createur au ciel, & qui sẽblent estre assez idoines & capables pour embrasser la foy catholique, & estre instruits ẽs bõnes mœurs: ce qui nous dõne esperãce q̃ le nom de nostre sauueur Iesus-christ seroit facilmẽt espandu parmy ces terres & isles, si les habitans d'icelles estoient endoctrinez. D'auãtage nous auõs estẽ aduertis cõme ledit Colõb en vne principale de ces isles a basti vn fort, dãs leq̃l il a mis quelques Chrestieẽs qui l'auoyẽt suiuy, tãt pour le garder q̃ pour s'enquerir des autres isles & terres fermes qui luy estoient encor incõgneuẽs, &

qu'il a raporté qu'és Isles qu'il a ià descouuertes, on trouuoit de l'or, des espiceries, & plusieurs autres choses precieuses. Ce qu'estât par vous diligēment consideré, principalement ce qui concerne l'exaltation & ampliation de la foy Catholique, (cōme il appartient à Roys Catholiques) vous avez proposé, suiuant la bonne coustume de vos predecesseurs Roys d'eternelle memoire, de subiuguer avec l'aide de la diuine clemence toutes ces terres, isles susdites, & to^r leurs habitās, & les ramener à la foy Chrestienne. Voyans vostre deliberation telle, nous, qui affectueusement desirons qu'vne si sainte & louable entreprise soit bien encommencee, & encor mieux acheuee, & qui souhaittons grandemēt que le nom de nostre Sauueur soit presché en ces pais incongneus, vous enhortons par le saint Baptisme (par lequel estes obligez aux commandemēs apostoliques) & vous sommōs par l'interieur de la misericorde de nostre Seigneur Iesus-Christ, que quand avec vn bon zele de la sainte foy, vous cōmēcerez ceste expedition, vous vueillez induire les habitans de ces isles & terres fermes, à reccuoir la religion Chrestienne, sans que les perils & trauaux vous en puissent iamais destourner, vous fians asseurement que le Dieu tout-puissant conduira en toute prosperité vrs entreprinſes. Et afin que par la largesse apostolique vous entrepreniez plus volontiers & d'vn plus grand courage la charge d'vne si haute entreprinſe, de nostre propre mouuement, sans auoir esgard à aucune requeste qui par vous ou par autrui nous pourroit auoir esté presentee, mais seulement esmeus par nostre pure &

franche liberalité, & pour quelques secretes causes, nous vous dōnons toutes les isles & terres fermes, qui ont ja esté trouuees, & qui sōt encor à trouuer, qui sont descouuertes & à descourir, vers l'Occident & le Midy, tirāt vne ligne droit du pol Arctique au pol Antarctique, soit que ces isles & terres fermes trouuees & à trouuer, soit vers l'Indie, ou vers quelque autre quartier. Nous entendons toutesfois que ceste ligne soit distante cent lieuës vers l'Occident & le Midy des isles, que vulgairemēt on appelle Azores, ou du Cap verd. Nous dōc par l'autorité de Dieu tout-puissant, qui nous a esté baillee en la personne de S. Pierre, & de laquelle nous iouissons en ce mode cōme vicaire de Iesus-christ, vo^d dōnons avec leurs seigneuries, villes, chasteaux, lieux, villages, droicts, iurisdicōns, & toutes autres appartenances & dependances, toutes les isles & terres fermes trouuees & à trouuer, descouuertes, & à descourir depuis ladicte ligne vers l'Occidēt & le Midy, qui par autre Roy ou prince Chrestien n'estoyent point possedee actuellemēt iusques au iour de Noel dernier passé, auquel cōmence la prefēte annee 1493. lors que quelques vns des isles susdites ont esté trouuees par vos Lieutenans & Capitaines. Lequel don nous estendons en la personne de vos heritiers & successeurs Roys de Castille & de Leon, & les en faisons seigneurs avec pleine & libre puisāce, autorité & iurisdicō sur icelles, ne voulās neātmoins desroger au droit d'aucun prince Chrestien, qui actuellemēt en auroit possedé quelques vnes iusqu'au iour susdit de la natiuité nostre seigneur Iesus-christ. D'auātage nous vous mādons

que suivant la sainte obedience que vous nous devez, & suivant la promesse que vous nous avez faite (laquelle nous ne doutons point que ne gardiez entierement pour la grande deuotion & royale majesté qui est en vous) vous enuoyez aux susdites isles & terres fermes des gens de bien, craignans Dieu, doctes, sçauans, & experts, pour instruire les habitans susdits en la foy catholique, & pour les abreuuer de bonnes mœurs, vous enchargeans de vous employer songneusement aux choses susdites. Et d'autre part nous deffendons sur peine d'excommunication à toutes personnes de quelque dignité que se soit, fust Imperial, & Royale de quelque estat, degré, ordre, ou condition qu'elles soyent d'aller ou enuoyer sans auoir permission de vous, de vos heritiers & successeurs susdits, à aucunes de ces isles & terres fermes qui sont ja descouuertes, & sont encor à descouurir vers l'Occident & le Midi, suivant ladite ligne que nous entendons passer du pol Arctique, au pol Antarctique cét lieuës loig des isles des Azores, ou du cap verd, vers Occident & Midi, nonobstât toutes autres cōstitutions, & ordonnances apostoliques à ce cōtraires: ayans bonne confiāce que celuy qui est distributeur des empires & seigneuries, conduira vos actions, si vous poursuidez vne si sainte & louable entreprise, & vos labeurs & traualx auront en brief vne fin tres-heureuse qui apportera vne grāde gloire, & vne felicité nōmpareille à tout le peuple Chrestien. Mais parce qu'il seroit difficile que ces presentes fussent portees aux lieux où il seroit besoing, nous voulōs que pareille foy soit adioustee cōme à ces presētes,

aux copies, qui seront signees par main de notaire public, sur ce appellé & icellees du seal de quelque personne, constituée en dignité ecclesiastique, ou de quelque court d'Eglise. Qu'aucun donc ne soit si temeraire d'enfreindre & venir au contraire de ce, qui est porté par cet nostre mandemēt, exhortation, requeste, donation, cōcession, assignation, cōstitution, decret, deffence, inhibition, & volonté. Et si quelqu'un soit si hardy d'attenter au contraire, qu'il fasseure d'écourir l'indignation de Dieu tout puissant & des apostres S. Pierre & S. Paul, donné à Rome à S. Pierre l'an de l'incarnation de nostre Seigneur 1493. le quatriesme des nones de May, & le premier an de nostre pontificat.

Le second voyage que feist Colomb aux Indes. Chap. 2.

LEs Roys Catholiques ayans si bonne responce du Pape, resolurēt de renvoyer Christofle Colomb avec grand nombre de gens pour peupler ce nouveau pais, & pour cōmencer la conuersion de ces Idolatres, suiuant la volonté, & mandemēt du Pape. Ils cōmanderēt à Iean Roderic de Fonseca Doyen de la cité de Senile qu'il asēblast vne bōne armee de mer, & feist prouision de viures, & de tel nōbre de vaisseaux qu'ils fussent capables pour recevoir mil cinq cens hommes. Le Doyen suiuant ce commandement equipa iusques à dixhuiēt nauires & carauelles, & de là en auant il eut tousiours l'œil sur les faciendes des indes, & vint à estre president du conseil d'icelles. Ils cercherent douze Prestres lettrez & de bonne vie pour prescher & conuertir ce peuple, iceux suiuyoient frere Bueil Catalan de l'ordre de S. Benoist, qui avec vn brief sen

alloit par de-là comme vicaire du Pape. Au bruiet des richesses de ces Indes, & pour estre l'armee bõne, & pour plaire au Roys Catholiques, plusieurs Cheualiers, & courtisans se hazarderent à ce voyage. Plusieurs autres gens aussi de mestier mecanique se ietteret avec ceste armee, comme Orfeures, Charpentiers, Cousturiers, Villageois, & autres. On achepta aussi aux despens du Roy force lumés, Vaches, brebis, cheures, pores, truyes, asnes, pour en auoir de la race, par ce qu'il n'y en auoit point par de-là. Aussi on acheta grande quantité de grain d'orge, de legumes pour semer, de vignes, cannes douces de sucre, & plantes de fruiets doux, & aigres, des briques & de la chaux pour bastir, & plusieurs autres choses necessaires pour edifier & entretenir les villes qu'on bastiroit. Le Roy feist grande despence en ces choses, & en la soulde de ces mille cinq cens soldats qui estoient en ceste armee, laquelle Christofle Colomb feist sortir de Caliz le 25. de Septembre 1493. Et par ce qu'en naugeant selon sa routé il panchoit toutesfois plus à gauche qu'il n'auoit fait au premier voyage, s'approchant plus pres de l'Equinoxial, il vint à reconnoistre premierement vne isle qu'il appella Desirée, à laquelle il ne s'arresta, & vint surgir au port de l'Argent, qui est en l'Isle Esgagnole, & de là aussi tost se rendit au port Royal, où il auoit laissé trente-huict Espagnols. Or ayât entédu là cõme les Indiens auoyent tué tous ces Espagnols, par ce qu'ils vouloyent prendre ou forcer leurs femmes, & leur faisoient autres desplaisirs, ou bien par ce qu'ils ne s'en alloÿt point, ny ne s'en vouloyent aller, il s'en

retourna pour peupler en l'isabelle, qui est vne cité faicte en la memoire de la Roynie, & feist bastir vne forteresse és mines de Cibao, où il mit pour Capitaine le commandeur dom Pierre Marguerite. Il depescha aussi tost Antoine de Torres avec douze vaisseaux, afin qu'ils ne fussent d'auenture perdus, demeurans là trop longuement, pour porter la nouvelle de la mort du capitaine d'Arane & de ses compagnons, & plusieurs grains d'or, entre lesquels y en auoit vn pesant huit onces, qu'Alphose d'Ogede auoit trouué : Il enuoyoit aussi aucuns Perroquets fort beaux, & certains Indiens Caribes, qui mangent les hommes : Iceux sont naturels d'vne Isle nommee Ajay, qui aujourd'huy se nome sainte Croix. Quant à luy il s'en alla avec trois Carauelles pour descouurir plus de pais, comme les Roys luy auoyent commandé. Il descouurit l'isle de Cuba vers le Midy, & la lamaicque, & autres petites isles, & estât retourné il trouua plusieurs Espagnols morts de faim, autres malades, & plusieurs tout decoulourez de faim : Il vsa de grande rigueur contre aucuns qui auoyent desobey à ses freres Barthelemy & Diegue, & qui auoyent faict mal aux Indiens. Il feist pendre Gaspar Ferriz Arragõnois, & en feist foueter quelques vns si cruellement que tous les autres l'en blasmoient. Estât ainsi rigoureux, encor que ce fust par voye de iustice, frere Bueil grand vicaire, pour obuier à la mort d'autres Espagnols, & pour oster le deshonneur qui s'en ensuiuoit, interdisting Colób : mais il ne se soucioit de telles raisons, ny des autres prestres. Ceste querelle ainsi s'enflâba de plus en plus, & l'vn & l'autre en escriuerent aux Roys Catholiques, les-

quels enuoyerēt par delà leā Agnāde pour les amener en Espagne cōme prisonniers, afin de rēdre raison de leur different deuant leurs maiestez. Aucuns disent que le frere, & les autres querellans vinrent deuant, qui informerent mal le Roy & la Roynē. Christofle Colomb arriua à Medine du champ, où pour lors estoit la Cour, & apporta au Roy plusieurs grains d'or, & aucuns pefans quinze, & vingt onces, & plusieurs grandes pieces d'Ambre, grande quantité & nacre de perles, plumes, & manteaux de cotton, desquels se vestoient les Indiens: il leur feist son rapport de ce qu'il auoit descouuert de nouveau, & leur loua grandement ces Isles si riches, & si esmerueillables de ce qu'en Decembre, quād l'hyer est en Espagne, les oyseaux font leurs nids aux arbres par la campagne, & en Mars les raisins sauages se meurissent, le grain semé au moys de Ianuier, est meur en soixante & dix iours, les melons sont bons en quarante iours, les racines, & laiētues en moins de vingt iours viennent à perfection: La chair des Pigeonneaux sent comme musc, & celle des Cocodrilles, qui sont en grād nombre en chaque fleuve: Les habitans peschent en la mer de fort grands poissons avec vn petit instrumēt qu'ils appellēt Gaycā, les Espagnols le nōmēt riuersō, en outre leur dit, cōme il pēsoit qu'il y eust en ce pays de la canelle, girofle, & autres espices, à cause del'odeur doux, & suauē, qui sorroit de plusieurs valles. Apres tout ce discours il presēta les proces des Espagnols qu'il auoit mis en iustice. Les Roys catholicques pour mieux & plus āplemēt le descharger, le remerciē pour les seruices qu'il leurs auoit faits, & pour

les peines, & fatigues qu'il auoit endure, le reprindrent seulement de la trop grande seuerité, & & chastiment, duquel il auoit vlc, l'admonnestant de ce gouuerner par cy apres avec plus grâde modestie avec les Espagnols, qui pour le seruice de leurs maiestez se hazardoier d'aller en pays si lointains. Ils firent armer huit nauires, avec lesquels voulurent qu'il retournast à descouurir encor d'auantage de pays & emmener gens, armes, vestemens & autes choses necessaires.

Le troisieme Voyage que Colomb feist aux Indes. *

Chapitre 21.

DE ces huit nauires que Colomb auoit armees & equippees aux despés du Roy, il en enuoya deuant deux sous la cōduite de son frere Barthelemi, & luy avec les six autres se partit de saint Luc de Barramede à la fin de May en l'an 1497. Au bruit des richesses qu'on apportoit des Indes quelques corsaires François se ietterent vers ce quartier. Ce qu'ayant entendu Colomb se retira en l'Isle de Madere, d'où il enuoya par le droict chemin à l'Isle Espagnole trois vaisseaux avecques trois cens hommes qui estoient là confinez, & luy s'en alla avec les trois autres aux Isles de cap verd pour prendre son voyage plus pres de l'Equinoxial. En ce voyage il tōba en de grands accidents rencōtrāt la mer calme avec grandissime chaleur. En fin il arriua en terre ferme des Indes, vers le quartier qu'on appelle Paria, & de là iusques au cap de la Voile costoya tousiours la terre par l'espace de 1320. mil, & puis se mit à trauerfer la mer tirāt à S. Dominique ville que son frere Barthelemy auoit fondee là a riuiero du

fleuve d'Ozame, ou il fut receu pour gouuerneur selon la forme de la prouision qu'il portoit, ce qui ne fut sans grand murmure de plusieurs, qui estoient fort mal contens & de son frere Adelantado, & de Diego Colomb, qui en son absence auoient le maniement de tout, soit en temps de paix ou en temps de guerre.

De la faim, maladie, guerre, & victoire qu'ont eu les Espagnols pour se deffendre. Chap. 22.

LEs Espagnols ont esprouué l'air, & le pays avec plusieurs sortes de maladies, entre autres ils en ont essayé deux, qui les ont plus longuement tourmentez: l'une estoit des bubes, laquelle maladie ils ne cognoissoient aucunement, l'autre estoit d'un changement de couleur en iaulne, de sorte qu'ils sembloient estre en safranz. On pensoit que ceste couleur vint d'auoir mangé des serpens, qui se repaissent des petits lezards, & plusieurs autres meschantes choses non acoustumées, la necessité les y contraignoit. Il mourut aussi de faim plus de cinquante mille Indiens parce qu'ils ne semoient point de maiz, pensans par ce moyen chasser les Espagnols n'ayans rien à manger. Ce qu'ils faisoient à raison qu'ils preuyoient ia bien le mal, & la perte qu'il leur deuoit aduenir. Or comme ils les voyoient fortifiez en Isabelle, & en la forteresse de S. Thomas de Cibao, d'où ils faisoient saillie sur eux pour emporter viures, & enleuer leurs femmes, qui leur donnoient ce mal de bubes, ou mal François, les Ciguayos assiegerent ceste forteresse de S. Thomas, pour venger l'injure faicte à leurs femmes, & filles, pensans les tuer come ceux de Guacanagari auoient

fait du Capitaine d'Arene. Mais ils leuerent le siege vn mois apres qu'ils l'y auoient mis, & s'en retournerent, parce que Colomb venoit au secours. Alphonse d'Ogeda, qui estoit capitaine de ce lieu apres Marguerite, feit des saillies sur eux, ou il en tua plusieurs. Colomb aussi tost qu'il fut arriué, enuoya le mesme Ogeda pour traiter la paix avec le Cacique Coanabo, à qui estoit ceste contree: il negocia si bien, & avec si grande astuce qu'il amena ce Cacique dedans la forteresse, encor que pour lors il eust avec luy plusieurs Ambassadeurs d'autres Caciques, qui luy offroyent gens, & provisions pour tuer ou chasser de l'Isle les Espagnols. Christofle Colomb le feit prisonnier par ce qu'il auoit tué plus de vingt Espagnols. Ce pédant qu'il tenoit ainsi prison vn sien frere assembla cinq mille hommes pour le deliurer, desquels la plus part estoient garnis de fleches, & d'arcs. Alphonse d'Ogeda se mit en campagne au deuant d'eux avec cent soldats Espagnols, & quelques cheuaux que Colób luy auoit donnez. Le frere de Coanabo encor qu'il marchast en bon ordre & qu'il combatist comme vaillant Capitaine, si fut il rompu & prins prisonnier avec grand nombre des siens. Par le moyen de ceste victoire les Espagnols furent de la en auant plus crains, & mieux obeis en ceste contree. Aucuns disent que ceste guerre fut faicte en l'absence de Christofle Colomb & en la presence de son frere Barthelemi, lequel depuis ceste bataille vainquit encore Guarionex accompagné de quatorze Caciques, qui auoient plus de quinze mille homes en campagne pres du village de Bouao, les ayant

affrontez de nuict par ce que iamais ils ne combattent de nuict, il y en eut grand nombre de tuez, & quatorze cariques prins avec Guarionex. Mais ils furent tous mis en liberté sous la promesse qu'ils feirent d'estre amys, & tributaires des Rois Catholiques. Ceste victoire, & ceste liberté donnée à ces caciques feirent estimer, & craindre les Espagnols, qui des lors commencerent à commandet aux Indiens, & iouyr du pays.

L'emprisonnement de Christofle Colomb.

Chap. 23.

Barthelemy Colomb s'enorgueillit tant de la victoire de Guarionex, & du cours, qu'il voyoit si heureusement succeder en toutes ses affaires, & en celles de son frere, qu'il commença à n'vser plus enuers les Espagnols de la courtoisie qu'il souloit faire. Ce qu'irrita grandement Roldan Ximenez grand preuost de l'Admiral, tellement qu'il l'empeschoit d'vser de sa puissance absoluë comme il vouloit, de là il vindrent à auoir parolles aigres ensemble, & commencerent à se desdaigner l'un l'autre. Encore dit-on que Barthelemy Colomb s'enflamba iusques à là de le toucher, où que mesme il le toucha. Ainsi Roldan se separa de luy avec soixante & dix soldats qui aussi estoient irritez cōtre Colomb. Mais ce fut en protestant par deuant Notaires tous ensemble qu'ils ne se separoiēt point pour s'exempter du seruice qu'ils deuoient, ny pour cōtreuenir au commandement du Roy, & que ce n'estoit que pour ne pouuoir supporter l'orgueil des Geneuois. Ce fait ils s'en allerent à Xaragua, où ils demurerent quelques annees. Vn peu apres Christofle

Christophe Colôb appella Roldan pour venir faire sa charge, ce qu'il refusa. Ainsi Colomb l'accusa cômme desobeïssant, traistre, & mutin par lettres que pour ce fait il escriuit aux Rois Catholiques, adioustant qu'il voloit les Indiés, forçoit les Indiennes, les tourmentoit & faisoit maux infinis, & qu'il auoit arresté deux caruelles, qui s'en retournoient chargées en Espagne, qu'il auoit retenu les hommes, qui estoient dedans, par belles parolles, & par tromperie. D'autre part aussi Roldan, & ses compagnons escriuirent à leurs maiestez vne infinité de mauux de Christophe Colomb, & de ses freres, les asseurâs comme il se vouloit rebeller avec tout le pays, & se faire seigneur de tout, qu'il ne vouloit édurer qu'aucun autre que ses seruiteurs & amys fouillassent les mines, & enleuassent l'Or, qu'il traictoit mal les Espagnols sans aucune raison, qu'il faisoit iustice à son plaisir, que l'Amiral auoit caché le descouuremēt des perles qu'il auoit trouuées en l'Isle de Cubagia pour les enleuer pour luy seul, sans en faire part à aucun, encor que pour acquerir telles richesses ils soient tombez en grandes maladies, & se soient monstrez vaillans. Le Roy ayant entendu tout ce fait, fut biē fasché de ce que les affaires des Indes estoient en tel estat, & encor l'estoit plus la Royne. Ils despecherent incontinent Christophe de Bouadila Cheualier de l'ordre de Calatraua pour estre gouuerneur de ces pays avec puissance & autorité de chastier, & enuoyer prisonniers en Espagne ceux qu'il trouueroient coupables, Il s'en alla en l'Isle Espagnole avec quatre caruelles l'an 1499. Il feit informer à S. Dominique selō la com-

mission qu'il portoit, & feist prendre prisonniers Christofle Colomb, & ses freres Barthelemy, & Diego, & les enuoya en Espagne en deux carauelles. Comme ils arriuerent à Caliz, le Roy, & la Roine en furent aduertis, qui aussi tost enuoyerent vn courrier pour les deliurer, & les laisser venir à la court: où estans arriuez les Roys Catholiques receurent amiablement les excuses que mit en auant Christofle Colomb meslees de larmes, & pour la peine qu'il deuoit endurer, où pour obuier à telles contentions, & telles nouueautez, où afin qu'il ne pensast qu'il deust tousiours auoir le gouuernemēt de ces Indes, ils le luy osterent: ce qui luy fut vn grand desplaisir, aussi luy fust vne grande faueur de le laisser retourner estants ces affaires en si mauuais point.

Le quatrieme voyage que feit Christofle Colomb aux Indes. Chap. 24.

Christofle Colomb demeura trois ans en Espagne, à la fin, qui fut l'an 1502. il eut aux despēs du Roy quatre carauelles, avec lesquelles il passa en l'Isle Espagnole, & quand il arriua pres le fleuue de Ozame, Nicolas d'Ouando qui pour lors gouuernoit en l'Isle, ne le voulut laisser entrer en saint Dominique. Ce qui luy despleut assez, & manda seulement que, puisque on ne le vouloit laisser entrer en la ville qu'il auoit peuplee, il s'en alloit chercher vn port, où il fust à seureté. Et ainsi s'en alla au port Caché, & de là voulant trouuer vn destroict, qui passast de l'autre costé de l'Equinoxial, comme il auoit donné à entendre aux Roys Catholiques, s'en alla droit tirāt vers Ponēt iusques au cap de Higue-

ras, & puis se mit à suiure la coste de Midy, & la courut iusques au nom de Dieu, d'où il tourna voyle à l'isle de Cuba, & de là à Iamaïque, & là perdit deux carauelles, qui luy estoient restees des quatre que le Roy luy auoit baillees pour faire ce descouurement, tellement qu'il demeura sans vaisseau, & ainsi ne peut regagner Saint Dominique. Il lui aduint de grâdes infortunes, plusieurs Espagnols deuindrent malades, & ceux, qui estoient sains, luy feirent la guerre, & les Indiens luy enleuerent ses prouisions. François de Porras capitaine de l'une des carauelles, & son frere Didaco de Porras, qui tenoit le registre de l'armee, se mutinerent cõtre luy, & prindrent sur les Indiens autãt de Barques qu'ils appellent Canoaz, qu'ils peurent pour passer en l'Espagnole. Comme ceux de l'isle veirẽt ceste entreprise, ils ne voulurent plus donner aucune prouision à ceux de Colomb, ains pourpẽsoient de les saccager tous, Alors Christofle Colomb appella aucuns d'iceux, les reprint du peu de charité qu'ils auoient, les pria qu'ils luy vendissent des prouisiõs, & les menaçoit, s'ils faisoient au contraire, qu'ils mourroient tous de peste, & que pour monstrier que cela ainsi aduiendroit, ils verroient en vn tel iour la Lune toute pleine de sang. Alors voyans la Lune ecclipsée en la mesme heure, & iour qu'il leur auoit dit, adioustèrent foy aux menaces de Colomb, par ce qu'ils n'auoient aucune cognoissance de l'Astrologie, & luy demanderent pardon pleurants à chaudes larmes le priants qu'il ne fust plus indigné cõtre eux. Ils luy apporterẽt tout ce qu'il demandoit, & le prierent qu'il les mit en la

bône grace de la Lune. Par ce moyen aüec le bon traictement, & seruice des habitans les malades prindrēt guerison, & furēt prests à combattre contre les deux freres de Porras, & leurs alliez, qui ne pouuans passer la mer, en si petits vaisseaux ne faisoient que tourner, & voltiger pour voir s'ils pourroient agraffer sur Colomb quelque vaisseau si d'aüenture il luy en estoit venu de puis. Comme ils tournoïēt ainsi Barthelemy Colomb faillit à l'encontre d'eux, ils combattirent, il y eut quelques vns de tuez, plusieurs blesez, les deux freres Diego, & François furent prins. Ce fut là la premiere guerre ciuile, qui aduint entre les Espagnols aux Indes. En signe de ceste victoire Christophle Colomb nomma ce port Saincte Gloire, qui est en Senille de Iamaïque, où il fut vn an iusques à ce qu'il eut moyē de passer à sainct Dominique.

La mort de Christophle Colomb.

Chap. 25.

A Pres que ceste dissention fut finie Christophle Colomb s'en vint en Espagne, afin qu'il ne fust noté, & accusé comme, à l'autre fois, & aussi pour rēdre compte de ce qu'il auoit depuis descouuert, & comme il n'auoit point trouué de destroit. Il arriua en Valladolid, & là mourut en May. 1506. On enleua le corps pour le porter au monastere de la Cueue de Senille. C'estoit vn homme de bône stature, membru, de visage long, roux, piqué, & enflābé, cruel, il supportoit fort bien les peines, & traüaux. Il fut quatre fois aux Indes, & en reuint autāt de fois. Il descouurit bien au long la coste de terre ferme. Il conquist, & peupla vne grande partie de

l'Isle Espagnole que communement on appelle saint Dominique. Il trouua les Indes encor que ce fust aux despés du Roy. Il employa beaucoup d'annees à les chercher, & pour sçauoir comment on pouuoit les aborder. Il s'aduêtura de flotter sur ceste grande mer, & en pays qu'il ne cognoissoit aucunement, seulement par le dire, & relation d'un pilote: & si c'eust esté de son inuention, comme aucuns ont voulu, il meriteroit plus grande gloire. Mais soit q̃ ce soit qui l'ait meu, & incité si a il fait chose, qui merite grãdissime gloire, & telle que iamais son nom, & la renommee sera mise en oubly, & ne l'Espagne cessera de luy rendre graces, & louanges d'un trauail si glorieux: Aussi les Roys Catholiques dom Fernand, & dame Isabelle, au nom & despenſe desquels ce descouuremēt fut fait, pour recognoissance de ces seruices luy dōnerent le tiltre, & estat de grand Admiral perpetuel des Indes, & reuenu conuenable à tel estat, & tel que le seruice qu'il auoit faict, & l'honneur qu'il auoit acquis le requeroient. Entre ces bōnes fortunes il eut aussi certaines aduersitez ayant esté deux fois prisonnier, & en l'une il fut mis à la cadene: il fut mal voulu de ses soldats, & mariniers, qui fut cause que Roland Ximenez & les freres de Porras, & Martin Alphonse Pinzon se mutinerent. Au premier voyage qu'il feist il combattist contre ses propres soldats, & en tua aucuns en la bataille qu'il eut cōtre François, & Didaco de Porras. Il plaida contre le Fisque du Roy sur ce qu'il s'en retournoit en Espagne sans veoir la terre des Indes n'eust esté les trois freres Pinzons. Il laissa deux fils, desquels l'un

nommé dom Diego Colombe espousa Dame Marie de Toledé fille de dom Fernand de Toledé grãd commandeur de Leon . L'autre nommé dom Fernand Colomb vescu en liberté sans se marier: il estoit fort studieux, & laissa vne fort belle librairie, ou il y auoit douze à treize mille liures, laquelle est maintenant en la possession des Iacobins de saint Paul de Senille: ce fut vne chose memorable, & d'un fils digne d'un tel pere.

La situation de l'Isle Espagnole. & autres particularitez.

Chap. 26.

AV langage de ceux de ceste Isle elle s'appelle Hayti, & Quisqueia. Hayti veut dire aspreté, & Quisqueia terre grande . Christoffe Colomb la nomma Espagnole, maintenant on l'appelle saint Dominique, ayant prins ce nom de la ville, qui est la plus principale dedans icelle. Ceste Isle contient en longueur de Leuant en Ponent 600. mil, & de large 240. elle a de tour 1600. mil, & est de l'Equinoxial vers la Tramontane à dixhuit, & vingt degrez. Elle a par les costez vers le Leuât l'Isle de Boriquen, qu'on appelle saint Iehan, & vers Ponent l'Isle de Cuba & Iamaica: vers la Tramontane elle a les Isles des Canibales, & au Midy elle regarde le cap de la voile, qui est en terre ferme. Il y a en icelle beaucoup de ports qui sont bons, de grands fleuves fort profitables comme Hatibanico, Iuua, Ozome, Neïta, Nizao, Nigua, Hayua, & Iagues, chacun entre en la mer: il y en a d'autres moindres comme Macorix, Cibao, & Cotui, de ceux-cy le premier est riche en poisson, & les autres en or. Il y a deux lacs notables l'un pour sa bonté, l'autre

tre pour estre estrange. Il est aux montagnes, d'où sourd la riuere de Nizao, il ne rend aucun profit, & est tout couuert, & bien peu le voyent, l'autre s'appelle Xaragua, il est salé encore qu'il recoiue plusieurs ruisseaux, & riuieres d'eau douce, qui est cause qu'il est fort peuplé de poisson, & entre autres il y a de grandes tortues & des flammettes, est pres de la mer, & à de tour cinquante quatre mille. Outre les salines du port sauuage, & du fleuue Yaques, il y a vne haulte montaigne de sel en Vaiuoa, lequel on tire comme à Cardone de Catalogue. Il y a force azur, qui est bien fin, & vne infinité de Bresil, beaucoup de cotton, & ambre, des mines d'or fort riches, lequel encore ils recueillent dedans les lacs, & fleuues: il y a aussi de l'argent, & autres metaux. La terre est bien fertile, aussi y auoit en ceste isle plus d'un million d'hommes: la plus grand part n'auoient aucun vestement, & estoient tous nuds, & s'ils auoiét quelque robe estoit de cotton. Ils sont de couleur de Chastaine claire, de moyenne stature, replets, ils ont vn mauuais regard, les dens laides, les naseaux ouuerts, & le front large, ce que les meres ou sages femmes font tout expres par certain art pour gentillesse, & force, tellement que si on leur donne vn coup sur le front l'espee se rompera plustost que l'os du front aye mal. Les hommes, & femmes ont tous la peau lissée, & reluisante, aucuns disent que c'est par art: tous ont les cheueux longs, polis, & noirs.

La religion de l'Isle Espagnole.

Chap. 27.

c iij

LE principal Dieu, qu'ont ceux de ceste Isle est le Diable, lequel ils depeindēt en chasque contrée en telle forme qu'il s'est apparu à eux. Il s'apparoist à eux assez souuent, & parle à eux. Ils ont encor vne infinité d'idoles, qu'ils adorēt differemment, & les appellēt chascun par son nom propre, & leur demandent ce qu'ils pensent qu'ils ont en recommandation. A l'un ils demandent de l'eau, à l'autre du maiz à vn autte santé, & à vn autre victoire. Ils les font de croye, boys, pierre, & de cotton. Ils alloiēt en pelerinage à Loaboina, qui estoit vne grotte, où ils adoroient deux statues de boys, qu'ils appelloient Marobe, & Bintatel, & leurs offroient tout ce qu'ils pouuoient porter sur leur doz. Ils estoient tant enchantez du diable qu'ils croioient tout ce qu'il disoit: il s'en alloit quelque fois entre les femmes, en forme de Satyre, & cōme sont ceux qu'on appelle Incubes, & qu'aussi tost qu'il les auoit touchee au nôbril, il n'apparoissoit plus: mesmes il disent, & racōptent encor' qu'un Idole nommé Conocotto, que souloit adorer le Cacique Guamaret, sortoit de son petit oratoire, où il estoit lié, pour aller bâqueter, & se recreer avec les fēmes de la ville, & d'enuiron, lesquelles puis apres acouchoiēt de fils, qui portoiēt deux courōnes, en signe qu'ils auoient esté engēdre par leur Dieu. Ils adioustēt encor' que le mesme Idole s'eschappa par dessus le feu cōme la maison du Cacique brussloit: Ils cōptent aussi cōme vn autre Idole qui estoit au mesme Guamaret qu'ils appelloient Epilguanit & qui auoit quatre piēds cōme vn chien, s'en alloit parmy les mōtaignes quād ils l'irritoient, & alors le

retournoïent querir en belle processió, d'où il le rapportoïent sur leurs espaules. Ils tenoïent pour grande relique vne coquille, de laquelle ils disoient que la mer estoit sortie avec tous les poissons: ils croyoient aussi que d'une certaine grotte le Soleil, & la Lune fussent sorti, & d'un autre le premier homme, & la premiere femme. Il seroit trop long à reciter semblables folies, & moins ie l'eusse escrit, si ce n'eust esté pour faire quelq. mōstre de leur superstitiō, & cōme ils estoient au englés, & pour oster aux Indiens de terre ferme, spécialement aux Mexicains, le goust de ceste cruelle, & endiablee religiō. On peut bien pēser q. tels estoient les prestres du diable, ils les appelēt Bohitis. Ils sont mariēz cōme les autres, à plusieurs femmes, & ne differēt des autres qu'en habits. Ils sōt en grāde reputatiō, par-ce qu'ils sont medecins, & deuins, en cor' qu'ils ne respōdēt pas tousiours pertinēment, ny ne guarissent. Quād ils veulēt deuiner, & respōdre à quelqu'un, touchāt ce qu'il demāde, ils mangēt vne herbe qu'ils nōmēt Cohoba, ou la pillēt, ou biē, en prēnent la fumee par le nez, & puis sōt troublez du cerueau, & se represente à eux mille visiōs: ceste furie passēe, & la vertu de l'herbe appaisēe, il recite ce qu'il a veu & entendu au conseil des Dieux, & dict que ce sera ce qu'il plaira à Dieu, sans iamais respondre à propos de ce, de quoy on l'a requis, ou bieu il respondera en tels termēs qu'on ne les pourra entendre par ses parolles, qui est le stille du pere de toutes tromperies. Pour medeciner, ils prennent encore de ceste herbe Cohoba, qui n'est point en nostre Europe. Ils s'enfermēt avec le malade, l'ēuironēt trois ou quatre fois, luy mettēt de leur

salive en la bouche, font mille tours avec la teste, soufflent sur le patient, & puis le fussent par le col, du costé droict, disant qu'il luy ostent par là, tout son mal : en apres il passe ses mains legerement sur tout son corps, iusques à la plante des pieds. Alors son entreprinse sort effect, & iette le mal hors de la maison. Aucunesfois il monstre vne pierre, ou vn os, ou vn morceau de chair qu'il auoit caché en sa bouche, & luy faict à croire qu'il guerira incontinent, puis que c'estoit cela, qui caufoit le mal. Les femmes gardent, avec leurs reliques, soigneusement ces pierres pour enfanter plus à l'aise. Si d'auenture le patiér meurt, ils n'ont point faute d'excuse, nō plus que nos medecins, par ce que la mort n'aduient point quelque cause. S'il se trouue quelqu'un qui ne ieune point, & qui ne garde point les Ceremonies requises en tel cas, les Bohitis le chastient. Il y auoit plusieurs vieilles, qui estoient medecines, qui donnoient les medecines, & drogues avec leurs bouches par certains petits canaux. Les hommes, & femmes sont fort deuots, & gardent les festes religieusement. Quand le Cacique celebreroit la feste de son Idole principal, tous venoient à l'office, ils asseoient leur Idole ioliment, les prestres se mettoient comme en vn rond, le Roy, ou Cacique estoit aupres, à l'entree du temple avec vn tabourin à son costé, puis venoient les homes peints de noir, rouge, bleu, & d'autres couleurs, courōnez de chapeaux de fleurs, de plumes, & coquilles, ayās aux bras & iambes, des sonnettes : Les femmes aussi venoient avec semblables sonnettes, mais nues, & si elles estoient vierges, elles n'estoient point pein-

êtes, & si elles estoient mariees. elles auoient seulement des corttes, ou brayes, elles entroient en dâsant au son de ces coquilles, & comme elles entrêt, le Cacique les saluë avec son tabourin : estans tous entrez au temple, vn chacun vomist, se mettât vne baguette au gosier, pour monster à leur Idole qu'il ne leur reste aucune chose mauuaise en leur estomac, puis on s'asseoit à terre comme font les cousturiers, & chacun faisoit sa priere entre ses dents, tellement qu'il sembloit que ce fussent mouches à miel en l'air, tant estoit estrange ce bruiet. Apres arriuoient d'autres femmes avec panniens pleins de gasteaux, & de pains qu'elles portoient sur leurs testes, force roses, fleurs, & herbes odoriferantes par dessus. Elles enuironnoient ceux, qui prioient, & commençoient à chanter en l'honneur de ce Dieu vne vieille chanson, alors vn chacun se leuoit pour respondre : Ceste chanson finie, ils changeoient de ton, & en disoient vn autre en la louange du Cacique, & puis offroient, les genouls en terre, du pain à cest Idole, les prestres les prenoient le benissoient, & le departissoient, comme nous faisons du pain beneist, & ainsi finissoit la feste. Ils gardent ce pain tout l'an, & estiment la maison malheureuse, & subiecte à plusieurs inconueniens, qui est sans auoir de ce pain.

Les Coustumes. Chap. 28.

I'Ay desia dit comme les habitans de ce pays sont tousiours nuds avec le chaud, & la bonne temperature du pays, encor' qu'és montaignes il face froid. vn chacun se marie avec autant de femmes qu'il veut, ou qu'il peut, & le Cacique Behecio

auoit trente fēmes, mais il y en a vne qui est la principale & legitime pour le fait de la succession: elles dorment toutes ensemble avec le mary en vne chambre, cōme font les poulles avec vn coq. Ils ne gardent point le lyen de parētage, sinon, avec la mere, la fille & la sœur, & encor n'obseruoient ce lien entre telles personnes, que pour crainte qu'ils auoient, croyans pour certain que celuy mourroit d'une mort mal-heureuse, qui en prendroit quelqu'une d'icelles. Aussi tost que l'enfant est né, ils le lauent & plongent en eauë froide, afin que la peau se renforcisse, & deuienne dure, ce qu'ils font souuent, & n'en aduiant aucun mal à l'enfant. Ils estiment aussi estre peché dormir avec l'enfant qu'on nourrit encor. Quand il n'y a point d'enfans, les neueux, fils de la sœur sont heritiers, disans que ceux-là sont parens plus certains que les autres, qui est vn argument qu'il y a bien peu de foy & chasteté en leurs femmes: aussi la compagnie d'une femme n'est pas bien difficile à auoir en ce pais là. Ils sont pires que corbeaux & viperes, laissant là leur sodomie, de laquelle ils sont grandement entachez. Ils aiment à trauailler peu, & prendre plaisir. Ils sont grands menteurs, ingrats muables, & deshōnestes. De toutes leurs loix la plus notable est qu'ils empalent les larrōs pour quelque larrecin que ce soit. Ils abhorrent aussi les auaricieux: ils enterrent avec les hommes, spẽcialement avec les seigneurs, aucunes de leurs femmes, & les plus-aymees, ou les plus belles, ce qu'ils font pour vn grand honneur & faueur. Quelques vnes s'enterrent elles-mesmes avec leurs maris, pour l'amour qu'elles leurs ont porté.

L'enterrement est magnifique : ils mettent le mort assis en sa sepulture, & à l'entour de luy ils mettent de l'eau, du pain, du sel, du fruit, & des armes. Ils ne font pas souuent la guerre, si ce n'est pour les confins, ou pour les pescheries, ou avec les estranges, & alors ils n'entreprennent rien sans auoir response de leurs Idoles, ou de leurs prestres, qui se meslent de deuiner. Leurs armes estoient pierres & bastôs, qu'ils leurs seruēt de lāces & d'espee, lesquels ils appellent Macanas. Quand ils veulent cō-batre ils s'attachent au front de petites images ou idoles, & allās à la guerre ils se teindēt avec xagua, qui est vn suc de certain fruit, qui les fait pl^r noirs qu'ambre noir, & avec de la bize qui est encor vn autre fruit d'arbre, duquel les grains s'attachēt cō-me de la cire, & font vne couleur cōme bole arménique. Les femmes se teignent de ceste couleur, par ce qu'elle reserre la chair, pour dācer & baller leurs Areytos. (Areito est comme la zambra des Mores) elles vont dançant & chantant des Romās, ou chā-fons en la louāge de leurs Idoles & de leur Roy, & en memoire des victoires & des choses aduenues le passé, n'ayans autre histoire que ces chansons : Ils dancent beaucoup ensemble, & sont longuement sur ces Areytos, & quelquefois tout vn iour, & toute la nuit : Ils finissent leurs chansons par yurongnerie, s'enyurans d'vn certain vin, qu'on leur donne à boire ce pendant qu'ils ballent. Ils sont fort obeissāns à leurs Caciques, iusques à là, que de ne semer sans leur volonté, ny pescher, ny chasser, qui sōt les principaux offices à quoy ils s'emploïēt, mais la pesche est pour leur manger ordinaire, &

pour ceste cause ils demeuroient tousiours pres les riuages des lacs, & des riuieres, desquelles le pays est bien garny: Aussi estoient ils grâds nageurs autant les femmes, que les hommes. Au lieu de grain ils mangent du Maiz: Ils font aussi du pain de Yuca, qui est vne grande racine blanche comme vne raue, laquelle ils grattent, & espreingnent pour en oster le ius, qui est veneneux. Ils ne cognoissoient point la vertu des raisins, encor' qu'ils eussent de la vigne, & au lieu ils faisoient du vin de maiz, & de fruiçt, & d'autres bonnes herbes, que nous n'auons point par-deça, comme caimitos, caiaguas, figues, auzubas, guanabanos, guiabos, iarumas, & guazumas. Les fruiçts, qui ont noyau, sont hobos, hiccacos, macaguas, guaibaras, & mameyes, qui est le meilleur de tous. Ils n'ôt point de lettres, ny poix, ne monnoye, encor' qu'ils ayent grand nombre d'or, d'argent, & autres metaux: ils ne sçauoient que c'estoit que fer, il se seruoient au lieu d'une pierre aguisee au feu, & pour n'estre trop long, ie veux clorre ce chapitre, & dire toutes leurs choses sont autant differentes des nostres, que leur terre est nouuelle à nous autres.

Que le mal des bubes, ou mal Francoi, est venu des Indes.

Chap. 29.

CEux de ceste Isle Espagnole, sont tous pleins de bubes, & comme les Espagnols auoient affaire avec les Indiennes ils furent incontinent saisis de ce mal, qui est vne maladie fort contagieuse, & tourmente la personne avec douleurs cruelles. Plusieurs infectez de ce mal, se sentans ainsi tourmentez, & ne recepuoir aucun allegement s'en re-

tournerent en Espagne pour se guarir, autres pour leurs affaires, lesquels feirent part incontinent de leur mal à des femmes, & courtisannes, & elles apres en abreuerent d'autres hommes, qui passerent en Italie, à la guerre de Naples, sous le grand Capitaine en la faueur du Roy Ferdinand second, contre les François. Par ce moyen ce mal s'attacha, & s'estendit par de la, en fin ce print aussi aux François: & comme ce mal aduient en vn mesme temps les François pensoient l'auoir prins des Italiens, & de la l'appellerent le mal de Naples, & les autres l'appellerent mal François, croyant que les François leur eussent donné. Autres l'ont nommé rongne d'Espagnes. Iean de Vico medicin, Antoine Sabellic historiographe, & autres font mentiõ de ce mal, disans qu'il commença à estre aperceu, & diuulgué en Italie l'an 1494. & 95. Louis Bertauan escriit qu'au temps mesme ce mal de bubes, ou verolle se print en Calecut, maladie, laquelle ils n'auoient point encor' veüe, & en feit mourir grand nombre de personnes. Or comme ce mal est venu des Indes, le remede aussi en a esté apporté, qui est vn autre argument vray semblable, que son origine est de la. Ce remede est le boys sainct, qu'on appelle aux indes Gualacan, les mótaignes sont couuertes de ce bois. On guarist aussi ce mal avec la racine, & bois d'esquine, qui doit estre le mesme Gualacan, & est tout vn. Au commencement ce mal estoit bien violent, infect, & deshonneſte, mais au iourd'huy il n'est si rigoureux, ny si deshonneſte.

LEs cocuyos ont quasi la forme de mouche & sont plus petis que chaulue souris, ils ont quatre estoilles, qui luy sent à merueilles: les deux leurs seruent d'yeux, & les deux autres sont sous les aisselles, elles rendent si grande clarté, qu'à la lueur d'icelles on file, on faiët de la royle, on peinct, on balle, & faiët on de nuict autres telles choses, mesmes les habitans chassent avec ces petites bestes de nuict aux Hurias, qui sont comme nos conils, & peschent, & vont par pais les portans attachees au gros ortueil de leurs pieds, & aux mains, cōme vne torche & flambeaux faits de bois de pin. Les Espagnols lisoient leurs lettres avec ces bestes, & ce qui est le plus difficile à croire, ils s'en seruoient pour tuer les mousches que nous appellōs cousins, qui leurs donnoyēt grande fascherie, & ne les laissoyēt reposer, & pense qu'ils les auoyēt plustost en leurs maisons pour cest effect, que pour en receuoir clarté. Ils les prēnent avec vn tison de feu, & les appellent par leur nom, & viennent plustost à la lumiere, que nō pas au sifflet, cōme aucūs croiēt. Ils les prennēt aussi avec des rameaux, où volōtiers ils se viennent ietter, & puis on les secoue, & estās tombez à terre, pour estre lourds, ils ne se peuuent leuer. Si on s'oiugt les mains, ou le visage avec ces petites estoilles, il semble qu'on brusle, 'ce qui estōnoit beaucoup de gēs: si on les distiloit ie croy qu'il en sortiroit de l'eau merueilleuse. La Nigua est cōme vne petite pulce, qui saute, elle ayme fort la poudre, elle ne mort point, sinō és pieds, où elle se fourre

fourre entre peau & chair, & aussi tost elle iette des lentilles en plus grande quantité qu'on n'estimerait, attendu sa petitesse, lesquelles en engendrent d'autres, & si on les y laisse sans y mettre ordre, elles multiplient tant qu'on ne les en peut chasser, ne y remedier si non avec le feu, ou le fer : mais si on les oste de bonne heure elles font peu de mal. Le remede pour les empescher d'entrer ainsi es pieds chaulez, ou bien enuveloppez. Aucuns Espagnols pour ce mal, ont perdu les doigts des piedz, autres les pieds entiers:

Des poissons qu'on appelle en l'isle Espagnole Manati.

Chap. 31.

MAnati est vn poisson qui n'est point en nostre mer, il s'engendre, & en la mer, & aux riuieres. Il ressemble à vne peau enflée ayant deux piedz seulement, avec lesquels il nage, & ceux qu'il a sur les espauls s'espandent par le meillieu iusques à la queue. Il a la teste comme celle d'un beuf, mais plus descharnee, & le poil plus gros & rude, les yeux petits, il est de couleur cendree, il a la peau dure semée de quelques petits poils, il est long de vingt pieds, & gros de dix, il est si lourd qu'il n'est possible de plus, il a les pieds ronds avec quatre ongles faicts comme ceux d'un elefant. La femelle rend ses petits comme vne vache, aussi a elle deux mamelles pour les alaiter. En le mangeant, il semble plustost estre chair que poisson, quand il est frais vous diriez que ce seroit veau, s'il est salé il ressemble à la Tonine, & est meilleur toutesfois, & se garde beaucoup mieux. Le beurre qu'on en tire est fort bon, & ne rancist point, ny ne sent iamais le viel. Avec

ce beurre mesme on controye la peau, qui puis apres sert pour faire fouliers, & autres choses. Ce poisson a certaines pierres en la teste, desquelles on se sert contre les douleurs de la pierre, & contre le mal de costé. On le tue ce pendant qu'à la rive des riuieres ou de la mer il paist de l'herbe on le prend aussi avec le retz quād il est petit. Le Cacicque Caramataxi en print vne fois vn encor' bien petit, & le nourrit vingt-six ans en vn lac, qu'on appelle Guainabo, aupres duquel il demeueroit. Cet animal deuint si fin, si doux, & amiable qu'ō l'eust prins pour vn des daulphins, desquels les anciens font si grād cas, il māgeoit tout ce qu'ō luy bailloit de la main: il venoit abord quand on l'appelloit Matto, qui veut dire en langue Indienne Magnifique: mesmē il sortoit de l'eau pour venir manger en la maison, il se iouoit sur le bord du lac, avec les petits enfans, & autres, il faisoit apparence de prendre plaisir quand quelqu'un chantoit, il enduroit qu'on monstast sur luy, & passoit sur son dos les personnes d'un bord à l'autre sans les iecter dedans l'eau, il en portoit par fois dix sans affoiblir, en ce faisant il seruoit de grand passetemps aux Indiens. Vn Espagnol vn iour voulant sçauoir s'il auoit la peau si dure comme on disoit l'appella Matto, Matto, & l'ayant aperceu luy lança vn dard, qui luy feist mal encor' qu'il n'entraist dedās, cela fut cause que puis apres il ne voulut plus sortir de l'eau quād il voyoit des hommes barbez, & habillez comme les Chrestiens, on auoit beau l'appeller c'estoit pour neant. Il aduint que le fleuve Hatibonico s'ēssa fort haut, tellement qu'il sortit hors ses riuages, & entra dans

le lac Guainabo, qui donna moyen au gentil Marto de se retirer en la mer d'ou il estoit venu, de quoy les Caranetexiens resterent mal contents.

Des gouverneurs de l'Isle Espagnole.

Chap. 32.

CHristophe Colób gouverna huit ans ceste isle, durant lesquels luy, & son frere Barthelemy Colomb conquererent la plus grand partie d'icelle, & la peuplerent. Il despartit le pays, & plus d'un milion d'Indiens, qui estoient là, entre ses soldats & ceux qu'il auoit menez pour peupler, & quelques officiers du Roy, & ses freres. Tels Indiens demeuroient vassaux, & tributaires à ceux à qu'ils estoient despartis, ou leurs seruoient aux mines, ou aux fleuves, ou estoit l'or. Il en retranscha la cinquieme ou quatrieme partie d'iceux pour le Roy, de façon que tous trauailloient pour les Espagnols. Quand François de Bonadilla fut enuoyé en ce pays pour gouverneur, apres qu'il eut enuoyé en Espagne Christophe Colomb, & ses freres prisonniers, il demeura trois ans en son gouvernement, ou il se porta sans plainte. Roldan Ximinez se rendit à luy avec ses cōpagnons. En son temps on tira grande quantité d'or. Nicolas de Ouádo luy succeda en ce gouvernement. Iceluy passa en ceste isle l'an 1502, avec trente voeles, & grand nombre de gens. François de Bonadilla, mit en ces vaisseaux pl^{us} de cēt mil poix d'or fin pour le Roy, & pour quelqs particuliers, qui est la pl^{us} grāde richesse qu'o ait veüe de ce país là ensēble. Il mit encor plusieurs grains d'or, & entr'autres vn pour la Royne, qui pesoit trois mille trois cens Castillans d'or pur, vn castillan vaut vn

ducat, & vn tiers de ducat d'or. Vne Indienne de Michel Diaz Arragonnois auoit trouué ce grain. Il s'ébarqua en vn fort mauuais temps, & aussi il se perdit en la mer avec plus de trois cens personnes, entre lesquels estoit Roldan Ximinez, & Antoine de Torres capitaine de l'armee, il n'eschappa point six nauires, de toute l'armee & ces centmille poix, & ce grain d'or furent perduz. Nicolas d'Ouando gouerna sept ans catholicquement en homme plein de toute iustice & equité. Je croy que de tous ceux qui deuant, & apres luy ont eu charge aux indes, de la iustice, du gouuernement, & des guerres, il n'y en a point qui mieux ait gardé les commandemens du Roy, & sur tout defendoit rigoureusement qu'aucun homme suspect de la foy, ou qui fust fils, ou neveu d'un qui auroit esté condamné par l'inquisition, ne fust si hardi d'entrer en ceste isle. Il cōquist les provinces de Hignei, de Zanana, de Ygnacaia-rima, qui estoient pleines d'hōmes brutaux, qui n'auoient ne maison pour se retirer & se defēdre des iniures du temps, ny aucun pain pour se sustenter. Il pacifica celle de Xaragna ayant fait brusler quarante Indiens des principaux, & fait pendre le Cacique Gnaorecuya, à la barbe duquel il feist aussi pēdre Anacaona, qui fut femme de Coanabo, fēme dictē, la plus dissolue, qui fust en ceste isle. Il feit de grands peuplades de Chrestiens par ceste isle, il enuoya en Espagne au Roy grāde somme de deniers: & pour retouirner il fut contrainct emprunter argent encor' qu'il eust plus de huiēt mille ducats de reuenue par an, sans l'estat qu'il auoit du Roy, ce qui monstre bien à vn chacun comme il estoit net,

& non souillé d'avarice. Il estoit deuant qu'aller en ceste isle commandeur de Larez, mais il en reuint grand commandeur de Alcantara. Depuis luy, ce gouuernement tomba entre les mains de Dō Diego, Colomb grand Admiral des Indes, qui l'eut six, ou sept ans. Il auoit le docteur Marc d'Aguilar, pour son grand preuost. Il fut reuocqué, & appellé en Espagne, pour les plainctes qu'on faisoit de luy au Roy Catholique. Estant de retour il plaida quelques ans, cōtre le Fiscque, sur les priuileges, & prerogatiues de son office de grand Admiral, & pour ses reuenuz. Frere François de Cizneros Cardinal, & Archeuesque, de Toledo, qui pour la mort du Roy Catholique, & pour l'absence de Dom Charles gouuernoit l'Espagne, enuoya en ceste isle Espagnole pour gouuerneurs des moynes, frere Louis de Figueora, frere Alфонse de S. dominicque, prieur S. Iean d'Oregne, & frere Bernardin de Manzanedo, tous de l'ordre de S. Hierosme; Lesquels eurent pour assesseur, le docteur Alphonse de zuazo: & prindrent pour officiers du Roy, & pour resider les docteurs Marcel de Villalobos, Iean Vrtiz de Martieuzo; & Luc Vasques de Villon, qui seroient iuges d'appel. Ces freres osterent les Indiens aux Espagnols tāt à ceux qui estoient presens qu'absēs par ce que leur seruiteur en l'absence de leurs maistres les traittoient mal, & les renuoyerent par le pays pour estre mieux endoctrinez. Mais il eust mieux esté, si on ne les eust meslé pour peupler avec les Espagnols, par ce qu'ils donnerent par telle communicatiō, la verolle qui estoit vne maladie toute nouvelle, qui en feit mourir beaucoup. Du temps de

ces freres l'industrie de faire le sucre creut, & l'augmenta grandement. Depuis que ces freres retournerent en Espagne, on erigea en ceste isle vne Rotte ou Parlement, ou fut mis le seau Royal. Les premiers auditeurs de ceste Rotte furent Marcel de Villalobos, Jean Vrtiz de Matieuzo, Luc Vascquez de Villon, Christophle Lebron: quelques ans apres on enuoya Sebastie Ramirez de Fuen Real pour y presider, & tousiours depuis ceste isle a esté regie, & gouuernee par auditeurs, & presidens.

Que ceux de ceste isle Espagnole, auoient pronostique la destruction, & abolition de leur religion, & liberte.

Chap. 33.

LEs Caciques, & Bohiris, entre lesquels demeurant tousiours de main en main tout ce qui s'est faict, & dict anciennement, racomptioient à Christophle Colomb, & aux Espagnols, qui allerent avec luy, qu'une fois le pere du Cacique Guarionex, & vn autre petit Roy voulurēt demāder à leur Zemi, & idole du diable, ce qui deuoit auenir apres leurs iours, & que pour en auoir respōce il auoyēt ieusné cinq iours entiers sans māger ne boire chose aucune. Il festoient lamentez, & macerez à merueilles encensans leurs dieux, ainsi que la ceremonie de leur religion le requeroit. Ces ceremonies acheuees ils eurent respōce qu'encor' que les dieux tinssent en secret les choses, qui doibuent aduenir aux hommes pour leur meilleur, neantmoins ils leur vouloient bien declarer pour la sainte religion qu'il voyoient en eux: Ils deuoient donc sçauoir, que deuant qu'il s'escoulast gueres d'annees, viendroient en ceste isle certains hommes, qui

porteroient la barbe longue, & auroient tout le corps couuert, qu'iceux tailleroiēt vn homme iusques au milieu avec leurs espees luisantes, qu'ils porteroient attachees à leur ceinture, qu'ils ietteroient par terre leurs anciens dieux, reprouuans leurs anciennes coustumes, & ceremonies: qu'ils espanderoient le sang de leurs enfans, ou les nourriroient en toute meschanceté. Pour memoire de ceste espouuentable responce, ils composerent vne chanson qu'ils appellent Areytos, & la chantoient aux festes tristes, & lamentables. Suiuant ceste responce ils fuyoient quād il voyoient des Caribes, par ce que c'estoit la coustume de ceux cy de tuer, & manger les hommes qu'ils rencontroient qui n'estoiēt de leur pays. Le tout aduint de poinct en poinct cōme la responce portoit, cōme ces prestres le cōptoient, & chantoient. Car les Espagnols feirent mourir grand nombre d'indiens tant par le malheur de la guerre, que par le cōtinuel trauail des mines, & meirent par terre leurs idoles, sans en pardonner à pas vne, ils defendirent rigoureusēmēt l'v-sance de toutes leurs ceremonies, & superstitiōs. Ils les feirēt esclaves, & serfs, au departemēt qu'ils feirent du pays. Estās ainsi traiçtez, & plus tourmētez qu'ils n'auoient de coustume, les vns moururēt, les autres furēt tuez, tellemēt que d'vn million de personnes & plus, qui estoient en ceste isle, il n'y en a pas pour le iourd'huy 500. Aucuns sont morts de faim autres de trauail, plusieurs de la verolle, aucūs se sōt faits mourir avec du ius de yuca, autres avec telles herbes veneneuses, quelques vns se pendoïēt aux arbres, les femmes faisoïēt comme leurs maris

elles se faisoient accoucher auant terme, à fin que leurs enfans, ne vinssent point vif en lumiere, ne voulans point qu'ils seruissent à des hōmes estrangers. Telles miseres bien considerees on iugera que Dieu les enuoioit pour chastier leurs pechez abominables, cōbien que toutesfois ces premiers conquerans soient grandement à reprendre pour les auoir si mal traictez, pour vne pure auarice, sans auoir aucun esgard à son prochain.

Des miracles aduenuz en la conuersion des Indiens. Chap. 34.

FRere Buel, & les douze prebstres qu'il mena pour compagnee avec luy commencerent la conuersion des Indes. On pourroit toutesfois dire que ce furent les Roys Catholiques, puis qu'ils furent parrins des six Indiens, qui furent les premiers baptisez en la cité de Barcelone. Pierre Xuarez de Deza, qui fut le premier Euesque de la Vegue, continua ceste conuersion avec Alexádre Girardin Romain, qui fut second Euesque de S. Dominique. Le premier n'y fut point, qui fut frere Garcia de Padilla, de l'ordre de S. François, par ce que il mourut deuant qu'il passast par delà. Plusieurs autres prebstres, & moynes s'employèrent à ceste conuersion, & baptiserent tous ceux de ceste isle, qui au commencement n'estoient point ençor' morts. Ils leurs osterent par force leurs idoles, & les ceremonies qu'ils auoient, ce qui fut cause qu'ils presterent l'oreille, & adiousterent foy à ces prescheurs, qui continuellement les preschoient, & ainsi ils creurēt incontinent en nostre Seigneur Iesus Christ & se firent Chrestiens. Le precieux corps sacramental de

Iesus Christ qu'on meit en plusieurs Eglises y opera grandemēt, par ce que sa presence dechassoit les diables, cōme aussi faisoit le signe de la Croix, tellement que le zemi ne parloit plus aux Indiens cōme il souloit, ce qui les rendoit bien estonnez. Il y en eut beaucoup de gueriz par le moyen du sainct boys & de la bonne deuotion qu'ils auoient à la Croix que Christophle Colomb en son second voyage auoit laissee en la Vegue, qu'ils surnommerent pour ceste cause de la vraye Croix. Les Indiens prenoient de ceste Croix quelques coppeaux, lesquels ils gardoient cōme reliques precieuses. Ceux qui faisoient la guerre aux Chrestiens s'efforcerent de l'enleuer, ce qu'ils ne peurent. Le Cacicque de la vallee de Caonau voulant essayer qu'elle estoit la force, & saincteté de la nouvelle religion des Chrestiens, voulut auoir la compagnee d'une femme, qui faisoit son oraison en l'Eglise. Elle le prie ne vouloir souiller la maison de Dieu, autrement qu'il se courrouceroit contré eux. Quand à luy il respond qu'il ne se soucie de si grande saincteté, vsant de blasphemies au deshonneur du sainct sacremēt, & qu'il ne luy challoit que Dieu se courrouçast. Il accomplost son desir, & aussi tost deuiant muet, & estropié de ses membres. Ce mal si soudain le fait repentir, avec deliberation de ne sortir iamais de ceste Eglise, & ne voulut de puis que autre que luy la nettoiyast. Les Indiens eurent ce fait pour grand miracle, & visitoient souuent ceste Eglise. Quatre Indiens vne fois se cachèrent en vne grotte pour le tonnerre, & la pluye qui estoit forte. Vn d'entre eux se recommandoit à nostre dame, les autres se

mocquoient d'un tel Dieu, & d'une telle priere. Le tonnerre les tua, ne faisant aucun mal à celui, qui si deuotieusement s'estoit recommandé. Les lettres missiues que les Espagnols escriuoient les uns aux autres ont beaucoup aidé à telle conuersion. Par ce que les Indiens croyoient que les Espagnols eurent l'esprit de prophetic, puis qu'ils s'entendoient l'un l'autre sans se veoir, & sans parler, ou bien ils pensoient que la missiue parlast, ainsi qu'il aduint au commencement, un Espagnol enuoyoit à un sien compagnon une douzaine de hutias cuiets, & froids, a fin qu'ils ne se corrompissent point au chault: l'Indien qui les portoit s'endormit, ou se reposa par le chemin, & estant trop long temps à arriuer où on l'enuoyoit, la fin le print, tellement que ces deux hutias il en mangea trois. La responce qu'il r'apportoit en une lettre à celui qui l'auoit enuoyé, contenoit que l'autre le remercioit de neuf hutias. Aussi tost que l'Espagnol eut leu ceste lettre, il se colere contre l'indien, qui soustenoit en auoir baillé douze, mais pensant que ce fust la lettre qui parlast, il confessa la verité, demeurant tout honteux, & aduertissant ses compagnons comme les lettres parloient, à fin qu'ils s'en gardassent. Au lieu de carte, & d'encre, on escriuoit en feuilles de Quibara & Copei, avec un poinçon ou esguille. On faisoit aussi des cartes à iouër des feuilles de ce Copei, qui s'ont assez fortes pour estre marquees.

*Les choses de nostre Espagne, qui sont pour le iourd'huy
 en l'Isle Espagnole. Chap. 35.*

EN tout le pays de ceste isle il n'y a gueres d'Espagnols, & esclaves Negres, qui trauaillent es mines, au sucre, apres le bestail, & autres telles affaires, par ce que, comme i'ay dict, il n'y a que bien peu d'Indiens, qui mesme viuent en liberté, & avec tel repos qu'il vueillent prendre. Ce que l'Empereur leur a donné de grace, à fin que ceste nation, ne fust du tout perduë, & que le langage de ce pays demeurast, qui à tant accru le domaine du Roy d'Espagne. La plus noble ville de ceste isle est Saint Dominicque, qui fut fondee par Barthelemy Colomb, en la riuere du fleuue d'Ozame. Il luy donna ce nom par-ce que il arriua en vn Dimanche, qui s'appelle en Latin Dominica, auquel iour estoit aussi la feste de S. Dominiq, & aussi pour ce que sō pere s'appelloit dominique, tellemēt que troiscasues concurrent ensemble pour luy dōner nom. En ceste ville est assis le parlement de la Rotte Royale: c'est aussi le siege Archiepiscopal, & est vn passage pour toutes les indes, qui à esté cause que toute l'isle a prins son nō de ceste ville. Le premier euesque fut frere Garzia de Padilla cor, & le premier Archeuesque fut Alphonse de Fuen Maior natif de Yanges l'an 1548. En ceste Isle il n'y auoit aucuns animaux à quatre pieds, si non trois sortes de connils, où pour mieux dire, gros rats, qu'ils appellent hutias, cory, mohuy, & quemis qui sont cōme lieures, & petits chiens de diuerses couleurs, qui ne lappoient, ny abbayoient: ils chassoient avecques ces chiens, & puis apres estre deuenuz gras, ils les mangeoiēt. Mais maintenāt il y a en ce pays toutes sortes de bestes, qui seruēt pour le mager, &

pour porter. Les vaches y ont tât multiplié, qu'on bailloit la chair pour auoir la peau: Le Doyen Roderic de Bastidas a eu d'une seule vache quatre vingts peaux en vingt six ans. Elles ont tous les ans des veaux, & le plus souuent elles en ont deux par an, elles vellent dans dix moys si elles sont ieunes, les iuments font de mesme. Les chiens qu'on y aportez, & qui s'y sont procréez, & nourriz par les montagnes, & deserts sont deuenüz plus carnassiers que les loups, & font grád d'ómage aux cheures, & moutons. Les chats qu'on y a portez d'Espagne ne crient pas tant comme ils font par deçá, ils n'attendent point le moys de Ianuier, pour entrer en chaleur, mais tous les moys de l'an sont en amour sans faire aucū bruiçt, & sans gróder. Il y auoit en ceste isle de la vigne, qui portoit des grappes, desquelles ils ne font du vin, de quoy ie m'estonne, attendu que ceste nation est fort subiecte à s'en iurer. On a apporté de la vigne d'Espagne, les raisins se meurent à Noël, & toutesfoys on n'en faiçt poinçt encor' de vin. Je ne sçay pourquoy si ce n'est pour la paresse, & nonchalance des hommes, ou pour la force du pays. Le grain y proffite fort bien encor' qu'on s'y addóne peu, à raison que le maiz est plus facile à cultiuer, & plus seur à recueillir, & faiçt vn pain plus materiel, & aussi qu'il sert de vin. Au commencement que on sema du grain il iettoit le tuyau fort, & l'espy si groz, qu'il y en auoit tel, qui rédoit deux mille grains: on ne vit iamais telle multiplication, ce qui dóne à cognoistre que ce pays est fort graz: & par là aussi on peut iuger que les oliuiers, & autres fruiçtiers, qui ont noyau, doibuent estre ste-

riles, & sans fruit : mesme il y en a quelques vns
côme pesches, & tels autres, qui ne veulent prendre
racine. Les palmiers toutesfoys rendēt leurs dattes
meures, mais elles n'ont point de bōté, Au cōtraire
les arbres, qui ont pepin ou semēce y profitēt fort
bien : aucunefoys ils portēt leur fruit doux, aucu-
nesfoys aigre. Il y a plusieurs sortes d'arbres portās
cannes, cōme casse naturelle, mais ils ne vallēt rien.
Les cassiers qu'ō a esleuē de grain apporté d'Espa-
gne sont fort excellēs, & ont multiplié grandemēt :
les formis y font grand dōmage : Toutes les herbes
de iardinage, qu'on a apporté d'Espagne croissent
en abondāce, & sont deuenues si vitieuses, que rien
ne sçauoit greuer la personne d'auantage, comme
sont des laiētues, ciboules, persil, choux, carottes,
raues, & cōcombres. Ce qui a le plus multiplié est
le sucre, tellemēt que pour le faire & affiner il y a iā
plus de trente engins, & la traficque en est fort ri-
che. Le premier, qui planta ces cannes doulces, fut
Pierre d'Acienza. Celuy, qui premier le tira des can-
nes fut Michel arbalestrier Catalā : & celuy, qui pre-
mier en feit vne charge de cheual, fut le docteur
Gonzalle de Velosa. Ils ont encor' en ceste isle du
baulme bastard, qu'ils prēnent d'un arbre appellé
Goaconax, qui rēd vne odeur suauē, il brusle com-
me du suc de pin. Le premier qui en print fut An-
toine de ville saincte, par l'aduis de sa femme qui
estoit indiēne. Ils tirēt encor' de ce baulme d'autres
endroiēts : Il n'est si bon que celuy d'Egypte, ou Iu-
dee, il sert aux plaies, & s'applique aux douleurs. Il y
a grand nombre d'oiseaux en ceste isle, qui ne sont
point en Espagne, & y en a aussi beaucoup des no-

stres. Il n'y auoit de paons; ny de poulles. Les paons
sont difficiles à esleuer, mais les poulles y profiter à
souhait; sans estre differētes de celles de par deça, si
non que les coqs ne chantent point à minuiēt. Les
choses qu'on apporte de ce pays pour marchandise
en Espagne sont sucre, brofil, baulme, casse, cuire,
& azur d'outre mer fort fin. l'ay escript ce chapitre, à
fin qu'un chacū cogneut quel aduātage fait, & quel
secours dōne ce pays pour le iourd'huy y ayāt mes-
lé de nouueaux habitās. l'ay esté du mō papier à es-
crire plusieurs particularitez de ceste isle, parce que
le suiet de l'histoire le requeroit, & aussi qu'elle a es-
té la source d'oū est sorty le reste du descouure-
ment qu'on à faiēt de ces Indes, pays, & regions si
grandes comme auez peu entendre par nostre geo-
graphie, au chap. 12. La troisieme cause aussi est
pour l'amour de ceux, qui vont aux Indes, lesquels
en faisant leur chemin prennent port à cet Isle, & y
descendent, ou l'approchent de si pres qu'ils la tou-
chent, ou pour le moins en passant la regardent.

LIVRE SECOND DE

L'HISTOIRE GENERALE
des Indes.

Comme les Espagnols ont trouué toutes les Indes. Cha. 36.



Comme il estoit notoire à un
chacū cōbien grāds estoient les
pays que Christofle Colōb a-
uoit trouuez, plusieurs suiuant
ce chemin se meirent sur mer
pour en trouuer encore d'au-
tres, aucū à leur propres couts

& despés, autres aux despés du Roy, pésans to^r s'enrichir, & acquerir gloire, & faire mieux leurs affaires avec celles du Roy. Mais toutesfois aucuns n'ont rien fait que descouvrir des pays, & se consommer & si n'est demeuré memoire de tous que ie sçache, pour le moins de ceux, qui ont floté vers la Tramōtane costoyants les pays de Baccaleos, & de labeur, qui ne sont gueres riches. Le mesme est aduenū à ceux, qui ont vogué vers la partie de Paras depuis l'ā 1495. iusques à 1500. Je discoureray seulement de ceux, desquels ay peu entēdre quelque chose, sans auoir esgard à aucun, assurant en premier lieu que toutes les Indes ont esté trouues par les Espagnols, excepté la part que descouurit Colomb, ce que ie dis, affin que les Roys Catholiques sçachent qu'elles ont esté, & qu'elle est la propriété qu'ils en ont en ayants prins possession de toutes avec la licence, & ottroy du Pape.

Terre de labeur. Chap. 37.

PLusieurs ont costoyé le pays de labeur pour sçauoir iusques où il s'estendoit, & si on ne trouueroit point passage pour aller aux Moluques, & gaigner les espiceries, qui sont commē nous dirons ailleurs soubz la ligne Equinoxiale, pensants accourir le chemin de beaucoup. Les premiers, qui ont cherché ce passage ont esté Castillans, parce que les Isles des espices est de leur departement. Les Portugaloyz ont faict le semblable, pour tousiours interrompre ceste nauigation, si d'auenture ce passage fust trouué, & pour rendre immortel debat qu'ils ont sur ces Isles & n'en

venir iamais à bout. Pour ceste cause Gaspar Cortés Real fy en alla avec deux carauelles l'an 1500. Il en peut trouuer le destroit qu'il cherchoit. Il laissa son nō à des isles qu'il rēcōtra à la bouche du goulf Quarre à plus de 50. degrez. Il print esclaves enuiron de soixante hommes, & s'en reuint tout ennuie, & desesperé de son entreprinse pour les grandes neiges & glaces, qui sont quasi continuelles en ce quartier, ou mesme la mer se congele. Les hommes de ce pays sont bien dispos : ils sont Mores, & bons au trauail. Ils se chargent de peinture par galanterie, & se mettēt aux oreilles des pendans d'argent. Ils se vestent de peaux de Martre, & d'autres animaux : l'hyuer ils mettent le poil en dedans, & l'esté par dehors. Ils se serrent le ventre, & les cuisses avec des cordons de cottō, & nerfs de poisson, ou d'autres animaux. Ils mangent plus de poisson que d'autre chose, & spécialement du Saulmon encor qu'ils ayent force oyseaux, & fruits. Ils font leurs maisons de bon bois, duquel ils ont grande quantité, & les couurent avec peaux de poisson, & d'autres animaux au lieu de tuille. Ils disent qu'il y a en ce pays des grifons, & des ours, avec plusieurs autres animaux, & oiseaux tout blancs. En ce pays, & és isles prochaines vont, & demeurent les Bretons, le pays desquels est en mesme hauteur, & temperature que celle de ce pays. Des gens de Noruegue y sont aussi allez avec le pilote Iehan Scolue, & les Anglois avec Sebastien Gauoto.

Pour quelle cause l'auteur commence à ce quartier là à discourir sur le descouurement des Indes. Chap. 38.

l'ay

I'Ay commencé à reciter le descouurement des Indes du cap de Labeur pour suyre l'ordre que i'ay gardé en descriuant leur situation, m'estant aduis que c'est le meilleur moyen, & le plus cler tant pour escrire que pour le donner à entendre. Car suivant vn autre stile ce ne seroit qu'une confusion. Il est bien vray que ce seroit vn bon ordre si on suiuoit les temps, esquels elles ont esté trouuees.

De Baccaleos.

Chap. 39.

IL y a vne grande estendue de terre, qui se iette en poincte dans la mer, laquelle on appelle Baccaleos sa plus grãd' haulteur est de 44. degrez & demy. On appelle ce pays Baccaleos à l'occasiõ d'aucuns poissõs, qui sont là en si grãde abõdance, qu'ils empeschẽt le cours des nauires. Celuy, qui apporta plus certaines nouuelles de ces gẽs cy, fut Sebastien Gauoto Venitien, leq̃l equippa en Angleterre aux despẽs du Roy Hery septiesme deux vaisseaux, ayãt grãd enuie de negocier aux espices cõme faisoient les Portugais. Aucũs disent qu'il arma cẽs nauires à ses propres despẽs, & qu'il promit à ce Roy Henry d'aller au Caray par la Tramontane, & ramener de là des espices en moindre temps que ne faisoient les Portugais allans par le Midy, & qu'il entreprist ce chemin pour sçauoir quel pays c'estoit que les Indes, & pour y bastir. Il mena avec soy trois cens hommes, & print la route d'Island' au dessus du cap de Labeur iusques à ce qu'il se trouua à 58. degrez & par delà. Il racomptõit que le moys de Iuliet estoit si froid, & les glaçons si grands, qu'il ne fut assez hardy de passer outre: que les iours estoient fort longs quasi sans nuit, & pource peu qu'y en

auoit encor estoiet elle fort claire. C'est vne chose certaine qu'à 60. degrez les iours sôt de 18. heures. Gauoto sentant le froid, & voyant la rudesse de ce quartier, tourna vers Ponët, se rafreschissant à Baccalcos: & puis flotta le long de la coste iusques à 38. degrez, & de la rebroussa son chemin en Angleterre. Les Bretôs & Danois font le voyage de Baccalcos, & François Cartier, qui estoit François y a esté deux fois avec trois galeons: la premiere fut l'an 1534. & l'autre l'annee d'apres. Il esprouua le terroir, & le trouua commode à demeurer depuis le 45. degré iusques au 51. Il disoit qu'il failloit se fortifier en ce lieu là, par ce q̃ le terroir estoit aussi bõ que celuy de Frâce, & qu'il estoit cõmun à tous, principalemēt à ceux, qui premiers l'occuperoient.

Le fleuve de saint Antoine. Chap. 40.

L'An 1525. Estienne Gomez pilote s'en alla en ce pays avec vne carauelle armee aux despens de l'Empereur. Ce pilote vouloit chercher vn destroit qu'il auoit promis trouuer au pays de Baccalcos, par lequel on peut passer aux espices parvn chemin plus court que p̃ vn autre, & rapporter cloux de girofle, canelle, & autres espiceries, & medecines qu'on apporte de là. Cet Estienne Gomez auoit ia quelque fois nauigué aux Indes, & auoit esté avec Magellanes au destroit Magellanique. Il auoit esté à l'assemblée que les Castellãs, & Portugais auoient fait à Vedaioz pour leur differēt qu'ils auoient ensemble sur les isles de Moluques. Sur ceste dispute il trouua vn bon expedient si on eust peu trouuer vn destroit en ceste partie. Pour ceste cause Christophle Colomb, Ferdinand Cortez, Gilles Gonzalaz de Auila, & autres n'ayans peu trouuer ce des-

troit depuis le goulfre de Vraba iufques à la Floride, ce pilote conclud de passer outre, mais il ne fut possible de le trouuer, par ce qu'aussi il n'y en a point. Il costoya vn long traict de pays, qui n'auoit encor esté descouuert d'aucun, encor que Sebastien Gaueto eust esté premierement vers ce quartier là. Il print autant d'Indiens qu'il en peut mettre en sa carauelle, & les emmena avec soy, contre la volonté du Roy. Il retourna à Corona & ne fut que trois moys à faire son voyage. Quand il entra au port il dit qu'il amenoit des esclaués qui s'appellent en Espagnol esclauos: vn bourgeois de la ville n'ayât entendu qu'à demy, pensoit qu'il voulust dire des cloux, qu'on appelle en leur langue clauos, qui est ce que nous appellons cloux de girofle, lesquels à son partement il auoit promis d'apporter. Ce bourgeois ayant ainsi mal entédu ce mot, print la poste pour aller des p̄miers à la court, & acquerir la grace du Roy luy disant qu'Estienne Gomez amenoit des cloux. Ceste nouuelle fut incontinct diuulguee par toute la court, avec resiouissance de tout vn chacun. Mais vn peu de iours apres estant la verité connue cōme ce bourgeois auoit entendu des cloux pour des esclaués, & cōme le pilote ne rapportoit rien de ce qu'il auoit promis, on se print à rire de la grace que ce bourgeois demandoit, & l'esperance fut perdue de pouoir trouuer ce destroit que tant on desiroit, & ceux qui auoient fauorisé Estienne Gomez pour faire ce voyage rougirent de honte.

Les Isles Leucaies. Chap. 41.

LEs Isles Lucaies, où Iucaies sont vers la Tramontane au deffoubs de Cuba, & Haiti, autre-

ment Espagnole . On dit qu'il y a plus de 400. de ces Isles, toutes petites, exceptee Lucaia, de laquelle toutes les autres ont prins le nom. Elles sont situees à 17. & 18. degrez : entre icelles on compte Guanahani, qui fut la premiere terre veüe par Colomb, Mangua, Guanina, Zuguareo. Les gés de ces Isles sont plus blancs, & mieux dispoz que ceux de Cuba, & de Haiti, & specialement les femmes : la beauré desquelles estoit cause que beaucoup d'hômes de terre ferme comme de la Floride, de Chicoré, de Iucatam alloient viure en ces Isles, ce qui rendoit la ciuilité d'entre eux plus grande, qu'en pas vne autre Isle, & y auoit diuersité de langage. Je croy que de là est venu le bruiet qu'il y auoit là des Amazones, & qu'il y auoit vne fontaine, qui faisoit raieunir les vieilles personnes. Ceux de ces Isles sont tousiours nuds s'ils ne vont à la guerre, à la feste, où aux dâses. Car alors ils se couurent d'un vestement fait de cotton, & de plume bien agéece avec vne certaine industrie, & sur la teste ils mettēt de grands pennaches. Les femmes marices, & celles qui sē sont esbatuës avec les hommes, se couurent les parties honteuses depuis la ceinture iusques au genouil avec certains petits mâteaux : mais les vierges ne portent qu'un petit rets de cotton, qui a dedās la maille des fucilles d'herbe, encor ne portent elles ce rets que quād'elles ont leurs moys, autrement elles vont toutes nuës. Et quād'leurs moys viennent, elles inuitent leurs parēns & amys, faisans vne feste, comme ils feroient au iour des nopces. Il y a en ces Isles vn Seigneur, qui a le soin de la pesche, de la chasse, & des semēces, & ordon-

ne à vn chascun ce qu'il faut qu'il face. Ils enterrēt le grain, & les racines qu'ils recueillent en leurs champs, ou en ceux du Roy, & puis on le diuise à vn chascun selon la grandeur de leur famille: ils ayment fort à se resjouir. Leur richesse cōsiste en coquilles de perles, & en autres coquilles rouges, qu'ils pendēt à leurs oreilles: en pierres precieuses, comme rubis si estincelants, qu'ils semblent ietter vne flāme. Ils les tirent de la teste de certaines huîtres qu'ils prēnent en la mer, & qu'ils māgent pour vne viande delicate. Ils portent des couronnes, cat-cants, & autres choses, qu'ils se liēt au col, aux bras, & iambes, & encor qu'elles soiēt de petite valeur, les trouuans par le sable, si donnent elles bonne grace aux femmes qui sont nues. En la plus part de ces Isles, ils n'ont point de chair, aussi n'en māgent ils point. Leur repas est de poisson, pain de maiz, racines, & fruiċts. Les hōmes des Isles qu'on menoit à S. Dominique, ou à Cuba mouroient apres auoir mangé de la chair: pour ceste cause les Espagnols donnoient à ces Indiens peu de chair, ou point du tout. En quelques vnes de ces Isles il y a tant de pigeons, & autres oiseaux, qui font leurs nids sur les arbres, que ceux de terre ferme, de Cuba, & Haiti y viennent s'y en fournir, les emmenāt en leurs pays à pleines barques. Les arbres, où ils font leur nid ressemblēt à grenadiers: ils ont l'escorce quasi comme canelle quant au goust, mais elle est forte comme gingembre, & à la sentir semble cloux de girofle: elle n'est point toutesfois au rant de l'espicerie. Entre plusieurs sortes de fruiċts, ils en ont vn nommé Iaruma, qui est de bō goust, & qui est sain: l'Ar-

bre est semblable au noyer, & a la fucille de figuier. Les petis rameaux, & fueilles de ce Iaruma pillees, & appliquees avec son ius sur quelque playe, la guerissent, tant vieille qu'elle soit. Vne fois deux Espagnols ayans mis la main à l'espee l'un contre l'autre, l'un couppa le bras à son compagnon, os & tout, vne vieille de Lucaia rassemblant l'os en vn, le guarit seulemēt avec le suc & fueilles de cest arbre. Vn Lucaios charpētier, estant à S. Dominique, prisonnier, en prison libre toutesfois, creusa vn tronc de Iaruma, qui est aussi aisé à creuser que le figuier, le faisant en forme de barque, & ayant mis dedans sa prouision de maiz, & de l'eau dedās des cruches, se iette en mer dedans ceste petite barquerole avec de ses parés, qui le suiuoient à nage, mais apres qu'il eut ia trauerse la mer, l'espace de cinquante lieues, des Espagnols le rencontrèrent, qui le remenerent à saint Dominique. Les Espagnols en vingt ans ont enleué de ces Isles plus de quarante mille personnes. Ils abusoient ces pauures gens, leur faisant à croire, qui les meneroient en Paradis: ce qui leur estoit aisé à persuader, par ce qu'ils croioiēt ia, qu'ils deussent estre purgez de leurs pechez, au pays froid de la Tramontane, & puis de là, entrer en Paradis, lequel ils pensoient estre vers le Midy. Par ce moyē les Espagnols ont ruiné les Lucaioys, en menant la plus grand part d'iceux à leurs mines. On diēt que tous les Chrestiens, qui se sont ainsi saisis de ces pauures Indies, ou qui les ont fait mourir de trauail, ont finy malheureusement, ou qu'ils n'ont iouy de ce qu'ils auoient ainsi gaigné.

Du fleuue Iourdan, qui est au pays de Chitoré. Chap. 42.

SEpt bourgeois de S. Dominique, entre lesquels estoit le Licentié Lucas Vasquez d'Aillon, auditeur de ceste Isle, equipperent deux nauires au port de l'Argent, l'an 1520. en intention d'aller enleuer des Indiens, aux Isles Lucaies: mais ne trouuâs personne à qui chāger leurs denrees, & pour prendre, & emmener à leurs mines, ou pour penser leurs troupeaux de bestes, & seruir à leurs cēses, & maisons, delibererent de monter plus vers la Tramontane pour chercher pays nouveaux, & de ne retourner sans en trouuer. Suiuant ceste deliberatiō aborderent en vn pays nommé Chicoré, & Gualdapé, qui est à 32. degrez. C'est le pays qu'aujourd'huy on appelle le Cap de S. Heleine, & fleue de Iordan. Aucuns disent toutesfois que ces Bourgeois n'entreprendrent ce voyage de leur bon gré, mais par la contraincte des vents. Or soit cōme on voudra, il est certain que les Indiens acoururent vers la marine pour veoir ces Carauelles comme chose à eux toute nouuelle, & nō encor' veüe: car leurs barques sont fort petites, encor' aucuns pēsoient que ce fussent quelques mōstrueux poissons. Mais quād ils veirent descendre à terre des hōmes barbus & vestuz, s'enfuirēt incontinent le plustost qu'ils peurent. Les Espagnols, qui estoieut des-embarquez, coururent apres, & attrapperent vn hōme, & vne femme, lesquels ils vestirēt à la façō d'Espagne, & les renuoierent appeller les autres. Le Roy du pays les voyāt aīsi vestuz, s'esmerueilloit de cest habit, parce que les siēs alloiēt tout nuds, ou avec des peaux de quelques animaux, Il enuoya cinquāte hōmes avec des viures, vers les vaisseaux. Avec ceux-cy, plusieurs

Espagnols s'en allerent par deuers le Roy, qui leur donna vn guide pour veoir le pays, & par tout où ils alloient, on leur donnoit à manger, & de petits presens de peaux, de petites perles, & de l'argent. Apres que ces Espagnols eurent veu la richesse, & qualité du pays, & eurent bien considéré la façon de faire des habitans, & la suffisance des viures, & l'abondance d'eau, ils inuiterent les Indiens à venir veoir leurs nauires, ce qu'ils feirēt, & entrèrent dedans, sans penser à aucun mal, alors les Espagnols leuerent les ancres, & feirent voile, & avec ceste prinse de Chicorans s'en retournerent à S. Dominique. Mais vne des Carauelles se perdit par le chemin, & les Indiens qui estoient dedās, l'autre, moururent en peu de temps, de melancholie, & de faim, par ce qu'ils ne vouloient, en façon aucune, manger de ce q̃ les Espagnols leur presentoient, ains mangeoient plustost des chiens, des asnes, & autres bestes mortes qu'ils trouuoient le long des murailles. Lucas Vasquez d'Aillon, avec la relation de toutes ces choses vint à la Court, & amena avec soy vn Indien de ce pays nommé François Chicoré, lequel racôptoit choses merueilleuses de ce pais. Ce Lucas demâda la cōqueste & gouuernement de Chicoré. L'Empereur luy dôna ce qu'il demâdoit, & en outre le feist Cheualier de S. Iaques. Estât retourné à S. Dominique, il arma certains vaisseaux, l'an 1524. & se meist en chemin avec intētion d'y bastir, ayāt esperāce d'y trouuer de grāds tresors: mais la Capitainesse de ses nauires se perdit au fleuve Iourdā, avec plusieurs Espagnols, & en fin luy mesme eut pareille mort, sans auoir faict chose aucune digne de memoire.

Ceux de Chicoré sont de couleur brune, hauts de corpulence, ayans peu de barbe: Ils ont les cheveux noirs, & longs iusques à la ceinture: les femmes les ont plus lōgs, mais elles les ont tous entortillez. Ceux de la prouince de Duaré, qui est proche de ceste-cy, les portent iusques aux pieds. Leur Roy nommé Datha, estoit grand comme vn Geât, & sa femme de mesme: il auoit aussi vingt-cinq enfans d'une grâdeur non-pareille. Quand on leur demandoit pourquoy ils croissoyent tant, ils respondoyēt que cela aduenoit pour mäger certaine viande faite comme vne farce de plusieurs herbes enchanrees, autres disoyēt qu'on leur attédriſſoit les os avec certaines herbes cuites, & puis qu'on les estendoit. C'estoyent quelques Chicorans qui auoye esté baptisez, qui rendoyent telles raisons: mais croy qu'ils bailloyēt ces bourdes en payemēt pour dire quelque chose: par ce qu'en montant contre-mōt le fleuve de Iourdan on voit les hōmes si grās qu'ils ressemblient à Geans à cōparaison des autres. Leurs prestres sōt habillez differēment des autres, & n'ont point de cheveux: ils en laissent seulement venir deux petits floquets sur les tempes qu'ils attachent sous le menton. Ces prestres pilent certaines herbes, & du suc d'icelles aspergēt les Soldats: Ils ont la charge de beneistre ceux quī vont à la guerre, & de pēser les bleſsez, & d'ēterrer les morts: Ils ne mangent point de la chair humaine comme les autres: Aucun n'a recours à autre medecin qu'à certaines herbes, les proprietēz desquelles ils congnoiſēt à quelles maladies & playes elles sōt bōnes: Avec vne herbe nōmee guai ils vomissent la colere,

& tout ce qu'ils ont en l'estomac, & pour ce faire, ils la mangent, ou la boient, elle est fort cogneue, & est si salutaire, que par la vertu d'icelle, ils vivent longuement, & se tiennent sains & forts. Les Prestres sont fort spirituels à faire plusieurs sortes de fascinationis, tellement qu'ils rèdent tous leurs gés estonnez, & esmerueilliez de ce qu'ils font : Ils ont deux petits Idoles, lesquels ils ne monstrent en public que deux fois l'an, l'une fois en tēps de semence, & lors ils font grand feste: le Roy tout le long de la nuit de la veille de telle feste ne bouge d'aupres telle image, & le matin venu, apres que le peuple est assēblé, mōstre d'un lieu haut exaucé ses idoles, masle & femelle, lesquels tout le peuple adore se protestans en terre, & crians à haute voix, misericorde. Cela faiēt le Roy descend à terre, & donne des riches robes de cōtrō embellies de ioyaux à deux cheualiers, qui portent ces idoles au champ, ou doit aller la procession : Il ne demeure aucun, qui n'aille à telle procession, s'il ne veut estre reputé peu deuotieux: vn chacun porte la meilleure robe, qu'il ait: aucuns se teignent : autres se couurent de fucilles: quelques vns se font des masques avec des peaux: les hommes & les femmes chantent, & dansent, les hommes sont pour le iour, & les femmes pour la nuit, passans ceste feste avec prieres, chansons, dances, oblations, perfuns, & telles choses. Le iour ensuiuant on reporte ces idoles en leur chappelle avec semblable pompe. Ils pensent par le moyen de ceste ceremonie recueillir bon nombre de grain. En vne autre feste ils portent aussi en vn champ vne statue de bois avec mesme solēnité,

& gardans pareil ordre, & puis la fichent là sur vne grosse piece de bois, qu'ils mettent de bout en terre, l'environnant tout à l'entour de peaux, coffres, bancs, & sieges : Tous les mariez, sans qu'aucuns y faille, viennent offrir quelque chose, & mettent leurs oblations dans ces coffres, ou sur ces bancs, ou les pendent à ces peaux : les prestres, qui sont deputez à cest office remarquent l'oblation de chacun, & à la fin disent, qui est celuy, qui a faict plus riche offerte, à fin qu'un chacun en ait la cognoissance. Cestuy là est fort honoré de tous tât que l'â dure, cela est cause que plusieurs font leur oblacion à l'enuie l'un de l'autre : Les principaux, & les autres aussi mangent du pain, du fruct, & des viandes qu'on a offert, le reste est distribué entre les seigneurs, & les prestres. Ils descendēt puis apres leur statue quand la nuict est venue, & la plongent dedans la riuere, ou dedans la mer, si elle est pres, afin qu'elle s'en aille avec les Dieux de l'eau. Le lendemain de leurs festes, ils deterrēt les os d'un Roy, ou d'un Prestre, qui a esté en grande estime, & bone reputation, & les mettent sur un eschaufaut dressé en la campagne, les femmes seules le pleurent, tournans à l'entour, en forme d'une dâce rōde, & offrent ce qu'elles veulent, ou ce qu'elles peuuent. Le iour d'apres on reporte ces os en leur sepulture, & lors un prestre fait vne oraison en la louage de cestui là : de qui ils font, & dispute de l'immortalité de l'ame, traicte de l'éfer, du lieu ordonné pour les peines, lequel les dieux ont establi en un pays, & terre tresfroide, où se doiuet purger les pechez. Il traicte aussi du Paradis, qui est en vne terre fort réperée, possedee

par Quezuga, grãd seigneur, doux, & boiteux, lequel donne grand passe-temps aux ames, qui vôt en son Royaume, les laissant danser, chanter, & prendre plaisir avec leurs amoureuses. Par telle ceremonie, ces os demeurent canonisez, & le harangueur donne congé à ses auditeurs, & en fin prend par les narines de la fumee faicte d'herbes, & gommès odoriferantes, soufflant côme vn enchâteur. Ils croyēt qu'il y ait beaucoup de gens au ciel, & autant sous terre, & qu'il y a des Dieux en la mer: & de tout ce cy les prestres en ont des chansons qu'ils chantent. Quand vn Roy meurt, ces prestres font certains feuz, comme rayons, donnans par là à entendre, & voulans faire à croire, que ce sont les ames qui sont sorties du corps, lesquelles montent au ciel, & enterrent le corps avec de grandes clameurs, & complaintes. La reuerence qu'ils font à leur Cacique, est plaisante, ils luy touchent le nez avec les mains, & le frottent, & puis les passent depuis le front, iusques derriere le col, alors le Roy tourne la teste vers l'espaule gauche, s'il veult faire hōneur à celuy, qui luy faict la reuerence. Vne veufue ne se peut remarier, si son mary est mort naturellement: mais elle peut se remarier s'il est defaict par iustice. Ils ne laissent point demeurer les filles avec celles qui sont mariees. Ils iouēt à la pyle, & s'exercent de l'art comme font les Turcs, aussi tirent ils bien, & visent fort droit: Ils ont de l'argent, des perles, & autres pierres: Ils ont plusieurs cerfs qu'ils nourrissent en leurs maisons, & les enuoyent paistre aux champs, & ne faille de retourner au soir en leurs maisons. Ils font du fromage du laiēt de leurs femmes.

ADix-sept degrez,& à cent mil de l'Isle Espagnole, vers le Ponent, est situce l'Isle Boriquen, surnommee par les Chrestiens Saint Iean. Elle a en longueur deux cents mille, & en largeur elle en a septante deux, sa longueur est de Levant en Ponent. Le quartier qui regarde la Bize est riche en or, & celuy qui tend au Midy, est ferrilé en pain, fruiçts, herbes, & poissons. On disoit que ces Boriquins ne mangeoient point de chair, mais cela se deuoit entendre d'animaux à quatre pieds: car ils mangent force oiseaux, & mesme des chaulue-souris peles en eauë chaude. Quant aux choses qu'ils auoient anciennement, & quant à ce qu'ils ont naturellement, ils sont de mesme condition que ceux de l'Isle Espagnole, & mesme pour le iour d'huy c'est encor tout vn. Ils sont seulement en ce differents que les Boriquins sont plus vaillants que les autres, & s'aydent d'arcs & fleches, sans toutefois les enuenermer d'herbe. Il y a en ceste isle vne Gôme, qu'ils appellent Tabunuco, qui est mortelle, & coulle cōme suif, d'icelle meslee avec de l'huy-le, on oinct les nauires, à cause de son amertume, elle se defend biē cōtre les vers qui ont acoustumé de s'engendrer en la pourriture du bois, & des aiz des vaisseaux. Il y a aussi grande quantité de Guaiacan, qu'on appelle bois saint, qui sert à guarir le mal François, & autres maladies. Christofle Colomb descouurit ceste Isle en son second voyage: Iean Ponce de Leon, s'y en alla l'an 1509. avec cōgé du gouuerneur Ouando, en vne Carauelle qu'il auoit à Saint Dominique, par ee quelques Indiens

luy auoient dit que c'estoit vne Isle estimee riche.
 Il descendit au quartier ou dominoit Agueibana,
 lequel le receut en toute amitié, & se feist Chrestien
 avec sa mere, freres & seruiteurs, & si luy dōna vne
 sienne sœur pour amie, estant telle la coustume des
 seigneurs, qui veulent faire honneur à autres grāds
 personnages, qu'ils veulent receuoir pour amys, &
 hostes. Apres il le mena sur la coste de la mer vers
 la Tramontane pour recueillir de l'or, qu'ils trou-
 uerent en deux ou trois fleues. Jean Ponce laissa
 certains Espagnols avec Agueibana, & s'en retour-
 na à S. Dominique avec la monstre de l'or, & avec
 quelques Indiens de là. Mais voyāt que le gouuer-
 neur Nicolas d'Ouando s'en estoit retourné en Es-
 pagne, & que l'Admiral Dom Diego Colomb es-
 toit gouuerné, il s'en retourna à Boriquen avec sa
 femme, & toute sa maison, & luy donna le surnom
 de S. Iean : & delà escriuit au grand commandeur
 Ouando qu'il feist pour luy enuers l'Empereur que
 il eust le gouuernement de ceste isle, sous le com-
 mandement toutesfois du Viceroy, & de l'Admi-
 ral des Indes: ce qu'il obtint, & alors assembla gēs,
 & guerroya contre ceux de ceste Isle. Il fonda la
 ville de Caparra, qui se depeupla puis apres pour
 estre mal saine, estant situee en vn marais. Il peupla
 encor' à Guaniqua, qui fut aussi incontinent des-
 habitee pour le grand nombre, & importunité de
 certaines petites mouckes, & de pulces, & alors il
 peupla au dessus de Major, & fonda quelques au-
 tres villes. La conqueste de ceste Isle a cousté la
 mort de plusieurs Espagnols, par-ce que les habitās
 estoient courageux, & appellerēt les Caribes pour

leur defense. Iceux tiroient des fleches enuenimees avec vne herbe si mortelle qu'elle ne reçoit aucun remede. Ils pensoient au commencement que les Espagnols fussent immortels : & pour en sçauoir la verité, Vraioa Cacique de Yaguaca print ceste charge avec l'accord, & consentement de tous les autres Caciques, afin qu'il fust secouru de tous si pour cela il luy aduenoit mal. Il commanda à quelques vns de ses seruiteurs qu'ë passant le fleuve de Guarabo, ils iettassent vn certain Espagnol nommé Salcede, qui estoit logé en sa maison, dans l'eau. Le portans donc sur leurs espauls comme fils l'eussent voulu passer le fleuve, ainsi qu'ils auoient de coustume, le iettent au milieu, où le compagnon se noya. Le voyant ainsi noyé, creurent que tous les autres estoient mortels: ce qui leur donna courage de s'associer ensemble, & se rebellerent, & tuerent plus de cent Espagnols. Entre ceux qui ont esté à ceste conqueste le plus remarqué de tous est Diego de Salazar. Les Indiens auoient tât de peur de luy, qu'ils ne vouloient combattre où il estoit, & pour ceste cause encor' qu'il fust tout estropiat du mal des bubes, ou mal François, si le portoit on au cãp, afin que les Indiens sceussent qu'il y estoit. Les Indiens de ceste isle, souloient dire à vn Espagnol, qui les menaçoit: Je n'ay point peur de toy, pourueu que tu ne soyes Salazar. Ils auoiẽt aussi grand peur d'vn chien sur-nommé Vezerrillo rouge, & metiz, qui gaignoit la soulde autant qu'vn arbalestrier & demy. Ce chien assailloit les Indiens fierement, & avec discretion: Il cognoissoit les amis, & ne leur faisoit aucun mal, encor' qu'on le touchast,

il congnoissoit si tel estoit Caribe, ou non: Il pour-
 suiuoit viuemēt celuy qui fuyoit, iusques au milieu
 du cāp de l'ennemi, ou le mettoit en pieces, si seu-
 lement on luy eust dict, or sus viste, va le chercher: il
 ne s'arrestoit iusques à ce qu'il eust fait tourner vi-
 sage à celuy qui s'enfuyoit. Ce chien assueuroit tant
 nōs gens, qu'ils osoyent affronter les Indiens aussi
 hardiment que s'ils eussent eu trois hōmes de che-
 ual avec eux. Ce chien mourut estant blessé d'une
 fleche enuenimee, nageant apres vn Caribe. Tous
 les habitans se sont faicts Chrestiens, & leur pre-
 mier Euesque fut Alphonse Māso, 1511. Apres Iean
 Ponce de Leon, plusieurs ont gouuerné ceste Isle
 sous l'Admiral, & ont eu plus d'esgard à leur profit
 qu'à celuy des habitans.

Le descouuement de la Floride. Chap. 45.

L'Admiral osta incontinent le gouuernemēt de
 l'Isle de Boriquen à Iean Pōce de Leon. Alors
 se voyāt riche & sans gouuernemēt, équippa deux
 nauires, & se mist à chercher l'Isle Boiuque, où les
 Indiens disoyent qu'estoit la Fontaine qui faisoit
 raieunir les personnes vieilles. Il fut long temps en
 ce voyage comme perdu, & endura grand trauail
 bien l'espace de six moys entre plusieurs isles, sans
 trouuer aucune marque de telle fontaine: Il entra
 en Vimini, & descouurit la Floride le iour de Pas-
 ques Flories, l'an 1512. & pour ceste occasion, don-
 na ce nom au pais. Or pensant trouuer de grandes
 richesses en ceste Floride, il s'en vint en Espagne,
 où il eut du Roy catholique tout ce qu'il deman-
 doit par le moyen de Nicolas d'Ouando, & de ce-
 lui à qui il auoit esté page, qui estoit Pierre Nugnez
 de

de Guzman gouverneur de l'Enfant Dom Ferdinand, qui pour le iourd'huy est Roy des Romains. Par l'intercession de ceux-cy, il eut le tiltre d'Adelantado de Vimini, & eut le gouvernement de la Floride. Ayant sa prouision, il arme en la ville de Seuille trois nauires l'an 1515. & arriué à Guacana, qu'on appelle aujourd'huy Guadalupé, il met de ses gens à terre, pour prendre de l'eauë & du bois, il fait aussi descendre quelques femmes pour blanchir leur linge. Mais les Caribes, qui s'estoient embusquez dedans vn bois, saillent, & tirent contre les Espagnols leurs fleches enuenimees, la plus grand part de ceux, qui descendirent en terre furent tuez, & les lauandieres prises. Iean Pöce voyant si mauuais commencement se retire de ceste Isle, & de là prend terre à la floride, où estant descédu avec ses soldats, & cherchant quelque ville cōmode pour peupler, les Indiens vindrent à se mettre au deuant pour empescher l'entree, & telle demeure: ils combattent si vaillamment qu'ils le deffont, & tuent beaucoup d'Espagnols, & le blecent avec vne fleche, de laquelle atteincte il mourut en l'Isle de Cuba. Voila cōmēt il finist ses iours. Il cōsomma en ce voyage grāde partie de la richesse qu'il auoit assemblé en l'Isle de Boriquen. Ce Iean Ponce estoit passé en l'Isle Espagnole, avec Christofle Colomb, l'an 1493. Il fut vaillant soldat aux guerres, qui se font meües en ceste Isle, & fut depuis Capitaine en la prouince de Higui sous Nicolas de d'Ouando, qui la cōquesta. Mais pour reuenir à nostre Floride, c'est vne poincte de terre, cōme vne lāgue, ell'est assez remarquee aux Indes, & assez cogneuë

pour plusieurs Espagnols, qui sont morts en icelle. Elle est selon le cōmun bruiet, riche & bien pourueuë de toutes prouisions. Encor' que les habitans soient si vaillans hommes, Ferdinand de Sotto en demanda toutesfois la conqueste & le gouuernement. Ce Ferdinand auoit esté Capitaine au Peru, & s'estoit faiet riche à la prise d'Atabalipa, ayât eu bōne part au butin, cōme estant homme de cheual, & Capitaine, aussi eut-il le coussin couuert de grosse perles, & ioyaux, sur lequel estoit assis ce riche, & puissant Roy. Il s'en alla à ceste Floride avec bonne troupe de gens, & fust cinq ans ne faisants que chercher des mines, par-ce qu'il pensoit que ce pays fust comme celuy du Peru. Il ne peupla aucune ville, & ainsi en ces pourchats il mourut, & ruina tous ceux qui l'auoiēt suivy. Iamais tous ceux qui se meslent de conquerir par deça, ne feront bel acte, si deuant toute autre chose ils ne s'employent à peupler quelque ville sur la mer, specialemēt aux pays où les Indiens sont si adroits de leurs arcs, & sont si brusqs, & prompts. Apres la mort de Ferdinand de Sotto, la court estant à Valladolid, 1544. plusieurs demanderent ceste conqueste, entre lesquels furēt Iuliã de Samano, & Pierre d'Ahumada, freres personages suffisants pour entreprēdre tel affaire, & mesme Ahumada, qui est de bon iugemēt bien expert en plusieurs choses, noble, & vertueux, avec lequel i'ay bōne amitié. Mais l'Empereur, qui estoit en Allemagne, & son fils le Prince Dom Philippe, qui gouuernoit les Espagnes, ne la voulurent donner à personne, cōseillés de ceux qui sont ordōnez pour le conseil des Indes, & d'autres persōnes,

qui avec vn bon zele, ainsi que leur sembloit y cō-
tredisoient, & au lieu y enuoyerent frere Louys
Cancel de Baluaestre, avec autres Iacobins, qui
s'estoient offerts de gaigner ce pays, & conuertir le
peuple à la foy Chrestienne, & les attirer au serui-
ce de l'Empereur, seulement de parolle. Ainsi ces
Moynes s'en allerent aux despés de l'Empereur, l'an
1549. Frere Louys avec ses quatre compagnōs sort
en terre, & avec quelques mariniers sans armes, par
ce qu'il deuoit ainsi commencer sa predication, plu-
sieurs Indiens accoururent à la marine, mais sans
l'escouter le massacrent avec deux de ses cōpagnōs,
& les mangent: ainsi ces trois moynes endurent
martyr, pour prescher la foy de Iesus Christ, les
deux autres se reiecterent dedans leur vaisseau, ay-
mants mieux se garder pour confesseurs, comme
on dict. Ceux qui fauorisoient l'entreprise de ces
moynes cognoissent biē maintenant qu'on ne scau-
roit attirer ces Indiēs à nostre amitié par telle voye,
encor' moins à nostre foy, encores que possible ce
fust le meilleur. Vn Page aussi de feu Ferdinand de
Sotto, se vint vn peu apres sauuer dans le mesme
vaisseau, lequel asscura comme les Indiens a-
uoient pendu en leur temple la peau, & couronne
de la teste de ces moynes, & qu'il y auoit là aupres
des hommes qui mangeoient du charbon.

Du fleuve des palmes.

Chap. 46.

Auant pas vn autre Espagnol François de Garay
costoya la coste, qui est depuis la Floride iuf-
ques au fleuve de Panuco. Ceste coste à 2000

maisons meilleures & les personnes plus ciuiles & courtois. Ceux-cy se vestent de peaux de cheureux peinctes & marquetees, il y en a de si fines & si odoriferantes de leur naturel, que les nostres s'en esmerueilloient. Ils portent encor des manteaux de gros fil, & des chapeaux, forts haults, & amples, ils donnent vne fleche en signe d'amitié, & la baissent. Aupres de ce lieu, il y a aussi vne isle, qu'on appelle Malhado, qui a quarante huict mil de tour, & est à six mil de terre. Les habitans d'icelle mangerent certains Espagnols, desquels les noms sont Pantoxa, Sotto Mayor, Ferdinand d'Esquiuel natif de Vadaioz. En terre ferme aussi en vn lieu nommé Xanabo ils en feirent autant de Diego Lopez, Gonzallo Ruyz, Corral, Sierras Palacios, & d'autres. En ceste isle de Malhado, les habitans vont tous nuds, les femmes mariees se couurent leurs parties honteuses avecques vn voile faict d'escorce d'arbre, qui est si delice qu'il semble que ce soit de la laine: les filles se les couurent avec des peaux de cheures & autres. Les hommes se percent vne mammelle & aucuns se les percent toutes deux, & trauersent par les trous certaines petites cannes de la lōgueur d'vne paulme & demie. Ils se percent aussi les fesses & y pendent de semblables cannes qu'à leurs mammelles. Ce sont gens de guerre, & les femmes travaillent fort, ils se marient avec vne seule femme, mais les medecins en ont deux & plus s'ils veulent. l'espoux ny ses parens n'entrēt point le premier an de ses nopces au logis de son beau-pere, ny ne luy donne à manger en sa maison, ny ne parlent à luy ny ne le regardent en face encore qu'on amene de

sa maison l'espouse: il ne mäge que ce qu'il a prins. à la chasse, ou à la pèche, Ils couchent par ceremonies dans vne peau sur vn matelats. Quand à leurs enfans, ils les nourrissent avec grandes mignotises, & si d'auenture ils viennent à mourir, ils entrēt en grande cholere & fascherie, & les enterrēt avec grandes plaintes. Ce courroux & tourment dure vn an, & tous ceux de la ville pleurent trois fois le iour, & durant que cest an dure, les peres, & les parens ne se lauent point. Ils ne pleurent point les vieillards quand ils meurent. Ils enterrēt tous ceux qui meurent excepté les medecins, lesquels ils brulent par hōneur, & ce pendant que le corps brulle, ils dancent & chantent: ils laissent consommer les os, & en gardent la pouldre, laquelle les parens & la femme du deffunct boient au bout de l'an, & en outre pour memoire, ils se decouppent. La cure de ces medecins est avec du feu, en soufflant la playe. Ils couppent le lieu qui est interessé & succent ce qu'il ont couppé, ils guerissent le malade de telle façon, & sont bien payez. Les Espagnols estans là il mourut quelques Indiens de douleur de estomach, & croyoit-on que ces medecins en fussent cause, mais ils s'excuserent: autres mouroient de froid, de faim, & des mousches qui les mangeoient tous vifs, par ce qu'ils alloient nuds: cela anima derechef les Espagnols contre ces medecins, & les vouloient tuer, mais ils se contenterent de leur faire rigoureux mandement de penser les malades. Eux peur de la mort commencerent à y pourueoir, adioustant à leurs medecines des oraisons & signes de la croix, & ainsi ils guerirent tous

ceux, qui rôboient en leurs mains, ce qui leur fait
 acquérir grand bruit, & de medecins sçauans. Or
 pour reuenir à nos gens, de Malhado ils passerent
 par plusieurs villes, & arriuerent en vne qu'on ap-
 pelle Iaguazzi, les habitans d'icelle sont grands
 menteurs, larrons, yurongnes, & deuineurs. Ils
 tuent leur propre fils s'ils songent quelque mal: ils
 tuent Esquiuel pour telle resuerie. Ils courent
 vn cheureul iusques à ce qu'ils l'ayent tué tant ils
 sont legers à la course. Ils ont les mammelles per-
 cees, & les leures. Ils sont adonnez au peché de So-
 domie. Ils changent leur demeure comme les Ara-
 bes de Barbarie, & portent vne sorte de natte, de
 laquelle ils reuestent le dedans de leurs maisonnet-
 tes. Les personnes vieilles, & les femmes se vistent
 & chauffent de peaux de cheures, & de vaches, qui
 en certain temps de l'an, viennent en leur pays de
 deuers la Tramontane, elles ont le col tortu, le poil
 long, la chair en est fort bonne. La viande de ces
 habitans sont arcignes, fourmys, vers, petites le-
 zardes, serpens, petits coppeaux de boys, de la ter-
 re, & autres telles choses, & encores qu'ils soyent
 si pauvres, & si mal nourriz, ils sont neâtmoins cō-
 tens, allegres, dispos, tousiours dansans, & chan-
 tans. Ils achetēt de leurs ennemis des femmes pour
 vn arc de deux fleches, ou pour vn rets à pescher, &
 tuent les filles qu'ils font, à fin de ne les donner à
 leurs parens, ny à leurs ennemis. Ils sont tous nuds
 & si piquez de mousches qu'ils semblent estre la-
 dres, encores qu'ils leur fassent tousiours la guerre.
 Ils portent des tisons de feu pour les espouuenter,
 ou font du feu de boys verd, ou mouillé à fin qu

la fumee les deschassè, & ainsi ils sont perpetuellement assailliz de ces mousches, où enuironnez de fumee, qui est vn autre mal insupportable, mesme-ment aux Espagnols, qui ne faisoient que plorer: Au pays d'Auanares Alphonse de Castille, guarit plusieurs Indiens du mal de teste, soufflant sur eux comme vn enchanteur, & pour son loyer ils luy dō-nerent des tunes, qui est vn espece de bon fruit, & de la chair de cheureul, & vn arc, & des flesches. Il guarit aussi cinq estropiats ne faisans que forces signes de la croix non sans grande admiration des Indiens, & mesme des Espagnols, tellement qu'on l'adoroit comme homme celeste. Au bruiet de si belles cures les Indiens venoient de toutes parts deuers les Espagnols, & ceux de Susola le prierent d'aller avec eux pour guarir vn quidam, qui auoit esté blecé. Aluaro Nugnez, Cabezza de Becca, & André Dorantes, qui se mesloient aussi de faire telles cures, y furent: mais quād ils arriuerent, celuy qui estoit blecé estoit desia mort, se confians toutesfois en Iesus Christ, qui donne la santé, à qui il luy plaist, pour conseruer leur vie entre ces barbares ils feirent le signe de la croix sur ce corps mort, & Aluaro Nugnez souffla dessus par trois fois, & aussi tost il reprint vie, qui fut vn grād miracle. Ain si luy mesme le no^r à dict, & racōpté. Ils furēt quelque réps entre les Albardaos, qui sōt fins guerriers, & combattent de nuit, & avec vne grāde astuce, ils tirerōt cōtre vn autre estat debout, en parlāt, & sau- rant d'vn costé & d'autre, afin q̄ ils ne soiēt touchéz de leurs ennemis: ils se baissent fort contre terre, & s'ils voyent quelque couardise en leur ennemis ils

les assaillent viuement: au contraire fils y voient de la prouesse, & du courage, ils se mettent en fuite: ils ne poursuivent point leur victoire, ny ne courent apres leur ennemy. Ils ont fort bonne veüe, & bon sentimēt: ils ne dorment point ny n'ont communication avec les femmes enceintes, ny avec celles qui sont acouchees iusques à ce que deux ans soient passez. Ils repudiēt leurs femmes si elles sont steriles, & se marient avec d'autres. Les femmes allectent leurs enfans iusques à l'aage de dix, & douze ans, & iusques à ce qu'ils puissent chercher à māger: Quād les maris sont en debat l'un contre l'autre, les femmes font l'accord. Aucun ne mange de ce que lesfēmes, qui ont leurs fleurs, ont accoustre. Quand ils ont faict cuire leur vin, fils ne bouchent bien le vaisseau, en le transportant en leurs celliers, où sont les autres grands vaisseaux, dedans lesquels ils le versent, ils s'enyurent eux & leurs femmes, & alors ils les traictent mal. Ils marient vn homme avec vn autre quād il sont impuissans ou cunuques, & tels sont accoustrez comme femmes, & seruent, & font l'estat qu'ont accoustumé faire les femmes, & ne peuuent tirer, ny porter arc. De là nos gens passerēt par certains peuples, qui sont assez blancs, mais il sont louches, ou bicles des le ventre de la mere: Les hommes se fardent. Il prenoient force viures, & n'en mangeoient si premierement les Chresties n'eussent faict dessus le signe de la croix, ou qu'ils y eussent soufflé. Apres ces Espagnols arriuerent en vn pays où par coustume, ou bien pour reuerence, qui leurs portoient, les habitans ne pleuroient, ny ne rioient. Il y eut vne femme, qui

d'aduenturé se print à pleurer, elle fut picquée, esgratignée avec certaines petites dents, par le derriere depuis le talõ iusques à la teste. Ils receuoient les Espagnols en tournant la vene vers la muraille, & tenans la teste baissée, en iectans leurs cheueux sur les yeux. En la vallee, qu'on appelle des Corazzons pour six cens peaux de cheures, que les Espagnols leurs donnerent, ils eurent quelques fleches, qui auoient au lieu de fer des pointes d'esmeraudes assez bonnes, & eurent aussi des turquoises, & des pennaches. Les femmes portēt en ce pays des chemises de cotton fin, garnies de leurs manches, & des cottes plissées, trainātes iusques en terre, faictes de peaux de cheureaux bien conroices, & ouuertes par deuant. Ils prennent ces cheureaux leurs dressans quelques appaz avec du miel aux fosses où ils viennent boire. De là noz Espagnols s'en allerent à saint Michel de Gulhuacan, qui est, comme i'ay dit, en la coste de la mer de Midy. Des trois cens Espagnols, qui sortirent en terre avec Pamphile de Naruaez ie croy qu'il n'eschappa qu'Aluaro Nunez, Cabezza de Bacca, Alphonse de Castille, Maldonado, André Dorantes de Veggjar, & Estienne d'Azamor, lesquels furent espars ça & là tous nuds, & fameliques durant l'espace de plus de neuf ans, se pourmenans par les villes, & pays cy dessus declarez, & par plusieurs autres, où ils guarirēt plusieurs Indiens des fiebures, & ceux qui estoient estropiats, & blecez, & resusciterent vn mort, selon qu'ils ont rapporté. Ce Pamphile de Naruaez est celuy, qui vainquit, print & tira vn œil à Ferdinand Cortes en Zempoallan de la nouuelle Es-

pagne, comme plus amplement ie descriray en l'histoire de la conqueste de Mexique. Vne More d'Homacios luy dit que son armee auroit mauuaise fin, & que peu eschapperoient de ceux qui sortiroient en terre.

De Panuco. Chap. 47.

A Pres que Iean Ponce de Leon, qui descouurit la Floride fut mort, François de Garay arma trois carauelles en l'Isle de Iamaïque l'an 1518. & s'en alla à la Floride pensant que ce fut vne isle, par ce que pour lors ils aimoient mieux peupler es isles que non pas en terre ferme. Il met ses gens en terre, qui aussi tost sont rompuz par les Indics bleçans, & tuans grand nombre d'Espagnols. Ce qui fut cause qu'il ne s'arresta iusques à ce qu'il fut arriué à Panuco, qui est loing de la Floride en costoyant la coste de 2000. mil. Il contempla bien ceste coste, il ne la costoya pas toutesfois de si pres, ne si à loisir comme on fait aujourd'huy. Il voulut faire quelques eschanges en Panuco, mais les habitants, qui sont vaillans, & grands bouchers d'hommes, n'en voulurent point. Ains le traicterent mal en Cila, où ils mangerent quelques Espagnols que ils auoient tuez, & si les escorcherent & meirent leurs peaux apres qu'elles furent seches, en leur temple pour memoire, & pour vn trophée. Ce pais toutesfois luy sembla bõ, encor qu'il luy eust mal succedé. Il retourna à Iamaïque, & équippa de rechef ses vaisseaux, il se garnit de gens, & de prouisions, & retourna l'an d'apres, où il luy aduint pis que deuant. Autres disent qu'il n'y fut qu'une fois, mais qu'on en compte deux pour le long temps qu'il y

fut. Soit qu'il y ait esté vne ou deux fois, il est certain qu'il s'en retourna fort content de la grande despenſe qu'il auoit faiçte, & auſſi de ce peu qu'il auoit fait, meſinement pour ce qu'il luy eſtoit aduenu avec Ferdinád Cortes en la ville de vraye Croix ainſi que i'eſcriray en la conqueſte de Mexique. Mais pour amender le default, & pour acquerir bruit tel que celuy de Ferdinand Cortes, qui eſtoit ia tât renommé, & parce qu'il tenoit ce pays de Panuco fort riche, il poſtula le gouuernement d'ice-luy à la court par Iean Lopez de Torralua ſon fa-çteur, remonſtrant combié il auoit deſpendu, pour le deſcouvrir. Ce qu'ayant obtenu avec tiltre d'Adelantado, arma, & équippa de toutes prouiſions onze vaiſſeaux l'an 1523. penſant par ſa ri-cheſſe venir en concurrence avec Ferdinand Cortes, Il meit en ſes nauires plus de ſept cens Eſpagnols, cent cinquante quatre cheuaux, & pluſieurs pieces d'artillerie, & ſ'e alla à Panuco où il ſe perdit avec ſon grád apparat, car luy il mourut à Mexique, & les Indiens luy tuerent plus de quatre cens Eſpagnols, deſquels pluſieurs furent ſacrifiez & mangez, & leurs peaux penduës en leurs temples, eſtant telle leur cruelle religion, ou bien leur cruauté religieuſe. Ces habitants ſont grands Sodomites, & ont publiquement des bordeaux d'enfans, & hommes, ou la nuit ils ſ'aſſemblent plus de mille, plus où moins ſelon la ville. Ils ſ'arrachent les poils de la barbe, & ſe percent les narines, & les oreilles pour y pendre quelque choſe. Ils ſe liment les dens avec vne lime tant pour la beauté que pour leur ſanté. Ils ne ſe marient point qu'ils n'ayent quarante ans encôr que

les filles des l'aage de dix, où douze ans, soyent ia
 faictes femmes. Nugno de Guzman fut depuis en
 ce pays gouuerneur l'an 1527. & si en alla seulemēt
 avec deux, où trois nauires, & quatre vingts Espa-
 gnols. Iceluy chastia ces Indiens pour leurs pechez,
 & les feit tous esclaués.

De l'Isle Iamaïque. Chap. 48.

L'Isle Iamaïque qu'aujourd'huy on appelle S. Ia-
 ques, est située entre le 17. & 18. degré, & est à
 100. mil de Cuba vers la bize, & autant de l'Espa-
 gnole vers le Leuant. Elle a 200. mil de longueur,
 & vn peu moins de 80. en l'argeur. Christophle
 Colomb la descouurit au second voyage qu'il feit
 aux Indes, son fils dom Diego l'a conquestee gou-
 uernāt l'Isle de S. Dominique par Iean de Squiuel,
 & autres Capitaines. Le plus riche gouuerneur de
 ceste Isle a esté François de Garay, qui arma en icel-
 le tant de vaisseaux cōme i'ay dit, qui est cause que
 ie la descriis maintenant. Iamaïque en toute chose
 ressemble à Haiti, les Indiēs aussi y ont prins pareil-
 le fin qu'en l'autre. Elle produit l'or, & du cotton
 fort fin. Depuis que les Espagnols l'ont possedee, il
 y a force bestail de toute sorte, & les porceaux sont
 icy meilleurs qu'en autre lieu. La principale ville
 s'appelle Seuille. Le premier Abbé qui y fut est
 Pierre Martyr d'Angleria Milanois, lequel a escrit
 en Latin plusieurs choses de ces Indes, estant cro-
 niqueur des Roys Catholiques. Aucuns ont voulu
 dire qu'il a mieux escrit en la langue Espagnole. Il
 est à louer de ce qu'il a esté le premier, qui a mis no-
 stre lāgue en beau stile, & nous a inuité à le suiure.
 On pourra verifier beaucoup de choses que ie dis

par ses escrits, & à uoir recours à luy, & à autres de ce que i'obmets.

La nouuelle Espagne. Chap. 49.

AVssi tost que François Hernandez de Cordube fut arriué à saint Iaques avec les nouuelles de ce riche pays de Lucatan, comme nous dirons tantost, Diego Velasquez gouuerneur de l'Isle de Cuba deuint auaricieux, & conuoiteux de telles richesses, & y enuoya rât d'Espagnols qu'ils peussent faire resistance aux Indiens, afin qu'il peust eschanger avec leur or, argent, & autres bonnes drogues qu'ils auoient. Et pour cet effect esquipa quatre carauelles, & les donna à Iean de Grijalua son neveu, lequel meit dedās deux cens Espagnols, & feit voile de Cuba le premier iour de May, l'an 1518. tirant droit à Acuzamil. Il auoit Alaminos pour pilote, qui auoit esté avec Hernandez de Cordube, d'Acuzamil ils voioient Lucatan, ils tirerent à gauche pour l'enuironner, pensant que ce fust vne Isle, parce que ledict Hernandez auoit des-là flotté par le costé droict, & c'estoit ce qu'ils desiroiét le plus, par ce que plus aisément ils pouuoient assubiettir, & manier ceux des Isles, que les habitans de terre ferme. Ainsi costoyans ce pays ils entrerent en vn goulfre qu'ils appellerét baye, où plage de l'Ascension, à raison de ceste feste, qui escheut ce iour là. Ce fut alors que ce traict de terre, qui est depuis Acuzamil iusques à ladite plage fut descouuert. Or voyās noz gens que ceste coste suiuiroit, retournerét en arriere, & s'accostās de la terre, arriuerent à Ciampotó, où ils furent aussi mal receuz que François Hernádez, parce que seulemēt pour auoir de l'eau,

qui luy defailloit, il luy cōuint combattre avec les
 habitans, ou mourut Iean de Guetaria, & y eut cin-
 quante Espagnols blecez, & Iean de Grijalua eut
 vne dent rompuë, & deux coups de fiesche. Pour
 cet accident, qui aduint ainsi à Grijalua, & pour ce-
 luy, qui aduint aussi à Hernandez on appella ceste
 plage mauuaise escarmouche. Nos gens partant de
 là, & cherchans vn port seur surgirent deuant vn
 qu'ils nommerent Desiré. De là s'en allerent en vne
 riuiere, qu'ils nommerent du nom de leur capitai-
 ne Grijalua, où il eut encontr'eschange les choses,
 qui s'ensuiuent : trois masques de bois doré taillez
 à la mosaïque, & enrichiz de turquoises, vn autre
 masque doré tout plein, vne teste bien couuer-
 te de pierres faulses, vne testiere de bois doré avec
 la cheuelure & les cornes, quatre plateaux de bois
 doré, & au autre, qui auoit quelques pierres enchas-
 sees à l'entour d'vn Idole, qui estoit enleué dessus
 cinq greues faites d'escorde & dorees, deux escar-
 celles de bois couuertes de fueilles d'or, & autres
 choses comme des forces, & sept rasoirs de pierre,
 où caillou esguisé, vn miroir double garny d'vn cer-
 cle d'or, cent dix chappelets de croye dorez, sept
 verges de fin or, deux pendans d'or, deux rondelles
 couuertes de plumes avec leur petit rond au mil-
 leu qui estoit d'or, deux pennaches fort gentils, &
 vne autre faite de cuir, & d'or, vne camisole de plu-
 me, vne piece de cotton teinte en couleur, & quel-
 ques manteaux de mesme. Il donna pour tout cela
 vn iuppô de velours verd, vn bonnet de soye, deux
 autres bonnets de frise, deux chemises, deux chauf-
 fôs, vn cœuurechef, vnpigne, vn miroir, des fouliers
 à v'sage

à vſage de paſteur, trois couteaux, des forces & ciſeaux, pluſieurs chappellets de verre, vne ceinture avec ſes pendans, & du vin, mais il n'en voulurent point boire: il n'y a eu toutesſois aucun Indien qui en ait refusé que ceux cy. De ce fleuve Grijalua il ſ'en alla à ſainct Iean de Vlhua, d'où il print poſſeſſion au nom du Roy pour Diego Velasquez, comme eſtant ceſte terre encor toute neuue, & freſchement trouuee. Il parla à là avec des Indiens qui eſtoient bien veſtuz à leur mode, & ſe monſtroient affables & de bon entendement. Il eut d'eux pluſieurs choſes en contr'eſchange, comme quatre grains d'or, vne teſte de chien faiſte de pierre Calcedoine, vn idole d'or avec des cornes & pendans, & au nombril il auoit vne pierre noire, vne medaille de pierre garnie d'or avec ſa couronne de meſme, où il y auoit deux pendans, & vne creſte, quatre bagues pour attacher aux oreilles, qui eſtoient de certaines turquoises à chacune deſquelles y auoit huit pendans d'or, vn collier riche, vne cheueleure d'or, dix chappelets de croye, vn carcant avec vne grenouille, ſix coliers, ſix grains, trois grâds bracelets, trois chappelets de pierre fine, toutes ces choſes eſtoient d'or, cinq maſques dorez, & fraits à la moſaique, pluſieurs euantaux & pennaches, ie ne ſçay quantes chemiſes & manteaux de cotton. Pour recompenſe Grijalua donna aux chemiſes, deux ſayes bleuz & rouges, deux bonnets noirs, deux chaulſſons, deux cœurechefs, deux miroirs, deux ceintures de cuir avec leur bourſe, deux forces, quatre couſteaux, qu'ils eſtimerent beaucoup les ayans eſprouuez, quatre ſouliers faits à l'antique,

deux fouliers de femme, trois pignes, cent espingles, douze esguilles, trois medailles, deux cens paratenostres, & beaucoup d'autres choses de moindre valeur. En fin de leur foire ils apporterēt pour dernier mets des pastez de chair, avec force rousty, & des paniers plein de pain tendre, & vne ieune Indienne pour le capitaine estant tel l'vsage des Seigneurs de ce pays. Si Iean Grijalua eut peu connoistre la bonté de ce pays, & embrasser sa fortune, & qu'il se fust employé à peupler là comme ses compagnons l'en prioient, c'eust esté possible vn autre Cortes. Mais ce bien ne luy deuoit point aduenir, aussi n'auoit il point charge d'y peupler. Il enuoya de ce lieu en vne carauelle Pierre d'Aluaroado avec les malades & blecez, & tout ce qu'il auoit eu de ces Indiens, à Diego Velasquez, afin de n'estre mis en coulpe, & pour l'aduertir de ce qu'il auoit fait. Et quant à luy ayant faict leuer ses ancras il ne feit que costoyer la terre plusieurs mil montant vers la Tramontane sans prendre terre, & estimant qu'il auoit descouuert assez de pays, & ayant peur du courant de la mer, & du temps, parce qu'il estoit en vn quartier, où au mois de Iuin il voyoit toutes les montaignes couuertes de neige, se voyāt aussi court de prouisiōs, par le cōseil, & à la requeste du pilote Alaminos tourna voele, & vint surgir au port S. Antoine pour prendre du bois, & de l'eau, où il demeura six iours, contractant ce pendant avecques les habitans desquels il eut au lieu de quelques petites merceries quarante haches de bronze, avec lequel y auoit de l'or meslé, qui reuint à deux mille castiglians, trois tasses où coupes

d'or, vn vase fait de plusieurs pierres, & autres choses de peu de valeur, qui estoient toutesfois fort bien elaborees, Les espagnols voyans ceste richesse, & la douceur de ces Indiens, receurent vn grand plaisir, & eurent bien voulu peupler là, mais Grijalua ne voulut point, ains se partit incontinent, & s'en vint à la plage qu'il appellerent des Termes entre le fleuve de Grijalua, & le port Desiré, où sortans pour puiser de l'eau trouuerent entre des arbres vne petite image d'or, & plusieurs autres de croye, deux hommes de bois l'un sur l'autre, & vn autre de terre cuite, qui avec les deux mains tenoit son membre descouvert cōme sont quasi tous les Indiens de Iucatan, plus des hommes sacrifiez. Ceste rencontre ne contenta gueres nos Espagnols comme estant vne chose vilaine, & cruelle. Ils partirent de là, & prindrent terre à Ciampoton pour prendre de l'eau, mais ie croy qu'ils n'eurent point courage de veoir ces Indiens si bien armez, & si vaillans qu'ils ne craignoient se ietter en la mer iusques au col pour tirer apres eux leurs flesches, & si estoient si hardis, qu'ils osoient bien approcher leurs petites barquerolles, qu'ils appellent canoas, pour combattre les carauelles. Ainsi ils feirēt quitter à noz gens ce pays, qui s'en retournerēt à Cuba cinq mois apres qu'ils en estoient sortis. Iean de Grijalua cōsigna entre les mains de son oncle Diego Velasquez ce qu'il apportoit de change, & bail-la le quint aux officiers du Roy. Voila comment route la coste depuis Ciampoton iusques à S. Iean de Vlhua, & plus auant fut descouuerte. Tout ce traict est riche, & bon.

IAmais on n'a descouvert si grand monstre de richesses és Indes, ny faict de telles eschanges en si peu de temps, depuis qu'elles ont esté trouuees, qu'au pays de Iean de Grijalua à costoyé: aussi vn chacun depuis commença à tirer en ce quartier là. Mais Ferdinand Cortes fut des premiers, lequel y fut auecques cinq cens cinquante Espagnols en onze vaisseaux, il s'arresta en Acuzamil: il print Ta-uasco, il fonda la ville de la vraye Croix, il gaigna la ville de Mexique, que vulgairement nous appellôs Themistitan, & print le puissant Roy de Moteczuma: Il conquesta, & peupla la nouuelle Espagne & plusieurs autres Royaumes. A l'imitation de Polybe, & de Saluste, desquels l'vn a d'escrit les gestes de Marius, & l'autre ceux de Scipiô, i'escriray à part de ce Cortes pour les grâdes guerres qu'il a fait, lesquelles, sans preiudice d'aucun Espagnol, qui ait esté par delà, ont esté les meilleures, qui ayant esté faictes en ce nouveau monde, i'en escris aussi à part pour l'amour de ceste nouuelle Espagne, qui est la plus riche, & meilleure contree de toutes ces Indes, bien peuplee d'Espagnols, & remplie de forces Indiens naturels, qui se sont tous faicts Chrestiens, & aussi pour traicter plus amplement de l'estrange cruauté, de laquelle les habitans vsoient en leur ancienne religion, & de leurs coustumes tant anciennes, que modernes. Ce qui donnera plaisir, & admiration tout ensemble au lecteur.

De l'Isle de Cuba. Chap. 51.

L'Isle de Cuba fut surnommee par Christofle Colomb Ferdinandine en l'honneur, & me-

moire du Roy Dom Ferdinand, au nom duquel il la descouurit. Nicolas d'Ouando commença à la conquerir par Sebastien de Ocampo. Depuis au nom de l'Admiral Dom Diego Colomb, Diego Velasquez de Cnegliar la conquesta toute, la departit entre les siens, la peupla, & la gouuerna iusques à la mort. Cuba est faicte comme vne fucille de feugere, elle a en lógueur 1200. mil, & est large de deux cens octante mil, elle n'est pas droicte, mais elle est quelque peu courbee: son esté due est de Leuant en Ponent, & le meillieu d'icelle est quasi au 21. degré, elle a ses costez vers Orient l'Isle de Haiti, qui est 60. mil vers le midy elle a plusieurs Isles, la plus grande desquelles est Iamaïque, vers l'Occident elle regarde Yucatan, & vers la Tramontane elle est au dessous de la Floride, & des Lucajes. Cuba est vn pays aspre, rude, hault & montueux: en beaucoup d'endroits la mer est blanche. Les fleuves ne sont pas grands, mais ont vne bonne eau, & sont riches en or, & poisson. Il y a aussi plusieurs lacs, & estangs, desquels y en a aucuns, qui sont salez. Le pays est fort temperé, encor qu'il y sente vn peu le froid. Les hommes de ceste Isle en leurs façons de faire sont en tout semblables à ceux de l'Isle Espagnole, & pour ceste cause nous ne redirons point vne chose deux fois. Toutesfois ils sont differens en cecy, c'est que leur langue est toute differente, ils vont tous nuds hommes & femmes. Aux nopces vn autre est l'espoux, & par ainsi si l'espoux est Cacique, tous les Caciques, qui sont inuitez à la feste couchent avec l'espousee deuant l'espoux, si est marchant, les marchans y cou-

chét, s'il est citadin, bourgeois, où laboureur, le seigneur couche le premier, où quelq̃ prestre, & apres que tous y ont couché l'esponsee est repute'e vaillante, & courageuse. Il repudient leurs femmes pour cause biẽ legiere, & elles pour cause aucune ne peuuent abandonner leurs maris, mais sous couleur de mariage elles font de leurs corps ce qu'elles veulent, par ce que leurs maris sont sodomites. De ce que la femme va toute nuë, cela inuite bien, & pro-uoque fort les hommes, & de ce que les maris s'abandonnent à ce peché abominable fait deuenir les femmes meschantes. Voila comment les femmes fort aisẽment se laissent aller. Il y a en ceste isle force or, mais il n'est pas fin, il y a de fort beau bronze, force grains, & diuersité de couleurs. Il y a vne fontaine, où mine, qui rend vne paste comme poix, avec laquelle meslee avec de l'huyle, où du suif ils poissent les nauires, & tout ce qu'ils veulent. Il y a aussi vne veine de cailloux ronds, qui sans les accoustre'r autrement qu'on les tire, ser-uẽt de balle pour les arquebouzes & y en a de gros pour les bombardes. Les serpens de ce pays sont grands, mais doux, & sans venin, lourds, & pensans. Ils les prennent legerement, & sans crainte aucune les mangent. Ces serpens se repaissent de Guabiniquinazes, & en a esté pris tel, qui auoit en s'õ vẽtre huit de ses animaux ses Guabiniquinazes ressembloit à vn lieure, & renard, si non qu'il a les pieds de connil, la teste de belette, la queuë est de renard, le poil est gros & grand comme d'un taifson, sa couleur est rouffastre, sa chair est sauoureuse, & saine. Ceste isle estoit fort peulee d'Indiens.

maintenant il n'y a que des Espagnols, tous se firent Chrestiens, & puis la plus part sont morts de faim, de trauail, & de verole, & plusieurs s'en sont allez à la nouuelle Espagne de puis que Cortes la surmonta, & ainsi il n'en est demeuré icy race aucune de ces Indiens. La principale ville est Sainct Iacques. Le premier Euesque fut Hernando de Messa Iacobin, il y eut quelques miracles faits au commencement que ceste Isle fut pacifiée, ce qui feit plustost conuertir ces Indiens à nostre foy, & la vierge Marie apparut plusieurs fois au Cacique, par ce qu'il l'inuoquoit, & l'appelloit. Je fait mention icy de Cuba, & non sans cause puisque d'icelle sont sortis ceux, qui ont descouuert, & ont conuertit la nouuelle Espagnole à la foy de Iesus Christ.

De Iucatan.

Chap. 52.

IVcatan est vne pointe de terre, qui est au vingt vn degre, c'est vne Prouince, qui est fort grande. Aucuns l'appellent presqu'Isle, par ce qu'elle s'eslargist d'autant plus qu'elle s'estend en la mer, encore à l'endroit, où elle est plus estroicte, elle a quatre cens mil de large: car on en compte autant depuis Xicalanco, où plage des termes, iusques à Cetemal, qui est situé en la plage de l'Ascension: & les cartes marines, qui l'estreignent d'auantage par cest endroiect faillent. François Hernandez de Cordube à descouuert ceste Prouince l'an 1517. nō pas du tour, & fut en ceste façon. François Hernandez de Cordube, Christophle Morât, & Lopez Ocioa de Caizedo equipperēt à leurs despens à sainct Iacques à Cuba, trois nauires pour

aller descouvrir pays, & faire quelques eschanges, autres disēt que c'estoit pour enleuer quelques esclaves des isles de Guanaxos pour les mettre en leurs mines, & à leurs labeurs: car ils n'auoient plus d'Indiens naturels, & aussi qu'on leur defendoit de les faire plus trauailler aux mines. Ceux de Guanaxos sont aupres de Honduras, & sont hōmes doux, simples, qui ne s'amusent qu'à pescher: ils n'ont point d'armes, aussi ne sont ils point guerriers. Or de ces trois vaisseaux Hernandez estoit capitaine, il menoit cent dix hommes, & auoit pour pilote Antoine Alaminos de Palos de Moguer, & pour controleur pour le Roy il auoit Bernardin Iniguez de la Calzada, encor dit-on qu'il menoit vne barque appartenant au gouuerneur Diego Velasquez, dans laquelle il portoit son pain, des terremens, & autres choses necessaires pour les mines, afin que s'ils eussēt trouué quelque chose le gouuerneur en eut eu sa part. François Hernandez partit donc voyant vn temps si à propos qu'il ne le voulut laisser eschapper, où soit qu'il eust ceste volonté d'ainsi partir pour descouvrir nouuelles terres, & s'en alla droit en vn pays incogneu ny aucunement encor veu des nostres, ou il trouua des salines en vne pointe qu'il surnomma des Femmes, parce qu'il y veit des tours de pierre avec degrez, & des chappelles couuertes de bois, & de paille, dedans lesquelles estoient arangez en tel ordre plusieurs Idoles, qui ressembloient à des femmes. Les Espagnols s'esmerueillèrent de veoir des edifices de pierre, qui n'auoiēt point encor esté veuz par de là, & aussi de ce que les habitans estoient si richement, & si

honnestement vestuz : ils auoyent des chemises, & des manteaux de cotton fort blancs, & de couleur aussi, les testes couuertes de beaux pennaches, les oreilles enrichies de pendās, & ioyaux d'or, & d'argent. Les femmes auoient le visage, & le sein caché. Hernandez ne s'arresta point là, & s'en alla à vne autre pointe qu'il nomma Corohe, où y auoit certains pescheurs, qui de peur s'enfuirent, & comme les nostres les appelloient, ils respondoient Corohe, c'est à dire maison, pėsans, que noz gens leur demādassent qu'elle ville c'estoit, ce qu'ils voioiēt comme si ils y eussent voulu aller, & eux respondoient que ce n'estoit qu'une maison, & non vne ville. De là ce nom est demeuré à ce cap. Vn peu plus auāt ils trouuerent d'autres hōmes, à qu'ils ils demāderent comme s'appelloit ceste grande ville, qui estoit là apres, ils respōdirent Tectetan, Tectetan, qui veut dire, ie n'entens point. Les Espagnols penserent qu'elle s'appelloit ainsi, & corrompans ce mot, l'ont tousiours depuis appelée Yucatan. Il trouuerent en ce pays des croix de leton, & de bois sur les morts, de là quelques vns prindrent argumēt, que plusieurs Espagnols s'estoient enfuis en ce pays, lors que l'Espagne fut destruite, & ruinee par les Mores du temps du Roy dom Roderic, mais ie n'en croy rien, puisque és Isles cy dessus descrites ne s'est trouuee aucune de ces croix, par lesquelles toutesfois il faut necessairement passer auant qu'arriuer icy, qui y veut venir d'Espagne, & n'est pas vray-semblable qu'ils eussent laissé tāt de bon pays, qui est en ces Isles pour passer iusques en ceste Province. Quand nous traicterōs de l'Isle d'Acuzamil,

ie parleray plus au long de ces croix. De ceste ville de Yucatan Hernandez s'en alla à Campeze, qui est vne place grãde, laquelle il nomma Lazare parce qu'il arriua là le Dimanche du Lazare, qui est en Karefme: il sortit en terre, où le seigneur & luy se caresserēt en amis: il eut en eschāge des mâteaux, des plumes, des coquilles grandes, d'escreuilles de mer enchassees en argent, & en or. On luy dōna des perdrix, tourterelles, oisons, coqs, lieures, cerfs, & autres animaux bons à manger, force pain de maiz, & du fruit. Ces habitans s'approchoient des Espagnols, aucuns leur touchoient la barbe, autres leurs robbes, leurs espees, tous changeoient de couleur à l'étour d'eux. Il y auoit en ce lieu vne tour de pierre carree, avec des degrez, au haut d'icelle y auoit vn Idole, qui auoit à ses costes deux bestes cruelles, pourtraictes en telle façon comme si elles l'eussent voulu deuorer. Il y auoit aussi vn grand serpent long de quarante sept pieds, & gros comme vn Bœuf, qui deuoroit vn Lyon, le tour estoit fait de pierre. Cest Idole estoit tout barbouillé du sang des hommes, qu'on luy auoit sacrifiez, selon qu'est la coustume de tout ce pays. De là Hernandez s'en alla à Ciampoton, qui est vne grande ville, le Seigneur de laquelle s'appelloit Mociocoboc, il estoit homme de guerre, & courageux: Il ne voulut permettre que nos gens eussent rien de luy en eschange, encores moins leur donna il viures, on fit presens, ny mesmes voulut leur laisser puiser de l'eauë, sinon en eschange de leur sang. Hernandez pour ne se monstrier couard, & pour sçauoir qu'elles armes, & quel courage, & quelle

addresse auoient ces Indiens : feit faillir en terre ses soldats, les mieux armez qu'ils peurent, & commanda que les mariniers puissassent de l'eauë, mettant ses gens en ordre prests à combattre, si ces Indiens les vouloient empescher. Mocio-coboc voulant faire reculer nos gens de la mer, affin qu'ils n'eussent leur refuge si pres d'eux, leur feit signe qu'ils allassent derriere vne colline où estoit la fontaine. Nos gens eurent peur, voyant ces Indiens depeints de couleur, chargez de fleches, & ayants bonne contenance de vouloir combattre : ils feirent mettre le feu à l'artillerie des vaisseaux pour les espouuenter. Les Indiens s'fermerueillerent bien de ce feu, & fumeë, & s'eslourdirent quelque peu pour le bruiët, & tonnerre de ces bouches à feu, mais ils ne s'enfuirent point pour cela, ains affronterent, & assailirent nos gens courageusemēt, & tous d'une mesme promptitude, cryans horriblement, & iettans des pierres, dards & fleches : les nostres marcherent pausément à petit pas, & estants pres d'eux, d'esbaderēt leurs arbalestres, desgainerēt leurs espees & en tuerēt grād nōbre de coups d'estocade, & mesme du tréchat, qui ne trouuāt que la chair nue, leur fendoit quasi la teste, & le corps en deux, taillans les mains, auallās les bras, couppans les iambes. Les Indies encor qu'ils n'eussent iamais essayé tels coups, si soustindrēt ils la bataille, stimulez par la presence & courage de leur Seigneur & Capitaine, iusques à ce qu'ils l'eussent gaignee, poursuyuans viement les nostres, desquels en tuerent vingts, cōme ils s'embarquoiēt à la foule, & en blecerēt pl^{us} de

cinquante, & en prindrent deux, qu'ils sacrifièrent depuis. Hernandez demeura avec trente blecez, & fut contrainct s'embarquer en grande cholere, & durant son retour fut tousiours pensif, & melancholique, & arriua à saint Iaques, tout confus, rapportans, toutesfois bonnes nouuelles de ce nouveau pays qu'ils auoit descouuert.

La conqueste d'Yucatan. Chap. 53.

FRançois de Montejo natif de Salamanque eut la conqueste & gouuernement d'Yucatan, avec le tiltre d'Adelantado. Il auoit demandé à l'Empereur ce gouuernemēt, à la persuation de Hierosme d'Aguilare, qui auoit demeuré long temps en ce pays, & disoit que c'estoit vn bō pays & riche: mais il en estoit autrement, ainsi que l'issue l'a demōstré, Montejo auoit esté bien party en l'Espagne nouvelle, & estoit deuenu riche, tellemēt que l'an 1526. il meit en mer, à ses despens, trois nauires, dans lesquels il auoit plus de cinq cens Espagnols pour commencer son entreprinse. Il arriua en Acuzamil, qui est vne Isle de son gouuernement, & n'ayant aucun truchement n'entendoit, n'y n'estoit entendu, sinon avec vne grande peine. Vn iour comme il alloit pescher vn Indien s'approcha de luy, qui luy dist Ciucana, c'est à dire, cōme vous appelez vous? il escriuit aussi ceste parolle, à fin qu'il ne l'oubliaist, & demandant par ce mot comme s'appelloit toute chose, il commença à entendre les Indiēs, non toutesfois sans grande peine. De ceste Isle, il s'en alla en terre ferme, où il print terre pres de Xamāzal, il feit sortir ses gens dehors, ses cheuaux, & l'artillerie, & feit mettre dehors ses vestemens, prouisions, ses

merceries, & autres choses pour eschâger avec les habitâs, ou bien leur faire la guerre. Son commencement fut doux, & paisible. Il s'en alla à Pole, à Mochi, & de ville en ville à Couil, d'où les seigneurs de Cinaca sortirent au deuant pour le veoir, comme s'ils eussent voulu son amitié: mais ils le voulurent outrager avec vn dard qu'ils auoient prins à vn petit More, s'il ne se fust defendu avec vn semblable baston. Il leur desplaisoit de veoir en leur pays des gens estranges qui estoient de guerre, & estoient merueilleusement despitez des moynes, qui iettoient par terre leurs Idoles. De Couil Mōtejo s'en alla à Aqui, & commença la conqueste de Tauasco, il y demeura deux ans, par ce que les habitans ne le vouloient aucunemēt receuoir. Il peupla là vne ville, qu'il nomma Saincte Marie de la Victoire. Il employa six ou sept ans à pacifier ceste prouince: durant lesquels il endura grande famine, eut beaucoup de traux, & eschappa de grands dangers: entre autres quand il cuida estre tué à Cerenal, par Gonzalle Gueriero, Capitaine des Indiens, lequel y auoit plus de vingt ans qu'il estoit marié en ce pays avec vne Indienne, s'estant deguisé à la façon du pays, il auoit les oreilles percees, ses cheueux coupeez en couronne, il estoit venu en ce pais avec Aguilare, mais il ne voulut retourner avec luy par deuers Cortes. Montejo peupla en outre les villes de S. François, de Campeze, de Marida, de Valladolid de Salamāque, & de Seuille, & se comporta bien avec les Indiens.

CEux d'Yucatan sont courageux: ils combattent avec la fronde, les dards, la picque, l'arc, l'escpee, la rondelle, portans vn cabasset de bois en teste, & des cuyrasses de cotton: Ils se peignent ordinairement le visage, les bras, & tout le corps de rouge & de noir: en temps de paix ils vont sans armes, & sans vestement, ils ne portent que de grâds pennaches, qui leur seent fort bien: Ils ne donnent point vne bataille, que premierement ils ne facent de grandes expiations, avec plusieurs ceremonies: ils se percent les oreilles, & se taillent les cheveux par deuant, en rond, tellement qu'ils semblent estre chauue, & tressent ceux de derriere, lesquels ils portent longs, & les lyent sur le derriere de la teste: ils se taillent la pellicule, qui couure la glande de leur membre, ceste coustume toutesfois n'est pas si generale, qu'il n'y en ayt quelques vns, qui s'en abstiennent, ils ne desrobent aucunement, & ne mangent point de la chair humaine, encor' qu'ils sacrifient des homes à leurs Idoles, qui n'est pas peu de chose, eu esgard à la meschante coustume de ces Indiens: ils s'estudient fort à la chasse, & à la pesche, ayâs leurs pays abôdant à tel exercice: ils nourrissent grâde quârité de mouches à miel, aussi ont ils beaucoup de miel, & de cire: mais il ne sçauoiét en faire de la bougie, iusques à ce que les nostres leur ayent enseigné: ils batissent leurs temples de pierres, & la pl^r part de leurs maisons, sans aucû instrumēt de fer, duquel ils ont faute. Peu sont sodomites, mais to^r sont idolatres, sacrifiañs à leurs Dieux: quelq^q fois le diable s'apparoist à eux, specialemēt en Acuzamil, & à Xicalanco, & mesmes depuis qu'ils sont Chrestiens

encor en ont ils esté trompez assez de fois, mais ils s'en sont chastiez. Les lieux les plus reueuez qu'ils eussent, estoient en Acuzamil, & Xicalanco, aussi toutes les autres villes auoient là quelque petit Temple, ou autel particulier, ou les habitans desdites villes alloient adorer leurs Idoles : parmy icelles il y auoit plusieurs Croix de leton ou de cuiure & de bois, qui donnoient à penser à quelques vns, que plusieurs Espagnols s'en estoient fuiz en ce pays, du tēps de la destruction d'Espagne, aduenue sous le regne de Dom Roderic. On celebroit aussi vne grande feste à Xicalanco, où de loingtrains pays venoient plusieurs marchands pour y traffiquer, qui rendoient ce lieu fort renommé. Ces Yucatan viuent long temps : Alquimpech, qui estoit le grand Prestre du peuple, ou aujourd'huy est Merida, a vescu plus de six vingts ans, lequel encor' qu'il fust faict Chrestien, pleuroit neantmoins la venue, & alliance des Espagnols, & racôptoit à Môtelo, cōme il y auoit quatre vingts ans passez, qu'il vint vne influence pestilentielle sur les hommes, telle qu'ils creuoient, pour la grāde abondance de vers, qui s'engendroient en leurs corps, & que de là vint vne autre mortalité d'auec vne puāteur incredible, & que quarante ans, auant que les nostres entraissent en ce pays, il y auoit eu deux batailles, esquelles estoient morts plus de cent cinquante mille hommes, mais que les habitans sentoient la domination des Espagnols plus griefue que toutes ces choses passees, par-ce qu'ils n'auoient point d'esperance, qu'ils bougeassent iamais de là.

L'An 1502. Christophle Colomb descourrit bien
 enuiron 1500. mil de coste depuis le grãd fleu-
 ue d'Higueras, iusques au Nom de Dieu. Mais il
 en a d'autres, qui disent que Vincent Iannes Pin-
 zon, & Iean Diez de Solis, qui ont esté grands des-
 couureurs, auoient faict ce descouuremẽt trois ans
 deuant. Lors que Colomb feit ce chemin, il auoit
 quatre Carauelles, & cent septante Espagnols de-
 dans : il cherchoit quelque destroict de mer, pour
 passer vers la mer de Midy, pensant qu'il y en eust
 en ce quartier là, & ainsi l'auoit il dict au Roy Ca-
 tholique: mais il ne feit autre chose que descouuri-
 du pays, & perdre ses vaisseaux, ainsi qu'il a esté dit
 en vn autre chapitre. Il nomma le port de Caxinas
 qu'auourd'huy on appelle Honduras. François de
 la Case, y fonda la ville de Trusilio, l'an 1525. au
 nom de Ferdinand Cortes, lors que luy, & Gilles
 Gonzalles, tuerent Christofle d'Olid, qui les tenoit
 prisonniers, s'estant rebellé cõtre Cortes, ainsi que
 nous desduirons plus au long en la conqueste de
 Mexicque, parlãt du penible voyage que feit Cor-
 tes à Higueras. Honduras est vn pays fertile en
 toutes prouisions. Il est riche en cire, & miel. Les
 habitans ne se meubloient point d'or, ny d'argent,
 encor' qu'ils eussent de riches mines, de ces deux
 metaulx, ils n'en tiroient point, & moins l'auoient-
 il en estimation. Leur manger est pareil à celuy des
 Mexiquains : ils se vestent comme ceux de Castille
 de l'or: Ils participent és coustumes & superstitions
 de Nicaragua, qui est quasi la mesme Mexique. Ils
 sont méteurs, cupides de nouuelletez, faicts neants,
 fort obeissans à leurs Maistres, & Seigneurs, ils sont
 grande-

grandement addonnez à paillardise. Ils ne se marient communement qu'à vne seule femme, mais les Seigneurs en prennent autant qu'ils veulent. Le diuorce est facile entr'eux, ils estoient grands idolatres, maintenant ils sont tous Chrestiens, le docteur Pedrazza est leur Euesque. Quâd aux gouuerneurs de ce pays il y en a eu plusieurs, Lopez de Salcede pour vn, qui fut empoisonné en vn pasté par les siens. Vasco de Herrera fut en sa place, qui aussi fut tué à coups de poignard, & estranglé. Diego de Albitez eut apres luy le gouuernement, il fut de mesme empoisonné en vn pasté. Estâs tels troubles entre les gouuerneurs, & leurs soldats au lieu de peupler le pays, ils despeuplerent, & ruinerent tous les habitans. Apres ceux-cy André de Cerezede fut gouuerneur, & luy estant mort, François de Montejo, Adelantado de Yucatan eut le gouuernement, il s'y en alla l'an 1535. auec cent septante Espagnols tant soldats, que mariniers: il assiegea la forteresse de Cerquin, & la gaigna en sept moys non sans la perte de ses gens. Ceste place estoit merueilleusement forte, & les Indiens courageux au possible. Ils perdirent ceux qui faisoient la sentinelle, par ce qu'ils s'estoient endormys à l'heure que l'assault fut donné plus viuement, ce fut vn chastiment fait en gés de guerre. Ce Montejo tint encor' par famine la forteresse de Iamala leur payâs esté brulé quinze mille iournaux de mayz par Marquillos vray more. Il peupla en plusieurs lieux, & entr'autres à Cumayagua, & S. George en la vallee de Vlanco, & reneit dessus autres places, qui estoient ruinees comme Trusilio, & S. Pierre, au-

pres duquel il y a vn Lac, ou les arbres avec leur terre selon le vent, se changent de lieu en autre. Ce sont petites Isles, qui se font sur l'eau par l'amas de petites buchettes, & bourries qui se lient ensemble par le moyen du lymon que iette l'eau, & par succession de temps elles se fortifient si fort, que des arbres y prennent racines sans s'enfoncer dans le lac.

De Veragua, & Nom de Dieu. Chap. 56.

Veragua a le bruiet d'estre pays riche, Christophle Colomb le descouurit l'an 1502. depuis Diego de Niquefa en demanda la conqueste, & gouvernement au Roy Catholique, il equippa au port de lea beata de S. Dominicque sept vaisseaux, tant nauires que carauelles, & deux brigantins. L'an 1508. il s'embarqua avec plus de sept cens octante Espagnols, & pour aller à Veragua il tira premierement à Carthagena, de laquelle il auoit cognoissance pour puis apres suivre la coste, sans faillir sa navigation. Quand il arriua à Carthagena il trouua là son amy Alphonse de Hoieda, qui vn peu deuant estoit party de S. Dominicque pour aller à Vraba, rompu, & deffair. Il les consola du trauail, & facherie qu'ils auoient pour la mort de Ieá de la Cosa, & de septáte Espagnols que les Indiens auoient tuez en Caramairi, & s'accorda avec luy pour venger telle perte. Ainsi ils s'en allerent de nuit pour surprendre leurs ennemys à la despourueuë, où la bataille auoit esté donnee. Il y auoit vn village qui contenoit enuiron cent maisons : Ils enuironerent ce village, & y meirent le feu: il y auoit dedans plus de troys cens habitans, & beaucoup plus de femmes & d'enfans, ils prindrent six enfans, & tuerent

quasi tout le reste tât de leur glaiue q̄ par le moyē du feu: Le feu esteinct, ils espādirent les cendres, & trouuerent vn peu d'or à despartir entr'eux. Ce chastement ainsi acheué, Niquesa partit pour aller à Veragua en passant il s'arresta avec le seigneur Carrete, & de là s'en alla deuant sa flotte avec les deux brigantins, & vne carauelle, commandant aux autres qu'ils eussent à le suiure iusques à Veragua. De ce despartement ne luy aduint que mal, par ce que sa carauelle où il estoit outrepassa Veragua bien loing, sans le veoir, & Lope de Olano Capitaine d'vn des brigantins s'approcha de terre, & demandant où estoit Veragua, on luy respōdit qu'il estoit derriere, il tourne la proüe & rencontre Pierre de Ombrie, qui estoit en l'autre brigantin, ils communiquent ensemble, & s'en vont au fleue de Ciagré qu'ils surnommerēt des lesards, poissons & Cocodrilles, qui mangent les hōmes, ils trouuerent en ceste riuere le reste de la flotte, & tous ensemble s'en allerēt à Veragua. Or pensans que Niquesa y fut, ils iettent les ancras à la bouche du fleue, Pierre de Ombrie se met avec douze mariniers en vne barcque pour aller veoir quelque descēte propre. La mer estoit haulte, & si enflée qu'il se perdit & tous ses compagnōs hors mis vn qui eschappa à force de nager. Les autres plus sages au peril d'autruy sortēt en terre dedās les brigatins, & nō dedās les barcques. Ils tirēt aussi tost dehors les cheuaux, l'artillerie, les armes, le vin, biscuit & toutes autres choses de guerre, & font frapper leurs nauires de trauers contre terre, à fin de les brizer, afin que les compagnōs n'eussent plus d'esperāce de retourner.

& pour euitier plus grand inconuenient s'accorderent routesfoys tous d'appeller cestuy-cy. Niquesa rendit graces telles que meritoient ces nouuelles à Roderic Enriquez de Colmenares, qui estoit venu à luy avec vne carauelle, & vn brigantin. Ce remerciement ne se feit pas sans pleurs, & lamentations de son mal'heur. Ainsi sans considerer autres choses, il se meit sur mer avec ce Roderic menant soixante Espagnols en vn brigantin qu'il auoit encor. Or ce pendât qu'il estoit sur mer à faire ce voyage, en racomptant toutes ses calamitez, & le mauuais conseil de quelques vns des siens, commença à parler trop inconsiderement contre ceux, qui l'appelloient pour estre capitaine general, disant que pour mieulx asseurer son estat il conuenoit en chastier quelques vns, oster les offices & charges aux autres, prendre leurs personnes, & leurs biens, puis qu'ils ne les pouuoient retenir sans la volonté de Hojeda, ou de la sienne qui estoient esleus gouuerneurs par le Roy. Quelques vns de la compagnee de Colmenares penserent que ces parolles s'adresoient à eux & les rapporterent en Vraba entre les soldatz. Encizo, qui tenoit la partie de Hoieda comme estant son grand preuost & Valuoá chägerent d'aduis, & eurent peur de le receuoir: ainsi non seulement ils ne le receurent, mais, qui plus est, l'iniurierent, & le menacerét hardimēt, & mesmes aucuns veulent dire qu'ils ne le laisserét point desembarquer. Cecy ne pleut gueres à plusieurs de Vraba, qui estoient gens de biē, mais il n'eussent sceu en faire autre chose, ayans peur du conseil, lequel Valuoá auoit ia irrité contre Niquesa. Ainsi le pauvre Ni-

quesa fut cōtrainct s'en retourner avec ses soixante soldats fort ennuié, & triste, se complaignât grandement de Valuoá, & de Enciso. Il partit de Darien le premier iour de Mars l'an 1511. en intētion de tirer droict à S. Dominicque, pour se plaindre d'eux aux iuges de la Rotte : mais il fut perdu par le chemin & les poissons le mangerent. Autres pensent qu'après auoir prins terre pour prendre des prouisiōs, & pour puiser de l'eau, il aye esté mágé des Indiens: par ce q̄ depuis on a trouué escript en vn arbre ces mots : Par cy a passé perdu le malheureux Diego de Niqueſa, mais il se peult faire qu'il ayt escript cecy quand il estoit en Zorobaro. Voila la fin de Diego de Niqueſa, & de son armee & de la riche cōqueste de Veragua. Ce Niqueſa estoit de Baeza: il auoit passé en ces Indes avec Christophle Colomb lors qu'il feist son second voyage. Il perdit l'honneur, & tant qu'il auoit gagné en l'Isle Espagnole, en entreprenant ce voyage de Veragua. Il desçouurit 260. mil de pays à compter depuis le Nom de Dieu iusques aux roches de Dariē, il nomma le port de Misas, qui est à la riuiera de Pito. De tant d'Espagnols qu'il auoit menez avec luy, en troys ans n'en demeura soixante viuans & encor' ces soixante fussent morts de faim s'ils ne s'en fussent allez du port beau à Darien, ils mangerent en Veragua tous les chiens qu'ils auoient. Il y a eut tel chien, qui a esté achepté vingt castillans d'or, & encor' à vn ou deux iours de là ils feirent bouillir la peau, & la teste sans auoir horreur de ce qu'elle estoit puante, & pleine de verz & en vendoient l'escullee de brouet vn castillan. Vn Espagnol feit

bouillir deux crappaux de ce pays de ceux qu'ont
 accoustumé manger les Indiens, & les vendit avec
 grands prieres six ducats à vn malade. Autres Espa-
 gnols mägerent vn Indien qu'ils trouuerent mort
 en chemin comme ils alloient chercher du pain,
 duquel ils auoient grande disette, & ne trouuoient
 point de maiz par la campagne, & les Indiens ne
 leur en vouloiét point bailler. Ces Indies vont tous
 nuds, & appellent l'homme Ome, les femmes sont
 couuertes depuis le nombril, iusques en bas, & por-
 tent des pendans aux oreilles, & des bracelets &
 chaines d'or. Philippe Gutierrez de Madrid, de-
 manda le gouuernement de Veragua par ce que
 c'estoit vn pays riche: Il s'y en alla avec plus de qua-
 tre cens soldats, l'an 1536. & la plus-grád part mou-
 rut de faim, ou pour mäger des herbes enuenimees.
 Ils mangerent les cheuaux, & les chiens qu'ils a-
 uoient menez, Diego Gomez, & Iean d'Ampudia
 d'Alofrin, mangerent vn des Indiens qu'ils auoient
 tuez, & comme la rage de la faim leur faisoit de
 plus en plus oublier toute honte, aussi les rendoit
 elle plus cruels: tellement qu'un iour plusieurs, qui
 estoient enragez de faim, se vindrét ietter sur Her-
 nando Arias de Seuille, qui estoit malade, & le tue-
 rent, & mangerent: vn autre iour aussi, ils mange-
 rent vn nommé Alphonse Gonzalez, mais ils furent
 en fin tous chastiez de telles inhumanitez. Les sol-
 dats de ce Philippe Gutierrez tomberét en tel mal-
 heur, & disgrâce de Dieu, qui est tout iuste, que
 Diego d'Ocampo pour ne demeurer sans sepultu-
 re, s'enterra vis luy mesme en vne fosse qu'il voioit
 faicte pour vn Espagnol mort. Depuis l'Admiral

Dom Loys Colomb enuoya l'an 1546. peupler & conquerir ce pays donnant la charge de ceste conquête au capitaine Christofle de Pégua, avecques bonne trouppes de soldats Espagnols. Mais il ne luy est pas mieux aduenü qu'aux autres: & ainsi ce pays est demeuré indomptable. En l'accord, qui fut faict entre le Roy & l'Admiral, sur ses priuileges on luy donna ce pays de Veragua, avecques tiltre de Duc, & en oultre on le feist Marquis de Iamaïque.

Darien. Chap. 57.

L'AN 1502. Roderic de Bastidas, arma à Calix, à ses despens, & aux despens de Jean de Ledesme, & de quelques autres ses amis deux Carauelles, & pritt pour pilote Jean de la Cosa voisin du port de sainte Marie, marinier fort expert, lequel comme j'ay nagueres racompté fut tué des Indiens, & s'en alla à descouurir pays, il flotta longuement par les terres de Christofle Colomb, finalement il descouurit de nouveau le long de la coste 600. mil, à compter depuis le Cap de la voile, iusques au goulfes d'Vraba & Farallons de Darien. En ce long trait de pays on marque vers le Leuant Caribana, Zenu, Carthagena, Zamba & S. Marthe. De là il vint à S. Dominique, où il perdit ses Carauelles de pourriture, & fut prins par François de Bouadilla, à cause qu'il auoit prins de l'or en eschange, & qu'il auoit prins quelques Indies cõtre les ordonances du Roy, & fut enuoyé en Espagne avec Christofle Colõb. Mais les Rois Catholiques luy firent grace, & luy assignerēt de reuenü annuel sur Darien deux cents ducats pour salaire du seruice qu'il leur auoit faict

en ce descouurement. Toute ceste coste, qui a esté descouuerte par Bastidas, & Niqueſa, & celle qui est du cap de la voile, iusques à Paria est d'Indiens, qui mangent, les hommes, & tirent de fleches enuenimees. On les appelle Caribes, à cause de laprouince de Caribana pour estre braues, & hardis, & bien respondans à leur nom : & par-ce qu'ils estoient si inhumains, cruels, sodomites, & idolatres, ils furent mis en proye pour les rendre serfs, ou pour les tuer & massacrer, s'ils ne vouloient renoncer à leurs abominables pechez, & prendre l'amitié des Espagnols, & se faire baptiser en la foy de Iesus Christ. Le Roy Catholique D^o Ferdinand feit cest ordonnance avec l'aduis de ceux du cōseil, & des Theologiens ſçauans. Il donna plusieurs conquestes avec telle permission à Diego de Niqueſa, & Alphonſe de Hojeda, qui furent les premiers conquerans en terre ferme. Le Roy feit vne loy contenant dix ou douze chefs pour ceux qui iroient à ces Indes, que premièrement on preschast l'Euangile, que on fist venir les habitans à appoinctemēt. Le 8. chef estoit que s'ils vouloiēt la paix ils fussent libres, bien traitez, & priuilegez par sus les autres. Le neuſieme que s'ils perseueroient en leur idolatrie, & en leur inhumanité de manger les hommes, on les feit prisonniers, qu'on les tuast franchemēt, à quoy il n'auoit consenti iusques à l'heure. Alphonſe de Hojeda natif de Cuença, qui fut vn des capitaines de Colomb contre Conabo, l'an 1508. equipa à sainct Dominicque quatre nauires à ses despens, & meit dedans trois cens hommes, & laissa le bachelier Martin Fernandez d'Enciso son grād preuost, pour

conduire apres luy vn autre nauire, avec cent cinquante Espagnols, & amener des viures, artilleries, arquehouzes, lances, arbalestes, munitions, grain pour semer, douze bestes caualines autât de truyes, & verats pour peupler, & s'en alla du port de la Beata au mois de Decembre, Il arriua à Carthagena, il presenta la paix aux Indiens, lesquels la refusans, furent par luy defiez, tuez, & beaucoup de prins. Il eut d'eux quelque peu d'or en ioyaux, & autres paremens, mais l'or n'estoit pas fin, il se repent de cela, & entra plus auant en pays, iusques à quinze mil, menant pour guide ses prisonniers. Il arriua en vne petite ville, qui pouuoit cōtenir cent maisons, & trois cens habitans, il leur liura le cōbat mais il ne peut prendre ceste villette, par ce que les Indiens se defendirent si brauement, qu'ils tuerent 70. Espagnols, & leā de la Cosa, qui estoit la secōde personne apres le capitaine Hojeda, & les mangèrent tous: Ils auoient des espees de bois, & de pierre, des fleches, qui auoient au bout vn os, ou vn caillou trempé au ius d'une herbe mortelle: ils auoient aussi certaines verges longues, & pointues, que ils iectoient comme dards, des pierres, & autres sortes d'armes offensiuës. Or comme Hojeda estoit là, Diego de Niquesa arriua là avecques son armee, ce qui resiouit l'autre grandement, & tous ses soldats. Ils s'vnirent ensemble & s'en allerent par vne nuit à ceste petite ville: ils l'enuironnent, & y mettent le feu, qui brusla incontinent tout, par ce que les maisons estoient de bois, & couuertes de fueilles de palme. Quelques Indiens eschapperent soubs l'obscurité de la

nuit: la plus part toutefois passerent par le feu, ou
 par le tranchant de l'espee des Espagnols, qui ne
 pardonnerent sinon à six petis enfans. Ainsi fut vé-
 gée la mort de ces septante Espagnols. Ils trouue-
 rent soubs la cendre de l'or, mais non pas tant cō-
 me ils eussent bien voulu. Cela faict ils s'embarque-
 rent tous & Niquesa print le chemin de Veragua &
 Holeda, celuy de Vraba, passant par l'isle nommee
 Forte, il print sept femmes, & deux hommes, &
 eut deux cens onces d'or en bracelets, pendans, &
 colliers. Il print terre à Caribana, terroir des Cari-
 bes, qui est à l'entree du goulfe de Vraba. Il met ses
 soldats à terre, ses armes, cheuaux, & toutes autres
 choses de guerres, avec les prouisiōs, qu'il menoit,
 & commença aussi tost vne forteresse pour s'asseu-
 rer au mesme lieu ou quatre ans deuant Jean de la
 Cosa l'auoit encōmencee. Ce fut la premiere place
 qu'eurent les Espagnols en terre ferme. Hojeda vou-
 lut à son arriuee attirer les Indicus à la paix suiuant
 le commandement du Roy, pour peupler & viure
 en plus grande seureté. Mais eux estans haultains,
 & se confians sur eux mesmes, & estans ennemis
 mortels des estrangiers, contemnerent l'amitié, &
 communication des Espagnols. Ce qu'ayant enten-
 du Hojeda, tira à Tiripi, qui est à douze mil de la
 mer, pour le bruit qu'auoit ce lieu d'estre riche, luy
 liure l'assault, mais en vain, par ce que les habitās le
 feirēt fuir avec dōmage, & perre de ses gens, & de
 sa reputation, tant enuers les Indiens, qu'enuers les
 Espagnols. Le Seigneur de Tiripi iettoit de l'or
 par dessus la muraille, & les siens tiroient de leurs
 arcs sur les Espagnols, qui s'abbaissoient pour le re-

cueillir, & celuy, qui estoit nauré de leurs fleches, mouroit comme enragé. Il vsoit de ceste ruse cognoissant leur avarice. Les nostres sentoient ia les prouisions leur defaillir, & ainsi necessité les feit aller à vn autre lieu, où les prisonniers leurs disoient qu'il y auoit force prouisions. Ce qu'ils trouuerent veritable, & en enleuerent grande quantité de victuales, & amenerent des prisonniers. Le capitaine eut de là vne femme, le mary vint pour traiter de sa liberté, & promet d'apporter le prix qu'on demandoit: il s'en va, & retourne avec huit autres cōpagnons archers, & au lieu de bailler l'or qu'il auoit promis, ils blecerent le capitaine en vne cuisse, mais les soldats les tuerent tous huit, avec leur Capitaine. Ce fut vn faict d'homme courageux, & nō barbare, si l'issue eust esté telle que le commencement. Durant ce temps arriua là Bernardin de Talabera, avecques vn nauire chargé de prouisions, & de soixante hōmes qu'il auoit pris à saint Dominique, sans que l'Admiral, ny la iustice en sceut riē. Il apporta grāde cōsolatiō avec telle abōdance de munitiōs, & viures à Hojeda, qui estoit en necessité & pauureté grande. Pour tel réfort, toutesfois ses soldats ne laissoient pas à murmurer, & se plaindre de luy, de ce qu'il les auoit amenes à la boucherie, & qu'il leur tenoit les mains lices, & le courage sans s'en pouuoir aider. Le capitaine les tenoit tousiours en esperāce de secours, & de nouvelles prouisions que le docteur d'Enciso deuoit amener, & s'esmerueilloit de sa demeure. Quelques Espagnols s'accorderent de se saisir de deux brigantins de Hojeda, & s'en retourner à

sainct Dominique, ou bié s'en aller avec les soldats de Niquefa. Hojeda ayant ouy le vent de ceste entreprinse, pour paruenir, & s'excuser de telle mutinerie, & desdaing, qui s'esleuoit entre ses gens, se meit au nauire de Talabera laissant François Pizarre pour son lieutenant, & promettant de retourner dans cinquante iours, & que s'il ne retournoit, que il les deliuroit de leur serment, & que puis apres ils s'en iroient où bon leur sembleroit. Ainsi se partit Alphonse de Hojeda de Vraba, tant pour guarir sa playe qu'il auoit receuë en la cuisse, que pour chercher le docteur d'Enciso, ioinct aussi que tous ses gens se mouroient. Il feit voele de Caribana en assez mauuais temps, & s'en alla cheoir en Cuba, pres le cap de la Croix. Il costoya ce pays, endurât grād faim, & trauail: il perdit quasi tous les siens, à la fin il arriua à S. Dominique fort malade de sa playe, pour la douleur de laquelle, ou pour ne trouuer quelque aprest, qui luy donnast moyen de retourner en son gouuernement, & suruenir à son armee, il demeura là: mesme aucuns disent qu'il se rendit cordelier, & qu'il mourut en cest habit.

La fondation de l'antique de Varian.

Chap. 58.

A Pres que les cinquante iours furent passez, dedás lesquels deuoit retourner Hojeda avec secours d'hommes, & de prouisions, ainsi qu'il auoit promis: François Pizarre, & septante Espagnols qu'il y auoit encor de reste s'embarquerēt en deux brigantins qu'ils auoient. Car la famine, & maladie les contraignoit de vuider ce pays, & laisser ceste petite ville qu'ils commençoient à peupler. Or

comme ils estoient en mer, il aduint vn malheur que l'vn des brigantins s'enfondra: vn grand poisson en fut cause, qui, à raison que la mer estoit émue, se tempestoit sur l'eau, & s'approchant de ce brigantin s'appuyoit contre, leuant la teste comme fil l'eust voulu engloutir, & donna vn tel coup de sa queue qu'il rompit & meit en pieces le timon. Ceste fortune les estonna d'auantage, considerans que l'air, la mer & les poissons les poursuuiuoient comme la terre. François Pizarre s'en alla avec son brigantin à l'isle Forte, où les habitas, qui sont Caribes, ne voulurent aucunement consentir qu'il desembarquast. Il tourne vers Carthagena pour puiser de l'eau, par-ce qu'ils mouroient de soif, & rencontra pres Cochibocoa le Docteur Enciso, qui amenoit vn brigantin, & vn nauire chargé de gens, & de prouisions, au capitaine Hojeda: ils cōptent incontinent leurs fortunes bien par le menu, & tout le succez, & comme le gouuerneur s'en estoit allé. Enciso ne vouloit pas aisément croire Pizarre doutant qu'il s'en fut fuy avec quelque larrecin, ou pour quelque autre delict. Mais voyant comme l'autre iuroit, & comme ils estoient tous pauurement vestus, les faces ternies, pales & defaictes pour la mauuaise nourriture qu'ils auoient eüe, ou pour l'amour de l'air, il adiousta foy à ses sermens, & eut grand desplaisir de ce malheur ainsi aduenü & leur commanda qu'ils s'en retournassent avec luy d'où ils estoient partis. Pizarre & ses trentecinq soldats qu'il auoit encor' vouloient donner à Enciso deux mille onces d'or qu'ils auoient, afin que il les laissast aller à S. Dominique, ou bié là où estoit

sainct Dominique, ou biẽ s'en aller avec les soldats de Niquefa. Hojeda ayant ouy le vent de ceste entreprinse, pour paruenir, & s'excuser de telle mutinerie, & desdaing, qui s'esleuoit entre ses gens, se meit au nauire de Talabera laissant François Pizarre pour son lieutenant, & promettant de retourner dans cinquante iours, & que sil ne retournoit, que il les deliuroit de leur serment, & que puis apres ils s'en iroient où bon leur sembleroit. Ainsi se partit Alphonse de Hojeda de Vraba, tant pour guarir sa playe qu'il auoit receuë en la cuisse, que pour chercher le docteur d'Enciso, ioinct aussi que tous ses gens se mouroient. Il feit voele de Caribana en assez mauuais temps, & s'en alla cheoir en Cuba, pres le cap de la Croix. Il costoya ce pays, endurãt grãd faim, & trauail: il perdit quasi tous les siens, à la fin il arriua à S. Dominique fort malade de sa playe, pour la douleur de laquelle, ou pour ne trouuer quelque aprest, qui luy donnast moyen de retourner en son gouuernement, & suruenir à son armee, il demeura la: mesme aucuns disent qu'il se rendit cordelier, & qu'il mourut en cest habit.

La fondation de l'antique de Varian.

Chap. 58.

A Pres que les cinquante iours furent passez, dedãs lesquels deuoit retourner Hojeda avec secours d'hommes, & de prouisions, ainsi qu'il auoit promis: François Pizarre, & septante Espagnols qu'il y auoit encor de reste s'embarquerẽt en deux brigantins qu'ils auoient. Car la famine, & maladie les contraignoit de vuider ce pays, & laisser ceste petite ville qu'ils commençoient à peupler. Or

comme ils estoient en mer, il aduint vn malheur que l'vn des brigantins s'enfondra: vn grand poisson en fut cause, qui, à raison que la mer estoit esmeue, se tempestoit sur l'eau, & s'approchant de ce brigantin s'appuyoit contre, leuant la teste comme fil l'eust voulu engloutir, & donna vn tel coup de sa queüe qu'il rompit & meit en pieces le timon. Ceste fortune les estonna d'auantage, considerans que l'air, la mer & les poissons les poursuiuoient comme la terre. François Pizarre s'en alla avec son brigantin à l'isle Forte, où les habitàs, qui sont Caribes, ne voulurent aucunement consentir qu'il desembarquast. Il tourne vers Carthagena pour puiser de l'eau, par-ce qu'ils mouroient de soif, & rencontra pres Cochibocoa le Docteur Enciso, qui amenoit vn brigantin, & vn nauire chargé de gens, & de prouisions, au capitaine Hojeda: ils cōptent incontinent leurs fortunes bien par le menu, & tout le succez, & comme le gouuerneur s'en estoit allé. Enciso ne vouloit pas aisément croire Pizarre doutant qu'il s'en fut fuy avec quelque larrecin, ou pour quelque autre delict. Mais voyant cōme l'autre iuroit, & comme ils estoient tous pauurement vestus, les faces ternies, pales & defaictes pour la mauuaise nourriture qu'ils auoient eüe, ou pour l'amour de l'air, il adiousta foy à ses sermens, & eut grand desplaisir de ce malheur ainsi aduenu & leur commanda qu'ils s'en retournassent avec luy d'où ils estoient partis. Pizarre & ses trentecin soldats qu'il auoit encor' vouloient donner à Enciso deux mille onces d'or qu'ils auoient, afin que il les laissast aller à S. Dominique, ou bié là où estoit

mer la ville Sainte Marie de l'Anticque. Il fait son oraison à genoux avec tous ses compagnons, & puis assaillirent leurs ennemis, ils combattirent comme gens qui en auoient bon besoing, & avec l'ayde de Dieu ils furent les vainqueurs, Cimaco, & les siens, s'enfuirent loing dedans le pays ne pouuants supporter les coups des espees de nos gens, qui entreurent en la ville de ce Cimago, où ils assommerent avec force pain, vin & fruit, qui estoit là dedans, la cruelle faim, qui les detenoit. Ils prirent prisonniers quelques Indiens nuds, & des femmes vestues depuis la ceinture iusques en bas. Le lendemain ils coururent le long de la riuere; & en cherchant cōtre-mōt le fleuue, trouuerent les biens, & bagaige qu'on auoit caché dedans les cannes, & rouleaux. Il y auoit de grands fardeaux de couuertures de liets, & de manteaux, grande quantité de vases de croye, & de boys, & autres vtésiles de maison, deux mille liures d'or en colliers, bracelets, pendans, & autres ioyaux dextrement elabourez. Ils rendirent graces à Iesus Christ, & à sa benoïste mere pour ceste victoire, & encor pour auoir trouue si riche pays, & si abondāt, Enciso enuoya là quatre vingts Espagnols, qui estoient demeurez à Vraba, à fin que laissant ceste pointe de terre si malheureuse aux Espagnols, ils s'en alassent estre habitans du Darien, en ceste ville qu'ils auoient prise, laquelle ils nommerēt l'Antique, ce fut l'an 1509. Enciso faisoit l'office de capitaine, & si estoit grand preuost suiuant la provision qu'il en auoit du Roy. Plusieurs en murmuroient cōme estās faschez qu'ils fussent gouuernez par vn docteur. Pour cela, ou pour quelque autre

passiõ Vasco Nugnez de Valuoã cõtredit à Enciso, nyãt sa prouisiõ estre sortie du Roy, allegãt en oultre qu'ils n'estoiẽt pl⁹ à Hojeda, duquel il estoit seulement grãd preuost. Il suborna plusieurs autres, qui estoĩẽt aussi aisez à facher que luy, & voulut empêcher la iurisdiccion de Enciso, & mesme ne le vouloit recognoistre pour capitaine. En ceste facon ce peu d'Espagnols qui estoient à l'Antique de Darien se diuiserent en deux. Valuoã estoit chef des vns, & Enciso des autres, & furent vn an en ce debat.

La partialité, & inimitié, entre les Espagnols

de Darien.

Chap.

59.

ROderic Enriquẽs de Colmenares partit du port de la beata de S Dominique auec deux carauels pourueus d'armes, & d'hõmes pour donner secours à Hojeda, parce qu'ils auoiẽt eu nouuelles à S. Dominique de la grãd faim qu'il enduroit. Sa navigation fut d'agereuse : quãd il arriva à Garia il mit en terre cinquãte-cinq Espagnols avec leurs armes pour prendre de l'eau, parce qu'il en auoit faute. Auãt que puiser leur eau, ils se coucherẽt sur la terre pour se reposer, ne se donnans autrement garde de leurs vies, & aussi tost vindrẽt à l'impourueuẽ huit cens Indiens se ietter sur eux avec leurs acres & fleches aiãt bonẽ volonte de mager ces Chrestiens, & les sacrifier à leurs Idoles. Ils en tuerent quarante sept, & en prindrent vn, meirẽt la barque en pieces, & menacerent les nauires auant que les nostres se peussent mettre en ordre. Les sept, qui eschapperẽt de ceste meslee se cacheẽt dãs le creux d'vn arbre, & quand le matin fut venu ils allerent veoir s'ils trouueroient les carauelles, mais elles estoient ia

parties, & furent puis après mangez des Indiens. Colmenares ayma plustost endurer la soif que la mort, & ne s'arresta qu'il ne fut à Caribana, il entre au goulfe de Vraba, & vint surgir où il pësoir trouuer Hojedã, & Enciso, mais ne trouuât point aucun vëstige de ceux, qu'il cherchoit, il eut peur q'ils fussent morts. Il feit sur les pl^s hauts lieux de là aupres de grãdes fumees, & feit deslacher tout en vn coup l'artillerie des deux carauelles, affin qu'ils entendissent sa venuë si d'auenture ils s'estoient retirez ailleurs en pays. Ceux de l'Anticque ayant entendu le tonnerre de telle artillerie respondirent avec des feüz: Ce signe estant apperceu par Colmenares, s'en alla à l'Anticque: Iamais Espagnols ne s'ébattassent avec tãt de pleurs pour le plaisir qu'ils receuoient de s'estre rencõtrez cõme feirët ceux cy. Ils se refeirët avec la chair, le pain, & vin que ces vaisseaux auoient apporté, & se vestirent de nouveau, n'ayans plus que des lãbeaux, & pieces des accoustremës qu'ils auoient portez, & renouuellërët leurs armes. Avec les soixãte de Colmenares ils estoient quasi cët cinquãte Espagnols, & desia n'auoient plus peur des Indies, ny de la fortune puis qu'ils auoient deux nauires, & deux autres brigatins, ils ne se soucioient aussi plus du Roy s'estãs bãdez les vns contre les autres. Colmenares, & quelques Espagnols gës de bien vouloient enuoyer à Diego de Niquefa, à fin qu'il vint prendre le gouuernement, puis qu'il estoit pourueu par le Roy de tel estat, encor, que ce ne fust en ce pays, & oster tous les differës, & appaiser les indignatiõs, qui estoient entre les Espagnols, Enciso, & Valuoã ne vouloient point qu'autre iouist

de leur labeur, & industrie, & disoient que nō seulement eux, mais beaucoup d'autres aussi de la compagnie pouuoient estre capitaines & chefs de tous aussi bien & mieux que Niquesa. Encores toutes-fois qu'il despleut à ces deux si l'enuoyerent ils querir par Roderic de Colmenares en vn brigatin, qui appartenoit à Enciso Colmenares alla donc chercher Niquesa, qui estoit au nom de Dieu en tel équipage que i'ay cy dessus recité tout flacque, decoulouré, à demy nud, ayant avec soy soixante compagnons à demy morts de faim, & defaicts. Tous se prindrent à pleurer quand ils se veirent, les vns de ioye, les autres de compassion. Colmenares consola Niquesa, & luy feit entendre la charge que luy auoient baillee ces soldats, & gens de bien de Darien, & luy donna grande esperance de remettre sus les pertes, & dommages receuz s'il vouloit se retirer en vn si bon pays, le priant de vouloir ainsi faire. Diego de Niquesa qui n'auoit iamais pensé à cela, luy rendit graces telles que meritoit vn tel amy, considéré mesme le malheur, où il estoit tōbé. Il s'ēbarqua dōc avec ces soixante soldats en vn brigatin, & feit voele avec Roderic de Colmenares, mais aussi tost il s'enorgueillit plus qu'il ne deuoit, & pensant desia estre capitaine general de trois cents Espagnols, & d'vne ville commença à sortir hors les bornes de raison disant, plusieurs choses cōtre Valua, & Enciso, & autres, qu'il en chastiroit les vns, qu'il osteroit les charges aux autres, & les dōneroit à d'autres, puis qu'aussi bien il ne les pouuoient tenir sans l'autorité de Hojeda, ou de la sienne. Ces parolles si follement iettees, furent ouyes par plu-

fleurs, qui estoient allez avec Colmenares, & à qui
 ces menaces touchoient tant a eux qu'à leurs com-
 pagnons, si en feirent ils le recit en conseil inconti-
 nent, qu'ils furent arriuez à l'Antique & possible a-
 uec l'aduiz de Colmenares, à qui telles menaces &
 paroles temeraires n'auoient semblé bonnes. Tous
 ceux de l'antique s'enflâberent grandement contre
 Niquefa, spécialement Valuo & Enciso & ne vou-
 lurent permettre qu'il descendit à terre, où bien le
 feirent remonter en son vaisseau avec ses compai-
 gnons, l'iniuriant vilainement sans qu'aucun les re-
 print, de façon que le malheureux Niquefa fut con-
 trainct s'en aller, ou il se perdit. Apres que Niquefa
 fut deslogé ceux de l'Antique demeurerent en aussi
 grande dissentiō que deuant, & en grāde necessité
 de prouisions, & de vestement. Valuo estoit plus
 fort en la ville qu'Enciso parce qu'il auoit attiré
 Colmenares de son costé, tellement qu'il fut assez
 hardi de faire prisonnier Enciso, & l'accuser d'auoir
 vsurpé l'office de iuge sans aucune prouisiō du Roy,
 surtelle accusatiō il cōfiska tout ce qu'il auoit, &
 encor le vouloit faire fouetter, s'il n'eust esté épel-
 ché par prieres & intercessiōs de qlques vns. Il me-
 ritoit mieus ceste peine qu'Enciso: car luy mesme
 rōboit en la faute, de laquelle il coulpait l'autre, se
 faisāt iuge, capitaine & gouuerneur: il est vray que
 Enciso aussi meritoit ceste peine pour la faute qu'il
 auoit faite de chasser, & ne recevoir, & de mal trai-
 ter Diego de Niquefa. Enciso ne pouuoit mōstrer
 sa prouisiō de grād pūost pour l'auoir perdue quād
 son nauire toucha en terre, & se rōpit à Vraba & e-
 stat le pl⁹ foible il ne luy appartenait pas de cōtester,

& se deliurer par force. A la fin par priere il fut deliuré, & s'embarqua pour aller à S. Dominique, encor' que de la part de Valuoá on le priaist de demeurer avec l'estat de grand Preuost, de S. Dominique. Il s'en vint en Espagne, ou il feit toutes ses plainctes au Roy, & presenta des informations contre Vasco Nugnez de Valuoá l'an 1512. Ceux du conseil des indes prononcerent vn arrest fort rigoureux contre Valuoá: Mais il ne fut executé pour les seruices qu'il feit depuis au Roy au descouurement de la mer du Midy, & en la conqueste de Castille de l'or comme nous dirons cy apres.

De Panquiaco, qui donna nouuelles de la mer de Midy.

Chap. 60.

AVssi tost que Valuoá se veid seul à commander, il s'estudia à bien gouuerner les deux cens cinquâte Espagnols, qu'il auoit en la ville de l'Antique. D'iceux il en prend six vingt & dix avec soy & Colmenares aussi, & s'en alla à Coibaia pour chercher à mager pour tous, & de l'or sans lequel ils ne prenoiét aucun plaisir. Il demâda au seigneur Carera, autres l'appellent Cimal, des prouisions, & parce qu'il n'en vouloit bailler il le mena prisonnier à Dariá avec deux de ses femmes, ses enfans, & seruiteurs, & pillá sa ville, dedans laquelle il trouua trois Espagnols de Niquesá, lesquels seruient tellement quellement de truchement, & feirent recit du bon traictement, qu'ils auoient receuz en sa maison de Carera, qui pour ceste cause fut deliuré avec sermêt qu'il dōneroit secours, & aidē cōtre Pōca son propre ennemy, & pourueoir son cāp en ce voyage: ce pendant ils despescherent Valdiuia

fort affectionné à Valuoá, & Zamudio pour aller à Saint Dominique, tant pour auoir gés, pain, & armes, que pour porter vn proces, & informatiōs cōtre Martin Fernand d'Enciso. Valuoá entre plus de soixante mil, en pays soubz la faueur de Careta, & faccage vne ville, où ils trouuèrent quelque chose d'or, mais ils ne peurent trouuer le seigneur Pōca, par ce qu'il s'en estoit fuy, & auoit mené avec soy tout ce qu'il auoit peu. Il ne luy sembloit bon de faire guerre si auāt en pays, principalemēt pour gés qui ne doiuent gueres abandoner la coste de la mer. il s'en alla à Comagre, & fit paix avec le seigneur par le moyen d'un des gens de Careta. Comagre auoit sept fils d'autant de femmes : sa maison estoit de bois, fort ample, & bien bastie, ayant vne sale large de quatre vingt pas, & longue de cent cinquante: il auoit vne caue réplie de grands vaisseaux pleins de vin fait de grain, & de fruit, blāc, & rouge, doux, il y en auoit aussi d'aigre fait de dattes, le doux ressembloit à du moust, ou vin cuit. Ceste rencōtre pleut fort à nos Espagnols. Panquiaco fils aîné de Comagre donna à Valuoá septante esclaués, faits à leur coustume, pour seruir les Espagnols, & quatre mille onces d'or en ioyaux, & autres pieces subtilement elabourees. Valuoá fit fondre tout cest or avec celui qu'il auoit desia eu par le chemin & puis en osta le quint, qui appartenoit au Roy, & despartit le reste entre les soldats, & cōme il pesoit les parts, & portió à vn poix, qui estoit attaché à la porte du Palais, quelques Espagnols qui n'estoient point cōtés de la part qu'on leur auoit fait cōmēcer à quereller, alors Paquiaco donna du poing sur

la balance où estoit le poix, & feit choir tout l'or à terre, leur disant : ô Chrestiens si i'eusse sceu que vous deussiez quereller sur mon or, ie ne le vous eusse pas donné: car i'aime paix, & cōcorde, & m'estimerueille biē comme vous estes si aueuglez, & despourueuz de sens d'auoir rompu ces ioyaux, qui estoient si dextrement elabourez, pour en faire ie ne sçay quelles pieces, qui ressemblent à petits copeaux de bois, & encor plus ie m'estonne comme vous, qui estes tant amis ensemble, querellez pour vne chose si vile, & de si peu de valeur. Il vous seroit meilleur ne bouger de vostre pays, qui est si loing d'icy, si les hōmes y sont si sages, si honnestes, & si prudens, comme vous vous en vantez, que venir faire des querelles en ce pays estrange, où nous autres viuons contens, encor que vous nous appeliez grossiers, & barbares. Mais si l'auarice, & conuoitise d'auoir de l'or vous cōmande tāt que pour iceluy acquerir vous vo⁹trauaillez si fort, & mesme tuez ceux, qui en ont, ie vous mōstreray vn pays ou possible vous vous en foullerez. Nos Espagnols admirerent grandement le iugement, & les parolles de ce ieune Indien, & encor plus la liberté avec laquelle il les proferoit. Les trois Espagnols de Niquefa, qui sçauoient vn peu la langue du pays luy demanderent cōme s'appelloit ce pays, il le nomma Tumanama, & leur dit qu'il estoit loing de six iournees, mais qu'ils auoient besoing de plus grande compagnees pour passer certaines montagnes, où les Caribes faisoient leurs demeurance, auant qu'arriuer à leur mer. Quand Valuoā ouyt ce mot d'autre mer, il l'embrassa, le remerciant des bonnes

nouvelles qu'il luy auoit dictes, & le pria de se faire Chrestien. Ce que l'Indien accorda & fut baptisé, & nommé dom Charles, du nom du Prince d'Espagne, que nous voyons auiourd'huy estre Empereur. Dom Charles Panquiaco fut tousiours amy des Chrestiens, & promit d'aller avec eux à l'autre mer de Midy bié accompagné d'hommes de guerre, pourueu qu'ils fussent mille Espagnols. Car il ne luy estoit pas aduis qu'on peust vaincre les autres Caciques, ny gagner Tumanama avec plus petit nombre. Il leur dit encor que, si ils ne se fioient de luy, ils le menassent lié, & garrotté, & si ce qui leur auoit dit n'estoit vray qu'ils le pédissent à vn arbre. Mais certainement il dit vray : car par le chemin qu'il monstra on trouua vn riche pays, & la mer de Midy, qui tant auoit esté desirée par ceux, qui s'estoient meslez de descouurir ces pays. Panquiaco fut donc le premier, qui donna cognoissance de ceste mer, encor' qu'aucuns veulent dire que Christophle Colomb en eut nouvelles dix ans deuant, quand il fut au port Beau, & au cap de Marmol, que nous appellons au iourd'huy le nom de Dieu.

*Les guerres que feit Vasco Nugnez de Valuo au
goulfe de Praba.*

Chap. 62.

VAluo s'en retourna à Darien plein de grande esperance d'estre riche quand il auroit trouué la mer de Midy, esperant y trouuer force perles, ioyaux & or, & pensoit bien faire, comme aussi il feit, seruice au Roy tel qu'il seroit recögnu, & qu'en outre il aquetroit vn grand bruiet. Il communiqua à tous la cause de sa resiouissance, & donna aux autres Espagnols, qui n'auoient esté avec luy en ce

voyage la part de l'or qui leurs appartenoit. Mais elle estoit plus petite que celle des soldats qu'il auoit menez avec luy, & enuoya quinze mille pe-
sans d'or au Roy pour son quint, avec la relation de Panquiaco, afin qu'il luy enuoyast mille hommes, il donna ceste charge à Valdiuia, qui desia estoit de retour de S. Dominique ayant apporté quelque peu de viures. Mais il n'arriua point en Espagne, mesme il ne vint pas iusques à Haiti, & selon le bruit, sa carauelle se perdit aux Viores pres Iamaïque, ou à Cuba pres le cap de la Croix, & luy aussi & tous ses gens, & l'or qu'il portoit pour le Roy, & pour quelques particuliers. Ce fut la premiere perte notable d'or qu'o eust tiré de terre ferme. Valuoñ, & les autres Espagnols de Darié auoient grande necessité de pain, parce qu'un grand cas d'eau auoit arraché, & noyé tout le maiz qu'il auoient semé. Or pour pourueoir à ceste necessité il delibera de costoyer le goulfe, & aussi pour sca-
uoir s'il estoit grand, & riche. Il esquippa donc un brigantin, & plusieurs barques, dedans lesquelles il meit cent Espagnols : il s'en alla se ietter dans un grand fleuve qu'il surnomma de saint Iean, & nauigea contre-mont ce fleuve bien quarante mil. Il trouua plusieurs villages sur la riue tous desgarniz d'hommes, & de prouisions, par ce que le seigneur de là, qui s'appelloit Dabaida, s'en estoit fuy pour la crainte que luy auoit donné Cimaco de Darien, qui se vint sauluer icy, quand il fut vaincu par le docteur Enciso. Il feit chercher par les maisons, où il trouua grands monceaux de rets à pescher des couuertes, & d'autres vtenfilles de maison,

force trouſſe de fleſches, d'arcs, de dards, & autres armes, & trouua encor de ſix à ſept mille peſàs d'or en diuerſes pieces, & ioyaux. Il ſ'en retourna avec cela aſſez mal content de n'auoir trouué du pain, il luy auint vne fortune qu'il perdit vne barque avec les gens, qui eſtoient dedans, & pour la tempeſte fut contrainct ietter en la mer quaſi tout ce que il portoit excepté l'or, ils ſ'en retournerent tous piquez de chauueſouriz, qui ſont en ce fleuue auſſi grandes que tourterelles. Roderic de Colmenares alla par vn autre fleuue vers le Leuant avec ſoixante compagnons & ne trouua que de la caſſe. Valuo ſe ioingnit avec luy, & ne pouuans plus viure ſans maiz entrerent tous deux par vn autre fleuue qu'ils appellerent Noir. Le ſeigneur de là ſ'appelloit Abenamaquei, lequel ils prindrent avecques quelques autres des principaux, & depuis qu'il fut prins vn Eſpagnol luy couppa le bras par ce qu'il l'auoit blecé en l'eſcarmouche qu'ils feirent pour le prendre. Ce fut vn acte vilain, & indigne d'un Eſpagnol. Valuo laiſſa là la moitié de ſes Eſpagnols, & avec l'autre moitié ſ'en alla vers vn autre fleuue d'Abibeiba, où il trouua vne logette baſtie ſur vn arbre, de quoy ſe prindrēt fort à rire nos Eſpagnols comme de choſe nouuelle, par ce qu'il ſembloit que ce fut vn nid de Cicongne, l'arbre eſtoit ſi haut qu'on n'eut ſceu ietter vne pierre par deſſus à plein bras, & ſi gros qu'à grand peine huit hommes ſe tenans en rond par les mains l'euffent peu embraffer. Valuo requiſt de paix le Cacique Abibeiba, qui ſ'eſtoit retiré en cet arbre, & s'il ne la vouloit, luy diſt qu'il mettroit ſa maiſon à bas.

Mais ce Cacique se confians en la hauteur, & gros-
seur de son arbre, respondit rudement, & comme il
voyoit qu'on commençoit à le couper par le pied
auec des haches, il eut peur de tomber, & ainsi fut
cōtraint faire la paix, & dit qu'il n'auoit point d'or,
encore moins en vouloit il auoir puis qu'il ne luy
apportoit aucun profit, & qu'il n'en auoit que fai-
re. Mais comme on le pinçoit pour luy faire dire
verité, demanda terme pour en aller chercher, &
ne retourna depuis par ce qu'il se retira vers vn au-
tre seigneur nommé Abraibe, qui estoit là aupres,
auec lequel il se complaignit du deshonneur qu'o
luy auoit fait, & pour le recouurer s'accorderent
ensemble d'affaillir les Espagnols, qui estoient au
fleuve Noir, & les tuer. Ils allèrent dōc là auec cinq
cens hommes, mais pensans faire mal, à autrui ils
se le firent estans combattus, & ayans perdu la
bataille, ils s'enfuirent eux: mais les leurs furēt qua-
si tous où morts, où prins. Ils ne furent point en-
cor chastiez pour ceste fois, ains subornèrent tous
leurs voisins, & ces trois coniurerēt ensemble, c'est
à sçauoir, Cimaço, Abibeiba, & Abemanaquei, qui
auoit esté remis en liberté, d'aller à la riuere de
Darien brusser la ville qu'auoient faicte les Chre-
stiens, & les manger, ils estoient cinq principaux,
tellement qu'auecques ces trois il y en auoit en-
cor d'eux, qui en equipperent tous chascun vingt
barques, & mille hommes chacun, qui iroient par
terre. Ils assignerent Tiquiri moyenne ville pour
amasser les armes, & victuailles necessaires pour
le camp. Ils partissoient des-jà entre eux les restes,
& les biens des Espagnols, qu'ils deuoient tuer, &

accorderent du iour, auquel ils deuoient donner l'assault, mais leur coniuration fut descouuerte en ceste façon. Vasco Nugnez auoit pour femme, & espouse vne Indienne la plus belle de toutes celles qu'il auoit prinſes, vn sien frere seruiteur de Cima-co, qui ſcauoit toute la coniuration, la venoit veoir ſouuent, vn iour il print le ſerment d'elle de ne reueler ce qu'il luy diroit, & puis luy compra tout le diſcours de ce qui ſe deuoit faire, & la pria qu'elle ſ'en allaſt avec luy, & qu'elle n'attendist point le danger, auquel elle pourroit tomber. Elle ſ'excusa qu'elle ne pouuoit pour lors ſ'en aller, ce qu'elle faiſoit ou pour le dire à Valuoà qu'elle aymoît, où bien à cauſe qu'elle peſoit qu'il baſteroit pour lors plus mal aux Indiës qu'il ne ſembloit. Elle deſcouurit toute l'entreprinſe, afin qu'ils ne mōſtraſſent pas tous. Valuoà attendit que ceſt Indien fut venu comme il ſouloit venir veoir ſa ſeur, eſtant venu il le prend, & le met à la torture, il confeſſe tout. Valuoà auſſi toſt ſe met en pays avec ſeprante Eſpagnols pour aller chercher Cimaco, qui eſtoit à neuf mil de là. Il ne le trouua point, il amene ſeulement force Indiens priſonniers avec vn parent de Cimaco. Roderic de Colmenares ſ'en alla à Tiquiri avec ſoixante compagnons en quatre barques, menant pour guide ceſt Indiën, qui auoit deſcouuert la coniuration, il arriva là deuant qu'il fuſt apperceu, & ſaccagea la ville, & print pluſieurs priſonniers, & ſe fit pendre celuy qui auoit la garde des armes, & des prouiſions, à vn arbre que luy meſme auoit planté, & le ſeiſt tirer à coups de fleſches avec quatre autres des principaux. En ces deux ſacs les Eſpa-

gnols se munirent de bonnes prouisions, & espou-
 uenterent leurs ennemis de telle façon qu'ils n'ose-
 rent plus depuis ourdir de telles toiles. Il sembla à
 Valuoá, & aux autres voisins de l'Antique que ia ils
 pouuoient mader au Roy comme ils auoient con-
 quis la prouince d'Vraba, & s'assemblerent pour
 nommer des procureurs qui iroient pour tous en
 Espagne, & pour faire vn conseil, & vn gouuerne-
 ment, mais ils ne se peurent accorder en plusieurs
 iours par ce q Valuoá y vouloit aller, & tous l'em-
 peschoient, aucuns pour la peur qu'ils auoient des
 Indiens, autres pour la peur aussi de celuy, qui luy
 succederait. Finalement ils esleurent Iean de Qui-
 zedo officier du Roy, qui auoit là sa femme qui e-
 stoit vn gaige assez responsable pour les asseurer
 de son retour, & considerans qu'il auroit plus gran-
 de autorité enuers le Roy, & qu'il seroit plustost
 creu, ils luy donnerent pour compagne Roderic
 de Colmenares, qui auoit esté tousiours capitaine
 aux guerres, & entreprinſes qu'on auoit faictes en
 ce pays. Ces deux procureurs partirent de Darien
 en Septembre l'an 1512. en vn brigantin avec la re-
 lation de tout ce, qui auoit esté fait, portás de l'or,
 & ioyaux, pour demander au Roy renfort de mille
 hommes pour descouurir, & peupler la mer de Mi-
 dy, si d'aduéture Valdiuia n'estoit arriué à la court.

Le descouurement de la mer de Midy. Chap. 62.

Vasco Nugnez de Valuoá estoit homme, qui ne
 pouuoit demeurer en repos, encor qu'il eust
 peu de gens, attendu le nombre que dom Charles
 Panquiaco disoit estre necessaire. Ainsi sans auoir
 esgard à ce peu d'hommes qu'il auoit se delibera

d'aller descouurir la mer de Midy, afin qu'un autre ne le preuint en telle expedition, & ne luy enleuast la benediction qu'il esperoit recepuoir d'une entreprinse si renommee. Il le faisoit aussi pour adoucir le Roy, qui estoit irrité contre luy. Il mit donc en ordre vne petite carauelle, qui un peu deuant estoit arriuee de saint Dominique, & dix barques, chacune faicte d'un tronc d'arbre selon l'vsance des Indiens, Il s'embarqua dedans ces petits vaisseaux avec neuf vings Espagnols d'esslite, & laissant le reste bien pourueu, partit de Darien le premier iour de Septembre l'an 1513. Il s'en alla à Careta, où il laissa les barques, & autres vaisseaux, & quelques soldats pour les garder. Il print quelques Indiens pour le guider, & seruir de truchement, & se mit au chemin des montagnes, desquelles Panquiaco luy auoit parlé. Il entre au pays de Ponca, qui s'enfuit comme à l'autrefois, deux Espagnols le poursuivent avec deux autres Caretans, ils l'amenerent avec sauf conduict, estant venu, Il fait paix, & amitié avec Valuo, & ses compagnons, & en signe d'affeurance il donne cent dix pesans d'or en ioyaux, & en recompense il prend deux haches de fer, & des couronnes de verre, des sonettes, & autres choses de peu de valeur, lesquelles toutesfois il estimoit precieuses, il donna en outre grand nombre d'hommes, qui ont accoustumé porter la somme, & d'estre employez à trauailler, afin qu'iceux oturissent les chemins, qui sont fort estroits, & n'ont iamais esté plus larges, par ce qu'on ne contracte point avec ces Montagnars, & encore tels, & si estroicts qu'ils sont, ils n'ont esté faits que par les bestes, qui hantent

hantent en ces montaignes. Avec l'aide donc de ces gés les nostres feirét ouuerture à force de bras, & du fer à trauers les montaignes & forets, & feirerent des ponts sur les riuieres, nō sans endurer grād faim: à la fin ils arriuerent à Careca, d'où estoit seigneur Toreccia, qui sortit dehors accompagné de beaucoup de gens assez bien armez, pour les empêcher d'entrer en son pays. Il demanda qu'ils estoient, ce qu'ils cherchoient, & où ils alloient: ayāt entendu qu'ils estoient Chrestiens, qu'ils venoient d'Espagne, qu'ils preschoient vne nouuelle religion, qu'ils cherchoient de l'or, & qu'ils alloient à la mer de Midy, il leur dit qu'il s'en retournassent d'où ils venoient sans toucher à chose qui luy appartint sur peine de la mort, & voyant que les nostres n'en vouloient rien faire, liura le combat courageusement, mais il y fut tué avec six cens des siés: les autres s'enfuirēt tant qu'ils peurēt pensans que les arquebouzes fussent tonnerres, & que les balles fussent le coup du tōnerre: aussi estoierēt ils estōnez de veoir tant de gens tuez en si peu de temps, les corps d'aucuns sans bras, autres sans iambes, autres fendus par le meillieu. En ceste bataille il fut prins vn frere de Torruccia en habit de fēme royale, aussi, nō seulement en l'habit, mais en tout le reste du corps il estoit fēme, sinon qu'il ne conceuoit point. Valuoā entre en Careca, où il ne trouue ne pain, ny or, par ce que Toruccia auāt que se presenter pour cōbatre l'auoit enuoyé to^r de hors. Il trouua aucuns esclaués noirs, il demāda à ceux du pays d'où estoient ces noirs, mais il n'e peut autre chose sçauoir, si non qu'il y auoit là aupres des gens de

ceste couleur, avec lesquelles ils auoient ordinairement la guerre. Ce furent là les premiers noirs, qui ayent esté veuz aux Indes, & si ie croy qu'il n'en a point esté veuz d'autres. Valuo^a chastia cinquante Sodomites qu'il trouua là, & les feit brul^{er}, s'estant premierement deuë^met informé de leur peché abominable. Les voisins de ce pays ayants entendu ceste victoire, & ceste iustice, luy amenoï^{er}t plusieurs Sodomites pour estre depesch^{ez} comme les autres: & ainsi qu'on dit, les Seigneurs, & ceux qui les suiuent sont fort adonnez à ce vice, & non le commun peuple, ils faisoient chere aux chiens, pensans qu'ils fussent les executeurs de iustice des delinquans, à cause qu'ils les voyoient mordre. Depuis que Toruccia fust si tost vaincu, & ses g^s mis en pieces les Espagnols n'auoient que trop d'hommes. Valuo^a laissa à Careca les malades, & ceux qui estoient laz, & avec soixante, & sept, qui estoient sains, gaillards, & dispos, monta vne haute montagne, du hault de laquelle on voyoit la mer de midy, ainsi que disoient les guides. Vn peu deuant qu'arriuer en haut il commanda que son squadron s'arrestast, & luy courut vistement en hault, pour voir le premier ceste mer que tant on desiroit. Aussi tost qu'il fut en haut il regarde versle midi, il voit la mer, & s'agenouille à terre rendant graces à Iesus Christ de luy auoir fait ceste faueur. Il appelle ses cōpagnōs, & leur monstre la mer, & leur dit: voyez amis ce que tant nous desirio^s voir, rendōs graces au seigneur Dieu, qui a gardé, & reserué pour nous tāt de bien, & chōneur, demādōs luy ceste grace de nous aider, & nous guider pour conquerir ce pays, & ce-

ste nouuelle mer que nous descouurons, qui n'a iamais esté veü de Chrestiens, afin qu'on y presche son sainct Euangile, & qu'on y espanse le baptisme : & vous autres faictes que soyiez tels qu'auez accoustumez d'estre, & me suiuez: car avecques l'aide de Iesus Christ vous ferez les plus riches Espagnols, qui ayent passé en ces Indes; vous ferez plus grand seruice au Roy, qu'oncques vassal ou seigneur ne feit, & aurez l'honneur, & prix de tout ce, qui se descouurira, conquestera, & conuertira à nostre saincte foy Catholique en ce quartier. Tous les Espagnols, qui estoient avec luy feirent leurs prieres, & rendirent graces à Dieu, embrasserent Valuoá, luy promettans de ne luy manquer. Ils ne se pouuoient contenir de ioye pour auoir descouuert ceste mer, laquelle tant auoient desirée. Et à la verité ils auoient bonne raison d'estre ioyeux, & cõtens pour estre les premiers, qui l'auoiẽt decouuerte, & qui par ce moyẽ faisoit au Roy vn seruice remarquable, pour auoir ouuert le chemin, par lequel on deuoit porter en Espagne tant d'or, & richesses comme de fait on en a depuis apporté du Peru. Les Indiens demurerent estonnez de veoir entre nos gens si grande ioye, & encor plus quand ils les veirent faire de grands monceaux de pierre qu'ils faisoient avec leur aide, en signe de la possession qu'ils prenoiẽt de ce pays pour le Roy, & pour en laisser quelques marques à la posterité. Valuoá veit la mer de Midy le 25. iour de Septembre l'an 1513. à Midy. Il descédit la mōtagne faisant marcher ses gens en bō ordre, & arriua à vn lieu appartenāt à Ciape, Cacique fort riche, & homme de guerre. Il

le pria par truchement de le laisser passer en paix, & qu'il voulust luy donner des prouisions, & luy dit que s'il vouloit accepter son amitié, il luy reuele-
 roit de grands secrets, & luy feroit beaucoup de
 graces de la part du puissant Roy d'Espagne son
 Seigneur. Ciape respondit qu'il ne vouloit point
 luy donner passage, ny aucuns viures, & qu'il ne se
 foucioit de son amitié, & se mocquoit quand il
 oyoit dire qu'on luy feroit des graces, & disoit que
 telle offre n'estoit qu'une couleur pour en deman-
 der d'autres, & voyant si peu d'Espagnols les me-
 naçoit avec force brauades s'ils ne s'en retournoient
 il sortit incontinent en campagne avec un gros es-
 quadron bien armé, & prest à combattre. Valuo-
 a fait deslacher les chiens, & tirer les arquebuzes, &
 les assaut de bon courage, & en peu d'espace de
 temps les fait fuir & les poursuit, & en prend plu-
 sieurs, lesquels il defend aux siens de tuer, afin d'ac-
 quierir le bruit d'estre doux, & d'auoir pitié mesme
 de ses ennemis. Les Indiens fuyoient de peur des
 chiens, ainsi qu'ils confessoient, & principalement
 de peur du tonnerre que faisoient les arquebuzes,
 & de la fumee, & odeur de la poudre, qui leur ve-
 noit au nez. Valuo- a meit en liberté quasi tous ceux
 qu'il auoit prins en ceste bataille, & enuoya avec
 eux deux Espagnols, & quelques carecans pour fai-
 re venir Ciape, & luy dire que s'il venoit ils le rece-
 ueroient pour amy, & garderoient son pays, & sa
 personne, & s'il ne venoit qu'ils ruineroient toutes
 ses semences & fruits, ils mettroient le feu en leurs
 villes, & tueroient les hommes. Ciape eut peur, aus-
 si ceux de Careca l'intimidèrent luy recitans la vail-

l'antise, & inhumanité des Espagnols : Cela le feit venir, & se donna au Roy d'Espagne pour vassal, & donna à Valuoà quatre cens pesans d'or en œuvre, & au lieu on luy donna quelques choses qu'il estima beaucoup pour luy estre nouuelles. Valuoà demeura la iusques à ce que les Espagnols qu'il auoit laissez malades à Careca fussēt arriuez. Ils s'en alla apres à la marine, qui estoit encor loing de là, il prit possession de ceste mer en la presence de Ciape avec tesmoins, & en print acte de notaire. Ceste possession fut prinse au goulfe de saint Michel, que ainsi il nomma, par ce que ce iour estoit dedié à la feste de saint Michel.

*Comme les perles furent descouuertes au goulfe de
saint Michel. Chap. 63.*

NOS Espagnols se recreerent à ceste feste de saint Michel le mieux qu'ils peurent pour solennizer d'auantage l'acte de possession. Valuoà laissa là quelques Espagnols pour asseurer le derriere, & trauersa vn grand fleuve avec neuf barques que Ciape luy fournit, & s'en alla avec quatre vingts Espagnols, se seruant de Ciape pour guide, à vne ville, de laquelle le seigneur s'appelloit Coquera, qui se meit en armes, & en defense, il combattit, & fut mis en fuite. Mais par le cōseil, & prieres de ceux de Ciape, qui furent par deuers luy pour le prier de la paix, il se feit amy des nostres, & donna à Valuoà six cens cinquante Castillans d'or en ioyaux. Par le moyen de ces deux victoires les Espagnols acquirent grand bruiet en ceste coste, & voyans qu'ils auoient Ciape, & Coquera amis ils penserent auoir à leur deuotion tous les

voisins, de façon que Valuoá s'enhardissoit de plus en plus. Il feit emplire ses neuf barques de viures, & s'en alla avecques quatre vingt Espagnols costoyer ce goulfe, pour veoir comme estoient les riuës, quelles Isles y auoit, & quels rochers. Ciaple le pria de n'entrer point en ce goulfe, par ce qu'en ceste lune, & les deux suivantes il souloit courir de grandes tempestes, des vents forts & impetueux, qui venoient de terre à trauers ce goulfe. Mais Valuoá luy respondit que pour cela il ne laisseroit point d'errer, par ce qu'il auoit fendu des mers plus grandes, & plus enflées que celle là, & que Dieu, la foy duquel se deuoit publier par luy, l'aideroit. Il s'embarqua, & Ciaple se iecta dans le vaisseau avecques luy, afin qu'il ne fust reputé couard, & peu amy. A peine auoient ils abandonné la terre, qu'ils se trouuerent entre les vagues si hautes, & si terribles que l'on ne pouuoit manier les barques, ny reculler en arriere, ny pousser en auant ils pensoient bien tous perir. Mais Dieu voulut qu'ils arriuent en vne Isle, où ils reposerent ceste nuit: cependant là maree se haulsa tant que l'Isle fut presque couuerte, ce qui rendoit noz gens fort estonnez, par ce qu'en l'autre goulfe d'Vraba, & en la coste Septentrionale la mer ne croist point, où si elle croist c'est bien peu. Le matin ils voulurent decamper avecques la maree, qui s'abbaissoit desia fort, mais ils ne peurent par-ce qu'ils trouuerent les barques plaines de sablon, & autres choses, qui estoient tombees dedans. Le premier iour ils eurent grand peur de mourir en l'eau, mais à cestuy iour ils eurent plus grand peur de perir en terre,

par ce qu'ils n'auoient que manger. Mais avec ceste peur ils vuiderent les barques, raccoustrerent avec escorce d'arbres, celles, qui estoient rompuës, & les recalfeutrerent avecques des fueilles, & puis allerent prendre terre en vn lieu couuert, où comparut aussi tost le seigneur de là, nommé Tumaco avec bon nombre d'hommes armez pour sçauoir quels gens c'estoient, & ce qu'ils vouloient. Valuoaluy enuoya dire par quelques seruiteurs de Ciape, qu'ils estoient Espagnols, qu'ils cherchoiët du pain pour mager, & de l'or en cōtrechange d'autre chose de mesme valeur. Tumaco les voyās en petit nombre repliqua avec vne hardiessē, & les tenant desia comme prins, il leur liura le combat où Valuoal fut vainqueur. Tumaco s'enfuit aussi hardiment qu'il auoit parlé. Quelques Espagnols, & Ciapesiens, allerēt apres luy pour le prier de s'en venir à nos barques, & se faire amy du capitaine, luy dōnant la foy pour assurance, & des ostages. Il ne voulut venir, mais y enuoya vn sien fils, lequel Valuoal vestit, & luy dōna de petites choses, cōme corones, forcetes, sonnettes, miroirs, & luy faisant autres grandes honnestetez le pria qu'il feist venir son pere. Ce ieune fils s'ē retourna gay, & gaillard, & à trois iours de là amena son pere. Tumaco fut bien receu, & estant interroguē de l'or, & des perles que portoiēt quelques vns des siēs, enuoya vn peu apres six cens quatorze pesans d'or, & deux cens quarāte grosses perles, & grande somme d'autres petites. Ce fut vn present riche, qui feist saulter plusieurs Espagnols d'aïse. Tumaco voyāt qu'ils le louoyent tāt, & que ils estoïēt si ioyeux avec ces perles, cōmanda à quel-

ques vns de ses seruiteurs d'en aller pescher : il rapporterent douze liures de perles en peu de iours, lesquelles encore il donna à nos gens, qui furent merueilleusement estonnez de veoir tant de perles, & comme les Seigneurs en faisoient peu de cas, par-ce que non seulement il les donnoient, mais encore ils les portoient attachees comme cousues à leurs auirons, ce qu'ils faisoient, à ce que ie croy, pour gentillesse, ou pour monstrier leur grandeur. Aussi, comme on a sceu depuis, le principal reuenu, & la plus grande richesse de ces Seigneurs: est la pesche des perles. Valuoia dict à Tumaco qu'il auoit vn pays riche, s'il sçauoit bien s'approprier de ce qui estoit en iceluy, & qu'à son retour il luy en diroit quelques bons secrets: Mais l'autre, & Ciape luy feirent responce que sa richesse n'estoit rien à comparaison de celle du Roy de Terarequi, qui est vne isle abondante en perles, qui est là aupres, que les perles estoient pl^{us} grosses qu'un œil d'homme, apres qu'elle estoient tyrees de l'huitre, ou de la mere-perle laquelle estoit grosse come vn chapeau. Les Espagnols eurent bien voulu incōtinēt passer en ce quartier là, mais craignāt vne fortune pareille à la dernière, ils le laisserēt pour le retour. Ils se desirerent de Tumaco, & vindrēt se reposer au pays de Ciape, lequel, à la priere de Valuoia, enuoya trente de ses vassaux pour pescher. Iceux, en la presence de sept Espagnols qui estoient allez avec eux pour veoir leur façon de pescher, tirerēt six petites pannerees d'huitres, qui estoient toutesfois petites, par ce qu'attendu qu'il n'estoit pas la saison de telle pesche, ils n'entroient gueres auāt en la mer,

& n'alloient pas au fond, où estoient les plus grosses. Ils ne peschent point, non seulement au mois de Septembre, mais ny aux autres trois suiuaus. Ils ne se mettent point aussi durant ce temps sur mer, par-ce que les vents, qui courent sur ceste mer, durant ces mois, sont impetueux, & les Espagnols se gardent bien de flotter par là, en tel temps, encor' qu'ils ayent de plus grâds vaisseaux. Les perles que ces Indiens tiraient, n'estoient pas plus grosses que poix, mais fines, & blanches. Aucunes de celles de Tumaco estoient noires, autres verdes, autres azurees, & d'autres iaulnes, ce qui deuoit estre par art.

Ce que Valua fait à son retour de la mer du Midy.

Chap. 64.

Vasco Nugnez de Volua, laissa Ciape, qui pleuroit de ce qu'il s'en alloit : il luy recommanda certains Espagnols qu'il luy laissoit, & s'en alla bié aise de tout ce qu'il auoit faict, & trouué, avec deliberation de retourner aussi tost qu'il auroit visité ses compagnons qui estoient à l'Antique de Darien, & qu'il auroit escrit au Roy de toutes ces nouvelles. Il passa vn fleuve sur des petites barquerolles, & s'en alla veoir Teoca Seigneur de ce fleuve, qui receut les Espagnols en toute allegresse, pour leur proüesse, & grand renom, & leur donna vingt liures d'or en œuvre, & deux cés grosses perles, qui n'estoient pas trop blanches, à cause qu'auant arracher les perles, ils mettent au feu les coquilles pour manger l'huitre, qu'ils estiment estre vn manger singulier, & meilleur que nos huitres. Il leur donna encor' force poisson salé, & des esclaves pour porter le bagage, & leur bailla vn de ses fils, pour les

qu'en signe de tout deüoir, & obeissance, il prioit d'accepter telles pieces d'or, qui estoient des vases dextrement elabourez: ils eussent mieux aymé du pain, que de l'or. Ils passerent chemin cherchans du pain pour manger, & en passant, ils veirent à la tra- uerse certains Indiens, crians: ils attendirent pour veoir ce qu'ils vouloient, & quels gens c'estoient. Aussi tost qu'ils furent arriuez ils saluerent le Capitaine Valua, & dirent, selon que le truchement rapportoit: Nostre Roy Corizo, ô hōmes de Dieu, nous a enuoyé pour vous saluer de sa part, ayant entendu combien vous estes courageux, & inuincibles, & comme vous chastiez les meschās: & vous mande qu'il eust esté bien aise si vous eussiez peu prendre vostre chemin par son Royaume, pour luy faire quelque seruice en son Palais, & aussi qu'il auoit bonne enuie de veoir vos baibes, & la façon de vos vestemens. Mais puis que maintenant il ne vous est pas possible, attendu que vous avez desia laissé son Royaume derriere vous, il sera trescontent de sçauoir que pour le moins vous le receuiez pour vostre amy, s'offrant à vous pour tel: en signe dequoy il vous enuoye ces trente plats d'or fin: & en outre vous offre tout ce qu'il y a de reste en sa maison, s'il vous plaist y aller. Il vous veut bié aussi faire entendre, qu'il a vn voisin, grand & riche Seigneur, qui est son ennemy, qui tous les ans luy coursus, brulle, & pille tout son pays, ayant bonne esperance que contre iceluy vous pourriez monstrier la rigueur de vostre iustice, & la force de vos bras, si vous vouliez luy donner secours & ayde: & en ce faisant vous vous enrichiriez, & nostre Roy seroit

mis en liberté. Les Espagnols eurent grand plaisir de veoir ces Messagers nuds, parler si biẽ, & de voir les courtoisies & gracieusetez, desquelles ils auoient vſé en presentant ces plats d'or. Le Capitaine Valuoá respondit qu'il acceptoit Corizo pour amy, & qu'il l'auoit tousiours reputé pour tel, qu'il luy desplaistoit grandement de ce que pour le present il ne pouuoit s'acheminer vers luy, pour le voir, & pour donner quelque remede aux ennuiz que son ennemy luy cauſoit : mais qu'il luy promettoit, si Dieu luy donnoit santé, de faire en brief ce qu'il demandoit, amenât avec soy plus grãde compagnee d'hommes, & que pour ceste heure il luy pardonlast s'il ne pouuoit luy donner secours, & que pour memoire de l'amitié qui estoit entr'eux deux il print ces trois haches de fer, & autres petites choses de verre, de laine, & de cuir. Les Indiens s'en allerent bien ioyeux avec tels presens. Les Espagnols n'estoyent pas moins contens avec leurs plats d'or, qui pesoient quatorze liures. De là nos gens s'en allerent à la ville de Pocorosa, où ils'eurent suffisamment à manger, & encor' en eurent pour porter par le chemin. Valuoá print l'amitié de Pocorosa : & pour quinze liures d'or, & certain nombre d'esclaues, il dóna en eschange quelque petite mercerie. Il laissa avec ce Seigneur quelques Espagnols malades & debiles, par-ce qu'il deuoit passer par le pays de Tumanama, de la vaillantise, & richesse duquel Dom Charles Panquiaco luy auoit fait grand recit, & adressa sa parolle aux soixante autres, qui estoient sains, & dispos, leur donnant courage de s'acheminer, & de combattre valheureuse-

ment en la guerre qu'on deuoit attēdre de ce pays. Tous les soldats feirent responce qu'il ne se souciaſt de rien, qu'il marchast ſeulement, & il yerroit ce qu'ils feroient. Ils marcherēt par deux iours ſerrez, & par ſentiers cachez, affin de n'eſtre aperceuz, ayants des guides que Pocoroſa auoit fourny. Ils aſſaillirent ſur la mi-nuiēt la maiſon de Tumanama, le prindrent priſonnier avec deux bardaches, & quatre vingts femmes, qui luy ſeruoient à deux endroits. Ils peurent aiſement faire ceſte executiō, par-ce qu'ils eſtoient arriuez ſecrettement ſans eſtre deſcouverts, & auſſi par ce que toutes les maiſons de la ville eſtoiēt ſeparees les vnes des autres, tellement qu'on pouuoit facilement approcher de la maiſon du Cacique ſans que les autres en ſentiſſent rien. Valuoā le lendemain matin, eut autant, & plus de plainētes de Tumanama, qu'il auoit eu de Pacra, auſſi eſtoit il inhumain, & vſant du peché contre nature, comme l'autre: mais non pas ſi publiquement: Il auoit hommes, & femmes, ſe ſeruāt autāt des vns, comme des autres. Valuoā le reprint aſprement, & le menaça cruellement, luy faiſant demōſtration de le vouloir noyer dās la riuiera: mais ce n'eſtoit que ſeinēte pour contenter les complaignans, & enleuer le threſor qu'il auoit, par-ce qu'il Paymoit mieux viſ, & amy, que mort. Tumanama toutefois ſe tenoit conſtant, & ne vouloit deſcouvrir ſon threſor, ny declarer le lieu où eſtoient ſes mines, où par-ce qu'il n'en ſçauoit rien luy meſme, ou de peur qu'ō luy oſtaſt ſon pays à cauſe d'icelles & ſi eſtoit ioyeux, & facetieux, faiſant à croire d'autres choſes à Valuoā, & à tous, & leur donna enui-

son cent liures d'or en ioyaux, & tasses. Cependant les Espagnols qui estoient demeurez avec Porcorosa arriuerent, & là celebrerent tous ensemble la feste de Noël, en toute allegresse. Puis s'escarterent ça & là, pour veoir s'ils ne trouueroient point quelques marques ou vestiges de mines. Ils remarquerent en vne montaigne quelque apparence de mine d'or : ils feirent vne fosse creuse de deux paulmes, & passerent la terre, parmy laquelle ils trouuerent de petits grains d'or menus comme lètilles, ils feirent le mesme essay en vn autre costé & en recuillerent de l'or. Cela non seulement les resiouit grandement, mais aussi les estonna de ce que avec si peu de trauail on trouuoit ce metal. En somme ils trouuerēt Panquiaco veritable en tout, excepté que Tumanama estoit du de deça les monts, & non de là comme il auoit dict. Tumanama donna vn de ses fils à Valuoā, afin qu'il fut nourry entre les Espagnols, & qu'il apprist leurs coustumes, leur langage, leur religion, & pour se maintenir tousiours en leur amitié. Aucuns disent que les Espagnols enleuerent de ce pays par force grande quantité d'or, & des femmes, & s'en vinrent à Comagre. Les Indiens portoient Valuoā sur leurs espaules, par-ce qu'il estoit malade de fièvre. Ils portoient aussi les autres Espagnols malades. En fin ils arriuerent au pays duquel dom Charles Panquiaco estoit seigneur, qui leur dōna toutes sortes de prouisions, & à la departie leur donna encor' vingt liures d'or en ioyaux de femmes, de là ils repasserent par chez Ponca, & entrerēt en l'Antique de Darien le 19. de Ianuier 1514.

Vasco Núñez de Valuoá fut receu avec les processions en toute ioye pour auoir descouvert la mer de Midy, d'où il apportoit si grande quantité d'or, & de perles. Il fut aussi bien aise de ce qu'il trouua en ceste ville les Espagnols en bon poinct, bienournys de viures, & accreuz de nombre, par ce qu'au bruit de ce descouuement il venoit tous les iours gens de S. Dominique en ceste ville. Il employa quatre moys & demy à aller & venir, & executer tout ce que i'ay recité sommairement cy dessus. Il endura des trauaux & la faim le pressa plusieurs foys. Il rapporta, sans les perles, plus de cent mille Castellans d'or fin, avec esperance d'en rapporter bien plus grande richesse, si Dieu luy donnoit la grace d'y retourner, demeurant ce pendant pour telle aduventure fort content de son voyage, & courageux au possible pour y retourner. Il laissa plusieurs seigneurs, & villes en la grace & seruice du Roy, qui ne fut pas peu de chose. Il ne perdit pas vn de ses gens pour quelque bataille qu'il ayt eüe, encor' qu'il en ayt donné beaucoup, lesquelles il a toutes emportees, & si iamais il ne fut blecé : Ce que luy mesme estimoit à grand miracle : on rapportoit ceste grace aux prieres, & veuz qu'il faisoit iournellement. Quand aux peuples qu'il a descouuerts ils se renoient nuds, exceptez les seigneurs, les courtisans, & les femmes. Ils mangent peu, ils ne boient que de l'eau, encor' qu'ils ayent du vin (qui n'est pas toutesfois de vigne) ils ne s'aydent point de tables, ny de nappes, ou seruiettes

niettes pour manger, & s'essuyer,, excepté le Roy, tous les autres s'essuyent les doigts à la plante de leurs pieds, ou à leurs cuisses, voire aux bources de leurs tesmoins, & quelquesfoys à vne piece de cottó. Ils sont au reste fort ners, par ce que par iour ils se baignent souuent, ils sont fort subiects à la paillardise, & sont Sodomites publiques. Le pays est pauvre en prouisió, mais riche en or, ce qui fut cause de luy donner le nom de Castille de l'Or. Ils recueillent deux, & trois foys l'an du mayz, aussi n'en gardent-ils point en leurs greniers. Valuo, apres qu'il eut mis à part le quint, qui appartenoit au Roy, departit entre ses compagnons l'or, qu'il auoit apporté. Chascun en eut beaucoup, mesme le chien Leoncillo, fils du Chien Vezerrillo, qui fut rué à Boriquen, & qui gaignoit plus qu'un arcquebusier, eut pour son butin plus de cinq cés Castillás d'or, il appartenoit à Valuo, il meritoit bien cela, selon qu'il combattoit les Indié. Valuo despescha apres vn nauire pour enuoyer Arbolancia de Viluo en Espagne avec lettres au Roy, & à ceux qui auoient la superintendence sur le gouuernement des Indes, adioustát vne longue narratió de tout ce qu'il auoit fait. Il enuoya aussi vingt mil Castillans d'or pour le quint du Roy, & deux cens grosses perles fines. Il enuoya quát & quát des plus grosses coquilles, à fin qu'on veid en Espagne d'où on tiroit les perles: Il enuoya aussi la peau d'un tygre masle remplie de paille pour monstrier la cruauté d'aucuns animaux de ce pays. Ceux de l'Antique auoient prins ceste beste en vne fosse, qu'ils auoient faicte sur le chemin, par où ell'auoit accoustumé

de passer, n'ayans autre astuce pour la prendre, elle auoit mangé plusieurs porcs dedans la ville, vaches moutons, iuments, & mesme les chiens, qui gardoient les troupeaux. En fin elle tomba en ce piege, elle iettoit des cris, & hurlemens espouuentables, elle brisoit avec les pattes, & avec les dents autant de picques, & autres bastons qu'on luy tiroit, elle fut tuee d'un coup d'arcbouze. Ils l'escorcherent, & puis la māgerent, ie ne sçay si ce fut par necessité, ou par friandise, la chair sembloit à celle de vache, & estoit de bon goust. Ils suivirent la trace pour sçauoir où elle auoit accoustumé de se retirer: ils trouuerent deux petits faons sans la mere, ils les attacherent avec deux chaisnes par le cōl, & les laisserēt là à fin que la mere les nourrist, & qu'après qu'ils seroient plus grands, ils les enuoiasent au Roy. Mais quand ils retournerēt pour les prendre, ils ne trouuerent que les chaisnes entieres, ce qui les estonna, par ce qu'il estoit impossible de les oster de leurs testes sans les rompre, & estoit incredible que la mere eust mis en pieces ses petits. Le Roy Catholique eut grand plaisir de veoir ces lettres, ce present & son quint, & d'entendre le recit du descouurement de la mer de Midy, laquelle il desiroit tant: & pour recompēse il reuocqua l'arrest donné contre Valuoā, & le feit Adelantado de ceste mer.

La mort de Valuoā.

Chap. 66.

LE Roy Catholique dom Ferdinand feit gouverneur de Castille de l'or Pedrarias de Auilla, qui auoit esté escrimeur natif de Segouie, avec le consentement du conseil des Indes, par ce que les

Espagnols de Darien demandoient iustice, & si vouloient auoir vn Capitaine, qui fust pourueu de ceste charge & en eust lettres du Roy: Il estoit aussi si necessaire de peupler, & conuertir ce pays. Valuoia estoit pour lors mal renommé, & mal voulu pour les informations, & plainctes du docteur Enciso, encor' que Zamudio Procureur de Darien le defendist le mieux qu'il peut. Ils n'appetoient point aussi en Espagne ces pays de Veragua, & d'Vraba, par ce qu'en iceux ils estoient morts plus de mil cinq cens Espagnols, qui y estoient allez sous la charge de Diego de Niquefa, d'Alphonse de Hojeda, de Martin Fernandez de Enciso, de Roderic de Colmenares, & d'autres: Mais par la venue & rapport de Iean de Quizedo, & du mesme Colmenares Valuoia fut grandement loué, & ce pays desiré d'un chascun, tellement qu'il y eut des principaux cheualiers de la court, qui demanderent au Roy ce gouuernement, & la conqueste, & n'eust esté Iean Roderic de Fonseca Euesque de Burgos president des Indes, le Roy l'eut osté à Pedrarias, & l'eut donné à vn autre, & est certain qu'il l'eut mis entre les mains du mesme Vasco Nugnez de Valuoia, si vn peu deuant Arbolancia fut arriué à la court. Le Roy doncques donna à Pedrarias ceste charge avec vn ample, & suffisant mandement, & lettres patentes, & luy feit bailler toutes choses necessaires pour conduire mille soldats. que demandoit Valuoia, & luy commanda de garder estroitement les instructions, qui auoient esté baillees à Hojeda, & Niquefa, & sur tout entre plusieurs choses, desquelles il le chargea, il luy recommanda

la conuersion, & bon traictement des Indiens, & luy defendit de mener aucun homme, qui se meslast de la loy, afin que les proces ne prindrent racine là où il peupleroit, qu'il sommast les Indics de paix auant que leur denoncer la guerre, qu'il dit tousiours vne bonne partie de ce qu'il vouldroit faire à l'Euesque, & aux prebstres, Ieā Cabedo Cordelier predicateur du Roy, fut enuoyé pour estre Euesque de l'Antique de Darien. Ce fut le premier prelat institué en la terre ferme des Indes. Pedrarias partit de S. Lucar de Barrameda le 14. de May, 1514. avec dixsept nauires, dedans lesquels il menoit mil cinq cens Espagnols, douze cens aux despens du Roy, & troys cens qui y alloient à leurs fraiz. S'il y eust eu encor d'auantage de vaisseaux, il y en fust allé encor plus de mille, par ce qu'au bruiet de ce pays de Castille de l'Or, il couroit tant de gēs qu'il n'y auoit pas place pour la moitié. Pour pilotes il menoit Iean Vespuce Florentin, & Iean Serrano, qui des-ia auoit esté à Carthagena, & Vraba. Il arriua sans aucune perte de ses vaisseaux à Darien le 21. de Iuin. Valuoā fut au deuant plus de trois mil avec tous les Espagnols chantans *Te Deum*. Il le logea en sa maison, & luy feit recit de tout ce qu'il auoit faict, de quoy Pedrarias s'esmerueilla grandement, & fut bien aise de trouuer la plus grand part du pays pacifiée, pour pouuoir plus facillemēt peupler, où bien luy sembleroit, & pour plus aisément guerroyer les autres Indiens, ayant bonne volonté de les rencontrer & faire quelques exploicts, qui le peussent recommander, comme ia auoient faict les guerres de la ville, & Royaume d'Oran, qui est en

Barbarie, où il auoit esté. Mais il ne peut si bien faire comme il s'imaginoit. Il commença à peupler à Comagre, Tumanama, & Pocorosa. Il enuoya Iean de Ayora avec quatre cens Espagnols à Comagre. Cestuy-cy pour auarice, & conuoitise de tirer d'auantage d'or traicta mal les Indiens de dom Charles Paquiaco vassal du Roy, & amy des Espagnols, auquel on est obligé pour le descouurement de la mer de Midy, & tourmenta quelques Caciques, & feit autres cruautéz, qui causerent la rebellion des Indiens, & la mort de plusieurs Espagnols. Craignant d'estre repris il s'enfuit avec ses despoüilles en vn nauire, non sans la coulpe de Pedrarias, qui auoit tousiours dissimulé telles meschancetez. Gonzallo de Badajors s'en alla au Nom de Dieu, avec quatre vingts Espagnols, & de là tyra à la mer de Midy avec Louys de Mercado, où il feic ce que nous dirons quand nous parlerôs de Panama. François Vezera print le quartier du fleue d'Auaia accompagné de cent cinquante soldats, d'où il reuint les mains à la teste comme on dict en proverbe. Le capitaine Vallejo s'en alla avec septante Espagnols à Caribana, mais il tourna bride incontinent, ayant perdu quarante huit des siens, qui furent tuez par les Caribes archers. Barthelemy Hurtado s'en alla avec bone compagnee pour peupler à Acla, & demanda pour secours des Indiens à Careta, qui s'estant fait Chrestien, s'appelloit dom Fernand, & estoit vassal du Roy, par l'industrie, de Valuoar: Ces Indiens contre droit, & raison furent depuis par ledict Barthelemy vendus pour esclaves.

gnons à la mer de Midy, comme nous dirons en lieu plus propre, & passa en l'Isle de Terarequi pour auoir des perles par eschange. Sans ceux-cy que nous auons nommez, Pedrarias en enuoya d'autres pour peupler à sainte Marthe, & en autre quartier. Les affaires du gouuerneur ne succedoiēt pas trop bien, de quoy Valuoā se mocquoit, & si encor' ne vouloit approuuer l'autorité grande qu'il se donnoit, par ce qu'il auoit la charge de la mer de Midy, & en estoit Adelantado. Pedrarias au contraire le desprisoit, abbaisant le plus qu'il pouuoit ces hauts faicts, en fin ils ne peurent se contenir qu'ils ne querellerent ensemble. L'Euesque Cabedo toutesfoys les remeit en amitié, & Valuoā espousa la fille de Pedrarias. On pensoit que ce deust estre vn moyen pour les contenir en ceste amitié, parce q̄ tous deux le debuoiēt ainsi desirer, mais vn peu apres ils se desdaignerent l'vn l'autre plus que deuant. Valuoā estoit à la mer de Midy, d'où il estoit Adelantado, avec quatre carauelles qu'il auoit faict faire, pour descouurir, & conquerir d'auantage. Pedrarias l'enuoya querir, aussi tost qu'il fut arriué à Darien, on le met prisonnier, on luy faict son proces, il est condamné, & luy coupe-on la teste, avec cinq autres compagnons. Les charges, informations estoient, selō qu'auoient iuré les tesmoings, qu'il auoient dict à ses troys cens Espagnols qu'il se despartissent de l'obeissance du gouuerneur, & qu'ils s'en allassent en lieu où ils viuiroient comme seigneurs en toute liberté, & si on leur vouloit faire desplaisir qu'ils se defenderoient. Valuoā toutesfoys nia tout cela, & en jura le contraire. Aussi la

verité est de son costé, par ce que si telles deposi-
tiōs eussent esté veritables il ne se fust pas rédu pri-
sonnier, & moins eust comparu deuant le gouuer-
neur encor' qu'il eust esté plus que son beau pere.
On adioustoit à ses charges la mort de Diego de
Niquesa avec ses soixāte soldats, l'emprisonnemēt
du docteur Enciso, & en outre on luy obiectoit
qu'il estoit querelleux, tumultueux, cruel, & mau-
uais aux Indiēs. Il est certain que, s'il n'y a eu autres
causes secretes, il fut executé sans raison aucune:
voila la fin de Vasco Nugnez de Valuoā, qui a des-
couuert la mer de Midy, d'oū tant de perles, d'or, &
d'argēt, & autres richesses sont venues en Espagne,
qui a esté vn de ceux qui a faict grands seruices à
son Roy. Il estoit de Xerez de Badajodz, noble, &
yssu de parēs honorables, il se feit de son autorité
priuce chef de faction à Darien. Il alloit de grand
cœur à la guerre, & s'y deuouoit, il fut fort aymé
des soldats, qui eurent grād desplaisir à sa mort, & le
regretterent puis apres non sans en auoir bon be-
soing. Les vieux soldats abhorroient Pedrarias, qui
depuis fut reprins de sa charge en Espagne, & priué
de son gouuernemēt: il est bié vray qu'il demādoit
d'ē estre deschargé, mais c'estoit qu'il se voioit hors
de faueur. Il peupla la ville du Nom de Dieu, & Pa-
nama, & ouurit le chemin, qui va d'une ville à l'au-
tre, c'est à scauoir d'une mer à l'autre avec grād pei-
ne, & subtilité par ce q̄ ce n'estoiēt que mōtaignes
grādes, & hauts rochers, qui estoient pleins de lyōs,
tygres, ours, Leopards, & d'une si grāde quantité de
cinges de diuerses façōs, q̄ par leurs criz, ils rédoient
sourds ceux, qui trauailloient à trēcher le chemin.

Ces meschantes bestes portoient d'en bas des pierres aux haults des arbrés, & de là les iettoient contre ceux, qui passoient. Il y en eut vn qui rompit vne dent à vn arbalestier, mais de hazart il tomba mort avec sa pierre: car cōme il iettoit sa pierre l'arbalestier laschoit aussi sō arbaleste. S. Marie de l'Antique de Darien fut peuplee par le docteur Enciso grand preuost de Hojeda, avec le vœu qu'il feist d'y bastir, s'il vainquoit Cemaco seigneur de ce fleuve. Elle se depeupla puis apres par ce qu'elle estoit mal seine, humide, & si chaulde que iettant de l'eau par la place pour la ballier il s'engédroit des crappaux, & si elle estoit sterile en prouisions, subiecte aux tygres, & autres animaux cruels. Les Espagnols, qui y demeuroient deuenoient tous iaulnes. Ceste couleur aduient bien à tous ceux qui demurēt en terre ferme, & au Peru, mais non pas si mauuaise qu'à ceux qui demeuroient à Darien. Ce tein& leur peut aduenir pour le grand desir qu'ils ont apres l'or. D'auantage le pays de Darien n'est point commode pour y semer du grain, à raison des tempestes, & grands tas d'eaux du ciel, qui y tombent souuent noyans toutes les semences. Le tonnerre y tombe ordinairement, & brusle les maisons, & les habitans. L'Empereur Charles le quint enuoya pour estre en la place de Pedrarias Lopez de Sosa de cordube, qui pour lors estoit gouuerneur de Canarie. Cestuy mourut arriuant à Darien l'an 1520. on y enuoya apres Pierre de los Rios de Cordube, & Pedrarias s'en alia à Nicaragua. Le docteur Antoine de la Gama y alla pour estre syndic, & depuis fut enuoyé pour gouuerneur François de Barrie

Nueuo cheualier de Sturic, qui auoit esté soldat à Boricquen, & capitaine en l'Isle Espagnole contre le Cacique dom Henry. On y enuoya encor depuis le docteur Pierre Vesquez, & depuis le docteur Robles, qui rendoit iustice en toute equité, laquelle auoit esté rare deuant luy.

Les fruiëts, & autres choses, qui sont à

Darien. Chap. 67.

IL y a des arbres fruiëtiers en grád nombre & fort bons comme Mamays Guauabanos, houos & Guaiabos. Mamay est vn tel arbre, verd comme le noyer, haut & touffu comme le cypres, il a la fueille plus lógue que large, le boys est madré, son fruit est rond & gros, il a le goust de presse, sa chair ressemble à celle de pomme de coing, il a trois & quatre noyaux ensemble, & d'auátage, comme les pepins d'vne poyre, qui sont amers au possible. Guauabo est vn arbre gentil, & hault, son fruit est gros comme lateste d'vn homme, qui à la peau marquee en façon d'escailles douces, & lissées, & est tendre, la chair est blanche, & coriastre encores qu'elle se fonde en la bouche comme feroit du caillé, & blác manger: elle a bon goust, & est bonne à manger, si elle n'auoit point tant de fillets, qui donnent empeschement à macher: elle est froide, & pour ceste cause on la mange quand il faiët grand chault, Houuo est vn arbre hault, & frais, aussi son ombre est fort plaisante pour s'y reposer. Les Indiens couchët à son ombrage, & les Espagnols aussi. Desbourgeös on faiët de l'eau odoriferante pour lauer les iambes, & pour seruir de fard: on en faiët aussi de l'escorce, qui est propre pour reserrer les porres, la

chair, & la peau : on en fait des bains pour cet effect. Elle sert bien à ceux, qui sont lassez d'aller à pied : car en enfrottant les iambes elle oste ceste lassitude. Si on coupe la racine de cet arbre il en sort de l'eau, qui est singuliere à boire. S^{on} frui^{ct} est iaulne, petit, & a le noyau gros comme vn prune : mais a bien peu de chair à l'entour, il est sain, & de facile digestion, mais fascheux au dents pour les filets qu'il a. Guayabos est vn arbre plus bas que les autres, qui rend vne bonne ombre, & porte vn b^{on} bois, il ne dure pas longuement, il a la fucille comme celle de laurier, mais plus espaisse, & plus large, sa fleur ressemble à celle de l'orengier, ou citronnier & sent plus doux que celle de l'assemin. Il y a plusieurs sortes de Guayabos, & autant de diuersité de frui^{ct}s son frui^{ct} est coustumierement comme vne passe pomme d'Espagne, les vns sont r^{ou}ds, les autres non, mais tous sont verds, ils ont par dehors petites coronas, comme les nefles, dedans ils sont blancs, ou rougeastres, ay^{ant} quatre quartiers, comme les noix, & en chascun quartier y a plusieurs grains, Quand le frui^{ct} est meur il est fort b^{on}, mais estant verd il est fort aspre, il estrain^{ct} comme les cormes. S'il est trop meur il pert sa couleur, & saveur, & s'y engendre force vers. Il y a aussi en ce pays des palmes de neuf, ou dix sortes, la plus part d'iceux rend vn frui^{ct} gros comme œufs, mais le noyau est gros, ce frui^{ct} est aspre au manger, mais au lieu ils en font du vin, qui est passable. Les Indiens font leurs piques, & fleches de palme, par ce que le bois en est si fort que sans le parer aucunement ny y mettre vn caillou esguisé au feu comme

ils ont accoustumé, il entre aisément où on veut. Il y a des palmiers, desquels le tronc ressemble à la teste d'un ongnō, estant plus gros au milieu qu'en haut, le bois en est fort tendre, & pour ceste cause le pyuerd y faict plustost son nid, le creusant avec son bec. Cet oiseau est comme vn griue rayé ayant vne raye verde de trauers, & vne autre noire tirant vn peu sur le iaulne, il a le col rouge, & quelques plumes de la queue. Les Espagnols l'appellēt Carpintero, c'est à dire charpentier. Il n'est gueres differēt du pyuerd, duquel parle Pline, qui creuse & fait son nid au tronc des arbres, & qui voyant le trou de son nid bouché apporte vne certaine herbe, qui par sa vertu & propriété occulte le destouppē: autres disent que c'est le pyuerd mesme, qui a ceste vertu. Il y a aussi grāde quantité de perroquets de plusieurs sortes de grās, de petits, de verds, de bleuz, de noirs, de rouges, & de meslez: ils sont beaux à veoir, & causent assez: ils sont bons à māger: il y a encor' des coqs tāt priuez que sauages, ils ont les crestes longues, & se changent en diuerses couleurs. Il y a des chausuesouris aussi grosses que cailles, qui mordēt asprement sur la nuit: elles tuent les coqs, si elles les mordent à la creste, & encor' dit-on que l'homme mourroit, qui en seroit mordu, le remede est de lauer la playe avec eau de mer, où y mettre le feu. Il y a grande quantité de punaises, qui portēt des ailles des lesardes d'eau, autremēt apellez cocodrilles, qui māgēt les persōnes, les chiēs & route autre chose viuāte. Il y a des porcs, q' n'ōt poīt de queue, des chas qui ont la queue grosse, & des animaux, qui enseīgnēt à leurs petits à courir, des vaches, qui ressemblēt

Christophle Colomb arma six nauieres aux despens du Roy Catholique, sans en compter deux qu'il bailla à Barthelemy Colomb son frere, & partit de Caliz l'an 1497. Aucuns adioustent vn an. Il laissa la route des isles de Canarie, pour craindre de certains Corsaires François, qui en ce quartier guettoient ceux, qui venoient des Indes, & de ces isles, & au lieu print le droict chemin de l'isle de Madere, qui est tirant plus vers la Tramontane: de là il enuoya trois carauelles à l'Isle Espagnole, & luy avecques les trois autres vaisseaux se ietta vers le cap verd avec intention de rencontrer la zone torride nauigant tousiours droict au midy, pour scauoir quels pays estoient situez sous ceste zone. Il feit voile de l'isle de Bon-regard, & ayant couru plus de 800. mil vers le vent Leuece, il se trouua à cinq degrez de l'Equinoxial sans vent aucun: C'estoit au moys de Iuin, & faisoit vne chaleur si vehemete qu'on ne la pouuoit supporter, elle faisoit petiller les muyz, & corrompre l'eau, le grain mesme brusloit, & de peur que le feu ne print aux vaisseaux, le ietterent en la mer avec plusieurs autres biens, encor' pensoient bien tous perir, remettans en memoire l'opinion des anciens, qui asseuroient que la zone torride rostissoit, & brusloit les hommes, & que passant elle estoit inhabitable. Ils se repentoient d'auoir esté là. La mer demeura ainsi calme avecques ceste grande chaleur huit iours, le premier fut clair, & les autres pluuieux, mais avec ceste pluye l'ardeur s'augmentoit, comme faict la fournaise d'vn mareschal. A la fin Dieu ayant pitié d'eux leur enuoya vn vent d'entre solaire & midy,

qui les poussa en vne Isle que Colomb surnomma la Trinité par deuotion, ou par ce qu'il auoit faict tel veu à la diuine maiesté estant en si grande perplexité, ou bien par ce que en vn mesme instant il apperceut troys haultes montagnes. Il s'approcha pres de terre pour puiser de l'eau, par ce qu'ils mouroient de soif, & vint surgir dás vn fleueue entre des grands palmiers, mais l'eau estoit salee, & mauuaise à boire: & pour ceste cause il nōma ce fleueue Salé. Il enuironna l'Isle, & ne trouuant rien à propos se ietta dedans le goulfre de Paria par vne emboucheure qu'il nomma Dragon. Il trouua là de l'eau, du fruit, des fleurs, force oiseaux, & animaux estranges. Ce pays leur estoit si fraiz, & si odoriferāt que ils pensoient tous que ce fust le paradis terrestre: ainsi Colomb l'asseuroit quand il fut emmené prisonnier en Espagne. Il disoit en outre qu'il auoit veu par ceste nauigation que le monde n'estoit pas rond cōme vne balle, mais qu'il estoit faict en forme d'une poire: puis qu'en tout son voyage il auoit tousiours flotté contremont, & que Paria estoit le puior du monde, puisque là on ne voyoit point la Tramontane. Il disoit trois choses notables si elles eussent esté vrayes. Mais il est certain q̄ la terre com prenant la mer est rōde, ainsi que Dieu l'a prudemment au commencement formee: car autrement le soleil ne la pourroit enluminer de sa clarté cōme il faict tous les iours tournoyant à l'entour. Le secōd poinct est aussi peu credible, q̄ Paria soit plus haulte qu'Espagne, car en vne figure rōde il n'y a point de poinct plus hault que l'autre, encor' que vous la torniez de quelque costé que vous voudrez. Et si le

monde est rond, il est donc par tout esgal, & par là nostre Espagne est aussi pres du ciel que Paria, il est bien vray qu'elle n'est pas si directement sous le soleil. Plusieurs hommes ignares, & sans lettre ont suivi l'opinion de Colomb, & pésoient véritablement qu'ils allaient d'Espagne aux Indes contre-mont, & qu'ils en venoient tirant cōtre bas. Quand au tiers point que Paria estoit le paradis terrestre, ie croy bien qu'à la verité il luy estoit aduis que ce pays estoit vn paradis, attendu la grande necessité, en laquelle il s'estoit vëu, & la grāde affection qu'il auoit de rencontrer terre : & qui ne l'eust reputé pour paradis, sortant d'un si eminent danger ? Autun n'a esté si hardy de marquer ce paradis en vn certain lieu. S. Augustin sur Genese dit que toute la terre est le paradis de plaisir. Plusieurs autres ont esté de son aduis. Mais cela n'est qu'interpreter le sens de l'escriture au pied de la lettre : Autres prennent ce paradis par vne allegorie pour l'Eglise, autres pour le ciel, & autres pour la gloire. Or pour reuenir au voyage de Colomb il nomma l'entree du goulfre de Paria Dragon, par ce que ceste emboucheure luy representoit vn Dragon, & par ce qu'il pensa estre submergé, & englouty à ceste entree où le courant est fort, & vehement. La mer en cet endroit cōmence à croistre iusques au destroit Megelanicque, & croist bien peu en tous les autres pays que nous auons descris cy dessus. Le terroir, la temperature, & fertilité de Paria est semblable à celle de Cumana. Les coustumes aussi, & la religion sont de mesme, ce qui sera cause que ie n'en diray icy autre chose. L'an 1530. Antoine Sedegu

s'en alla avec deux carauelles & septante Espagnols à la Trinité pour en estre gouuerneur, & Adelanrado, mais il mourut miserablement. Apres sa mort on y enuoya Hierosime Artal de Sarragoce avec cent trente Espagnols pour gouuerner ce pays, & pour le peupler. Il peupla à Cumana à S. Michel de Neueri, & en autres lieux. Christophle Colôb costoya tout ce q est depuis Paria iusques au cap de la voile, & descouurit Cubagua, l'Isle des perles qui le meit en mauuaile reputatiô à la court. Ce descouuremēt fut le premier, qui fut fait desterres fermes.

Le descouurement que feit Vincens Yanes Pinzon.

Chap. 85.

IL me souuient auoir cy dessus recité cōme avec les nouuelles du descouurement des perles qu'auoit faict Colomb, vne auarice aussi tost entra au cœur de plusieurs, qui leur donna courage de trauerfer tant de mers pour s'atisfaire à leur cōuoitise. Mais comme on dict en Espagne ils y allerent avec la toison, & en reuindrent toussez. Entre ceux-cy furent Vincent Yanes Pinzon, & Arias Pinzon son nepueu, qui meirent sus quatre carauelles à leurs despens. Ils les equipperent à Palos, lieu de leur naissance, & les pourueurent de gens, d'artillerie, de viures, & de marchandises pour changer. Ils pouuoient faire ceste despence aisément, par ce qu'ils s'estoient enrichiz aux voyages qu'ils auoient faicts avec Colomb. Ils eurent permission du Roy Catholique pour descouurir, & eschanger en lieu où Christophle Colômb n'eust point esté. Ils partirent donc du port de Palos le 13. de Nouembre l'an 1499. pensans bien apporter force perles, or,

ioyaux, & plusieurs autres choses riches. Il tira à l'isle de Saint Iaques, qui est pres le cap verd, & de là, sçachât que Colób n'auoit trauerſé la Zone torride, & qu'il en auoit ſeulement approché, ſe meit à la trauerſer, & vint ſurgir pres vn cap qu'il ſurnomma de S. Auguſtin. Ces deſcouureurs ſauterent en terre à la fin de Ianuier, & là ſe reſreſchirent d'eau, & ſe pourueurét de bois, & remarquerét la haulteur du ſoleil. Ils eſcriuirent leurs noms, & le iour, qu'ils arriuerent, aux arbres & rochers, & en ſigne de poſſeſſion ils y marquerent auſſi les nōs du Roy & de la Roine. Ce premier iour ils furét vn peu eſtōnez de n'auoir trouué perſonne pour ſçauoir quel eſtoit le lāgage du pays, & quelle richeſſe y auoir. La nuit d'apres ils veirent quelques feux, nō loin d'eux: du grād matin ils ſ'y en allerent, & voulurét faire quelques eſchāges avec ceux, qui eſtoient à l'entour de ces feux. Mais ces Indiens ne voulurét accepter telle traficque, ains vouloient pluſtoſt cōbattre avec leurs arcs, & lāces: Les noſtres auſſi reſuſoiét venir aux mains, par ce qu'ils eſtoient eſtonnez de la grādeur de leurs ennemis, qui ſurpaſſoient en haulteur les plus grands Alemans, & eſtoient d'vne moitié plus hauts qu'eux, ainſi que les Pinzons ont rapporté. Cela les feit deſloger, & allerét ſurgir en vn fleuve, qui n'auoit pas le fond aſſez creuz, au deſſus duquel ſur vne colline ils auoient apperceu des Indiens. Ils ſortirent en terre avecques les barques, & vn Eſpagnol ſ'auança, qui ietta au deuant d'eux vne ſonnette pour les attirer, les Indies, qui eſtoiét bien armez ietterent vn boys doré, & comme Eſpagnol ſ'abbaiſſoit pour le ramaffer, quelques vns

de leur troupe, coururent au deuant pour luy francher chemin, & l'arrester les autres Espagnols accoururent incontinent pour secourir leur compagnon, & ainsi se commença vne meslée, ou huit Espagnols furent tuez, & furent poursuiuis iusques en leurs nauires par ces Indiens, qui mesme avec vn courage, & hardiesse grande, l'estoient iettez dedans le fleuve pour combattre, & rompirent vn esquif. Il pleut à Dieu qu'ils n'auoiēt point de poison: car s'ils eussent eu leurs flesches envenimees, comme ont les Caribes, tous ceux, qui furent blesez fussēt demeurez morts, Vincēt Yanes Pinzon cogneut lors quelle difference il y a entre combattre, ou manier vn tymon. En vn autre fleuve nommé Mariatamba ils prindrent trente six Indiens, & coururent toute la coste iusques au goulfe de Paria. Ils toucherent le cap premier, l'Angle de Sainct Luc, pays de Humos. Ils passerent par le fleuve de Maragnon, d'Oreillan, par le fleuve doux, & autres lieux. Ils employerent dix moys à aller, & venir. Ils perdirent deux carauelles avecques tous ceux, qui estoient dedans, ils amenerent vingt esclaves, trois mille liures de bresil, & de Sandal, & grand nombre de ioncs, qui sont estimez en Espagne, grande quantité de gluz blanche, des escorces de certains arbres, qui ressemblent à la canelle, & apporterent vne peau de vne beste, qui porte ces faons en vne poche qu'elle a en l'estomach, & quand ils furent arriuez ils racomptoient pour vne chose bien merueilleuse d'un arbre que seize hommes n'eussent sceu embrasser.

LE fleuve d'Oreillan, fil est tel qu'on le dict est le plus grand des Indes, & de tout le monde, encor qu'on y mette le Nil. Ancuns l'appellēt mer douce, autres disent que c'est vne branche du fleuve de Maragnon, qui prend sa source à Quito pres de Mullubamba, & entre en la mer iusques à 1200. mil de Cubagua, mais ceste opinion n'est pas bien encore asseuree, & pour ceste cause nous y mettrōs difference. Ce fleuve doncq prend tousiours son cours quasi dessoubz l'Equinoxial, & s'estend en longueur six mil mil, & plus, selon le recit d'Oreillā, & de ses cōpagnōs, par ce qu'il fait plusieurs cōtours, & destours, coulant en façon de serpēt. Car du lieu d'oū il sourd iusques à la mer il n'y a que 2800. mil, il faict grand nombre d'Isles. La maree monte cōtre mont plus 400. mil, avec laquelle les poissons nommez Manatis, Buseos & autres montent loing de la mer plus de 1200. mille, il peult estre qu'il croist en certain temps comme fait le Nil, & le fleuve d'Argent, mais cela n'est pas encore descouuert, par-ce qu'il n'est pas encore peuplé. Je pense qu'aucune personne n'a tant nauigué sur fleuve quel qui soit qu'a faict François d'Oreillan sur cestuy cy. Et croy qu'il n'y a grand fleuve, duquel l'origine, & l'entree en mer ait esté cognüe plustost que de cestuy cy, tellement que la source à esté aussi tost descouuerte que l'emboucheute. Les Pinzōs l'ont descouuert l'an 1500. Oreillan la couru quarante & trois ans depuis ce qui luy aduint par vn hazard tel: Il s'en alloit en la compagnie de Gonzalle Pizarre à la conqueste, qu'on a surnommee de la canelle,

de laquelle nous traicterons cy apres. Vn iour pour tirer quelques prouisiōs d'une Isle de ce fleuve il se ietta dedans vn brigantin, & quelques Canoas, ou barquerolles du pays avec cinquante Espagnols, & ayant nauigué quelques iours, se voyāt loing, & escarté de son Capitaine, se laissa couler aual le fleuve emportant avecques soy de l'or, & esmeraudes, & autres richesses, desquelles on festoit reposé sur luy, s'excusant toutesfois sur le courant de l'eau, qui l'emmenoit d'un destroict, où il festoit trouué, & qu'il ne pouuoit remōter. Des Canoas il feit vn autre brigatin, & se desobligeāt soy mesme, & tous ses cōpagnōs du sermēt qu'ils auoiēt fait à Gōzalle sur esleu chef, & capitaine, & voulāt essayer la fortune arrester en ceste entreprise de uoloit sçauoir quelle estoit la richesse de ce fleuve, & où il prenoit sa fin, ce qu'il executa tellement qu'il entra en la mer suiuant tousiours le fleuve. Mais il ne peut passer tant de pays sain, & entiet. Il perdit vn œil en combatant contre les Indiens. Pour conclusion il vint en Espagne, & presenta au conseil des Indes, qui pour lors estoit à Valladolid, vne lōgue narratiō de son voyage, laquelle ainsi qu'on a sceu depuis, ne conceuoit que des menteries. Il demanda la cōqueste de ce fleuve, qui luy fut dōnee avec le tiltre de Adelantado. Il despendit incontinent l'or, & les esmeraudes qu'il auoit apporté, & quand se vint à retourner avec vne armee, il n'auoit plus de pouuoir par-ce qu'il estoit pauvre. Se voyāt en cest estat, cherchant les moynes pour recouurer argent, il se marie, & emprunte des deniers de ceux, qui vouloient aller avecques luy, leur promettant des

de Peru. Plusieurs Espagnols sont entrez en ce fleuve depuis qu'il fut descouvert par Vincent Pinzon l'an 1499. encor' qu'il n'y ayent peuplé. L'an 1531. Diego de Ordas, qui auoit esté capitaine sous Ferdinand Cortes en la conqueste de la nouuelle Espagne, y fut enuoyé pour en estre gouuerneur, & Adelantado; mais il n'arriua point iusques là, parce qu'il mourut sur mer, où son corps fut ietté apres. Il menoit en trois nauires six cens Espagnols, & trête cinq cheuaux. Apres on y enuoya l'an 1534. Hierosime Artal avec cent trente soldats; il n'arriua point encor là: Car il demeura à Paria, & s'employa à peupler Sainct Michel de Neueri, & autres lieux, comme l'ay desia dict.

Le cap de saint Augustin. Chap. 88.

CE cap est situé 8. degrez & demy par de là la ligne Equinoxiale. Vincēt Yanes Pinzon le descouuit l'an 1500. au mois de Iauier avec quatre caruelles qu'il auoit equippees au port de Palos deux mois deuant. Les Pinzôs ont esté grâs descouureurs, & ont par plusieurs fois voyagé aux Indes. Mesme Americ Vespuce Florétin les remarq pour tels. Ice-luy fut en ce mesme cap, & le nomma Saint Augustin l'an 1501, ayant trois caruelles que luy donna dō Emanuel Roy de Portugal; qui l'enuoioit pour chercher en ce quartier quelq passage pour gagner les Molucques. De ce cap il nauigua iusques à 40. degrez par de là l'Equinoxial. Plusieurs reprénét, & blasiment les cartes marines de cet Ameri cōme on peut voir en quelques Ptolomees imprimez à Lyō en France. Je croy qu'il a nauigué beaucoup; mais ie m'assure que Vincent Pinzon, & Jean Diaz de

Solis l'ont outrepassé. Je ne parle point de Christofle Colomb, ny de Ferdinād Magellan: car vn chacun sçait ce qu'ils ont descouuert. Je parle encores moins de Sebastien Gauoto, & de Gaspar Cortes Reales, desquels le premier estoit Italien, & l'autre Portugais, & si pas vn de ces deux n'entreprint ces voyages pour nos Rois d'Espagne. Mais il fault reuenir à nostre cap. Aucuns comptent depuis Maragnon iusques à ce cap 2000. mil, autres y en adioustent. En ceste coste est la pointe de Humos, par où passe la raye, qui denote la diuision qui fut faicte des Indes entre les Espagnols, & Portugais, laquelle est vn degré & demy par de là l'Equinoxial, & est cinq degrez loing du cap premier, qui ainsi a esté nommé, par ce qu'il semble premier à ceux, qui vôt par delà. On n'a point peuplé en ce pays pour le peu d'apparoissance d'or, ou d'argēt. Je croy toutesfois qu'il ne soit pas si sterile, comme on le fait, attendu qu'il est situé sous vn bon air, & de bōne temperature. Ils laisserent encores ce pays par ce qu'il appartenoit au Roy de Portugal suiuant la diuision, de laquelle nous auōs parlé plus amplement en vn autre lieu.

Le fleuue de la Plata, autrement dict de l'Argēt. Chap. 89.

DV cap de S. Augustin, qui est à huit degrez de l'Equinoxial, on cōpte 2800. mil, de coste iusques au fleuue de la Plata. Americ dict qu'il s'en alla là par le commandemēt de Dom Emanuel Roy de Portugal l'an 1501. pour chercher passage plus court pour aller aux Moluques, & à l'espicerie. Iean Diaz de Solis natif de Lebrixa costoya toute ceste coste de mil en mil, l'an 1512. à ses propres despēs.

Il estoit grãd Pilote du Roy. Il leua vne permission de son maistre, & se meit sur mer suiuant la route de Pinzon. Il arriua au cap de Saint Augustin, & de là print le chemin de Midy, & costoyant tousiours la terre, se trouua à quarante degrez, & là il attacha des croix aux arbres, qui sont fort grands, & haults en ce quartier là, & puis arriua à vn grand fleuve que les habitans appellent Parauaguazu, c'est à dire mer, où grãde eau. Il aperceut en iceluy quelque monstre d'or, & le surnomma de son nom, le pays luy sembloit beau, & bon, & les habitans de mesme, il y veid force bresil, & puis s'en retourna en Espagne, où il feit recit au Roy de tout ce qu'il auoit descouuert, & demanda la conqueste, & gouuernement de ce fleuve, laquelle luy estant accordée, il arma trois nauires à Lepe, & meit dedans bon nombre d'hommes pour guerroyer, & peupler. Il s'en retourna au moys de Septembre l'an 1515. par la mesme route qu'il auoit tenue. Estant arriué il se meit en terre avec cinquãte Espagnols pensant que les Indiens le receutoient en paix, cõme à l'autre fois, & comme mesme ils en faisoient encores le semblant. Mais il fut trompé: car sortãt de la barque il fut assailly par des Indiens, qui s'estoient embusquez dedans vn bois, & fut tué, & mangé avec tous les autres Espagnols, qui s'estoiẽt mis en terre, la barque mesme fut mise en pieces. Les autres, qui estoient aux nauires contemploĩẽt le conflict, & feirent leuer les voiles, & les ancrs sans auoir la hardiesse de venger la mort de leur capitaine. Ils se chargerent de bresil & de gluz blanche, & s'en retournerent en Espagne tous honteux,

& perduz. Sebastien Gauoto allât aux Molucques passa par ce fleuve l'an 1526. avec quatre caravelles, & deux cens cinquante Espagnols. L'Empereur le fournit de vaisseaux, & d'artillerie, & les marchans, & autres personnes, qui allerent avec luy, luy donnerent ainsi qu'on dict mille ducats à la charge, qu'il departiroit à vn chacun le gain, & proffit au pro rata. De ces deniers il pourueut son armee de victuailles, & de merceries pour changer aux Indiens. Il arriua en fin à ce fleuve, & par le chemin il rencontra vn nauire François, qui negocioit avec les Indiens du goulfe de tous les Saints. Estât entré en ce fleuve il feit flotter son armee contremôt 160. mil, & arriua au port de S. Sauueur, qui est assis sur vn autre fleuve, qui entre dedans cestuy-cy. Les Indiens luy tuerent deux Espagnols, & ne les voulurent manger, disans qu'ils estoient soldats, & que ils auoient desia esprouué en la personne de Solis, & de ses compagnons quelle estoit leur chair. Gauoto se partit de là sans faire aucune chose digne de memoire, & s'en retourna en Espagne tout fâché. Ce ne fut pas tant par sa faute, ainsi qu'on dict, comme par celle de ses soldats. Apres cestuy-cy Dom Pierre de Mendoza, voisin de Guadix, alla à ce fleuve l'á 1535. avec douze nauires, & deux mille hommes. Ce fut le plus grand nombre d'hommes, & de vaisseaux que capitaine eust mené aux Indes. Il partit malade, & retournant par de ça à cause de sa maladie il mourut sur mer, l'an 1541. on y enuoya pour gouuerneur, & Adelâtado Aluaro Nugnez Cabeza de Vaca natif de Xerez, c'estoit celuy, qui autrefois parmy les Indiens auoit faict des miracles comme

i'ay dit en vn autre lieu. Il mena quatre cens Espagnols soldats, & quarante six de cheual, il eust peu faire quelque chose de bon, mais il ne sceut se gouverner avec les Espagnols que Dom Pierre de Mandoze auoit laissez là, & encor moins avec les Indiens, tellement qu'il fut enuoyé prisonnier en Espagne avec vne informatiō de toutes ses actiōs. Ceux, qui le menoient estant arriuez demanderent vn autre gouverneur, on leur donna Iean de Sanabria de Medellin, lequel s'obligea de mener avec soy à ses despens trois cens hommes mariez, qui tant pour eux que pour leurs femmes, & enfans luy auoient promis sept ducats & demy pour homme. Mais il mourut à Scuille dressant son equippage, & le conseil des Indes commanda que son fils continuast l'entreprinse. Plusieurs font cas de ce gouvernement par ce qu'il y a ja beaucoup d'Espagnols demeurans là, & accoustumiez à l'air, qui sçauent fort bien la langue du pays, & ont basti vne ville, qui contient deux mille maisons, en laquelle demeurent avec les Espagnols grād nombre d'Indiens, & Indiennes, qui se sont faits Chrestiens. Elle est assise à quatre cens mil de la mer sur ce fleuue vers le Midy en vn pays nommé Quirandies, où les hommes sont grands comme Geans, & si legiers à la course qu'ils prennēt auēc la main les cheureux, ils viuent cent cinquante ans. Tous les habitans de ce fleuue mangent chair humaine, & vont quasi tous nuds. Mais nos Espagnols depuis qu'ils ont eu vsé leurs chemises, & accoustremens, se sont vestus de peaux de cheures conroyez avec gresse de poisson: ils ne mangēt quasi que du poisson, duquel ils

ont grande quantité, & est fort gras. C'est la principale viande des Indiens encor' qu'ils prennent à la chasse des cheureux, sangliers moutons comme ceux du Peru, & autres bestes. Ils sont grands guerriers, & ont accoustumé de porter à la guerre vn gros pommeau attaché à vne longue, & grosse corde, lequel ils iettent sur leur ennemy ou au col, ou aux iambes avec telle dextérité qu'ils ne faillent à l'entortiller de ceste corde, & puis avec vne force grande le tirent à eux & puis le sacrifient à leurs dieux, & le mangent. Le pays est tresfertile, ainsi que Sebastien Gauoto essaya, ayant semé au mois de Septembre cinquâte & deux grains de froment, qui en rapporterent au mois de Decembre cinquante mille. Il est aussi fort sain combien qu'au commencement les Espagnols y furent malâdes, mais on n'ê donne la cause au poisson, duquel ils se repaissoient plus que d'autre chose: si est ce toutes-fois que depuis ils s'engraissoient & proffitoient avec la mesme viande. Il y a en ce fleuve des poissons, les vns ressemblans entierement des porcs les autres des hōmes. Il y a aussi sur terre des serpens qu'on nōme sonnettes par ce qu'ils rendent vn son en se maniant. On y trouue pareillement de l'argêt des perles, & autres ioyaux. Ce fleuve a esté nōmé la Plata, & de Solis en memoire de ceux, qui l'ont descouuert: il contient en largeur cent mil, car on en compte autant du cap de saincte Marie iusques au cap Blanc, qui tous deux sont à trente cinq degrez del'Equinoxial vn peu plus, ou moins. Il fait plusieurs isles, il croist comme le Nil, & pense que ce soit en vn mesme temps: il prend sa source au

Royaume du Peru, & s'enfle par le moyen des fleuves, qui entrent dedans, nommez Auançai, Vilcas, Purina, & Xauxa, qui ont leur source en Bombon, qui est vn pays haut. Les Espagnols, qui habitent sur ce fleuve l'ont couru contremont si auant, que plusieurs sont arriuez au Peru, cherchans les mines de Potosi.

Le port de Patos. Chap. 90.

CE seroit vne chose trop longue, & prolix de vouloir reciter par le menu les fleuves, les ports, les pointes qui sont depuis le cap de saint Augustin iusques au fleuve de l'Argent, & par ainsi ie me contenteray d'escrire seulement les nös pour remarquer la coste: On voyoit donc comme en vn grand goulfe esgal le goulfe de tous les Saints, le cap des Basses, qui est à dixhuit degrez, le cap Frio, qui est quasi comme vne isle ayät 280. mil de tour, la pointe du bon Abrigo, par où passe le tropique de Capricorne, & la ligne & raye de la diuision, de laquelle nous auös cy dessus parlé, qui est vne chose à noter. Le Roy de Portugal a, selö nostre cöpte, en ce quartier, pres de mil 500. mil de pays à cöpter de la Tramötane à Midy, & pres de cinq cës quatre vingts mil de Leuant en Ponët, & plus de deux mil huit cës mil de coste de mer. Tout ce pays est fort chargé de bresil, mesme on y trouue des perles, selon qu'aucuns recitent. Les habitäs sont de grande corpulëce, & d'vn mesme courage, ils mägent chair humaine. Quäd au port de Patos il est sirué à vingt huit degrez, & a au deuant vne isle nommee sainte Catherine. Nos gens trouuerët en ceste isle des oisons noirs sans plume, ayäs le bec de corbeau, &

estans fort gras, s'engraissans ainsi du poisson qu'ils mangent. L'an 1538. Alphōse de Cabrera, qui estoit parti pour aller au fleuve de l'Argēt, & seruir là de cōtrerolleur pour l'Empereur, se trouua en ce port où il trouua trois Espagnols qui entēdoïēt, & parloïent disertement la langue du pays. Ceux-cy festoient perdus au tēps que Sebastie Gauoto vint en ce quartier. Vn peu apres frere Bernard d'Armēra, qui estoit commissaire, & autres quatre cordeliers cōmencerent à prescher la foy de Iesus Christ, s'aidans de ces trois Espagnols pour se faire entendre, & si bien proffiterēt en ce peu de tēps qu'ils baptizerēt, & marierēt à nostre mode grād nōbre d'Indiens. Ils cheminerent par le pays en plusieurs endroits preschans, & conuertissans le peuple, estans humainemēt receuz par tout, où ils vouloïēt aller, par ce que trois ou quatre ans deuāt vn saint Indie nōmé Origuara auoit couru par tout ce pays preschant, ou biē annonçāt cōme en peu de tēps arriueroiēt en ce pays des Chresties pour lēs prescher, & que s'ils vouloient biē faire, il s'apprestassent à receuoir leur loy, & leur religiō, qui estoit sainte, & que ils donnassent congé à tant de fēmes, qu'ils auoïēt entre lesquelles ils auoïēt mesme leurs seurs, & parentes, & qu'ils s'abstinsent des vices, qui leurs estoient coustumiers. Et afin que telles remonstiances, & aduertissemens demeurassent en la memoire, de ces peuples il en composa des rythmes, & chansons qu'encor' aujourd'huy on chante par les ruess & maisons en la louange de l'innocence de cest Indie, Il cōseilla en outre de biē traicter les Chresties, & s'en alla du pays en lieu, d'où depuis on n'eut

nouvelles de luy. A raison de telles admonitions ce peuple fut aussi tost enclin à recepuoir la parolle de Dieu, & à se baptiser. Mesme deuant la venuë de ces religieux ils auoient porté grand honneur aux Espagnols, qui s'enfuyas d'une meslée, qu'ils auoient eue avec les Indiens du fleuve de l'Argent, s'estoient retirez à sauueté en ce pays. Ils leurs netoyoient le chemin, leurs presentoient à manger, leur donnoient des pennaches, & offroient de l'encens comme à leurs dieux.

LIVRE TROISIEME DE L'HISTOIRE GENERALE des Indes.

La negociation de Magellan sur l'espicerie.

Chap. 91.

Erdinád Magellan, & Ruy Falero vinrent de Portugal en Castille pour traicter au conseil des Indes d'une affaire, qui estoit telle, que moyennant quelque bon party, ils s'offroient de descouurir vne nauigation aux Isles des Moluques, qui produisent les espices, par vn nouueau chemin plus court que n'est celuy des Portugays passans par Calecut, Mataca, & Sina. Le Cardinal frere François de Zisueros gouverneur de Castille, & ceux du conseil des Indes leur rendirent graces pour vne si bonne volonté, & vn tel aduis, & leur donnerent esperance qu'ils seroient bien re-

ceuz par le Roy Dom Charles quand il seroit arri-
ué de Flandre, & qu'aussi tost ils seroient despes-
chez. Auec ceste responce ils attendirent la venue
du Roy, & ce pendant ils feirent entendre ample-
ment leur entreprinse à l'Euesque Roderic de Fon-
seque President des Indes, & aux Auditeurs. Ruy
Falero estoit bon cosmographe, & bien versé es
lettres humaines, & Magellan estoit pilote fort ex-
pert, & hardy, il disoit & asseuroit que par la coste du
Bresil, & par le fleue de l'Argent on trouueroit vn
passage pour aller aux isles des espices, qui seroit
plus court, que d'aller par le cap de Bonne-esperá-
ce, & que pour le moins il ne failloit point tirer ius-
ques à septante degrez comme marquoit la carte
marine, cōposée par Martin de Boheme, qui estoit
par deuers le Roy de Portugal. Ceste carte toutes-
fois ne marquoit aucun passage tel qu'ils donnoient
à entendre, encor' qu'elle designast bien les Molu-
ques selon leur situation, si elle ne mettoit pour
passage le fleue de l'Argent, ou quelqu'autre grād
fleue de ceste coste. Magellan monstroit encore
vne lettre missiue de François Serran Portugais
son amy, & parent, datée des Moluques, par laquel-
le il le prioit qu'il s'en allast par delà s'il vouloit in-
continent deuenir riche, & l'aduertissoit comme il
estoit venu de l'Indie à Iaua, où il s'estoit marié, &
depuis qu'il estoit venu en ces Moluques pour la
negociation de l'espicerie. Il auoit aussi pour lors
par deuers luy le discours du voyage de Louis Ber-
toman Boulongnois, qui d'Italie apres auoir passé
toute la Grece, l'Egypte, l'Arabie, Perse, Calecut,
estoit allé à Bandan, Borney, Bacian, Tidore, & au-

3. LIVRE DE L'HIST.

tres isles des espices, qui sont sous l'equinoxial, bien loing de Malaca, Samotra, Ciantan, & la coste de la Sina. Il auoit encor' avec luy vn esclaué qu'il auoit autres-fois amené de Malaca, lequel on appelloit Héry de Malaca, & si auoit vne femme aussi esclauée, qui estoit natifue de Samotra, qu'il auoit eue aussi à Malaca, ceste femme entendoit beaucoup de l'agages de ces isles. Il imaginoit aussi d'autres choses pour estre plustost creu, & faisans des considérations telles: que ce pays deuoit tourner vers le Ponent, comme le cap de Bonne-esperance tournoit vers le Leuant, puis que ia Iean de Solis auoit flotté par là iusques à quarante degrez par de là l'Equinoxial, leuant la prouë vn peu vers le Ponët: & l'asseuroit en outre qu'au cas qu'il ne trouueroit passage en ceste endroit, costoyant toute la coste il viendroit à surgir à vn cap, qui respondroit à celuy de Bonne-esperance, & que là il descouueroit de grands pays, & le chemin de l'espicerie. Ceste nauigation estoit tres-longue, tresdangereuse, & penible, & de grands coups: plusieurs ne la pouuoient comprendre, autres n'en croyoient rien du tout, la plus grand part toutesfois y adioustoit foy, cōme prouenāte de l'esprit d'vn qui auoit demeuré sept ans en l'Indie, où se fait la traicte des espiceries. Il y auoit vne autre raison qui incitoit les cœurs des personnes à les croire, encor' qu'il n'y eust pas grande assurance de verité: c'estoit qu'ēcor' qu'ils fussēt Portugais, ils disoient neātmoins que Samotra, Malaca, & autre pays plus oriētaux, où on traffiquoit, estoient assises les foires de l'espicerie, appartenoiēt au Roy de Castille, comme estans situez au dedans.

de la portion qui luy estoit escheuë par la diuision, de laquelle nous auons parlé cy dessus, & que la ligne, ou raze deuoit passer plus de trois cens soixâte lieuës vers le Ponent, loing des isles du Cap Verd ou Azores. Ils asseuroient d'auâtage que les Moluques n'estoient pas fort loing de Panama, & du goulfe de S. Michel que descouurit Vasco Nugnez de Valua. Ils disoient encore qu'en ces pays & Isles qui appartenoient au Roy de Castille on y trouuoit les mines & le sablon d'or, & des perles, & ioiaux, outre la canelle, girofles, poiure, noix muscades, gyngëbre, rheubarbe, sandal, camphre, ambre, musc, & plusieurs autres marchâdises de tres-grâd pris, tât pour la medecine, que pour le goust, & plaisir des personnes. Le Roy Dó Charles, qui n'estoit pas encor' Empereur, estant arriué en Espagne, ceux du Conseil des Indes, apres auoir bien considéré toutes ces choses luy conseillèrent de mettre à execution ce que ces Portugais proposoient. Et ainsi pour leur donner meilleur courage, le Roy les feit Cheualiers de l'ordre de S. Iaques, avec la Croix, & leur donna les gens desquels ils auoiët besoing, autant de vaisseaux qu'ils demandoient, non-obstant que les Ambassadeurs du Roy de Portugal luy dirent plusieurs meschancetez d'eux, comme estans desloiaux, & traistres à leur Roy, & qu'ils le tromperoient. Mais les autres s'excuserent amplement, & contenterent le Roy, se cõpleignans du Roy de Portugal. Il est bié vray qu'ils promeirent à ces Ambassadeurs de n'aller aux Moluques par la voye que tenoient les nauires de leur Roy, ce qui contenta vn peu le Roy de Portugal, qui estimoit qu'ils ne

trouueroyent iamais passage ny autre nauigation pour aller aux espices que celle par où les siens passoient. En fin, ils firent despescher les provisions, & lettres patentes de leurs charges à Barcelone, & de là s'en allerent à Seuille, où Magellan se maria avec vne fille de Duardo Barbosa Portugais Chastelain des Atarazanes, & Ruy Falero deuint fol & incensé par-ce que perpetuellement il pensoit à son entreprinse, laquelle il croioit ne pouuoir sortir effect, & là dessus se tourmentoit de ne pouuoir accomplir ce qu'il auoit promis. Autres disent que ceste folie luy aduint d'une pure melancholie qu'il eut pensant à sa desloyauté, & à la trahison qu'il cominettoit contre son Roy. Cela fut cause qu'il n'alla aux Moluques.

Du destroit de Magellan. Chap. 92.

Ceux qui ont la charge de la maison de la negociation de Indes, equipperent cinq nauires, & les pourueurent de biscuit, de farine, de vin, de huyle, de fromage, de iambons & autres choses propres à manger, & d'armes, & de merceries, & enrollerent deux cens soldats : Le tout au despens du Roy. Avec vn tel aprest Ferdinand de Magellan partit de Seuille, & du port de S. Lucar de Barrameda au mois d'Aoust, 1519. quasi trois ans apres qu'il fut venu de Portugal en Espagne pour negotier ceste entreprinse. Il mena deux cens tréte-sept hommes, tant soldats, que mariniers, entre lesquels y en auoit quelques vns Portugais. Le nauire Capitaine se nommoit la Trinité, les autres auoient ces noms, Victoire, S. Antoine, la Conception, & S. Iaques. Iean Serran seruoit de grand Piloté à ceste

armee, c'estoit vn marinier bien entendu, expert, & fort exercité en son art. De S. Lucar, donc, Magellá s'é alla à Tenerefe, qui est des Canaries, & de là aux Isles du cap Verd, & puis au cap de S. Augustin prenant son chemin entre Midy, & Ponent, par ce que son intention estoit de suiure ceste coste iusques à tant qu'il rencontrast vn passage, ou qu'il en veid le bout costoyant tousiours la terre de pres. Ils s'arrestèrent beaucoup de iours és pays, qui sont situez à vingt-deux, & vingt-trois degrez oultre l'Equinoxial, mangeans en ce pays là des cannes de miel, desquelles on fait le sucre, & des bestes que les Indiens appellent Autas, qui ressemblent à des vaches. La meilleure chose qu'ils peurent tirer de ce pays en contre eschange furent des perroquets. Ces habitas m'agent d'un pain fait d'un bois graté, & de la chair humaine. Ils se vestent d'accoustremens faits de plumes ayans de grandes queueës, ou bien ils vont nuds. Ils se percent les naseaux, les lures de desso^{us}, & les oreilles pour porter des ioyaux & autres choses tailles en os. Ils se peignent tout le corps, les hommes ne portent point de barbe, & les femmes n'ont sur elles aucun poil, par ce qu'elles l'arrachent avec vn certain art. Ils couchét en leurs Hamacques (ainsi appellét-ils leurs lits) cinq à cinq & mesme dix à dix avec leurs femmes: ce qu'ils fôrt, tant par leur coustume ancienne, que pour entretenir leur fraternele amitié: ils ont accoustumé de vendre leurs fils. Les femmes suiuent leurs maris chargees de pain, & de flesches, & les enfans portét les rets, & fillets. A la fin de Mars, nos gens arriuent à vne plage qui est à 40. degrez, où ils hyuernerent

les cinq mois ensuiuāns iusques en Aoust, parce que le soleil ne faisoit pour lors son cours par là, le froid la glace, & les neiges regnent en ce quartier durant ce temps. Ce pendāt aucuns Espagnols allerēt voir quel pays c'estoit, & porterēt des miroüers, sōnetes, & autres choses pour chāger. Les Indiens vindrent sur la marine esmerueillez de veoir des vaisseaux si grands, & des hommes si petits: ils mettoient & estoient par dedans leur gosier vne fleche pour estōner nos gens ainsi qu'ils demonstroient: Aucuns disent qu'ils ont accoustumé de faire ainsi voulās vomir quād ils sont trop saouls. Ils auoient leurs cheueux taillez en couronne comme ceux des prestres, & entortillez avec vn cordon de fil, auquel mesme ils attachent leurs fleches quand ils vont à la chasse ou à la guerre. Ils auoient des souliers de pasteurs, & estoient vestus de peaux d'animaux. Si vous cōsiderez tels accoustremens en la personne de quelque geant, tels cōme sont ceux cy, vous direz qu'ils la rendent plus formidable, & admirable, comme aussi à la verité ils rendoient ces habitans. Ils commencerent avec signes (car le parler ne seruoit de rien) de s'accoster l'un l'autre: Nos gēs les inuitoïēt de venir veoir les nauires, & eux inuitoient nos gēs à leurs maisons. En fin sept arquebousiers allerent iusques à six mil dedans le pays en vne maison couuerte de peaux, & qui estoit au milieu d'un bois fort espaiz. Ceste maisō estoit partie en deux, l'une pour les hōmes, & l'autre pour les femmes, & enfans. Ils vindrēt en icelle cinq geās, & 13. fēmes, & enfās tous plus noirs que ne requeroit la fragilité du pays. Ils donnerent pour soupper à nos gens vne Anta mal

roftie, ou bien vn aſne ſauuage ſans leur donner à boire vne goutte, & puis leur donnerent à chacū vne pliſſe pour coucher, & ſe rangerēt à l'entour du feu ſans dormir touteſois, ayans peur les vns des autres. Au matin nos gens les prierēt fort qu'ils vinſſent avec eux voir les nauires, & ſaluer le capitaine, & n'en voulans rien faire, ils les prindrent pour les mener par force, à fin que Magellā les veid. Les Indiens fachez de telle hardieſſe faiſans ſemblant de vouloir marcher entrerent dedans le logis des fēmes, & vn peu apres ſortirent, ayans les viſages vilainemēt depeint de pluſieurs couleurs, & eſtās couuers de plumes eſtrāges iuſques à my iābe avec vne fierté manioiēt leurs arcs, & leurs fleches menaçās les Eſpagnols ſils ne ſ'en alloiēt de leur maiſō. Nos gēs pour les eſpouuēter deſſacherent par haur vne arquebouze. Ces geans alors demāderent paix, eſtō nez d'vn tel bruit, & de la flāme. Et par ce moiē trois d'entr'eux vindrent avec les Eſpagnols. Ils cheminoiēt ſi à grād pas, que les noſtres ne les pouuoient ſuiure, encor' il y en eut deux qui eſchaperēt faiſant ſemblāt de vouloir aller tuer vne beſte, qui paiſſoit pres le chemin. Mais l'autre qui ne peut eſchapper, fut mené deuant Magellā, qui le traiçta doucemēt, affin qu'il print nos gens en amitiē. Ceſt Indien print pluſieurs qu'on luy preſenta, avec vn viſage toutesſois triſte, il beut bien du vin, & eut peur de ſe veoir dedans vn mirouer qu'on luy donna: on voulut eſprouuer quelle force il auoit, huiēt Eſpagnols ne le peurent lier. On l'enchaina, mais depuis il ne ſeit que crier, & pleurer, & par vn deſpit grand ne voulut plus manger, & ainſi

mourut. On en print la mesure pour la porter en Espagne, puis qu'on ne pouuoit y porter le corps : il auoit onze palmes de hauteur, on dit qu'il y en a qui en ont treize, qui est vne hauteur tres-grande. Ils ont les pieds fort difformes, pour laquelle cause on les appelle Patagonis, ils parlent du gosier : ils mangent beaucoup, selon leur corpulence, & à raison de la température de l'air : ils sont mal vestus pour viure en vn pays si froid, ils lient leur membre en dedās par entre les fesses : ils teignent leurs cheueux de blanc, par-ce que ceste couleur leur plaist : ils se frottēt les yeux, & se peindēt le visage de iaune, marquans en chasque iouē vn cœur : finalement ils sont accoustrez, & parez d'une telle sorte que vous ne diriez pas que ce fussent hommes. Ils sont adextres à tirer de l'arc, ils ne font que chasser : ils prennent à leur chasse des autruches, des regnards, des cheures chauuages qui sont fort grandes, & autres bestes. Magellan sortit en terre, & feit cāper ses gens : Mais par-ce qu'il n'y auoit aucunes villes ny personnes, qui pour le moins comparussent en ce quartier : ils tomberēt tous en vn piteux estat, endurās si grand froid, & telle famine qu'aucuns en moururēt. Magellan mettoit vne reigle estroicte aux viures, à fin que le pain ne defaillist point, voyant le defect, la necessité, & le danger, & que les neiges, & le mauuais temps duroient tousiours. Les Capitaines de l'armee, & plusieurs autres le prierent qu'il vouldst retourner en Espagne, & qu'ils ne les feist point mourir là tous si miserablement, cherchans ce qui n'estoit point, & qu'il se contentast d'estre venu en lieu où iamais Espagnol n'auoit mis le pied. Magel-

Ian leur feit responce que ce leur seroit vne grãde honte de s'en retourner pour si peu de trauail, de la faim, & du froid qu'ils auoient enduré, sans veoir le passage qu'il cherchoit, ou la fin de ceste coste, & que le froid se passeroit bien tost, & remedieroit à la faim par vn bon ordre qu'il y doneroit, & qu'on la pouuoit reprimer par la pesche, & par la chasse: qu'ils prissent courage d'endurer encor' le trauail de la mer pour quelques iours, que le prin-temps seroit bien tost, qu'ils pouuoient flotter aisément iusques à septante-cinq degrez, puis qu'on nauigue en Escocce, Noruegue, & Islande, & que mesme Americ Vespuce estoit ia parueni iusques à là, & au cas qu'il ne trouueroit en ce degré ce que tant il desiroit, qu'il s'en retourneroit. Non-obstant toutefois telles remonstrances, la plus grand part iettans larmes, & & souspirs, le requirent vne, & plusieurs fois que sans aller plus auãt il rebroustast chemin. Mais Magellan entrant en grande cholere, & grinçant les dents cõme vn hõme courageux, & d'honneur, en feit prédre quelques vns qu'il feit chastier: Ce qui anima d'auantage les soldats contre luy, disans que ce Portugais les menoit à la mort pour rentrer en grace avec son Roy. Avec vn si mauuais accord ils s'embarquerent tous avec Magellan, & des cinq nauires il y en auoit trois qui ne vouloiẽt point obeir, ce qui luy donnoit vne grand' peur qu'ils ne l'assaillissent, ou luy feissent quelque mal. Estant en telle peine, vn de ces trois vaisseaux repoussé par les flots de la mer vers la riuẽ, sans que les mariniers y prissent garde, par-ce qu'il estoit nuit, & qu'il estoit desencré, vint se ietter sur le

3. LIVRE DE L'HIST.

sien au moyen dequoy il se saisit incontinent d'un grand peur mais aussi tost il cogneut la faute. Il arresta ce nauire sans coup frapper, & sans s'esmouvoir. Les autres deux voyans cestuy cy en l'obeyssance du Capitaine se vindrēt aussi rengier vers luy. Il feit pendre Louys de mendoza, & Gaspar Casado, & quelques autres, & meit, & laissa sur terre Ieā de Carthagene, & vn Prestre, qui excitoit vn chacun à discorde leur laissant seulement leurs espees, & vn petit sac plein de biscuit, affin qu'ils mourussent là, ou qu'ils fussent mangez des Indics, publiās qu'ils auoient voulu le tuer. Tel chastiment cruel, & inhumain adoucit les cœurs des autres, & puis Magellan partit de ce lieu qu'il nomma S. Iulien le iour de S. Barthelemy, & cōtemplant attentiuemēt tous les destours des plages qu'il rencontroit pour voir si ce n'estoient point quelques passages, il tarroit beaucoup en chaque quartier, où il arriuoit, & vn iour estant vis à vis de la pointe de S. Croix vint en vn instāt s'esleuer vn tourbillon de vent, qui emmena sur des roches le plus petit vaisseau des cinq, ou il fut brisé, & mis en pieces, les hommes toutefois, & tout ce qui estoit dedans fut sauué. Magellā eut de rechef yne grand peur, & perdoit son sens, & son esprit comme celuy, qui s'en alloit perir: le ciel estoit troublé, l'air remply de tonnerres, & tēpestes, la mer enflée, la terre glaccée: si est ce qu'avec tout cela il ne laissa a courir cent vingt mil, & arriua à vn Cap qu'il surnōma des Vierges, par ce que c'estoit le iour de Sainct Vrsule. Il mesura à la hauteur du Soleil, & se trouua à cinquante deux degrez & demy de l'Equinoxial, & estoit pour lors six heures de
nuit

nuiſt, ou la mi-nuiſt. Ceſt endroit luy ſembla eſtre vne grãde deſcente ou courante d'eaus & penſant que ce fuſt le deſtroict qu'il cherchoit, enuoya les nauires pour ſ'en informer plus au vray, & leur cõ-
manda que dedans cinq iours ils retournaſſent en ce meſme lieu. Les deux reuindrent, & comme la troiſieſme, nommee S. Antoine tardoit trop, les autres feirent voile : Mais eſtant puis apres de retour en ce lieu des Vierges, & ne trouuant les autres Aluaro de Meſchita qui en eſtoit capitaine, & Eſtienne Gomez Pilote, feirent delaſcher l'artillerie, & faire des feux pour ſçauoir des nouuelles de leurs compagnons, & attendirent quelques iours. Aluaro vouloit entrer au deſtroict, diſant que ſon oncle Magellan auoit prins ce chemin : Mais Gomez & quaſi la plus-part vouloient retourner en Eſpagne, & ſur ce different il donna vn coup d'eſpee à Meſchita & le mit priſonnier, le chargeãt d'auoir conſeillé Magellan d'exercer telle cruauté ſur Cartagene, & ſur le Preſtre, & qu'il eſtoit cauſe de la mort d'autres Caſtillans: & puis fit voile en Eſpagne. Ils emportoient avec eux deux geãs qui moururent ſur mer. Ils arriuerẽt en Eſpagne huiſt mois apres qu'ils ſe furent departis d'avec Magellan, qui ce pendant tarda beaucoup à paſſer le deſtroict: Mais quand il eut veu l'autre Cap, il rendit infinies graces à Dieu, & ne ſe pouuoit contenir de ioye d'auoir trouué vn paſſage pour aller en la mer de midy, par laquelle il croioit bien toſt gaigner les Molucques, & la deſſus ſ'eſtimoit l'hõme le mieux fortuné, qui euſt iamais eſté, il ſ'imaginoit des grãdes richelſſes, il attẽdoit receuoir des graces infinies

du Roy dom Charles pour vn seruice si remarquable. Ce destroit a de long 440. mil. aucûs en com-
tent 520. il va de Leuiât en Ponent, & ses deux em-
boucheures sont en vne mesme hauteur de 52. de-
grez & demy; il a en largeur huit mil, & en aucuns
endroitz d'auantage, il est fort profond, il croist
plus qu'il ne diminue, & court vers le midy; il est
couuert de plusieurs isles; & est garnie de bôs ports:
des deux costés sont tres-hautes, reuestues de hauts
rochers. La terre & le pays est sterile, par-ce qu'il n'y
a aucun grain, & le froid, & les neges durent quasi
tout l'an. Il y en a aucuns, qui disent qu'en certains
endroitz on a veu de la nege de couleur celeste:
mais ce n'est que moquerie, ou bien l'erreur peult
estre venu de quelque terre qu'on a veu de ceste
couleur. On voit ce pays couuert de grands arbres,
de cedres hauts, & de certains arbres q portent vn
fruct ressemblant à des noisettes. Il y a des autruches,
& autres grands oiseaux, plusieurs autres estranges
animaux. La mer est fertile en sardines, & arôdelles
de mer, qui vollent, & se magent l'un l'autre. On y
veoit aussi force lours marins, de la peau desquels
les habitâs se vestêt, des baleines, des os desquelles
ils font des barques. Ils en font aussi d'escorces
d'arbres, & les caſteurent avec de la fiente d'antas.

La mort de Magellan. Chap. 93.

A Pres que Magellan eust passé le destroiât, il feir
Atourner les prouës à main droicte; & tira son
chemin quasi par derriere le Soleil, pour reprendre
l'Equinoxial, par-ce que deſſous iceluy sont situez
les Moluques qu'il cherchoit. Il fut quarante iours
& plus sans veoir terre. Durant ce tēps il eut grand

faute de pain, & d'eau : ils ne mangeoient que par mesure, & chascun n'auoient qu'une once de pain : ils beuuoient l'eau se bouchant le nez, à cause de la puanteur, & faisoient cuire leur ris avec l'eau de la mer. Avec tout cela il leur vint encor' vn autre mal aux machoires qui leur vindrét enflées, il en mourut vingt, & en demeura autant de malades. Ils deviendrent tous tristes à merueilles, & plus mal contents qu'ils n'estoient deuât qu'ils eussent trouué le destroit. Avec telle misere ils arriuerent à l'autre Tropicque, & à certaines Isles, qui leur fait perdre entierement courage, & les nommerent malheureuses, par-ce qu'elles estoient toutes desertes, sans qu'aucun y habitast, & sans y trouuer provision aucune. Ils passerent l'Equinoxial, & puis arriuerét à Iunagaua, qu'ils nommerent l'Isle de Bon-Signe, où ils se repeurent abondammét. Ceste isle est à onze degrez, ils y trouuerét du coral blâc. Apres ils rencontrét tant d'isles ensemble qu'ils les nommerent la mer Archipelago, mais ils dōnerent vn nom particulier aux p̄miers, les surnōmans les Isles des Larçons, par-ce q̄ les habitans desrobent aussi subtilement, cōme font les Bohemiés, ou Ægyptiés, entrē nous : aussi ils disoient qu'ils estoient descēdus d'Ægypte, ainsi q̄ donnoit à entēdre ceste esclauē qu'auoit Magellan, qui bien les entēdoit. Les hommes de ceste Isle s'estudient à auoir les cheueux longs iusques au nōbril, & les dents noires, ou rouges, & les femmes les portent iusques au talō, & les lient à l'entour de leurs corps en forme de ceinture. Ils portēt des chappeaux hauts esleuez, faicts de fueilles de palme, & les brayes de mesme. Pour conclur

sion nos gēs d'isle en isle arriuerēt à Zebur , que les autres appellēt Subo. Magellā feit tēdre vne enseigne de paix, & pour mōstrer l'obeissance, il feit tirer quelques pieces d'artillerie, & enuoya par deuers le Roy de ceste isle ses Ambassadeurs avec vn presēt, & autres choses pour changer. Hamabar (ainsi s'appelloit le Roy) print grand plaisir de son arriuee, & luy enuoya dire qu'il sortist dehors à la bōne heure. Magellan, donc, saillit en terre, & feit sortir de ses vaisseaux bon nombre d'hommes, avec quelque mercerie. Ils dresserent sur la greue vn grand taudis avec les voiles des nauires, & force rameaux pour chanter la Messe solennellemēt, par ce que c'estoit le iour de la resurreccion de Iesus Christ. Le Roy bien accompagné, y assista, escoutant attētiuemēt, & y prenant grand plaisir. La Messe dictē, nos gens armerēt vn hōme depuis la teste iusques aux pieds, & puis frapportoient dessus avec leurs espees, & halbardes, à fin de monstrier que ny le fer, ny force aucune n'estoit assez suffisante contr'eux. Les habitants s'en esmeruilloient assez, mais non pas tant comme les nostres pensoient. Magellan donna à Hamabar vne robbe longue de soye violette, & iaune, vn bonnet teinct en grene, deux verres, & quelques couronnes de mēme matiere: Il donna aussi à vn sien nepueu, & heritier vn bonnet, vne custode, & vne coupe de verre qu'il estima grandement, pensant que ce fust quelque chose bien fine. Il leur feit quelques admonitions touchant la religion par le moyen de son esclau Henry, qui seruoit de truchemēt, & confirma l'amitié encommencee touchant dedans la main du Roy, & beu-

uant à luy. Hamabar feit le semblable, & feit present de ris, de mil, figues, melons, miel, sucre, gymbre, pain, du bruuage fait avec du ris, quatre porceaux, cheures, poules, & autres choses pour manger, & force fruiçt, qui n'a son pareil en Espagne, & luy donna aduertissement des Moluques & de l'espicerie. Puis le pria à disner, & fut le banquet solennel. L'amitié, par telle familiere conuersation, fut telle entr'eux, que Hamabar voulut estre baptisé avec plus de huiçt cés personnes. Il fut nommé Charles comme l'Empereur, la Royne fut nommee Jeanne, la princesse Catherine, & le nepueu, & heritier Ferdinand. Magellan guarit vne autre nepueu du Roy de la fiebure, qui le renoit il y auoit ia deux ans, encor' aucuns disent qu'il estoit muet, & que pour ce miracle tous les habitans de Zebut se baptiserét, & huiçt cés autres, qui estoient de l'isle de Masana. Le Seigneur de laquelle fut nommé lean, & sa femme Isabelle, & vn More, qui alloit & venoit en Calecut, fut nommé Christophle. Ce More certifia, & assura d'auantage Hamabar de la puissance del'Empereur dom Charles Roy d'Espagne, & que c'estoit luy qui estoit Roy de Portugal. Hamabar enuoya messagers aux Isles circonuoisines à la requeste de Magellan, les priant qu'il vinssent prendre amitié avec des hommes si bons, & si parfaicts comme estoient ces Chrestiens. Ils vindrét quelquesvns des petites isles prochaines pour voir le nepueu du Roy guaray, & pour veoir celuy qui l'auoit guaray avec des paroles seulemēt, & de l'eau, reputans cela à vn grand miracle, & s'offrèrent au Roy d'Espagne. Mais ceux de Mautan, qui est vne

autre isle à seize mil de Zebut ne voulurent venir,
 ou n'oserent pour l'amour de Cilapulapo leur Sei-
 gneur, auquel Magellã auoit enuoié pour le prier,
 & sommer qu'il vint, ou qu'il enuoyast quelqu'un
 pour recognoistre en son nom l'Empereur pour
 son souuerain Seigneur, & qu'il enuoyast quelques
 espiceries, & victuailles. Cilapulapo respôdit qu'il
 n'obeiroit à celuy qu'il n'auoit iamaïs veu, ny mois
 à Hamabar : mais afin qu'on ne l'estimast reculé de
 toute humanité il luy enuoiât ce peu de cheures
 & pourceaux qu'il demandoit. Megellan pensant
 perdre sa reputation s'il laissoit ainsi Cilapulapo,
 passa avec quarante soldats en Mautan, où après
 quelques aproches faictes il brusla Bulaya petite
 forteresse de Mores. Les habitãs voyât tel exploit
 eurent peur d'une plus grande vengeance, & pour
 ceste cause, en cachette & en secret, enuoyerent à
 Magellan quelque nombre de cheures, le priant
 qu'il leur pardonnast, puis qu'ils ne pouuoient fai-
 re d'auantage à cause de Cilapulapo, qui contredi-
 soit au traicté de la paix, & qu'il tournast ses armes
 contre luy, ou bien qu'il leurs enuoyast quelques
 Espagnols bien armez, qui feissent resistance à son
 ennemy, & que sans faute ils luy liureroient l'Isle.
 Magellan ne se doutant point de la tromperie, &
 d'une telle ruse, s'en retourna, & reuint la nuict a-
 vec soixante soldats en bon ordre dedãs trois bar-
 ques, il amenoit aussi Hamabar qui auoit trente
 barques pleines de ses subiects. Il eust bien voulu
 cōbatre incontinent, mais par-ce qu'il s'estoit obli-
 gé deuât à Cilapulapo, par vn traicté qu'ils auoient
 faict ensemble, de se defier l'un l'autre deuant que

venir aux mains si d'adventure ils venoient à auoir quelque guerre ensemble, il luy enuoya dire par Christophle le more, s'il vouloit estre amy ou enemy. Mais Cilapulapo luy feit vne responce hardie, & pleine d'iniures, & aussi tost feit sortir trois mille hommes en campagne les regeant en trois esquadrons, & s'approcha de l'eau se tirant à costé pour euitier l'artillerie qui tiroit, en la scopterie des archubuziers. Magellan ce pendât sort de les barques avec cinquâte soldats, se iettant en l'eau iusques au genouil, par-ce que les barques ne pouuoient approcher pres terre, à raison qee la riue estoit toute pierreuse, & puis alla charger sur les ennemys, mais aussi tost qu'il les veid arrestez, & sans se mouuoir l'attendâs de pied-coy, & qu'ils n'auoiêt receu aucun dômage de son artillerie, & de l'archubuzerie, il se iugea incontinent perdu, & eust tourné le dos si la honte ne l'eust retenu. Son iugement ne le trompa point: car combattant il voyoit la perte des siens, il leur commâda de se retirer. Les Mautanois combattoient vaillâment, ils tuerent aucuns Zebutins, & huiët Espagnols avec Magellan, & en blecerent vingt, desquels la plus part estoiet frappez avec flescches enuenimees aux iambes par ce qu'ils ne tiroiet qu'en ceste partie, qu'ils voioiet de sarmee. Magellâ fut tué d'un coup de flescche qu'ou luy tira au visage apres auoir pdu sa salade qu'o luy auoit fait rôber à coups de pierre, & de picq. Il fut aussi frappé en la iâbe, & eut encor' vn coup de picq depuis qu'il fut par terre, qui le pçoit tout outre. Voila cômêt Magellâ meit fin à sa vie, & à son entreprinse si braue, & si glorieuse sans iouir du bien qu'il deuoit

esperer des travaux, qui luy auoient tât cousté, ce-
 ste récontre fut le vingtseptiesme iour d'Auril, l'an
 1521. Apres la mort de Magellá les Espagnols esleu-
 rent pour leur Capitaine Iean Serran grand pilote
 de l'armee, & avec luy, selon aucuns, Barbosa. Ce
 Barbosa s'efforça par tous moyens d'auoir le corps
 de Magellan son gendre, mais ils ne voulurent le
 bailler encor' moins le môstrer. Car ils vouloient
 le garder pour seruir de memoire à la posterité. Ce
 fut vn mauuais augure pour ce que depuis aduint,
 fils l'eussent bien entendu. Nos gens s'amusoient à
 changer avec les habitás quelques merceries à de
 l'or, du sucre, du gyngembre, de la chair, du pain, &
 autres choses pour aller aux Moluques, & ce pen-
 dant les blecez se guarissoient, & fondonient les
 moyens de conquerir Mautan. Et côme pour l'vne,
 & l'autre entreprinse l'esclaue Henry estoit neces-
 faire ils le pressoient de se leuer, mais estât blecé de
 vne fiesche enuenimee il ne pouuoit se leuer pour
 la grande douleur qu'il sentoit, ou bien ne vouloit
 selon qu'aucuns pësoient. Serran se répestoit con-
 tre luy, Barbosa le menaçoit, aussi faisoit dame Bea-
 trix sa maistresse femme de Magellá, en fin ou pour
 l'amour des menaces & iniures, ou pour auoir li-
 berté il parla en secret avec Hamabar, & le cõseilla
 fil vouloit demeurer seigneur de Zebut de tuer les
 Espagnols, disant q̃ c'estoient gens auares, & qu'ils
 vouloiët avec son secours, & ayde faire la guerre à
 Cilapulapo & q̃ puis apres ils vsurperoiët encore
 son isle, faisans ainsi par tout où ils auoient entree,
 Hamabar le creut, & incontînët inuita à disner Sar-
 ran, & tous les autres, qui y vouldroiët aller, disant

qu'il luy vouloit baillet vn presët pour l'Empercur puisqu'ils s'en vouloient aller. Ainsi Serran & trête Espagnols s'en allerent à la bonne foy au palais du Roy, sans pëser à aucú mal, & estás tous au meillieu du disner ils furent tuez à coups de picques, & d'espee excepté Serran, qui s'estoit sauué. On arresta tous les autres, qui estoient parmy l'Isle, & d'iceux y en eut huict depuis venduz à la Sina, & meit on par terre les croix, & les images que Magellá auoit faict dresser sans auoir esgard au Baptisme qu'ils auoyent receu, & moins à la promesse qu'ils auoient faicte.

De l'Isle de Zebut. Chap. 94.

L'Isle de Zebut est grande riche & abondante en toutes choses, elle est destournee de l'Equinoxial dix degrez vers nous : elle produict de l'or, du sucre & du gyngembre, ils ont des porcellaines blanches qui ne peuuent endurer aucun venin. Ils ont de la gille qu'ils font recuire de cinquante ans en cinquante ans, & aucunefois d'auantage. Les habitans de ceste isle vont nuds, pour la plus part ils s'oinnent le corps, & les cheueux avec de l'huile de coco, & s'estudient à auoir la bouche, & les dëts rouges, & pour les faire rougir, ils machent d'une areca, qui est vn fruit ressemblant à vne poire, & des fueilles de Iassemin, & d'autres herbes. La Roine portoit vne robe lōgue de toile blāche, & vn chapeau de palme, sur leql elle auoit vn hault diademe de mesme estoffe, ayans la bouche, & les dëts rouges, ce quine luy feoit pas mal: Le Roi Hamabar se vestoit de toile de cottō, & auoit en teste vne coiffe biē ouuree, il auoit vne courōne passēe en sō col,

3. LIVRE DE L'HIST.

& portoit des pendans d'or enrichiz de perles, & de pierres fines. Il iouoit d'un instrument faict comme vn lut, qui auoit les cordes faictes de cuiure, & beuuoit dedans vn vase de porcelaine avec vne cāne, qui estoit vne chose qui aprestoit à rire à nos gens. Ils ont en ceste isle de l'orge, du Mil, du Pannic, & du riz. Ils mangent du pain faict de Palmes grattées. Ils font vne sorte de breuage avec du riz qui est blanc, & clair, & qui eniure aussi bien que le vin. Ils perçent encor les Palmiers, & autres arbres pour boire ce qui en distille. Il y a en ceste isle vn fruit qu'ils appellent Cocos, qui est comme vn melon estant plus long que gros, il est enuveloppé dedans plusieurs petites pellicules aussi delices que celles, qui enuironnēt le noyau d'une dattē: ils font du fil de ces pellicules aussi bon, & aussi fort que si l'estoit faict de chanure. Ce fruit à l'escorce comme vne courge seiche, mais bien plus dure, laquelle estant bruslee, & mise en poudre sert de medecine: Sa chair ressemble a du beurre estant ainsi blanche, & molle, & est tressauoureuse & cordiale. Ce fruit leur sert en plusieurs façons, s'ils en veulent auoir d'huile, ils remuent, & tournent sans dessus dessous par plusieurs fois, & puis le laissent reposer quelqs iours, la chair se tourne en vne liqueur comme huile fort douce, & salutaire, avec laquelle ils soingnēt souuent. S'ils le mettent dans l'eau, ceste chair se conuertist en sucre. S'ils le laissent au Soleil, elle se tournera en vinaigre. L'arbre est quasi comme la palme, & porte son fruit comme vne grappe de raisin. Ils fōt vn trou au pied d'une fucille, & recueillent songneusement en vne canne.

grosse cōme la cuisse, la liqueur, qui en distille: c'est vn breuuage fort plaissant, & gracieux tressain, & autant estimé entr'eux, comme est le bon vin entre nous autres. Il y a en ceste isle des poissons qui volent, & de certains petits oiseaux, qu'ils appellent Laganes, lesquels se iettent dedans la bouche de la balcine, & se laissent deuorer, & se sentans dedans, luy mangent le cœur, & ainsi la font mourir, ils ont des dents dedans le bec, ou pour le moins chose, qui leur ressemble, ils sont bons à manger.

Des Syripada Roy de Borney. Chap. 95.

CEux, qui estoient restez dedans les vaisseaux, quand ils entendirent le massacre qu'on auoit faict de leurs compagnons leuerent les ancres, & les voiles, & s'en allerent de là sans prendre Iean Serran, qui crioit apres eux à la riué de la mer, ne voulans retouruer vers terre, de peur de sentir sur eux vne semblable trahison, encor' que ce fust leur capitaine & pilote, qui demeurast. Ainsi ces pauvres soldats, & mariniers dolens, & melancolicques se departirent pleurans & se complaignans de leur infortune, estans accompagnez d'une peur de tomber en quelque autre plus grand accident, & malheur. Ils n'estoient en tout que cent & quinze, tellement que ce nombre n'estoit suffisant pour gouuerner, & deffendre trois nauires. Ils s'arrestèrent incontinent en Cohol, & là bruslerent vn de leurs nauires, & racoustrerent les deux autres. Cela faict ils s'approcherēt de l'Equinoxial par ce que on disoit que sous iceluy estoient situées les Molucques. Ils aborderent à plusieurs isles de Negres, & en passant par Calennado prindrent l'alliance

avec Calanar Roy de ceste isle qui la cōfirma en ceste façon : il tira du sang de sa main gauche, & s'en toucha la face, & la lāgue. Ils ont ceste façō en toutes ces isles, & pais. De Galénado ils vinrēt surgir à Borney, qui est à cinq degrez, i'entēds le port où ils arriuerent: car l'autre bout de l'Isle est sous l'Equinoxial. Deuāt qu'arriuer ils feirēt signe tel que doiuent faire ceux, qui demandent paix, & demāderēt permission d'entrer dedans le port, & descēdre en terre. Ils vinrēt à nos vaisseaux certains gētilshōmes dedans des barques, qui auoient les proues, & les poupes dorees, embellies de beaux estendars, & pēnaches, & auoiēt des taboutins, & fleutes, qui ne iouoiēt pas mal, il faisoit certainement bon voir tel apparat. Quand ils furent arriuez ils embrasserent les nostres, & puis leur dōnerēt quatre cheures avec force poules, six vaisseaux d'un breuuage tres-gētil fait de riz, six vaisseaux de cānes de sucre, & vn grād pot de terre plein d'araca, & de fleurs de iasmin, & de orēgers pour colorer la bouche, & la faire deuenir rouge. Il en vint incōtinent d'autres, qui apporterent des œufs, du miel, de la cōserue, & plusieurs autres choses, & dirēt à nos gēs que leur Roy, & seigneur Siripada prédroit grād plaisir qu'ils descēdisent en terre pour changer leurs marchandises, & pour se fournir d'eau, & de boys, & de tout ce qui leur seroit necessaire. Huit Espagnols allerent avec ceux cy baiser la main du Roy, & luy presenterēt vne robbe de velours verd, vn bōnet teinct en gēine, trois aulnes & demye de drap rouge, vne couppe de verre couuerte, vn escrtoire garny de tout ce qu'il luy faut, & cinq guiterres faictes seulemēt de

carte. Ils presenterent à la Royne des escarpins faits à la Valentielle, vne coupe de verre pleines d'esguilles de Cordube, & deux aulnes & vn tiers de drap iaulne: ils donnerent au gouuerneur vne tasse d'argent, deux aulnes, & vn tiers de drap rouge, & vn bonnet. Ils porterent aussi plusieurs autres choses, qu'ils donnerent à quelques vns de la court. Ils soupperent, & coucherent sur des matelats de cotton en la maison du gouuerneur deuant que veoir le Roy; par-ce qu'ils arriuerent tard. Le lendemain on les mena au palays, douze soldats môtez sur des elefins marchoiēt deuant, & les rues estoiet pleines d'hōmes armez avec espees, picques, & targes. Ils monterent à la grand salle, où il y auoit grad nōbre de gentils-hōmes vestus de robbes de soye de couleur, portans force aneaux d'or avec pierres fines, & des poignards enrichiz d'or, de perles & ioyaux. Ils assirent là sur vn tapiz, & apres auoir esté la lōg temps, il vint vn quidā par deuers eux, qui leur dit qu'ils ne pouuoient entrer ny parler au Roy mais qu'ils luy disent ce qu'ils vouloient. Les Espagnols luy feirent entendre le mieux qu'ils peurēt, & puis cestuy cy le dit à vn autre, & cet autre à vn tiers qui le dit par vne sarbatane a trauers vn treillis à vn, qui estoit dedans la salle du Roy, lequel avec vne grande reuerence rapporta au Roy l'ambassade de nos gens, qui estoient bien ennuyez de telles ceremonies, attendu mesme que les Espagnols sōt coutumieremēt fort coleres, & la pl^r part d'etr'eux ne se pouuoiet cōtenir de rire. Siripadacōmāda qu'on les feit approcher de sa chambre, ils passerēt par vne autre salle quarree tendue de tapisserie de soye

où les fenestres estoient s'optueusement couuertes de
 rappiz pour s'appuyer dessus. En icelle y auoit trois
 cens hommes, qui estoient debout ayans chacun
 vne espée, ceux cy estoient pour la garde du Roy.
 De ceste sale ils approcherent pres vn grand treil-
 lis, qui respondoit dedans la salle du Roy: à trauers
 lequel ils virent disner le Roy avec certaines fem-
 mes, & avec son fils. Il estoit seruy seulement par
 des femmes, & n'y auoit dedans ceste sale autre hō-
 me que le Roy, son fils, & vn autre qui estoit de-
 bout, qui estoit celuy, qui rapportoit au Roy ce
 qu'on luy vouloit faire entendre. Nos Espagnols
 voyans vne si grand maiesté, tāt de richesses, & ap-
 parat, n'osoient esleuer les yeux hors de terre, & se
 trouuās tous hōteux d'auoir apporté vn present, si
 vil, & de si petite valeur disoient bas entr'eux: quel-
 le difference il y a entre ceste nation, & celle des
 Indes? & prioient Dieu qu'il les voulust oster de là
 sans receuoir aucun mal. Pour conclusion estās ve-
 nuz ainsi pres de ce treillis, ils feirent trois reueren-
 ces esleuans leurs mains par dessus la teste tous en-
 semble, par ce qu'on leur auoit ainsi commandé, ils
 feirent leur ambassade de la part de l'Empereur tāt
 pour auoir paix avec luy, que pour auoir viures, &
 moyen de negotier ensemble. Le Roy respondit à
 celuy, qui luy rapportoit les parolles des Espagnols
 qu'on leur feit, & qu'on leur donnaist tout ce qu'ils
 demandoient, & s'esmerueillā de la nauigation si
 longue qu'auoient faicte noz gens avec leurs vais-
 seaux. Alors ils descourirent leur present non sans
 rougir de honte pour auoir veu tant d'or, d'argent,
 de soyes, & autres richesses, & sumptuositez en ce

palais, & sur la table du Roy, & puis s'en retournerent rapportans chacun vne piece de toille d'or, qu'on leur auoit mise sur l'espaule gauche par vne ceremonie, qu'ils ont en ce pays. On leur appresta la colation de cannelle, & clouz de girofle confits, & les ramena on à cheual en la maison du gouuerneur, qui les festoya deux nuiëts, avec vn apparat nō moins esmerueillable que magnifique. On leur apporta du Palais douze plats, & escuelles de Porcelaine plaines de fruiëts, & viandes, mais la sumptuosité du gouuerneur ne sembloit point enrichie pour cela. La table fut couuerte de trente plats & plus, & y auoit trēte vases plains de breuuage fait de riz, qu'ils distillent en certains petits vaisseaux, toute la chair estoit rostie, ou mise en paste. Les sauces estoient accoustrées les vnes avec de l'espace, les autres avec vinaigre, autres avec citrons, & toutes avec sucre, il y auoit encor' des poissons tres-delicats que noz gens ne cognoissoiēt point, aussi peu de cognoissance auoiēt ils des fruits qu'ō leur presenta en grande quantité: entre iceux toutesfois ils recogneurent des figues lōgues. Il y auoit pour eclairer des lampes & des grands chandeliers d'argent avec des flambeaux de cire. Tout le seruice fut fait en or, argent, & porcelaine, & les seruants estoient bien en ordre, & propremēt vestuz selon leur façō. Ces Espagnols rapportoiēt, qu'ils ne pensoiēt pouoir estre Roy, qui fust mieux seruy que ce gouuerneur. Pour reuenir à la flotte, ils passerent la ville sur des Elefans, & veirent parmy la ville plusieurs choses notables, qui seroient trop longues à raconter. Le Roy leur dōna deux sommes d'espicerie

tant que pouuoient porter deux Elefans, & force viures, & le gouuerneur les informa amplement des Moluques, & leur dit qu'ils les auoient laissées en arriere vers le Leuant. Voila ce qui aduint à nos gens. Quant à ceste isle elle est fort grande, & riche selon qu'auetz entédu, elle ne porte point de grain, de vin, ny de moutons. Au contraire elle est fort abondante en riz, sucre, cheures, porceaux, chameaux, buffes & elefans, elle porte la cannelle, le gyngembre, le canfre, qui est vne gomme d'un arbre nommée Copci, les mirabolans, & autres medecines. Il y a certains arbres, desquels les fueilles tóbantes en terre se tournent en vers. Les habitans vont cōmunement quasi tous nuds, ils portēt tous des coiffes de coton. Les Mores sont circoncis, & les Gentils pissent en s'accroupissant cōme les femmes, les Mores sont Mahometistes, & les Gentils Idolatres. Ces deux religions sont quasi espandues par tout l'Orient. Ils se baignent fort souuent ils se nettoient le derriere avec la main gauche, reseruās, ce disent ils, la main droiēte pour la bouche: ils escriuent dedans l'escorce d'arbre, comme les Tartares, qui ont couru iusques icy. Ils estiment grandement le verre, la toile, la laine, & le fer pour faire des clefs, & serrures, les armes, l'argent vif pour s'en frotter, & les medecines. Ils ne desrobbent point, ny ne tuent, iamais ne refusent leur amitié à ceux qui la demandent: ils combattent peu souuent, ils abhorrent le Roy, qui est guerrier, & pour ceste cause le mettent au premier ranc de la bataille. Il ne sort iamais, si ce n'est pour aller à la chasse, où à la guerre, personne ne parle à luy si ce n'est par sabbatane

batane excepté sa femme, & ses enfans. Ceux qui idolatrent pensent qu'en ce monde il n'y a rien que naistre & mourir, qui est vne pauvre bestise. La ville ou demeure le Roy a vn grand circuit, & est toute dedans la mer, les maisons ne sont que de bois excepté le Palais, quelques temples & maisons des Seigneurs.

L'entree de noz gens és isles des Moluques. Chap. 96.

NOz Espagnols partirét de Borney bié ioyeux du bon traictement qu'ils auoient la receu, & pour estre ia pres des Moluques qu'ils cherchoiét avec vn si grád traual. Ils arriuerent à Cimbubon & sarresterent en ceste isle plus d'un mois racoustrás là vn de leurs nauires, au lieu de poix ils se seruoiet de glu, & trouuerét là des cocodrilles, & plusieurs poissóns estrâges, qui sont ro² d'un os, & ont sur l'eschine vne selle, ils ont grád vêtre, & la peau fort dure, & sans escailles, ils ont le groin de porceau, & ont deux os sur le front cômè deux cornes droictes, en somme ils ressembliét à vn môstre. Ils y trouuerét des huiîtres qui portét les perles, ils y en trouuerét quelques vnes si grâdes que leur chair pe soit vingtcinq liures, & en eurent vne qui en pesoit quarâte quatre, mais elles n'estoiét pour lors chargées de perles, ils demâderét cōbien deuoiet estre grandes & grosses les perles de si grâdes coquiles, on les assëura qu'elles sont grosses comme œufs de pigeôs, & mesine de poule, qui est vne grosseur incredible, & qui n'a iamais esté veuë. De Cimbubō noz gēs furét à Saragan, où ils prindrét des pilotes pour les cōduire aux isles des Moluques, ils entre-
rent à Tidoré, qui est l'une d'icelles, le huietieme

jour de Nouembre l'an 1521. ils desflacherent l'artillerie pour saluer la ville, ietterent les ancrs, & armerent les nauires. Almanfor Roy de Tidoré ayât ouy le bruiet de l'artillerie vint en vne barque voir que c'estoit estant seulement vestu d'une chemise ouuerte d'or auec l'esguille, mais c'estoit vn œuure beaucoup plus riche pour la façon excellente que pour la matiere: il auoit encor vn drap blanc de soye ceint, qui pendoit iusques à terre, & auoit les pieds nuds, il auoit sur la teste vn voile de soye haut esleué en façon de mitre, il tourna avec sa barque à l'en tour des nauires, & commanda aux mariniers qui accoustroient les cordes des ancrs, qu'ils descédissent dedans sa barque, & leur dit qu'ils estoient les bien venuz, & plusieurs autres bonnes parolles. Puis il entra en vne des nauires, & se boucha le nez pour l'odeur des saieures. Les Espagnols luy baiserent la main, & luy dōnerent vne chaire de velours cramoyssi, vne robbe de velours iaulne, vn saye de faulse toille d'or, deux aulnes & vn tiers d'escarlata vne piece de damas iaulne, vne autre de toille, vne seruiette piquee de soye, & d'or, deux coupes de verre, six chapelets de mesme, trois miroirs, douze cousteaux, six paires de ciseaux, & autāt de peignes. Ils firent present aussi à vn sien fils, qu'il auoit amené avec luy, d'un bonnet, vn miroir, & de deux cousteaux, & donnerent autres choses à autres gentilshommes, & seruiteurs, qui auoiēt accompagnés, & suivy le Roy. Ils firent puis apres leur ambassade de la part de l'Empereur, & demanderēt permission de negotier en son isle. Le Roy leur feit respōce qu'ils estoient venus à la bōne heure, & qu'ils pou-

uoïët aussi facilement negotier parmy son isle cōme
sils estoïët en pays de l'Empereur, & que sil y auoit
aucū, qui les sachaſt, ils le tuassent. Il demeura long
tēps à cōtēpler vne bāniere, qui auoit les armes de
l'Empereur: il demanda la figure de l'Empereur, &
voulut qu'on luy mōstrast de la mōnoye, & especes
d'or, les poix, & mesures. qu'auoïët nos gēs, & apres
auoir le tout bien cōſideré il leur dit, comme eſtāc
bien entendu, & versé en l'art d'Aſtologie, qu'ils
deuoïent venir en ce pays par le commandemēt de
l'Empereur des Chreſtiēs pour chercher l'eſpicerie,
qui croiſt en ces Isles, & que, puis qu'ils estoient ve-
nus, ils s'en chargeaſſent cōme ils voudroient, eſtāt,
& se rendant amy de l'Empereur, & puis print cōgē
d'eux, souſleuant vn peu ſa mittre, & les embras-
ſant. Aucūſ diſent qu'il ne ſçauoit point ce qu'il di-
ſoit par ſcience d'Aſtologie, mais qu'il auoit ſongé
deux ans deuant qu'il voyoit venir par la mer cer-
tains vaiſſeaux, & hōmes, qui reſembloient en tout
à ces Eſpagnols, pour ſubiuguer ces isles, & eſtre ſei-
gneurs de la negociatiō des eſpices. Quāt à moy ie
croy qu'il ne diſoit cela que par coniecture ſçachāt
la traicte qu'en faiſoient les Portugais à Calecut,
Malaca, Samotra, & à la coſte de la Sina. Les noſtres
apres deſcēdirēt en terre pour auoir des eſpices par
eſchange, & pour voir les arbres, qui les produiſent.
Ils furēt plus de cinq mois à Tidore cōuerſans pai-
ſiblement, & amiablement avec les habitās. Il vint
là vn neueu d'Almanſor nommé Corala ſeigneur
de Terrenat, qui ſe meit ſoubs la puiſſance de l'Em-
pereur. Ceſtuy-cy, qu'encor aucuns appellēt Colā,
auoit en ſa maiſon quatre cens femmes, qui estoïët

3. LIVRE DE L'HIST.

veritablement Gentiles & de loy, & de leurs personnes. Il en auoit encor cent, qui luy seruoient de pages, il y vint encor vn autre nommé Luz, Roy de Gilolo grand amy d'Almanfor, cestuy auoit six cens fils, si on ne s'abuse au compte, car cōme on dit autant peut on faire valoir huit comme octante. Si n'est il pas impossible toute fois d'auoir tant d'enfā si on peut auoir tant de femmes. Plusieurs autres seigneurs vinrent encor' par les prieres d'Almāfor, pour offrir leur amitié, & se faire tributaires du roy, d'Espagne Dom Charles Empereur. Almanfor auoit vingt-six fils, & filles, & deux cents femmes, quand il estoit à son soupper il cōmandoit que celle qu'il vouloit, allast se coucher en son lit. Il faisoit bien du ialoux, ou le faisoit pour le respect des Espagnols, qui pour tromper vne femme font de grādes admirations, iettent des souspirs, & se feignent amoureux au possible, vne partie des habitans portent des brayes, les autres sont tous nuds. Almanfor iura sur son Alcorā qu'il demeureroit tousiours amy de l'Empereur Roy d'Espagne, & accorda que toutes & quāte fois que les Espagnols aborderoiēt en son Royaume, il bailleroit vne somme de cloux de girofle en contre-eschange de dixhuit aulnes de toile, douze aulnes de drap rouge, & quatre de iaulne, & les autres espices selon ce prix. On trouue en ceste isle certains petits oyseaux qu'ils appellent Mamucos, lesquels ōt moins de chair que le corps ne demonstre, ils ont les iambes longues d'vne palme, la teste menuē, le bec fort long, ils ont le plumage d'vne couleur singulierement belle, ils n'ont point d'aisles, aussi ne volent ils point, mais

font portez par l'air estans legers, & ayants les plumes si subtiles, qu'il n'est possible de plus, jamais on ne les void sur terre que morts, il ne se corrompēt ny ne se pourrissent aucunemēt, on ne sçait d'où ils sortent, ny où ils s'esleuēt, ny de quoy ils se nourrissent. Les Mores, qui sont Mahometistes croient qu'ils facent leur nid en Paradis, par-ce que leur Alcoran leur compte des fables pareilles, & encor moins vray semblables que ceste cy. Nous autres nous pésons qu'ils se nourrissent, & maintiennēt de la rosee, & des fleurs des espices. Mais soit que ce soit il est pour le moins tout certain qu'ils ne se corrompēt aucunemēt. Les Espagnols serrent soigneusemēt les plumes pource qu'ils en font des excellēs pēnaches, & les Moluchiēs s'en seruēt pour guarir les playes.

Des clou, de girofle, cannelle, & autres espices. Cha. 97.

Les isles que cōmunemēt nous appellōs Moluques sont appellees par les habitans Molucos, elles sont en grand nombre, mais toutes petites, & non gueres distantes les vnes des autres. Entr'autres on nōme Tidoré, Terrenate, Mate, Matil, & Macien: Elles sont situees dessous, & aux enuiron de l'Equinoxial, & à plus de cent soixāte degrez de nostre Espagne. Aucuns disent que l'Isle de Zebut en est loing 180. & que par telle supputation elle faict & marque le meillieu du chemin du monde si vous suinez la route du soleil cōme feirēt ces Espagnols. Toutes ces isles produisent les clou de girofle, la cannelle, le gyngembre, & noix muscates, mais chascque Isle ne produit pas ces espices esgalemēt: car l'une porte plus de clou que l'autre, & une autre plus de gyngēbre. Matil fournit plus de canelle

que d'autres espices. La cannelle vient d'un arbre, qui ressemble fort au grenadier, l'écorce se fend, & se creue par la force du soleil, puis on l'arrache, & la nettoye on au soleil. On tire de l'eau des fleurs de cest arbre, qui est bien plus excellente que celle qu'on fait de fleurs d'orenges, ou citrons, il y a force cloux en Tidoré, Mate, & Terrenate, autremēt Terrate où mourut lean Serran amy de Magellan, & capitaine de Corala sept mois deuant qu'arriuaissent ces deux vaisseaux. L'arbre, qui nous produit les cloux est grand, & gros, il a la feuille comme celle de laurier, & l'écorce comme celle d'un olivier. Il porte ses cloux par grappes comme faict le lierre, ou l'espine vinette: au commencement ils sont verds, & puis incontinent ils deuiennēt blācs, & en se meurissant ils rougissent, & estants secs ils semblent noirs. Quand on les a cueillis on les laue dedans l'eau de mer, & puis on les garde dedās les magasins. Cest arbre demande les colines, & engēdre au dessus de luy vne & plusieurs fois vne petite nuē, qui l'environne. Si on le plante en des valles il ne profite point, pour le moins il ne porte aucun fruit, encores moins si on le met en vne plaine, & pour ceste cause c'est vne chose vaine de penser en apporter du plan par deça en Espagne, comme aucuns s'imaginoient encores qu'il y faict chault. Le gyngembre est vne racine, qui ressemble à la garāce ou saffran. On en pourroit possible biē transplanter par deça, l'arbre, qui porte les noix muscates ressemble au roure, aussi porte il ses noix cōme du glād, ou cōme ces dattes, qui ōt du mastie.

NOz Espagnols ayans leurs vaisseaux pleins de cloux de girofle, & autres especes meirent ordre à leur departemēt pour retourner en Espagne, & receurent les lettres & presens qu'Almansor & autres seigneurs enuoyoiēt a l'empereur Roy d'Espagne. Almanzor les pria qu'à leur retour ils amenassent bon nombre d'Espagnols pour venger la mort de son pere, & pour enseigner en ce pays les coustumes Espagnolles & instruire vn chacun en la religiō Chrestienne. Noz gens ne peurēt auoir plus ample informatiō de ces Isles, à faulte d'vn tru chemēt, encor qu'ils feissent leur deuoir de visiter presque toutes les Isles pour les attirer à la deuotion de l'Empereur, & pour sçauoir si les vaisseaux des Portugais flottoient iusques icy. Ils entendirēt d'vn qui rencontrerent à Bandan, nommé Pierre Alfonso, comme vne carauelle Portugaise auoit esté iusques là ou par eschange d'autre marchandise elle s'estoit chargée de cloux de girofle. Ils partirent donques de Tidoré fort ioyeux tāt pour le descouurement qu'ils auoient faict de ces Isles, que pour la charge qu'ils auoient faicte de cloux de girofle, & autres espiceries. Ils porterent encor pour l'Empereur des espees du pays & des Mamucos, des perroquets rouges & blancs, qui ne sont point aptes à parler, du miel d'abeilles, qui pour estre fort petites sont appellees mousches. La carauelle capitaineſſe nommée la Trinité tiroit grande quantité d'eau. Ils accorderent ensemble que Iehan Sebastien de Cauo natif de la ville de Guetaria, qui est la prouince de Biscaye s'en iroit en espaigne dedans le vaisseau nommé Victoire, duquel il estoit pilote, par

le chemin que font les Portugais, & que la Trinité estant rabillée, & calfeutree de peur d'autre inconuenient prédroit vne nauigatiō plus courte, & plus seure passant seulemēt par les terres de l'Empereur, & s'en iroit surgir à Panama, ou prendre port en la coste de la nouuelle Espagne. Cest accord fait Iean Sebastien partit de Tidoré le treizieme d'Auril avec soixante cōpagnons, entre lesquels y en auoit quelques vns de Tidoré. Il passa par plusieurs isles. Cōme il prenoit du sandal blanc à Timor il s'esleua vn tumulte avec les habitans ou on vint aux mains, & en fut tué quelques vns de nos gens. De là ils furent à Eude, où ils se chargerent d'auantage de cānelle, puis passerent pres de Samorra tirans droict au cap de Bonne-esperance, lequel ils doublerent, & arriuerent à Sainct Iacques, qui est vne des isles du cap verd. Le capitaine feit descendre dedans l'esquif treize cōpagnons pour aller puiser de l'eau, qui luy defailloit, & pour achepter de la chair, & du pain, & louer des negres pour oster la sentinelle de l'eau, parce que le nauire tiroit ia de l'eau, & n'estoit restez des soixāte cōpagnons, que trente vn, desquels la plus part estoient encor' malades. Le capitaine Portugais, qui estoit là, arresta prisonnier ces treize voulant sçauoir où ils s'estoient chargez de ces espiceries. par ce qu'ils luy auoient dit qu'ils vouloient payer en cloux de girofle ce qu'ils acheteroient, & arresta aussi l'esquif, & encore en vouloit autant faire du nauire: mais le pilote vaillant, & accort feit aussi tost leuer les ancras, & les voyles, & en peu de iours arriua à S. Lucar de Barrameda le sixieme iour de Septēbre l'an 1522. avec dixhuiet

Espagnols seulement les plus defaicts, & rompus qu'il estoit possible. Les treize qui furent arrestez à sainct Iacques, furent incontinent deliurez par le commandement du Roy de Portugal. Outre ce que nous auons recité, ils comptoient encore de leur nauigation comme ils auoient obserué que iettans dedans la mer vn corps d'vn Chrestien il flotloit sur les reins, & iettans celuy d'vn Gentil, il nageoit sur le ventre, & comme il leur auoit esté plusieurs fois aduis que le Soleil, & la Lune faisoient par de là leur tour au contraire de celuy qu'ils font de ça. Telle opinion leur procedoit, par ce qu'ils mettoient tousiours l'esguille vers le Midy. Car il est tout certain que ceux qui viuent à trente degrez par delà l'Equinoxe voyent le Soleil leuer à main droite pourueu qu'ils regardent la Tramontane, ils employeroient à aller, & reuenir trois ans moins quatorze iours, ils faillirent à leur compte, & par ce moyen il aduint qu'ils mangerent de la chair à vn Vendredy, & celebrerent Pasque le Lundy. La faulte aduint de ce qu'ils ne compterent point le bissext, combien qu'il y en ait aucuns, qui philosophent la dessus, mais ils errent plus que les mariniens. Ils feirent plus de 10000. lieuës, & selon leur compte plus de 14000. qui reuiennent (à prendre quatre mil pour vne lieuë selon les mariniens Espagnols, & non à prendre cinq mil comme font les mariniens Italiens) à 56000. mil. On feroit bien le voyage plus court, qui feroit sa route droite. Mais ils furent contraincts faire plusieurs tours : ils passerent six fois par dessous la Zone torride sans se brusler contre l'opinion des anciens. Ils demeuro-

rent cinq mois à Tidore, où demeurent les Antipodes de Guinee, & par cela on preuue contre les anciens que tous les Antipodes peuuent communiquer ensemble. Ils perdirent de veüe la Tramontane, si se gouuernoient ils tousiours par son moyé par-ce que l'esguille, ou calamite estant mesme a quarante degrez vers le Midy ne laissoit non plus à la regarder que si elle eust esté en la mer Mediteranee, il est bien vray qu'aucuns disent qu'elle pert vn peu de sa vertu. Pres le Midy ou Pole Antartic ils voioient tousiours vne petite nuë blanche, & quatre estoilles en croix, & trois autres aupres, qui ressemblent à nostre Septentrion. Ces estoilles denotent l'autre effueil du ciel, lequel on appelle Midy. La nauigation que feirent les vaisseaux de Salomon estoit grâde, mais celle des nauires de l'Empereur dom Charles est beaucoup plus grande. La nauire de l'ason nommé Argos tant reclamé des poëtes, & historiens fait peu en comparaisn de ce vaisseau, qui deuroit estre mis pour triomphe, & memoire en l'arsenac de Seuille. Les traux, & dangers d'Vlysses ne furent rien au respect de ceux de lean Sebastien, aussi il meit en ses armes la figure du monde, & autour ces parolles, *Primus circumdedit me*, c'est à dire, tu m'as le premier enuironné, ce qui est bien cõforme à sa nauigation. Telles armes seruiron d'vn grand trophée à sa posterité, aussi à la verité il tourna tout le monde.

Du different qui est entre les Espagnols, & Portugais pour le traffic de l'espicerie. Chap. 99.

LEmpereur receut vn contentement, & vn plaisir nompareil quand il eut entédu que ses gens

auoient descouuert les Moluques, & isles des espices, & qu'on y pouuoit aller par ses pays mesmes sans porter preiudice aux Portugais, & aussi de ce qu'on luy rapporta qu'Almāsor, Luzfu, Coralla, & autres seigneurs de l'espicerie s'estoient réduz ses amis, & tributaires. Il rendit infinies graces à Ieā Sebastié pour les trauaux, qu'il auoit soufferts, & pour les seruices qui luy auoit faits, & luy dōna des presens en estreine d'une bōne nouuelle, qui luy auoit rapportee: c'est que ces Moluques, & autres isles encor plus riches, & plus grandes estoient situées en la part que le Pape luy auoit distribuée par sa bulle. Ces nouuelles sceuës par tout, le different qui ja auoit esté meū pour le departemēt qu'auoit fait le Pape, des Indes, & du nouveau monde, se renouvela entre les Portugais par la venuē de Sebastien de Cauo, qui encor soustenoit que iamais Portugais n'estoit iusques huy entré en ces Isles. Ceux du conseil des Indes suaderent aussi roist à l'Empereur qu'il feist continuer la nauigation, & traffic de l'espicerie, puis qu'il estoit sien, & qu'on auoit trouué passage par les Indes, luy remonstrans que ce seroit vn moyen pour receuoir de grands deniers, & s'asseur d'un reuenu inestimable, que ses royaumes, & subiects avecques cela s'enrichissoient sans faire grande despenſe. Comme ce conseil estoit vray, aussi le trouua il bon, & commanda de continuer ce traffic. Quand Dom Iehan Roy de Portugal eut entendu la determination de l'Empereur, & le soing qu'en prenoient ceux de son conseil, & ayant ouy le rapport qu'auoient fait Iean Sebastié tant de son chemin que de tout ce qu'il auoit veu,

il s'enfloit d'un despit grand, maugreoit, & enrageoit, & tous les siens vouloient, comme on dit, rair le ciel à belles mains, s'asseurans bien de perdre ce trafic, & commerce si les Castillâs vne foys l'entreprenoyent. Pour ceste cause le Roy de Portugal supplia l'Empereur qu'il n'enuoyast aucune armee aux Moluques que premierement on n'eust aduisé, & cōclud, à qui elles appartenoyent, & qu'il ne voulust luy faire ce tort de luy oster ceste negotiation, ny donner occasion aux Castillans, & Portugais de s'entretuer en ces Isles quand les armées se rencontreroient les vnes les autres. L'Empereur encor' qu'il veid bien que ce n'estoit que pour dilayer, voulust qu'on y aduisast, & que le tout fust resolu par iustice pour iustifier d'avantage sa cause. Et ainsi tous deux furēt d'accord que le tout seroit verifié par hommes entēduz en la Cosmographie & par pilotes experts, promettans avoir pour agreable, & garder ce, qui seroit ordonné par ceux, qui pour ce fait seroient nommez, & outre la promesse faicte par escrit ils le iurerent encor'.

Departement des Indes, & du nouveau monde entre les Espagnols, & Portugais. Chap. 100.

Ceste affaire des espiceries estoit de grande importance pour la grande richesse, qui s'en suivoit. Pour decider le different, qui s'en estoit meu, il estoit necessaire de mesurer le nouveau monde des Indes, & pour ce fait il failloit avoir des personnes doctes, & bien versez tant en la nauigation, qu'en la science de cosmographie, & és mathematiques. L'Empereur pour son regard nomma pour iuges le docteur Acugua, qui estoit de son conseil

royal, le docteur Barrientos, qui estoit du conseil des ordres, le docteur PierreManuelo Auditeur de la Chancellerie de Valladolid. Ceux-cy estoient nommez pour adiuger la possession, & pour vider le fond, & la propriété, il nomma Dom Ferdinand Colób fils de Christophle, le docteur Sâcio Salaya, Pierre ruiz de Villegas, le moyne ThomasDurand, Simõ d'Alcazana, & Iean Sebastiẽ de Cauo. Il feit son aduocat en ceste cause Iean Roderiguez de Pila, & son procureur fiscal le docteur Riuera, & pour secretaire il esleut Barthelemy Ruic de Castagneda & cõmanda que Sebastiẽ Gauoto, Estiẽne Gomez, & Nugno Rihero, pilotes tresexcellens, & maistres à faire cartes marines, seruissẽt pour produire globes, mappemõdes, & autres instrumens necessaires pour la declaratiõ de la situatiõ desmoluques. Ceux cy ne denoient entrer en l'assemblee, s'ils n'estoient appelez. Tous ces deleguez, & autres s'en allerent à la ville de Vadaioz, & les Portugais vindrẽt à Elbes en aussi grãd nombre, & plus, par ce qu'ils auoient deux Aduocats, & deux Procureurs: les principaux estoient le Docteur Alfonse d'Azenedo Cotino, Didaco Lopez de Sequira Almotacen, qui auoit esté gouuerneur en Indie, Pierre Alfonse d'Aguiar, François de Melo Prestre, Simõ de Tauracie ne sçay les noms des autres. Auãt qu'ils s'assemblassent, & que ils se veissent. Les Portugais demurerent à Elbes, & les Espagnols à Vadajoz: ce pendãt ils employẽt le temps à plusieurs ceremonies pour sçauoir où se feroit la premiere veüe où ils s'assembleroient, & qui parleroit le preimier, par ce q les Portugais s'arrestẽt fort sur tels petits differẽs, cõme si leur auto-

rité & grandeur en dependoient. A la fin ils s'accorderent de se veoir & se saluer à Caya, qui est vn ruisseau qui sert de borne aux Royaumes de Castille, & de Portugal, & est au meillieu du chemin de Vadajoz à Elbes. Depuis ils s'assembloient vn iour à Vadajoz, & l'autre iour à Elbes. Ils prindrent le sermēt les vns des autres, & vn chascun promet de dire verité, & iuger en toute equité. Les Portugais recuserēt Simon d'Alcazana, par-ce qu'il estoit Portugais, & frere Thomas durand, par-ce qu'il auoit esté prescheur du Roy de Portugal. Simon fut par sentence osté de la compagnee, & au lieu d'iceluy, M. Antoine d'Alcaraz entra: mais pour casser le Moyne on ne trouua cause aucune suffisante. Ils furent plusieurs iours à cōtempler les globes, & cartes marines, & rapports des pilotes, & cōme chascune partie proposoit ses raisons, les Portugais disoient que les Moluques & autres Isles des espices estoient de leur conqueste, & estoient situees dedās la part qui leur estoit escheuë, & qu'ils y estoient allez, & en auoient prins possession beaucoup deuant que Iean Sebastien les veid, & que la raye se deuoit mettre sur l'Isle de Bon-regard, ou sur celle du Sel, qui sont les plus Orientales de celles du cap Verd, & non sur celle de S. Antoine, qui est plus Occidētale, & est separee loing des autres 360. mil, mais l'un & l'autre estoit du tout faux. Ils cogneurent alors la faute qu'ils auoient faicte de demander que la raye fust mise plus vers le ponent des isles du Cap Verd enuiron 1480. mil, & de ne s'accorder à la diuisiō que vouloit faire le Pape, qui ne iettoit la raye vers le Ponent desdictes Isles qu'en-

uiron 400. mil. Quant aux Espagnols ils disoient & remonstroient que non seulement Borney, Gilolo, Zebut, & Tidoré avec les autres Moluques: mais aussi Samotra, Malaca, & vne grande part de la coste de la Sina, estoient de Castille, & de leur conqueste, par-ce que Magellan, & Iean Sebastien furent les premiers Chrestiens, qui les maistriserét, & acquerirent au nom de l'Empereur, ainsi qu'il se verifie par les lettres, & presens d'Almansor: & encor' que les Portugais, y eussent esté les premiers, il est certain que ce fut depuis la donation du Pape, & s'ils vouloiét mettre la raye sur l'isle de Bon-Regard, les Espagnols en estoient contens: car ainsi, comme ainsi les Molucques, & l'espicerie, appartiennent tousiours au Royaume de Castille: & si y auoit d'auantage, c'est que par ce moy en les Isles du Cap Verd tomboient encor' en la possesiõ des Espagnols, puis que mettant la raye sur Bon-Regard, elles demeuroident au dedãs de la partie qu'eux mesmes adiugeoient à l'Empereur. Ils furent bien deux mois sans pouuoir prendre aucune resolutiõ, par ce que les Portugais dilaoient le plus qu'ils pouuoient en ceste affaire refusans de donner sentence, amenans des excuses & raisons froides pour rompre ceste assemblee sans donner aucune conclusiõ, car il leur estoit necessaire de faire ainsi. Les Iuges Espagnols qui estoient cõmis pour la ppriété marquerét la raye par le meillieu du globe à 1480. mil de S. Antoine, qui est l'isle la plus Occidentale de celles du Cap Verd, suiuant la capitulatiõ q. auoit esté faicte entre les Roys Catholiques, & les Roys de Portugal, & là dessus pronõcerent sur le port de

Caya vne fêrèce, d'ônâs toutesfois delay aux autres iusq̃s au moys de May 1524. Les Portugais ne pouuoient empêcher ceste sentence, aussi ne vouloiēt ils l'approuuer encor' qu'elle fust iuste, disans que le proces n'estoit encor' entier, & parfaict pour estre en estat d'estre iugé, & se departirent avec menaces de faire mourir tous les Castillâs qu'ils trouueroient aux Moluques. Ces menaces n'estoient point icctées à l'estourdy. Car ils sçauoient desia bien comme les leurs auoient arresté le nauire de la Trinité, & prins prisonniers tous ceux qui estoient dedans. Les nostres s'en retournerent à la court, où ils feirēt entēdre à l'Empercur tout ce qu'on auoit fait, & luy monstrerent la marque qu'ils auoient faicte sur le globe. Suiuant ceste declaratiō se marquent & se doiuent marquer tous les globes, & mappemondes, que font les bons Cosinographes, & ainsi la ligne doit passer vn peu plus où moins par la pointe de Humos, & du bon Abrigo, comme aussi i'ay desia dict en vn autre lieu, & par ce moyen il sera tref-euident que les Isles de l'espicerie, & mesme l'isle de Samotra appartient à la couronne de Castille. Aussi par tel departement il est certain que le Roy de Portugal est seigneur du pays de Bresil, où est le Cap de S. Augustin, lequel s'estend depuis la poincte de Humos, iusques à celle du bon Abrigo, & contient de coste 3200. mil, tirant de la Tramontane au Midy, & de Leuant en Ponent, on racompte de largeur 800. mil. Auant que finir ce Chapitre, ie reciteray pour resiouir le Lecteur, ce qui aduint sur ce fait aux Portugalois. Comme François de Melo, Diego Lõpez de Sequeira

queira & autres venoient à ceste assemblée, & passoient la riuere de Guadiana, vn petit enfant qui gardoit du linge que sa mere auoit lauë, & là estendu pour secher, leur demanda s'ils estoient ceux qui deuoient venir pour departir le monde, avec l'Empereur, & comme ils luy respondirent qu'ouy, il leua le derriere de sa chemise, & leur monstra ses fesses, leur disant, mettez laligne par le milieu de ce lieu. Cela fut incontînét diuulgué par tout, & en la ville de Vadaioz, & mesme en l'assemblée de ces messieurs : Les Portugais en estoient scandalisez, mais les autres ne s'en faisoient que rire. J'ay eu grande familiarité avec Pierre Ruiz de Villiegas, natif de Burgos, qui aujourd'huy de tous ceux de ceste assemblée est resté seul, avec Gauoto, qui, & de sang, & de meurs, est veritablement noble, fort, curieux, ouuert & deuot qui aime grandement à garder l'antiquité, portât tousiours barbe longue, & les cheveux de mesme: il est fort docte és Mathematiques, & grand Cosmographe, & bien entendu és affaires d'Espagne, tant du temps passé, que du present.

La cause pour laquelle les Indes furent departies.

Cha. 101.

Les Espagnols & Portugais auoient grandement cōtesté ensemble pour la mine d'or, qui auoit esté descouuerte en Guinée l'an 1472. du temps qu'Alphonse cinquieme regnoit en Portugal. Ce different ne s'estoit point esmeu pour des nestes comme on dict. Car c'estoit vn trafic tres-riche, & opulent, par ce que les Negres pour choses de petite valeur bailloient en eschâge de l'or à pleines.

mains. Il y auoit encor' entre ces deux Rois vne autre occasion de quereller, c'estoit à raison du Royaume de Castille, lequel le Roy de Portugal prétendoit estre sien, à cause de sa femme Ieanne, qui fut vne femme si excellente en son tēps, que la posterité en collaudera tousiours le nom. Mais ces querelles prindrent fin par la bataille que gaigna Ferdinand Roy de Castille contre ce Roy Alphonse à Temulos, pres la ville de Toro. Et quant à la mine de Guinee il la quicta aimant mieux guerroyer les Mores de Granade, que traffiquer avec les Negres de Guinee. Ainsi le Roy de Portugal demeura seigneur de ceste mine, & de tout ce qu'il pourroit cōquerir en l'Affrique au dela du destroit de Gibaltar, sur la grand mer. Ce qui estoit raisonnable: car le cōmencement de ces conquestes, fut par l'infant Dō Henry de Portugal, fils du Roy Dō Iean le Bastard, & maistre de l'ordre des Cheualiers d'Auis. Le Pape Alexandre 6. Valentinois, ayant entendu les descouuremens faicts de nouuelles terres, par ces deux Roys, & les differens qui s'estoient meuz entre eux pour la domination d'icelles de son propre mouuement, & de sa pure volonté dōna aux Roys de Castille, les Indes, & aux Rois de Portugal toute la coste d'Afrique, à la charge de conuertir les idolatres, & Gētils, à la foy de Iesus Christ. Et afin que l'vn n'entreprint rien sur l'autre cōmanda de tirer sur le globe vne ligne tombāre de la Tramōtane au Midy, qui passeroit vers le Ponent plus de 400. mil loing de l'vne des Isles du cap verd, à fin qu'elle ne touchast point sur l'Affrique, qui appartenoit au Roy de Portugal. Ceste ligne trāchoit en deux tout

le monde, & seruoit de borne aux côquestes de ces deux Rois. La partie qui estoit par delà la ligne estoit aux Espagnols, & celle de deça aux Portugais. Quand le Roy de Portugal D^ñ leã, secôd de ce nom eut leu la bulle & donatiô du Pape; encor' q['] ses Ambassadeurs eussent supplié sa saincteté de faire ainsi, si est ce neantmoins qu'il ne se peut contenir d'entrer en colere, & se tēpester pour telle diuision, se cōplaignant des Rois Catholiques qui couppoiet par là chemin à ses conquestes, victoires, & richesses. Il appella de ceste bulle, & demâda qu'outre les 400. mil, la ligne fut mise plus vers le Ponēt à 1200 mil, & aussi tost depescha des vaisseaux avec Pilotes, & Cosmographes experts pour costoyer, si estoit possible toute l'Afrique. Les Rois Catholiques Isabelle, & Ferdinand ayās le cœur genereux, ne feirent semblant aucun de telles plainctes: mais se proposerent parce qu'il estoit leur parent, & que ils auoient plus d'enuie de le cōseruer que de le ruiner, de luy cōplaire, & accorder ce qu'il demâdoit: & pour ceste cause enuoyerēt à leurs Ambassadeurs memoires pour en dresser vn accord deuant le Pape accordans qu'outre les 400. mil, la ligne seroit mise plus vers Ponēt à 1080. mil. Cecy fut depuis cōfirmé en la ville de Tordefiglias le 7. de Iuin, l'an 1494. Nos Rois pēsans perdre du pays par l'oëtroiy qu'ils auoient faict de ces 1080. mil, gaagnerent au contraire les Molucques, & plusieurs autres Isles tres-riches, & le Roy de Portugal par sa demande se trompa, ou fut deceu par les siens mesmes, qui ne sçauoiēt pas encor' où estoiet situées les isles des espiceries. Car il luy eust mieux vallu que ces 1080.

mil. luy eussent esté retranchées vers le Leuant tirant pres le Cap Verd : & encor' avec tout cela ie doute si les Moluques se fussent trouuees en la partie selon que comptent, & mesurent les pilotes, & Cosmographes. Voila comment ces Rois pour obuiuer à tous differens departirent entr'eux les Indes, avec l'autorité du Pape.

La seconde navigation aux Moluques.

Chap. 102.

A Pres que l'assemblée de Vadaioz eust esté rompue comme nous auons dict, & qu'on eust déclaré où se deuoit mettre la ligne, qui separoit les Portugais des Espagnols, l'Empereur feit dresser deux armées pour enuoyer aux Moluques l'une apres l'autre. Il enuoya semblablement Estienne Gomez avec vn nauire pour chercher vn destroit en la coste de Baccalos & de Labeur, qu'il promettoit trouuer, & qu'il disoit estre plus court chemin pour aller aux espices ainsi que nous auons recité en ce lieu. Il commanda aussi que la maison de ce trafic seroit establie à Corugna, encor' que la ville de Seuille s'y opposast, par ce que c'estoit vn bon port & tres-appropos aux vaisseaux qui reuenoient des Indes pour estre incontinent deschargez, à raison qu'il est plus pres de Flandre, d'Alemagne, & autres pays Septentrionaux, qui mangét force espices. On depescha donc à Corugna aux despens del'Empereur sept nauires qu'on feit venir de Biscaye, & les chargea-on de plusieurs marchandises, comme de roiles, de draps de merceries, d'armes, & d'artillerie. L'Empereur nomma Garzi Ioffre de Loaisa cheualier de l'ordre de S. Jean, natif de la ville Realles, ca-

pitaine general de ceste armée, & luy donna quatre cens cinquante Espagnols, desquels estoient capitaines Dom Roderic de Acugna, Dom George Manricho, Pierres de Vera, François Hozes de Cordube, & Gueuara, & enuoya pour grand pilote; & lieutenant du general Sebastien de Cauo. Le Cheualier Loaïsa feit le serment entre les mains du Cōte Dom Henand d'Andrada gouvernēur du Royaume de Galice, & les autres capitaines le firent entre les mains de Loaïsa, & chaque soldat entre les mains de son capitaine, & puis on beneit l'estendart Royal. Cela faict ils leuerēt les voiles avec vne allegresse grande, & partirent au moys de Septembre l'an 1525. Ils passerent le destroict de Magellan tous ensemble: mais aussi tost ils se desbanderent, & se diuiserent. Le plus petit vaisseau nommé Pataca, ou Pataxa vint surgir en la nouuelle Espagne, autres se perdirent par vne tempeste. Le General mourut sur mer au moys de Iuillet, & le moys de Ianuier ensuiuant 1527. son vaisseau nommé Victoire arriua à Tidoré, ou le Roy Raxamira, qui pour lors regnoit receut courtoisement les Espagnols, à fin qu'ils luy donnassent secours contre les Portugais, qui luy faisoient la guerre. Ferdinād de la Torre natif de Burgos feit incontinent bastir vne forteresse en Gilolo ayant avec soy cent cinquante Espagnols. Dom George Manricho vint prendre port en l'isle de Viceya: Le Roy de ceste isle nommé Cotoneo feignāt estre amy entra en son vaisseau avec quelque nombre de ses gens, & là le tua avec son frere Dō Diego les naurant avec glaives empoisonnez, & arresta tous les autres Espa-

gnols prisonniers. En Candiga vn autre vaisseau se perdit. En fin tous nos gés tōberent entre les mains de ces insulans, & des Portugais, desquels pour lors estoit capitaine Garzia Enriquez de Euora, qui faisoit la guerre de Terrenate, où il auoit vn fort, à Raxamira, & aux autres, qui ne se vouloient rendre au Roy de Portugal, ny moins luy dōner des espices. Nos gens sceurent là comme le vaisseau de Magellan nommé la Trinité, qui estoit demeuré à Tidore pour le racoustrer auoit prins la route de la nouuelle Espagne, & cōme cinq moys apres qu'il fut party il fut reiecté par vents contraires à Tidore meisme le capitaine d'iceluy se nommoit Spinosa. Quād il fut ainsi reiecté il trouua en ceste isle cinq vaisseaux Portugalois sous Antoine de Britto, qui luy enleua de son vaisseau iusques mille quintaux de cloux de girofle. Il veid là Gonzallo de Campos, Louis de Moline, & trois ou quatre autres qui estoient demourez avec Almanfor. Ce Britto enuoya prisonniers à Malaca quarante huiēt Espagnols, & demeura à Terrenate pour bastir vne forteresse. Ce fut vn acte qui meritoit bien estre chastié en Portugal quand on le sceut en Castille.

D'autres Espagnols, qui ont cherché l'espicerie.

chap. 103.

L'An 1528. Ferdinand Cortes par le commandement de l'Empereur enuoya de la nouuelle Espagne Aluaro de Saiauedra Ceron avec cent hommes, & deux vaisseaux pour chercher les Moluques, & autres Isles, qui portoient les espices, & autres richesses, & aussi pour trouuer vn passage plus court que celuy de Magellan, esperant en ou-

tre rencontrer des pays, ou Isles tresriches, mais iusques à present que ie sache on n'a rien descouvert de ce qu'il s'ymaginoit. Vn long temps apres l'an 1542. Dom Antoine de Mendoza Viceroy de Mexicque, enuoya le capitaine Villalobos du port de la Natiuité, qui est en la nouuelle Espagne. Cestuy-cy descouurit des Isles qu'il surnōma de Corral, où il feit ses besongnes: de là s'en alla à Mindanao, où auoit esté aussi Sejauedra Ceron, & puis fut à Tidore, & à Gilolo, ou il fut bien receu des Roys, qui aimoient mieux les Espagnols que les Portugais. Il perdit là par tempeste ses vaisseaux, & ses gens tomberent entre les mains des Portugais. En ce mesme temps Bernard de la Torre natif de Granade s'en retournant à la nouuelle Espagne recontra vn pays, qui duroit 2000. mil pres de l'Equinoxial des Negres, & apres des isles des blancs: Sebastien Gauoto l'an 1526. quand il retourna du fleuve de l'Argent comme i'ay desia dict, pensoit en ce voyage aller aux Molucques, & de là porter ses espices à Panama, ou à Nicaragua deuant cestui cy l'an mil cinq cens vn. Americ Vespuce par le commandemēt du Roy de Portugal alla chercher les Molucques avecques quatre carauelles, ce fut lors qu'il descouurit le cap de saint Augustin. Mais il n'arriua iamais où il pretendoit, mesme il ne paruint pas iusques au fleuve de la Plata. L'an 1534. Symon d'Alcazana alla aux Molucques avec deux cens quarante Espagnols, mais il ne sceut se comporter avec les siens, ny les gouverner, & ainsi fut massacré à coups de poingnard par douze de ses cōpagnons au cap de S. Dominicque, qui est quasi à

l'entree du destroiët de Magellan. L'annee suiuañte Dom Guiterrez de Vargas Euesque de Plaisance par le conseil de son coulin Dom Antioine, & pensant s'enrichir plus que les autres y enuoya des nauires, mais ils se perdirent tous auant qu'y arriuer. Il y en eut vn, qui outrepassa le destroiët, & vint surgir à Arequipa. Ce fut le premier qui attesta, & donna asseurance de la coste, qui est depuis le destroiët iusques à Arequipa du Peru. Il y en eut encor' d'autres, qui se hazarderët d'aller chercher ces isles par la Tramontane, entre autres Gaspar Cortes Reales, Sebastien Gauoto, & Estienne Gomez, ainsi que nous auons recité cy dessus.

Des passages qu'on pourroit essayer pour aller en plus brief temps aux Molucques. Chap. 104.

Comme ie discourois vn iour avec personnes, qui auoient long tēps hanté les Indes, & avec autres Cosinographes de la longue & penible nauigation, qui se fait d'Espagne aux Molucques par le destroiët de Magellā, nous descourisimes vn bō passage, encor' qu'il fut de coust, lequel non seulement seroit profitable, ains aussi apporteroit grand hōneur à celuy, qui le feroit faire. Ce passage se deueroit faire en la terre ferme des indes couppāt la terre d'une mer à l'autre en l'un de ces quatre endroits, ou par le fleue des Lefards, ou Cocodrilles qui est en la coste du Nō de Dieu, & prēd sa source à Cagre, qui n'est qu'à douze mil de Panama par où les chariots passent ordinairement. L'autre endroit est par le fleue de Xaguator, qui entre dedās le lac de Nicaragua, par leq̃l entrēt, & sortēt fort grādes barques, & le lac n'est pas plus de douze mil loin de

la mer. Par lequel que vous voudrez de ces fleuves, le passage est desia à demy fait. Il y a encor vn autre fleuve de la vraye Croix à Tecoantepec, par lequel ceux de la nouvelle Espagne font passer des barques d'une mer en l'autre. Du Nom de Dieu iusques à Panama on compte 51. mil, & du goulfre de Vraba iusques à celuy de S. Michel 75. ce sont les deux autres endroicts, & les plus difficiles à ouvrir pour les haultes montagnes, qui sont entre-deux. Il y a toutesfois des mains, qui les pourroient trancher, & en venir à bout. Qu'on me donne des gens pour besongner, & ie les rēdray faictz. Le courage ne default point quand les deniers ne defaillent: & ne scauroient defaillir, par ce que les Indes, à la commodité desquelles se feroient ces passages fourniront de deniers. Cecy se monstre impossible, mais pour vne nauigatiō des espiceries, pour la richesse des Indes, & pour vn Roy d'Espagne, il est possible. Il sembloit impossible, cōme à la verité il estoit de pouuoir abreger cent mil de tour de mer qu'on compte de Brindezze à la Vellone, si est-ce toutesfois que Pirrhe & Marc Varron l'essayerent pour aller par terre de Italie en Grece. Nicanor aussi commēcea bien à ouvrir plus de 300. mil de pays, sans compter les fleuves pour trouuer les moyens de faire transporter tousiours par eau les espices, & autres marchandises de la mer Caspic à la mer Majeur, autremēt dictē Ponticque, qui tombe à Constantinople: ce qu'il eust acheué comme il est vraysemblable si Ptolomee Ceran ne l'eust tué. Pour le traffic de mesmes espices Nicocles, Sef ostre, Darie, Ptolomee, & autres Roys ont essayé de ioindre la

mer rouge au Nil faifâs faire ouuerture avec le fer, affin qu'on amena de la grand mer Oceane en la mer Mediterranee toutes les marchādifes de Leuāt fans changer de vaisseaux. Ceste entreprisse eust esté par eux executee, & acheuee s'ils n'eussent eu peur que la mer eust inondé toute l'Egypte, ou qu'elle eust creué & emmené les digues & leuees, qui contiennēt le Nil, & que par-ce moyen elle n'eust aussi engloury le fleuue, sans lequel l'Egypte nevaudroit pas l'Arabie deserte. Si ce passage que nous auons remarqué se faisoit, on abregeroit ceste navigation des trois parts, & ceux, qui y iroient aux Moluques partans des Canaries suiuroient tousiours le Zodiaque, & vne route en laquelle ils n'endureroient aucunes froidures, & si passeroient tousiours par les mers, & pays, qui appartiennēt au Roy d'Espagne sans approcher des terres de leurs ennemis. Ce passage seruiroit mesme grandement à nos Indes, par-ce que les mesmes nauires, qui partiroiēt d'Espagne, passeroiēt par le Peru, & autres Prouinces, & en ce faisant on euiteroit de grādes despēses, & se soullageroit on de infinis trauaux, & dāgers.

Comme l'Espicerie fut engagee. Chap. 105.

LE Roy de Portugal Dom Iean troisieme de ce nom ayant entēdu que les Cosmographes Espagnols auoiēt marqué la raye de leur departemēt par où nous auons dict, & voyant qu'il ne pouuoit nyer la verité de ce faict, eut peur de perdre ceste negociation des espices, pour ceste cause il supplia l'Empereur de n'enuoyer point aux Moluqs Geofroy de Loaísa, ny Sebastie Gauoto, afin que les Espagnols ne s'afriaudassēt point apres ceste negocia-

tion des especeries, & qu'aussi ils ne veissent point, ny n'entendissent les maux qu'auoiēt faiēt les Portugais à ceux de Magellan en ces Isles. Il couuroit, & pallioit le mieux qu'il pouuoit le faiēt des siens, & si offroit de payer la despēce de ces deux armées. Mais il ne peut obtenir ce qu'il demandoit, par ce que l'Empereur estoit biē informé de tout. Vn peu de temps apres l'Empereur espousa Dame Isabelle seur de ce Roy de Portugal: & ce Roy reciproquement espousa dame Catherine seur de l'Empereur. Par telles alliāces le negoce de l'espicerie se refroidist vn peu, & le roy de Portugal poursuiuoit tousiours sa requeste offrant de beaux partis. L'Empereur sceut d'un Biscain, qui auoit suivi Magellan ce que les Portugais auoiēt faiēt aux Espagnols à Tidore, ce qui l'irrita grandement, & feit confronter ledit soldat aux Ambassadeurs de Portugal, qui le dementoient hardiment, l'un d'eux estoit capitaine general & gouuerneur en l'Indie quand les Portugais constituent prisonniers les Espagnols à Tidore, & desroberent le clou de girofle, la canelle, & autres marchandises qu'ils auoiēt dedās le vaisseau de la Trinité. Mais comme le Roy denioit fort cest acte, & qu'il n'estoit autrement verifié, estant l'Empereur d'autre part necessiteux, voulant neātmoins dresser vn grand apparat pour aller en Italie se faire couronner, il engagea l'an 1529. les Moluques, & tout le traffic de l'épicerie pour la sōme de 350000 ducats d'or sans adiouster à l'obligatiō aucun tēps, demeurant le proces en mesme estat qu'il estoit demouré au Pōt de Caia. Le Roy de Portugal chastia le docteur Azenedo de ce qu'il auoit p̄mis les

deniers sans terminer autrement l'obligation. Cest engagement fut fait en cachette, & en secret contre la volonté des Espagnols, auxquels l'Empereur se rapportoit de cet affaire, par ce que c'estoient personnages, qui entendoient bien le proffit, & la richesse de ceste negociation, qui pouuoient tous les ans, ou bien, qui pouuoient en deux, quatre, ou six voyages rendre plus de deniers que n'en bailloit le Roy de Portugal. Pierre Ruiz de Villegas estât appellé par deux foys à ce contract, l'une en la ville de Grenade, & l'autre à Madril disoit qu'il estoit plus expediënt engager la prouince de Stremadura, & la Serena, ou plus grand pays, que les Molucques. Samotra, Malaca, & autres riuieres Oriëntales trefriches, qui n'auoient pas encor' esté bien descouuertes, à cause que ces Prouinces se pouuoient avec le temps rachepter, ou par alliance se recouurer, mais que les autres n'estoient si faciles à r'auoir, par-ce qu'elles estoient situées bien loing de nous. Pour conclusion l'Empereur ne consideroit pas bien ce qu'il engageoit, & encor' moins le Roy de Portugal sçauoit ce qu'il prenoit. On a plusieurs foys depuis dict à l'Empereur qu'il desengageast ces isles, puisque par le gain de peu d'annees on pouuoit recueillir plus que n'auoit baillé le Roy de Portugal, & mesme l'an 1548. les procureurs de la Diette se trouuans à Valladolid voulurent demander à l'Empereur, qu'il donnast à ferme pour trois ans au Royaume ce traffic des espices à la charge qu'ils rembourceroient le Roy de Portugal des 350000. ducats qu'il auoit baillez, & qu'ils deschargeroient toutes les espices au port de la Coru-

gna, comme la maieſté auoit commandé au commencement, & les troys ans expirez la maieſté les continueroit, ou bien en iouiroit cōme elle voudroit, mais elle commāda de Flandres où pour lors elle eſtoit, que on ne parlaſt aucunement de cet affaire, ce qui rendit beaucoup de gens eſtonnez.

Comme les Portugais ont eu le traffic des eſpiceries.

Chap. 106.

LEs Portugais faiſans la guerre aux Mores du Royaume de Fez en Barbarie, commencerent à coſloyer, & guerroyer les frontieres de l'Afrique pres le deſtroict de Gibaltar vers la mer Oceane, & voyans que la guerre les fauoriſoit, ſ'employèrent à pourſuyure continuellemēt leur entreprinſe, ſpecialement Dom Henry fils du Roy, Dom Iean le baſtard: & premierement deſcouvrirent en la Guinee la mine d'or, & commencerēt à traffiquer avec les Negres, l'an 1475. Ce fut du tēps du Roy Dom Alphonſe cinquieſme du nom. Ceſtuy-cy voyant que ces armées flottoiēt par ceſte mer ſans aucune rencōtre ſe delibera d'enuoyer vne armée à la mer rouge, & emporter le traffic de l'eſpicerie. Mais deuāt que dreſſer ſes vaiſſeaux, pour eſtre mieux acertené il enuoya l'an 1487. Pierre de Conillan, & Alphonſe de Payua par terre en Leuant pour ſçauoir où eſtoient ſituez les pays, deſquels on apportoit les eſpices & medecines, qui venoient de l'Indie en la mer Mediterranee par la mer rouge. Il enuoya ces deux-cy par-ce qu'ils entendoient, & parloient fort bien la langue Arabicque, ſe deſiant du rapport que luy auoient faiēt d'autres qu'il auoit enuoyez ignorans ceſte langue. Il leur ſeit compter

3. LIVRE DE L'HIST.

argent, & leur donna lettres de creance, & vne carte, suiuant laquelle ils se deuoient gouuerner, laquelle auoit esté extraicte d'une mappemonde de Martin de Boheme par le docteur Calzadiglia Euesque de Viseo, & le docteur Roderic, par maistre Moyse, & Pierre de Alcazana: il leur donna vn memoire qui auoit esté à Christofle Colomb. Ils s'en allerent en Hierusalem, & au Caire, & de là à Aden, à Ormuz, à Calecut, & autres riches villes, & foires tant d'Ethiopie, Arabie, Perse, qu'Indie. Payua mourut incontinent allant par le costé qu'il auoit pris, & Conillā ne peut reuenir, par ce que le Prete Ieā le retint en sa cour, mais escriuit au Roy tout ce qu'il auoit entendu. Rabi, Abraham, & Ioseph de Lamego allerent en Perse, & enuoyerent nouuelles au Roy du trafic des espiceries. Il les feit retourner pour chercher Conillan. Ils rapporterēt ses lettres & tous ses aduertissemens. Le Roy Dom Iean second du nom, qui auoit succedé à Alфонse receut ces lettres, & l'an 1494. enuoya ses caruelles armées pour chercher l'espicerie, mais elles ne passerent point le cap de Bonne-esperance. L'an 1497. Vasco de Gama le passa, & arriua à Calecut, qui est vne ville, où se faiēt tref-grand trafic d'espiceries, & de medecines, qui estoit ce qu'ils cherchoient. Il chargea ses vaisseaux de ces marchandises à bō prix, & rapporta nouuelles avec grande admiration de la grandeur, & richesse de ceste ville, & du grād nombre de nauires, qui estoient au port. Il disoit y en auoir veu quinze cens, qui tous estoient là arriuez, pour le trafic de ces espices, mais il racōptoit qu'ils estoient petis, & qu'ils n'estoient point propres à faire

naugatiōs, s'ils n'auoient le vent droict en pouppe ny suffisans pour cōbarre contre nos vaisseaux. Ce qui dōna occasion aux Portugais de s'enhardir iusques là, que de entreprendre ceste negociation, il adioustoit encores qu'ils n'auoient point l'vsance de la calamité, & qu'ils n'auoient point de bonnes ancrs, ny voiles au respect des nostres. L'an 1500. le Roy dom Emanuel enuoya douze carauelles à Calecut soubz la charge de Pierre Aluarez, d'où il apporta en la ville de Lisbonne ceste negociation & depuis acquist Malaca estendant sa nauigation iusques à la coste de la Sina. Le Roy Dom Iean son fils à grandement amplifié ces nauigatiōs. Voila comment le traict des espiceries a esté apporté en Portugal, & comme par ce moyen a esté renouuëe, & mise à sus la nauigation qu'anciennemēt les Espagnols exerçoient en Ethiopie, Arabie, Perse, & autres villes d'Asie pour le faict de marchandise, & principalement, ainsi que ie croy, pour les espices, & medecines.

*Les Roys, & nations, qui ont iouy de trafic
des espiceries. Chap. 107.*

LEs Espagnols anciēnemēt apportoier par deçà, non pas en si grāde quantité cōme ils font au iourd'huy, les espiceries, & medecines de la mer rouge, Arabique, & Gagentique, portans par delà marchandises de nostre Espagne. Les Egyptiens ont iouy longuement de la negociation de ces espices, odeurs, medecines, & drogues Orientales, les acheptans des Arabes, Perses, Indiens & autres peuples de l'Asie, & les vendans aux Scythes, Allemands, Italiens, François, Grecs, Mores,

& autres peuples de l'Europe. Ce trafic valloit to^u les ans au Roy Ptolomee Auletes pere de Cleopatra douze talés, ainsi qu'escriit Strabon, qui vallent sept millions de nostre monnoye. Les Romains avec le Royaulme se saisirent de ceste negociation, qui depuis leur vallut beaucoup d'avantage : mais elle declina entre leurs mains avec leur Empire, & à la fin la perdirent depuis les marchans, qui pour gagner courent la mer, & la terre, apporterent ce trafic à Capha, & en quelques autres villes de Tanais : mais le travail, & la despense estoient fort grands, par-ce qu'il falloit apporter ces espices par le fleuve d'Inde au fleuve Oxo traufferant Bacter, qui estoit anciennemēt Bactriane, & d'Oxo, qu'aujourd'huy on appelle Camu, par chameaux les faillloit transporter en la mer Caspie, & de là on les dispersoit en plusieurs lieux, mais la plus grāde quantité venoit à Citraca, qui est située sur le fleuve de Rha appellé pour le present Volga, & ceux, qui y venoient estoient Armeniens, Medes, Parthes, Persiens, & autres nations. De Citraca le long du fleuve de Volga on les conduisoit en Tartarie, qui au parauāt s'appelloit Scythie, & puis de là on les apportoit par sommes de cheuaux à Capha, que les anciens nommoient Theodosia, & en autres ports pres de Tanais, où les alloient enleuer les Alemás, Latins, Grecs, Mores, & autres nations de nostre Europe : encor' n'y a pas long temps que les Venitiens, Geneuoys, & autres Chresttiés y alloient pour ce mesme trafic. Depuis de ceste mer Caspie on les apportoit à Trebizonde, les faisant descendre par le fleuve de Phasis, en la mer Ponticque : Mais ce

traict

traict s'est perdu avec l'Empire que les Turcs ont ruiné. Il n'y a encores guerres, & mesme cela ce continue pour le présent qu'on les apportoit par contremôt le fleuve d'Euphrates, qui tombe en la mer Persicque, & de là on les chargeoit sur des sommiers, qui les amenoient à Damas, Alepe, Barut, & autres ports de la mer Mediterrance. Les Souldans du Cayre ont autresfois ramené les espices en la mer rouge, & à Alexandrie par le moyen du Nil comme par le passé: mais non pas en si grâde abondance. Les Roys de Portugal iouissent maintenant de ceste negociation par la maniere que vous avez entendue, & en ont estably le siege à Lisbonne, & à Anvers non sans l'enuie de plusieurs meschans auaricieux, qui ont importuné le Turc, & autres Roys de leur enleuer ceste richesse, & leur donner empeschement, mais avec l'ayde de Dieu ils n'ont peu venir à bout de leur attente. Paul Centurion Geneuoys s'en alla expres à Moscouie l'an 1520. pour persuader au Roy Basile qu'il entreprist ceste negociation, luy promettant de grandissimes gains avec peu de despense, mais le Roy ne voulut seulement l'essayer, c'estoit bien loing de faire ce que l'autre disoit, ayant entendu les longs, & penibles voyages qu'il conueuoit faire. Car il falloit amener premierement ceste marchandise par la riuere d'Inde en Bata, & de là sur des chameaux la transporter sur le fleuve de Camu, & par ce fleuve la cōduire à Estraua, & puis à Citraca, qui sont tous situez aux deux extremittez de la mer Caspie: de Citraca les failloit amener par le fleuve Vloga dedans le grand fleuve Occa, & de ce fleuve entrer dedans

celuy de Moscouie. Et la grand peine, qui estoit en cecy, c'est qu'il faillloit tousiours monter contre-mont par les plus grands fleuues, qui sont Inde, Volga, & Occa. Et apres estre entré dedans le fleuue Moscouu, on descendoit iusques à la ville de Moscouie, & de là les faillloit porter par son pays à la mer Germanique, & Venedique, où sont situees Ribalie, Rigue, Dantzic, Rostoc, & Lubec, qui sont villes de Liuonie, Polonie, Frisie, & Saxongne, où demeurent des peuples, qui consomment fort de telle marchandise, en leur viure. Les espices qu'on apporteroit par ceste voye seroiét bié plustost corrompues, & esuëtes, que non pas celles, qui viennent par les carauelles de Portugal, qui ne sont aucunement manices depuis qu'elles sont chargees en l'Indie iusques à ce qu'elles soient arriuees en Lisbonne. Je ne dis pas cecy sans cause: car ce Geneuoys vouloit faire acroire le contraire. Solyman le grand seigneur a mis peine aussi de chasser les Portugalois hors d'Arabie, & de l'Indie, pour se saisir de ceste trafficque, mais il n'a peu encor' que par mesme moyen il se soit efforcé d'endommager les Perses, & d'estendre ses armes, & son nom en ces quartiers pour les intimider. Il y enuoya Solyman Eunucque Bassa, qui de la mer Mediterrancee feit passer par le Nil ses galeres iusques aupres du Caire, & de là par chameaux les feit transporter par pieces en la mer Rouge, & l'an 1537. avec son armee assigea la ville de Dio pres le fleuue d'Inde, & la battit furieusement, mais ne la peut prendre, parce que les Portugais la deffendirent valeureusement faisant merueilles par mer, & par terre. Ce Bassa

estoit peureux, & d'un petit courage, mais au lieu trescruel. Il porta en Constantinople à son retour les oreilles, & les nez des Portugais, qu'il avoit tuez, pensant se monstrier par là vaillant, & courageux, ce ne fut qu'un œuvre, & un acte digne d'une beste brute.

LIVRE QUATRIÈME

DE L'HISTOIRE GÉNÉRALE des Indes.

Comme le grand Royaume du Peru fut descouvert.

Chap.

108.



En 5200. mil, qui sont de coste en coste depuis le destroit de Magellan iusques au fleuve du Peru, il y en a 2000. qui sont à compter depuis le destroit iusques à Cirinara, où chili, qui ont esté descouverts par une galiote de dom Gutierrez de Vargas Euesque de Plaisance en Espagne l'an 1544. Les autres mil ont esté par plusieurs annees descouverts par François Pizarre, Diego d'Almagro, & par leurs capitaines, & soldats. Pour descrire ce descouvrement, & ces conquestes i'eusse bien voulu suiure l'ordre que i'ay observé iusques

icy parlant des guerres, qui ont esté faictes en ce pays en chasque coste, & contree, gardant l'ordre de Geographie : mais pour ne repeter point vne chose plusieurs fois ie laisse maintenant ce style, & prens l'ordre d'un historiographe. Je dis doncques qu'estant Pedrarias d'Avila gouverneur de Castille del'Or, & residant pour lors à Panama, il y eut quelques habitans de ceste ville auares, ou bien conuoiteux de chercher, & descouvrir nouueaux pays, desquels aucuns vouloient aller vers le Leuât au fleuve du Peru, pour descouvrir les regions, qui sont situées sous l'Equinoxial, s'imaginans de grandes richesses : les autres vouloient aller vers le Ponent au pays de Nicaragua, qui auoit bruit d'estre riche, & d'estre embelly de beaux iardins garnis de bons fruiçts, ainsi qu'auoit rapporté Vasco Nunez de Valuo, qui pour ce mesme faict auoit dressé quatre nauires. Pedrarias tendoit plus à Nicaragua que vers l'Orient, & y enuoya ces quatre nauires, comme nous dirôs cy apres. Diego d'Almagro, & François Pizarre, qui estoient riches, & qui estoient des premiers habitans de ce pays s'associerent avec Hernand Luche seigneur de la Tauoga maistre d'escolle, qui est vne dignité en l'Eglise de la ville de Panama, c'estoit un prestre riche, lequel pour ceste cause on surnomme depuis Pazzo, c'est à dire fol, & insensé, par-ce qu'il ne peut se contenir en ses richesses. Ces trois iurerent de ne se departir de leur societé pour quelque despense, qu'il conuientroit faire, ny pour perte quelconque, qui pourroit aduenir, & qu'ils departiroient esgalement le gain, les richesses, & pays qu'ils descouueroient, &

conquesteroient tous ensemble, où à part. Aucuns disent que Pedrarias d'Auila entra en ceste société, mais qu'il en sortit deuant qu'on eust rien entrepris, pour les mauuaises nouuelles q̄ luy apporrayn de ses capitaines nommé François Vezerra, des pays, qui sont sous la ligne. Ceste société ainsi concludue s'accorderent que François Pizarre iroit descouvrir pays, & que Hernand Luche demeureroit pour auoir le soing des biens, & possessions d'un chascun, & que Diego d'Almagro auroit la charge de fournir de soldats, d'armes, & de munitions, & autres choses requises pour Pizarre en quelque contree qu'il fust, & qu'il pourroit aussi faire quelques conquestes selon que les moyens & occasions se presenteroient. François Pizarre doncques, & Diego d'Almagro partirent avec le congé du gouuerneur Pedrarias, comme aucuns veulent dire, l'an 1525. Pizarre partit le premier avec 114. hommes en vn vaisseau : il flotta iusques à 400. mil, & voulant prendre terre il fut assailly par les habitants, & blecé en sept endroits de son corps de coups de flesches : ce qu'il le feit retourner à Cianciana, qui est pres de Panama. Almagro, qui estoit demeuré derriere pour auoir vn vaisseau s'en alla avec 70. Espagnols en vn fleuve, qu'il surnomma saint Iean, où il eut deux mille pesans d'or: il meit pied à terre, & par quelques signes il eut cognoissance que les Espagnols auoient ja esté là, & puis s'en alla au lieu où fut blecé Pizarre, où il receut vne aussi mauuaise aduenture que son compagnon : car en combattant il eut vn œil poché, & par despit brusla leur ville, & s'en retourna à Panama, pensant que

Pizarre eust aussi faict là sa retraicte mais ayant entendu qu'il estoit à Cianiama, il sy en alla aussi tost pour aduiser ensemblement du retour qu'ils deuoient faire au pays qu'ils auoient descouuert, par ce que le pays estoit beau, & enrichy de mines d'or. Ils rassemblerent là iusques à deux cens Espagnols, & quelques Indiens de sernice. Ils s'embarquerent tous en leurs deux vaisseaux, & en trois grandes Canoas qu'ils feirent faire, ils flotterent avec grande peine, & trauail, & non sans grand danger des courantes, qui regnent en ce quartier là, à cause du vent de Midy, qui quasi continuellement souffle par ces riuieres. Mais à la fin ils prindrent terre en vne coste presque toute submergee, estant couuerte de fleuves, & paluz, & si aquatique, & fangeuse qu'il estoit quasi impossible à ceux, qui meritoiēt le pied à terre de se sauuer. Les habitans de ce pays viuent sur les arbres, ce sont gens guerriers, & courageux, aussi defendirent-ils brauement leurs pays, & tuerent grand nombre d'Espagnols. Ils accouroient à si grande affluence avec leurs armes que la riue estoit toute couuerte, ils crioient apres noz gens, les appellans enfans de l'escume de la mer, gens sans pere, hommes sans repos, qui ne se peuent arrester en aucun lieu pour cultiuer la terre pour auoir à manger. Ils disoient en outre qu'ils ne vouloient receuoir en leurs pays personnes, qui eussent du poil au visage, ne qui fussent si bragards, & si mignōs, afin qu'ils ne corrompissent point leurs saintes, & anciennes coutumes. Ces habitans estoient idolatres, & fort addonnez à la Sodomie, qui estoit cause qu'ils trai-

Étoient mal leurs femmes. Ils sont laid de visage, ayans le nez outrageusement grand, & sont mal gracieux en leur parler, parlans du gosier. Les femmes portent sur leurs têtes des cœuurechefs, & banderolles de coton, & des aneaux. Les hommes vestent vne camisole si courte qu'elle ne couvre pas leurs parties honteuses, ils portent leurs cheveux comme font les moynes, sinon qu'ils coupent entièrement tous les cheveux de deuant, & ceux de derriere laissant croistre ceux des costez, ils portent en leur nez, & oreilles des esmeraudes Turquoises, & autres pierres blanches, & rouges avec filets d'or. Pizarre, & Almagro desiroient conquerir ce pays pour l'apparence qu'il voyoit d'or, & de ioyaux: mais la faim, & la guerre leur ayant fait perdre beaucoup de leurs gens ne pouvoient en venir à bout sans nouveau secours. Almagro s'en retourna à Panama pour querir quatre vingts Espagnols, par le moyé desquels & de quelques provisions qu'il apporta il feit reprendre courage à ces pauvres fameliques, & quasi morts de faim, qui estoient restez. Il s'estoyent maintenuz plusieurs iours avec des dattes ameres, & avec du poisson, & avec vn fruit, qu'ils appellent manglari, qui est sans suc, & saveur, & si on ne le garde aucunement il est amer, & salé. Ces arbres naissent sur la mer, & mesme dedans la mer, & en terre salée, le fruit est gros, & à la feuille petite & verte au possible, ils sont fort haults, droicts & forts, & pour ceste cause on en fait des arbres de navires.

Continuation du descouvrement du Peru.

Chap. 109.

y iij

Les Espagnols estoient si flagues, & si esperduz parmy ces manglari, & se sentoient si foibles au prix des habitans de ce pays, que mesme avec ces quatre vingts soldats, qui estoient freschement venuz, ils n'osoient leur faire la guerre, ains trouuerent plus expedient pour eux de desloger incontinent, & se retirer à Catamez, qui est vn pays, qui au lieu de manglari, est bien pourueu de bon maiz, & d'autres prouisions: aussi il restaura la vie à plusieurs, & fut cause de donner grande resiouissance à toute l'armee, par-ce que les habitans de là auoient leurs visages tous macquetez d'or, estant telle leur coustume de se percer le visage en plusieurs endroits, & mettre dedans les trouz des grains d'or, où des turquoises, ou esmeraudes fines. Pizarre, & Almagro voyans si bon pays pensoient veoir la fin de leurs traualx, & se faire les plus riches Espagnols de tous ceux, qui eussent iamais esté en ces Indes, & ne se pouuoient contenir pour le grand aise qu'eux, & les leurs auoient. Mais ceste resiouissance ne dura gueres, & fut abbatue par vne grande multitude d'Indiens armez, qui sortirent contre eux, ils n'oserent les soustenir, ny moins les attendre. Parquoy s'accorderent qu'Almagro retourneroit à Panama pour leuer gens, & Pizarre l'attendroit en l'Isle du Coq. Tous les Espagnols estoient en si grande frayeur, & si mal contens, qu'ils ne songeoient tous qu'à retourner à Panama, renians le Peru, & toute la richesse de l'Equinoxial, & eussent bien voulu retourner avec Almagro. Mais on n'en voulut laisser aller aucun que ceux qu'Almagro auoit choiziz pour mener avec soy, &

ne voulut-on qu'aucun de ceux, qui restoiēt, escri-
uit à leurs amis, afin que par leurs lettres ils ne don-
nassent point de mauvais bruit à ce pais, & que par
ce moyē ils ne destournassent le cueur de ceux, qui
voudroiēt y venir pour dōner secours. Mais on ne
peut celer aux habitās de Panama les travaux, & les
aduersitez, qui estoιēt auenues à nos gēs en ce pais,
par ce qu'il fut impossible d'ēpēcher que quelques
lettres ne se desliobassent, par lesquelles aucuns se
plaignoient aigrement des travaux excessifs qu'on
leur faisoit endurer par delà. Entr'autres on mar-
que Sarauia de Truligio, qui escriuit ces nouvelles
à Pasqual d'Angoya, & enuoya ses lettres (ausquel-
les plusieurs auoient soubz-signé) cachees dedans
vne balle de cotton, feignant luy enuoyer ce cot-
ton pour luy faire vne mante par ce qu'il estoit
nud, ayant ja consommé, tous ses habillemens.
Autres disent que ce fut Antoine Quadrado, qui
escriuit ces lettres, & qu'elles estoιēt signees de qua-
rante, & qu'il les enuoyoit à Pierre de Los rios. Ces
lettres cōtenoient vn lōg discours de tous les maux
& travaux, qu'ils auoient souffers en ce descōure-
urement, & combien y auoit de soldats miserable-
ment morts, & comme les capitaines par force les
empeschoient de retourner. La conclusion de la
lettre estoit qu'ils prioient que le gouuerneur com-
mandast, qu'on ne les retint plus en ce lieu par for-
ce, & au bas de la lettre ils mērent ces vers.

*Nous tous vous prions, Monsieur nōstre gouuerneur,
Que vusille le tout soigneusement esplucher,
Et croire que vers vous s'en va vn amasseur,
Pendant que par deca nous reste le boncher.*

Pour lors estoit venu à Panama pour Gouverneur, quand Almagro y arriua, Pierre de Los Rios, lequel donna charge à vn sien domestique nommé Tafur d'aller où estoit Pizarre, & luy commander, sur griefues peines, qu'il eust à laisser reuenir librement ceux qui estoient avec luy. Aussi-tost que ceux qui estoient avec Almagro prest à retourner, eurent entendu la volonté du gouverneur, s'escarterent tous, & abandonnerent leur capitaine: autant en firent les soldats de Pizarre, excepté Barthelemy Ruiz de Moguer son pilote, & autres douze, entre lesquels estoit Pierre de Candie Grec natif de ceste Isle. On ne pourroit dire quels desplaisirs receut Pizarre en ce faict: il promeit monts & merucilles à ceux qui resterent avec luy, les louant cōme bons fides, & constans amis. Se voyant ainsi en si petit nombre, se retira en vne Isle toute depeuplee loing de terre 24. mil, & l'appella Gorgone. Il y auoit en icelle force fontaines, & ruisleaux d'une eau belle, & claire, de laquelle ils se sustenterēt sans aucun pain, mangeans au lieu des cigalles de terre, & de mer, des serpens grands, & tout ce qu'ils pouuoient pescher, iusques à ce que le vaisseau d'Almagro fust reuenu de Panama, qui les rafreschist, & de gens, & de viures. Aussi tost que ce vaisseau fut arriué Pizarre s'en alla à Motupec, qui est pres de Tangarara, & de là s'en alla au fleuve de Cira, où il print quelques bestes sauues pour manger, & quelques hommes pour se seruir de truchement parmy le peuple qu'ils appellent Pohecios: Il feit puis apres descendre à terre Pierre de Candie à Tōbez pour veoir le pays. Il reuint tout esmerueillé

des richesses, qu'il auoit veuës en la maison d'Atabalipa : qui fut vne nouuelle, qui resiouit grandement toute la compagnee. Pizarre voyant qu'il auoit decouuert vn pays, & vne richesse telle qu'il desiroit, se retira incontinent à Panama, pour de là s'en retourner en Espagne demander à l'Empereur le gouuernement du Peru. Deux Espagnols demurerent en ce pays, ie ne sçay si ce fut par le commandement de Pizarre, à fin qu'ils apprinsent la lague, & les secrets du pays, ou bien si auarice les y retint : mais ie sçay fort bien qu'ils furent tuez, & mangez par ces Indiens. François Pizarre fut plus de trois ans à faire ce descouurement, non sans endurer de grands traux, & se mettre en des dangers perilleux, endurant faim, & encor' au bout de tout cela receuant des broquarts, & mocqueries.

Comme Francois Pizarre fut fait Gouverneur du Peru.

Chap. 110.

Pizarre estant arriué à Panama communiqua à Almagro, & Luché, la bonté, & richesse de Tōbez, & du fleuve de Cira. Ils furent tres-aisés de ceste nouuelle, & luy donnerent, pour fournir aux frais de son voyage mil pesans d'or. Ils emprunterent vne bonne partie de ceste somme : car encore que ces trois fussent les plus riches habitans de ceste ville, si deuindrent ils pauvres pour les grandes despeses qu'ils auoient faites durant ces trois ans au descouurement du Peru. Pizarre estant venu en Espagne presenta au conseil des Indes le rapport de tout ce qu'il auoit descouuert, & demanda le gouuernement du Royaume du Peru, remonstrant les despeses qu'il auoit faites. L'Empereur l'esleut

Adelantado, & capitaine general, & gouuerneur, du Peru, & de la nouuelle Castille, vsant de ce nō, afin qu'il nommast de ce nom toutes les terres qu'il descouuriroit. Pizarre promet a l'Empereur luy decourir de grands Royaumes, & richesses pour les tiltres qu'il luy donnoit. Il faisoit ces richesses plus grādes qu'il ne sçauoit, encor qu'il ne les amplifiast pas tant comme à la verité elles estoient, afin qu'il attirast d'auātage de gēs avec soy: Il s'ēbarqua pour s'en retourner, acōpagné de quatre de ses freres qui estoient Ferdinād, Iean, Gōzalle, & François, Martin d'Alcātara frere de mere: Ferdinād estoit seul legitime, Gōzalle, & Iean estoient freres d'vne autre mere. Ces Pizares entrerēt à Panama en grād' pōpe. Mais ils ne furent guere biē receuz d'Almagro, qui se cōplaignoit fort de Pizarre de ce qu'estant son ami si intime, il l'auoit exclus, & priué des hōneurs & tiltres, qu'il auoit prins pour luy seul, ce qu'il ne deuoit pas faire, attēdu qu'ils auoient esté cōpagnōs, en despence, & que pour ceste cause ils deuoient aussi estre compagnons au gain, entre lequel il estimoit l'honneur, duquel il se voyoit priué, puis qu'il ne luy restoit lieu où commander, ny à gouuerner. Et encores ce qui le fachoit le plus, estoit que Pizarre n'auoit point recité à l'Empereur comme en ceste execution il auoit perdu vn œil, & consommé la plus-part de son bien, &ourny la plus grand part des deniers, qu'auoient esté despendus en ceste entreprinse, & quant à luy il disoit qu'il aymoit mieux l'honneur, que les deniers. François Pizarre se deschargeoit le mieux qu'il pouuoit, disant que l'Empereur auoit vou-

lu à luy seul departir tels honneurs, & que mesme il ne l'auoit point voulu faire grand Preuost de Tombez encores qu'il l'en eust supplié, & au reste il promettoit de luy moyenner vn autre gouuernement au mesme pays, & renoncer à son proffit à l'estat d'Adelantado, & luy promettoit ne se departir de la société qu'ils auoient faicte ensemble, & luy remonstroit que demeurâs compagnons comme deuant il estoit luy mesme gouuerneur, & que par-ce moyen il pouuoit commander & disposer de tout à s^{on} plaisir. Mais Almagro ne pouuoit s'appaiser avec tout cela, tant estoit grand le courroux, & la haine qu'il pensoit auoir cōceüe avec vne iuste occasion, & estimoit le dire de Pizarre n'estre que des pures parolles simples, & sans effet. Le peu de bié, qui estoit resté de leur société, estoit être les mains, & n'en vouloit rien departir à Pizarre qui estoit cause que luy, & ses freres, qui faisoient grâde despence, & auoient peu de deniers estoient tōbez en grande necessité. Ferdinand Pizarre qui estoit l'aîné de tous, ne pouuoit endurer patiemment ce cy, & en donnoit toute la coulpe à Almagro, reprenant le Gouuerneur son frere de ce qu'il en enduroit tant, & irritât ses autres freres, & plusieurs autres contre luy. De là sourdist vne perpetuelle haine entre Almagro, & Ferdinand Pizarre, & nō contre ses autres freres, qui estoient doux, traictables, & amiables, François Pizarre desiroit grandement retourner en grace avec Almagro, par-ce que sans luy il ne pouuoit aller en s^{on} gouuernement si tost, ne si honorablement, ny avec telle esperâce d'y profiter, cōme il eut bien voulu. Il chercha les

moyés pour se recôcilier, plusieurs s'entremeirént
 faire l'accord, principalement ceux qui estoïent fres-
 chement venus d'Espagne qui auoient desia man-
 gé tout iusques à leur cappe. A la fin ils s'accorde-
 rent par le moyen d'Antoine de la Gama iuge de
 residence. Almagro donna sept cens pesans d'or, &
 les armes, & viures qu'il auoit, & Pizarre feit voile
 avec le plus de soldats, & de cheuaux qu'il peut
 amasser en deux vaisseaux. Il eut des vents contrai-
 res deuant qu'arriuer à Tombez. Il desbarqua en la
 terre du Peru, de laquelle ont prins nom ces gran-
 des, & tresriches Prouinces, qui sont situees en ce
 quartier là, qui depuis ont esté descouuertes, & cō-
 quises. Celuy, qui premier eut nouuelles du fleue
 du Peru, s'appelloit François Vezerra Capitaine de
 Pedrarias d'Auila. Il apprint les nouuelles quand
 partant de Comagre, avec cent cinquante Espa-
 gnols, il arriua à la poincte de Puguas. Mais il ne
 voulut autremét s'en approcher, parce qu'ô luy dist
 que le pays du Peru estoit rude, & que les habitans
 estoient belliqueux. Aucuns disent que Valuo a eut
 le premier aduertissement comme ce pays du Pe-
 ru estoit bien garny d'or, & desineraudes, soit que
 ce soit, si est-il bien certain qu'il y auoit desja grād
 bruiet du Peru à Panama, quand Pizarre, & Alma-
 gro feirent l'entreprinse d'y aller. Le pays, où Pi-
 zarre descendit, estoit si mauuais qu'il ne voulut
 demeurer là. Il se mit à suiure la coste par terre:
 mais elle estoit si aspre que les hommes se gastoïent
 & rompoient les pieds à marcher, & les cheuaux
 se defferroient, & qui pis est, plusieurs qui ne sça-
 uoient pas nager, se noyoient en passant des fleu-

nes, qui sont fort frequens en ce pays, par ce que pour lors ils estoient fort enfléz. Pizarre, ainsi que on dict faisoit en cela office de bon Capitaine, car luy mesme passoit sur ses espauls ceux qui estoient malades, qui n'estoient pas en petit nombre, par ce qu'avec le changement d'air, vne bonne partie de la troupe estoit deuenüe malade, joint aussi qu'ils enduroient la faim. Cheminans en ceste sorte ils arriuerēt à Coaché, qui est vne ville riche, & bié pour ueuë, où ils se rafreschirent, & eurent bonne quantité d'or, & des esineraudes, desquelles il en rôpirēt quelques vnes pour essayer si elles estoient fines: car ils trouuoïēt plusieurs pierres faulses de semblable couleur. A peine auoient ils mis fin à leurs malheurs quād il leur aduint vn nouveau, & vilain mal, qu'ils apelloïēt des poireaux. Ce mal ainsi que il les tourmentoît, & leur faisoit vne douleur grāde estoit pire que le mal Frāçois. Ces poireaux leur venoïēt sur les sourcils, & paupieres, au nez, aux oreilles, & en autres lieux du visage, & du corps, & sortoïēt gros cōme noix, & pleins de sang: C'estoit vn mal, auquel pour la nouveauté ils ne pouuoïēt encor' remedier. Se voyās si mal traictez, ils depitroïēt le pays, & celuy qui les y auoïēt amenez. mais n'ayās avec qui retourner à Panama, ils supportoient leur fortune, & calamité le mieux qu'ils pouuoient. Pizarre, encor' que pour l'amour de ceste maladie il veit ses compagnōs mourir, ne voulut neantmoins abandonner son entreprinse: ains enuoya vingt mil pefās d'or à Almagro, à fin qu'il luy enuoyast de Panama, & de Nicaragua autāt de soldats, d'armes, cheuaux, & viures qu'il pourroit, & aussi afin q par

vn mesme moyen il donnaſt aduertissement de la bonté, & richesse de ce pays, qui autrement auoit vn tresmauuuais bruiet. Il s'achemina encores depuis ceste depesche iusques au Port Vieil, combattant quelquesfois avecques les Indiens, autresfois faisant bien les besongnes par eschanges de ces petites denrees de merceries. Estant, Sebastian de Venalcazar, & Iean Fernandez y arriuerent, amenans avec eux de Nicaragua, gens & cheuaux, qui resiouirent grandement la compagnee, & donnerent grãd secours pour pacifier la coste de ce Port vieil.

La guerre que feit Faancois Pizarre en l'isle de la Puna.

Chap. 3.

LEs truchemens de Pizarre nommez Philippes & François qui estoient natifs du pays de Pohecios, luy dirent qu'il y auoit là aupres l'isle de la Puna, tresriche & garnie d'hommes belliqueux, Pizarre se voyant auoir bon nombre d'Espagnols delibera d'y aller, & pour cest effect, commanda aux indiens de faire deux grans vaisseaux, que nous appellons bacs, pour passer les cheuaux, & les gés. Ces bacs se font de cinq, sept ou neuf longues traines legieres à la forme de la main, par ce qu'il faut que le bois du milieu soit plus long que les autres pieces des costez, qui aussi doiuent estre plus courtes les vnes que les autres, ainsi que sont disposez les doigts de nostre main. Ces vaisseaux sont plats, & volontiers attachez. On se sert ordinairement de tels vaisseaux pour passer de terre ferme en quelque isle. Les Indiens vouloient couper les cables de ces bacs pour noyer les Chrestiens, ainsi que rapporterent les truchemens, & pour ceste cause Pizarre

zarré cōmanda aux Espagnols qu'ils tinssent leurs
espees desgainees pour donner peur aux Indiens.
Pizarre fut honnestement & paisiblement receu
par le gouverneur de ceste isle: mais vn peu de iours
apres il delibera de massacrer tous les Espagnols,
pour ce qu'ils faisoient à leurs femmes & à leurs
biens. Ceste deliberation estant descouverte par
Pizarre, il le print incontinct sans faire aucū bruit.
Ceux de l'isle fachez de voir leur gouverneur pri-
sonnier assiegerēt l'ost des Chrestiens, menaçans de
les tuer s'ils ne leur rēdoient leur gouverneur & leurs
biens. Mais Pizarre ne s'estonnant aucunement de
telles menaces fait ranger ses gens en bataille, &
commanda à quelques cheuaux d'aller secourir les
bacs que les Indiens assailloient. Les Indiens com-
battoient courageusement, & pour leur gouverneur
& pour leurs biens, mais ils furent vaincus avec leur
grand perte. Il y eut des leurs grand nōbre de tuez
& beaucoup de blecez: il y eut quatre Espagnols
tuez & quelques vns blecez, entr'autres Ferdinād
Pizarre, qui fut frappé au genoil. Ceste victoire ap-
porta grand butin d'or, & d'autres biens à nos gēs.
Pizarre sur le champ departit ce butin entre ses cō-
pagnons qui pour lors estoient la afin que puis a-
pres ceux qui venoient de Nicaragua, sous Ferdi-
nand de Sotto, ne luy en demandassent point part.
Après ceste conqueste noz gens commencerent à
rôber malades, à cause de l'air de ce pays. Pour ce-
ste cause, ioinct aussi que les habitans de ceste isle
se retiroient par le moyen de noz bacs qu'ils auoient
gaignez dedās des māglari sans faire paix ne guer-
re, Pizarre conclud de se retirer à Tōbez, qui estoit.

là aupres. Mais auât que d'escire ce qui luy aduint là, il sera plus conuenable de ne passer ainsi legèrement de ceste isle, sans en dire quelque chose, attêdu mesme que Pizarre eut là les premieres nouuelles du Roy Arab. Ceste isle, donc a 48. mil de tour, & est loing de Tombez autant. Elle estoit fort peuplee, & bié garnie de bestes faulues, & de cheureuls. Les habitâs s'adônoient fort à pescher, & à chasser, ils estoient courageux, & tresadextres à la guerre, & crains, & redoutez de leurs voisins. Ils combatoiêt avec des frondes, dards, haches, d'argent, & de brôze, & picques, qui au lieu de fer auoient au bout de l'or. Ils se vestent de toiles de cotton teintes en diuerses couleurs. Les hômes au lieu de bonnet portent sur leur teste certaines choses, qui ressemblent à coiffes de fil de plusieurs couleurs. Ils portêt aussi force aneaux, pendans, & autres ioyaux, d'or, & de pierres fines côme aussi font les fêmes. Ils auoient plusieurs vaisseaux d'or, & d'argêt pour leur mesnage. On trouua vne nouueauté assez inhumaine en ceste isle, c'est que le gouuerneur, côme estât ialoux faisoit couper les nez, & les membres, & mesmes les bras aux seruiteurs, qui gardoient & seruoient ses femmes.

*La guerre de Tombez, & le peuplement de S. Michel
de Tangarara. Chap. 112.*

Pizarre trouua en l'Isle de la Puna plus de six cês personnes, de Tombez qui estoient prisonniers, & à ce qu'on pouuoit veoir estoient du Roy Attabalipa, qui l'annee de deuant auoit mis son armee sus, pour enleuer ceste Isle hors de la puissance de son frere Guascar, & pour cest effect a-

uoit faict dresser grand nombre de bacs pour passer son grand exercite. Le gouuerneur, qui estoit là pour Guascar, Yuga, & Seigneur de tous ces Royaumes, feit mettre en armés tous les habitans de l'Isle, & en meit vne bonne part dedans des bacs, & les feit aller à l'encontre l'armee d'Attabalipa: il y eut vne forte, & roide bataille, en laquelle Guascar fut vainqueur, par-ce que ses gens estoient plus adextres sur mer que ses ennemis, & aussi à cause qu'Attabalipa fut fort nauré en vne cuisse en combatant, & fallut qu'il se retirast de la presse, & s'en allast à Caxamalca pour se faire penser, & aussi pour ramasser ses gés, & en leuer de frais, pour les mener en la ville de Cuzco, où sō frere Guascar auoit vne grāde armee. Quand le gouuerneur de la Puna eust esté aduertý de la retraicte de ses ennemis, il s'en alla à Tóbez, laquelle il saccagea, Ces dissentions, & discordes, qui estoient entre ces deux freres Seigneurs de tout ces pais, ne déspleurent gueres à Pizarre, ny à ses compagnons: car ils voyoient bien que c'estoit vn moyen d'entrer plus auāt en pays. Et pour ceste cause Pizarre se delibera de gagner la volōté, & affection de quelqu'un: & trouuāt plus à main le Roy Attabalipa pour luy gratifier: il enuoya à Tombez ces six cens prisonniers qui luy promettoient d'estre moyen pour estre bien venu & receu par tout. Mais se voyans libres, proposerent incōtinent leur promesse, & obligation à leur liberré, & avecques grandes persuations inciterent le peuple cōtre luy. Pizarre ne pēsant point à la trahison de ceux cy, feit embarquer ses gés en ses nauires pour aller à Tóbez. Il enuoya deuāt trois Espagnols avec

quelques Indiens dedans vn bac pour demander paix, & entree. Ceux de Tombez receurent ces Espagnols en grande deuotion, & les meirent aussi tost entre les mains de leurs Prestres, afin qu'ils les sacrifiassent à vn certain idole du Soleil nommé Guaca, pleürans non point par compassion, mais seulement suivant la coustume qu'ils ont de pleurer deuant cest Idole Guaca, aussi Guaca en leur lāgue signifie plaincte, & gemissement, & Guay est vne voix des petis enfā, qui ne font gueres que de naistre. Quand les nauires arriuerent, il n'y auoit aucuns bacs pour sortir en terre, car les Indiens les auoient tous tirez par deuers eux. Pizarre toutesfo is les voyans en armes se jettā dedans vn bac qu'il auoit avecques six cheuaux seulement, parce que le lieu, ny le temps ne permettoient d'en pouoir mettre à terre d'auantage, & mesme ces six cheuaux ne peurent toute la nuit prendre terre, & furent fort mouillez; par ce qu'il faisoit lors vne grande tempeste, & comme ils approchoient de terre le bac se tourna en arriere, ne seachans le gouverner. Le iour ensuiuant tous descendirent en terre à leur aise, sans que les Indiens feissent autre chose que se monstres; & enuoya on les nauires pour apporter les autres Espagnols, qui estoient restez en la Puna. François Pizarre courut avecques quatre cheuaux plus de six mille en pays sans pouoir auoir communication avec quelque Indien. Il meit le siege deuant la ville de Tombez, & enuoya sa trompte au capitaine de la ville, le priāt de faire paix ensemble. Mais ce capitaine ne le voulut aucunement ouyr & ne faisoit que ce moquer de nos gēs cōme

estans barbus, & en petit nombre, & tous les iours faisoit des faillies sur nos Indiës, qui alloiēt au fourrage pour nos gens. Pizarre trouua moyen d'auoir quelques bacs, avec lesquels il passa la nuit le fleuve avec cinquāte cheuaux sans estre descouuert par ses ennemis, cheminans par chemins rudes, & par dedans des espines, & à l'albe, il arriua sur les ennemis qui estoient sans garde en leur fort, où il feit vn grand eschec, & par tout là à l'entour pour satisfaction des trois Espagnols, qu'ils auoient sacrifiez. Alors le gouuerneur vint requerir la paix, & se rendre amy, & feit vn grand present d'or, & d'argēt, & autres meubles de cotton, & de laine. Pizarre ayant acheué ceste guerre si tost, & si à son aduātage, feit peupler à S. Michel de Tágarara sur la riuē du fleuve de Cira. Il chercha vn port bon, & seur pour les nauires, & trouua celuy de Payta tel, qu'il de-mandoit. Il departit l'or entre ses compagnons, & puis partit pour aller à Cazamalca chercher le Roy Attabalipa.

La prinse d'Attabalipa. Chap. 113.

Pizarre voyant tant d'or, & d'argent par ce pays creut aisément ce qu'on luy auoit dict de la grādis-sime richesse du Roy Attabalipa. Ayant doncques mis ordre en la nouuelle ville S. Michel, partit pour aller en la Prouince de Cazamalca, & en passant attira à son amitié les peuples, qu'on appelle Pohecios, par le moyen de Philippes, & François ses truchemens, qui en estoient natifs, & scauoient ja parler la langue Espagnole. Alors il vint certains Ambassadeurs de Gualscar, pour demander l'amitié, & faueur de Pizarre contre Attabalipa, qui avec vn

4. LIVRE DE L'HIST.

esprit tyrannique s'estoit rebellé, & vouloit vsurper le royaume, promettant de grandes choses s'il vouloit receuoir leur maistre, & luy donner aide. Noz Espagnols passerent vn pays depeuplé & desert, & sans eau qui duroit 60. mil, ce qui les trauail la grandement. Côme puis apres ils montoient la môtagne, ils récôtrèrent vn messager d'Attabalipa, qui dit à Pizarre, qu'il s'é retournast avec Dieu en sô pays, dedâs ses nauires, & qui ne fait aucû mal à ses vassaux, & s'il aymoît ses dêts, & ses yeux, qu'il se gardast bié d'emporter aucune chose, & s'il vouloit ain si faire, qu'il le laisseroient aller en toute liberté avec l'or, & autres biens, qu'il auoit pillez en autre pays que le sien: mais si au contraire il n'en vouloit rien faire, qu'il le tueroit, & tous les siens, & les despouilleroit. Pizarre luy fait responce qu'il ne mardoit point pour faire trouble à aucû, encor moins à vn si grand prince, & qu'il s'é retourneroit vers la mer côme il luy cômadoit, s'il n'estoit icy venu côme ambassadeur du Pape, & de l'empereur seigneurs du môde, & qu'il ne pouuoit, sans receuoir vne trop grand honte, retourner sans le voir, & parler à luy, & qu'il auoit plusieurs choses à luy dire, tât de Dieu, que pour son hõneur, son bien, & son proffit. Attabalipa entendit bien par ceste responce que les Espagnols auoient enuie de le veoir ou pour bien ou pour mal: mais quoy que ce fut, il ne s'é donoit pas grand peine, par-ce qu'ils estoiet peu, & que Maicabelica seigneur entre les Pohecios l'auoit aduertty que ces estrangers barbus n'auoiet force aucune ny aleine pour cheminer lóguemêt à pied, & qu'ils ne pouuoit saillir vn fossé sans estre dessus, ou bien

sans estre attachez à certains Pacos, ainsi appeloïent ils les cheuaux, & qu'ils portoiēt à leurs ceintures, certaines longues tablettes estroittes, & delices, qui reluysoient, & estoïent quasi semblables à celles desquelles vsent leurs femmes pour filler. Maicabelica disoit cecy par-ce qu'il n'auoit encores esprouué le taillant de nos espèces, & estimoit d'auantage la prouësse des nobles & courageux Indiens. Mais les blecez de Tombez, qui s'estoïent retirez en la court d'Attabalipa, chantoient bien vne autre chanson, & pour ceste cause Attabalipa renuoya vn autre messager pour sçauoir si ces barbus cheminoient, & pour dire à Pizarre que s'il aimoit bien sa vie, qu'il ne vint point à Caxamalca. Pizarre respondit qu'il ne laisseroit point l'entreprise qu'il auoit faite de le voir. Alors l'Indien luy donna vne paire d'escarpins, & des poignards d'or pour mettre à sa ceinture, afin qu'Attabalipa son seigneur le cogneut entre les autres quand il arriueroit deuant luy. C'estoit vn signe, ainsi qu'on peut croite, pour veritablement remarquer Pizarre: mais aussi pour ne failir à le prendre, & le mettre prisonnier, ou le tuer, sans toucher aux autres. Pizarre print ce present, & en riât dit qu'il en feroit ce qu'il disoit. En fin arriua avec son armee à Caxamalca, & à l'entree vn gëtil-hōme Indien luy dit qu'il ne se logea point iusques à ce qu'Attabalipa luy eust commandé. Mais sans faire autre responce il ne laissa pas à se loger, & puis enuoya le Capitaine Ferdinand de Sotto avec quelques cheuaux sous la conduite de Philippe le truchement pour visiter Attabalipa, qui estoit à 3000. de là a des bains, & luy dire comme les Espagnols

estoyent ià arriuez, & qu'il donnast licence, & heure certaine en laquelle Pizarre le pourroit venir voir. Le capitaine Sotto par gentillesse, & pour dōner esbahissement aux Indiens faisoit tousiours voltiger son cheual iusques à ce qu'il fut arriué bien pres de la personne d'Attabalipa, qui ne se monstra aucunement estonné, ny mesme ne fit signe aucun de changement encores qu'il sautast vn peu d'escūme du cheual sur son visage: mais feit commandement de tuer ceux qui s'estoyent fuis de deuant le cheual: chose, qui estonna les siens, & feit esmeruiller les nostres: Ce Sotto descendit de son cheual, & feit vne grande reuerence à Attabalipa, & luy dict ce pourquoy il estoit venu. Attabalipa se tint tousiours coy avec vne grauité Royale sans se mouuoir aucunement. Il ne fait responce à Sotto: mais parloit à vn gentilhomme, & ce gentilhomme rapportoit ses parolles à Philippes, qui les donnoit à entendre à Sotto, il disoit qu'il estoit fort mal cōtent de luy, de ce qu'il s'estoit approché si pres avec son cheual, & que c'estoit vn acte d'vne grande irreuerence considéré la maiesté d'vn si puissant Roy. Ferdinand Pizarre vint vn peu apres, & apres auoir fait la reuerence à Attabalipa luy tint propos de prendre l'amirié de leur grand Capitaine. Attabalipa pour responce à si long discours, desquels auoit vsé Ferdinand, dict en peu de parolles qu'il seroit bon amy de l'Empereur, & du Capitaine fil rédoit tout l'or, & l'argent, & autres biens qu'il auoit pris sur ses vassaux, & amis, & fil s'en vouloit bien tost retourner hors de son pays, & que le iour prochain il seroit avec luy à Cazamalca pour mettre ordre à

son retour, & pour ſçauoir qui eſtoient le Pape & l'Empereur, qui eſt de ſi loing pays luy enuoyent les Ambaſſades. Ferdinand Pizarre ſ'é retourna tout eſtonné de la grandeur, & maielté d'Attabalipa, & du grand nôbre d'hômes d'armes, & de pauillons qui eſtoient en ſon camp, & meſme de la reſponce qu'il auoit faite, qui n'eſtoit autre qu'une declaration de guerre. Pizarre feit quelques remôſtrances à nos gés, par-ce qu'il y en auoit quelques vns, qui auoient peur pour veoir ſi grand nôbre d'Indiens pres d'eux, & preſts à combattre, & les feit prendre courage pour ſouſtenir la bataille à l'exéple des victoires obtenuës à Tombez, & à la Puna. Toute la nuit ce paſſa en cecy, & à ſ'armer, & dreſſer leurs cheuaux, & aſſeoir & bracquer l'artillerie droict à la porte du Tambo, par laquelle deuoit entrer Attabalipa. Côme il fut iour François Pizarre meit quelques arquebuziers en vne petite tour de leurs idoles, qui cōmandoit à la muraille. Il departit encore en trois maiſons les capitaines Ferdinand de Sotto Sebaſtien de Venalcazar, & Ferdinand Pizarre, qui eſtoit ſon lieutenant general, & leur donna à chacun vingt cheuaux. Et quant à luy il ſe meit à vne porte avec l'infanterie qui ſans les Indiens de ſeruiſe pouuoient eſtre cent cinquante. Il commanda qu'aucun n'eût à parler, ny à tuer aucuns des gens de Attabalipa que premierement on n'eût ouy tirer vn coup de harquebouze, ou qu'on n'eût veu l'enſeigne dehors. Attabalipa encouragea les ſiens, qui ne faiſoient que brauer, & faire pen de compte des Chreſtiens, & penſoient bien en faire vn ſacrifice ſolennel au Soleil ſils combattoient,

4. LIVRE DE L'HIST.

Il enuoya vn sien capitaine nommé Ruininaguy avec cinq mille soldats sur le chemin, par lequel les Espagnols estoient entrez en Caxamalca, à fin que s'ils vouloient fuir, ils fussent tous prins, ou taillez en pieces. Attabalipa fut quatre heures à faire trois mil, par ce qu'il faisoit cheminer son armee avec plusieurs repofades de peur qu'elle se lassast. Il se faisoit porter en vne liçtiere d'or paree par dedans de plumes de perroquez de diuerfes couleurs, & estoit assiz dedans vne basse chaire toute d'or sur riche couffin de laine garny fort beaux, & precieux ioyaux. Il auoit sur le front vn grand floquet rouge de laine tres fine & deliée, qui luy couuroit les sourcils, & les iouës, c'estoit la marque Royale que auoient accoustumé de porter les Roys de Cuzco. Il menoit plus de troys cens estaffiers pour seulement seruir à porter sa liçtiere, & pour ietter les pailles, & ordures hors le chemin, & pour chanter au deuant de sa personne. Il auoit aussi plusieurs seigneurs, qui pour la maiesté de sa cour se faisoient pareillement porter en liçtieres, & dedans des portaires. Il entra au Tâbo de Caxamalca, & ne voyât aucuns cheuaux Espagnols, ny les gens de pied se remuer, luy estoit aduis que c'estoit de peur. Lors il s'arresta, & dist à ses gens: Ces Chrestiens sont tous estonnez, il sont à nous. Et commanda qu'on tuast les Chrestiens, qui estoient dedans la tour. Alors frere Vincét de Valuerde Iacobin ayant en sa main vne croix avec son breuiare, ou vne bible selô aucuns, s'approcha de luy, & luy feit la reuerence, luy donnant la benediction avec la croix, & luy dict: Excellent seigneur il faut que sçachiez cōme Dieu,

qui est vn en trinité a cree le monde de rien & a formé l'homme de terre, l'appellant Adam, duquel nous sommes tous descenduz, comme il a peché contre son createur par inobedience, & comme nous sommes nez tous en ce peché, excepté Iesus Christ, qui estant vray Dieu est descendu du ciel pour naistre de la vierge Marie, & rachepier le sâg humain de peché par sa mort, qu'il a soufferte en vne semblable croix, laquelle pour ceste cause no^r adorons. Comme il est resuscité le troisieme iour, & est remonté au ciel quarante iours apres, laissant en terre pour son vicaire saint Pierre, & ses successeurs qu'on appelle Papes lesquels ont baillé ceste foy au trespuissant Roy d'Espagne Empereur des Romains, & Monarques du monde. Obeissez donc au Pape, & recepuez la foy de Iesus Christ: elle est sainte, & la vostre est faulse, & si ainsi vous faiâtes, vous ferez fort bien. Mais si faiâtes au contraire sçachez que nous vous ferons la guerre, & que nous vous osterons, & romperons vos idoles, à fin que quictiez la deceuante religion de vos faux Dieux. Attabalipa tout enflambé feit respōce qu'il ne vouloit point estre tributaire puis qu'il estoit libre, ny penser qu'il y cust plus grand seigneur que luy. Mais qu'il vouloit biē estre amy de l'empereur, & le cognoistre: car ce deuoit estre vn grand seigneur, puis qu'il enuoioit tât d'armees par le monde: Et ne vouloit point obeir au Pape puis qu'il donoit ce qui appartenoit à autrui, ny moins laisser son Royaume paternel à celuy qu'il n'auoit iamais veu. Et quand à la religion il dict que la siēne estoit fort bonne, & qu'il se trouuoit bien avec icelle,

qu'il ne vouloit point, & aussi qu'il ne luy estoit pas
 scant, mettre en dispute, & controuerſe vne chose
 de si long temps approuuee: & disoit en outre que
 Iesus Christ estoit mort, mais que le Soleil & la Lu-
 ne ne mouroient point, & demandoit au moyne
 comme il ſçauoit que le Dieu des Chrestiens eust
 crée le monde, frere Vincent luy respondit que ce
 liure le disoit, & en ce disant luy bailla son breui-
 re. Attabalipa le print, l'ouurit, le regarda de tous
 costez, & le fucilleta, & disant qu'il n'en disoit mot
 le ietta en terre, frere Vincent ramassa son breui-
 re, & s'en alla à Pizarre criant: il a iecté en terre les
 Euangiles, vengeance Chrestiens, chargez dessus,
 puis qu'il ne veut nostre amitié, ny recevoir nostre
 loy. Alors Pizarre commanda qu'on meit dehors
 l'enſeigne, & qu'on deslaschaft l'artillerie aussi tost,
 craignant que les Indiens s'auaçassent trop auant.
 Voyans les hommes d'armes le ſigne qu'on leur
 auoit baillé au commencement sortirent en toute
 furie par trois endroits pour rôpre la groſſe troup-
 pe qui enuironnoit le Roy Attabalipa. Ils en tue-
 rent, & blecerent grand nombre. François Pizarre
 arriva ſur ceſte meſlée avec ſes gés de pied, leſquels
 feirent grand eſchec de leurs ennemis avec leurs
 eſpées ne frappans que de l'eſtoc: ils tiroient droit
 à Attabalipa, qui touſiours estoit en ſa liètiere, afin
 de le pouuoir prendre priſonnier eſtimant vn cha-
 cun acquerir par là vne grande gloire. Mais ils ne
 pouuoient le toucher, par ce qu'il estoit eſleué haut
 en ſa liètiere, & pour ceſte cauſe tuoient ceux, qui
 la ſouſtenoient, à fin de le faire tomber. Mais aussi
 tost qu'il y auoit vn de ces porteurs mort, vn autre

prenoit sa place de peur que leur seigneur ne tombast à terre. Pizarre voyant cela le tira par la robe, & le feit cheoir en terre, & par ce moyen print fin ceste meslee. Il n'y eut aucun Indien qui combattir, encore que tous fussent armez, qui est vne chose notable. Ils ne combattirent point, par ce qu'il ne leur fut point commandé, ou qu'ils n'apperceurent point le signe, duquel ils auoient ensemble conue-nu à cause du tresgrand bruiet, & de l'assaut inopiné qu'on leur donna, ou bien par ce qu'ils s'entre-meslerent tous ensemble pour la peur qu'ils eurent de nos gens, & du tintamare qu'en vn-mesme téps ils ouirent des trompettes, des arquebuzes, de l'artillerie, & des cheuaux, qui tous auoient des sonnettes pour les espouuêter d'auantage. Par le moyé donc d'un tel bruiet, & d'un tel chamaillez tous s'enfuirét sans se soucier d'auantage de leur Roy. L'un iectoit son compagnon à terre pour escamper. Il y en eut tant; qui se rangerent à vn costé, que presséz, ils ietterent par terre vn pan de mur pour euites les coups de nos gens: mais ils furent suivis par Ferdinand Pizarre avec les gens de cheual iusques à la nuit. Le general Ruminaguy s'enfuit des premiers aussi tost qu'il ouyt l'artillerie estant desia tout effaré de ce que présent il auoit veu comme ses gens auoient esté iectez par les nostres du haut en bas de la tour, qu'ils estoient allez assaillir, entre lesquels estoit celuy, qui deuoit donner le signal pour combattre. Il mourut beaucoup d'Indiens à la prise d'Attabalipa, qui fut l'an 1533. au Tambo de Caxamalca, qui est vne grande place toute enfermée de murailles. Il y en mourut si grand nombre par ce

qu'ils ne le defendoient point, & aussi que les nostres ne frapportoient que de l'estoc de leurs espees, craignās les rompre s'ils eussent frappé du taillant: Frere Vincent leur auoit baillé ce conseil. Les Indiens auoient des moriōs de boys doré avec beaux pennaches, ce qui donnoit vn beau lustre à leur armee. Ils auoient des iuppons fort releuez en bosse, des masses dorees, des picques longues, des frondes, des arcs, des haches, & des halebardes d'argent, & de bronze, & mesme d'or, qui reluisoient à merueilles. Il n'y eut aucū Espagnol blecé, excepté François Pizarre, qui fut blecé en la main par vn de nos soldats, qui cōme il prenoit Attabalipa, luy donna ce coup, pensant frapper Attabalipa. Et à l'occasion de ceste bleçure aucūs disent qu'vn autre le print.

La grande rancon que promet Attabalipa pour estre deliuré de prison. Chap. 114.

LEs Espagnols eurent assez de quoy se resiouir toute ceste nuit pour vne si grande victoire, & pour auoir vn tel prisonnier. Aussi auoient-ils besoīn de se reposer pour le traual qu'ils auoient enduré tout le iour sans auoir repeu aucunement. Le lendemain matin ils feirent vne course par la campagne: Ils trouuerent aux baings, & au camp d'Attabalipa cinq mille femmes, lesquelles encor qu'elles fussent tristes, & melancholiques, si receurent elles plaisir avec les Chrestiens. Ils y trouuerent encor grand nombre de bons pauillons, force habillemens à leur vsage, & vtenfiles de maison, de grands vaisseaux d'argent, & d'or, & autres pieces de mesme matiere: entre lesquelles y en auoit vne qui, selon qu'on dict, pesoit deux cens soixante

sept liures d'or. En somme tout le mesnage d'Attabalipa, qui fut là trouué valloit cent mille ducats. Attabalipa deuint fort triste à cause de sa prison, & mesmement voyant qu'on le vouloit enchaîner. Il pria Pizarre de le vouloir bien traicter puis que la fortune vouloit qu'il fust tombé en tel desastre: & cognoissant l'auarice qui commandoit à ces Espagnols, il leur dict qu'il leur bailleroit pour sa rançon autant d'argent, & d'or en œuvre qu'il en faudroit pour couvrir le plancher d'une grande sale, où il estoit prisonnier, & voyant que les Espagnols, qui estoient presens tournoient leur visage, il luy estoit aduis qu'ils n'en vouloient rien croire, & leur promeit de rechef de leur fournir en brief temps tât de vaisseaux, & autres pieces d'or, & d'argent, qu'il en empliroit la sale iusques à telle haulteur que luy mesme marca, haultant la main le plus hault qu'il peut, & feit marquer à ceste haulteur une ligne tout au tour de la sale, pourueu que ils ne rompissent ny applatissent les vases, qu'ils feroit apporter iusques à tant qu'il y en eust iusques à la marque. Pizarre le reconforta, & luy promeit qu'il seroit bien traicté, & qu'il mettroit en liberté aussi tost qu'il auroit fourny la rançon qu'il promettoit. Sur ceste assurance Attabalipa despescha de ses gens pour amener de diuers lieux l'or, & l'argent, & les pria de retourner incontinent s'il desiroient sa liberté. Aussi ces Indiens vinrent de toutes parts chargez d'or, & d'argent. Mais par ce que la sale estoit grande, & les charges petites, elle ne se remplissoit gueres, & encor' moins s'emplissoient les yeux de nos gens, non pas pour le

peu d'or qu'ils voioient, mais parce qu'il leur estoit
 aduis qu'ils tardoiēt beaucoup à departir entr'eux
 ces richesses, tellement que plusieurs ennuyez de
 telle longueur disoient qu'Attabalipa vsoit d'astu-
 ce prolongeant le temps, afin de pouuoir ce pen-
 dant faire assembler tant de gens qu'ils fussent assez
 forts pour massacrer les Chrestiens où pour le de-
 liurer. Et sur ces propos aucuns furent d'aduis que
 il estoit meilleur le tuer, & mesme on dit que la des-
 sus ils l'eussent assommé n'eust esté le respect de
 Ferdinand Pizarre, Attabalipa, qui de son costé n'e-
 stoit point asseuré, s'imagina de peur ce que les au-
 tres pourpensoient. Et pour ceste cause il dit à Pi-
 zarre qu'il n'y auoit point d'occasion qu'il fust
 mal content, encor' moins de l'accuser, attēdu que
 les villes de Quito, Paciacama, & de Cuzco, des-
 quelles il faillloit apporter la plus grand de sa ran-
 çon, estoient fort lointaines, & qu'ils ne se deuoient
 donner peine, par ce que quand à luy il l'asseuroit,
 & ainsi le deuoit-il croire, qu'il n'y auoit aucun, qui
 pressast plus sa deliurance que luy mesme, & s'il
 vouloit sçauoir cōme en son Royaume il n'y auoit
 pas vn, qui l'assemblast que pour luy apporter de
 l'or, & de l'argent, qu'il y enuoyast par tout s'il luy
 plaisoit, & mesme à Cuzco pour faire diligenter ses
 gens d'auantage. Et comme il voyoit que nos Es-
 pagnols, qui y deuoient aller ne se fioient point aux
 Indies qu'o leur bailloit pour les guider, il se print
 à rire, disant qu'ils auoient peur & se deffioient de
 sa parolle, par-ce qu'il estoit prisonnier entre leurs
 mains & mesme a la cadene. Nos gens s'esmeruil-
 lèrent de l'assurance de ce prisonnier, & eurent
 quasi

quasi honte de ce qu'il leur disoit tellement que Ferdinand de Sotto, & Pierre de Varco se delibererent d'y aller plustost tous deux tous Seuls. Ainsi doncques s'en allerent en la ville de Cuzco, qui estoit loing d'eux plus de deux cens lieues. Ils se faisoient porter dedans des portoirs, & alloiét comme ont accoustumé de courir les courriers, par ce que de certains lieux, en autre ils changeoient de porteurs, par telle subtilité que mesme en courant, la portoire se bailloit à ceux du lieu qui la deuoient porter sur leurs espauls sans s'arrester vn pas. C'est là la maniere, de laquelle vsent les seigneurs de ces pays quand ils veulent aller de pays en autre en diligence. Ils rencontrerent à quelques journées de là Guascar Yuga, que Quisquiz, & Calicucima capitaines d'Attabalipa amenoient prisonnier. Guascar les pria affectueusement de vouloir retourner avec luy, mais encor que l'autre les en priaist assez ils n'en voulurent rien faire pour l'éuie, qu'ils auoient de veoir l'or de Cuzco. Ce pendant Ferdinand Pizarre s'en alla aussi avec quelques cheuaux iusques à Paciacama, qui est loing de Caxamalca trois cens mil pour faire aussi diligenter ceux qui auoient la charge d'apporter l'or & l'argent de là. Il rencontra par le chemin pres de Guacinto Illescas, qui amenoit trois cēs mil pesans d'or, & grande quantité d'argent pour fournir la rançon excessiue qu'auoit promis son frere Attabalipa. Il trouua vn grandissime thesor à Paciacama, & appaisa quelques Indiens, qui s'estoient esleuez en armes. Il descouurit en ce voyage plusieurs secrets du pays non sans vn grand trauail, &c

4. LIVRE DE L'HIST.

ramena vn tresgrande somme d'argent, & d'or. Pour lors plusieurs ferrerent leurs cheuaux en ce voyage d'or, & d'argent, parce qu'il s'vsoit moins, & auili qu'ils auoient faute de fer. Par ce moyé on assembla vne quantité infinie d'or, & d'argent à Caxamalca pour la rançon de Attabalipa.

La mort de Guascar par le commandement d'Attabalipa.

Chap. IIJ.

QVasi au mesme temps que fut prins Attabalipa, où vn peu deuant, Quisquiz, & Calicucima prindrent Guascar souuerain seigneur de tous les Royaumes du Peru comme nous compterons cy apres. Attabalipa pensoit au commencement qu'ils l'eussent tué, & se voyant prisonnier ne voulut qu'il fut tué. Mais ayant eu la promesse de l'assurance de sa vie, & de sa liberté pour la rançon qu'il auoit promise à Pizarre, il changea de fantasie & la feit mettre à execution quand il sceut ce que Guascar auoit dit au capitaine de Sotto, & à Pierre de Varco, qui estoit en somme, qu'il les prioit de retourner avec luy à Caxamalca, afin que ces capitaines, qui le menioient ne le tuassent point apres auoir entendu la prison de leur maistre, de laquelle iusques icy il n'auoient encor' rien ouy, & que s'ils vouloient luy faire ce bien, que non seulement il empliroit la sale iusques à la marque qu'Attabalipa auoit faire, mais qu'il l'empliroit toute iusques au fesse des thresors de Guaynacapa son pere qui estoit trois fois plus que n'auoit offert son frere, qui ne pouuoit accōplir ce qu'il auoit promis sans piller les temples du Soleil, & en somme leur cōpta, cōme il estoit vray seigneur de tous ses Royau-

mes,& que son frere n'en estoit qu'un usurpateur cōme tyrant, & pour ceste cause auoit grand enuie de veoir le capitaine des Chrestiens pour le prier de le deliurer de tant de maux,& le remettre en liberté, & luy restituer ses biens,& Royaumes, par-ce que son pere Guaynacapa luy auoit commandé cōme il mouroit qu'il se monstast tousiours amy des gens blancs,& barbus, qui viendroient en ces pays, à raison qu'un iour ils deuoient estre seigneurs de ces pays. Ce Guaynacapa auoit esté vn riche, & puissāt seigneur, prudent, & bien aduisé. Car cognoissant ce que les Espagnols auoient faict en Castille de l'or, il preuoyoit bien ce qu'ils feroiēt, s'ils venoiēt par deçà. Attabalipa remachāt souuēt tous ces discours, qui estoient vrais, enuoya en secret par deuers ses capitaines Quisquiz, & Calicucima, & leur mādā qu'ils feissent mourir son frere Guascar. Et pour excuser telle mort, il dit à Pizarre qu'il estoit mort de fascherie, & de melācolie. Aucuns disent qu'Attabalipa fut lōg temps triste ne faisant que pleurer sans manger, & sans dire pourquoy, voulant finement par là descouurir la volonté des Espagnols, & pour tromper Pizarre. En fin apres auoir esté plusieurs prié, il leur dit cōme Quisquiz auoit fait mourir Guascar son seigneur, se prenāt là dessus à pleurer profondement en presence de tous, se deschargeant au mieux qu'il pouuoit de ceste mort, & mesme de la guerre qu'on luy auoit faicte, & de sa prison, disant que ce qu'il en auoit fait n'estoit que pour se deffendre de luy, qui luy vouloit oster le Royaume de Quito, & qu'ils s'estoiēt acordez puis apres, & que pour confirmer cest accord il le faisoit

venir. Pizarre le consola, & luy dist qu'il ne fut plus ainsi melancolique, puis que la mort est si naturel-
à tous, que telle fascherie luy seruiroit de peu, qu'il s'informerait de la verité du fait plus à plain cy apres, & que luy mesme feroit faire la punition des malfaiçteurs. Attabalipa voyant que les Espagnols se soucioient si peu de la mort de Guascar, manda pour lors, comme aucuns disent, qu'on le tuast. Mais, soit cōme on voudra, il est tres certain qu'Attabalipa fait tuer son frere Guascar, & Ferdinand de Sotto, & Pierre de Varco sont coupables de sa mort, à cause qu'ils ne voulurent l'accompagner, & le mener à Caxamalca, puis qu'ils le rencontrèrent si pres, & que mesme l'autre les en prioit si affectueusement, & ne leur sert l'excuse de ce qu'ils disoient qu'ils estoient comme messagers, & pour ceste cause qu'ils ne pouuoient outrepasser le mandement de leur gouverneur. Tous affermerent que s'ils l'eussent prins en leur sauuegarde, qu'Attabalipa ne l'eust iamais fait tuer, & si se feussent faiçts vn autre bié. C'est que les Indies n'eussent point caché l'or, ny l'argent, ioyaux, ny autres pierres precieuses qui estoient en la ville de Cuzco, & en plusieurs autres lieux, qui, selon le bruiçt, qui couroit des richesses de Guaynacapa, qui estoient entre les mains de Guascar, faisoient vne richesse sans comparaison bien plus grande que tout ce que les Espagnols eurent de ce pays, encor' que la rançon d'Attabalipa fut grande. Quand on tuoit Guascar il disoit: i'ay peu regné, mais mon traistre de frere regnera encor' moins, par ce qu'on le tuera, comme il me fait mourir.

Les guerres, & differens, qui ont esté entre Guascar, & Attabalipa.

Chap. 116.

Guascar, qui en leur langue signifie cœur d'or, estoit fils aîné, & legitime de son pere Guaynacapa: son frere puisné fut Attabalipa, qui apres la mort de son pere eut par testament paternel la province de Quito, & Guascar eut la ville de Cuzco, & toutes les autres seigneuries de son pere, qui estoient fort grandes, il regna paisiblement quelque temps. Mais ceste paix ne luy dura gueres, par ce qu'Attabalipa occupa, & se saisit de Tumbamba, Prouince tres-opulente à raison des mines d'or, qui sont en icelle. Elle est voisine de celle de Quito. Attabalipa disoit qu'elle luy appartenoit à cause de son partage. Guascar estant bien informé de tout ce qu'auoit fait son frere, y enuoya en poste vn gentil-homme pour le prier qu'il n'eust point à gaster ainsi son pays, & qu'il luy rendit les Oreiones: & seruiteurs de son pere, & manda par le mesme gentilhomme aux Canares, ainsi appellent ils ceux de ce pays, qu'il eussent à garder la foy, & obeissance qu'ils luy auoient ia prestee. Le gentilhomme retint les Canares en obeissance, & voyant ceux de Quito en armes manda à Guascar son seigneur que il luy enuoyast deux mille Oreiones pour reprimer & chastier les rebelles. Ces homes estant arriuez les Canares, les Ciapparras, & les Paltas, qui son voisins, se ioignirent avec luy. Attabalipa estant aduertuy de l'armee qui dressoit son frere, pour empescher qu'elle ne s'assemblast ainsi aisément, se mit incontinēt aux champs avec son armée, & estant pres de ses ennemis demanda bataille. Mais auât que la

demander, il pria qu'on luy laissast son pays libre, qui par le testament de son pere luy estoit aduenu, & cōme on luy feit respōce que ces pays dōt estoit question appartenoient à Guascar cōme estant heritier vniuersel de Guaynacapa, il donna la bataille laquelle il perdit, & fut fait prisonnier au pont de Tumbamba comme il fuyoit. Aucuns disent que Guascar liura la bataille, laquelle dura trois iours, & en laquelle mourut grand nombre de personnes tant d'une part que d'autre. Pour la prinse de Atabalipa les Oreiones de Cuzco feirent toute nuict, de grandes allegresses, & banquets, où ils s'enyoient à qui mieux mieux. Ce pendant Atabalipa feit ouverture à la muraille avec vn pic de argent, & de bronze qu'une femme luy auoit donné, & s'enfuit en la ville de Quito, sans que ses ennemis s'en apperceurent aucunement. S'estant ainsi eschappé il assembla ses subiects, leur feit vne longue harangue les persuadant de vouloir prendre la vengeance de l'iniure qu'on luy auoit faicte, & qu'ils ne deuoient douter de la guerre, attēdu que le Soleil le voulant preseruer l'auoit conuertiy en serpent pour sortir de prison par vn trou, qui estoit en la chambre, où on le tenoit enfermé, & si luy auoit promis victoire si ses gens vouloient entreprendre la guerre. Ils feirent responce qu'ils estoient tous prests à le suivre, soit qu'ils fussent esmeuz par le recit d'un tel miracle, soit qu'ils fussent à ce stimulez pour l'amitié qu'ils luy portoient. Mais soit que ce soit, si assembla-il vne grande armee, avec laquelle il tira droit vers ses ennemis, & les surmontra plusieurs fois faisant tel carnage d'eux qu'encor

aujourd'huy on voit de grands monceaux des ossemens de ceux, qui moururent en ces dures batailles. Il incit alors au fil de l'espee soixante mille personnes des Canares, & ruina de fond en comble Tumbamba ville tresgrande, & tres-opulente avec vne excellente beauté. Elle estoit situee sur trois grâs fleuues: par telle descôfiture il se fait craindre d'un chacun, & s'encouragea de vouloir estre Ynga de toutes les terres, qui auoient esté sous la puissance de son pere, & commença incontinent à faire la guerre sur les pays de son frere. Il ruinoit entierement, & tueoit tous ceux, qui se deffendoient, & au contraire il dōnoit de belles franchises à ceux qui le receuoient, & leur donnoit les despouilles des morts, aucuns pour l'amour de telle liberté, autres de peur de sa cruauté suiuoient son party. Ainsi par tels moyens il conquesta iusques à Tombez, & Caxamalca sans rencontrer plus grande resistance que celle qu'il trouua en l'Isle de la Pina, où comme nous auons desia recité, il fut blecé. Il enuoya vne autre grande armee sous la conduite de Quisquiz, & Calicucima capitaines sages, & vaillans contre Guascar son frere, qui sortoit de la ville de Cuzco avecques vn bel exercite. Quand les deux armees se veirent pres l'un de l'autre, les capitaines d'Attabalipa voulans assaillir leurs ennemis par le flanc quitterent le grand chemin Royal, & se mirent à costoyer Guascar, qui s'entendoit peu au faict de la guerre, s'escarta vn peu loing de son armee pour aller à la chasse, laissant ses gens aller deuant. Or comme il cheminoit tousiours sans enuoyer aucuns pour descourir deuant, ny

sans considerer aucun danger il se rencontra pres
 de l'armee de ses ennemis en vn lieu, d'où il ne pou
 uoit fuir. Il combattit avec huiët cens hommes
 qu'il auoit seulement avec luy iusques à ce qu'il
 fut enuironné, & prins. A grãd peine estoit il là ar
 riué quand avec vne grande furie toute son armee
 accourut pour le secourir, il y auoit tant d'hommes
 en ceste armee que facilement on l'eust sauué tuant
 tous ceux d'Attabalipa si Calicucima, & Quisquiz
 ne les eussent trôpez, disans, qu'ils se teinsient coys
 autrement ils tueroiët Guascar, & en feirent le sem
 blant. Alors ceux de Guascar eürët peur, & luy mes
 me commanda qu'ils meissent les armes bas, & que
 vingt seigneurs, où capitaines des principaux de
 l'armee veinssent par deuers luy à consulter pour
 trouuer les moyens de vider les differens, qui
 estoient entre luy & son frere puis que les capitai
 nes Quisquiz, & Calicucima le vouloient bië. Mais
 ce n'estoit qu'une tromperie, laquelle aussi tost
 que ces vingts seigneurs furent arriuez, ils execute
 rent. Car ils leurs feirent à tous trencher les testes,
 & dirent qu'ils en feroient autant à Guascar si yn
 chacun ne se retiroit en sa maison. Par telle ru
 se, cruauté, & menaces l'armee de Guascar fut rom
 puë, & luy demeura prisonnier seul en la puissance
 de Quisquiz, & Calicucima, qui le tuerent puis
 apres, comme nous auons dit, par le commande
 ment d'Attabalipa.

Departement de l'or & argent d'Attabalipa.

Chap.

117.

Q Velques iours apres qu'Attabalipa fut prins
 les Espagnols pressioient les chefs de departir

ses despoilles, & sa rançon encor' qu'il ne l'eust fournie entiere cōme il auoit promis, par ce qu'un chacun vouloit ja auoir sa part. Car ils craignoient que les Indiens se reuoltassent, & se vinssent ietter sur eux, & les tuer, ils ne vouloient point aussi attendre qu'il vint d'autres Espagnols deuant qu'ils eussent ensemble departy ce gasteau. Pour ceste cause François Pizarre feit peser l'or, & l'argent apres qu'il fut fondu. On trouua en argent 252000. liures pesant, & en or 1326500. pesans, qui estoit vne richesse, qui iamais n'a esté depuis veüe ensemble. Il en appartenoit à l'Empereur pour son quint 400000. pesans & à chasque homme de cheual 8000. pesans d'or, & 670. liures d'argent, & à chasque soldat 4550. pesans d'or, & 280. liures d'argent, & aux capitaines 3000. & 400000. pesans d'or. François Pizarre en eut plus que pas vn, & comme capitaine general il print sur toute la masse la table d'or qu'Attrabalipa auoit en sa liètiere laquelle pesoit 25000. pesans d'or. Il n'y eut iamais soldats si riches en si peu de temps ny avec si peu de danger, & n'y en eut iamais, qui iouerent si beau ieu que ceux-cy. Il y en eut plusieurs, qui perdirēt leur part aux dets, & aux cartes, & si encherirent toutes choses pour la grāde quantité d'or qu'ils auoient. Vne paire de chausses de drap valoient trēte pesans d'or entr'eux : vne paire de bottines autant, vne cappe noire en valoit cēt, vn boccal de vin vingt, vn cheual valoit trois, quatre, & cinq mille ducats, auquel prix ils se vendoient bien puis apres par quelques anneés. Outre ce qu'eurent les soldats, Pizarre, encor' qu'il fust obligé, donna à vn chacun de ceux,

qui depuis estoient venuz avec Almagro cinq cens ducats, à aucuns mille, afin qu'ils n'eussent point occasion de se mutiner, il n'y estoit point tenu, parce qu'Almagro & les siens, ainsi que quelques vns d'entr'eux auoient mandé, estoient icy arriuez avec intèrion de conquerir en ce pays pour eux mesmes seulement sans vouloir mester leurs fortunes avecques celles de Pizarre, ains au contraire voulans luy faire tout le mal, & desplaisir qu'ils pourroier. Mais Almagro feit pendre celuy, qui auoit escrit telles nouuelles. Estant arriué en ce pays il sceut la prison, & quelle estoit la richesse d'Attabalipa, & aussi tost s'en alla à Caxamalca, & se ioingnit avec Pizarre pour auoir moitié au butin suiuant les capitulations de la societé qu'ils auoient faicte ensemble. Pizarre luy feit part de tout, & en ce faisant demeurèrent grands amis, il enuoya le quint, & tout le recit de ce qu'il auoit faict à l'Empereur par Ferdinand Pizarre son frere, avec lequel reuindrent en Espagne plusieurs soldats, riches de vingt, trente, & quarante mille ducats. En somme ils apporterēt quasi tout l'or d'Attabalipa, & emplirēt la maison de la negociation des Indes, qui est ordonnee à Seuille, de deniers, & tout le monde d'un grād bruit, apportāt à vn chacun un grādissime desir d'auoir la fortune telle qu'ils auoient eüe,

La mort d'Attabalipa. Chap. 118.

LA mort d'Attabalipa ce pendant se filoit par le moyen, auquel moins on pensoit, Philippes truchement de nos gens s'enmouracha si auant d'une des femmes d'Attabalipa qu'il eut affaire avec elle avec promesse de l'espouser si son Seigneur d'a-

uenture mouroit. Or pour contéter son desir il voulut mettre son entreprise à executiō à quelque prix que ce fust, & pour ceste cause il dit à Pizarre, & aux autres cōme Attabalipa faisoit secrettement assembler ses gēs pour venir courir sur les Chresttiēs, & les tuer en surprinse, & par ce moyen se deliurer. Ces nouuelles peu à peu furēt sceuēs de tous les Espagnols qui les creurent comme veritables, & aucuns disoient qu'ils tueroient Attabalipa pour seureté de leurs vies, & de ces Royaumes. Autres disoient qu'on l'enuoyast à l'Empereur, & qu'on ne tuast point vn prince si grand, encor qu'il y eust de sa faulte c'eust esté là vne meilleure resolutiō. Mais toutesfois ils executerent l'autre à l'instance, à ce qu'on dit, de ceux qu'Almagro auoit amenez avec soy, par ce qu'ils disoient entre eux, que tant que Attabalipa viuroit, ils n'auroient part à aucun or iusqu'à ce qu'il eust remply la sale à la mesure quil auoit marquees pour sa rançon. En fin Pizarre delibera de le tuer pour se deliurer de tous pensemens, croyant aussi qu'iceluy estant mort il auroit moins de peine à conquerir le Royaume. Il luy feit son proces sur la mort de Guascar Roy souuerain de tous ces pays, & encores luy prouua comme il auoit machiné la mort des Espagnols, mais ce fut par la malice de Philippes qui interpretoit les paroles des Indiens comme il luy plaisoit, par ce qu'il n'y auoit aucun Espagnol, qui les entendist, Attabalipa nioit tousiours fort & ferme disant qu'il n'estoit pas croyable qu'il eust voulu mettre à sus vne telle entreprise pour la garde qu'on faisoit sur luy si tressoigneusement, attendu que mesmes estant

en liberté avec tous ses gens il n'auoit peu eschapper. Il menaçoit Philippes, & prioit qu'on ne luy adioustast point de foy. Quand il entendit la sentence, & arrest donné contre luy, il se compleignit grandement de François Pizarre, qui le faisoit mourir non-obstant qu'il luy eust promis de le deliurer pour sa rançon, & le pria de le vouloir enuoyer en Espagne, & ne point souiller ses mains, & sa renommée du sang de celuy, qui jamais ne l'auoit offensé, & qui au contraire l'auoit fait-riche. Quand on le mena pour estre executé, par le conseil de ceux, qui le consoloient, il demanda le baptême par ce qu'autrement il eust esté bruslé tout vif. Apres auoir esté baptisé ils l'attacherent à vn poteau, & l'estranglerent, & puis avec quelque magnificence l'enterrent à nostre mode. Il est permis de reprendre, & accuser ceux qui le feirēt mourir puis que le temps, & leurs pechez les ont chastiez. Car tous ceux, qui consulterent sur sa mort eurent mal'heureuse fin, comme vous pourrez veoir par le progrez de l'histoire. Atabalipa mourut courageusement, & commanda que son corps fust porté à la ville de Quito où ses predecesseurs du costé de sa mere estoient enterrez, s'il demanda le baptême de bon cueur, ie l'estime heureux, & s'il eut repentâce des meurtres qu'il auoit faict faire, il auoit le corps bien dispos, il estoit sage, courageux, d'un cueur noble, & franc, il auoit plusieurs femmes, & laissa quelques enfans, il vsurpa de fort grands pays sur son frere Guascar, & ne voulut onc porter le Floquet rouge qu'il ne sceust que son frere estoit prisonnier. Il ne crachoit point en terre, mais vne de ses plus fauorites rece-

uoit en sa main la saluue. Les Indiens furent bien estónez de ce qu'ainsi tost on l'auoit faiët mourir, & louoient Guascar comme fils du Soleil, remertans en memoire côme il auoit deuiné qu'en brief temps Attabalipa mourroit.

La descente d'Attabalipa. Chap. 119.

LEs plus nobles hommes, plus riches, & plus puissans de tous les pays, qui sont au Peru sont les Yugas, lesquels se font tousiours porter en liëtiere, ils portent en leurs oreilles certains ioyaux, non pas en forme de pendans, mais sont retrouffez au dedás des oreilles par telle façon qu'ils les font croistre, & eslargir, qui a esté cause que les nostres les ont surnommez Oreiones, c'est à dire grandes oreilles. Ils sont yssu de Tiquicaca, qui est vn lac, qui n'est pas loing de la Prouince de Colao, & n'est qu'à six vingts mil de la ville de Cuzco. Tiquicaca veut dire Isle de plomb, & ce lac a esté ainsi appelé, par ce qu'entre plusieurs Isles qu'il a habitees, il y en a vne, qui fournit du plomb, qu'ils appellent Tiqui. Ce lac a de tour 240. mil, il reçoit dix, ou douze grands fleuues, & force ruisseaux, & les reiette tous par vn fleuve fort large, & creux, qui se va rendre en vn autre lac loing de cestuy 240. mil vers l'Orient, où il se perd non sans grande admiration de celuy, qui y prendra garde. Le premier chef Ynga qui tira de Tiquicaca des soldats se nommoit Zapala, qui signifie seul seigneur. Aucús vieux Indiens disent qu'il s'appelloit Viracocia, qui veut dire gresse de mer, & qu'il amena ses gens par la mer. Pour conclusion ils afferment que Zapalla fut celuy, qui peupla, & feit sa demeure Royale à

Cuzco d'où les Yngas puis apres commencerent à subiuguer les pays circonuoisins, & autres Prouinces plus loingtaines, & establirent tousiours là leur siege, & la court de leur Royaume, & Empire. Ceux qui ont laissé à la posterité plus grand renom d'eux à cause de leurs prouesses & vertuz, ont osté Topa, Opangui, & Guaynacapa pere ayeul, & bisayeul d'Attabalipa. Mais Guaynacapa à passé tous les autres: son nom s'interprete ieune riche. Apres qu'il eut cōquis par force d'armes le Royaume de Quito il se maria avec la Roynne, de laquelle il eut Attabalipa, & Illescas, qui mourut à Quito. Il laissa ce pays à Attabalipa, & son Empire & thresors de Cuzco à Guascar, il eut selon qu'aucuns veulent dire deux cens fils de plusieurs femmes. Son pays s'estendoit 32000. mil de pays.

La court & richesse de Guaynacapa. Chap. 120.

LEs seigneurs Yngas residioient en la ville de Cuzco comme estant capitale de leur Empire. Mais Guaynacapa feit longuement sa demeure en la ville de Quito pour-ce qu'elle est situee en pays plaisant au possible, & aussi pour l'amour qu'il auoit acquise. Il auoit tousiours aupres de luy grand nombre d'Oreiones, gens de guerre, qui faisoient vne armee, c'estoit pour sa garde, & pour monstrier sa maiesté plus grande. Les gés qui estoient pour ceste garde porttoient des escarpins, de grands pennaches, & autres marques de homes nobles, & priuilegiez par sus les autres, pour leur expertise de guerre. Guaynacapa se seruoit des fils aînez, ou heritiérs de 10⁹ les seigneurs de s^{on} Empire, qui estoient en grãd n^{om}bre, & vn chacū se vestoit à la

mode de s^{on} pays, par ce qu'un chacū sçauoit d'oū il estoit venu. Cela estoit cause qu'on voyoit grande diuersité d'habis, de couleurs, & de façons de faire en la court, ce qu'il l'honoroit, & l'aplihoit à merueilles. Il auoit encore en sa court plusieurs grands seigneurs pour seruir de cōseil, ou pour mōstrer quelle estoit la grauité, & maiesté de sa cour. Ces seigneurs encor' qu'ils eussent tous grande famille apres eux, & grand train: si n'estoient ils pas esgaux à l'asseoir, ny és autres honneurs, parce qu'aucuns precedoiet les autres, autres se faisoient porter en liètiere, autres en portoirs, autres alloient à pied. Aucuns se seioient sur des sieges hauts, & grands, autres sur des sieges plus bas, autres à terre, mais il failloit que quelque personne que ce fust qui vint à la court, qu'il se deschauffast auant que entrer dedās le Palays, & sil vouloit parler à Guaynacapa il haussioit les espaules, & baissioit la teste, qui est vne ceremonie entre eux pour monstrier qu'ils sont ses vassaux. Auant que parler à luy ils faisoiet de grandes reuerences, avec vne humilité grande, & parloient à luy baissant la veuë contre terre de peur de le regarder. Il tenoit vne graue maiesté, ses responcez estoient succeinctes, il prenoit son repas avecques vn grand apparat. . Tous les vrenfiles de sa maison, tāt pour sa table que pour la cuisine, estoient d'or, & d'argent, & à faute d'argent, il les faisoit faire de bronze pour estre plus forts. Il auoit en sa garderobbe des statues d'or en bosse si grādes qu'elles ressembloient à des geās, & les figures estoient tirees au vif. Il auoit aussi de pareille grandeur toutes sortes d'animaux de mesme matiere,

comme bestes terrestres, & oiseaux. Il auoit aussi les arbres & herbes que produisoit son pays, & tous les poissons qui se procreoient, tant en la mer, qu'es eaux douces de son Royaume. Il n'estoit pas mesme des cordes, & plusieurs autres choses semblables & panniens qu'il n'en eust d'or & d'argēt: il auoit mesme iusques à des esclars d'or & d'argēt, qui sembloient estre faicts pour brusser. En somme, il n'y auoit chose en son pays qu'il n'en eust la semblâce faicte ou d'or, ou d'argēt. Et mesme on dict en outre que les Roys Yngas auoient vn iardin en vne isle pres celle de la Puna, où ils alloient se recreer quand ils vouloient prendre plaisir sur la mer, qui auoit d'or & d'argēt tous les choses qu'on sçauoit mettre en vn iardin comme herbes, fleurs, & arbres, qui estoit vne inuention, & vne grâdeur, qui depuis n'a iamais esté veüe. Outre tout ce que dessus il auoit vne infinie quantité d'argent, & d'or, pour mettre en œuvre à Cuzco, qui se perdit par la mort de Guascar, par ce que les Indiens la cachèrent, voyans que les Espagnols la vouloient arrester, & enuoyer en Espagne. Plusieurs depuis en ça en ont cherché, mais n'en ont rien sceu trouuer. Peut estre que le bruit est plus grand que la somme, combien qu'on l'appellast ieune riche, ce que veut dire le nom de Guaynacapa. Guascar fut heritier de toutes ces richesses, & de l'Empire, & ne se parle tant de luy comme d'Attabalipa, & possible à cause qu'il ne vint point en la puissance des Espagnols comme l'autre.

La religion, & les Dieux des Roys Yngas, & d'autres gens.

Chap. 121.

Il y a

IL y a en ce pays autant de sortes d'Idoles, comme la personne a des fonctions, & d'actions, tellement que ie ne diray point qu'il y en ait seulement autant comme il y a de sortes de personnes. Vn chascun adore ce qu'il luy plaist: mais c'est l'ordinaire à vn pescheur d'adorer vne flammette, ou quelqu'autre poisson, à vn chasseur de reuerer vn lyon, ou bien vn ours, ou vn renard, & semblables autres animaux, comme oyseaux, & autres choses. Le villageois adore l'eau, & la terre. Il est bié vray que tous generallement adorent pour leurs Dieux principaux le Soleil, la Lune, & la Terre estimans qu'elle soit mere de toutes choses, & le Soleil avec la Lune sa femme createur de tout: aussi quand ils iurent ils touchent la terre, & regardent le Soleil. Entre leurs Guacas (ainsi appellent-ils leurs Idoles) y en auoit plusieurs qui tenoient des bastons, & portoient mitres pastorales, mais on ne sçait encor' la cause pourquoy. Les Indiens voyans l'Euesque mitré demandoient si c'estoit le Guaca des Chrestiens. Les Temples, specialement ceux du Soleil, sont fort amples, somptueux, & enrichis au possible. Celuy de Paciacama, celuy de Collao, & de Cuzco, & quelques autres estoient par dedans tous reuestus, & lambrisez de tables d'or, & d'argent, & tout ce qui seruoit à ces Temples estoit de mesme estoffe: qui fut vne richesse non petite pour ceux qui subiuguerent ce pays. Ils offroient à leurs Idoles force fleurs, des herbes, des fruiçts, du pain, du vin, des parfums, & la figure faicte d'or, ou d'argent de ce qu'ils leurs demandoient, ce qui estoit cause d'ainsi enrichir leurs temples: ioinct aussi que

leurs Idoles estoient d'or, & d'argēt, nō toutesfois tous. Car il y en auoit beaucoup qui n'estoient que de pierre de croyc, & de bois. Leurs Prestres se vestent de blanc, & hantent peu avec le peuple: ils ne se marient point, & ieusnēt fort souuēt, mais aucun ieusne ne passe huiēt iours, & ces ieusnes volontiers se font quand il fault semer, ou seyer, ou recueillir l'or, ou faire guerre, ou bien quand ils veulent parler au diable: D'auantage quand c'est pour ce dernier acte aucuns se creuent les yeux, ce que ie croy qu'ils font de peur: car tous se bouchent la veuë quand ils veulent parler à luy. Ils communiquent souuentefois avec luy pour rendre response aux demandes que les Seigneurs, & autres leur font. Quand ils entrent au temple pour parler à leur Idole ils se prennent à pleurer, & braire (& c'est que veut dire ce mot Guaca) & se traînent par terre iusques à leur Idole, avec lequel ils parlent en langage incogneu à tout le peuple. Ils ne touchent point à leur Idole qu'avec des linges fort blancs, & nets. Il enterrent dedans le temple vne partie des offrandes d'or, & d'argent. Ils sacrifient des hommes, des enfans, des moutons, des oiseaux, & autres bestes sauuages que les chasseurs offrent. Ils prennent bien garde au cueur de la victime pour veoir si les signes du sacrifice sont bons, ou malheureux, car ils sont grands augures, & s'efforcent d'acquiescer bruiēt d'estre de saincts deuineurs abusans le peuple. Quand ils font tels sacrifices ils s'efforcent le plus qu'ils peuuent, & tout le iour, & la nuict ne font q̄ se tourmenter spécialement quand ils sont en la campagne. Ils oignent la face de leur

diable, & les portes du temple avec le sang du sacrifice, & mesme en barbouillent les tombes, & sepultures. Si le cœur; & les entrailles demonstrent quelque chose de bon, lors ils ballent, & chantent avec toute gayeré: au cōtraire s'il n'y a rien de bon, ils sont tristes, & faschez au possible: mais quoy que ce soit ils s'enyurent tousiours ioliment. Ceux qui se trouuent en ceste feste bien souuent sacrifient leurs propres enfans (ce que peu d'Indiës font encor' qu'ils soient cruels, & bestiaux en leur religion) mais ne les mangent point, & au lieu les font seicher, & les gardent dedâs de grandes casses d'argent. Il y a en ce pays des maisons grandes dedices pour les femmes, où elles sont enserrees, comme en des monasteres, & les hommes, qui sont commis pour les garder sōt chastrez, & mesme on leur coupe le nez & les leures pour en oster tout appetit aux femmes. Ils tuent celle qui deuiet grosse, & a affaire avec vn homme, celuy qui l'a engrosie la peut poursuiure. En Paciacama ils la chastiet plus doucement pour sauuer le fruiet, & pendent par les pieds celuy qui a eu affaire avec elle. Quelques Espagnols ont depuis rapporté que ces femmes n'estoient point vierges, encor' moins chastes. Mais il est certain que la guerre corrompt beaucoup de bōnes meurs. Ces femmes filoient, & tissoient des robbes de coton, & de laine pour les Idoles. Elles bruslent le corps de leur compaignie morte avec des os de moutons blancs, & puis iettent en l'air la cendre vers le Soleil.

L'opinion qu'ils ont touchant le deluge, & les premiers hommes. Chap. 122.

ILs disent que deuers la partie de Septentrion vint en leur pays vn certain homme qui l'appelloit Con, lequel n'auoit point d'os, & cheminoit legierement & avec vne grande vifteſſe, faiſant par ſa vertu & ſeule parole abbaiffer les montagnes, & hauſſer les vallees pour abbreger ſon chemin. Il ſe diſoit fils du Soleil. Il remplit la terre d'hommes, & de femmes, qu'il crea, & leur dōna grande abondance de fruićts, du pain, & toutes autres choſes neceſſaires à la vie humaine. Mais par ce qu'aucuns l'irriterent il changea depuis le bon terroir, qu'il leur auoit donné, en ſablons ſterilles, comme eſt le pays qui eſt pres la mer, & leur oſta la pluye, tellement qu'il n'a point plu depuis en ces pays là: eſmeu toutesfois de quelque compaſſion il leur laiſſa quelques fleuues pour ſ'entretenir avec vn grād travail neantmoins. Apres ceſtuy-cy ſuruint Paciacama, qui eſtoit auſſi fils du Soleil, & de la Lune. Ce mot ſignifie createur. Ce Paciacama chassa Cō, & feit deuenir en forme de chats, tous les hommes qu'il auoit creez, & puis en crea d'autres, qui ſont ceux, q̃ ſont pour le iourd'huy au pays, & les pourueur de tout ce qu'ils ont maintenant. En recompence d'vn tel bien ils le reputerēt pour leur Dieu, & l'ont touſiours honoré pour tel en Paciacama iuſques à ce que les Chreſtiens l'en ont chassé, ce qui les eſtonna grandement & ſ'eſmerueillerent fort. Le temple de Paciacama, qui eſtoit pres de Lima eſtoit fort renommé par tous ces pays, & y venoit on en grāde affluence de toutes parts, tant pour la deuotion qu'on y auoit, que pour les oracles qui ſ'y rendoient. Car le diable ſ'apparoifſoit

là, & respondoit aux Prestres qui y residoient. Les Espagnols, qui furent là avec Ferdinand Pizarre apres la mort d'Attabalipa vollèrent tout l'or, & l'argent, qui y estoit, qui fut vn riche butin. Depuis ces oracles & visions ont cessé par la presence de la Croix, & du S. Sacrement, dequoy furent fort esmerueillez les Indiens. Ils racomptent en oultre comme en vn certain temps il cheut tant d'eau du ciel que toutes les campagnes furent submergees, & toutes les personnes noiees, exceptees celles, qui se sauluerent dedés des creux, & cauernes des hautes montagnes, l'entree desquelles ils boucherent si bien que l'eau n'y pouuoit entrer, s'estas premierement garnis de bonnes prouisions, & de grande quantité de bestail : & quand ils sentirent qu'il ne plouuoit plus ils feirent sortir dehors deux chiens, & voyans qu'ils estoient retournez nets, & mouillez, cogneurent par là que les eaux n'estoient point abbaissées. Mais apres en feirent encor' sortir d'auantage, & lors aucuns reuindrēt souillees, & pleins de fange, par là ils iugerent que l'eau estoit abbaissée, & à lors sortirent de leurs creux pour repeupler la terre : mais ce ne fut pas sans grande peine, & travail, pour la peur qu'ils auoient de grands serpens, qui s'estoient engendrez de l'humidité, & limon, qui estoit resté du deluge, & encor' au iourd'huy on trouue quelques vns de ces serpens. En fin ils en tuerent vne grande partie, & vesceurēt depuis en plus grande seureté. Ils croient aussi la fin du monde, & disent qu'il precedera vne seicheresse nompareille, & que lors le Soleil, & la Lune se perdront. Sur ceste opinion ils iettent de grands criz,

& pleurent amerement quand il aduient vne eclipse, principalement quand elle est du Soleil. Car lors ils pensent estre perduz avec tout le monde.

La prise de Cuzco Ville tresriche. Chap. 123.

FRANÇOYS Pizarre s'estant bien informé de la richesse, & de l'estat de Cuzco, & ayant entendu que c'estoit la ville capitale des Roys Yngas, laissa Caxamalca, & print son chemin droict à ceste ville, marchant tousiours avec bon guet, & s'estant bien fourny de tout ce qui estoit necessaire à son camp. Car ainsi luy conuenoit il faire, par ce que le capitaine Quisquiz tenoit la campagne avec vne tresgrande armee qu'il auoit dressée du reste des gens d'Attabalipa, & de plusieurs autres. Il les rencontra à Xauxa, & sans combattre vint à Vilcas, ou Quisquiz, pensant bien tenir ses ennemys, & en faire à son plaisir par ce qu'il auoit les montagnes de son costé, qui luy fauorisoient, assaillit l'auantgarde que menoit le capitaine Sotto, il y eut six Espagnols tuez, & beaucoup de blecez, & ne s'en fallut gueres que ceste auantgarde ne fust rompue, & mise en route. Mais la nuit suruint, qui les separa. Quisquiz fit sa retraicte au haut de la montagne ioyeux au possible. Ce pendant le capitaine Sotto au lieu de dormir refeit son auantgarde avec des soldats qu'amenoit Almagro. A grand peine le iour poin-
gnoit-il quād les Indiens estoient des-là venuz aux mains. Almagro, qui pour ceste iournee auoit prins la charge de commander se retira en la plaine pour mieux s'ayder de sa cauallerie, & pour faire de plus grandes executions sur les Indiens. Quisquiz n'entendant point encor ceste astuce, & ne se dourant

aucunement du nouveau secours, qui estoit arriué, pensoit que ses ennemys fuissent. Ainsi rompant tout son ordre se meit à les suivre viuement. Mais la cauallerie Espagnole serree en groz ost tourna incontinent bride, & d'une grande furie donna sur Quisquiz, qui pour lors apres auoir perdu grand nombre de ses gens fut contrainct fuir bien viste. Pendant tel eschec Pizarre arriua avec tout le reste de l'armee & demeura là cinq iours pour voir quelle yssue prendroit ceste guerre. Comme il estoit là attendant, Mango frere d'Atabalipa se vint rendre à luy. Il le receut humainement, & le feit Roy luy mettant sur la teste le petit floquet qu'ont accoustumé porter les Roys Yngas. Il se meit puis apres en chemin estant suiuy d'un fort grand nombre d'Indiens, qui iournellement arriuoient pour venir faire seruice à leur nouveau Roy. Or comme il approchoit de Cuzco il apperceut de grandes flâbes, pensant que ce fussent les habitans, qui bruslassent leurs maisons, à fin que les Chrestiens n'en eussent la iouissance, enuoya incontinent quelques cheuaux courir iusques à là, pour empescher ce feu. Mais telles flambes ne seruoient que de signes que faisoient les habitans à quelques autres, qui estoient en embuscade, lesquels ne faillirēt aussi tost de sortir contre ces gens de cheual, qui couroient droit à eux. Ils estoient en si grand nombre qu'ils feirent tourner dos à noz gés. Mais là dessus Pizarre arriua, qui rassoura noz fuiards, & cōbattit contre les Indiens si courageusement qu'il les meit en routte, & les feit quitter leurs armes qu'ils iettoient pour estre plus legers à fuir. Ceux qui peurēt eschapper, gaignerēt

la ville, & se renfermerét dedás. La nuict estât venue, ceux qui entretenoiét la guerre ne se fiás point aux Espagnols, prindrent ce qu'ils auoient le plus cher, & sortirent hors la ville. Le lendemain les Espagnols entrerent en la ville de Cuzco sans aucun empeschement, & aussi tost aucuns commencerent à arracher les tables d'or, & d'argent, qui estoient au tēple, autres tiroient de terre les ioyaux & vaisseaux d'or, qui estoient dedás les tombeaux, autres enleuoient les idoles, qui estoient de mesmes métaux, autres saccageoient les maisons des particuliers, & mesme le chasteau, qui estoit encor' bien garny de l'argēt, & de l'or de Guaynacapa. En somme ils eurent de ceste ville, & du pays d'alentout plus grāde quātité d'or, & d'argent qu'il n'auoient eue à Caxamalca pour la prinse d'Attabalipa. Mais par ce qu'ils estoient icy plus grād nombre de soldats qu'ils n'estoient pour lors vn chascun n'en eut pas tant pour sa part, & ainsi ne furent gueres enrichiz pour cē coup. Il y a eu tel Espagnol, qui se promenant par vn boys espez a trouué vn sepulchre tout d'argent, qui valloit plus de 65000. ducats : autres en ont trouué de moindre valeur. Ils ont rencōtré grand nombre de tels tombeaux. Car les hommes riches de ce pays auoient accoustumé de se faire ainsi enterrer par la campagne pres de quelque idole. Nos gēs en outre trauailloient fort à chercher les tresors renommez de Guaynacapa, & des Roys anciens de Cuzco. Mais ny pour lors, ny depuis ne s'en est peu rien trouuer. Encor' ne se contentoient-ils de ce qu'ils auoient des-ia entre leurs mains, & tourmentoient ces pauures Indiens

en les cōtraignant de changer, rechanger & brouiller tout leur mefnage pēsans trouuer quelque chose cachee & si leur faisoiet mille maux, & des cruau-
tez grādes pour leur faire declarer leurs sepulchres.

La qualité & les costumes de la ville de Cuzco.

Chap. 124.

Ceste ville est à plus de 17. degrez de l'Equino-
xial en comptant vers le midi. Le pays est fort
aspre & rude, le froid & les neiges y sont grandes.
Ils font leurs maisons de grosses bricques quarrees
& les couurent de bruiere qui vient en abondance
par les mōtaignes, auquel lieu la terre ierte aussi de
soymesme force naueaux, & lupins les hōmes vont
nuës testes se lians seulement les cheueux avec vne
certaine bande. Ils se vestent d'vne chemise de lai-
ne, ou bien portent quelque chemise de toille sur
eux. Les femmes portent de grandes corttes sans
manches, & se ceignent par dessus de ceintures lar-
ges, & ont encor sur leurs espaules certains petits
manteaux qu'elles attachent avec de grosses espin-
gles d'argēt ou de bronze, qui ont les testes larges,
& esguisees, avec lesquelles elles coupent plusieurs
chofes. Ils mangent leur chair & leur poisson crud:
ce qui toutesfois est plus particulier aux Orciones,
qui s'ouurent & aggrandissent les oreilles comme
nous auons dit. Ceux cy, qui sont proprement sol-
dats, se marient avec autant de femmes qu'ils veul-
lent, & mesme aucuns se marient avec leurs pro-
pres seurs. Ils chastient par mort les adulteres. Ils
attachēt les yeux à vn larrō, qui est vn chastiemēt à
mon aduis qui luy est propre. En sōme ils gardent
estroitement la iustice en toutes choses & mesme

entre les grands. Les neveux font entr'eux heritiers & non les enfans: il n'y a que les Yngas, qui succedent à leurs peres, & auant que prendre le floquet, ils ieusnent premierement. On enterre en ce pays les morts tant les paouures que les Officiers mais avec peu de despence. Si c'est vn soldat on met sur sa fosse vne halebarde, ou vn morion: si c'est vn artisan on y met vn marteau: si c'est vn chasseur, on y mettra vn arc, & des flesches. Mais on faiët de grandes magnificences à la mort des Rois Yngas, & autres seigneurs. Ils font vnegråde fosse, ou vne voulte, qu'ils parent de belles couuertures de cotton, sur lesquelles ils attachent grand nombre de beaux ioyaux, armes, & pennaches: & mettent dedans ceste voulte des vaisseaux d'argent, & d'or, avec de l'eau, & du vin, & autres choses pour manger. Il y font encor' entrer quelques vnes de leurs femmes, qui estoient les plus fauorites, des pages, & autres seruiteurs qui leur seruoient, mais il n'y mettent ceux cy qu'en boys, & non en chair: & puis ils couurent le tout de terre, & ce pendant ne font que continuellemēt ietter de leurs vins dessus. Quand les Espagnols ouuroient ces sepulchres & iettoient les ossemens de ça de là, les Indiens les prioient de ne faire pas ainsi de peur qu'estans ainsi escartez ils ne peussent resusciter. Car ils croient la resurrexion des corps, & l'immortalité de l'ame.

La conqueste de Quito. Chap. 125.

LE capitaine Ruminaguy, qui avec cinq mille hommes s'en estoit fuy de Caxamalca lors que Atabalipa fut prins, se retira droict à la ville de Quito, laquelle il feit incontînēt esleuer, & mettre

en armes se persuadant que son Roy pouuoit estre mort. Estant là il feit plusieurs actes de tyrá, & pour n'estre empesché en sa tyrannie, il feit tuer Illescas comme il alloit vers les enfans d'Attabalipa son frere de pere, & de mere pour les prier de garder loyauté, d'entretenir paix, & obseruer iustice en ce Royaume, & puis le feit escorcher, & de la peau en feit faire vn tabourin, chose que le diable ne feroit pas. Deux mille soldats Indiens deterrerét le corps d'Attabalipa, & le porterent à Quito: Ruminaguy le receut à Liribamba honorablement, & avec telle pompe, & magnificence, qu'on auoit accoustumé vser aux funerailles d'un si grand prince, & feit vn banquet à ces soldats, où il les enyura tous, & puis les voyant ainsi assommez de vin les feit esgorgeter, disant qu'il les faisoit ainsi mourir à cause qu'ils auoient laissé tuer leur bon Roy Attabalipa. Apres cela il assemble grand nombre de gés de guerre, & courut toute la Prouince de Tumbamba. Pizarre escriuit à Sebastie Venalcazar, qui estoit son lieutenant à S. Michel qu'il marchast au deuant de Ruminaguy pour l'arrester, & pour donner secours aux Canares, qui se plaignoient, & demandoient estre secouruz. Venalcazar fut aussi tost en campagne avec 200. Espagnols, & quatre vingts cheuaux, & autant d'Indiés de seruice qu'il pensoit estre necessaires à son expedition. Durant ce temps au bruiet, qui couroit par tout le mode de la gráde quántité d'or, qu'on trouuoit au Peru, il y passa tant d'Espagnols q peu s'é falut que toutes les autres villes & pays ne fussent depeuplees, côme Panama, Nicaragua, Quahutemallan, Carthagene, & autres ter-

res, & isles: & tous venoient de bon cœur, & franche volonté principalement à ceste conquête de la ville de Quito: par-ce qu'on disoit qu'elle estoit aussi riche que celle de Cuzco, encores, qu'ils sceussent bien, qu'il leur conuenoit bien marcher plus de 400. mil deuant que d'y arriuer, & qu'il faillloit combattre avec gens hardis & courageux. Ruminaguy ayant eu aduertissement de l'entreprinse de son ennemy attendu les Espagnols sur la frontiere de son pays avec douze mille hommes bien armez à leur mode, & feit au deuant de ses gens trâcher vn passage qu'il s'estoit proposé de garder, & le feit réforer de barrieres. Aussi tost que les Espagnols furent arriuez les gens de pied assaillirent ce fort, & cependant ceux de cheual tournerent à l'entour, & en fin ils trouuerent vn passage, par lequel ils leurs donnerent à doz si rudement qu'en peu de temps ils rompirent leur bataillon, & en tuerent grand nombre. Il y eut en ceste meslee beaucoup d'Espagnols blecez, & quelques vns tuez, avec trois, ou quatre cheuaux, ausquels les Indiens coupperent incontinent les testes, & en faisoient des signes de grande resiouissance, estans plus aises de tuer vn de ces animaux, qui les poursuiuoit, & leur faisoit tât mal, que de tuer dix hommes. Aussi en signe de victoire quand ils tenoient vne teste de cheual ils la mettoient tousiours en lieu eminent, où les Espagnols la pouuoient voir, entournee de belles fleurs, & rameaux. Ruminaguy feit incontinent reserter ses gens, & mettre en ordre, & les feit sortir en vne plaine liurant la bataille à nos gens pour essayer encores vn coup la fortune. Mais il s'abusa: car en

tel lieu il donna l'auantage aux gens de cheual, qui lors pouuoient plus aisémēt courir, & manier leurs cheuaux: aussi perdit il encores là grand nombre de ses gens. Encores toutesfois son grand courage ne se peut refroidir: il est bien vray qu'il n'osa plus cō-battre en champ de bataille, & moins approcher de lieu, où elle se peut donner. Vne nuit il feist ficher en terre en vne telle plaine grande quantité de picquets poinctuz par hault, & s'estant mis derriere faisoit contenance de vouloir encores cō-battre, affin que les Espagnols accourussent droit à luy, & que par ceste ruse leurs cheuaux se perdissent comme entre des chaussees trappes. Mais Venacalzar en fut aduertiy par ses espions: ainsi tirant à costé euita ces embusches. Alors les Indiens deuant qu'il arriuaſt à eux se retirent en vne vallee, où ils feirent plusieurs fosses conuertes de fucilles, & rameaux pour faire tomber les cheuaux. Les Espagnols, qui en furent incontinent aduertiz, prindrent leur chemin par vn autre endroiēt, mais pour n'auoir trouué lieu commode ne peurent cō-battre. Les Indiens feirent encores vne autre ruse. Sur le mesme chemin ils feirēt vne infinité de trouz pas plus grāds que la main, ou que le pied d'vn cheual, & se camperent sur ce chemin pour donner occasion aux Espagnols de picquer contre eux, & par ceste astuce faire broncher leurs cheuaux. Mais ils ne peurent par ceste ruse non plus que par les autres precedentes tromper les Espagnols, & ainsi se retirerēt à Quito disans que ces barbuſ estoiet aussi sages, & aduisez que vaillans. Quād Rominaguy y fut arriué il dict à les femmes qu'elles se resiouis-

sent puis que les Chrestiens venoient, avec lesquels elles se pourroient resjouir, & se donner du bon temps. Quelques vnes, comme femmes, se prindrēt à rire ne pensans possible à aucun mal: il feit decapiter toutes celles, qui auoient rit, il feit brusler toute la garderobbe d'Attabalipa, qui estoit belle, & opulente, & puis abandonna la ville. Venalcazar entra en Quito avec son armee sans aucun empeschement. Mais il ne trouua la richesse si grande que on la faisoit, ce qui donna grand desplaisir à tous nos Espagnols. Ils deterrerent les morts, & trouverent quelques tresors. Ce qu'estant rapporté à Ruminaguy, il entra en plus grande indignation cōtre nos gens qu'il n'auoit encore faict, & se repentit de n'auoir mis le feu à la ville auant que partir. La nuit il meit ses gens en ordre, & chemina vers la ville de Quito, où estant paruenue il feit mettre le feu en plusieurs lieux de la ville, & sans attendre le iour, ny les Espagnols il s'en retourna incontinent.

De Pierre d'Aluarado. Chap. 126.

LA richesse du Peru estât publice par tout, le capitaine Pierre d'Aluarado obtint de l'Empereur permission d'aller descourir, & peupler en ceste prouince, pourueu que ce fut en lieu, où les Espagnols n'eussent point encor' esté. Or deuant que d'y aller il y enuoya Garzia Holguin avec deux nauires pour sçauoir cōme le tout alloit par delà. Garzia reuint tout estōné des richesses de ce pays, & mesme pour le grād butin, qui auoit esté fait par la prise d'Attabalipa louât le pays au possible, adioustât le bruiet, qui couroit par delà des grandes richesses

de Quito, & du Royaume de Cuzco, qui estoit pres le port Vieil. Aluarado poussé de ceste bonne nouvelle se delibera d'y aller en personne, & suiuant ceste deliberation l'an 1535. leua de son gouuernemēt plus de quatre cens Espagnols, qu'il meit dedans cinq nauires, avec bon nombre de cheuaux. Il arriua de nuict à Nicaragua, où il print par force deux bōs vaisseaux, qu'ō racoustroit pour mener gēs, armes, & cheuaux à Pizarre. Ceux, qui deuoient aller dedans ces vaisseaux, furent bien aises d'aller avec luy deuant qu'attendre leurs compagnons. Par ceste rencontre il se renforça de cent soldats, & de plus grand nombre de cheuaux. Il arriua au port Vieil, où il prit terre, & feit desbarquer tous ses gēs, & avec tout son equipage print le chemin de Quito. Il se trouua en vn pays descouuert plein de petites moticules, où peu s'en fallut que tous ne mourussent de soif, si d'auenture ils n'eussent rencontré certaines grandes cannes pleines d'eau. Ils remedioient à leur faim par le moyen de leurs cheuaux qu'il tueoient encor' qu'ils vallussent plus de mille ducats. Ils eurent puis apres vne grande tempeste, & orage de cendre, qui sortoit du mont de Quito, & s'espandoit iusques à 240. mil en rond. Ceste mōtagne iecte si grande flābe, & fait si grād bruiēt quand elle boult qu'elle se veoid, & se faict ouyr à plus de 3000. mil, & ainsi qu'on diēt elle estonne plus que ne faict le tōnerre. Or pour reuenir à nos gens, il se feirent la plus part de leur chemin avec leurs mains, par ce que bien souuent ils rencontroient des boscs espaiz à merueilles. Ils passerent en outre nō sans grād trauail des montaignes

toutes couuertes de neiges s'esmerueillās de ce qu'il neigeoit si fort sous l'Equinoxial. Avec les neiges le froid estoit si violent qu'il y eut septante personnes gelees. Apres qu'ils eurent passé ces neiges ils remercièrent Dieu de ce qui les auoit deliurez d'icelles, & donnoient au diable la terre, & l'or, duquel toutesfois ils estoient si affamez. Ils trouuerent par les chemins quelque quantité d'esmeraudes, qui les resiouirent autant qu'ils estoient desplaisans de veoir des personnes sacrifiez par les habitans du pays, qui sont idolatres, trescruels, & viuent comme sodomites, parlent comme Mores, & semblent Indiens.

Comme Almagro alla chercher Pierre de Aluaro. Chap. 127.

Qu'isquiz capitaine d'Attabalipa voyant que l'Empire des Roys Yngas tomboit en grande decadence, s'efforça de le remettre sus autant qu'il luy fut possible: car il estoit en grande autorité entre les Oreiones. Il donna le flocquet à Paul fils de Guaynacapa, & ramassa grand nombre de soldats, qui estoient espars çà, & là, pour la prinse de Cuzco, & les mena en la prouince de Condesuio pour endommager les Chrestiens, qui y estoient. Pizarre y enuoya le Capitaine Sotto avec cinquante chevaux. Mais auant qu'y arriuer Quisquiz auoit desja prins le chemin de Xauxa en intèrion de massacrer par surprinse les Espagnols, qui y estoient en petit nombre, & enleuer le tresor qu'on leur auoit baillé en garde: & de fait il les assaillit. Mais Alonse Riquelme se deffendit brauement avec ses soldats Pizarre aussi tost qu'il en fut aduerty depescha prom-

cha prôptement Diego d'Almagro avec bon nombre de cheuaux. Car il luy faſchoit bien de perdre ceſte grâde ſomme d'or. qu'il auoit laiſſee à Xauxa avec ſi peu de garniſon. Il chargea encor' Almagro qu'apres auoir donné ſecours à ceux de Xauxa, il ſ'enquiſt des nouuelles du capitaine Pierre d'Alu- rado qu'on diſoit venir au Peru avec nombre de gens, & que ſ'il eſtoit ainſi, qu'il l'empeschiſt de prédre terre, ou bien qu'il achetast l'armée qu'il au- roit. Almagro eſtant ainſi depeſché ſe ioignit avec le capitaine Sotto, & eux deux enſemble ſe meirēt en campagne apres. Quisquiz apres ils ſ'en allerent par Tôbez pour ſçauoir ſi en ceſte coſte on n'auoit point ouy parler d'Alu- rado & de ſon armee. Ils ſceurent là cōme il auoit prins terre au Port-vieil. Almagro oyāt ceſte nouuelle ſ'en retourna à S. Mi- chel pour renforcer ſon infanterie & ſa cauallerie, puis ſ'achemina vers Quito, où eſtāt arriué Venal- cazar ſe ſouſmeit à luy, & lors il cōmēça à camper, & ſubiugua pluſieurs peuples de ce Royaume, deſ- quels on n'auoit encore peu venir à bour. Il paſſa la riuiera de Liribāba avec grād dāger, parce qu'elle eſtoit cruē biē hault, & les Indiēs auoient bruſlé le pont, & eſtoiēt encor' de l'autre coſté du fleue en- armes. Il vint aux mains avec eux, & les deſſeit & prit leur capitaine, qui luy dit cōme à deuxiournee de là y auoit 500. Chreſtiens, qui auoient aſſiegé v- ne forterefſe appartenāte au ſeigneur Zopozapa- gui. Almagro y enuoya ſept cheuaux pour ſçauoir ſi le diſe de cet Indiē eſtoit veritable, afin d'y pour- uoir ſi c'eſtoit d'auēture Alu- rado ou quelque au- tre qui voulut yſurper ce pays. Alu- rado arreſta ces

sept auât coureurs, & s'informa d'eux bien au long de tout ce que Frâçois Pizarre auoit fait, & faisoit, du grand amas d'or qu'il auoit, & de ses soldats, cōbien d'Espagnols auoit Almagro : & puis les laissa aller, & s'approcha de l'armee d'Almagro en intention de le cōbattre, & de le chasser de là. Almagro en estât aduertý eut peur & pour ne perdre ainsi sa vie, & son hōneur si on fut venu aux mains, par ce qu'il auoit la moitié moins de gēs q̄ n'auoit Aluarado, feit cet accord de se retirer à Cuzco, & laisser là Venalcazar en mesme autorité qu'il estoit. Philippille de Pohecios, qui d'ailleur estoit malcōrēt se retira vers Aluarado avec vn Indien Cacique, & luy descourut la deliberation d'Almagro, & luy conseilla, s'il auoit enuie de le faire son prisonnier, de charger sur luy ceste nuit, par ce qu'il trouueroit peu de resistāce, & luy seruiroit de guide. Il s'offrit encor à luy de faire rā avec les seigneur, & capitaines du pais qu'ils se rendroient ses amis, & tributaires, & luy dit qu'il en auoit desia parlé, avec ceux qu'Almagro tenoit captifs. Aluarado fut fort aise de ces nouuelles, feit marcher ses gens droict à Liribamba avec les enseignes desployees, & comme s'ils eussent esté prêts à cōbattre. Almagro, qui sans sa grand honte ne pouoit desloger, encouragea ses Espagnols, & les meit en deux esquadrons attendāt son ennemy entre certaines murailles pour se fortifier d'icelles, & prēdre quelque aduantage. Ils estoient desia vis à vis l'un de l'autre, & prests à se forcer quand plusieurs d'une part, & d'autre commencerent à crier paix, paix. Alors tous sarrestèrent coys, & feirent trefue pour ce iour, & pour la nuit, affin que ce pendant les

deux capitaines peussent se veoir, & parlementer ensemble. Le docteur Caldere de Seuille prit la charge de les accorder ainsi, que le capitaine Aluarado donneroit toute son armee telle qu'il l'auoit amenee à Pizarre, & à Almagro pour cēt mil pēsās d'or fin, & qu'il se retireroit hors de ce descouurement & cōqueste, iurant de n'y retourner iamais tāt qu'ils viuroient. Cest accord ne se publia pas pour lors de peur de mutiner les soldats d'Aluarado, qui estoient hauts à la main, fiers, & rogues, & fait courir le bruit qu'ils s'estoient faits amis, & cōpagnōs, en tout, & que Aluarado deuoit poursuiure ce descouurement par la mer, & Almagro par terre. Par ce moyē il n'y eut aucun tumulte. Aluarado accepta cest accord, parce qu'il ne voyoit point le pays si riche comme on luy auoit dit, & Almagro d'autre part gaigna beaucoup à luy donner si grande somme de deniers pour auoir vne si belle armee, & pour euitier vne guerre ciuile.

La mort de Quisquiz.

Chap. 128.

EN tout ce, qui fut trouuē en ceste cōqueste Almagro n'auoit pas de quoy payer les cent mille pēsās d'or qu'il auoit promis à Pierre d'Aluarado pour son armee, encor' qu'il eust eu vn grand butin d'vn tēple, qui estoit tout reuestu par dedās d'argēt. Mais ie croy qu'il ne vouloit pas payer ceste sōme sās le cōsentemēt de Pizarre, ou biē qu'il vouloit dilayer ce payemēt iusq's à ce qu'il eust deuāt tiré Almagro en tel lieu, ou il eust esté contrainct entretenir son accord. Ils s'en allerēt tous deux ensemble à saint Michel de Tāgarara. Aluarado laissa plusieurs de ses gens pour peupler à Quito avec Venalca-

zar, & emmena avec soy la plus grande partie, & les meilleurs hommes. Venalcazar endura de grâs travaux à ceste conquête, à cause que le pays est rude & mauuais, & les habitans belliqueux au possible: il n'est pas mesmes les femmes, qui ne combattent avecques leurs mariz. Or Almagro, & Aluarado sceurent à Tumbamba que Quisquiz s'enfuyoit de deuant le Capitaine Sotto, & Iean, & Gonzalle Pizarre, qui le poursuiuoient à cheual, & qu'il emmenoit avec soy vne grande foule de personnes, de bestes, & plus de quinze mille soldats. Almagro n'en voulut rien croire, & ne voulut mener les Canares, qui s'offroiēt luy mettre être les mains Quisquiz avec toute son armee. En chemināt tousiours ils rencōtrèrent à Ciaparra Sotaurco, qui avecques deux mille combattans marchoit deuant pour decouuoir le chemin à Quisquiz. Se Sotaurco fut defait, & prins, & enquis de l'armee de Quisquiz, dit qu'il venoit vne grande iournee apres avec le fort de la bataille, & qu'il auoit sous les aïsses, & derriere deux mille hommes de chasque costé pour ramasser les viures des enuironz selon leur vieille ordonnance de guerre. Almagro, & Aluarado feirent incontinent desloger en haste toute la caualerie pour aborder Quisquiz deuant qu'il eueust les nouvelles. Le chemin estoit si rude, & si pierreux que quasi tous les cheuaux furent deferrez, & furent cōtraints les ferrer à minuiēt avec de la lumiere, nō sans auoir grand peur d'estre chargez par les ennemis ce pendant qu'ils estoient ainsi empeschez. Le iour d'apres ils arriuerēt sur le soir à la veuē de l'armee de Quisquiz, qui les ayant apperceuz deslo-

gea incontinent par vn costé avecques ses femmes, & feit emporter avec soy tout son or, & puis tra-
uerfa par vn autre chemin rude ayant avecques soy
Guaypalcon frere d'Attabalipa. Guaypalcon se for-
tiffa entre certains grâs rochers d'où il laissoit roul-
ler de gros cailloux, qui endômageoient grâdemēt
les nostres, mais il se retira ceste nuit, parce qu'il se
voyoit sans aucune prouision. Quelques troupes
de cheuaux coururent apres luy, mais ils ne le peu-
rent rompre. Il se ioingnit avec Quisquiz, & s'en al-
lerent ensemble à Quito pensans qu'il n'y fut resté
aucun Espagnol, par ce qu'ils en voyoient tant de-
uant eux. Mais ils rencontrerent Sebastien de Ve-
nalcazar : alors les Capitaines conseillerent à
Quisquiz de demâder paix aux Espagnols, puis que
c'estoient gens inuincibles, & l'asseuroient qu'ils
garderoient vne amitié entr'eux estants si gens de
bien: & luy remonstrerent encor' de ne tenter plus
la fortune, qui les poursuiuoit si asprement. Au cē-
traire il les menaça de ce que par cela ils se decla-
roient auoir peur, & commanda qu'on eust à le
suiure. Ils repliquerent qu'il dōnast donc la batail-
le puis que ce luy seroit vn hōneur, & vn repos plus
grand de mourir en cōbatant avec ses ennemis, que
perir ainsi de faim par les desers. Quisquiz là des-
sus se meit en colere leur disant millē vilainies iu-
rant de chastier ceux, qui estoient authēurs de ce
tumulte. Alors Guaypalcon luy lança vn coup de
picque en l'estomach, & aussi tost plusieurs autres
luy coururent à sus avec haches & picques, & l'as-
sommerent. Voila cōmēt fut deffaict Quisquiz, qui
entre les Oreiones auoit acquis par ses guēres la

reputation d'estre vn des vaillans capitaines qui fust deuant luy.

*Aluarado donne son armee & recoit cent mille
pesans d'or. Chap. 129.*

APtes que Quisquiz se fut mis en fuitte noz Espagnols n'auoient guere cheminé quād ils recōtrèrent son arriere garde qu'il auoit laissée pour defendre le passage d'une riuere. Aucūs d'entr'eux s'arrestērēt sur la riuē pour empescher le passage, autres passerēt la riuere pensans surprendre nos gēs à l'impourueu cōme ils arriuerοient, & les charger aussi tost deuant qu'ils eussent le loisir de se mettre en ordre; mais pour euitter la furie des cheuaux ils furent contraints se sauuer, & se camper sur le hault d'un collicule roide & fāscheux, & de là combattirent vaillāment avec l'aduātage qu'ils auoient: ils tuerent quelques cheuaux: car pour la difficulté du lieu on ne les pouuoit manier aisement, ils blessèrent plusieurs Espagnols, entre autres Alфонse de Aluarado de Burgos en vne cuisse, & peu s'en fallut qu'ils ne tuerent Diego d'Almagro. Deuant que se retirer au plus hault des montaignes ils bruslerent tout ce qu'ils ne peurent emporter, abandonnerent qu'inze mille moutans, & quatre mille personnes qu'ils emmenοient par force. Ces moutons estoient au Soleil: car les temples du Soleil ont chacun au pays, où ils sont bastiz, grande quantiré de ces bestes qui tousiours multiplient sans qu'aucun en ose tuer sur peine de sacrilege, & n'est seulement permis qu'aux Roys lors qu'ils veulent chasser, ou qu'ils font la guerre. Les Roys de Cuzco ont trouué ceste inuention pour auoir

touſiours de la chair en temps de guerre. Nos gens ſe retirerent puis apres à ſainct Michel, d'où Aluaro do manda à Guarzia Holguin, qui eſtoit encor au port Vicil, de liurer les vaiſſeaux de ſon armee à Diego de More capitaine d'Almagro, qui pour lors feit de grands preſens, tant en deniers, armes, qu'en cheuaux à ſes ſoldats, & à ceux d'Aluaro. Il fonda, ſuiuant le mandement de Pizarre, la ville de Trufiglio, & y laiffa pour lieutenant Michel d'Aſtelle, & puis ſ'en vint avec nous à Paciacama, où François Pizarre receut honorablement Pierre d'Aluaro, & luy paya contant cent mille peſans d'or, qu'Almagro auoit promis. Il n'y eut point faute de quelques meſchans flagorneurs, qui conſeillerent à Pizarre d'arreſter priſonnier Aluaro, & ne luy payer rien pour eſtre entré avec main forte en ſon gouuernement, & l'enuoyer en Eſpagne, & encor qu'il vouluſt luy payer quelque choſe que c'eſtoit aſſez de luy dōner cinquāte mil peſant d'or, puis que les vaiſſeaux ne valloient pas d'auantage, entre leſquels meſme y en auoit des ſiens. Pizarre ne voulut ouir ces bons aduertiffemens, ains au contraire donna à Aluaro pluſieurs autres choſes, & le laiffa aller librement apres qu'il eut eſté acerteinē que ſes nauires eſtoient à Saint Michel, & en la poiſſance de Diego de More. Ainſi Aluaro ſe retira à Quahutemallan quaſi ſeul, & les ſiens demeurerēt au Peru, qui depuis pour eſtre vaillans, & hardis parvinrent iuſques à eſtre des principaux du pays.

Nouvelles capitulations entre Pizarre & Almagro. Chap. 130.

C iiij

FRançois Pizarre fonda puis apres la ville des Rois sur la riuere de Lima, qui est plaisante au possible, & qui apporte à la ville vn grand refreschissement. Elle est située à douze mil de Paciacama & pres de la mer. Le iour des Rois l'an 1535. les habitans de Xauxa, par-ce que leur demeure n'estoit si bonne, vindrent se loger en ceste ville, il enuoya Diego d'Almagro avecques bon nombre d'Espagnols pour gouuerner la ville de Cuzco, & puis s'en alla à Trusiglio pour departir les terres, & les Indies entre les habitans qu'on y auoit laissés pour peupler. Diego d'Almagro estant en la ville de Cuzco eut lettres par lesquelles on luy mandoit que l'Empereur l'auoit faict Marechal du Peru, & luy donnoit en gouuernement trois cents mille de pays par de là l'estenduë du gouuernement de Pizarre. Sur ces nouuelles sans autrement attendre les patentes de l'Empereur voulut entreprendre cest estat, & disant que Cuzco n'estoit point au dedans du gouuernement de Pizarre & qu'elle deuoit estre du sien, commença comme Gouverneur absolu de departir les terres, & commander de par soy renonçant aux commissions qu'il auoit de la part de son compagnon, & amy. Il eut des conseillers assez pour ce faict, entre lesquels on marque Ferdinand de Sotto. Pizarre ayant ouy ceste nouuelle depescha en haste Verdugo pour porter nouuelle commission à Iean Pizarre, & pour reuoker celle qu'auoit Almagro, Iean, & Gonzalle Pizarres avec la plus part du conseil s'opposerent hardiement aux entreprinſes d'Almagro, qui pour ceste cause ne peut pas executer ce qu'il vouloit.

Ce pendant Pizarre arriua en poste, & pacifia le tout amiablement, & de nouveau Pizarre, & Almagro confirmerent par serment fait sur l'hostie cōsacrée leur societé, & amitié, & s'accorderēt qu'Almagro s'en iroit descouvrir la coste, & pays, qui tendent vers le destroiēt de Magellan, par-ce que les Indiens asseuroient que le pays de Chili, qui estoit vers ce climat, estoit tres-riche, & opulent, & que si ce pays se trouuoit bon & riche, qu'il pourroit en demander le gouuernement pour soy seul: mais si au contraire il se trouuoit ne valoir rien qu'ils départiroient ensemble le gouuernement qu'auoit ia Pizarre, comme ils auoient fait les autres choses. C'estoit là vn bon accord sil n'y eust eu de la tromperie. Ils iurerent tous deux de n'estre iamais l'vn contre l'autre pour quelque bonne, ou mauuaise occasion que ce fust. Il y en a plusieurs, qui afferment qu'Almagro disoit, quand il iuroit, que Dieu abymast son corps & son ame s'il rompoit cest accord, ne sil approchoit cent mil pres de Cuzco, encor' que l'Empereur luy donnast. Autres disent qu'il ne dit autre chose sinon que Dieu abymast le corps, & l'ame de celuy, qui fauseroit son serment.

L'entree que Diego d'Almagro fait en Chili.

Chap. 131.

Almagro donc s'appareilla pour aller faire son descouurement de Chili, ainsi qu'il auoit esté accordé, il donna, & presta beaucoup de deniers à ceux, qui alloient avec luy, afin qu'ils se garnissent de meilleures armes, & cheuaux. Par ce moyen il assembla 530. Espagnols bons soldats, & de bōs cœur

s'offrés de l'accompagner par tous pays loingtrains
 pour sa liberalité, ionct aussi le bruit, qui couroit
 des richesses de ce pays, & allecha mesme plusieurs
 de laisser leurs maisons, & departemens pour aller
 avec luy pensans se faire plus gras. D'avantage Al-
 magro laissa à Cuzco vn de ses gens nommé Iean
 de Rada, pour leuer encor' des soldars, & feit des-
 loger deuant Iean Saiauedre de Seuille avec cent
 soldars, & partit apres avec 430. menant avec soy
 Paul, & Villaoima grand prestre, Philippille, & plu-
 sieurs autres Indiens tant pour la guerre que pour
 faire seruice, & pour porter la somme. Il sortit de
 Cuzco au moys d'April l'an 1535. Saiauedre ren-
 contra à Ciarcas certains Chilesiens, qui appor-
 toient à Cuzco, sans sçauoir tout ce qui y estoit ad-
 uenu, leur tribut en tuilles d'or fin, qui pesoient
 cent cinquante mille pesans d'or. Ce fut vn tresbon
 commencement s'il eust eu bonne yssuë, il vouloit
 faire prisonnier le capitaine Gabriel de Roias, qui
 estoit là pour Pizarre, mais il s'en garda, & l'autre
 s'en reuint avec ses gens à Cuzco. Depuis Ciarcas
 iusques à Chili Almagro endura beaucoup tant
 pour la faim que pour le froid, & aussi qu'il failloit
 qu'il combattit avec hommes de grande corpu-
 lence, & fort adextres à tirer de l'arc. Plusieurs de
 ses gens, & de ses cheuaulx furent gelez en passant
 par certaines montagnes plaines de neiges, où en-
 cor' il perdit son bagage. Il trouua des fleuues, qui
 coustoient le iour, & non la nuit, à raison que les
 neiges se fondent le iour à la chaleur du Soleil, &
 se congelent à la lueur de la Lune. Les habitans de
 Chili se vestent de peaux de loups marins, sont

grands, & beaux, & vsent constumierement de l'arc en guerre, & pour la chasse. Le païs est fort peuplé, & est de mesme temperature que l'Andelouzie, prouince d'Espagne. Ils sont en ce differens que quand il faict iour par delà, il faict nuit par deça: & quand ils ont leur esté, les Espagnols ont leur hyuer. En somme nous pouons dire qu'ils sont noz vrais Antipodes. Ils ont en ce pays force moutons semblables à ceux de Cuzco, & des austruches q̃ les Espagnols tuent à force de cheuaux les poursuuians de poste en poste: car vn cheual seul n'y pourroit fournir à l'occasion que ces bestes trottent plus viste qu'un cheual ne scauroit courir.

Comme Ferdinand Pizarre retourna au Peru.

Chap. 132.

VN peu apres qu'Almagro fut party pour aller à Chili Ferdinand Pizarre arriua à Lima, autrement dicté la ville des Roys, & apporta à François Pizarre le tiltre de Marquis des Atanillos, & à Diego d'Almagro le gouuernemēt du nouueau Royaume de Toledé contenant 300. mil de pays, en comptant depuis les confins de la nouuelle Castille, qui estoit sous la iurisdiction de Pizarre, vers le Midy, & le Leuant. Il requist vn chascun d'obeir à l'Empereur, qui demandoit toute la rançon qu'auoit fourny Attabalipa, disant qu'elle luy appartenoit comme à Roy, à cause que le prisonnier estoit Roy. Ils feirent tous responce qu'ils auoient baillé à l'Empereur son Quint, qui de raison luy appartenoit. Peu s'en fallut qu'il ne s'esmeust vne dangereuse mutinerie: Car ils remettoient deuant leurs yeulx comme en Espagne, & mesme en la

court du Roy, on les appelloit villains, qui ne meritoit pas auoir tant de richesse. Ce n'estoit pas pour lors qu'on auoit commencé de se mocquer ainsi d'eux: mais beaucoup deuant on souloit ainsi parler d'eux. Et moy au contraire: ie dis que ceux qui ne vont point aux Idoles ne meritent pas iouir du bié qu'ils tiennét. François Pizarre appaisa tout disant, que pour leurs vertus, & prouësses ils meritoiét bié tout ce qu'ils auoient eu d'Attabalipa, & iouyr d'autant de franchises, & préeminances que ceux, qui auoient donné secours au Roy d'Espagne Dom Pelage, & à autres Rois pour recouurer l'Espagne d'entre les mains des Mores. Il diét à son frere qu'il cherchast autre voye pour fournir ce qu'il auoit promis à l'Empereur, puis que pas vn ne vouloit rié dōner, & que de sa part il leur vouloit encoire moins oster ce qu'il leur auoit des-là ordonné. Alors Ferdinand Pizarre print tāt pour cēt de tout l'or, & argent qu'on fondoit. Cela luy feit acquerir vne grande haine de tous, si ne deslista-il point pourtant de son entreprise, ains passant outre s'en alla à la ville de Cuzco en faire autant, & s'efforça de gagner le cœur de Mango Ynga, pour tirer de luy quelque grande quantité d'or pour l'Empereur, qui auoit despendu beaucoup à son couronnement, & à la ville de Vienne contre le Turc, & aussi à Tunes.

La rebellion de Mango Ynga contre les Espagnols.

Chap. 133.

MAngo fils de Guaynacapa, auquel François Pizarre auoit donné le floquet à Vilcas, faisoit

plus du vaillant, & de l'enflé qu'il ne deuoit : pour ceste cause on le mit prisonnier en vne prison de fer, en la forteresse de Cuzco. Mais estant là derenu, & mesme deuant qu'il y fut, il machina de tuer les Espagnols, & se faire Roy, comme auoit fait son pere. Il feit faire grande quantité d'armes secrettement, & feit semer grande abondance de maiz pour auoir par tout du pain à suffisance, pour entretenir la guerre qu'il vouloit encommencer. Il accorda avec son frere Paul, avec Villahoma, & Philippil, que ils tueroient Diego d'Almagro, avec tous les siens, qui estoient aux Ciarcas, & qu'ils en feroient le semblable à Pizarre, & à tous ceux qui estoient à Lima, à Cuzco, & autres lieux. Il ne pouuoit toutefois executer sa deliberation, à cause de sa prison. Si pria lean Pizarre, qui auoit la charge de conquerir les prouinces de Collao, qu'il luy pleust le deliurer auant que Ferdinand Pizarre arriuaist, luy promettât prester toute fidelité, & obeyssance au gouverneur. Estant en liberté, il se rendit fort familier à Ferdinand Pizarre, qui luy demandoit deniers pour le laisser sortir de Cuzco à son plaisir, avec son amitié. Vn iour il demanda congé à Ferdinand Pizarre pour aller à vne feste solennelle qui se faisoit à Hinçay, & luy promit d'apporter de là vne statue d'or massiue, qui estoit faite au propre naturel, & selon la grandeur de son pere. Il s'y en alla en la sepmaine sainte, l'an 1536. mais quand il se veit libre à Hinçay, il se moquoit des Espagnols, & les despitait. Il assemblea incontinct beaucoup de seigneurs & autres personnes, & conclurent ensemblement la rebellion qu'il auoit pourpensee. Il feit tuer des

Espagnols qui alloient aux mines, & tous les Indiens, qui les seruoient. Il enuoya vn Capitaine à Cuzco avec vne bonne armee qui y entra si soudain, qu'il print le chasteau, sans que les Espagnols le peussent empescher, & soustint dedàs six ou sept iours, au bout desquels les nostres le reprindrent, combattans vaillâment. Aucuns de nos gens moururent en la reprise, & entre autres, Iean Pizaire d'un coup de Pierre qu'on luy donna la nuict en la teste. Ce pendât suruint Mango qui assiegea la ville avec cēt mille hommes, & y meit le feu, & la combattit tout de long que la Lune estoit pleine.

Almagro print par force Cuzco, sur les Pizarres.

Chap. 134.

Almagro maniant la guerre à Chili, receut à Coyaco par Iean de Rada, les lettres parentes de l'Empereur, que Ferdinand Pizarre auoit apportees touchant son gouuernement. Ces lettres, encor' que depuis luy ayent cousté la vie, luy apportèrent plus de cōtèntement que tout l'or & argēt, qu'il auoit gaigné : car il estoit tres-cupide d'honneur. Il entra en conseil avec ses Capitaines, sur ce qu'y estoit besoin de faire: la resolutiō fut par l'aduis de la plus grand part qu'il failloit retourner à Cuzco, & s'en saisir comme estat du gouuernemēt d'Almagro. Il y en eut plusieurs qui luy conseillerēt qu'il peuplast, où il estoit premierement, ou aux Ciarcas, qui est vn pays tres-opulēt, & que ce pendant il enuoyast vers Pizarre pour sçauoir son intention, & celle de la communauté de Cuzco : car il n'estoit pas raisonnable de perdre ainsi son amitié. Ceux, qui inciterēt le plus Almagro à telle en-

reprinse, furēt Gomez d'Aluarado, & Roderic Ordognes d'Oropesa son amy intime, & secret. Almagro, donc, conclud de retourner à Cuzco, & en prendre le gouuernement par force, si les Pizarres ne luy bailloient de bonne volonté, ioinēt aussi qu'on disoit que l'Ynga s'estoit mis en armes. Cela estant publié, Paul & Villaomá ne trouuans gens, & ne voyans aucune commode occasion de tuer les Chrestiens comme ils auoient pourpensé s'enfuir du camp. Almagro enuoya apres Philippille, qui, à cause qu'il participoit à la coniuration, s'en estoit fuy, & estant prins, fut mis en quatre quartiers, condamné de ce qu'il ne l'en auoit point aduertty, & à cause qu'il s'estoit vne autrefois retiré vers Pierre d'Aluarado à Liribamba. Ce traistre confessà à l'heure de la mort que faulsemēt il auoit accusé son bon Roy Attabalipa, pour plus seuremēt iouir d'vne de ses femmes. Ce Philippille de Pohecios estoit vn meschant hōme, tres leger, inconstant, menteur, fort cupide de changemens, & sitibond de nostre sang : il estoit peu Chrestien, encor qu'il fust baptisé. Almagro endura autāt à retourner, qu'il auoit fait à aller. Ils veirēt vne chose merueilleuse à leur retour. Car au bout de quatre mois & demy, & d'auātage, ils trouuerēt les cheuaux, qui moururēt de froid à l'aller, aussi frais, cōme s'ils ne eussent fait q̄ mourir à l'heure presente, & les corps des Espagnols de mesme, q̄ estoiet appuyez debout cōtre les roches, tenās encor' les reines de leurs cheuaux. Par les desers Almagro feit pourueoir d'eau son cāp par le moyē des grāds moutōs de ce pays q̄ la portoiet dedās des peaux de cuir, mesme plusieurs

Espagnols montoient dessus ces bestes, encor' que ce ne soient montures propres à leur colere. Quand les Almagristres furent arriuez à Cuzco, ils s'esmerueillèrent de la veoir assiegee par les Indiens. Almagro traicta incontinent de paix avec l'Ynga, disant, que comme Gouverneur, il luy pardonneroit se il leuoit le siege, mais s'il n'en vouloit rien faire qu'il le ruinerait entierement, & qu'il n'estoit venu pour autre occasion. Mango feit responce qu'il auoit bonne enuie de le veoir, & qu'il estoit bien aise de sa venue, & du gouuernement qu'il auoit. Almagro sans penser à autre malice s'en alla capituler de peur d'autre inconuenient, laissant son armee en garde à Jean de Sajauredre. Ferdinand Pizarre ayant entendu ces venuës sortit pour parler à Sajauredre, luy offrant cinquante mille castillans d'or s'il vouloit rentrer avec luy dedans Cuzco: Sajauredre reffusa ceste condition, & l'autre ne luy osa faire aucun desplaisir, par ce qu'il estoit bien accompagné. Ainsi Ferdinand s'en retourna tout fâché, & cōme n'attendans plus aucun secours. Mango d'autre part veid bien qu'il ne pouuoit plus prendre Almagro, & ayant encor' moins d'esperance de prendre Cuzco, de peur d'estre prins, tant par les Pizarres, que par les Almagristes, il leua le siege, & se retira aux Andes qui sont des hautes montagnes au dessus de Guamanga. Almagro approcha son cāp pres Cuzco les enseignes desployees sommant les freres de François Pizarre de le receuoir incontinent en paix, pour gouuerneur suiuant le vouloir de l'Empereur. Ferdinand Pizarre, qui commandoit à la ville, feit responce que sans la volonté

lonté de François Pizarre gouverneur de ce pays, & par le commandement duquel il estoit là, il ne pouuoit, & qu'encor' moins deuoit il pour son honneur, & sa conscience, le receuoir pour gouverneur mais s'il vouloit entrer priuément, & comme particulier, qu'il le logeroit tresbien avec toutes ses troupes, & que ce pendant il aduertiroit son frere, qui estoit à la ville des Roys, de son arriuee, & de sa demande, & qu'il fasseroit que lors pour la bonne, & ancienne amitié, qui estoit entr'eux deux, ils s'accorderoient en declarant les confins de chaque gouvernement selon l'opinion des doctes Cosmographes. Almagro estimoit que ceste responce n'estoit que pour dilayer, tellement qu'il insista à sa demande, & voyant que Ferdinād resistoit vne nuit, qui estoit fort obscure, entra en la ville, & enuironna la maison, où les Pizarres, & ceux du conseil s'estoient fortifiez, & y mit le feu, par-ce qu'ils ne vouloient point se rendre. Mais, en fin, de peur d'estre bruslez se rendirēt: Almagro mit Ferdinand, & Gonzalle Pizarres en prison, & autres qui gouuernoient, & les autres habitans dès le lendemain matin le receurent pour gouverneur. Aucuns disent qu'Almagro rōpit les trefues qui auoient esté accordees iusques à ce que la responce de François Pizarre eut esté apportee. Autres disent qu'il n'y eut point de trefues: car on ne le vouloit point receuoir que par force. Autres disent qu'il eut la faueur des habitans pour entrer. Mais par-ce que ce faict touche vne partialité, chaque partie en compte à son aduantage. Il est pour le moins bien vray qu'Almagro entra par force, & qu'il y eust vn Espa-

gnol tué de chasque costé, & Almagro eust tué Ferdinand Pizarre suiuant la volonté quasi de tous, si ce n'eust esté Diego d'Auarado. La rebellion Ynga, & ce commencement de guerre ciuile aduint l'an 1536. sans que François Pizarre en sceut rien.

Comme plusieurs Espagnols, voulant secourir la ville de Cuzco, furent deffaiëts par les Indiens.

Chap 135.

Pizarre estant aduerti comme l'Ynga s'estoit reuolté, eut grand peur, & mesme quand on luy dict qu'il auoit assiegé Cuzco. Il ne pouuoit croire au commencement qu'il fut vray, ny qu'il eust tant de gens, & là dessus y enuoya incontinent Diego, Pizarre, avec septante Espagnols seulement, encore la plus part estoient à pied. Mais tous ceux cy furent assommez, par les Indiens, à la descente du mont de Parcos, cent cinquante mil loing de Cuzco. Ils tuerent aussi avec bon nombre d'Espagnols le capitaine Morgoniejo, qui menoit du secours, quelques vns eschapperent par l'obscurité de la nuit, mais ils ne peurēt gagner Cuzco, ny retourner à la ville des Roys. Pizarre y enuoya encore Gonzalle de Tapia avec quatre-vingts Espagnols: ceux cy furent aussi tuez par les Indiens, qui les assaillirent lors qu'ils estoient tous las du chemin. Ils deffirent aussi à Xauxa le capitaine Gaete avec quarante Espagnols. Pizarre estoit fort estonné de ce que ses freres ne luy mandoient rien, ny les autres capitaines, alors songeant à ce qui estoit enuoya quarante cheuaux sous la conduite de François de Godoy pour luy apporter nouuelles de tout. Cestuy cy s'en reuint la queue entre les iâbes, comme

on dict, amenant avec soy deux de la cōpagnie du Capitaine Guete, qui s'estoient sauuez à course de cheual. Ces deux racomptèrent à Pizarre tout ce qui leur estoit aduenu, ce qui estonna grandement Pizarre, & le fut encore plus quand il veid arriuer Diego d'Aguero qui s'enfuyoit, disant que tous les Indiens s'estoient reuoltez, & mis en armes, & que ils l'auoient voulu brusler, comme il estoit entre ses vassaux, & qu'une grande armee le suiuiot pas à pas. Ce fut vne nouuelle, qui meit toute la ville en vne peur extreme d'autāt que pour lors elle estoit fort mal garnie d'Espagnols. Pizarre enuoya Pierre de Lerme de Burgos, avec septante cheuaux, & bon nombre d'Indiens amis, & qui estoient desja Chrestiens, pour donner quelque empeschement aux ennemis, afin qu'ils approchassēt si près de la ville des Rois, & puis il sortist avec tout le reste d'Espagnols qui estoient là. Pierre de Lerme feit bien son deuoir à combattre, & contraignit les Indiens de se retirer en vn petit fort au haut d'une mōtagne, & en ce lieu ils eussēt esté du tout vaincuz, si Pizarre n'eust point fait sonner la retraicte. En ceste rencontre il y eut vn Espagnol de cheual tué, & plusieurs autres blesez, & le capitaine de Lerme eut les dēts rompues. Les Indiens rendirent de grandes graces au Soleil de ce qu'ils auoient eschappé vn peril si eminent, & luy feirent des sacrifices magnifiques, & des offrādes riches, & puis passerent leur cāp en vne autre mōtagne pres la ville des Roys, & n'y auoit que la riuere entredeux, ou ils furent dix iours escarmouchās cōtinuellemēt avec les Espagnols seulement: car ils n'en vouloiēt point aux autres Indies. Aussi

plusieurs Indiens Chrestiens, seruiteurs des Espagnols, alloient manger sur iour avec les ennemis, & mesme combattoient avec eux contre leurs maistres, & s'en retournoient de nuit coucher en la ville.

Le secours qui vint de plusieurs parts, à Francois

Fizarre. Chap. 136.

Pizarre se voyant assiegé, & auoir perdu quatre cens Espagnols, & deux cens cheuaux eut vne merueilleuse peur de furie, & du grand nombre d'Indiens, & encore pensoit qu'ils eussent tué à Chili Diego d'Almagro, & ses freres en la ville de Cuzco. Il enuoya dire à Alphonse d'Aluarado que il laissast la conqueste des Ciaciapoias, & qu'il s'en vint avecques ses gens le secourir. Il enuoya à la ville de Trufiglio vn nauire, afin que les femmes & enfans, se meissent dedans avec leurs biens, commandant aux hommes abandonner la ville, & se retirer en celle des Roys. Il depescha Diego d'Ayala, avec des vaisseaux pour aller à Panama, Nicaragua & Quahutemallan, & de là amener secours. Il escriuit aux isles de Saint Dominique, & Cuba, & à tous les autres gouuerneurs des Indes, touchant le danger où il estoit. Alphonse de Puen Major, Presidēt & Euesque de S. Dominique, enuoya sous la charge de son frere Dom Diego, bon nombre d'Espagnols arquebuziers, qui ne faisoient qu'arriuer avec Pierre de Veragua. Ferdinand Cortes enuoya de la nouuelle Espagne en vn nauire, Roderic de Grijalua avec force armes, artillerie, & autres choses necessaires. Le Docteur Gaspar de Spinoza amena de Panama, du Nom de Dieu, & de terre ferme beau-

coup d'Espagnols. Diego d'Ayala reuint avec grand nombre de gens, qu'il print à Nicaragua, & Quahu temallan. Il vint grand nombre d'hommes de plusieurs parts, & par ce moyen Pizarre eut en fin vne belle armee, & eut plus d'arquebuziers que iamais. Encore qu'il n'eust eu grand besoin de tant de gés pour marcher contre les Indiens, si luy seruirent ils bien contre Diego d'Almagro, comme nous dirons si apres, & ainsi il deuina bien à demander tel secours combien qu'aucuns pour lors repouterent, cela à pu sillanimité.

*Deux batailles que donna Alphonse d'Aluara-
do contre les Indiens, & en fut victorieux. Chap. 137.*

AVssi tost que le Capitaine Alphonse d'Aluara-
do eut receu les lettres de Pizarre, par lesquelles il luy mandoit qu'il le vint secourir, il laissa sa conqueste des Ciaciapoias, encores qu'elle fût ja bien encōmencee, & s'en vint à la ville de Trusiglio qui estoit le droict chemin pour venir à celle des Roys. Il feit demeurer les habitans qui auoient desja enuoyé leurs femmes, & leurs biens dehors, & vouloient se retirer vers Pizarre, abandonnans ceste ville. Il arriua puis apres à la ville des Roys, resiouissant vn chacun, par ce que c'estoit le premier, qui venoit au secours. Pizarre le feit son capitaine general, & en osta la charge à Pierre de Lerme, qui, pour estre vaillant & s'estre bien porté en ces guerres, reputa cela à son grand deshonneur, & ne peut contenir sa langue de parler vn peu trop auant. Le capitaine Aluara-
do se reposa quelques iours, & puis meit en ordre trois cés Espagnols, tât de pied, q de cheual pour deschasser les Indies où ils estoient

& se delibera de ne reposer iusques à ce qu'il les eust deffaits, ruinez, & contrains de leuer le siege de deuant Cuzco, ne sçachant encor rien de ce qui estoit suruenu entre les Espagnols de par dela. Il donna vne bataille pres de Paciacama avec Tizoyo capitaine general de Mango Ynga; & encor' dict-on que Mango mesme y estoit. Ce fut vne iournee rude, & sanglante: car les Indiens combattoient comme victorieux, & les Espagnols pour vaincre. Gomez de Tordoya de Barcarote que Pizarre luy enuoyoit le vint trouuer avec 200. Espagnols à Xauca. Delà ils marcherent sans aucun empeschement, iusques'à Lumiciaca, & au pont de pierre, & la chargerent sur vn grand nombre d'Indiens, qui a ce passage pensoient bien tuer les Chrestiens, ou pour le moins les rôpre. Mais Aluarado, & ses compagnons, encor' qu'ils fussent enuironnez de tous costez combattirent de telle vigueur qu'ils demurerent victorieux, & feirent vne grande boucherie des autres. Ces deux iournees cousterét la vie à plusieurs Espagnols, & à grand nombre d'Indiës amis, qui leur donnoient secours en ces guerres. De Lumiciaca iusques au pont d'Auançay, qui est à soixante mil, ils feirent plusieurs escarmouches, mais elles ne sont dignes d'estre recitees plus amplement. Là Aluarado entédit les reuoltes, & tumultes de Cuzco, & l'emprisonnement de Ferdinand, & Gonzalle Pizarre, & s'arresta là, iusq's à ce qu'il eust nouueau commandemēt de Pizarre, sur tel faict, puis que les Indiens qui auoient assiegé Cuzco, s'estoient retirez. Il fortifia ce pendant son camp, pour mieux se tenir sur ces gardes, contre Tizoyo, & Mango, qui

couroient là à l'étour, & aussi se deffiair d'Almagro.

Comme Almagro feit prisonnier le Capitaine Aluarado,

Et refusale parti que luy offroient les Pizarres.

Chap. 138.

Almagro voyant qu'Aluarado estoit en si bon nôbre de gens à Auacay, cōiectura qu'il estoit venu là, non pour autre occasion, que pour l'assailir, à ceste cause il se meit en ordre. Et ce pendât enuoya par deuers luy pour le sômer, & requerir que il eust à sortir hors de son gouuernement, ou bien, qu'il luy obeist. Aluarado arresta prisonnier Diego d'Aluarado, avec autres huit Espagnols, qui auoit la charge de ceste sômation, ne faisant autre responce sinô, que ceste requeste se deuoit faire à François Pizarre, & non à luy. Almagro voyant que ces gës ne reuenoiët point, préd vn autre chemin avec son armee, pour aller garder Cuzco, parce q il sçauoit bië qu'il estoit loisible à Aluarado d'aller par vn autre costé à ceste ville là. Mais côme il estoit sur tel departement, il eut aduertissemēt, & lettres côm el Pierre de Lerme vouloit se retirer avec plus de 60. soldats de sô costé, pour vn desdain qu'il auoit cōceu cōtre Pizarre, à raison qu'il luy auoit osté la charge de capitaine general, & l'auoit dōnee à Alfōse d'Aluarado. Aluarado estât de ce aduerti, le voulut arrester prisonnier: mais il eschappa, & s'ēfui du cāp sur la minuit, portât sur soy les promesses de ses amis, soub-signees de leur main n'ayāt peu pour lors les mener avec soy, parce qu'ô le pressoit de trop pres. Almagro sçachāt q Gomez de Tordia, & Vigiliua & autres l'arēdoiēt au Pōrt, s'y achemina en haste tellement qu'il y arriua à telle heure qu'il faisoit toute

nuict, & enuoya vne bonne partie des siens par le fleuve, où estoient ceux, qui deuoient se renger de son party. Le Capitaine Aluarado ayât aperceu les ennemis en son camp; commença à combattre; faisant sonner l'alarme: mais ayant mis plusieurs de ses gens à garder les passages, qui tendoiēt à son fort, & n'ayant gueres du reste de ses gens en armes; par-ce que les amis de Pierre de Lerne auoient iecté dedans la riuiera leurs picques, il ne peut soustenir la charge de son ennemy, & fut prins sans aucune effusion de sang. Il n'y eut que Roderic Ordognez, blessé d'un coup de pierre, qui luy rompit les dents. Cela faict, Almagro rassembla son armee, & s'en retourna à Cuzco. Tous ses gens estoient si braues, & hautains de ceste defaictte, qu'ils se vantoient de ne laisser au Peru aucun Pizarre, & qu'ils enuoyeroient François Pizarre gouverner les Manglars de la coste. Almagro vſi de sa victoire courtoisemēt, cōbiē qu'on vucille dire qu'il traicta mal ses prisonniers. François Pizarre, qui s'en alloit avec six cens Espagnols, pour leuer le siege de deuant la ville de Cuzco, receut à Nasca les nouuelles de tout ce que nous auōs dict cy dessus, & en eut vn grandissime plaisir. Il s'en retourna à la ville des Rois pour se pourueoir, & se mettre en meilleur equippage, s'il faillloit d'auēturer par vne bataille mettre fin à les guerres ciuiles. Car il voyoit son cōpetiteur, & aduersaire, hardi & courageux, & accompagné de grand nombre d'Espagnols. Ce pédāt qu'il dressoit son armee, il tascha à faire quelque acord par quelque bōne voye, disant qu'un meschāt acord estoit encor' meilleur qu'une .

bataille heureuse, & prospere, & pour cest effect enuoya vers Almagro le docteur Gaspar de Spinoza, qui les accorda en ceste façon: qu'en premier lieu ils fussent amis & qu'Almagro deliurast de prison Ferdinand, & Gonzalle Pizarres, & Alphonse d'Aluarado, & qu'il demeurast gouverneur de Cuzco, iusqu'à ce que l'Empereur eust limité les gouuernemens de l'un & de l'autre. Mais le docteur de Spinoza mourut en negotiant cest accord, pronosticant à sa mort la destructiō, & perte de ces gouuerneurs: qui fut cause qu'Almagro s'appuyant sur ses forces, refusa par le conseil de ceux qu'il auoit à l'entour de luy, ce party, disant que c'estoit à luy de donner la loy ce pendant qu'il auoit l'heur par deuers luy, & non pas de la receuoir d'aucun. Il laissa Gabriel de Rojas pour garder Cuzco, & luy laissa en garde les prisonniers: & quand à luy, menant avec soy Ferdinand Pizarre, s'en alla avec son armee, emportant avec soy le quint du reuenu de l'Empereur, sur la coste de la mer, où il bastit vne ville, & la peupla au dedans de la iurisdiction de la ville des Roys, comme prenant possession d'icelle par ce moyen, & fit camper toute son armee à Cinca.

Comme Almagro, & Pizarre se veirent à Mala, & parlementerent ensemble sur le faict d'accord.

Chap. 139.

Pizarre ayant entēdu tout ce que dessus, fit sonner le tabourin en la ville des Roys, doubla la paye à ses soldats, & leur fit de grands aduātages, & par ce moyen assembla plus de sept cens Espagnols avec bō nōbre de cheuaux, & d'arquebuziers qui faisoient plus estimer son armee. Vne grande

partie de ces soldats estoient venuz là, estans appelez de plusieurs endroicts pour secourir la ville de Cuzco contre les Indiens, & l'autre estoit de ceste mesme ville des Rois. Il feit capitaines des arquebuziers Nugno de Castro, & Pierre de Veragara qu'il auoit amené de Fládrès, où il s'estoit marié, & des pi quiers Diego de Urbina, & des cheuaux Diego de Roias, & Peránzures, & Diego de Mercadiglio, & pour sergent maieur il feit Antoine de Vigliaua. Comme il estoit sur cest aprest Gonzalle Pizarre, & Alphonse d'Aluarado arriuerent, lesquels il feit capitaines generaux, son frere de l'infanterie, & l'autre de la cauallerie. Ces deux cy auoient esté pris par Almagro. Mais estans mis prisonniers à Cuzco subornerent enuiron cinquante soldats de leur garde avec leur ayde sortirent de la prison, & puis osterent les cordes des cloches, affin qu'on ne sonnast point l'alarme pour courir apres eux, & s'enfuyrent avecques ces cinquante à course de cheual, amenans avecques eux prisonnier Gabriel de Roias. Pizarre publioit qu'il faisoit ceste assemblee pour se defendre seulement comme estant prouoqué. Il voulut bien encore accorder par le conseil de plusieurs. Almagro aussi de sa part fut content de rôber d'accord, & pour en venir à bout, enuoya avec procuration ample Dom Alphonse Enriquez. Diego de Mercado son facteur, & Iean de Cuzman, lesquels parlerent à Pizarre, qui remet tout son differend en l'arbitre de François de Bouadiglia Prouincial de l'ordre de la Pieté, & eux aussi se rapporterent de tout à frere François Lufando. Ces deux resolurent qu'Almagro deliurast Ferdinand

Pizarre, & rendit la ville de Cuzco, que tous deux rôpissent leurs armées & enuoyassent leurs soldats aux nouuelles conquestes, & qu'ils escriussent à l'Empereur de leur different & qu'ils se veissent, & parlassent ensemble à Mala entre la ville des Rois & celle de Cinca, n'estant chacun d'eux acôpagné que de douze cheuaux, & que les deux religieux fussent presens. Almagro dict qu'il estoit bien aise de se voir avecques Pizarre, encore que la resolution de ces deux moines luy semblast dure. Suiuât cest accord avec douze cheuaux seulement, & deuant que partir il commanda à son capitaine general Roderic Ordoñez de se tenir prest avec son armée, & s'il voyoit que François Pizarre voulust faire quelque force qu'il tuast Ferdinand son frere, le quel pour ceste cause il laissoit en sa puissance. Pizarre s'en alla au lieu deputé en mesme equipage, laissant derriere tout son camp avecques Gonzalle son frere. Ce Gonzalle se cacha bien pres de Mala, & commanda au capitaine Nugno de Castro de s'embusquer avec ses quarante archubuziers dedans des hautes cannes, qui estoient pres le chemin par où Almagro deuoit passer. Si ceste entreprise fut faicte avec la volonté de François, ou sans icelle ie croy qu'on n'en sçait rien. François Pizarre arriva le premier à Mala, & aussi tost qu'Almagro y fut arriué ils s'embrasserent l'un l'autre monstrans signes de grande ioye, se gaudißans l'un l'autre avec parolles de plaisir, mais deuant qu'ils vinssent à pour parler de leurs affaires vn quidam de la cōpagnie de Pizarre s'approcha d'Almagro, & luy dit en l'oreille qu'il se retirast incontinent de là autant qu'il

aymoit sa vie, Almagro montant aussi tost à cheual
 sen partit, & sen retourna sans parler aucun mot
 depuis. En sen retournant il apperceut l'embuche
 de ces arquebuziers, & lors creut que ce q̄ l'autre
 luy auoit dict estoit vray. Il se compleigna gran-
 dement de François Pizarre, & de ses freres, & tous
 les siens disoient que depuis Pilate en ça ne s'estoit
 prononcee vne sentence plus iniuste. Pizarre, en-
 cor' qu'on le conseillast de l'arrester prisonnier, le
 laissa toutesfoys aller, disant qu'il estoit venu sur
 sa parole, & se deschargea le plus qu'il peut, qu'il
 n'auoit point commandé à son frere de dresser vne
 telle embuscade, & qu'encor' moins auoit il sub-
 orné ses freres.

La prise d' Almagro. Chap. 140.

ENcor' que ceste veuë, & ces accollades eussent
 esté faictes en vain, & qu'elles eussent causé tāt
 d'vne part que d'autre plus grande indignation, si
 est-ce toutesfoys qu'il n'y eut point faulte d'autres
 personnes qui incontinent sans passion aucune
 s'employèrent de les accorder. En fin Diego d'Al-
 uarado les accorda en ceste façon, qu'Almagro de-
 liureroit Ferdinand Pizarre, & que François Pi-
 zarre luy donneroit quelques vaisseaux, & vn port
 seur pour enuoyer librement en Espagne ce que
 bon luy sembleroit, qu'il ne feissent rien l'vn con-
 tre l'autre iusques à ce qu'on eust receu nouueau
 mandement de l'Empereur. Almagro suiuant cest
 accord deliura aussi tost Ferdinand Pizarre sur son
 ferment, & sur sa parole, à la priere & requeste du
 capitaine Diego d'Aluarado, encor' qu'Ordognez
 l'empeschast fort, par ce pu'il auoit conceu en son

esprit vne meschante opinion du naturel selon de Ferdinand Pizarre, & mesme Almagro s'en repenrit, & l'eust bien voulu retenir. Mais c'estoit trop tard, & tous disoient que cestuy-cy renouuelleroit toutes les dissentions & renuerferoit tout sans dessus dessous. Ils ne furent point menteurs: car aussi tost qu'il fut mis en liberté on vid de grâds, & nouueaux remuemens. Mesme François Pizarre, n'alloit point droictement en ces appointemens, par ce qu'ayant ia receu des lettres patentes de l'Empereur, par lesquelles il commandoit qu'un chascun eust à s'arrestier aux lieux de leur gouuernemēt sans entreprendre rien l'un sur l'autre, se voyant auoir en liberté son frere (par le conseil mesme duquel il faisoit cecy) requist Almagro que suiuant ces lettres il eust à vider le pays qu'il auoit descouuert, & peuplé, puis-que ce nouveau mandement de l'Empereur estoit venu. Almagro feit responce, apres auoir leu ces patentes, qu'il accomplissoit le contenu d'icelles, en demeurant paisible à Cuzco, & autres villes que pour le present il possedoit suiuant le commandement, & volonté de l'Empereur portee par ces lettres, suiuant mesme lesquelles, il requeroit, protestoit, & prioit Pizarre qu'il le laissast demeurer en paix, & qu'il ne le brouillast en sa iouissance. Pizarre repiquoit qu'apres auoir peuplé, & rendu paisible Cuzco, l'autre luy auoit enleuee par force, & que ceste ville estoit en sa iurisdiction, & du gouuernement du nouveau Royaume de Toledé, & que partant il luy laissast, & se retirast, & s'il n'en vouloit riē faire, qu'il l'en deschasseroit sans autremēt rompre le serment qu'il auoit

fait puis q le téps de l'appoinctemēt estoit finy par le moyē du nouueau mandemēt qu'o auoit apporté de l'Empereur. Almagro fut resolu en sa premiere respōce. Pizarre voyāt cela faict marcher tout son ost vers Cinca sous couleur de vouloir chasser seulemēt ses aduersaires de ce lieu, qui notoiremēt estoit de son gouuernement, menant pour son conseil, & pour capitaine son frere Ferdinand. Almagro ne voulant combattre prend le chemin de Cuzco, & commande qu'on le suiue. Pour abreger son chemin il passe, & trauerse de mauuais passages, & s'arreste à Guaytara, qui est vne montagne fort haute, roide, & aspre. Pizarre ayant plus grand nombre d'hommes, & meilleurs soldats le poursuit viuement. Ferdinand auec les arquebuziers gaigne de nuict ceste montagne ayant forcé le passage. Almagro, qui pour lors estoit malade se met en fuitte, & laisse derriere Ordognez auec commandement de se retirer le mieux, & le plus sagemēt qu'il pourroit sans combattre aucunement. Il feist comme on luy auoit commandé encores que Christofle de Sotto, & autres disoient qu'il eust mieux faict de liurer la bataille aux Pizarres, qui se refroidirent en la montagne, par-ce que c'est vn accident ordinaire aux Espagnols, qui de nouueau estans sortiz des villes, & campagnes chauldes, & vont de là aux montagnes froides, & couuertes de neiges, se gelent, & enfroidurent incontinent, tant est grande la mutation, qui se faict en si peu de distance de pays. Ce mal, qui aduint aussi aux Pizarres fut cause que Almagro eut loisir de se retirer auecques tous ses gens à Cuzco, où il feist aussi tost rompre les

ponts, faire battre des armes d'argent, & de bronze, faire fondre des arquebuzes, & autres canons, fait enuillailler, & munir la ville, & la fortifier de quelques fosses. Pizarre pour l'inconuenient, qui aduint à ses gens, comme i'ay dict, fut contrainct de reprendre la plaine, & de là s'en alla en deux mois à la ville des Rois, sous pretexte de vouloir restablir, & remettre en leurs biens quelques habitants de là, & autres voisins, qui auoient esté pillés par Almagro, & de leur faire quelques nouveaux departemens pour leur donner moyen de plus aisément se rauoir, & ce pendant enuoya son camp deuant Cuzco sous la conduicte de Ferdinand Pizarre, grand Preuost estant son frere Gonzalle capitaine general. Ferdinand doncques s'en alla, à Cuzco, par vn autre chemin que celuy qu'auoit tenu Almagro, & y arriua le 26. d'Auril 1538. Almagro voyât venir ses ennemis avec vne telle resolution, meit tous ceux, qui estoient affectiônez au party de Pizarre, dedâs deux fosses, où quelques vns s'estouferent pour estre trop pressés, & enuoya au deuant Roderic Ordognez avec tous ses gens, & grâd nôbre d'Indiës par-ce qu'il n'y pouuoit estre estat deueni trop foible à cause de sa maladie. Ordognez se campa sur le grand chemin Royal entre la ville, & les montaignes à la riuë d'vn petit lac, ou paluz, & fait asseoir son Artillerie en lieu propre, & renga ses cheualx en vn autre lieu sous les capitaines François de Ciaues, Vasco de Gueuara, & Jean Tello, & enuoya vers les montaignes grand nombre d'Indiens accompagnez de quelques piétons Espagnols, qui deuoient donner secours à la

partie la plus foible, & qui seroit en danger: Ferdinand apres que la Messe fut dictée se retira de la campagne marchant tousiours en ordre de bataille, avec deliberation d'aller prendre vn hurr, & costau, qui commandoit à la ville, pensant que ses ennemys ne l'attendroient, ayant en son camp si grād nombre d'hommes comme il auoit, mais voyant qu'ils ne bougeoient, & ne s'esbranloient aucunement, & qu'ils faisoient contenance de ne vouloir refuser le choc, enuoya dire au capitaine Mercadiglio qu'avec ses cheuaux il gaignast le dessus, où bien qu'il tirast contre les Indiens de l'ennemy, où qu'il se tint prest à donner secours en quelque endroit, & dit à ses Indiens qu'ils tirassent contre les autres Indiens, & ainsi se commença la bataille, qu'on surnōme des Salines, à deux mil de Cuzco. Les arquebuziers de Pierre de Vergara entrerent dedás le paluz, & deffeirēt, & mirent en route vne compagnee de gēs de cheual des ennemys, qui apporta vn grandissime detrimēt au camp d'Ordognez. Lequel voyant le danger si eminent fait à propos dela schervne piece d'artillerie, qui tua cinq Espagnols, & intimida les autres. Mais Ferdinand les encourageoit avec belles paroles honestes, & selon les occasiōs, qui se presentoient, & cōmanda aux arquebuziers de tirer contre les picquiers, qui auoiēt leurs picques enuenimees, qui par ce moyē furent ouuers, & y eut plus de cinquante de leurs picques rompuës, ce qui esbrāla fort la partie d'Almagro. Ordognez fait signe que tous chroquassent ensemble pour rompre l'ennemy de force, mais comme les siens s'amusoient trop, il picqua deuant
auec

avec son esquadron seulement, tirant droict à Ferdinand, qui pour lors menoit le costé gauche de son camp avec le capitaine Alphonse d'Aluarado, il enfonça avec sa lance deux Espagnols, & puis tira vne estocade cõtre vn seruiteur de Pizarre, pensant que ce fust le maistre, & luy meit l'estoc par la bouche. Ordognez faisoit merueilles de sa personne, mais cela dura peu, par ce que, comme il couroit deuant tous autres de sa troupe, il fut frappé au frõt d'un coup d'arquebuz, qui en fin luy feit perdre la force, & la veüe. Ferdinand, & Alphonse assaillirent les ennemys en flanc, & en ietterent par terre cinquante, & la plus grand part avec les cheuaults. Cẽ pendant que ceux-cy combattoient les autres troupes d'Almagro chargerent par vn autre costé sur Gonzalle Pizarre, & ainsi tous ensemble combattirent, comme Espagnols brauemẽt, & d'un grand courage. Mais les Pizarres furent les victorieux, & vserent cruellement de leur victoire, reiettant toutesfoys la coulpe sur les vaincuz, qui au pont d'Auancay, encor' qu'ils fussent en petit nombre, neantmoins se vouloient venger. Ordognez estant reduict à si petit nombre qu'il ne luy restoit plus à l'entour de luy que deux hommes de cheual, il vint vn, qui le ietta en terre, & le tua. Le capitaine Ruy Diaz print l'autre, & le monta en grophe derriere soy, mais vn autre luy donna vn coup de lance dõt il mourut sur le champ. Il y en eut ainsi beaucoup d'autres tuez apres n'auoir plus d'armes, Samaniego tua de nuict, & en son liẽt le capitaine Pierre de Lerme, les capitaines qui moururent en combattant furent, Mascoso, Salinas, Fernand Aluarado, &

tant d'Espagnols : que si les Indiens , comme ils auoient bien pourpensé , eussent donné sur le peu d'hommes qui restoit quasi tous blesez , il en fussent aisément venuz à bout. Mais ils s'amuserēt à despouiller les morts , & ceux qui estoient tombez en terre , les laissant aussi nuds comme quand ils naquirent , & puis se ietterent sur les tentes pour les enleuer , & tout ce qui estoit dedās , n'estans gardées de personnes , par ce q̄ les vaincuz s'enfuoient , & les victorieux poursuiuoient . Almagro pour son indisposition ne se trouua point au combat , il regardoit la bataille d'un lieu hault , & quād il veid les siens vaincuz , il se retira dedans la forteresse. Gózálle Pizarre , & Alphonse d'Aluarado le poursuiuirent , le prindrent , & le mirent prisonnier en la mesme prison , en laquelle il les auoit mis.

La mort d'Almagro. Chap. 141.

PAR le moyen de ceste victoire , & de la prise d'Almagro aucuns s'enrichirent , & les autres s'appauurirent , par ce que telle est l'vsance de la guerre , mesmement quand elle est ciuile , par ce qu'elle se faict entre mesmes bourgeois , voisins , & parens. Ferdinand Pizarre se feit maistre de la ville de Cuzco sans contredit , non sans toutefois quelque murmure , il feit presens seulement à quelques vns , par ce qu'il luy estoit impossible de donner à tous , mais encor' ce qu'il donnoit estoit petit au pris de ce qu'un chascun , qui auoit esté en la bataille , pretendoit. Et pour ceste cause voulant preuenir à quelque mutinatiō qui se pourroit ensuiure , il enuoya la plus grād part de ses soldats pour conquerir nouueaux pays , esquels ils se peussent tous

enrichir, & entre autres n'oublia à y enuoyer ceux qu'il pensoit fauoriser à Almagro, pour foster de tout danger. Ce pendant il feit instruire le proces cōtre Almagro, dōnant à entendre que ce qu'il en faisoit n'estoit que pour l'enuoyer prisonnier à la ville des Roys, & de là en Espagne, & que mesme il se cōstituroit prisonnier avec luy, mais ayāt entēdu que Messa, & plusieurs autres se deuoient trouuer sur le chemin pour l'enleuer quand on l'emmeneroit, pour se deliurer de tels rumeurs, soit qu'aparaūēt il en eust la volōté, il le iugea à mort. Les charges, & crimes, desquels on le chargeoit, estoient: qu'il estoit entré en la ville de Cuzco avec main forte, q fut cause de la mort de plusieurs Espagnols, qu'il auoit comploté avec Mango Ynga contre les Espagnols, que sans auoir puissance de l'Empereur il auoit departy des terres à aucuns, & en auoit spolié les autres, qu'il auoit rompu les trefues, & faulsé son serment, qu'il auoit osé resister à la iustice de l'Empereur à Auancay, & aux Salines. Il y auoit encor' beaucoup d'autres causes que ie tais, par ce qu'elles n'estoient pas si criminelles. Almagro fut touché griefuement au cueur par ceste sentence, & dit quelques paroles de tresgrāde compassion, qui faisoient pleurer les yeux mesmes des plus durs. Il appella à l'Empereur: mais Ferdinand, encor' que plusieurs l'en prièrent, ne voulut acquiescer à l'appel. Almagro mesme le pria que pour l'amour de Dieu il ne le feit point mourir luy remōstrāt cōme il n'auoit esté si rigoureux en son endroit lors qu'il estoit en sa puissance, qu'il n'auoit voulu espādre le sang de son parēt, & amy, qu'en outre il cōsiderast

cōme il estoit cause que son frere ttescher Frāçoys Pizarre estoit parvenu à tel degré d'honneur, & à telles richesses, qu'il eust pitié de sa vieillesse, de son imbecillité, & de sa maladie, qu'il reuoquast sa sentence par le moyē de l'appel, & qu'il le laissast viure, ce peu de tēps qu'il luy restoit, en quelque prison honeste, où il pourroit pleurer ses pechez. Ferdinand fut totalement dur à ces parolles, qui eussent faict plier vn cueur d'acier, & disoit qu'il s'esmerueilloir cōmē vn homme si courageux auoit tant de peur de mourir. Almagro repliqua que puis que Iesus Christ, en auoit eu peur qu'o ne deuoit trouuer estrange si il en auoit peur, mais qu'à la fin il se conforteroit sur le peu de iours que son age aussi bien luy laissoit. Il fut longuement sans vouloir entendre à se confesser, pensant par là prolonger sa vie, puis quē par autre moyen il ne pouuoit. Mais en fin voyant que pitié aucune ne pouuoit trouuer place en cest homme si cruel se confessa comme vn bon Chrestien, & feit courageusement son testament, laissant ses heritiers le Roy, & son fils dom Diego. Il ne vouloit aucunement consentir à la sentence de peur de l'execution. Ferdinand aussi vouloit encor' moins admettre son appel, craignāt qu'elle fust cassée par le conseil des Indes, & aussi que son frere Frāçoys luy auoit mandé d'ainsi faire. A la fin Almagro aquiesça à la sentence avec vn courage grād, disant : qu'on me deliure de ceste prison, & que ce cruel, & second Neron se soulē de mō sang. Il fut estranglé en la prison par la priere de plusieurs, & puis on le decapita publiquemēt en la place de Cuzco l'an 1538. Plusieurs Espagnols

receurent vn grandissime desplaisir par sa mort, & leur feit grād faulte. Apres le fils il n'y en eut point, qui eust plus grand desplaisir de sa mort que le capitaine Diego d'Aluarado, qui s'estoit obligé de parole à luy pour celuy, qui l'auoit faict mourir, & auoit esté cause qu'il auoit deliuré de prison, & de mort Ferdinand, duquel toutefois iamais pour ce faict ne peut tirer aucune douceur encor' qu'il l'en priaist trefaffectueusement. Estant ainsi, non sans cause fasché, s'en alla incontinent en Espagne se plaindre de François Pizarre, & de ses freres, & redemāder la parole, & le sermēt qu'il luy auoit baillee, & aussi pour obtenir congé de l'Empereur de le desier, & le combattre. Mais ce pendant qu'il poursuioit ceste affaire il mourut à Valladolid, où pour lors estoit la court, & parce qu'il mourut en trois iours, aucūs veulēt dire qu'il fut empoisonné. Diego d'Almagro estoit natif d'Almagro, iamais on ne peut scauoir à la verité, q fut son pere, encor' qu'on aye faict grande diligence. On disoit qu'il estoit prestre, il ne scauoit lire, il estoit courageux, fort diligent, ayment sur tout l'honneur, & estre en reputation, il estoit tref-liberal, mais estoit accompagné d'vne vaine gloire: car il vouloit qu'yn chascun sceust ce qu'il donnoit, & à cause de sa liberalité il estoit aimé des soldats, quelquefois il les chastoit aigrement, tantost avec paroles rigoureuses, tantost avec la main, il quitta à quelques depteurs qu'il auoit, qui le suiurent en la province de Chili plus de cent mille ducats, rompant leurs obligations, & scedule: qui fut vne liberalité plustost digne d'vn Prince q d'vn soldat. Mais quand il mou-

rut il n'y eut aucun, qui daignast mettre sous ses genouls vn drap pour receuoir sa teste, tellement qu'il sembla à sa mort aussi meschant qu'il auoit esté durant sa vie doux & gracieux, n'ayant iamais voulu faire mourir aucun, qui fut des Pizarres. Il ne fut iamis marié, mais eut vn fils d'une Indienne, de Panama, qui eut vn mesme nom, & fut bien instruit, mais finit mal, comme nous dirons cy apres.

*Les conquestes, qui furent faictes depuis la mort
d'Almagro. Chap. 142.*

Pierre de Valdiuia s'en alla avec bon nombre de Espagnols continuer la conqueste de Chili qu'Almagro auoit encommencee, il peupla en ce pays, & commença à negotier avec les habitans Indiens, qui l'auoit receu paisiblement avec vne ruse, & finesse toutefois. Car aussi tost qu'ils eurent recueilly leur grain & leurs autres provisions s'armerent, & chargerent sur les Chrestiens, & en tuerent quatorze, qui alloient dehors au fourrage. Valdiuia sort dehors pour donner secours laissant en la ville la moitié de ses gens sous François de Villagran, & Alphonse de Monroy. Ce pendant huit mille Chilesiens viennent assaillir la ville, la voulant forcer, & contraignirent Villagran, & Monroy de sortir avec trente cheualx seulement, & quelques gens de pied. Là fut combattu d'une part, & d'autre asprement depuis le matin iusques à ce que la nuit les eust separez. Tous deux estoient contens d'une telle bataille, les Indiens de ce qu'ils auoient rendu les nostres foibles par vn si long combat, & en auoient blessé beaucoup avec leurs

flèches : les Espagnols aussi se resjouissoient de la grande boucherie qu'ils auoient faicte de ces Indiens. Ny pour cela toutefois n'abandonnerent-ils leurs armes, ains faisoient continuellement la guerre aux Espagnols, & ne leurs laissoient aucun Indien de seruice, tellement que noz gens estoient contraincts eux mesmes labourer la terre, semer, & faire toutes telles autres choses necessaires. Avec telle peine, & fatigue si ne laisserent ils pourtant à descouurer plusieurs pays le long de la coste de la mer, & par tels descouuremens entendirent qu'il y auoit bien pres de là vn Roy, nommé Leucengolma, qui mettoit ordinairement en bataille contre vn autre Roy son voisin, & ennemy, deux cens mille combattans, & que ce Leucengolma auoit vne Isle non trop loing de son pays, en laquelle y auoit vn tres-grand temple seruy par deux mille prestres, & qu'un peu plus auant estoit le Royaume des Amazones, desquelles la Royne s'appelloit Guanomilla, c'est à dire, ciel d'or, qui donnoit vn argument à quelques vns de penser que ce Royaume estoit opulent, & riche, mais toutefois, puis qu'il estoit situé, comme on dit, à 40. degrez, qu'il n'estoit gueres pourueu d'or. Mais quant à moy ie croy que ce n'est qu'une fable controuuee à plaisir, puis que depuis le temps on n'a encor' sceu veoir ces Amazones; ny aucun or de ce pays, encor' moins Leucengolma, aussi peu son Isle qu'ils surnommoient de Salomon, pour sa grādissime richesse. En mesme tēps q̄ Valdiuia feit ceste cōqueste, le capitaine Gomez d'Aluarado s'en alla cōquerir la prouince de Gua-

nuco, & François de Ciaues alla guerroyer les Con-
 cinquiens, qui molestoient la ville de Trusiglio, &
 les autres peuples de là à l'entour, qui auoient de
 coustume de porter tousiours en leur armez vn I-
 dole, auquel ils offroient les despouilles de leurs
 ennemys, & mesme du sang des Chrestiens. Pierre
 de Vergar s'en alla en Bracamorie, qui est vn pays
 pres Quito vers la Tramótane. Iean Perez de Ver-
 gura s'en alla vers les Ciaciapoians, Alphonse de
 Mercadiglio à Mulubamba, & Pierre de Candie au
 dessoubz de Collao. Mais cestuy-cy ne peut entrer
 au pays, où il alloit pour la meschanceté du pays,
 où bien à cause de ses gens, desquels la plus part se
 mutina l'un contre l'autre, par ce qu'il y en auoit
 aucuns amis d'Almagro, entre autres Messa, qui a-
 uoit esté autrefois maistre de l'artillerie de Pizarre.
 A cause de ce tumulte Ferdinand Pizarre fut con-
 trainct y aller, il feit decapiter le capitaine Messa
 comme autheur de la mutinerie, & aussi par ce que
 il auoit mal parlé de luy, & de ses freres, & qu'il a-
 uoit voulu deliurer Almagro si on l'eust mené à la
 ville des Roys. Il donna les trois cens soldats de
 Pierre de Candie au capitaine Peranzures, & l'en-
 uoya au mesme pays. Voila cōment les Espagnols
 pour lors se despartirent, & conquererent plus de
 2200. mil de pays en longueur de Leuant en Po-
 nent avec vne admirable diligence, & promptitu-
 de, non sans toutefois endurer de grands trauaux,
 & perte de plusieurs soldats. Ferdinand, & Gon-
 zalle Pizarre subiuguerent alors Collao, qui est vn
 pays fort abōdant en or, aussi par dedans reueurent
 ils leurs temples d'or depuis le hault iusques en

bas, & est bien pourueu de grands moutons qui ressemblent toutefois aux chameaux de la croix, aussi diriezvous que ce fussent plustost cerfs. Ceux qu'ils appellent Vacos, portent vne laine fort fine: ils peuuent porter sur le dos vne somme de cinquante à cent liures, & mesme ils portent les personnes, qui vont par pays, mais ils vont trop pesamment, chose possible contraire à l'impatience cholere des Espagnols: quand ils se lassent, ils tournent la teste vers celuy, qui est monté dessus, & iettent vne eau puante, & s'ils se lassent par trop, ils se laissent tomber en terre, & ne se veulent leuer, encor' qu'on les tuaist à coup de bastons, iusques à ce qu'on les ayt deschargez entierement. Les habitans de Collan viuent plus de cent ans, ils ont faulte de mays, & au lieu mangent certaines racines, qui ressemblent à des truffes, ils les appellent papas. Ferdinand Pizarre de là s'en retourna en la ville de Cuzco, où il veid François son frere qu'il n'auoit encor' veu depuis le temps qu'ils seveirent vn peu deuant qu'Almagro fut prisonnier. Ils communiquerent là ensemble de tout ce qu'ils auoient fait, & particulierement des affaires du gouuernement, ils resolurent que Ferdinand pour tous deux iroit en Espagne rendre raison à l'Empereur de tout, portant le proces d'Almagro, & le reuenue des quintz Royaumes, & le rapport de toutes les conquestes qu'ils auoient faictes, & combien elles pouuoient fournir de reuenue. Leurs amis, qui scauoient la verité de tout ce qui s'estoit passé, conseilлерent à Ferdinand de n'aller en Espagne, disans qu'ils ne scauoient en quel le part, bonne ou mauuaise, l'Empereur prendroit

la mort d'Almagro, mesmement que le capitaine diego d'Aluorado estoit allé en court pour se plaindre d'eux, & qu'ils pouuoient plus seurement, & mieux negotier leur affaire ne bougeâr, qu'en Espagne. Ferdinand au contraire disoit que l'Empereur luy deuoit rendre grandes graces pour les infinis seruices qu'il auoit faits à sa maiesté, & specialemēt pour auoir appaisé ce pays en chastiant par iustice celuy qui l'auoit mis en trouble. A son departemēt il pria son frere François Pizarre qu'il ne se fias̃t à aucun Almagriste, nommément à ceux qui allerent avec luy à Chili, par ce qu'il les auoit trouuez fort constans en l'amour qu'ils auoient tousiours porté à Almagro, & l'admonesta de prédre garde qu'ils ne fussent iamais ensemble par ce qu'ils le tueroiēt comme il auoit sceu de cinq qu'il auoit trouuez ensemble, deliberans par quels moyens ils le pourroient tuer. Sur cela il print congé de son frere, & s'en vint en Espagne, à la court avec vne grande pômpe, monstrent vne grande richesse, mais il ne fut gueres là qu'aussi tost on ne le menast de Valladolid prisonnier à la forteresse de Medine du chāp, d'où il n'est point encor' sorti.

L'entree que feit Gonzalle Pizarre au pays de la Canelle.

Chap. 143.

ENtre autres affaires, desquelles Ferdinād auoit charge de traiter avec l'Empereur, estoit d'impetrer le gouuernement de Quito pour son frere Gonzalle. Et sur vne assurance qu'auoit François Pizarre que l'Empereur ne le refuseroit point il feit ledict Gonzalle gouuerneur de ladicte Prouince. Aussi tost qu'il eut ce gouuernement il arma à

ses despens, & de ses cōpagnons 200. soldats Espagnols, & cent cheuaux pour s'y en aller, & de là gagner le pays, qu'ils surnommoient la Canelle. Ils emploierent à ceste despense iusques à cinquante mille castillans; desquels ils emprunterent la plus grād somme. En exploictāt son chemin il eut quelques rencontres avec les Indiens, & apres arriva à la ville de Quito, & là reforma quelques choses, qui touchoient son gouuernement, & amassa des prouisions pour son camp, il se fournit d'Indiens de seruice pour porter la somme, & autres choses necessaires à ses gēs, & s'en alla faire la cōquête de la Canelle, laissant à Quito pour son lieutenant Pierre de Puelles avec plus de 200. Espagnols. Il mena avec soy cent cinquante cheuaux avec 4000 Indiens, & faisoit mener pour la prouision de son cāp trois mille mōutōs vaches, & porceaux. Il chemina iusques à Quixos, qui est vers la Tramontane & est la derniere ville que Guaynacapa possedoit, il y eut grand nōbre d'Indiens, qui comparurent deuant luy avec cōtenance de cōbattre, mais aussitost s'esuanouissoient. Ce pendant qu'il estoit là, il survint vn grand tremblement de terre, qui engloutit plus de 60. maisons, & la terre s'ouurit en plusieurs lieux. Il aduint aussi tant de tōnerres, & desclairs, & si grande abondance d'eau celeste, & de gresse que nos gens en estoient tous estonnez. Gonzalle puis apres passa certaines mōtagnes, où plusieurs de ses Indiens demurerent gelez de froid, & encore outre le froid, la famine les tourmētoit, il cōtinua son chemin en grande diligēce iusques à Cumaco, qui est situé sous vne mōtagne qui iette le feu à sō som-

mer. Ce lieu est bié pourueu de toutes prouisiōs, il demeura là deux mois, durant lesquels ne se passa iour qu'il ne pleut tellement que leurs habillemēs deninrent quasi tous pourris d'humidité. En ce lieu de Cumaco, & à ses enuiron, qui est sous, ou bien presde l'Equinoxial, est la canelle qu'ils cherchoiēt. L'arbre, qui la porte, est grand, & a ses fueilles cōme celle de laurier, & porte de petits gobelets, comme sont ceux, qui couurēt le gland. Ses fueilles, ses coupeaux, son etcorce, & racine, & son fruiēt ont le goust de canelle, mais ces gobelets sont les meilleurs. Il y a de grandes montaignes couuertes de ces arbres, & les habitans de ce pays en plantent grād nombre en leurs iardins, & cloz, & à l'entour de leurs maisons pour vendre ceste espicerie, de laquelle se faiēt grand trafic en ce pays. Les habitans vont tous nuds, & se lient leur membre avec vne corde, laquelle ils ceignent à l'entour du corps. Les femmes sont pareillement toutes nuēs, sinon qu'elles couurent leur nature avec vn petit drapeau. De Cumaco ils s'en allerent à Coca, où ils reposerent cinquante iours, & prindrent amitié avecques le seigneur de là. Ils suivirent le courant de la riuere, qui passe par là, & feirent bien cent cinquante mil de chemin sans trouuer pont, ne passage, ils veirēt comme ce fleuve faisoit vn sault de deux cents stades de haut avec vn tel bruit qu'il rendoit les personnes sourdes, ce qui estonna grandement nos gens. Ils trouuerent au dessus de ce sault vn canal faiēt de pierre large de vingts pieds par lequel passoit ce fleuve, qui auoit bien en profondeur 200. autres stades. Les Espagnols feirent vn pont dessus

ce canal, & passerent de l'autre costé, par ce qu'on leur disoit que c'estoit vn meilleur pays, ils trouuerent quelque resistance en ce pays, mais de peu de vertu, & arriuerent à Guema ville pauvre, où les habitans ne mangent que fruits, herbes, entre lesquels y en a vn, qui a le goust d'vn aux. En fin ils arriuerent en vn pays, où les personnes estoient plus raisonnables, ils mangent du pain, & se vestent d'abits faits de toile de cotton, mais il pleuuoit si fort, & si continuellement que nos gens ne pouuoient faire essuyer leur robbe. A laquelle occasion, & aussi parce que ce pays estoit quasi tout couuert de paluz, & marers, ils furent contrains faire vn brigantin, encorés qu'ils n'en fussent ouuriers: mais la necessité les rendit maistres. Au lieu de poix, ils faidoient de resine, & au lieu d'estoupes ils se seruiôient de leurs vieilles chemises, & de cotton: & au lieu de fer, ils battoient les fers des chéuaux qu'ils auoient mangez, car telle estoit leur disette, & mesme furent contrains manger leurs chiens. Gonzalle Pizarre meit en son brigantin tout l'or, ioyaux, vestemens, & leurs merceries, d'eschange, & en dōna la charge à François d'Oregliane, avec quelques canoas, où estoient les malades, & quelques autres personnes saines, qui chercheroient des prouisiōs. Ils feirent à leur aduis plus de huit cens mille de pays. Oregliané par eau, & Pizarre par terre, suiuant & costoyant tousiours l'eau, se faisans en plusieurs lieux faire voye par forcé de main, & de fer. Pizarre passoient souuent d'vn costé & d'autre du fleue pour trouuer meilleur chemin, mais tousiours il faisoit arrester le brigantin, où il se reposoit. Or cō-

me en vn si grād pays ils ne trouuoier̃t aucune provision, ny richesses quelcōques semblables à celles de Cuzco, Colao, Xaxa, & Paciacama, ils renioient, de despit. Ils s'enquirēt, s'il n'y auoit point quelque bone ville aual le fleuue qui fust bien pourueuē, ou ils se peussēt repaistre. On leur dit qu'adix soleils de là il y auoit vne fort bōne ville, & q̃ ils la recognoistroient à vn autre grād fleuue, qui au pied d'icelle entroit dedans cestui-cy. Suiuāt cest aduertissēmēt Gōzalle enuoya Oregliane là pour en apporter des viures, où que pour le moins il l'attēdist là. Mais il ne retourna, ny attendit, ains passa outre comme nous auons recité en vn autre lieu. Ce pendāt Gōzalle chemina tousiours sans s'arrester en aucū lieu endurent de gradissimes trauaux, & pressē de famine, ayāt cuide par plusieurs fois se noyer en passant des fleuues qu'il rencontroit, & estāt arriué au lieu, où ces deux grands fleuues se ioingnoier̃t sans veoir le brigantin, auquel gisoit toute leur esperance, & qui portoit tout leur biē, il pēsa luy & tous les siens perdre tout entendement & deuenir fols, & insensēz, parce qu'ils n'auoient plus de pieds, ny de santé pour aller plus auāt, & auoier̃t peur des chemins, & montagnes par où ils auoient passé, où ils auoient perdu 50. de leurs compagnons, & grand nombre de leurs Indiens. En fin ils se resolurent de retourner à Quito prenans vn autre chemin à l'aduenture, lequel, encor' qu'il fut fascheux si est ce neantmoins qu'il ne se trouua point si insupportable cōme celuy qu'ils auoient ia faiēt. Ils employerent à aller, & reuenir vn an & demy, ils feirēt 1200. mil de chemin, ils endurent des peines infinies, avec les

pluyes continues. Ils ne trouuerent point de sel en la plus grand part des lieux ou ils allerent. Ils ne reuindrét pas cent Espagnols de plus de deux cens, qui y estoient allez, il ne retourna aucun Indien de tous ceux qu'ils auoient menez, encor' moins retourna il aucun cheual, & les mangerét tous, mesme peu s'en faillut qu'ils ne mangerent les Espagnols, qui se mouroient, suiuant la coustume, qui est entre les peuples de ce grand fleuue. Quand ils arriuerent où estoient les Espagnols ils baisoient la terre : ils entrerent à Quito tous nuds ayans les espauls & les pieds tous vlcerez, afin qu'on veid quels ils estoient deuenuz par ce voyage, telleinét que ceux mesme, qui encore auoient des collets, bonnets, & souliers de cuir de cheure à la façon des pasteurs, les auoient ostez à leur entree pour se monstrier ainsi tous nuds. Ils estoient si debiles, si defigurez qu'o ne les pouuoit cognoistre, & auoient l'estomach si gasté de manger peu, que non seulement le trop māger les molestoit, mais aussi se sentoient greuez d'un manger moderé.

La mort de Francois Pizarre. Chap. 144.

A Pres que François Pizarre fut de retour à la ville des Rois, il s'efforça d'attirer à son amitié Dom Diego d'Almagro, qui de sa part n'en vouloit aucunement, & n'en monstroït aucun signes car tant par le conseil de Jean de Rada, à qui le pere l'auoit recommandé, que du sien propre il auoit resolu de se venger. Pizarre luy osta les Indiens qu'il auoit afin qu'il n'eust plus de moyen d'entretenir, ny de fournir de prouisions, ceux de Chili, qui se rangeoient de son costé, pensant par là l'a-

pauvrit, & ainsi le reduire à telle necessité, qu'il fut contrainct venir soy-mesme à sa maison le prier de ce qui luy eust peu estre necessaire, & par telle voye rompre les assemblees & monopoles, qu'il eust peu faire contre luy. Mais luy, Jean de Rada, & ses autres amis, s'irriterent d'avantage de ceste façon de faire & porterent des armes en la maison de Dom Diego, tant qu'ils peurent en secret. On aduertit Pizarre de tout, mais il n'en feit cas, disant qu'ils auoient eu assez de fortunes, sans en chercher d'avantage. Vne nuit on attacha trois cordes au lieu patibulaire, qu'estoit au meillieu de la place de la ville, l'une vis à vis de la maison de Pizarre, l'autre deuant la maison du Lieutenant, & Docteur Jean Velasquez, & la troisieme au deuant de celle du secretaire Antoine Piccado. Pizarre ne feit aucune inquisition de tout cela, ce qu'il haulla la hardiesse des Almagristes, en telle sorte, qu'ils s'assembloient de plus de six cens mil loing, pour deliberer avecques Dó Diego, de la mort de Pizarre: car en eue trouble les pescheurs font leur profit. Ils ne vouloient pas le faire mourir, encor que sa mort fut ia cōiurée par entre eux, que iusques à tant qu'ils eussent eu responce du Capitaine Diego d'Auarado, lequel, comme j'ay desia dict, estoit allé en Espagne pour accuser les trois freres Pizarre. Mais ils aduancerent leur entreprinse par la nouvelle qu'ils receurent comme le docteur Vacca de Castro venu d'Espagne, & aussi qu'on leur dict que Pizarre les vouloit tous faire mourir. Si cela n'estoit veritable, c'estoit la malice d'aucuns, qui desirans la mort de Pizarre cachoient la main, de laquelle ils iettoient la pierre.

pierre . On donna encor aduertissement à Pizarre comme sans doute aucun ils vouloient le tuer , & que partât il se donnaſt garde . Il feit reſponce que les teſtes des autres garderoient la ſienne , & qu'il ne vouloit point auoir autre garde , afin que Vacca de Caſtro ne diſt point qu'il l'armaſt cõtre luy . Vn iour Iean de Rada accompagné de quatre ſoldars , ſ'en alla en la maiſon de Pizarre , pour ſçauoir la verité de ce qui ſ'y faiſoit . Il luy demanda pourquoy il vouloit faire mourir Dom Diego , & les ſiens , Pizarre luy iura qu'il n'auoit iamais penſé telle choſe & qu'encor' moins il l'eũt voulu faire : mais qu'au contraire , on luy auoit diſt que Dom Diego , & les ſiens , le vouloient tuer , & que pluſieurs l'auoient acertené que pour ce faire ils auoient acheté forces armes . Iean de Rada luy reſpondit que ce n'eſtoit pas beaucoup qu'ils achetaffent des cuiraffes , puis qu'il achetoit des lances . Ce fut vne reſponce trop braue & hardie , & vne puſillanimité , & imprudence trop grande à Pizarre , de quoy ſur ces parolles , & pour pluſieurs autres choſes , il ne l'arreſta prifonnier . Rada luy demanda permiſſiõ pour Dom Diego de pouuoir ſe retirer de la ville , avec tous les ſiens . Pizarre , qui n'entendoit point ceſte diſſimulation , n'en feit aucun compte , & comme n'y penſant point il ſ'amuſoit à cueillir des citrons , eſtant pour lors en ſon iardin , & les donna à Rada luy diſant que c'eſtoient les premiers , qui eſtoient venus en ceſte ville , & que ſ'il auoit neceſſité de quelque choſe qu'il y remedieroit , & la deſſus donna congé à Rada , qui ſ'en alla auſſi toſt rapporter aux cõiurez tout ce que il auoit faiſt . Ils reſolurent tous

de tuer Pizarre apres la Messe le iour de Saint Iean. Vn des coniurez descouuit toute l'entreprinse à Alphonse de Heuao, chappellain de la grande Eglise, qui la nuict communiqua le tout à Piccado, & à Pizarre, luy declarant entierement toute la trahison, laquelle vn des coniurez luy auoit reuelee en secret, & que pour ceste cause de peur d'estre recogneu, il festoit deguisé en cest habit d'homme lay. Pizarre pour lors souppoit avecques ses enfans, ils se troubla aucunement à ceste nouuelle: mais vn peu apres estant reuenu à soy, il dict qu'il n'en croyoit rien, par ce qu'un peu deuant Iean de Rada l'estoit venu veoir, & que celuy qui disoit auoit descouuert telle trahison, ne la meritoit en auant que pour charger ledict de Rada d'une telle meschanceré. Si est ce toutesfois que pour ceste affaire il enuoya querir Iean Velasquez son lieutenant, qui n'y peut venir pour estre couché en son lict malade, & pour ceste cause s'en alla par deuers luy, accompagné seulement d'Antoine Piccado, & de quelques pages qui portoient les torches. Estant là, il dict au docteur: qu'il remediast à ceste affaire, l'autre luy feit responce qu'il pouuoit demeurer en seurté s'il vouloit, puis qu'il auoit en main le glauiue de iustice, Quant à moy ie m'esmerueille de Piccado, qui ne rechaufa autrement la froideur du gouuerneur, & du lieutenant pour mettre ordre à vn danger si eminent. Pizarre ne s'en soucioit se fiant sui son lieutenant. Le iour de S. Iean venu, il n'allast point à l'Eglise, de peur de ces cōiurez, qui auoient deliberé de le massacrer à la Messe, & la feit chanter en sa maison. Le lieutenant François de

Ciaues & autres gẽtilshõmes, apres la grãd Messe s'ẽ allerẽt disner avec luy, & les autres en leurs maisõs. Les coniurateurs voyans que Pizarre n'estoit sorty de sa maison pour aller à la Messe penserent estre descouuers, & mesme d'estre prins s'ils n'executoiẽt bien tost ce qu'ils auoient deliberẽ. Entre ceux qui fauorisoient le party de Dom Diego, & qui pour lors estoient prests à executer: le plus grãd nombre estoit de ceux de Chili, & y en auoit bien peu de ceux qui s'estoient offerts des autres endroicts, parce qu'ils ne vouloient point encor' se declarer iusques à ce qu'ils eussent veu quelle issue eust pris ceste entreprinse, que Jean de Rada vouloit mettre à sus. Ce Rada estant fort cault & rusẽ, & courageux tout ensemble choisit vnze soldats bien armez lesquels furẽt Martin de Viluaõ, Diego Mendez, Christofle de Sose, Martin Carillo, Arbolãcie, Hinojeros Naruãez, Saint Millã, Porras, Velasquez, & Frãçois Nugnez, & cõme tous disnoiẽt s'en allerẽt droit où estoit Pizarre ayans leurs espees nues, & crians au meillieu de la place: tue ce tyran; tue ce traistre, qui a faiẽt mourir Vacca de Castro. Ils disoiẽt cecy pour irriter le peuple. Pizarre oyant tel bruit & tels cris cogneut alors ce qui estoit: il fẽit fermer la porte de la sale, & dit à Frãçois de Ciaues qu'il la gardast avec vingt hommes, qu'il auoit pour lors en sa maison, ce pendant qu'il yroit s'armer. Jean de Rada laissa vn homme à la premiere porte de la ruẽ, qui auoit charge de dire que Pizarre estoit desia mort, afin que tous ceux de Chili vinssent plus hardiement luy donner secours, qui incontinent s'assemblerẽt iusques à deux cens. Ce pendant il monte en

4. LIVRE DE L'HIST.

haut avec ses dix autres compagnons, François de Ciaues luy ouvre la porte, pēsans le retenir, & l'apaiser tāt par sō autorité, que par belles parolles. Mais eux pour entrer auāt qu'ō refermast la porte, luy dōnerent pour responce vne estoCADE: il meit la main à l'espee, & disant ces mots: cōment seigneurs & amis ? luy donnerent vn grand coup, qui luy fendit la teste si auant, qu'il cheut mort iulques en bas des degrez. Les autres voyans leur chef mort, se jetterent par les fenestres dedās le iardin, & le Docteur Velasquez le premier, tenant avec les dents, le sceptre de iustice, afin q'il ne luy empeschast les mains. Il en demeura seulement sept en la salle qui combattirent, desquels deux furent blecez, & les cinq autres tuez. François Martin d'Alcantara, qui estoit frere de Pizarre, Vargas, & Scandon, pages, vn Negre, & vn Espagnol seruiteur de Ciaues, defendirēt la porte de la chambre où s'armoit Pizarre: les pages furent tuez. François Pizarre apres sortit fort bien armé, avec vn courage inuincible, & semblable à vn Cæsar, & quand il eust veu qu'il n'estoit resté seulement que François Martin, il luy diēt avec parolles courageuses: Or sus, mon frere, chargeōs, nous sommes tous deux seulement assez suffisans pour combattre ces meschans traistres. Mais François Martin ne dura gueres, & ainsi François Pizarre demeura seul, qui manioit son espee avec vñe force de lyon, & si dextrement, qu'il ny auoit homme si vaillāt fut-il, qui osast s'approcher de luy. Ica de Rada en combattant poussa Naruaez, & comme Pizarre sauāçoit pour tuer lediēt Naruaez, qu'estoit rōbé, tous l'assaillirent ensemble, & le pour-

suivirent insques à la chambre, où il tomba d'un coup d'estocade qu'on luy donna en la gorge. Le vaillant Pizarre mourut, demandant confession, & faisant le signe de la croix, sans qu'aucun luy dit, Dieu te pardonne : Il mourut le 24. de Juin. 1541. Ce Pizarre estoit fils bastard de Gonzalle Pizarre, qui avoit esté Capitaine au Royaume de Nauarre. Il nasquit en la ville de Trusiglio, & le porta on devant la porte de l'Eglise. Il fut par quelqs iours alaité d'une truie, n'ayant personne qui luy voulust donner de son lait, depuis le pere le recogneut, & estât grandet l'enuoya garder ses porcs, & par ce moyen n'apprit aucunement à lire. Un iour ses pourceaux s'esgarerēt, & les perdit, il n'osa retourner à la maison de peur, & s'en alla avec quelqs passans à Seuille, & de là passa aux Indes. Il demeura quelque temps à S. Dominique, & puis s'en alla à Vraba avec Alphonse d'Hojeda, & avec Vasco Nugnez de Valuoia au descouvrement de la mer de Midy, & depuis à Panama avec Pedrarias, il descouvrit, & cōquist ce Royaume qu'on appelle Peru, aux despēs de la société qu'il avoit faite avec Diego d'Almagro, & Fernand Lucque. Il trouua & eut plus d'or, & argent qu'aucun Espagnol n'eust aux Indes, ny qu'aucun capitaine eut iamais voiageāt par le mode. Il n'estoit liberal, ny chiche, il n'estimoit point ce qu'il donoit: il avoit grand soing de ce qui appartenoit au Roy. Il estoit grand ioueur avec un chacun, sans mettre differēce entre les bōs, & mauvais. Il ne s'habilloit pas opulemment, il est bien vray qu'il portoit souvēt un manteau de martres que Ferdinand Cortes luy avoit enuoyé. Il se plaisoit à porter des souliers blancs, & le chapeau

de mesme, imitant en cela le grand capitaine. Il n'é-
 tédioit pas bien comme il falloit commander en paix;
 mais en guerre, il gouvernoit fort bien ses soldats.
 Il estoit d'entendement gros, robuste, courageux,
 vaillant, & honorable: mais avec tout cela, il fut tres-
 negligent à garder sa vie.

*Ce que feit dom Diego d'Almagro, apres la mort
 de Pizarre. Chap. 145.*

AV bruiet qu'on tueoit le gouverneur Pizarre,
 ses amis accoururét, & au bruiet qu'il estoit des-
 ja mort, les Almagristes venoient, tellement qu'il
 y eut vne grosse meslee, & tuerie entre ceux de Pi-
 zarre, & ceux d'Almagro: mais elle ne dura gueres,
 car les homicides feirent incontinct monter à che-
 val Dom Diego, & le menerent par la ville, crians
 qu'il n'y avoit point autre gouverneur, ny mesme
 autre Roy que luy en Peru. Ils saccagerent la mai-
 son de Pizarre, qui estoit tresriche, & celle d'Antoi-
 ne Piccado, & de plusieurs autres riches personnes.
 Ils se faisoient de toutes les armes qu'avoient les ha-
 bitans, qui ne vouloit dire: viue dō Diego d'Alma-
 gro. Il est vray qu'il y en eut biē peu, qui oserēt cō-
 tredire le vainqueur. Ils feirent en outre que les of-
 ficiers du Roy, & du gouvernement receurēt pour
 gouverneur dom Diego iusques à ce que l'Empe-
 reur eut commandé autre chose. Ils pouvoient faire
 tout ce qu'ils vouloient, par ce que Ferdinand Pi-
 zarre estoit en Espagne, & Gonzalle son frere au
 pays de la canelle, & si ils eussent esté tous deux
 presens, ou l'un d'eux, ils n'eussent possible pas tué
 leur frere. Cependant le corps de François Pi-
 zarre gisoit là, sans estre enterré, & n'oyoit on

en la ville que plainctes de femmes, qui auoient perdu leurs maris, ou qui estoient blecez, & nul n'osoit toucher au corps de Pizarre sans la volonté de dom Diego, ou de ceux, qui l'auoient massacré. En fin par la permission de dom Diego Iean de Babarao, & sa femme feirent enleuer par leurs esclaués Negres les corps de François Pizarre, & François Martin, & les feirent porter à l'Eglise, où ils furent enterrez, fournissans à leurs despens de luminaire, & de tout ce qu'on a accoustumé offrir à tel seruice. Ils cacherent aussi leurs enfans de peur qu'ils ne fussent tuez par telles personnes, qui desia s'estoient baignez au sang de leurs peres, dom Diego disposa du glaue de iustice ainsi que bon luy sembla, & constitua prisonnier le docteur Velasquez, Antoine Piccado, Diego d'Aguero, Guillaume Xuarez, le docteur Caruaial, Barrios, Herrera, & autres. Il fit son capitaine general Iean de Rada, & donna les charges de son armee, & places de capitaines à Garzia d'Aluarado, à Iean Tello, à vn autre François de Ciaues & à quelques autres. Il assembla bien iusques à 800. Espagnols. Il print tous les biens, & meubles de ceux, qui auoient esté tuez par les siens en ceste meslée, & de tous ses ennemis absens, & mesme le quint du Roy: Le tout faisoit vne somme assez grande pour contenter les soldats, & capitaines. Il sourdit incontinent entre eux des dissensions pour le commandemēt, & voulurent tuer Iean de Rada, qui commadoit, & gouernoit tout. Pour ce tumulte dom Diego fit estrangler François de Ciaues, & en chastia plusieurs autres, il fit trācher la teste à Antoine d'Origuele,

qui vn peu deuant estoit venu d'Espagnē, par-ce qu'il auoit dit en la ville de Trusiglio que tous ces gouuerneurs n'estoient que tyrans. Il escriuit par tout à ce qu'on l'eust à receuoir pour gouuerneur. Plusieurs le receurent pour la memoire de son pere, autres pour la peur. Mais le capitaine Alfonse d'Aluarado, qui estoit avec cēt Espagnols à Ciacia pois arresta prisonniers les messagers, qui luy apportoiēt telles lettres. Ce qu'ayant entēdu dō Diego, il despescha incōtinēt Garzia d'Aluarado pour aller par mer à Trusiglio, & à S. Michel, avec charge de se saisir des armes, & cheuaux des habitans, qui fauorisoient à Alfonse d'Aluarado, & que s'estant saisy d'icelles il cheminaist contre luy. Garzia print en la ville d'Arequipa grand nombre d'or, & d'argent, que les habitans de saint Dominique y auoient, & le dispersa à ses soldats. Il feit pendre Montnegre, & en meit plusieurs prisonniers, il osta la charge de lieutenant qu'auoit Diego de More à Trusiglio, par ce qu'il aduertissoit de tout Alfonse d'Aluarado. Il feit à S. Michel decapiter Villegas, François de Vofmedian, & Alfōse de Cabrete grād maistre d'hostel de Pizarre, qui avec les Espagnols de Guanuco s'efuyoit de dō Diego, & Diego Mendez, qui s'en alloit à la ville de l'Argent avec vingt cheuaux. Il prit en la ville de Porco 11070. liures d'argent affinē, & persuada à dō Diego de prendre les mines, reuenus, meubles, & autres biens de François, Ferdinand, & Gonzalle Pizarres, qui estoient riches infiniemēt, & ceux de Peranzures, Diego de Roias, & d'autres.

Ce qu'on feit en la ville de Cuzco contre dom

Diego. Chap. 146.

SVr les lettres que dom Diego auoit enuoyé par Stout. Diego de Selus, Roderic, & François de Carauaial preuosts de Cuzco vserent d'une astuce. Car ils requierent dom Diego qu'il luy pleut, auant que le receuoir pour gouuerneur, leur enuoyer mādemens plus amples, & suffisans que n'estoient ceux qu'ils auoient receuz, & ce pendant assemblerent gens de tous les lieux circonuoisins. Gomez de Tordoya allant à la chasse entendit les nouuelles de la mort de Pizarre, & ce que demandoit dom Diego. Alors il print son faulcon, & luy tordit le col : disant : il est maintenant vn temps plus propre à combattre qu'à chasser, & rentra dedans la ville de nuit, où il communiqua avec le conseil secret de ce qu'il conuenoit faire, & s'en alla deuant iour, où estoit Nugno de Castro, & aduertirent de leurs affaires Peranzures, qui demouroit à Ciarcas, & Pierre Aluarez, qui estoit empesché à la conqueste de Cioquiapo, & Diego de Roias, qui estoit en la ville de l'Argent, & les habitans de Arequipa, & d'autres lieux : Ils manioient bien secrettement toutes ces affaires à Cuzco, parce qu'il y auoit en la ville beaucoup d'Almagristes, qui procuroient l'aduācemēt de dom Diego. Ils meirent donc ordre à leur faict sous le nom du Roy en ceste sorte. Ils feirent capitaine, & grand Preuost Pierre Aluarez, & s'obligerent de rendre les deniers du Roy, qu'ils prenoient pour soustenir la guerre, si l'Empereur ne les alouoyt pour bien despendus. Pierre Aluarez feit Gómez de Tordoya son maistre de camp, pour capitaines de la cauallerie il esleut Perázures, & Garcilasso de la Vega, & pour l'Infanterie Nugno de Castro,

& donna l'estendard Royal à Martin de Robles. Il fit faire monstre generale, & trouua cent cinquante cheuaux, nonante arquebuziers, & plus de deux cens autres soldats. Quand ceux qui estoient du parti de Dom Diego veirent tel aprest, eurent grād peur, & y en eut plus de cinquante, qui s'enfuirent, apres lesques Nugno de castro, & Ferdinand Bacciao coururent avec quelques arquebuziers, & les amenerent prisonniers. Pierre Aluarez, qui estoit desja aduertri de l'intention de Dom Diego, sortit de la ville pour rassembler ceux, qui s'estoient tous espars de peur de dō Diego, & pour se ioindre avec Alphōse d'Aluarado pour aller en sēble vers la ville des Rois dōner la bataille à Dom Diego: car il s'asseuroit qu'approchant de son ennemy plusieurs soldats de Dom Diego se retiroient de son costé, Dom Diego sçachant la venuë de Pierre Aluarez enuoye deuant Garzia d'Aluarado, & puis part apres avec cent arquebuziers, 150. picquiers, & 300. cheuaux, avec vn grand nombre d'Indiens de seruice: & à fin qu'en son ab'ence il n'y eut quelque rebelliō en la ville, il fit sortir dehors les enfans de François Pizarre, & donna la question à Piccado pour sçauoir où estoit le tresor de son maistre, & puis le tua. Il arriua à Xauxa, & s'arresta là, par ce que Iean de Rada tomba malade dont il mourut. Il estoit venu iusques en ce lieu à cause qu'il auoit enuie de rōpre Aluarez deuant qu'il se peut ioindre avec Alphōse d'Aluarado, & avec Vacca de Castro, qui estoit desia arriué en la ville de Quito, & auoit escrit à Hierome d'Aliaga, François de Barrio Nouo, & à frere Thomas de S. Martin Prouincial de là.

Du camp de dom Diego se retirerent vers son ennemy Gomez d'Aluarado, Guillaume Xuarez, de Caruajal, Diego de Aguero, Jean de Sajaunedre, & plusieurs autres. Ceux-cy auoient esté mis prisonniers apres la mort de Pizarre. Ce pendant Pierre Aluarez luy print quelques espies, qui l'informerent de tout: il en feit pēdre troys, & promet troys mille ducats à vn autre pour espier diligemment tout ce que dom Diego feroit, disant qu'il vouloit l'assaillir par vn certain chemin trauerfant, esgaré, & plein de neiges, mais c'estoit vne ruse pour le deceuoir. Dom Diego print cet espiō ayant soupçon de luy pour ce qu'il auoit trop demeuré, luy donna la question, & ayant confessé la verité le feit pendre comme estant double. Aussi tost suiuant la cōfession de cet espie il faiēt tourner son camp, & le faiēt mettre en ce chemin trauerfant plein de neges, où il demeura troys iours endurāt vn grandissime froid. Ce pendant Pierre Aluarez sans aucun empeschement passe, & se ioinēt avec Alphonse d'Auarado à Guarayz, qui est vne ville de Guaylas. De là ils escriuent tous deux à Vacca de Castro & qu'il vint prédre la charge de l'armee, & du pais pour l'Empereur, dom Diego suiuit Pierre Aluarez trente mil; mais ne le pouuant ioindre, il tourna vers Cuzco pillant tout ce qu'il rencontroit.

Comme Vacca de Castro s'en alla au Peru.

Chap. 147.

QVand l'empereur eut entendu les tumultes & guerres ciuilles du Peru, & la mort d'Almagro, & de plusieurs autres Espagnols, il voulut scauoir, qui en estoit cause, pour chastier les seditieux,

afin qu'après vn chascú se tint en paix, & en vnion. Pour cet effect il enuoya là avec mandemens, & lettres patentes bien amples le docteur Vacca de Castro natif de Maiorcque: & à fin qu'il eust meilleur courage d'entreprendre ce voyage il le feit de son conseil Royal, & luy donna l'habit de cheualier de S. Iacques, & luy feit autres graces, le tout par le moyé du Cardinal Garzia de Loaysa Archeuesque de Seuille, & president des Indes, qui le fauorisoit grandement pour l'amour du Comte de Siruele son amy. Ainsi Vacca de Castro s'en alla au Peru. Il eut à Panama des tourmentes, qui le contraignirent se ietter au port de Bonauenture du gouuernement de Venalcazar, vn pays desesperé, comme les Manglares où fut Pizarre. Il ne voulut ou ne peut de là aller par mer à Lima & print son chemin à la ville de Quito, & peu s'en fallut que par le chemin il ne mourust de faim, & de maladie Pierre de Puelles, par ce que Gonzalle Pizarre n'estoit encor' de retour de son voyage de la canelle, le receut amiablement, & donna aduertissement à plusieurs de sa venue. Vacca de Castro reposa en ceste ville quelque temps, & ce pendát feit ses provisions, qui luy estoient necessaires. Il partit puis après pour aller à la ville de Trusiglio prendre la charge de l'armee qu'auoient Pierre Aluarez, & Aluarado pour resister à dom Diego. Quand il arriua là il auoit avec luy plus de deux cés Espagnols avec Pierre de Puelles, Laurent d'Aldene, Pierre de Vergara, Gomez de Tordoia, Garcilasso de la Vega, & autres, qui se meirent du costé de l'Empereur. Il presenta ses lettres de l'Empereur au Cónseil,

& toute l'armee. Il fut receu pour gouuerneur, & iuge du Peru. Il rendit tous les estats & offices du gouuernement à ceux, qui les luy remettoient en main. Autant en feit-il des enseignes, & compagnes, reseruât seulement l'estandard Royal pour soy. Il enuoya à Xauxa avec toute l'armee Pierre Aluarez qu'il auoit fait maistre de camp general, & laissa à Trusiglio pour son lieutenant Diego de More, & luy s'en alla à la ville des Roys pour leuer gens, & amasser des armes, à fin de croistre son cāp, & aussi pour leuer deniers pour payer ses soldats. Il emprunta des habitans cent mille pesans d'or, qui puis apres se payerent sur le reuenue de l'Empereur. Il laissa pour son lieutenant François de Barrio nouo de Sturie, & pour capitaine des vaisseaux il choisit Iean Perez de Gueuare, leur commandant si dom Diego reuenoit en ceste ville qu'ils s'embarquassent avec tous les habitans, & se iettassent en pleine mer : & puis s'en alla prenant le chemin de Xauxa avec les soldats qu'il auoit leuez, entre lesquels y auoit bon nombre d'arquebuziers. Il emmenoit aussi avec soy grande quantité de poudre. Quand il fut arriué il feit faire la monstre, & trouua six cens Espagnols, autres disent neuf cens, il y auoit 170. arquebuziers, & 350. cheuaux. Il nomma pour capitaines de la cauallerie le maistre de camp Pierre Aluarez, Alfonse d'Aluarado, Gomez d'Aluarado, Pierre de Puellas, & autres, & feit capitaines des arquebuziers Pierre de Vergara, Nugno de Castro, & Iean Perez de Gueuare, & feit grand portenseigne François de Caruaial, par l'industrie, & conseil duquel il manioit ceste guerre. Sur ces entrefai-

Et on apporta lettres de Quito comme Gonzalle Pizarre estoit de retour, & vouloit venir voir Vacca de Castro : mais il luy escriuit aussi tost qu'il ne vint point iusques à ce qu'il luy eust mädé, de peur qu'il fust cause de rompre les appoinctemēs qu'on traitoit avec dom Diego, où de peur que les soldats ne l'eussent pour capitaine general, & gouverneur pour l'amour de son frere François Pizarre, l'amour duquel estoit encor' bien auant enraciné aux cœurs de la plus grand part des capitaines, & soldats.

L'appareil de guerre que feit dom Diego en la ville de Cuzco. Chap. 148.

AV temps que dom Diego arriua à Cuzco, les habitās estoient en dissention, & pour l'amour d'icelle Christophle Sotelle s'en estoit party desia deuant, & n'estoit resté que Gomez, & Roias, qui tenoit pour Vacca de Castro, mais à l'arriuee de dom Diego personne ne se remua, & ainsi se faisit paisiblement de la ville, où il feit incontinent faire de la pouldre, fondre de l'artillerie, battre des armes de bronze, & d'argent, & donna tout ce qu'il peut à ses capitaines, & soldats. Ce pendant il s'esmeut vne querelle entre Garzia d'Aluarado, & Christophle Sotelle, Garzia tua Christophle avec deux estocades, & puis voulut encor' tuer dom Diego, voller la ville, & se retirer à Chili avec ses amys. Pour venir à bout de ceste entreprinse plus aisément, & à son hōneur il faiēt vne ruse. Il prie dom Diego à venir disner en sa maison, mais sçachant desia la trahison, il feignit d'estre malade ce iour là, & feit mettre secrettement en son arriere cham-

bre Iean Balze, Diego Mendez, Alphonse de Saja-
uedre, Iean Tello, & quelques autres amis de So-
telle. Garzia d'Aluarado part de sa maison avec de
ses amys pour aller querir dom Diego pensans l'a-
mener chez soy, & ne voulut iamais retourner en-
cor' que Martin Carrille, & Salade l'aduertissent
de l'embusche qu'on luy auoit dressée. Il pria dom
Diego de venir dîner puis q l'heure estoit venuë,
& que tout estoit prest. Je me sens tout maldisposé,
Seigneur Aluarado, dict dô Diego allôs toutesfois.
Il se leua de son liët, & print sa cappe. Ceux d'Alua-
rado voyas qu'il s'acheminait, sortët hors la cham-
bre, mais aussi tost qu'ils furent sortiz, vn quidã de
dom Diego ferma la porte, laissant dedans Garzia
d'Aluarado tout seul, où il fut tué. Aucûs disent que
dom Diego le frappa le premier. Ceste mort estât
cogneuë, les soldats cōmencerent à se mouuoir: car
il auoit beaucoup d'amis, mais dom Diego pacifia
tout incontinent. Il y en eut toutesfoys quelques
vns qui se retirerët à Xauxa, il mit en ordre toute
son armee, qui montoit iusques à sept cens Espa-
gnols. Il y auoit 200. arcbufiers, & 250. cheuaux,
& le reste estoïët picquiers, & halebardiers, & tous
auoiët la cuirasse, ou iacque de maille, & les hōmes
de cheual auoiët quasi tous le corselet: C'estoient
les gens les mieux armez qu'eut onques son pere,
& mesme Pizarre. Il estoit en outre bië muni de
bōne artillerie, en laquelle il s'asseuroit grãdemët.
Il estoit suiuy d'vn grand nombre d'Indiens sous
la conduïte de Paul que son pere auoit faïët Ynga
des Indïes. Il partit de Cuzco en grãd triomphe, &
ne s'arresta q iusques à ce qu'il fut arriué à Vilcas, q

est à 150. mil loing de Cuzco . Il auoit pour son capitaine general Iean Balse, & pour maistre de camp Pierre d'Ognate , par ce que Iean de Rada estoit ia mort.

La bataille de Ciupas, entre Vacca de Castro, & Dom Diego. Chap. 149.

Vacca de Castro s'en alla de Xauxa à grâde iournee , avec toute son armee à Guamanga , pour entrer le premier en ceste ville, par ce qu'il auoit eu aduertissement que les ennemis s'approchoient pour se mettre dedans. Guamanga est vne ville bié forte, pour estre sur vn haut, & enuironnee de hauts precipices , & estoit de grande importance pour donner la bataille. De là Vacca de Castro escriuit à Dô Diego par Lope d'Ydiacaiz, & Diego de Mercado qu'il luy pardonneroit tous les meurtres, voleries, courses, enuahissemens & autres crimes qu'il auoit faicts: fil vouloit consigner, & mettre entre ses mains son armee , qu'il luy donneroit dix mille Indiens, où il voudroit, & qu'il ne poursuuiroit aucun de ses amis . Diego luy feit respôce qu'il feroit tout ce qu'il luy mandoit fil luy donnoit le gouuernement du nouveau Royaume de Toledé, & les mines , & departement d'Indiens qu'auoit eu son pere. Sur ce arriua à Guaraguaci vn prestre, qui dict à Dom Diego qu'il venoit de Panama, & que l'Empereur luy auoit pardonné, & l'auoit faict gouuerneur du nouveau Royaume de Toledé, & que pour ceste bonne nouuelle il luy donnast quelque chose pour remuneration . Il luy dict d'auantage que Vacca de Castro auoit peu d'Espagnols, encor' mal armez, & mal contens. Ces nouuelles encor' qu'elles

les fussent faulſes, & non creües, ſi donnerent elles grand courage aux ſoldats. Durant auſſi qu'on traitoit cet accord quelques coureurs prindrent en la campagne Alphonſe Garzia deguiſé en Indien qui portoit des lettres de l'Empereur, & de vacca de Caſtro à pluſieurs capitaines, & gentilſhommes, par leſquelles ils leur promettoient de grandes choſes, ſ'ils vouloient ſe retirer deuers eux. Dom Diego ſeit pendre ce porteur de lettres, & ſe complaignit de Vacca de Caſtro, qui ſous couleur de faire vne paix ſubornoit ſes gens. Mais la conſtance, ou bien l'indignation fut grande de ſes ſoldats deſquels n'y en eut pas vn qui l'abandonnaſt. Il eſcriuit des lettres aux capitaines, & ſoldats de l'Empereur pleines de propos hautains & deſhonneſtes, leur remonſtrant en outre qu'ils ne ſe fiaſſent point à Vacca de Caſtro, encor' moins au Cardinal de Loaiſa qui l'auoit enuoyé, puis qu'il n'auoit aucune prouiſion de l'Empereur, & ſ'il en auoit, qu'elle ne valoit rien pour eſtre contre les loix, par ce qu'elle le faiſoit gouuerneur au cas que Pizarre mouruſt. Dom Diego ſe fuſt rendu ſi on luy euſt pardonné tout & que l'Empereur euſt ſigné ſa remiſſion, & auſſi qu'on luy euſt donné le gouuernement de ſon pere, ainſi qu'on dict. Mais deſpité, où ſe conſiant trop ſur ſes forces il publia la bataille en preſence de Lope Ydiacaiz, & Mercado, & promet à ſes ſoldats les biens, & les femmes des ennemis que ils tueroient. Ce fut vne promeſſe de tyran. Auſſi toſt il ſeit retirer plus loing de Vilcas ſon armee, & artillerie, & ſ'alla planter ſur vn couſtau au pied de vne haute montagne à ſix mil loing de Guamanga:

Quand Vacca de Castro eut entendu la resolution
 de dom Diego, & qu'il eust veu comme il auoit re-
 mué son camp, il se campa en vne plaine haute nō-
 mée Ciupas le 15. de Septembre 1542. Les deux ar-
 mees estoient bien pres l'une de l'autre, mais les
 cœurs estoient loing, par ce que ceux de dom Die-
 go desiroient donner la bataille, & les autres recu-
 loient, disans que Ferdinand Pizarre auoit esté ar-
 resté prisonnier pour auoir donné la bataille des
 Salines, encor' qu'il fut enuoïé de l'Empereur pour
 chastier les autres. Vacca de Castro voyāt les cœurs
 des siens refroidiz pour vne peur, leur feit vne belle
 harāgue les encourageāt à la bataille : & afin qu'ils
 combattissent de meilleure volonté, il condamna
 à mort dom Diego d'Almagro, & tous ceux, qui le
 suiuiotent. Il signa ceste sentence, & la feit publier.
 Le lendemain avec la volonté, & opinion d'un
 chacun, il departit sa cauallerie en six escadrons,
 feit aduancer deuant Nugno de Castro avec 50. ar-
 quebuziers pour attaquer l'escarmouche, & luy a-
 uec vne grande peine monta avec le reste de l'ar-
 mee sur vn lieu haut, où le Capitaine Martin de
 Valence bracquā l'artillerie. Si dom Diegō eust des-
 fendu ce passage, il les eut tous rompus estans des-
 ia contrainsts pour gagner ce coustau marcher en
 desordre, & se presser. Il n'y auoit entre les deux
 armées qu'une petite vallee, & s'escarmouchoient
 desia legerement se frappans seulement du plat de
 la langue. Dom Diego estoit campé en vn lieu ad-
 uantageux, & tenoit ses gens en bon ordre, s'il ne se
 fust changé. Il auoit son infanterie au meillieu, sa
 cauallerie aux ailles, & son artillerie deuant en vne

longue plaine pour tirer à visée contre ses ennemis, qui l'eussent voulu affronter. Il mit encor à main droite Paul Ynga avecques ses Indiens garnis de frondes, de dards, & de picques. Vacca de Castro fit encor vne longue harangue aux siens, & se mit deuant tous la lance sur la cuisse leur disant qu'il falloit à ceste heure combattre, puis que Dom Diego en vouloit manger. Ils luy respondirent tous que la fidelité, ny le courage ne leur māqueroiēt point, & le prièrent, & le forcerent de se tenir derriere, & ainsi demeura à l'arrieregarde avec trente cheuaux. Il mit à main droite la moitié de sa cauallerie sous Alphonse d'Aluarado, & avecques l'estādard Royal que portoit Christophle de Barrientos, & les autres à main gauche sous Pierre Alvarez, & autres capitaines, & au milieu fit ranger son infanterie. Il commanda à Nugno de Castro qu'il se tint à part avec cinquante arcbufiers, & qu'il donnast secours au lieu qui en auoit besoing. Il estoit desia tard, & l'artillerie de dom Diego tiroit furieusement, qui faisoit peur à plusieurs: vn ieune garçō pour se garder d'icelle se cacha derriere vne grosse pierre de roche, le boulet frappa contre, & en fit voller vn esclat qui le tua. Vacca de Castro eut bien voulu remettre la bataille au lendemain pour la nuit: qui s'approchoit, & plusieurs capitaines estoient de cest aduis. Mais Alphonse d'Aluarado, & Nugno de Castro estoient d'opinion qu'il la failloit donner, encores qu'il conuint combattre de nuit, disans qu'en la dilayant les soldats se refroidiroient, & passeroient du costé de Dom Diego pensans qu'on la refuseroit de peur,

la raison que les ennemis se mōstroïēt en plus grād nombre. Il y auoit encor' vn autre incōuenient qui les empeschoit de venir au combāt, c'est qu'ils ne pouuoient aller droict assaillir leur ennemy sans estre grandement offencez par l'artillerie. Mais François de Caruajal, & Alfonse d'Aluarado guiderent l'armee par vne vallee qu'ils trouuerēt à main gauche, par laquelle ils remonterent du costé de dom Diego sans auoir receu aucun detrimēt de l'artillerie, par ce qu'elle passoit par dessus, & mesme furent contraincts laisser la leur à cause de la montee, qui estoit trop roide, & aussi que les canoniers n'estoient pas trop experts, comme ils le demonstrerēt en vne piece, qui tua cinq de leur compagnons. Dō Diego se meit à marcher vers ses ennemis sans rompre son ordre pour ne se mōstrer pour lasche, ne refroidy. Il fut conseillé de faire ainsi par ses capitaines. Mais ce conseil fut contre l'opinion de Pierre Xuarez sergent maieur, qui entendoit mieux la guerre que tous les autres, & on dit pour certain que s'il n'eust bougé, qu'il eust gagné la bataille. Mais il se vint mettre sur la crotte de la montee, & ne peut plus s'ayder de son artillerie. Les Indiens de Paul Yngas commencerent à desbander leurs frōdes, & lancer leurs dards iettans force cris. Nugno de Castro meit ses arquebuziers au deuant qui les feirent retirer. Marricote vint donner secours à ses Indiens, & ainsi commença l'escarmouche. Ce pēdant les Esquadrons de Vacca de Castro gagnent le hault, & la plaine. L'artillerie tire contre eux, & emporte vn rang de gens de pied, & les fait ouir. Mais les Capitaines les feirent incontinent

referrer, & aduancer le pas, qui fut vn mauuais conseil, car ils eussent esté tous mis en pieces, si François de Caruajal qui gouernoit ces escadrons ne les eust retenuz iusques à ce que l'artillerie eust cessé de tirer. Durant ces escarmouches les arquebuziers de dom Diego tuerent Pierre Aluaez, & blecesserēt Gomez de Tordoya, qui tōba mort en terre. Pour laquelle chose, & pour le grād escheec que faisoit l'artillerie sur l'infanterie, le capitaine Pierre de Vergara, qui estoit aussi blecé, commença à crier apres la cauallrie qu'elle eust à donner dedans. Les trompettes, & clairons sonnerent l'alarme, & aussi tost la cauallerie descocha sur l'ennemy, dom Diego avec vne grande furie picque à l'encontre, & à la premiere rencontre des lances il en tomba par terre beaucoup d'vne part, & d'autre, & d'auantage encore quand on vint de plus pres aux mains avecques les haches, & espees. La bataille fut pour vn temps en grand doubte sans pouuoir dire de quel costé s'inclinoit la victoire, encore que l'infanterie de Vacca de Castro eust gaigné l'artillerie: aussi ceux de dom Diego auoiet mis à mort grand nombre de leurs ennemis, & auoient encor' deux cornettes entieres. Il faisoit desja nuit, & l'vn & l'autre vouloit dormir la victoire en la main, & pour ceste cause le combat se rechauffa plus ardemment, & tous combattoient hardiment comme lyons, ou pour mieux comme vrayes Espagnols, considerans que le vaincu deuoit perdre la vie, l'honneur, les biens, le gouvernement du pays, & le vainqueur estre maistre de tout. Vacca de Castro avec ses trente cheuaux fonce vers la

main gauche de son ennemy, où il brauoit desia, & se tenoit comme vainqueur. Il se renouella encore là vne tierce bataille, où Vacca fut vainqueur, encor qu'on luy eust tué le capitaine Ximenez, Mercado de Medine, & autres. dom Diego voyant les siens vaincuz se ietta dedás ses ennemis, afin qu'en combattant on le tuast, mais aucun ne le blessa, ou par ce qu'o ne le cognoissoit poir, où à cause qu'il combattoit courageusement. A la fin il s'enfuit avec Diego Mendez. Iean Roderiguez Varragan, Iean de Guzman, & trois autres, & s'en alla vers la ville de Cuzco, où il arriua en cinq iours. Il restoit encore Christophle de Sose, & Martin de Viluoá, qui hardiment, où temerairement crioient que c'estoient eux, qui auoient tué François Pizarre: ils furent mis en pieces combattans valeureusement, plusieurs se sauuerent pour estre desia nuict, & autres prindrent les escharpes rouges des soldats de Vaca, qui gisoient morts. Les Indiens, qui comme gardans les arres attendoient l'issuë de la bataille, tuerent Iean Basse, & vn commandeur de Rhodes, & plusieurs autres qui s'enfuyoient vers vn autre Ynga. Il mourut trois cés Espagnols de la part du Roy, & grand nombre de l'autre part, mais non pas tant. Ce fut vne bataille bien sanguinolente, & peu de capitaines eschapperent vifs, par ce qu'ils combattoient avec la plus grande constance du monde, il en demeura de blesez plus de quatre cens, la plus part desquels mourut ceste nuict de froid.

La iustice que feit Vacca de Castro de Dom Diego d'Almagro & de plusieurs autres. Chap. 150,

VAcca de Castro employa la plus grand part de la nuit à haranguer, & louer ses capitaines, & gentilshommes. Les plus grands venoient par deuers luy le congratuler de ceste victoire qu'il auoit gaignee. A la verité tous meritoient d'estre louez, & luy d'estre esleué iusques au ciel. Ils saccagerent apres, les tentes de dom Diego, où ils trouuerent bon nombre d'or, & d'argent, & tuerent tous ceux qu'ils y trouuerent. Aucun ne se desarma de peur d'une surprinse de l'ennemy: car ils ne scauoient pas bien s'il y en auoit de restez, & comme ils s'en estoient fuis. Ils endurerent grand froid ceste nuit & faim, & auoient grande pitié, & compassion des cris & plainctes que faisoient les blesez se sentans mourir de froid, & estre despouilleez par les Indiens, lesquels mesme les acheuoient de tuer avec des masses, leur couppans les testes pour les despouiller. Mais le iour estant venu Vacca de Castro enuoya quelque cheuaux courir la campagne, fait habiller les blesez, & enterrer les morts. Il fait porter à Guamanga les corps de Pierre Aluarez, Gomez de Tordoya, & de quelques autres. Il fait trainer le corps de Martin de Viluoá par ce qu'il auoit tué François Pizarre. On fait le semblable à Martin Catille, Arbolancie, Hinojeros, Velasquez, & autres. Ils employerent ce iour à telles choses, & le lendemain ils attriuerent à Guamanga où Vacca de Castro commença à chastier les Almagristes, qui estoient prins & blesez: on en recouura en ceste ville plus de 160. On bailla en garde leur armes aux habitas. Le docteur de Gama eut la charge de faire leurs proces, il fait en peu de iours leur arrest, & par iceluy on

meit en quatre quartiers les capitaines Iean Telo, Diego de Hores, François Perez, Ieá Perez Iean Diere, Marticote, Basille, Cardenas, Pierre Ognate maitre de camp, & autres trente que ie ne nomme point pour euiter prolixité. Vacca en confina quelques vns, & pardonna aux autres. Il renuoya à à leurs maisons tous ceux, qui auoient departement d'Indiens, & charges de villes. Il enuoya le capitaine Pierre de Vergata peupler les Bracamores qu'il auoit ja subiuguez, & s'en alla à Cuzco, de peur que Dom Diego luy fust osté par quelques vns, qui luy vouloient du bien. Dō Diego, qui s'en estoit fuy en ceste ville pensant ramasser quelques forces ne peut seulemēt assembler quatre personnes, ains au contraire son lieutenant Roderic de Salazar de Toledé, & Antoine Ruiz de Gueuare preuost, & autres habitans le prindrent, & meirent prisonnier le voyás vaincu, & seul. Vacca de Castro luy feit trancher la teste, & feit pendre Iean Roderiguez, Varragan, & Henry portenseigne, & autres. Diego Mendez eschappa de la prison, & se retira vers vn Ynga, qui demeuroid aux montagnes, & fut depuis tué par les Indiens. Par la mort de dō Diego le Royaume du Peru deuint aussi paisible qu'il estoit deuāt qu'il suruint aucune inimitié entre son pere & Pizarre, & pouuoit Vacca de Castro gouerner tout en toute iustice, & equité, & cōmander à tous les Espagnols sans aucun contredit. On louoit grandement l'esprit de dom Diego, mais non pas l'intention, ny le peu de respect qu'il eut du Roy. Car estant si ieune il végea par le conseil de Iean de Rada la mort de son pere, sans auoir voulu prédre

chose aucune des biens de Pizarre, encor' qu'il fut en grande necessité. Il sçauoit cōme il failloit conseruer ses amis, & gouverner le peuple, qui volontiers le receuoit, encor' qu'aucunesfois il vst de rigueur, & permit quelque sac pour cōtenter les soldats, il combattit vaillamment, & mourut catholiquement. Il estoit fils d'une Indienne de Panama, & estoit plus vertueux que n'ont accoustumé d'estre tels enfans yssus d'Indienne, & Espagnols. Ce fut le premier, qui print les armes, & cōbattit contre son Roy. On s'esmerueille de la cōstāte amitie que les siens luy portoient : car iamais ne l'abandonnerent iusques à ce qu'ils fussent du tout vaincuz, encor' qu'on leur offrist pardon de tout le passé, tant a de force le premier amour, la premiere affection, les picques, & indignations qui s'impriment vne fois en l'esprit de l'homme. Apres ceste bataille il resta beaucoup de soldats, qui n'auoient guerres vaillant, & auoient encor' moins à faire. Vacca de Castro craignant qu'ils ne suscitassent de nouveau quelques tumultes semblables aux passez tant pour preuenir à cest inconuenient, qu'aussi pour conquerir, & conuertir les Indiens, enuoya plusieurs capitaines en diuers endroits. Entre autres Diego de Roias, Philippe Gutierez de Madrid, & Nicolas d'Heredia, qui emmenerent avec eux grosse troupe de soldats. Il enuoya Monroy donner secours à Valdiuie, qui en auoit bon besoing à Chili, & Iean Perez de Gueuare à Mulubamba, qui est vne ville, & pays, qui ja estoient commencez à subiuguer. Ce pays est riche en mines d'or, & est situé entre les deux fleues de Maragnon, & de l'Ar-

gent, où pour mieux dire ces deux fleuves naissent en iceluy, lesquels en cest endroict nourrissent certains poissons de la grandeur, & semblance d'un chien, & mordent les hommes comme un chien. Les gens de ce pays vont tous nus, vsent de l'arc, mangent chair humaine. On dit que pres de là vers la Tramontane on veoid des chameaux, des coqs, comme ceux de Mexicque, & du bestail fourché plus petit que celuy du Peru, & qu'aussi là aupres sont les Amazones d'Oregliane. Vacca de Castro enuoya querir Gonzalle Pizarre, & luy donna permission d'aller aux pays qu'il auoit peuplez, & au departement qu'on luy auoit donné des Ciarcas. Il distribua les Indiens, qui estoient vacquans par ceste guerre: plusieurs se pleignirent de ceste distribution, à cause qu'ils n'y auoient point eu part. Il feit plusieurs ordonnances au grand proffit des Indies, qui pour lors commencerent à estre en repos, & à cultiuer la terre: car par les guerres passées, ils auoient esté fort mal traictez, & dit-on que durât ce temps il en mourut plus de 1500000. & plus de 1000. Espagnols. Vacca de Castro demeura en la ville de Cuzco vn an & demy, durant lequel temps on descouurit des mines d'or, & d'argent riches au possible.

La Visitation du conseil des Indes Chap. 151.

DEs dissentiōs du Peru, desquelles no⁹ auōs traicté cy dessus, aduint qu'il faillut, pour y mettre meilleur ordre pour l'aduenir, qu'on feit vne recherche sur le conseil des Indes, & y establir nouvelles loix, qui furent neātmoins cause de la mort d'un grand nombre de personnes, & susciterent

beaucoup de maux, non pas par-ce qu'elles estoient meschantes, mais à cause qu'elles estoient par trop rigoureuses, comme nous dirons. Le docteur Iean de Figueroe Auditeur du conseil Royal fut cômisi pour faire ceste informatiõ. Les Auditeurs de ce cõseil estoient le docteur Bertrád, le docteur Gutierrez Velasquez, le docteur Iean Vernal de Lugo, & le licentié Iean Xuarez de Carauajal Euesque de Lugo. Le procureur fiscal estoit le docteur Villalobos, le Secrettaire Iean de Samagno, & le President frere Garzia de Loaisa Cardinal, & Archeuesque de Seuille, l'Empereur ayant veu quelques informations priua du conseil le docteur Bertrand, & l'Euesque de Lugo. L'Euesque demeura tousiours à la suite de la court, & de là à quatre, où cinq ans, l'empereur le feit cõmissaire general de la Cruciade. Le docteur Bertrád se retira à nostre Dame de Graces de Medine des champs, où il auoit vne maison. Il remercioit Dieu de ce qui luy permettoit finir le reste de ses iours sans se mesler d'affaires, sans ieux, & sans troubles. C'estoit vn homme subtil, & fort resolu, estant Aduocat il gaigna de grands salaires, & laissa ceste praticque pour entrer au conseil Royal, d'où depuis on l'osta. Je l'ay veu pleurer ses disgraces se pleignant de soy mesme, de ce qu'il auoit laissè son aduocasserie pour tenir l'audience, il auoit fort aymé le ieu : sa femme, & les enfans iouyoient aussi, qui le ruinerent. A toute personne le ieu ne vault rien, mesme à ceux, qui ont des faciendes, & qui maniét les affaires d'un Roy, & d'un royaume. Le Cardinal ne fut pas aussi sans auoir vn calomniateur, qui par ce moyen pensoit succeder

en son estat de Presidēt. Mais il fut tousiours trouuē net, il estoit aussi grandement fauorisē de l'Empereur, & estoit amy du secretaire François de los Couos, qui auoit la superintendance de tous les affaires du Royaume.

Ceux qui firent les loix & ordonnances des Indes.

Chap.

152.

L'Empereur ayant entēdu le desordre, qui estoit au Peru, & les mauuais traictemens qu'on faisoit aux Indiens, voulut remedier à tout, comme Roy iuste, & ialoux du seruice de Dieu, & de l'aduantage des hommes. Il commanda au docteur Figueroe, qu'apres auoir prins le sermēt il examinast les gouuerneurs, conquesteurs, & religieux, qui auoient estē aux Indes, tant sur la qualité des Indies, que sur le traictement qu'on leur faisoit, & si l'opinion, de quelques moynes estoit veritable, qui disoient qu'il ne pouuoit conquerir ces pays. Il chercha en outre personnes de sçauoir, & de bōne conscience, qui feissent des loix pour bien, & sainctement gouuerner les Indes. Il esleut le Cardinal frere Garzia de Loaisa, Sebastien Ramirez Euesque de Cuenca, & president de Valladolid, qui auoit estē president à S. Dominique, & à Mexique, Dom Jean de Zuniga gouuerneur du ieune Prince Dom Philippe, & grand commandeur de Castille, le secretaire Couos grand commādeur de Leon: Dom Garzia Manrique, comte d'Osorne, & president des ordres des Cheualiers, qui auoit de lōg temps maniē les affaires de l'Indie, en l'absence du Cardinal Loaisa: le Docteur Fernand de Gueuare, & le Docteur Jean de Figueroe, qui estoiet de la cham-

bre du Roy: le Docteur Mercado auditeur du conseil Royal: le Docteur Vernal: le Docteur Guitierrez Velasquez: le Docteur Salmeron: le Docteur Gregoire Lopez, qui estoient auditeurs des Indes: & le Docteur laques d'Arteaga. Ils s'assembloient pour traicter & aduifer ensemble chez le Cardinal, & feirent, encor' que ce ne fut avec la volonté de tous, quarante loix qu'ils appellerent Ordonnances, lesquelles l'Empereur signa de sa main, à Barcellone, le 20. de Novembre 1542.

Les grandes esmotions qui aduindrent au Peru, à cause des Ordonnances. Chap. 153.

AVssi tost que les Ordonnances, & nouvelles Loix furent faictes pour les Indes, ceux, qui de là estoient en Espagne, les enuoyerent en diuers quartiers de l'Indie à leurs amis, & furent cause de faire esmouuoir troubles par tout. La plus grande esmotion aduint au Peru, par ce qu'il n'y auoit si petite ville en iceluy, qui n'eust eüe copie des Ordonnances. Ils commencerent à sonner le toczin par tout, & s'assembler, se mettans en furie oyans lire telles Loix, aucuns se malcōtentoient de l'exécution d'icelles, autres renioient, & tous mauldissoient frere Bartelemy de la Case, qui les auoit procurees: les hommes ne mangeoient point de fescherie, les femmes, & les entans ne faisoient que pleurer: les Indiens s'en-orgueillissoient, qui estoit vne chose grandemēt à craindre. Tous les peuples escriuoient les vns aux autres, & consultoient de ce qui estoit à faire sur ces Ordonnances. Ils trouuerent expedient d'enuoyer à l'Empereur quelque grand, & riche present d'or, pour la despence qu'il

auoit faicte à l'entreprinse d'Alger, & à la guerre de
 Parpignan. Aucuns en escriuient à Gonzalle Pi-
 zarre, autres à Vacca de Castro, qui trouuoient leur
 requeste bonne, pensans par ceste voye exclurre
 Blasco Nugnez, & demeurer seuls au gouuerne-
 mēt du Royaume. Je ne dis pas eux deux tous seuls
 ensemble, mais chascū pensoit seulemēt pour soy:
 car s'ils y fussent demeurez seuls ensemble, c'eust
 esté encores pis. Tous les pays, donc, espluchoient
 entr'eux la vertu, force, & equité, de ces nouuelles
 Loix, & avec personnes doctes, qui ja demeueroiēt
 en ces pays, pour eux suiuaēt l'auis, en escrire au roy,
 & le remonstrer au Vice Roy, qui venoit pour les
 executer. Il y eut aucuns de ces gens doctes, qui
 conseillèrent qu'ils ne tomberoient point en deso-
 beissance, ny en crime aucun n'obeissant point à
 telles Ordonnāces, & q̄ c'estoit encor' moins pre-
 senter requeste à l'encōtre, disans qu'ils ne les rom-
 poient point, puis qu'ils ne les auoient iamais ac-
 cordees, encor' moins obseruees, & qu'elles ne de-
 uoient point auoir lieu de Loix, & qu'elles n'obli-
 geoient, puis qu'elles auoient esté faictes sans le
 consentemēt de la cōmunauté des Royaumes, qui
 a accoustumé dōner authorité, & qu'encor' moins
 l'Empereur pouuoit faire telles Loix, sans premier
 les auoir faict entendre à ceux, qui representoient
 tous les Royaumes du Peru. Ils disoiēt d'auantage
 que toutes ces Loix estoient iniustes, excepté celle
 qui defendoit qu'aucun peut charger les Indiens,
 & s'en seruir pour porter la somme, & celle qui cō-
 mandoit de taxer les tributs, celle aussi qui vouloit
 qu'on chastiaist ceux qui traicteroient mal & cruel-

lement les Indiens, & celle qui commandoit d'auoir soing de faire instruire les Indiens en la foy, & quelques autres, & qu'on auoit mal conseilé l'Empereur de signer les autres, qui ne meritent point d'estre appellees Loix, comme celle qui commandoit que les auditeurs, & officiers s'employassent certaines heures du iour à aduiser cōme le reuenu de Roy pourroit croistre, & celle qui nommoit pour president le Docteur Maldonado, & autres qui estoient plustost Instructiōs, que Loix, & ne sentoient rien qu'inuention de Moynes. Par telles raisons vn chascun prenoit courage, & les Capitaines, principalement ceux qui festoient employez aux cōquestes, & les soldats prenoient plus grande hardiesse de dresser requestes à l'encōtre de ces Ordōnāces, & mesme y contredire. Il y auoit d'auantage, qui les rendoit plus fiers, c'est qu'ils auoient deux partētes de l'Empereur, par l'vne desq̃lles il leur donoient & à leurs fēmes, & éfās les departemēs qu'ils auoient, afin qu'ils se maintinsēt, commandant expressement se marier, par l'autre il ne vouloit qu'aucun fust spolié de ses Indiens, & de son departement, sans que premier il fut appellé en iugemēt, & cōdemné.

Comme Blasco Nugne & Vela, & autres quatre Auditeurs s'en allerent au Peru. Chap. 154.

A Pres q̃ les Loix, & Ordonnāces pour les Indes eurent esté faites, on cōseilla à l'Empereur d'enuoyer avec icelles au Peru hōmes capables, & suffisans, par ce qu'elles sembloient à la verité vn peu rudes, & que les Espagnols, qui estoient là, estoient ja accoustumez à remuemens, & nouveautez. Sa maiesté, qui cognoissoit biē cela, esleut & enuoya,

avec tiltre de Vice Roy, & quarante ducats d'estât par iour, Blasco Nugnez Vela grand cheualier, & Capitaine des gardes, homme hault à la main, & tel qu'il faillloit pour executer entieremēt ces loix. Il feit aussi vn Parlement au Peru, car deuant on releuoit les appellations à Panama. Il nomma pour Auditeurs le Docteur Diego de Cepede de Tordesiglias : le Docteur Lison de Tejada le Docteur Pierre Ortiz de Zarate, & le Docteur Pierre Aluarez. Et par ce que depuis que le Peru auoit esté decouuert, on n'auoit point ouy les comptes des Officiers, il enuoya pour les ouir Augustin de Zaratte qui estoit secretaire du Conseil Royal. Ainsi, donc, Blasco Nugnez partit avec ces quatre Auditeurs, & arriua à la ville du Nô de Dieu le 10. de Ianuier, 1544. Il trouua là Christophle de Barrientos, & autres du Peru, qui vouloient faire voile en Espagne avec bonne quantité d'or, & d'argent. Il requist les Preuosts q̄ par l'authorité de iustice, qu'ils auoiēt, ils feissent arrester cest or, iusques à ce qu'il fut verifié d'où, & cōme ils l'auoiēt leué. Car on luy auoit dit qu'ils auoiēt v̄du des Indiēs, & qu'ils en auoit fait trauailler d'autres aux mines. Cecy fut cause de ce q̄ s'esmeurent, & se pleignerēt les habitans, & ceux, à qui appartenoit l'or, rant pour leur dōmage particulier, que par-ce qu'ils voyoient que Blasco vouloit entreprēdre en vne ville, qui n'estoit point de son gouuernement: & n'eust esté l'aduis des auditeurs, qui ne vouloient rien faire, qu'en leur iurisdiction, il eust tout confisqué suiuant les ordonnances qu'il portoit, faictes contre ceux, qui par force faisoient trauailler aux mines les Indiens. De

là il s'en alla à Panama, où il meï en liberté tous les Indiens du Peru qu'il peut recouurer, & les renuoya en leur possessions: il y en eut aucuns qui se cachèrent de peur d'estre renuoyez, disans que c'estoit leur meilleur d'auoir vn maistre, que d'estre sans: autres demeurerēt au Port Vicil, où il feït débarquer tout l'or, qui estoit à ceux de la ville du Nom de Dieu. Et afin q̃ les Espagnols de ces deux villes ne murmurassent plus, il dict qu'il vouloit pour le present seulement proceder à l'encontre de Vacca de Castro, qui permettoit, & mēme commandoit qu'on feït trauailler les Indies aux mines, & pour ceste cause luy, & les quatre Auditeurs commencerent à tenir en surseance beaucoup de choses. Ce pendāt ces quatre Auditeurs tombent malades, & sont retenuz au liēt. Blasco Nugnez ne laisse à partir sans les vouloit attendre, encor' qu'ils l'en priaissent, & le cōseillassent de n'aller seul, pour les tumultes qu'il scauoit ja estre esmeuz au Peru. Il arriua à Tombez le 4. de Mars. Il met en liberté tous les Indies, & oste toutes les Indiennes que les Espagnols tenoient pour concubines, & commanda aux Indiens de ne donner aucun viure aux Espagnols sans payemēt, & qu'ils ne portassent plus sur leur dos la somme contre leur volonté. Cela donna aux Espagnols autant de desplaisir, & fascherie, que de plaisir & allegresse aux Indiens. Entrant en la ville de saint Michel, il commanda à certains Espagnols qu'ils payassent les Indies, qui avec eux portoient leurs hardes sur leur doz. Il feït là publier à cry public les Ordonnances. Il feït depeupler les Tambos, il donna liberté aux Indiens es-

claves, & aux forçats: il taxa les impôts: il osta les Indiens, qui estoient sous le departement qu'auoit eu Alphôse Palomine, qui auoit esté là Lieutenant du gouuerneur, & ce suiuant ces nouvelles Loix, où il estoit compris particulièrement: pour ceste cause on ne le conuersoit plus, & ne luy donnoit on à manger, comme s'il eust esté excommunié. Apres Blasco Nugnez s'en alla, en sortant de la ville, les femmes Espagnolles, se mocquâs, crioient apres luy, disant qu'il menoit avec soy l'ire de dieu, & le maudissoiét, & prioient que Dieu le feist bien tost finir mal. Il disoit qu'il feroit pendre en effigie ceux qui auoient appellé, ou présenté requeste contre ses commandemens, signez seulement par vn sien seruiteur, qui n'estoit notaire, ny secretaire du Roy. Les habitans de ceste ville se scandalisoient encor' plus de ses paroles, & de sa rudesse, que des Ordonnances.

Ce que feist Blasco Nugnez avec ceux de Trusiglio.

Chap. 155.

Blasco Nugnez entra avec vn grandissime des-
 plaisir des Espagnols, dedâs Trusiglio, où il feist
 publier les Ordonnances, taxer les tributs, mettre
 en liberté les Indiens, & defendre qu'aucun les peut
 cōtraindre à porter la somme sur le dos, sans payer.
 Il osta aussi à vn chascun les vassaux, & les mit sous
 le nom du Roy, suiuant ces Ordonnances. Le peu-
 ple, & chapitre appella de ces nouvelles Loix, excep-
 té de celle qui commandoit de taxer les tributs,
 & impôts, & de l'autre qui defendoit de contrain-
 dre les Indiens, les approuuans comme bonnes, &
 iustes. Blasco ne voulut receuoir leur appel, ains

ordonna grosses peines contre les iuges, qui viendroient au cōtraire, disant qu'il auoit expres commandement de l'Empereur, pour les faire executer, sans ouir aucun, & sans auoir esgard à aucun appel: mais leur disoit que s'ils pensoient auoir raison de se plaindre qu'ils se retirassent vers l'Empereur, & que luy-mesme escriroit que sa maiesté auoit esté mal informee pour ordonner telles Loix. Les habitans ayans veu telle rigueur en cest homme, couuerte toutesfois de quelques bonnes paroles, commencerent à se desputer, iurer & blasphemer. Aucuns disoient qu'ils laisseroient leurs femmes: & de faiët, les eussent abādōnees, si on ne les eust menacez de les spolier de tout ce qu'ils auoiët. Autres disoient qu'il leur estoit meilleur n'auoir ne fême, ny enfans, si on leur ostoit les esclaves, q les nourrissoient par le trauail qu'ils faisoient aux mines, au labour des terres, & autres œuures. Autres demandoiët qu'il leur payast les esclaves qu'il leur ostoit, puis qu'ils les auoiët achetez mesmes du Quint du Roy, comme il apparoißoit par les marques, qu'ils auoient au frôt, qui estoient du Roy. Autres disoiët qu'ils prenoient leurs trauaux & seruices pour playes & maux, si en leur vieillesse ils n'auoiët, qui les seruissent: Ceux-cy mōstroient leurs dērs cheutes, pour auoir mágé du maiz rosty, en la conqueste du Peru. Autres mōstroient les blessures qu'ils y auoient receuës: autres les dētees que les crocodilles leur auoient donnees. Ceux qui auoient entrepris les conquestes, se complaignoient de ce qu'apres auoir despendu tout leur patrimoine, sās espargner leur sang, pour acquerir le Royaume

du Peru à l'Empereur, on leur ostoit ce peu de vassaux, que luy mesme leur auoit donné de grace. Les soldats disoient qu'il en failloit chercher d'autres, si on vouloit faire d'autres conquestes, puis qu'on leur ostoit l'esperance de tenir vassaux, & qu'ils s'employeroient plustost à voller tout ce que ils pourroient. Les Lieutenans & Officiers du Roy se sentoient greuez grandement de ce qu'on les priuoit de leurs departemens, sans auoir mal traicté les Indiens, puis qu'ils ne les auoient point pour raison de leurs estats : mais seulement en remuneration de leurs peines, & seruices. Les Prestres mesme, & les Moynes, se plaignoient, disans qu'ils ne pourroient se sustenter, encor' moins seruir à l'Eglise, si on leur ostoit le peuple que on leur auoit donné. Celuy, qui fut plus hardy, & eut moins de respect du Vice Roy, & du Roy mesme, fut frere Pierre Mugnoz, disant que sa maiesté payoit mal ceux qui l'auoient si bien serui, & que ces Loix sentoient plus son interest, & profit particulier qu'aucune saincteté, puis qu'il retiroit les esclaves, qu'il auoit venduz, sans rendre les deniers, & de ce qu'il prenoit les terres pour le Roy, les ostât aux Monasteres, Eglises, Hospitaux, & à ceux qui par leurs conquestes estoient cause de ce profit : &, ce qui estoit pis, qu'il impoisoit double tribut, & seruice aux Indiens qu'ils mettoit sous le nom de l'Empereur, dequoy eux mesme n'estoient pas trop cõtens. Le Vice Roy vouloit grâd mal à ce Moyne, & luy aussi luy en vouloit iusques à la mort par ce qu'une fois de nuit il l'auoit battu en la ville de Malaga en Espagne cōme il en estoit gouuerneur.

*Le serment de Blasco Nugnez, & de l'emprisonnement
de Vacca de Castro. Chap. 136.*

Vacca de Castro ayant veu à Cuzco, où pour lors il demeuroit, les Ordonnances, se mit en ordre pour aller en la ville des Roys recevoir Blasco Nugnez, mais bien accompagné de bon nombre d'Espagnols, ce qui fait douter de sa volôté. Pour ceste cause les Citoyens de la ville des Roys, ayans entendu qu'il venoit avec main forte, luy manderent qu'il ne s'approchast point plus pres, puis que le gouverneur n'y estoit point encor' venu: car ils auoient peur d'estre par luy chastiez de ce que quelque temps deuant ils n'auoient voulu recevoir vn Lieutenant qu'il leur enuoyoit. Quelques particuliers escriuirent aussi à Blasco Nugnez qu'il se hastast pour entrer en la ville deuant Vacca de Castro, de peur que s'il retardoit trop, on ne le receut possible point en ce gouvernement. Vacca de Castro scachant la volôté des habitâs, laissa les armes, & quasi tous ceux, desquels il s'estoit accompagné. Il fut conseillé des siens, de s'en retourner à Cuzco, & tenir la ville pour le Roy appellant de l'exécution des Ordonnances: mais iamais ne vput. Il arriua à Lima, où il trouua les habitâs en volonteZ diuerfes, les vns vouloient le Vice Roy, autres non. Gaspart Roderiguez voyant approcher Blasco Nugnez laissa Vacca de Castro, & ce retira à Cuzco ramenant avec soy force habitans de ceste ville, & les armes que Vacca auoit fait laisser en chemin, pour defendre ceste ville cōme on pourroit. Blasco Nugnez partit de la ville de Trusiglio en grande furie. Il arriua au Tambo, qu'on nomme

la Barranca, où il ne trouua que mäger, mais trouua seulement vn mot escrit, qui disoit, celui qui viendra m'oster mon bien, qu'il se garde s'il est sage, il pourra perdre la vie. Il l'estōna de ceste escripture, & demanda si on sçauoit qui l'auoit escrit. On luy dict, qu'vn peu deuant y estoient venus quelques meschās avec Xuarez de Caruajal facteur du Roy. A ce Tambo arriua Gomez Perez avec lettres de Ynga Mango, & de Diego Mendez, & autres six Espagnols du party de dom Diego d'Almagro, par lesquelles ils demandoient congé, & sauf conduict de venir vers Blasco Nugnez, avec Mango Ynga. Il leur pardonna tout le passé, afin que plus volontiers ils veinssent. Mais ils furent tuez par l'ignorāce de Gomez mesme. Ils souloient iouer ensemble avec Mango Ynga à vn certain ieu du pays auquel Gomez Perez auoit accoustumé de tromper. Quand il fut de retour ils se meirent tous à iouer, & comme Gomez trompoit, Mango dict à vn sien domestique qu'il le tuast la premiere fois qu'il le verroit tromper. Vne Indienne aduertit Gomez de ce que Mango auoit dict à son seruiteur. Gomez sans considerer plus auant donne vn coup d'estoc en la poictrine à Mango. Quand les Indiens veirēt leur seigneur mort, ils tuerent Gomez, & tous les autres Espagnols, & prindrent pour Ynga le fils du defunct, avec lequel ils se sont retirez en certaines montagnes hautes, & rudes sans plus vouloir l'amitié des Chrestiens. Or, pour reuenir d'où i'estois forty, Blasco Nugnez auant qa'arriuer à Lima sceut comme ceux de ceste ville auoient deliberé de ne luy donner entree si premier il ne leur accorderoit

l'appel qu'ils interiectoient sur ces Ordonnances iurât qu'il ne les mettroit à executiô, & s'il ne vouloit faire leur deliberation, qu'ils l'enuoyeroiét lié, & garrotté hors le Peru. Il sceut d'auâtage comme tous estoient enflambez contre luy de ce qu'il faisoit ainsi executer de faict ces Ordônâces, & qu'ils disoient mille maux de luy. Il enuoya deuât Diego d'Agüero regent de la mesme ville pour appaiser la cholere des citoyens, disant que Nugnez auoit du tout changé sa fureur en douceur pour auoir veu à l'œil le dommage, & le mescontentement qu'un chascun auoit de l'executiô de ces nouvelles Loix. Auant, donc, que Blasco Nugnez entraist en ceste ville de Lima, autrement sur-nommee des Roys, le faeteur Guillaume Xuarez au nom de tous print le serment de luy qu'il garderoit les priuileges, franchises, & graces que ceux qui auoient conquis & peuplé le Peru, auoient de l'Empereur, & qu'il acquiesceroit à l'appel, qu'ils propoisoient sur l'execution des Ordonnances. Il iura de faire tout ce qui seroit au seruice de l'Empeteur, & à la conseruation de ces Royaumes, habitans, & Espagnols. Ceux, qui estoient presens, dirent incontinent qu'il auoit iuré avec vne finesse, entendant l'execution des Ordonnances estre pour le bien des Indiens, & pour le seruice de l'Empereur. Il entra en ceste ville avec vn grand silence, & facherie de tout le peuple. Iamais ne fut vn hôme en si grâd horreur ny si hay que cestuy-cy, en quelque ville, où il arriuaist pour porter ces Loix: lesquelles il publia publiquement sur peine de bannissement, & commença à les executer, encôres qu'on

le priaſt de n'en rien faire, de peur que le Eſpagnols ſe reuoltaffent, & vouliſſent cōſeruer leurs departemēs. Mais il feit le ſourd à tout ce qu'on luy diſt, pour faire la volonté & commandement de l'Empereur. Il voulut ſçauoir la volonté de Vacca de Caſtro, qui ſ'entendoit avec Gonzalle Pizarre, & qui eſtoient ceux, & cōbien ils pouuoient eſtre, qui ſe manifeſtoient contraires aux Ordonnances. Il appaiſa les Indières, qui ſe mutinoient, & ſe vouloiēt rebeller ſans plus cultiuer leurs terres, & les enſemencer. Il mit en priſon Vacca de Caſtro, diſant, qu'il auoit ſigné des lettres de quelque departemēs comme gouuerneur lors qu'il eſtoit ja arriué au Peru, & qu'il incitoit le peuple à parler mal des Ordonnances, & qu'il auoit laiſſé retourner à Cuzco Gaſpar Roderiguez, & autres. Il aduint incontinent vn grand murmure, & diſſention pour l'emprisonnement de Vacca de Caſtro, de Dom Louys de Cabrere, & autres qu'il print avec luy.

Ce que feit Gonzalle Pizarre à Cuzco contre les Ordonnances.

Chap. 157.

Plusieurs Capitaines des conqueſtes du Peru eſcriuirent tant de lettres à Gōzalle Pizarre qu'ils le reſuellerent de la où il eſtoit en la Prouince des Ciarcas, & le feirent venir en la ville de Cuzco depuis q̄ Vacca de Caſtro en fut party pour aller à la ville des Roys. Quand il y fut, pluſieurs ſe vindrēt régler vers luy par ce qu'ils auoient peur d'eſtre priuez de leurs vaffaux, & de leurs eſclaues. Plusieus autres auſſi y venoient, qui ne demandoient que des nouuelletez pour ſ'enrichir. Tous le prierent qu'il ſ'oppoſaſt aux Ordonnances qu'auoit ap-

porté Blasco Nugnez, & qu'il executoit sans aucun respect. Qu'il en appellast, & que mesme il les empeschast par force s'il en estoit besoin, que pour ce faict ils le prenoient tous desja pour capitaine, ils le defendroient, & le suiuroient. Pizarre pour les esprouuer, ou pour se iustifier leur dict, qu'il ne luy commandassent point telle chose. Car de contredire aux ordonnances, encore que ce fust par requeste, c'estoit contredire à l'Empereur qui vouloit resolument qu'elles fussent executees, & qu'ils considerassent bien comme legierement les guerres se commençoient, comme leur cours estoit penible, & dur à entretenir, comme leur fin estoit tousiours douteuse, & que pour chose aucune, il ne vouloit s'accorder à eux contre le seruice qu'il deuoit à son Roy, & qu'il ne vouloit receuoir la charge d'estre Procureur pour eux en ceste affaire, encores moins d'en estre Capitaine. Alors tous pour luy persuader, luy alleguerent plusieurs choses pour la iustification de leur entreprinse. Aucuns disoient que puis que la conqueste des Indes leur estoit permise, ils pouuoient à bon droit retenir pour esclaves les Indiens qu'ils auroient prins en guerre. Les autres disoient que l'Empereur, ne pouuoit oster les vassaux qu'une fois il leur auoit donnez, specialement durant le temps de la donation, parce qu'il en auoit donné à plusieurs comme pour dot, afin que plustost ils se mariaissent. Autres disoient qu'ils pouuoient deffendre par armes leurs vassaux, & leurs priuileges avec vne impunité telle qu'est celle, avec laquelle les nobles Seigneurs, qui ont fief en Espagne, defendent leur liberté, qui

leur a este octroyee pour auoir donné secours, & aide à leurs Rois pour oster les Royaumes de la puissance, & tyrannie des Mores, puis qu'aussi eux s'estoiét employez à cōquerir les Royaumes du Peru, & les arracher des mains des idolatres, & que pour recompense de leurs trauaux, on leur auoit donné, comme aux autres, ces vassaux, & priuileges. Finablement tous disoient qu'ils ne meritoiét aucune peine procedans par voye de requeste, ou d'appel de l'execution. Plusieurs passoient outre: & disoient qu'ils estoient iustement exempts de toute peine, encor' qu'ils contredissent à ces Ordonnâces puis qu' auparauât on ne les auoit point obligez d'y prester leur consentement, ny de les recevoir pour Loix. Il ny eust pas faute de quelqu'un qui dict, qui c'estoit vne chose difficile & vn cōseil enragé de faire la guerre à son Roy sous couleur de defendre son bié, & proposer telles choses, qui n'estoient point de leur art, encor' moins de la fidelité qu'ils deuoient. Mais en fin ils profiterent peu à vouloir gagner, & practiquer celuy, qui ne vouloit point escouter, par-ce qu'ils disoient non seulement ce, qui en quelque chose touchoit leur faueur, mais aussi parloiet comme soldats, disans mal de l'Empereur leur Roy, & seigneur, pēsans luy tor dre le bras, & l'espouuenter par brauades. Ils disoient en oultre que Blasco Nugnez estoit trop terrible, qu'il estoit grand ennemy des riches, qu'il estoit Almagriste, qui auoit faict pendre vn prestre à Tombez, & faict mettre en quatre quartiers vn seruiteur de Gonzalle Pizarre, par ce qu'il alloit cōtre Diego d'Almagro, qui auoit expres comman-

dement de tuer Pizarre, & de punir tous ceux, qui auoiẽt eũtẽ avec luy en la bataille des Salines. Pour conclusion, ils disoient qu'il estoit de meschant naturel, qu'il deffendoit de boire vin, manger des espices, & du sucre, de se vestir de soye, de se faire porter en portoirs. En fin, avec toutes ces choses partie feinctes, partie vrayes, Gonzalle Pizarre se condescendit à estre leur Capitaine general, & Procureur, pensant comme il desiroit entrer par la manche, & sortir par le collet. Le chapitre, c'est à dire la cõmunautẽ de Cuzco, qui est chef du Peru, esleut pour Procureur general, & les autres chapitres de Guamangua de l'Argent, & d'autres lieux, & les soldats l'esleurent pour Capitaine luy donnans tous vne procuration fort ample. Pizarre iura de garder & faire tout ce que portoit sa procuration. Il met l'enseigne au vent, faict sonner le tabourin, prend le tresor de la maison du Roy, & par ce qu'il y auoit en ceste ville bonne quantitiẽ d'armes de la baraille de Ciupas, il arma incontinent iusques à quatre cẽs hommes de cheual, & de pied. Plusieurs se scandalizerent de cela, & ceux, qui manioient les affaires du gouuernement de la ville se repentirent de ce qu'ils auoient faict, voyans Gonzalle Pizarre prendre la main entiere luy ayans donnẽ seulement le doigt. Mais il ne reuocquerent le mandement que ils auoient ia donnẽ, encor' que plusieurs secrettement protesterent du mandement qu'on luy auoit donnẽ, entre lesquels furent Altamınaro Maldonado, & Garcilasso de la Vega.

L'appareil de guerre que feit Blasco Nugneꝝ Pela.

Chap. 158.

Blasco Nugnez voyant le peuple de la ville des Rois esmeu par ce qu'il ne vouloit acquiescer à leur appel & de ce qu'il auoit mis prisonnier Vacca de Castro, & autres, leua cinquante arq̄buziers pour sa garde, & en feit capitaine Diego d'Vrbine. Apres ayant entendu les assemblees, qui se faisoient à Cuzco, y enuoya le Prouincial frere Thomas de S. Martin, & apres luy F. Hierosme de Loaysa premier Euesque, & Archeuesque de la ville des Roys, pour asseurer Pizarre, que il n'auoit apporté d'Espagne aucunes lettres patentes à son detrimēt, mais au contraire qu'il scauoit bien que sa maiesté auoit bonne enuie de luy gratifier en tout & par tout, pour les seruices qu'il luy auoit faicts, & pour les trauaux qu'il auoit soufferts pour accroistre la gloire de sa renommee, & que partant il le prioit de ne le troubler en son gouuernement, & de ne se vouloir meller en ces brouilleries, qu'il vint en toute liberré, & comme amy domestique le veoir, & qu'ils parleroient ensemble de ces affaires. Gózalle ne vouloit point laisser entrer l'Euesque, encor moins luy donner audience apres qu'il fut entré. Ains au lieu d'entendre au conseil de l'Euesque procura d'estre esleu gouuerneur. Ce qu'ayant obtenu, il enuoya incontinent à Guamangua vingt pieces d'artillerie, & meit ordre à tout ce qui estoit besoing pour la guerre. Quand Blasco eut ony la mauuaise intention de Gonzalle, & que le peuple cōmençoit ia à auoir peur il feit assembler ses gens, qui se trouuerent iusques à mille, par ce que les Almagristes se ioingnirēt de son costé, & autres peuples specialement les Septentrionaux. Il feit faire

monstre à son armee, & paya vn chacun. Il feit tout cecy avec la volonté de tous, & par l'aduis des Auditeurs, & officiers du Roy, qui soubfignerent à la guerre au liure des Resolutiōs. Il feit capitaine general son frere Vela Nugnez, & François Louis de Alcantara grand port-enseigne, & pour capitaines de la cauallerie il feit dom Alphonse de Grandmont, & Diego de Cueto son cousin, & capitaines de l'infanterie Paul de Meneses, Martin de Robles, & Gonzalle Diez, & esleut pour maistre de camp Diego d'Urbine, qui auoit 50. arquebuziers. En ceste armee y auoit 200. cheuaux, & bien autant d'arquebuziers. La ville des Roys estoit bien munie, & fortifiée, & en estat de soustenir vaillamment l'ennemy. Blasco haulsa la paye aux soldats. Il despendit tous les reuenus du Roy, & tout l'or que Vacca de Castro auoit prest pour enuoyer en Espagne, encor' emprunta il des marchans grand nombre de deniers. Durāt qu'il dresseoit ainsi son equipage Alphonse de Caceres, & Hierosme de la Serne arriuerent en deux vaisseaux d'Arequipa. La Serne venoit de la ville de Cuzco, & l'estoit embarqué à Arequipa. Gaspar Roderiguez l'auoit enuoyé Blasco Nugnez pour l'aduertir de tout ce qu'il se faisoit par de là, & pour rapporter de luy vn mandement de tuer Gonzalle, ou de l'arrester prisonnier par ce que le moyen s'offroit biē aisé pour ce faire Roderiguez par le moyen de ses amis auoit persuadé à Caceres de se retirer avec ces deux vaisseaux vers le parti du Vice-roy, & nō avec Pizarre comme il vouloit. Blasco fut fort aise de leur venue, & bien marri d'ouir dire que Gonzalle estoit si

muny d'armes & d'artillerie, & qu'il auoit le peu-
ple de ce quartier si fauorable. Il suspendit les or-
donnances pour deux ans, & iusques à ce que l'Em-
pereur eust commadé autre chose faisant des pro-
testions, qui furent escrites au liure des Resolutiōs,
comme la suspension estoit faicte par force, & que
l'execution de ces ordonnances estoit à tous trop
odieuse pour pacifier le Royaume. Il feit des pros-
criptions cōtre Gonzalle faisant publier qu'il estoit
permis à vn chacun de le tuer impunement, & tous
ceux qui le suiuoient, promettant à ceux, qui les
tueroient leurs biens, & les departemens qu'ils a-
uoient: chose qui irrita d'auantage ceux de Cuzco,
& qui mesme ne pleut gueres aux habitans de Li-
ma. Suiuāt sa proscription il distribua incontinent
quelques departemens, qui appartenoient à ceux
qui s'estoient retirez vers Pizarre. Il disoit public-
quement que tous estoient traistres, excepté ceux
de Chili, & qu'il les failloit chastier tous. Il com-
manda à ses gens de tuer Diego d'Vrbine, & Mar-
tin Robles, quand ils viendroient à sa maison s'il
leur faisoit signe du doigt: mais par ce que Robles,
qui estoit bien aduisé, & cault par son beau parler
l'auoit addoucy, il ne feit point le signe, & ainsi ne
furēt point tuez. Il leur dict à eux mesme ce qu'il
auoit proposé ne pouuant rien tenir secret: qui fut
cause qu'eux, & quelques autres n'osoient se re-
tirer la nuict en leurs maisons pour reposer.

La mort du facteur Guillaume Xuarez de Carnaial.

Chap. 159.

Blasco Nugnez ayant peur que ses affaires succe-
dassent mal à cause du grand nombre d'hom-

mes, qu'auoit Gonzalle Pizarre, enuoya en diuers lieux de ses gens pour leuer des Espagnols, comme Fernád d'Aluarado à la ville de Trufiglio, & Villiegas à Guanuco. Il vint de diuers lieux bon nombre d'hommes, & entr'autres Gonzalle Dias de Finere, qui amena de bons hommes de Quito, & Pierre de Puellas de Guanuco, d'où il estoit gouuerneur, qui emmena avec soy, quinze de ses amis, entr'autres François de Spinosa. De Ciaciapoias vint Gomez de Solis de Caceres avec Diego Boniface, Villalobos & autres braues hommes. Avec tout cela, si est ce que Blasco Nugnez se deffioit de donner bataille, & ne pouuoit s'asseurer de la gagner. Il eut encor' plus grande frayeur, & n'osoit mettre son armee aux champs. Il feit clore toutes les entrees de la ville laissant seulement des canonnières. Cela fut cause de faire perdre le courage à tous les siens, & aux habitans, & depuis ne fut tant estimé comme deuár. Vn peu deuant cecy (ce qui luy seruit bien d'excuse) Louis Garzia de S. Mamer, qui estoit Courtier à Xauxa, luy apporta certaines lettres escrites en chiffres du docteur Benoiſt de Carua'al pour le facteur Xuarez s^{on} frere. Ce chiffre luy donna du soupçon, mesme qu'il y auoit ja quelque temps qu'il auoit conceu vne hayne contre ce facteur. Il monstra ces lettres aux Auditeurs demandant s'il pouoit le tuer: il luy responderent que non sans sçauoir premierement le contenu des lettres, & pour en sçauoir la verité l'envoyer querir, il vint aussi tost, il ne chāgea aucunemēt de contenance pour tout ce qu'on luy dict, encore que les menaces, desquelles on vsoit en s^{on} endroit,

fussent assez hautaines. Il leut la lettre, & le docteur Jean Aluarez meit en escrit sommairement le contenu, qui estoit des armes, des gens, & de l'intention qu'auoit Pizarre, qui, & combien y auoit de mal contens avec luy, & que quant à luy il viendroient incontinent offrir son seruice au Vice-Roy, aussi tost qu'il pourroit partir sans danger de sa personne, ainsi comme le mesme facteur luy mandoit. Benoit enuoya vn peu apres le contrechifre, & trouua on estre vray ce que le facteur auoit leu: & suiuant ceste lettre le docteur Caruaial vint à Lima deux ou trois iours apres que Blasco Nugnez fut prisonnier sans auoir rien entendu de la mort du facteur. A quelques iours de là Gonzalle Diaz s'enfuyoit vers Pizarre, aussi feirent Hierosmes de Caruaial, & Escobedo neueuz du facteur, avec Diego de Caruaial le braue, qui tous demeuroident en la maison du facteur, & furent cause de sa mort. Autres aussi s'en allerent avec eux comme Balthasar de Castille, Pierre de Caruaial, & Royas d'Antechere, Gaspar Mexia de Meride, Pierre Martin de Sicile, Roderic de Salaza, & le bossu de Toledé, & plusieurs autres bons soldats, qui feirent grand' faulte à l'armee. Le Vice-roy ayant entendu cōme ceux cy s'estoient retirez fut fort fâché, & entra en grand cholere, mesme à cause qu'ils estoient partis de la maison du facteur, & en la compaignee de ses neueux. Il enuoya apres eux le capitaine dom Alphōse de grand-mont avec cinquante cheuaux, qui fut prins par ceux qu'il vouloit prendre, mais ce fut par la meschanceté des siens. Il enuoya querir le facteur ceste mesme nuit, & estant venu luy dict :

Qu'elle

Qu'elle trahison est ce cecy? Aucûs disent qu'il luy dict: En la malheure soyez vous venu traistre. Le facteur luy feit responce: Je suis aussi bon seruiteur du Roy que vous, & autres parolles. Le Vice-Roy, estoit en colere repliqua: Ne sont ce pastrahisons, & villannies d'enuoyer ses neueux avec rant de bôs soldats à Pizarre? d'escire au Tambo tout ce que vous sçaez? & n'auoir point voulu bailler monture à Balthasar de Loaysa pour porter mes paquets à la ville de Cuzco? & puis vostre frere le docteur veut iustifier la cause de Gonzalle Pizarre: n'a on pas priué du conseil des Indes l'Euesque vostre frere pour semblables choses? Apres cela comme le facteur repliquoit pour se descharger, Blasco luy donna deux coups de poignard crians tuez le, tuez le. Ses gens estans venuz aussi tost l'acheuerēt de ruer, aucuns toutesfois iettoient leurs cappes sur luy, afin qu'on ne le blessast point. Il feit mettre les corps dedans vne gallerie basse. Alphonse de Castro lieutenant d'Aguzail pour Vela Nugnez le feit enterrer, & luy donna vn tombeau, sur lequel estoit grauce sa pourtraicture. Ceste histoire m'a esté ainsi recitee par Laurent Mexia de Figueroe, Laurent d'Estopignano, Riba de Veyra, & autres gentils-hommes, qui s'y trouuerent presens, encores que Blasco Nugneziurast qu'il ne l'auoit touché, & qu'il ne vouloit point qu'il mourust. La mort du facteur fut cause de grand tumulte, par-ce que c'estoit vn homme de grande reputation. Elle fut cause aussi d'intimider les habitans si fort qu'ils n'osoient de nuict demeurer en leurs maisons. Blasco Nugnez sentant sa conscience, disoit souuēt aux Auditeurs,

& à plusieurs autres que la mort du facteur deuoit estre cause de la sienne, cognoissant la faulte qu'il auoit faicte.

Comme le Vice-roy Blasco Nugnez Vela fut mis prisonnier. Chap. 160.

ON murmuroit fort à Lima pour la mort du facteur, disant que chascun fois qu'il plaisoit au Viceroy il tuoit qui bon luy sembloit, & tous desiroient Pizarre. Blasco, Nugnez oyoit bien tout, & estoit en grande peine. A ceste cause pour n'estre plus en vn lieu, où il estoit si mal voulu, delibera de s'en aller à la ville de Trusiglio avec le parlement, & les finances du Roy. Pour emmener les biens, & les femmes il feit equipper deux ou trois vaisseaux, desquels il feit capitaine Hierosme de Zurbarâ Biscain. Il feit armer aussi ces vaisseaux pour garder la coste à cause qu'on disoit q Pizarre armoit deux nauires à Arequipa pour cōmāder sur la mer, & en estre maistre. Il meit en ces vaisseaux le docteur Vacca de Castro, & les enfans du Marquis dom François Pizarre avec dom Antoine de Riuiere, qui les auoit en charge avec sa femme dame Agnes, & dōna tout le reste en garde à Diego Aluarez. Il cōmuniqua aux Auditeurs trois iours apres la mort du facteur, de son entreprise leur persuadāt d'aller à Trusiglio, emmenāt leurs femmes, & tout l'or, & le fer qu'il auoit. Il emmenoit les fēmes pour obliger les mariz à les suiure, & emportoit l'or, & l'argēt pour entretenir son camp, & le fer, affin qu'il ne rōbast entre les mains de Pizarre, qui en auoit faulte tant pour ferrer ses cheuaux, que pour faire des arquebuzes. Les Auditeurs ne trouuerent pas sa delibera-

tion bône disans, qu'ils ne partiroiēt point, & qu'encor' moins pouuoient ils sortir de la ville des Rois. par-ce que l'Empereur leur auoit ainsi commandé par les ordonnances dernieres, & aussi afin qu'ils ne dônassent point à cognoistre qu'ils eussent peur de Gonzalle, qui estoit encor' à plus de 200. mil loing de là, & que par ce moyen ils feissent perdre courage aux habitans, & à ceux qui estoient là pour faire seruice à l'Empereur. Par telles raisons & autres qu'ils luy dirent, il leur promet de ne bouger. Mais apres qu'ils furent sortis de sa maison, il enuoya querir les officiers du Roy, & les capitaines de l'armee, Alphonse Riquelme Thresorier, Iean de Caceres maistre des comptes, Carzia de Sanzedo contrerolleur, Diego Aluarez, Vela Nugnez, don Alphonse de Grand mont, Diego d'Urbine, Paul Meneses, Martin de Robles, Hierosime de la Serne, qui auoit l'enseigne de Gózalle Dias, & Pierre de Vergara, qui n'auoit point encor' de compagnie. Il leur declara son intention, & les causes, & raisons qui le mouuoient de laisser la ville des Rois & se retirer en la ville de Trusiglio, & leur commanda d'estre prests pour le lendemain, par ce que sans doute il se vouloit aller par mer emmenāt avec soy les femmes, & les biens, Vela Nugnez conduiroit par terre le reste des soldats, Il n'y eut aucun d'eux qui luy contredit estans tous garnys de peu de cueur. S'ils luy eussent resisté, comme firent les Auditeurs, il ne se fut pas resolu si promptemēt, & eussent esté cause qu'il n'eust pas esté arresté prisonnier, & encor moins l'eut on depuis tué. Ils allerēt toutefois en aduertir les Auditeurs, lesq̃ls

s'assemblerent en la maison du docteur Cepeda, & apres auoir bien consulté de cest affaire resolurent de ne partir point de là, & de ne laisser point sortir les habitans, croyans que Pizarre n'auoit point l'esprit si malin, cōme depuis il le demonstra. Ils dressèrent vne requeste pour le Vice-roy, affin qu'il ne s'en allast point, & feirent des lettres qu'ils feirent publier, par lesquelles ils deffendoient aux habitans de ne laisser embarquer leurs femmes, croyans que demeurans tous en la ville des Roys, le Vice-roy se voyant seul de son opinion seroit contrainct de s'en retourner en Espagne rendre cōpte de sa charge à l'Empereur, & que Gonzalle Pizarre romproit puis apres son armee en luy accordant la requeste qu'il presentoit contre les ordonnances : Mais si le Vice-roy ne vouloit rien faire de leur conseil, que facilement ils l'arresteroient prisonnier, où le feroient mourir, & puis resteroient seuls avec le maniment de toutes choses. Cepeda, & Diego Aluarez meirent ce conseil en auant. Azenedo le meit par escrit, & Bernard de saint Pierre, qui estoit Chancelier le scella avec les deux seaux & fut signé par Tejada, qui se rengea de leur opinion: ils estoient tous amis, & natifs de la ville de Logrogne. Les Auditeurs passerent tout le iour en ceste affaire, ce pēdāt que le Viceroy faisoit charger ses nauires, & mettre en ordre sa caualerie. Cepeda toute la nuit fit prouision d'armes, & de viures avec douze de ses amis & seruiteurs. Tejada, qui auoit peur, demanda pour vn autre affaire au Vice-roy douze arquebuziers: & le lendemain matin les Auditeurs se rassemblerent en la maison de Cepeda, & comme

il y auoit plus d'apparence de munitions que d'audience en ceste maison vn des arquebuziers de Tejada courut dire au Vice-roy que les Auditeurs s'armoient contre luy. Sur ceste nouuelle Blasco se leue aussi tost, & faiët sonner l'alarme par la ville. Vela Nugnez, Meneses, & la Serne avec leurs compagnees de gens de pied, & François Louis d'Alcantara avec sa caualerie viennent à sa maison, de façon qu'en peu d'heure s'assèblerent plus de 400. Espagnols des principaux, & bien armez. Aucuns d'iceux ne trouuans pas bon les façons de faire du Vice-roy, & sa demeure au Peru le prièrent qu'il rétrast dedans sa maison, & qu'il ne se meit en dâger. Blasco sans considerer plus auant se retira dedans sa maison avecques cinquante cheuaux, ce qu'il ne deuoit pas faire. Aucuns furent bien aises de ceste retraicte, autres perdirent courage. Il est certain que s'il ne se fust retiré en sa maison (qui fut vn signe de grande couardise) il n'eust esté prisonnier, par ce que sa presence eust donné courage à ses gens, & les eust retenuz. Vela Nugnez estoit demeuré de hors avec son esquadron attendant ce qu'il aduendroit. Ce pendant il sembloit que toute la ville d'eut fondre pour les plainctes, & pleurs accompagnez de haults cris que iettoient les femmes. Les Auditeurs qui n'auoient pas trente hommes se voyoient perdus, & neantmoins feirent publier la deffence que nous auons dictes. Estants en si pauvre estat François de Scobar leur dit alors : sortons dehors en la ruë, & mourons, combattans comme hommes de bien, & nō point enfermez icy comme poulles. Avecques vn si noble courage

les Auditeurs faillirēt dehors, & marcherēt droiēt vers la place. Martin de Robles, & Pierre de Vergara se iettent incontinent du costé des Auditeurs, ou pour n'aller point avec le Vice-roy, où pour obeyr à ce que les Auditeurs auoient faict publier, où par ce que, cōme on dit, ils estoient d'accord avec eux. Il y en eut aussi plusieurs tant de pied que de cheual, qui les suiuerent crians liberté pour attirer le peuple. Ils commencerēt à tirer quelques coups d'arquebuzes l'un contre l'autre du bout de la ruē en la place. Vela Nugnez les attacquoit de pres, & en print quelques vns. Ramitez le hardy enseigne de Martin de Robles pousse d'une grande hardiesse, & plante son enseigne au meilieu de la place. Le capitaine Vergara avec son espee, & rōdelle passe bien auant. Les capitaines du Vice-roy se retirēt en sa maison, & la plus part des soldats se mettēt du costé des Auditeurs, qui estoient à la porte de l'Eglise. Il n'y eut pas tant de sang espendu comme on pensoit. On iettoit la faulte sur les capitaines, qui s'en estoient fuyz n'ayants pas grande volenté de combattre. Autres disoient que la faute estoit des soldats, & habitans, qui tournoient leurs piques, & arquebuzes derriere eux. Ils assaillirēt la maison de Blasco, qui se defendoit courageusement. Aucuns ne luy vouloient faire mal, autres n'auoient pas grand enuie de luy pardonner, comme tresbien ils demonstroient disans ce mot de la passio: son sang soit sur nous, & sur nos enfans, & autres telles parolles autāt vrayes que plâisantes. Bonauēture Bertrand, & autres disoient au combat qu'ils se gardoiēt pour ce iour là. Antoine Robles entra seul en

la maison, & fait ouvrir les portes, disât au Viceroy qu'il se rendit: lequel voiant qu'il ne pouuoit faire autre chose se rendit à Martin de Robles, Pierre de Vergara, Laurent de Aldene, & Hierosime d'Aliaga, les prians qu'ils le menassent à l'Auditeur Cepeda. Aucuns disent qu'il aymoît mieux mourir que se rendre, mais qu'il se rendit à la priere de quelques religieux, & gentils-hommes, qui l'assurerent de n'auoir aucun mal si l'en alloit hors le Peru. Aucuns de ceux qui menoient Blasco Nugnez disoient en allant viue le Roy, tue moy donc disoit Blasco. Alors Pardanes seruiteur du facteur Guillaume Xuarez chargea son arquebuz pour le tuer, & l'eust tué si la poudre eut print feu. On luy fait plusieurs telles mocqueries ce pendant qu'on le menoit. Quand il se veid deuant les Auditeurs, qui estoient bien accompagnés il se changea du tout, & dit prenez garde seigneur Cepeda qu'on ne me tue. Cepeda luy fait responce qu'il n'eust point de peur, & qu'on ne luy toucheroit non plus à sa vie qu'à la sienne propre. Ainsi on le mena en la maison de cepeda, ou on luy donna seure garde, on dit toutesfois qu'on ne luy osta point ses armes.

Comme les Auditeurs departirent entr'eux les affaires. Chap. 161.

LES Auditeurs démonstroient à Blasco vne grande fascherie à l'occasion de son emprisonnement proferants des mots plains de douleur, s'ils n'estoient point feints, se complaignans de la fortune, qui luy estoit aduenüe, & iuroient qu'ils n'auoient point esté cause de sa prise, & que moins l'auoient ils commandé. Ils ne sçauoient,

ce disoient ils, cōtre quel arbre plus s'appuyer, puis qu'ils ne l'auoient plus : ils iettoient autres telles pleinctes : mais ils ne parloient point de sa deliurāce, ains au contraire Cepeda luy dit en presence de Alphonse Riquelme, Martin de Robles, & autres ie vous iure monsieur que ma pensee ne fut iamais de vous faire prendre, mais puis que vous estes prins, sçachez qu'il fault pour nostre deuoir, que nous vous enuoyons vers l'Empereur avecques les informatiōs de tout ce qui s'est fait : & si essayez à faire quelque tumulte, & inciter le peuple, où faire quelque autre remuement, tenez pour tout certain que ie vous bailleray de ce poingnard dans le sein, encore que ie sçache bien que c'est ma ruine. Si au contraire vous vouliez demeurer en repos ie vous seruirois à genoux & en vous offrant tout mon bien, & ma personne vous donnerois ce qui est vostre. Blasco luy respondit : par le vray Dieu ie vous tiens pour homme de bien, comme ie vous ay tousiours estimé, & non ces autres, qui ayans entre eux tissu ceste trahison la pleureront en fin avecques moy : & le pria de vendre tout ce qu'il auoit, qui valloit bonne somme de deniers, pour faire sa despense en chemin. Diego d'Aguero, & les autres luy dirent des choses, qui ne luy pleurent gueres. Mais laissant cela ie diz que les Auditeurs pour despescher en plus grande diligence les affaires publiques, & aussi pour embrasser tous departirent entre-eux les charges en ceste façon : Le docteur Cepeda comme plus capable auoit le maniement des choses, qui touchent le gouuernement, & la guerre, pour ceste cause aucuns disoient,

qu'il s'appelloit presidēt, gouverneur, & capitaine. Tejada, & Xarate auoient l'administration de la iustice, & Iean Aluarez auoit la charge de faire les despeschés qu'il conuenoit enuoyer en Espagne, & de faire les informations cōtre le Vice-Roy. Apres cela Iean Aluarez mena Blasco à la mer pour l'embarquer dedans vn vaisseau, & se saisir des nauires, qui estoient au port, & les retenir sous sa main, afin qu'aucun n'enuoyast en Espagne des nouuelles deuant eux. Ils menerent aussi Vela Nugnez, qui ne pouuant entrer pour la presse en la maison de son frere, s'estoit sauué en l'Eglise de S. Dominique, mais il ne reuint pas, & trouua moyen de se ietter dedans les vaisseaux, où il fut prins. Le Vice-Roy dōna à Iean Aluarez vne esmeraude de grand pris, qu'il luy auoit demandee, par ce qu'il scauoit qu'il auoit la charge de le mener en Espagne. Cucto, & Zurbanan meirent en liberté les enfans du marquis dom François Pizarre, avec tous les autres prisonniers, excepté Vacca de Castro, qui ne voulut sortir, mais ils ne voulurent receuoir le Vice-Roy, encor' moins bailler leurs nauires, ainsi comme ils auoient ensemble eux deux machiné. On crioit apres eux qu'ils eussent à les bailler, où bien qu'on tueroit le Vice Roy. On feit tant que Zurbanan vint avec son batteau bien muni d'hommes & d'artillerie, & demanda ce qu'ils vouloient, ils luy dirēt qu'ils vouloient ses nauires où la mort de Blasco. Il leur dit qu'il n'en feroit riē, mais qu'ils feissent du Vice Roy ce qu'ils voudroient, & aussi tost tirant vn coup d'artillerie, & quelques arquebuzades retourne à ses vaisseaux. Les soldats de ce

batteau delaschans les arquebuzades crioient mille villainies contre Blasco, disans: ô le meschant homme, qui nous à apporté des loix semblables à soy, il a merité ce qu'il souffre, & encor' pis: s'il fut venu sans ceste commission on l'eust adoré: ja la patrie est deliuree puis que le tirant est prins. On le ramena à l'Auditeur Cepeda, en la maison duquel on le tenoit sans armes avec garde sous la charge du docteur Nigno. Il mangeoit avec Cepeda, & couchoit en son liét. Ayant peur d'estre empoisonné il dit à Cepeda la premiere fois qu'ils mägerent ensemble en preséce de Christophle de Bariéto, Martin de Robles, le docteur Nigno, & d'autres: puis-je manger seurement avec vous seigneur Cepeda? prenez garde que vous estes gentil'homme. L'autre luy fait réponse: Comment mōsieur pensez vous que ie sois de si peu de courage, que, si j'auois enuie de vous faire mourir, ie cherchasse vne voye occulte, & cachee pour ce faire? vous pouuez mäger avec madame Brianga d'Acugual (qui estoit sa femme) & afin que vous le croyez, ie vous feray l'essay de tout. Depuis tant qu'il fut là prisonnier, Cepeda fait tousiours cest essay. Vn iour frere Gaspar de Caruajal le fut veoir & luy dit qu'il se confessast, & que les Auditeurs l'auoient ainsi cōmandé: il demanda si Cepeda auoit esté present quand on luy donna ceste charge. Le moyne dit que non, & que c'estoit seulement par le commandement des trois autres. Il fait appeller Cepeda, auquel il se pleignit aigrement des autres. Cepeda le reconforta, & l'aussoura, disant qu'aucun n'auoit l'autorité de faire ce commandement que luy. Il disoit cecy

pour raison du departement des affaires qu'ils auoient fait entre-eux. Alors Blasco Nugnez l'embrassa, & le baïsa en presence du mesme religieux.

Comme les Auditeurs feirent embarquer le Vice Roy pour l'enuoyer en Espagne. Chap. 162.

AVec le Vice Roy on print aussi plusieurs Espagnols comme dom Alphonse de Grandmont, Paul de Meneses, Hierosime de la Serne, & autres. Ces prisonniers vouloient faire vn tumulte pour sortir de la prison, & puis deliurer le Vice Roy. Les Auditeurs en furent aduertis, & y donnerēt ordre. Il y auoit plusieurs de Chili, qui importunoient les Auditeurs pour tuer le Vice Roy. Cepeda print les plus coupables pour demonstrier qu'il ne le vouloit tuer, mais ils les meit incontinent en liberté de peur que Pizarre quand il seroit venu ne s'en vengeast, par ce qu'ils estoient ses grands amys, encor' mesme donna il escorte à Iean de Guzman, Sajaedre, & autres comme ils passioient. Les affaires se portoient mal en la ville des Roys par l'emprisonnement de Blasco Nugnez, & au bruit de la venuë de Gonzalle Pizarre, par ce qu'aucuns vouloient que Pizarre vint, autres non. Plusieurs vouloient tuer, où enuoyer dehors la ville le Vice Roy, autres le vouloient deliurer. Il y auoit mesme aucuns des Auditeurs, qui le vouloiēt mettre hors de prison. Blasco sur ces diuersitez d'opinions auoit peur de sa vie, & ses sospirs n'estoient qu'apres Espagne. Les Auditeurs ne sçauoient que faire, specialement trois, qui ne se soucioient gueres de la mort du Vice Roy. Mais en fin ils delibererēt de l'enuoyer en Espagne, suiuant leur premier aduis,

se confiâs sur leur dexterité de pouuoir si bien ordonner de toutes les affaires que l'Empereur se tiendroît pour bien, & prudemment seruy d'eux: aussi q̃ le Vice Roy estoit luy mesme cause de son emprisonnement suiuant l'information qu'ils enuoyoit. Ils delibérerent, qui auroit la charge de le mener où le docteur Roderic Nigno, où Antoine de Robles, où bien Hierosime d'Aliaga habitans de la ville des Roys. Mais le docteur Cepeda voulut qu'il fut mené par l'Auditeur Ieã Aluarez, qu'il reputoit estre son amy, & aussi qu'il estoit plus lettré pour scauoir parler & bien informer au long l'Empereur. Les deux autres Auditeurs luy contredirent hardiment, & le docteur Xarate luy dit en presence des Auditeurs, d'Alphôse Riquelme, Iean de Carceres, & de Garzia de Sanzedo qui estoient au conseil, qu'il fasseroit trop legieremēt, & qu'il ne cognoissoit point comme luy Iean Aluarez, & qu'il le deuoit vendre, & trahir. Aluarez se complaignant la dessus, Xarate repliqua: ie iure q̃ vous le vendrez, & si vous ne demeuriez icy, Cepeda le deuroit mener luy mesme. Comme ils estoient sur ceste opinion Aguirre grand amy du facteur Guillaume Xuarez arriua à Lima, & dit beaucoup de meschantes parolles au Vice Roy, lequel sentant que le docteur Benoist Caruajal arriuoit eut grand peur qu'on le tuast, & pour ceste cause, ainsi qu'on dit, il pria instamment Cepeda qu'il l'enuoyast en Espagne. Cepeda, qui ne demandoit pas autre chose l'enuoya en l'Isle, qui est vis à vis de Lima, commandant au docteur Nigno y prendre songneuse garde avec certains habitâs de la ville. Quand Bla-

ſco Nugnez veid qu'on l'embarquoit il dit à Simõ d'Alcate notaire qu'il feit acte comme ſes propres Auditeurs l'enuoyoient en vne Iſle deſerte dedans vne barquerolle faicte ſeulement de ioncs, afin que elle ſ'enfondraſt, & le noyaſt, & qu'ils le mettoient hors des terres du Roy pour le donner à Gonzalle Pizarre. Cepeda commada au meſme notaire qu'il eſcriuit comme on emmenoit le Vice Roy ſuyuãt ce qu'il auoit requis, de peur que ſes ennemys le ruaſſent pour les choſes qu'il auoit faictes, & comme ces barques de paille eſtoient vaiſſeaux deſquels on auoit accouſtumé yſer au pays, & comme Jean de Salas frere de Ferdinand Valdes preſident du conſeil Royal de Caſtille, le docteur Nigno, & pluſieurs autres habitans de Lima alloient avec luy. Ainſi fut il emmené en ceſte Iſle, ou on le tint plus de huit iours. Cepeda eſtoit en grand peine, par ce qu'il n'auoit des nauires pour l'enuoyer en Eſpagne, & auſſi de ce qu'il n'eſtoit pas maĩſtre de la mer. Il auoit peur que Zurbanan, Cueto, & Vela Nugnez ne vinſſent enleuer le Vice Roy de ceſte Iſle, & apres auoir rasſemblé des gens ne le vinſſent tuer. Il donna charge au Capitaine Pierre de Vergara qu'avec cinquante bons ſoldats il taſchaſt à prendre les nauires de Zurbanan, qui eſtoient à Gaura 54. mil loing de Lima. Vergara choiſit cinquãte ſoldats, & vouloit avec les barques prendre ſon chemin, mais Hieroſme Zurbanan les auoit toutes bruſſees. Il ſ'en retourna ſans rien faire, ou par ce qu'il n'auoit pas trouué ce qu'il penſoit, ou qu'il ne ſçauoit quel autre chemin il pourroit prendre, ou à cauſe qu'il auoit cinq nauires à com-

battre, disât qu'il ne trouuoit personne, qui voulut aller avec luy à ceste entreprinse. Cepeda feit porter en ces charrettes des aiz, & autres matieres de la maison de Garzia de Sanzedo. Il feit incontinent faire des barques, & commanda à son maistre de camp Antoine de Robles, qu'il enuoyast des soldats pour prendre les nauires. Le soir comme Cepeda souppoit, Antoine de Robles luy dit qu'il ne pouuoit trouuer soldats, qui voulussent aller à vne entreprinse si hazardeuse, & dangereuse. Cepeda respondit, qu'il n'y auoit pas grand peine de se saisir de cinq vaisseaux, dedâs lesquels y auoit 300000 ducats de Vacca de Castro, du Vice-roy, & d'autres, qui n'estoient gardez que par 20. hommes: mais qu'il trouueroit, qui iroit & q'ils ny en iroient aucuns que ceux qu'il vouloit enrichir. Au bruiet de tât de ducats il se trouua incontinent plus de cinquante soldats, qui s'offrirent à y aller. Cepeda alors donna la charge à Garzia d'Alfaro, qui estoit homme expérimenté, & adroict sur la mer. Il s'en alla à Gaura avec 24. cōpagnons seulement, par ce que les barques n'en pouuoient porter d'auantage, & arriuant de nuict se cacha entre certains petits rochers en attendant ses autres compagnons, qui alloient par terre, qui estoient conduicts par Bonauenture Bertrand seigneur de Gaura, & par dom Iean de Mendozze. Ils feirent signe à ceux, qui estoient dedans les nauires, lesquels penserent que ce fussent quelques vns de leurs amis, & Vela Nugnez avec la plus grand part des soldats qu'il eust, sortit en deux barques pour les receuoir, mais aussi tost qu'il passa par ces rochers Garzia d'Alfaro le ioingnit de tel-

le sorte qu'il fut contrainct se rendre pour sauuer sa vie, encor' qu'il feit son deuoir pour se defendre. Il y eut vn Biscain nommé Pinga, qui feit tout ce qu'il luy fut possible pour deffendre la barque que il conduisoit. Ainsi par la prinse de Nugnez Alfaro print quatre vaisseaux. Il ne peut auoir le cinquieme, par ce qu'un peu deuant Zurbanan l'auoit emmené. Cela executé on mena le Vice-roy à Gaura, & le meit on dedans vn de ces vaisseaux avec bonnes munitions. Le docteur Aluarez s'y en alla incōtinēt pour le garder, & pour le mener en Espagnes avec amples informations. On luy donna pour ce voyage 6000. ducats prins sur les habitans de Lima, & ses gages entieres d'un an, Avec cela, & quelques autres choses q̄ il vedit il feit iusques à 10000 castillans d'or, qui estoit vne richesse, laquelle iamais il ne pensa auoir. On dōna encor' aux soldats & mariniers deux mille ducats, afin qu'ils ne partissent point malcontents. Voila comment fut prins, & chassé le Viceroy Blasco Nugnez Vela, sept mois apres qu'il fut arriué au Peru.

Ce que feit Cepeda depuis la prise du Viceroy.

Chap. 163.

AVssi tost que le Viceroy fut prins les Auditeurs cōme nous auons desia dit, departirent entre eux les affaires. Cepeda, qui gouernoit feit rompre toutes les barrieres, & canonieres qu'auoit fait faire Blasco, paya les soldats, cōfirma à chasque habitāt le departemēt qu'il auoit, & feit fōdre des arc-buzes, & faire puiſiō d'autres armes. Il nōma pour capitaines de l'infanterie Paul Meneses, Martin de

Robles, Matthieu Ramirez, Emmanuel Statio, & Hierosime d'Aliga pour les gens de cheual, & pour maistre de camp Antoine de Robles, & Bonauenture Bertrand pour sergēt major. Il depescha deux lettrès par l'aduis des autres Auditeurs & officiers du Roy, par lesquelles il commandoit à Gonzalle Pizarre de donner congé à ses soldats, & rompre son armee sur peine d'estre declaré traistre: s'il vouloit venir à la ville des Roys qu'il seroit le bien receu, & s'il ne vouloit venir qu'il enuoyast des procureurs pour luy avec amplex instructions pour presenter sa requeste contre les ordonnances, parce que le parlement luy donneroit audience, & luy feroit iustice, puis que le Vice-roy, duquel il auoit peur, ny estoit plus. Il en enuoya vne part Laurent d'Aldene, lequel la mangea en chemin deuant que la presenter, par ce que s'il eust presentee en l'armee de Pizarre, où gardee en son sein François de Caruajal maistre de camp l'eust pendu, & encore le voulut il pendre sans Pizarre, qui le secourut par ce qu'ils estoient amis, & auoient esté ensemble prisonniers d'Almagro. L'autre fut enuoyee par Augustin de Xarate superintendant des comptes du Roy, ayant pour compagnon dom Antoine de Riuiere, amy, & cousin de Pizarre par ce qu'il auoit espousé dame Agnez vesue de François Martin frere de mere du Marquis François Pizarre. Quand ces lettres arriuerent Pizarre auoit desia faict mourir Philippe Gutierrez, & pour ceste cause n'osa, où ne se voulut fier aux Auditeurs, ny se deffaire de ses gens. Il enuoya Hierosime de Villegas au deuant de Xarate pour le retenir, & luy faire peur, afin que
quand

quand il arriueroit au camp il n'osast faire autre chose que ce que luy & ses capitaines voudroient: & pour ceste ruse Xarate ne peut faire autre diligence, ny rapporter autre chose que ce que les autres luy auoient dit eux mesmes: qui estoit que les Auditeurs feirent Gonzalle gouverneur, où autrement il les tueroit, & les feroit tous mourir.

Comme Gonzalle Pizarre se fait Gouverneur du Peru. Chap. 163.

DVrant le temps que ce, que nous auons dit de Blasco Nugnez, & des Auditeurs, aduint en la ville des Roys, Gonzalle Pizarre se preparoit en la ville de Cuzco, & donnoit ordre à tout ce qui luy estoit necessaire pour vne guerre. Il partit pour aller chercher le Viceroy, publiant neantmoins que il s'en alloit pour presenter requeste contre l'exécution des nouvelles loix comme Procureur general du Peru. Mais son cueur couuoit autre chose, & le declaroit assez par les soldats, gens de guerre, & artillerie qu'il menoit, & pour n'auoir voulu accepter les offres que le Viceroy luy auoit faites, & que le Prouincial luy auoit proposees, desquelles l'une estoit que pour acquiescer à l'apel de l'exécution des ordonnances on fait vn riche present à l'Empereur, & l'autre qu'on payast les despés que l'Empereur auoit ia faits pour la publication de ces ordonnances. De Xaquixaguana aucuns se retirerent du party de Pizarre, comme Gabriel de Roias, Pierre du Barc, Martin de Florence, Iean de Sajauedre, Roderic Nugnez, & autres. Mais quand ils arriuerent à la ville des Roys, le Viceroy estoit desia pris. Il y eut vne grand esmotion parmy le camp de Pi-

zarre pour la retraicte qu'auoient faict ceux-cy, par ce qu'ils estoient des principaux, Pizarre mesme eut grand peur, & cela le feit retourner à la ville de Cuzco pour se renforcer d'hommes, & pour payer ses gens, & pour ce faire print l'argent, & les cheuaux des habitans qui estoient demeurez. Il y laissa pour son Lieutenant Diego Maldonado, & puis s'achemina vers la ville des Roys. Il rencontra Pierre de Puelle, & Gomez de Solis, lesquels luy donnerent grand courage, & esperance de bonne issue avec le bon nombre d'hommes qu'ils menoiēt. Il veid les despêches du Viceroy que portoit Balthassar de Loaísa Prestre de Madril, Gaspar Roderiguez, & autres, qui auoiēt esté detroullez par les Caruajals en s'enfuyans de la ville des Rois. Loaísa estoit venu par deuers le Viceroy pour auoir vn pardon pour plusieurs, qui vouloiēt biē se retirer vers le parti du Viceroy: mais autremēt ne vouloient, ayās peur d'estre punis, & aussi pour l'aduertir du chemin que tenoient ses ennemis, & quels soldats, & intention auoit Pizarre. Le Viceroy luy auoit donné ce pardon pour tous en general, exceptez Pizarre, François de Caruajal, le Docteur Benoist de Caruajal, & autres semblables. Gonzalle voyāt ce pardon se despita grandement, & son maistre de camp aussi, qui par vn despit feirent estrangler Gaspar Roderiguez, Philippe Guitierrez, & Arias Maldonado, par ce qu'ils enuoyoient des lettres au Viceroy. Ce fut là le commencement de la tyrannie, & cruauté de Gonzalie Pizarre. Il feit brusler deux Caciques pres de Parcos, & print iusques à 8000.

Indiens pour se seruir à porter la somme, & à faire autre chose de seruice. Il en demeura bien peu en vie de ce grand nombre, pour le trop grand travail qu'on leur faisoit supporter. Il espouuenta Xarate & Laurent d'Aldene comme nous disions tantost, & menaça les Auditeurs s'ils ne le faisoient Gouverneur. Qui estoit vne chose fort contraire au serment qu'un peu deuant il leur auoit fait par le Prouincial F. Thomas de Saint Martin accompagné de son Chappellain mesme nommé Diego Martin, par lequel il iuroit & protestoit que sa volonté & celles des siens estoit seulement d'appeller de l'exécution des nouvelles Loix, & obeyr aux Auditeurs cōme à ses superieurs, ne voulāt autre chose qu'informe l'Empereur, de tout ce qui importoit à sa Maiesté, luy recitāt la verité de tout ce qui estoit aduenü, depuis l'entree de Blasco au Peru. Et neantmoins si l'Empereur commandoit de garder, & executer ses Ordonnances protestoit d'ainsi le faire en toute modestie, & ciuilité, encore qu'il veid le pays se perdre, & les Espagnols se ruiner par cela, & disoit qu'il auoit seulement peur du Viceroy pour estre vn homme trop rigoureux, & à cause qu'il fauorisoit les Almagristes. Plusieurs disoient bien que ce serment n'estoit qu'une tromperie. En fin Pizarre arriua pres la ville des Roys, & assiet son camp à deux mille pres de la ville, cōme s'il l'eust voulu assieger, & combattre. Il demanda le gouuernement, menaçant autrement les habitans. La plus part estoient d'aduis de luy accorder ayans peur de la mort, ou du sac, ou par ce qu'ils desiroiēt par ce moyen deschasser du tour ces Ordonnances

nouvelles. Cepeda vouloit donner la bataille, puis que ses astuces ne luy seruoient plus de rien, & aussi qu'il voyoit le Viceroy en liberté: il en requist ses soldats, & capitaines. Mais ils feirent responce que ils ne pouuoient, par ce qu'il y auoit plusieurs de ses gens, qui l'estoient retirez vers Pizarre, & aussi que il n'estoit pas expedient pour le seruice du Roy, encore moins pour la seurté de la ville, à raisõ de la grande tuerie, qui se pourroit faire. La dessus François de Caruajal entre de nuict en la ville, sans aucune capitulation, il prend Martin de Florence, Pierre du Barc, & Jean de Sajanedre, & les pend, par ce qu'ils s'en estoient fuis de Pizarre, & aussi pour auoir leurs biens, & leurs departemens qui estoient bons & riches: & dict qu'il feroit le semblable à tous ceux qui ne voudroient receuoir Gonzalle Pizarre pour Gouverneur. Ceste cruauté donna grand espouuementement à plusieurs: en meit plusieurs en soupçon: elle feit souhaitter à autres le Viceroy Blasco. En fin tous dirent qu'ils receuroient Pizarre pour gouverneur. Le Docteur Cepeda ne le vouloit point, ayant tousiours ennie de demeurer seul au gouvernement, & aussi qu'il ne scauoit comme Pizarre le traicteroit. Mais ne pouuant l'offencer, ny luy nuire, ny mesme luy resister, & ayant plus de peur du Vice-roy, qui estoit desia en liberté, que de pas vn autre: fut de l'aduis de tous les autres. Adonc Gonzalle entra en la ville en ordonnance de guerre avec plus de six cens Espagnols bien armez, faisant marcher deuant son artillerie avec plus de 10000. Indiens. Il feit arrester son artillerie en la place, & là avec tous ses gens

feist alte, & puis enuoya querir les Auditeurs, ausq̃ls il presenta vne requeste signee par Diego C  teno, & de tous les procureurs du Peru, qui le suiui  nt, par laquelle ils demandoi  nt qu'ils feissent G  zalle gouverneur, puis que le seruice du roy, le repos des Espagnols, & le bien public des Indiens le requeroit. Alors ils luy d  nerent lettres de gouverneur, scelees du scel Royal, & en feirent d'autres adressantes aux communautez & chapitres des villes pour le receuoir, & luy obeir, par le conseil des officiers du Roy, des Euesques de Quito, Cuzco, & des Rois & du prouincial des Iacobins. Et puis prindrent le serment de luy qu'il laisseroit le gouuernem  nt qu  d l'Empereur l'auroit command  , & que ce pendant il exerceroit ceste charge bi   & fidellem  nt au seruice de Dieu, & du Roy, & au profit des Indiens, & Espagnols sel   la forme des Loix, & statuts Roiaux. Pizarre iura tout cela, & en donna assurance. En pres  ce de Hierome d'Aliaga q̃ les Auditeurs Cepeda, & Xarate, protesterent de ceste nomination, & election, disants ce qu'ils en auoient faict, estoit de peur, & ainsi le redigerent par   crit au liure des resolutions. Tejada dit qu'il l'auroit esleu de sa propre volont  , & non par force, disant cela, parce qu'il auoit peur qu'on le tuast s'il disoit autrement. Aucuns toutesfois ont eu soup  on que ces Auditeurs parloient en secret avecques Pizarre, & que tout ce qu'ils faisoient avecques leurs protestati  ns n'estoit que feintise.

Ce que Pizarre feist   stant gouverneur. Chap. 165.

Gonzalle Pizarre pouruoyoit aux offices, & despechoit les affaires par le moy  , & sous le nom

du Parlement. Mais il auoit tousiours soupçon sur Cepeda, par-ce qu'il estimoit que la prise du Vice-Roy auoit esté faite de propos deliberé pour brasser & executer quelque trahison puis qu'il estoit en liberté, & amassoit gés à Tóbez avec l'Auditeur Ieā Aluarez. Ioint aussi q̄ Ieā de Salas, le docteur Nigno, & autres pour luy congratuler luy disoient que Cepeda estoit cault, fin, bien entendant, & hardy, qu'il failloit qu'il s'en donnast garde, ou bien lors que moins il y penseroit, il le prendroit, ou le tueroit, & qu'il n'auoit pas tant leuē les gens contre le Vice-Roy qu'il auoit ja prisonnier, que pour ce faire, & que mesme il auoit voulu vn peu deuant luy liurer la bataille. Aussi disoient ils que de tous les capitaines, qui estoient au Peru, il n'y en auoit point qui entendit mieux la guerre que luy, & comme il failloit gouverner. D'auantage on dit que François Caruajal, qui possedoit entierement le gouuerneur, & autres Capitaines delibererent de massacrer les Auditeurs, & particulierement Cepeda. Toutesfois Pizarre ayant peur de quelque inconuenient leur dit qu'il reputoit Cepeda pour son amy, & que les autres ne valoient rien, mais qu'à la premiere consultation qu'il feroit il luy demanderoit son auis de quelque chose, qui luy toucheroit, & à eux aussi, & s'il respondoit à son goust qu'ils se fissent à luy, sinon, qu'ils le tuassent. Cepeda en fut aduertty par Christofle de Vargas, & Antoine de Riuiere cousin de Pizarre, tellement qu'en ce conseil il ne dict chose, qui ne fut à leur souhair, & en tous autres lieux. Par ce moyen il eut la grace du gouuerneur, telle qu'il luy commandoit, & ne fai-

soit ce qu'il vouloit. Soubs vn tel heur il acquist 150000. ducats de reuenu par an. Pizarre ne se gouuernoit pas fort bien pour contenter ses soldats, qui fut cause que Ynigo Cardo, Pierre Antoine, Pierre Vello, Iean de Rosas, & autres se retirerent avecques vne barque vers le Vice-Roy, qui amassoit gens à Tombez. Ceux-cy furent cause que François de Caruajal estrangla le capitaine Diego de Gumiel de nuict en sa maison, & puis le tira dehors pour luy couper la teste, disant, qu'il donneroit exéple aux autres, & luy meit sous les pieds vn escriteau, qui l'accusoit d'auoir esté mutin. La cause de sa mort estoit qu'il auoit parlé trop librement contre le gouuerneur, & le maistre de camp, & auoit chastié vn soldat, qui entrant en la ville des Roys auoit tué avecques vn coup d'arquebuzé pour son passetemps vn seigneur Indien, qui estoit en vne fenestre du logis de Diego de Aguero pour voir passer l'entree de Pizarre. Pizarre prit 40000. ducats de la maison du Roy avec la permission des Auditeurs, officiers du Roy, & capitaines pour payer ses soldats, disant qu'il les rendroit de son reuenu, & pour les retenir en obeysance. Encores dict on qu'il leua vne emprunt sur ceux, qui auoient des Indiens, pour soustenir l'armée. Il pourueut aux places ceux desquels il se fioit, cōme Alphonse de Toro, qu'il enuoya à Cuzco; François d'Almandras aux Ciarcas, Pierre de Fuente, à Arequipa, Fernand d'Aluarado à Trusiglio, Hierosme de Villegas à Piura, Gonzalle Diaz à Quito, & autres en d'autres lieux. Mais tous ceux cy en allant feirent par les chemins de grandes volleries,

& assassinats. Il arma le nauire, où estoit prisonnier Vacca de Castro pour l'enuoyer à Tombez contre le Vice-Roy. Mais Vacca de Castro feit voile droit à Panatma, & de là escriuit à Pizarre, par vn nommé Hurtado, comme il auoit mal faict de se faire Gouverneur, & d'auoir tourmenté ses seruiteurs Bouadiglia, & Perez, pour luy enseigner vn tresor qui n'estoit point. Pizarre retira encores de toutes les villes qu'il peut, des procurations, par lesquelles elles constituoiẽt leurs Procureurs les Docteurs Tejada, & François Maldonado, lesquelles il enuoiõit vers l'Empereur pour faire reuoker les Ordonnances, & pour le confirmer en estat de Gouverneur, & aussi pour informer sa Majesté comme tout ce qui estoit aduenu en ces Royaumes auoit esté par la faute du Vice Roy.

Comme Blasco Nugnez se deliura de prison & de ce qu'il feit depuis. Chap. 166.

L'Auditeur Iean Aluarez, qui, cõme nous auons icy dessus recité, auoit prins la charge de mener prisonnier en Espagne le Vice Roy, le meit en liberté à Gaura, ensemble Vela Nugnez, & Diego de Cueto. Il luy pardonna pour gaigner la grace du Roy, & par ce qu'il estoit des-jà riche il pẽsoit gaigner encores avec luy, comme avec vne tẽste de loup. Blasco Nugnez se voyant en liberté pensoit iouir d'vn souuerain bien, & auoir ce qu'il souhai-toit le plus. Mais apres il s'en repẽtit plusieurs fois, disant que Iean Aluarez l'auoit ruiné par sa deli-urance, par ce que s'il eust mené en Espagne, l'Em-pereur se fut tenu pour bien seruy de luy, & le Peru fut demeuré en paix, par ce que Cepeda se fut ac-

cordé avec Pizarre d'une autre façon si on n'eust deliuré le Viceroy, & Pizarre fut demeuré serui-
teur du Roy, si le Viceroy fut allé en Espagne, de
façon que la liberté du Viceroy n'apporta que mal
à tous, & plus à luy mesme qu'à pas un autre, & a-
pres luy à Iean Aluarez, qui mourut pour ce faict.
Le mal fut veu par le progres. Il est bien vray que
le commencement, & l'intention estoit bonne. Le
Viceroy donc se voyant libre s'en alla à Tombez,
où il leua gens, & fit un nouveau Parlement, ap-
pellans tous les peuples circonuoisins. Il print tous
les deniers du Roy, & des marchés qu'il peut, tant
à Tombez qu'au port Vicil, Piura, Guayaquil, &
autres lieux. Enuoya par ce mesme faict Vela Nu-
guez à Chita, qui se comporta mal avec ses gens
par le chemin, & Bracamore son compagnon pen-
dit un soldat. Il enuoya Iean de Guzman à Panama
pour leuer gens, & cheuaux. Il enuoya en Espagne
Diego Aluarez avec une lettre à l'Empereur, qui
contenoit tout ce qui estoit passé entre luy, & les
Auditeurs, & Gonzalle Pizarre iusques à l'heure
presente. Plusieurs l'allerent trouuer au bruit de sa
deliurance, & des gens qu'il amassoit, autres y alle-
rent pour auoir esté appelez. Diego de Ocampo
s'y en alla de Quito avec bon nombre d'hommes.
Dom Alphonse de Grandmôt avec ceux, qui s'en-
fuoient de Pizarre, & Gonzalle Pereira avec ceux,
qui estoient és Bracamores. Ce dernier fut assailly
de nuict par Hierosime de Villegas, Gonzalle Diaz
de Pinere, & Fernand d'Aluorado, qui le prindrent,
& le pendirent emmenans prisonniers ces Braca-
mores. Ceste prinse estonna ceux de Tombez, qui

eurent encor' grand peur par la venue inopinée, de Fernand Bacicao, qui les assaillit par mer plus par vne grande hardiesse, que pour le nombre d'hommes qu'il eust. Pour ceste cause Blasco Nugnez s'enfuit, & aussi qu'il se desioit de ceux, qui estoient al'entour de luy, par ce que quelques vns d'entre eux luy auoient faict, & faisoient tous les iours des traictés, qui estoient doubles. Il arriva à Quito fort trauaillé, par ce que par plus de 3000. mil de chemin, qui est depuis Tombez iusques là, il n'auoit trouué que manger. Mais il fut là bien receu, & pourueu de deniers, armes & cheuaux. A ceste cause il promet de n'executer les Ordonnances. Il feit fonder des arquebuzes, & battre de la pouldre. Il enuoya querir Sebastien de Venalcazar, & Jean Caurera, qui luy amenerét grand nombre d'Espagnols, de façõ qu'il assembla en peu de temps plus de 400. Espagnols, & force gens de cheual. Il feit Vela Nugnez son frere general, Diego de Oçápo, & dom Alphonse de Grandmont capitaines de la cauallerie, & Jean Perez de Gueuare, Hierosme de la Serue, & François Hernandez d'Aldenes capitaines de l'infanterie, & feit Roderic de Ocampo maistre de camp. Là dessus arriuerent à Quito certains soldats de Pizarre, qui dirent à Blasco, comme Pizarre estoit mal voulu de tous ceux de Lima, & que s'il alloit là il verroit la plus grand part de l'armee de Pizarre se retirer par deuers luy. Pour dire vray au commencement que Pizarre entra au gouuernemēt il estoit ainsi que ces soldats disoient: mais pour l'heure presente c'estoit bien au cōtraire. Blasco Nugnez les creut, & voulant esprouuer

la fortune, marcha vers la ville des Roys à grandes journées. Il sceut comme Hierosme de Villegas, Fernand d'Aluarado, & Gonzalle Diaz Capitaines de Pizarre estoient és mōtagnes de Piura avec force gens, mais non pas ensemble. Il feit marcher ses gens toute la nuit, & les feit approcher si doucement qu'ils ne furent descouuers, & le matin à l'aube du iour assaillit les autres à l'impourueu, les deffit, & rompit aisément. Il vsa de clemence envers les soldats pour acquerir bon bruit, & gagner l'amour des autres. Il leur rendit leurs biens, leurs armes & cheuaux, à la charge de porter les armes pour luy. Il fut bien aise de ceste defaïcte, & tous les siens en estoient plus fiers, & orgueilleux, qui est vn vice qu'apporre la guerre. Il entra puis apres à sainct Michel, où il feit faire iustice de quelques Pizarristes, mais n'osa en faire des siés encor' qu'ils eussent vilainemēt saccagé la ville. Il se renforça là d'armes, & feit faire des cuirasses de peaux de beufs, & assembla d'auātage de soldats, tellēmēt qu'il pouuoit lors se defendre de son ennemy, & l'assaillir.

Ce que Fernand Bacicao feit sur mer. Chap. 167.

Gonzalle Pizarre ne se pensoit pas bien asseuré voyant Blasco Nugnez Vela en liberté assembler gens, & armes à Tombez, & pour l'asseurer du Parlement, duquel il auoit tousiours peur, aduisa comme il pourroit le rompre, & le rompit par ce moyen. Il enuoya en Espagne le docteur Alison de Tejada sous couleur d'auoir esté esleu procureur, & à fin qu'il y allast, il luy donna 5500. castillans d'or, & le departement de Mesa citoyen de Cuzco, qui estoit avec Blasco Nugnez. Il maria son

frere de mere nommé Blaise de Sotto avec damoiselle Anne de Salazar fille du docteur Xarate pour l'attirer de son party, encor' qu'il n'eust pas grand peur de luy, par ce qu'il estoit debile & malade: quand à Cepeda, il le menoit tousiours avec soy. Pizarre voulut encor' estre maistre de la mer, pour asseurer la terre, & par ce qu'il n'auoit aucuns grâds vaisseaux qui fussent à luy, encor' moins des particuliers, il arma seulement deux brigantins avec 50. bons soldats, & en feit capitaine Fernand Bacicao, homme vaillant, & hardy, & tel que d'entre mille hommes on n'eust seu trouuer vn plus volontaire à faire tout ce qu'on eust voulu, que luy. C'estoit vn homme vilainement nay, de meschâtes meurs, ruffien, audacieux, blasphemateur, & qui s'estoit donné au diable, comme luy mesme confessoit: il n'aymoit que meschante canaille, il estoit grand mutin, bon larrô, & voleur tât pour soy que pour autre ne faisant difference entre amys, & ennemys: Voila comme on depeinct Bacicao. Au reste comme Capitaine tres-hardy, & courageux feit vn bel acte: car partant de Lima avec ces deux brigantins & 50. soldats seulement entra en Panama, où il y auoit vingt-huict nauires, & 400. soldats. De là s'en reuint à Trusiglio, où il pilla trois nauires, puis à Tombez, où il meit à terre cent hommes, qui donnerent l'assault à la ville si courageusement qu'ils feirent fuir le Viceroy, qui auoit deux foys plus de gens q̃ luy, & mieux armez. Le Viceroy pésoit que Bacicao eut 300. soldats, & se desioit de quelques vns des siens, lesquels il feit puis apres mourir. Bacicao pilla la ville, & ne tua personne, mais on dict

qu'il auoit charge de tuer le Viceroy. Il print à Alphonse de S. Pierre natif de Medellin 8000. pefans d'or. Il print vn nauires, & Barthelemy Perez, qui en estoit capitaine pour le Viceroy. Il pillà à Guayaquil tout le bien du docteur Iean Aluarez, qui se sauua par vne bõne fuite. Il fut courir au port Vicil, où il arresta tous les nauires, qui y estoient, saccoagea la ville, & deliura de prison Iean d'Almos, & ses freres, print Santillan, lieutenant de Blasco. Il assailloit tous ceuz, qui ne luy vouloient donner prouisions & luy obeyr. Il estoit si cruel qu'un chacun auoit peur de luy. Ils eurent grand peur de luy à Panama par ce que Ieã de Lanes, qui fuyoit deuant luy leur racompta ses cruantez, & encore ne les-sçauoit il pas toutes. Iean de Guzman, qui leuoit là gës pour le Viceroy, & plusieurs autres ne vouloient pas le receuoir au port, mais les habitans, & marchans ne vouloient pas se mettre en armes de peur de perdre leurs marchandises qu'ils auoient là, & au Peru. Ce pendant qu'ils estoient sur ce different Bacicao leur enuoya dire qu'il ne vouloit que mettre en terre les Procureurs du Peru, qui alloient vers l'Empereur, & qu'aussi tost il s'en retourneroit sans leur faire aucun dõmage. Pierre de Casaos, qui gouuernoit la ville fait responce qu'ils ne vouloient empêcher le passage aux Procureurs, ny dõner occasion d'esmouuoir la guerre en ceste ville. Ieã de Guzmã entendant cela s'en alla vistement dedans vn brigantin, & Iean de Lanes en son vaisseau voyans approcher Bacicao, lequel entra dedans le port avec six, ou sept nauires, en l'une desquelles estoit pendu aux antennes Pierre Gallego de Seuille, par ce qu'il

n'auoit calé la voile quand on luy cria Viue Pizarre, & encor' tua deux hommes en combattant son vaisseau. Il se feit maistre de vingt nauires, qui estoient là. Vne bonne partie des habitans s'enfuirent, voyans tels commencemens. Il meit en terre ses soldats, & entra à Panama marchant en ordonnance de guerre avec tabourins, & fifres. Frâçoys de Torres côme il regardoit par sa fenestre ceste monstre, il eut vn braz percé d'vne arquebuzade, par ce moyen Bacicao se feit maistre de l'artillerie, & attira à soy les soldats, que Iean de Guzman auoit leuez, leur donnant bouche franche aux despens de la ville, & leur offrant passage iusques au Peru sans qu'il leur coustast rien. Ainsi il eut en peu de temps plus de 400. soldats, & 28. nauires. Il prenoit l'argent, & les meubles à tels habitans, & marchans qu'il luy plaisoit. Il vendoit les congez pour aller au Peru. Il prenoit ses prouisions à sa discretion. En somme il faisoit toutes choses qui n'appartenoient qu'à vn capitaine de Tyrannie. Le docteur Tejada, qui voyoit ces beaux actes, & Frâçoys Maldonado s'en allerent à la ville du Nom de Dieu, & de là feirét voile en Espagne : Mais Tejada mourut deuant qu'y arriuer. Plusieurs de la compagnee mesme de Bacicao, voyans ses façons de faire si dissolues, & dommageables à tout le public delibèrent de le tuer. Barthelemy Perez pour en auoir l'honneur, ou par ce qu'il l'auoit voulu faire pendre à Tôbez se voulut aduancer des premiers, & pour ce faire s'associa avec le capitaine Antoine Fernád, & le port-enseigne Caxero : ces deux n'estans assez hardiz, requist encor' vn nommé Marmoleio,

qui descouvrit tout le secret. Quand Bacicao le sceut il les feit decapiter tous trois le mesme iour qu'ils le deuoient tuer, & encor eust aussi faict decapiter dom Louys de Toledé, dom Pierre de Cabriere, Christophle de Pegne, Fernand Mexia, & autres, qu'il trouuoit chargez, s'ils ne s'en fussent fuis. Apres cela il s'en retourna au Peru au bout de quatre mois qu'il n'auoit bougé de Panama aux despens, & perte des habitans. Il print port à Guayaquil, où il se mit à terre avec 400. hommes pour aller contre le Viceroy suiuant des lettres qu'il receut de Pizarre.

Comme Gonzalle Pizarre donna la chasse à Blasco,

Nugae Vela. Chap. 168.

A Pres que Bacicao fut party Gonzalle delibera de marcher contre le Viceroy, par ce q c'estoit l'importance de sa vie, ou la fin de Blasco. Il mit des lieutenans par toutes les villes, à fin qu'elles tinssent pour luy, & manda aux principaux habitans de chasque ville de le suiure, pour les mettre en la bourbe avec luy. Ceux qui partirent à ce mandement furent Pizarre de Hinoiose, Christophle Pizarre, Iean d'Acoste, Paul de Meneses, Oregliane & autres habitans des Ciarcas. De Guamanga vint Vasca Xuares, Garci Martinez, Garay, & Sose: d'Arequipa partit Lucas Martinez, avec d'autres: de Cuzco deslogerent Diego Maldonado le riche, Pierre de Los-Rios, François de Caruajal, qui estoit maistre de camp, Garcilasso de la Vega, Martin de Robles, Iean de Siluere, Benoist de Caruajal, Garzia de Herezucllo, Iean Diez, Anroine de Quignones, Porras: & plusieurs autres de Lima,

Ganuco, Ciaciapoias, & d'autres villes. Pierre Nugnez moyne fort bon arquebuzier, duquel nous auons ja parlé en autre lieu, vint à la ville des Roys sollicitant vn chascun de prendre le party de Pizarre apportant la nouuelle de la defaïcte des Bracamores que menoit Gonzalle Pereira pour le Viceroy par Fernand d'Aluarado Gonzalle Dias, & Hierosime de Villegas. Pizarre ayant entendu ces nouuelles d'eslogea incontinent laissant pour lieu-tenant à Lima Laurét d'Aldene. Il sen alla par mer iusques à Sainte, en vn brigantin avec les docteur Cepeda, Nigno, Leon, Carnajal, & Gueuare, & avec Pierre de Hinoiose, Blaise de Sotto, & quelques seruiteurs domestiques. Le mesme iour qu'il arriua à Trusiglio Diego Velasquez natif d'Auile y arriua aussi apportât la nouuelle que Blasco Nugnez auoit rompu Gonzalle Dias, Fernand d'Aluarado, & Hierosime de Villegas pres de Piura, & qu'il auoit prins la plus part des soldats: que Gonzalle Dias errant dans les montagnes estoit depuis mort de faim, & qu'Aluarado auoit esté tué par les Indiés, comme il fuioit de ceste defaïcte. Cela despleut grandement à Pizarre, voyant que par ce moyen les forces, & la reputatiõ du Viceroy croïssient. Il assembla en conseil ses gens, & capitaines plus experimentez pour sçauoir ce qui estoit besoing de faire. Ils arresterent de marcher droict vers le Viceroy, qui estoit à S. Michel, nonobstant le peu de gens, qu'ils auoient. Et à fin qu'ils ne fussent descouuers, ils enuoyerent deuant le capitaine Iean Alphonse Palomin avec douze bons soldats pour se tenir sur le chemin, & prendre garde aux passans.

passans. Il y auoit plusieurs riches, qui de peur disoient que c'estoit vne grande folie d'aller assiéger Blasco avec si peu d'hommes, & qu'il estoit plus seur d'enuoyer premierement querir Bacicao. Mais François de Caruajal, qui arriua le lendemain, confirma tout ce qui auoit esté resolu. Côme ils partoient de Trufiglio, Gomez d'Aluarado, & Iean de Sajauedre se vindrēt ioindre à eux avec les soldats qu'ils emmenoiēt de Ganuco de Ciaciapojas, & du Leuant. Pizarre enuoya de Motupe Iean d'Acoste avec 24. cheuaux, gens d'assurance par le chemin des Xagucies, qui est le grād chemin Royal, mais sans eau, & luy avec toute l'armee s'en alla par Ceran, qui est vn autre chemin pour aller à Piura vers les montaignes, & ce faisoit il, afin que Blasco Nugnez, voyant Iean d'Acoste pensast que toute l'armee suiuit. Mais ceste ruse fut descouuerte par vn Yanacona Indien, qui estoit à Iean Ruuio, qui suiuoit Acoste. Cest Indien fut prins par l'ennemy comme il trauersoit pour gaigner Piura, & dit tout ce que faisoit Pizarre. Blasco eut si grand peur qu'il s'en fuit à Quito par le chemin de Caxas. Alors les citoyens de S. Michel, qui s'estoient retirez aux montaignes, se jeterent sur luy, & arresterent la plus grand part de son bagage, disans qu'ils se payoient du sac qu'il auoit fait en leur ville. Pizarre dict ceste nuit à François de Caruajal en presence de Hinoiose, & Cepeda qu'il vouloit enuoyer apres le Vice-Roy Iean de Acoste avec 80. bōs arqbuziers, & en demāda son aduis. Caruajal luy dit qu'il trouuoit cest aduis si bon qu'il l'eust voulu faire : & cōme Pizarre luy demādoit cōmēt il pēsoit l'executer

il respondit : que vostre seigneurie me le die (qui estoit sa façon de parler) ie les vous prendray tous comme dedans vn rets. Alors Pizarre luy dict qu'il auoit gaigne le ieu, fil le pouuoit ioindre, & pourrât qu'il cheminast toute nuit, par ce que fil pouuoit trouuer les ennemys sans sentinelles, il en pourroit tuer autant qu'il voudroit, & fil les rencontreroit dedans les montagnes, qu'il s'efforçast de les arrester aux passages estroicts iusques au iour. Adoncques François de Caruajal se meit en chemin avec plus de 50. cheuaux, & à troys heures de nuit se ioingnit aux ennemys, qui dormoient si profondement avec si peu de soucy de leurs vies que certainement il les eust tous tuez, ou prins s'il eust voulu : mais il ne vouloit pas mettre fin à la guerre, voulant rousiours l'entretenir pour par le moyen d'icelle pouuoir commander. Il feit dōner l'alarme par vn trompette qu'il auoit mené contre l'aduis de tous les siens, qui le vouloient tuer si les ennemys ne se fussent incontinent esueillez. Blasco Nugnez sentit biē le murmure, qui estoit entre les ennemis, mais il disoit q'c'estoit vne astuce de Caruajal. Si se meit en defense comme homme vaillāt prenāt aupres de soy son cousin Sancio Sancies de Auile, & Figueroc de Zamore, qui estoient personnages bellicueux. Mais voyāt que ses aduersaires se retiroient sagemēt, il n'osa les poursuiure craignāt vne embuscade, & aymant mieux se retirer aussi doucement marchāt en ordre. Quād Caruajal veid son ennemy retiré il en surprint quelques soldats, qui estoient paresseux à se retirer, lesquels il feit pendre, & attrēdit là son armee. Les siens parloient fort

mal de luy de ce qu'il n'auoit cōbattu le Viceroy, & par sur tout Pizarre mēme, qui luy vouloit faire trācher la teste; n'eust esté le docteur Cepeda, & Benoist de Caruajal, qui requirēt pour luy. Pizarre commanda au docteur Caruajal de pourſuiure le Viceroy avec deux cens hōmes, par ce que c'estoit son grand ennemy, & s'asseuroit que cestuy-cy feroit son deuoir. Le docteur fut fort ioyeux de ceste charge tant par ce qu'il se voyoit par là rentré en la bonne grace de Pizarre, que pour venger la mort du facteur son frere, & aussi pour se vĕger soy-mesme, par ce que Blasco luy auoit osté le departemēt qu'il auoit des Indiens, & luy auoit mis la corde au col commandant qu'il se confessast. Il demanda à Frāçois de Caruajal, vn bel estoc qu'il auoit, & iura qu'il en tueroit le Viceroy s'il le pouuoit rencontrer. Il feit vn long, & rude chemin, & deuāt qu'arriuer à Ayabaca, qui est à 42. mil de Caxas, il print beaucoup de soldats du Viceroy, qui lors eschappa avec 70. soldats seulement. Le maistre de camp Caruajal pendit à Ayacaba Mōtoye qui portoit lettres du Viceroy à Pizarre, & Raphael Vela Mulat parēt de Nugnez, & autres troys, & là Pizarre leur les lettres de Blasco publiquement: la somme estoit qu'il le rembourfast, & l'Empereur des frais qu'il auoit fait tant à ses despens qu'à ceux du Roy, & de quelques particuliers, & que puis il s'en retourneroit en Espagne. Pour cela, & pour quelques autres causes portees par les mēmes lettres il commanda de tuer Montoye. Il enuoya encor' apres Blasco Iean d'Acoste avec 60. cheuaux legiers, à fin qu'il le pourſuiuit plus diligēment. Blasco gaigna en

grand haste Tumebamba endurent autant de travail & de faim qu'il auoit de peur. Il tua Hierosme de la Serne, & Gaspar ses capitaines ayant soupçon qu'ils communiquoient par lettres avec Pizarre. Ce qui estoit neantmoins faux. Car Pizarre ne receut jamais aucunes lettres d'eux durant ceste derniere guerre. Il feit encor' tuer pour mesme soupçon Roderic d'Ocampo son maistre de camp, qui selo l'opinion de tous, n'estoit coupable aucunement, & qui ne meritoit telle fin l'ayât nouuy, & tousiours suiuy. Estant arriué à Quito il commanda au docteur Aluarez, qu'il feit pendre Gomez Statio, & Aluarado de Caruajal habitans de Guayaquil, par ce qu'ils auoient coniuré de le tuer: ce qu'ils eussent executé par ce que c'estoient hommes vaillans, & & hardis, & n'auoient pas faute de la faueur de plusieurs. Mais Sarmiento cousin de Gomez descouurir la trahison. Ce Gomez, sans cela, meritoit bien, telle, où plus rigoureuse punition. Car il se retira à Tombez vers Bacicao, & voyant qu'il auoit peu d'hommes, & que mesme ce n'estoient que meschantes canailles, s'en retourna vers le Viceroy disant qu'il n'estoit allé là que pour pourueoir à ses cheuaux, qui y estoient. Quand le Viceroy sceut que Bacicao s'estoit ioinct à Pizarre à Muliambato, & qu'ils prenoient le chemin de Quito pour le poursuiure, s'en alla à Pasto, qui est à 120. mil de Quito en la prouince de Popajan, croyant qu'ils ne passeroient point plus outre, & ne le poursuiuroient plus. Mais Pizarre le deceut de son opinion. Car il s'en alla avec son armee à Pasto, d'où estoit desia parti Blasco pour aller à Popaian avec peu de gens.

Il enuoya le docteur Caruajal pour le poursuiure. François de Caruajal auoit grand enuie d'y aller pour corriger la faute de l'autre fois. Le docteur s'en reuint avec quelques prisonniers, & bestail, qu'il auoit prins sur le Viceroy. Sur cela Pizarre s'en retourna à la ville de Quito, apres auoir poursuiuy Blasco Nugnez par tout le Peru. En ce temps mesme Blasco cuida estre tué par vn nommé Oliuere, qui auoit esté son page, & ce par le subornement de Pizarre, ainsi qu'on dict. Mais ce page n'estant encor' assez aduisé, ny hardy se descourut à Diego d'Ocampo pour luy aider à executer ceste entreprinse disant, que par ce moyen il se végeroit aussi de la mort de son oncle Roderic d'Ocampo. Le Viceroy le feit mourir, encore qu'il luy promet de tuer Gonzalle Pizarre.

Ce que feit Pierre de Hinoiose avec son armee.

Chap. 169.

LEs plainctes qu'on faisoit iournellement à Pizarre pour les meurtres, & volleries faictes par Bacicao estoient si grâdes qu'il fut cōtrainct y mettre ordre, & pour ce faire assembla le conseil, où il fut arresté qu'il failloit enuoyer vn autre capitaine hōme de bien pour y satiffaire, ou en rendant leurs biens, où bien les payer des deniers de Pizarre mesme. La plus grande difficulté, qui aduint la dessus fut à nommer celuy, qui auroit ceste charge. Pizarre, & la plus grand part vouloiēt que Pierre de Hinoiose homme de bien, & vaillant de sa personne, y allast. Mais François de Caruajal, & Gueuare capitaines d'arq̄buziers & Bacicao mesme, qui auoit la faueur de la plus grand part des soldats, & des

principaux, vouloiēt que Bacicao y retournaſt. Par là vous voyez que Pizarre ne faiſoit pas à chaſque fois tout ce qu'il vouloit, mais ſeulement ce qu'il pouuoit. Il dict à Martin de Robles, & Pierre de Puellas, qui auoient ſoubs eux la plus grand part des ſoldats, & qui n'aymoient gueres Caruajal, & Bacicao, qu'au premier conſeil ils fuſſent de ſon opinion, & de celle de Cepeda, qui eſtoit q̄ Bacicao n'y deuoit point aller. Cepeda ayāt eu leur parole, & eſtant aſſeuré qu'ils ſeroient de ſon aduiſ, remonſtra par bonnes raiſons, qu'il n'eſtoit pas bon que Bacicao y retournaſt, mais qu'il eſtoit meilleur que ce fut Hinoioſe, & ainſi fut eſleu. Bacicao, qui ſ'eſtoit trouué à toutes ces deliberations ne dict mot, mais Caruajal dict ſeulement qu'il ne ſ'en ſoucioit point. Pierre de Hinoioſe print l'armee pour aller à Panama, & payer ce que Bacicao auoit enleué, & auſſi pour empescher que tout le long de la coſte deux vaiſſeaux ne ſe peuſſent aſſembler, par ce qu'ils tenoient pour tout certain, & auſſi eſtoit-il ainſi, qu'eſtans maiſtres de la mer, ils ſeroiēt auſſi maiſtres de tout le pays. Arriuant au port de Bonaventure il print Vela Nugnez, qui leuoit gens pour ſon frere, & pluſieurs autres: il recourrit vn des enfans de Gonzalle Pizarre qu'ils tenoient là priſonnier, & ſi eut 20000. caſtillans d'or, avec leſquels ils acheptoiēt cheuaux, & armes pour le Viceroy. Deuant qu'arriuer à Panama il enuoya vne lettre par Roderic de Caruajal à la communauté de la ville, par laquelle il mādait quelle eſtoit ſon intention. Mais ils ne le voulurent croire, Iean de Lanes, Iean Fernandez de Rebelledo, Iean Vendrel Ca-

calan, Balthasar Diez, Arias d'Azeuedo, & Mugnos d'Auile citoyens de la ville enuoyerent incontînēt querir Pierre de Casaos, & luy manderent qu'il amenaſt gens de la ville du Nom de Dieu, où pour lors il eſtoit. Il vint, & ſe mit en deſenſe avec les ſoldats qu'il auoit amenez, & avec ceux de la ville, & lors feirēt reſpōce à Hinoioſe qu'après auoir eſté ainſi mal traictez par Bacicao ils ne vouloiēt le recevoir avec tous ſes gens, mais laiſſant à l'ancre ſes vaiſſeaux en l'Iſle de Tauoga, & venant ſeulement accompagné de 40. hōmes qu'ils le receuroient, & traicteroient honneſtement iuſques à ce qu'il euſt ſatisfait aux meutres, & volleries faiſtes par Bacicao. Hinoioſe ne voulant accepter ceſte condition ſe feit maĩſtre de tous les nauires, qui eſtoient au port, & requiſt ceux de la ville par vn moyne qu'ils le receurent en paix puis qu'il venoit pour leur bien faire, & non pour les mal traicter. Eux ſe conſians au moyne demāderent des gentils-hommes, & gens d'honneur, avec leſquels ils peuſſent negocier de cet affaire. Il leur enuoya Paul de Meneses, & le meſme Roderic de Caruajal, mais luy eſtant aduis qu'ils demeuroient trop à reuenir ſ'aduança vers la ville, & les rencontra. Il ſceut par eux comme ceux de Panama ſe mettoient en armes. Il deſbarqua à trois mil au deſoubs de la ville, & mit tous ſes gens à terre les faiſant marcher en eſquadrō contre la ville, & ſe faiſant coſtoyer le long de la marine par ces barques, dedans leſquelles eſtoit ſon artillerie. Pierre de Casaos, Jean de Lanes & autres Capitaines feirent ſortir leurs ſoldats, & artillerie contre Hinoioſe, & comme ils ſ'appro-

cherent pres l'un de l'autre se rangerent tous en bataille. Les Panamiens estoient en plus grand nombre, mais Hinoiose auoit plus d'arquebuziers, & auoit l'aduantagé pour la situation du lieu, & pour la commodité de ses barques, ja les bataillons se vouloient attaquer quand dō Pierre de Cabrerre, & André d'Areysa crièrent paix, paix. Ils allerent demander trefues à Hinoiose à fin que ce pendāt on peut trouuer quelque bone issue pour cet affaire. L'accord fut tel q̄ Hinoiose enuoyroit ses vaisseaux, & tous ses soldats à Tauoga, qu'il entreroit en la ville avec 50. soldats seulement. Hinoiose feit selon cet accord, & le lendemain entra avec le contentemēt de tous, & commença à traicter de l'affaire, pour laquelle il estoit allé là. Ce pendant enuoya à Lima prisonniers Vela Nugnez, Roderic Mexia, Lerme, & Sajanedre, auxquels depuis Pizarre feit trancher les restes. Il faisoit en ceste ville, ou disoit telles choses qu'incontinent il attira les soldats pour le parti de Pizarre, & s'en alloient à Teuoga avec les autres. Lanes se pleignoit de cela, mais voyant que pour ses plainctes, il ne pouuoit arrester ses gēs, il remeit entre les mains de la communauté, & du docteur Riuere iuge de la ville les armes, munitions, & artillerie qu'il auoit, & se retira à S. Marthe, avec quelques vns, qui le voulurent suivre. Il y auoit pour lors à Nicaragua Melchior Verdugo, qui leuoit gens de guerre pour le Viceroy. Iceluy auoit prins des deniers, & vn nauire aux habitans de Trusiglio par le cōmandemēt du Viceroy. Hinoiose y enuoya Iean Alfōse Palomin avec vn nauiré biē muni d'hōmes, & d'artillerie, avec charge d'enfoncer tous les vais-

seaux de Nicaragua fils ne se vouloient rendre. Palomin sy en alla, & ne faillit à prendre tous les vaisseaux qu'il trouua, mais Verdugo s'en estoit desja allé tachant à gagner la ville du nom de Dieu. Et pour ce faire meit en certaines barques 80. Espagnols, & s'en alla par le fleuve Xuaguator, qui entre dedans le lac de Nicaragua, en intention de faire par là tout ce qu'il pourroit contre Pizarre, & François de Caruajal, lequel il hayoit à mort. Il entra donc en ceste ville quasi sans estre apperceu, & meit le feu aux maisons de Fernád Mexia, & de son beau-pere dom Pierre de Cabrere, qui estoient là avec gens pour Hinoiose, & Pizarre, mais ils s'enfuirent à Pañama, ainsi il se feit maistre de la ville, & feit tout ce qu'il voulut avec 300. soldats qu'il assembla. Les habitans du Nom de Dieu se plainquirent au docteur Riuiere des dommages, griefs, torts, & iniures qu'ils receuoient de Verdugo en sa iurisdiction. Riuiere demanda secours à Hinoiose, qui luy donna 140. arquebuziers, & s'en alla avec luy: ils prindrent en chemin les sentinelles de Verdugo, & ayants entendu qu'il estoit trop fort, & puissant, le docteur Riuiere le requist de se retirer de là satisfaisant aux despences, & dommages qu'il auoit faits, mais ayant fait responce trop hautaine, & superbe, les arquebuziers d'Hinoiose aduancerent le pas, & tirans sans cesse le feirent reculer, iusques à la mer, où il auoit vn nauire, & barques attachees à terre. Il eut beaucoup de ses gens tuez, & blessez, & encores qu'il combatist vaillamment si fut il contraint se ietter vistement en ses barques, & s'enfuir. Hinoiose laissa là dom Pierre de Cabre-

re, & Fernand de Mexia, comme ils estoient deuant, & s'en retourna à Panama.

Les cruantez & meurtres faits par Francois de Carnajal contre ceux du party du Roy. Chap. 170.

LOpe de Médozze fasché de ce qu'on luy auoit osté son departement meit en la teste de Diego Centeno preuost de la ville de l'Argent de tuer François d'Almendras lieutenant de Pizarre, & de s'esleuer pour le Roy. Centeno, qui d'ailleurs estoit assez mal cōtent, fut lors contēt d'exccuter ceste entreprinse pour n'estre point noté par cy apres de trahison à son Prince: car c'estoit vn homme de bō cueur. Il assembla donc secrettement en sa maison Lope de Mendozze, Louis de Leon, Diego de Ribadeneyre. Alphonse Perez d'Esquiuel Louis Perdomo, François Negral, & quatre, ou cinq autres, & leur dit comme il vouloit tuer François d'Almandras, par ce qu'il auoit osté les departemēs à plusieurs, & fait mourir dom Gomez de la Lune, & puis s'esleuer pour le Roy. Ils luy promeirent tous de luy aider louās son entreprinse. Alors il s'en alla chez François d'Almendras son voisin, & amy, & luy dit comme il auoit entendu que le Viceroy auoit prins Gonzalle Pizarre en la ville de Quito: & cōme l'autre fut tout estonné, & troublé en soy-mesme de ceste nouuelle, l'ébrassa luy disant: vous estes prisonnier, là dessus les autres dix compagnōs l'empoingnerent, & le tuerent avecques vn sien seruiteur, & quelques autres, qui louoient l'emprisonnement du Viceroy. Apres ils meirent l'enseigne de l'Empereur au vent, & feirent capitaine general Diego Centeno, qui assembla incontinent

gés, lesquels il paya du sien, & des deniers du Roy. Il feit maistre de camp Loïse de Mendozze, & Fernand Nugnez sergent maieur. Il publia la guerre contre Pizarre, & se mit en chemin vers Cuzco avec 200, Espagnols tant de pied que de cheual péfaisant en faire là autant. Mais Alphonse de Tore lieutenant pour Pizarre en ceste ville sortir au deuant avec trois cens soldats. Centeno tourna bride, & voyât que ses soldats ne le suiuiroient point, gaigna les montaignes ne trouuant pas leur d'attendre à Ciarcas. Alphonse le pourfuiuit, & en passant pillâ la ville de Ciarcas, puis dedans la ville de l'Argent Alphonse de Mendozze avec quantité de soldats, & puis s'en retourna à Cuzco, où il feit pēdre Loys Aluarez, & decapiter Martin de Candie, parce qu'ils parloient mal de Pizarre. Quand Centeno sceut ce qu'auoit fait Alphonse de Tore, s'en retourna vers la ville de l'Argent, & pria Alphonse de Mendozze que puis qu'il estoit gentilhomme de bonne part, il voulut suivre le party du Roy, & comme l'autre n'y vouloit entendre, il reprit la ville, remit le peuple en son obeyssance, refit son armee, & se mit aux champs. Alphonse de Mendozze se retira avec trente hommes de guerre seulement, & feit plus de trois cents mil sans perdre aucun de ses gens. Cest Alphonse de Mendozze est vn des capitaines le plus renommé, qui ayt esté au Peru, & ne luy doit on accōparer Céteno, ny Caruajal. Gōzalle Pizarre ayant entendu par les lettres d'Alfōse de Tore, que luy porta Martin de Vergara, la mort de François d'Almédraz, & la rebellion de Céteno enuoia de Quito à la ville de l'Argēt, qui en est loin

1500. mil, François de Carjauual avec gens de guerre pour chastier Centeno, & les autres, qui s'estoient esleuez contre luy. Caruajal pilloir par tout où il passoit sous couleur que c'estoit pour payer les gës, & rembourser les despens faits par Pizarre en ceste guerre contre Blasco Nugnez. Il feit pendre à Guamanga quatre Espagnols sans estre chargez de rien, & à Cuzco cinq autres, entre lesquels furent Diego de Naruacé, Fernand d'Aldene, & Gregoire Setiel, personnages tres-riches, & honorables. Il prit leurs departemens, & les donna à ses soldats, & l'achemina vers où estoit Centeno, faisant courir le bruiet qu'il ne luy vouloit faire mal, & qu'il ne vouloit que le remettre en grace avec Pizarre. Mais Céteno ne voulut ny le voir, ny parler à luy, ny entendre à ses raisons : & laissant à Ciayan Loppe de Mendozze avec l'infanterie, sortit avec 100 cheuaux au deuant de luy, & luy donna l'assault de nuit criant: viue le Roy, pensant qu'à ceste voix plusieurs de ses ennemis deussent passer de son costé deuant qu'on eust sonné l'alarme. Mais ne voyant personne se ietter de son costé, donna à la pointe du iour vne escarmouche pour ce mesme effect : & voyant encores les soldats de son ennemy si fermes s'en retourna à Ciayan se desiant de pouuoir garder la ville pour le Roy. Caruajal le poursuivit, & le rôpir, & fut tousiours apres iusques à Arequipa, qui est loing 250. mil. Il prit en chemin douze de ses soldats qu'il feit pendre, & qui plus est sans permettre qu'ils se confessassent. Diego Centeno encore qu'il fust en fuite, si esleuoit il le pays, par où il passoit, contre Pizarre, disant qu'ils se dônaissent garde du cruel Car-

uajal. Il feit eſcrire à quelques vns de Cuzco par dō Martin d'Vtrere comme Diego Centeno auoit tué François de Caruajal, & qu'il ſ'acheminait vers eux. Alphonſe de Tore creut aiſémēt ces nouuelles, par ce que dom Martin eſtoit citoyen du Cuzco, & ſ'eſ-ſuit de là avec ceux qu'il peut emmener. Mais la verité eſtant cognüe il ſ'en reuint incontinent, & feit pendre Martin de Salas, qui auoit deſployē vne enſeigne au nom du Roy, & Martin Manzano, Ferdinand Diez, Martin Fernandez, Baptiſte le Galand, & Sotto Maieur, & autres, qui ſ'eſtoient declarez contre Pizarre. Quand Centeno ſe veid pouſſuiuy de ſi preſ par Caruajal, & qu'il n'auoit pas plus de cinquante hommes avec luy, il en enuoya quinze avec Diego de Ribadeueyre pour prendre vn vaiſſeau, par le moyē duquel ils ſe peuſſent ſauuer, mais ſon ennemy ne luy dōna pas ſi long terme. Se voiant donc perdu, & quaſi és mains de Caruajal, commēça à ſe plaindre avec ſeſtrente compagnons de leur commune infortune, les embrasſant tous, & les priant d'euitier la main d'un ſi cruel tyran. Ainſi il ſe departit d'avec eux, & ſ'en alla ſe cacher avecques vn ſien ſeruiteur, & Louys de Riuiere en certaines petites caſes d'Indiens, qui eſtoient à Coruegio habitant d'Arequipa. Les autres ſ'en allerent par autres chemins, qui leur ſembloient bons, accompagnez touſiours d'une peur de mourir ou du glaue, ou de faim. Quant à Loppe de Mendozze il ſe retira avec douze ou quinze des ſiens, parmy quelques Indiens ſes vaſſaux, & rasſembla là juſques à quarante Eſpagnols, & voulans ſe mettre avec iceux dedans les Andes, qui ſont montaignes hautes, & ru-

des, il scent de Nicolas d'Heredia, qui amenoit 140 soldats, le long chemin qu'auoient faict Diego de Roias, & Philippe Gutierrez par le fleuve de l'Argent au temps de Vacca de Castro, & se ioingnit avec luy, & tous deux se feirēt forts ensemble cōtre les Pizarristes. Le maistre de cāp Caruajal marcha contre eux avec 400. soldats, & se campa deuant eux, comme voulant assieger le lieu où ils estoient. Lope de Mandozze se fiant sur la cauallerie qu'il auoit laissé le lieu fort, où il estoit, par ce que le contour estoit trop rude pour ses cheuaulx, ou de peur d'y estre assiegé, & prins par famine, & alla loger ses gens en vne plaine. Caruajal au contraire s'alla mettre incontinent dedans la forteresse blasmant la grande ignorāce de ses ennemys. Lope de Mendozze voulant amender ceste faute avec vne grande animosité la mesme nuit alla donner l'assault à ceste forteresse, mettant son infanterie deuant vne porte, & la cauallerie à l'autre sous Heredia. Les gens de pied combattirent vaillamment, entrèrent dedans, tuans, & mourās de mesme vaillance. Ceux de cheual à cause de l'obscurité de la nuit ne peurent veoir l'endroit, où estoit la porte, & furent contraincts se retirer & fuir. Caruajal fut fort blessé d'une arquebuzade en la fesse, mais il n'en dit pour lors riē, & encor' moins l'en ouit-on plaindre iusques à ce qu'il eust vaincu, & repoussé ses ennemys. Il se fait penser sa playe, & puis pour-suiuit ses ennemys. Il se ioingnit à eux à quinze mil de là sur la riuē d'un grand fleuve, & par ce qu'ils estoient las & harassés, il les rompit facilement. Il en print plusieurs, & en fait pendre quelques vns,

il feit decapiter Lope de Mendozze, & Nicolas de Heredie, il pillâ ceux de Ciarcas, saccagea la ville de l'Argent, où il feit pendre dix ou douze Espagnols de Mendozze qu'il trouua là. De là il alla à Arequipa, laquelle il pillâ, où il feit encor' pendre quatre autres soldats. Et puis vint à Cuzco, où il en feit pendre autant. Il faisoit tant de cruautéz & vilainies qu'aucun n'osoit luy contredire, ny comparoïr deuant luy.

La bataille, en laquelle mourut Blasco Nugnez Vela.

Chap.

171.

A Pres que le Viceroy eut esté ainsi deschassé du Peru, & Hinoiose fut enuoyé à Panama, & Caruajal contre Centeno, Pizarre ne bougea de Quito ne faisant autre chose q̃ festoyer les dames, & prendre son plaisir à la chasse, encor dit-on qu'il feit tuer vn Espagnol pour iouir de sa femme. François de Caruajal prenant congé de luy, luy dit, que s'il vouloit demeurer en seureté, & se deliurer de toute crainte, il se feit, & s'appellast Roy. Il luy donna ce conseil pour le confirmer d'auantage en ceste opinion de poutsuïure rousiours en son absence le Viceroy iusques à ce qu'il l'eust entierement defaict comme il auoit bien commencé en l'assault donné à Caxas, craignant qu'en son absence son cœur s'amollist par le conseil de quelque autre. Pizarre en fin se resueillant eut aduertissement de ce que faisoit Blasco Nugnez à Popayan. Il songea comme il pourroit le tromper, & s'aduisa de mettre des gens sur tous les chemins, afin qu'aucun ne passast pour aller à Popayan sans sa mercy, faisant au reste courir le bruiet qu'il

s'en alloit à Lima : & afin qu'on le creut à Popayá,
 feit escrire de Quito par certaines femmes à leurs
 maris, qui estoient là, comme Pizarre s'en estoit re-
 tourné. Puellles manioit toute ceste entreprise, es-
 tant maistre de camp en l'absence de Caruajal. Vn
 espion du Vice-Roy, qu'on auoit prins, escriuitle
 semblable. Blasco voyant tant de lettres creut que
 Pizarre s'en estoit veritablement retourné contre
 Centeno, s'imaginant en soy mesme les raisons, qui
 l'auoient meu à ce faire, qui estoient pour ne laisser
 point perdre la richesse, & grandeur du Peru que
 Centeno pouuoit enuahir durant telles querelles,
 & partialitez, aussi pour garder la frontiere de Qui-
 to. Blasco Nugnez estoit arriué à Popayan fort des-
 fait, ayant mangé de ses cheuaux par les chemins,
 il maudissoit l'heure qu'il estoit iamais venu au Pe-
 ru, & les hommes qu'il y auoit trouuez. Il auoit bõ-
 ne enuie de se venger, mais sa puissance estoit peti-
 te. Il estoit grandement fâché de la prinse de son
 frere Vela Nugnez, & d'auoir perdu 20000. castil-
 lans d'or qu'auoit pris Hinoiose. Il ne se fioit point
 de pas vn des siens: mais pour toutes ces aduersitez
 il ne perdoit point courage, encores moins l'esper-
 rance d'estre vn iour le plus grand au Peru, s'il pou-
 uoit entrer en Quito, & en Trufiglio. Ainsi, donc,
 croyant que Pizarre s'en fut retourné à la ville des
 Rois se meit en ordre pour aller à la ville de Quito
 avec quatre cents soldats, qui estoient assez pour
 combattre les trois cents, qu'on disoit estre seule-
 ment restez là. Nonobstant qu'on luy dissuadast ce-
 ste entreprise, si ne voulut il attendre plus grande
 certitude, parce que le temps, disoit il, descouuroit
 toutes

toutes entreprises. Iean Marques estoit à 72. mil de Quito, avec quelques soldats en vne sienne casfine, d'où il espioit par le moyen de ses Indiens tout ce que faisoit Blasco, & tous les iours en aduertissoit Pizarre. Au contraire, Blasco ne sceut iamaïs aucunes nouuelles de Pizarre, qui estoit vne negligence bien grande, iusques à ce qu'il fut à Otatabalo, à 27. mil de Quito, où il sceut la verité de tout par André Gomez son espie. Pizarre laissant Quito s'alla camper 12. mil, à costé de la ville, vis à vis du fleuve de Guaylabāba en vn lieu fort, tant pour sa seureté, que pour vaincre son ennemy. Blasco ayant entendu l'intention de son aduersaire, fut recognoistre la situation du lieu, fait semblant de faillir, commandant à quelques vns de se monstrier sur le fleuve. Puis fait faire plusieurs feuz pour tromper Pizarre, & ce pendant s'en alla de nuict par lieux aspres, & rudes, sans tenir voye ne sentier, & chemina ainsi toute la nuict en grande diligence, & à midy entra dedans Quito, où il n'y auoit aucune garnison, & là s'estant informé des gens, & de la force qu'auoit Pizarre eut peur, & tous les siés aussi. Sebastien de Venalcazar Adelantado, l'Auditeur Iean Aluarez, & autres luy conseillerent qu'il se rendit à Pizarre, avec quelques bonnes pactions. Mais il leur respondit: j'ayme mieux plustost mourir en combattant, que me rendre par couardise à vn tyran, & si ie meurs au champ de bataille, nostre Roy est viuant en Espagne, qui nous vengera tous: & donnāt bon courage, & bonne esperance de victoire marcha contre Pizarre avecques plus grand cœur, qu'avec prudence: car s'il se fut fortifié

en la ville il eust peu se deffendre, ainsi qu'on dit: mais il ne vouloit point estre assiegé, de peur d'estre prins, & aimoit mieux combattre en la campagne, pour se sauuer s'il estoit vaincu, ou mourir en combattant vaillamment. Il meit, donc, tous ses gens en ordre encestre façon: Toute son infanterie estoit en vn bataillon, exceptez quelques arquebuziers, qui estoient à part comme enfans perdus pour attaquer l'escarmouche, leur Capitaine estoit Iean Çaurere maistre de camp, de l'infanterie estoient Capitaines Sancio d'Auille, François Hernandez de Carceres, Pierre de Heredic, Roderic Nugnez de Bouille tresorier. Il feit deux esquadrons de ses gens de cheual, il print le plus grand, & le meilleur pour luy, & donna l'autre à Cepeda de Plaisance, à Venalcazar & à Bazã. Pizarre suiuit cest ordre, par ce qu'il auoit recogneu deuant. Il auoit 700. Espagnols. Il y en auoit 200. arquebuziers, & 140. de cheual. Il meit à main gauche le Capitaine Gueuare, avec ses arquebuziers, & les piquiers apres derriere lesquels marchoient le docteur Cepeda, Gomez d'Aluarado & Martin de Robles avec 100. cheuaux des meilleurs. Au flac droict estoit le capitaine Ieã d'Acoste avec ses arquebuziers, & des picquiers apres, & pour l'arrieregarde estoient le docteur Caruajal, Diego d'Vrbine, & Pierre de Puellas avec la cauallerie. Par ceste ruse Pizarre couurit toute la cauallerie par le moyé des piquiers, qui tenoient leurs piques leuees, & ainsi demeura ferme, sans bransler, ny se mouuoir. Blasco qui bouilloit de colere vint à la chaude assaillir Pizarre, & se commença la bataille. Ceux de Pizarre dès la premiere scopeterie tuerent beaucoup

de leurs aduersaires, & entre autres Jean Caure-re, Sancio Sancies, & le Capitaine Cepeda. Les gens de cheual se voyans ainsi molestez de telles arquebuzades se ioignirent tous avecques le Vice-Roy, & ensemble vindrent donner sur l'esquadron du Docteur Caruajal, lequel ils rompirent, & en iecterent quelques vns par terre, Blasco mesme meit par terre Alphonse de Montaluo. Le docteur Cepeda voyant cela donne avecques tout son esquadron dedans le flanc des gens du Vice-Roy, & le met en routte. Se voyans perdus, commencerent à fuir. Cepeda, Alvarado, & Robles les pour-suiuent si viuement, qu'il n'en eschappe pas vn, excepté Ynigo Cardo, & vn nommé Cisneros. Mais depuis ce Cisneros fut amené de Pasto, & fut pendu, & Ynigo Cardo tua le Docteur Polo en la ville des Ciarcas. Pizarre se comporta en grand clemence avecques les vaincuz. Il ne feit mourir que Pierre de Heredie, Pierre Vello, Pierre Anton, & Ynigo Cardo. Quand à l'Auditeur Jean Aluarez on dict que les siens mesmes l'empoisonnerent, par-ce qu'il mourut avecques tous les signes de poison. Il meit prisonniers tous ceux qui luy pouuoient estre contraires ne les voulant faire mourir, comme aucuns luy conseillerent, mais il s'en repentit depuis. Il en meit plusieurs en liberté, il remonta les autres d'armes & de deniers pour les renuoyer à leurs gouuernemens, entre autres Sebastien de Venalcazar, ne prenant point d'esgard à ce qu'il auoit fait contre son frere François Pizarre se rebellant contre luy : Ainsi la bataille, ny la victoire ne furent pas guerres cruelles.

Car il n'y mourut pas plus de cinq ou six des gens de Pizarre. Fernand de Torres, demeurant pres Arequipa, ietta par terre le Viceroy Blasco Nugnez en le poursuiuant, & sans le cognoistre, ainsi qu'on dict. Car il auoit caché ses armes tout expres avec vne chemise Indienne. Estant cheu à terre, Herrera confesseur de Pizarre accourut pour le cōfesser: Il luy demanda qui il estoit, le Viceroy luy respondit: Vous n'avez que faire de sçauoir qui ie suis, faites vostre office. Il ne se vouloit point donner à cognoistre craignant sentir quelque cruauté de son ennemy. Son cheual auoit quatorze cloux à chasque fer: ce qui feit croire qu'il auoit bonne enuie de fuir s'il se voyoit rompu. Vn soldat, qui autresfois auoit esté des siés, le recogneur, & le dict à Pierre de Puellas, & au Docteur Caruajal, afin qu'il se vengeast. Caruajal y ennoya vn Negre, pour luy couper la teste: car Puellas ne voulut point qu'il descendit de cheual pour faire cest acte, disant que il ne conuenoit point à sa grandeur de s'abbaisser si bas. Puellas mesme print la teste, & la porta au lieu patibulaire, la monstrant à tous. On dict que quelques Capitaines luy arracherent toute la barbe, & la gardoient, & la portoient à leurs bonnets pour monstret leur vaillantise. Pizarre commanda qu'on portast le corps à la maison de Vasco Xuares & la teste, quand il sceut qu'elle estoit sur le gibet, dequoy il se colera grandement, & le lendemain on l'enterra aussi honorablement qu'il fut possible.

Ce que Blasco Nugnez disoit, & escriuoit des Auditeurs. Chap. 172.

Bien souuent Blasco Nugnez disoit que l'Empereur & son conseil luy auoient baillé pour Auditeurs vn ieune, vn fol, vn ignorant, & vn sor: aussi se sôt ils gouuernez en ceste sorte: Cepeda estoit le ieune, Iean Aluarez le fol, Tejada l'ignorant, qui ne sçauoit pas vn mot de Latin. Ce fut à Panama, où les Auditeurs commencerēt à estre mal voulus du Viceroy, & à entrer en different les vns avec les autres, pour sçauoir qui seroit superieur, ou non, & sur la maniere de depescher les affaires, & lettres, qui touchoient le faict de iustice, & du gouuernement, par-ce qu'on voyoit quelques lettres donnees par les Presidens, & Auditeurs, autres par le Viceroy seulement. Iean Aluarez amena sa femme d'Espagne, & depuis la ville du nom de Dieu, iusques à Panama la feit porter sur le dos des Indîés dās vne portoitte, ou hotte qu'ils apellent Hamaca. Le Viceroy s'en mocquoit, & blasmoit sa femme. Cela feit inimitié entre eux deux. Ils iugerent des proces, constituerent quelques vns prisonniers, autres deliurerent deuant que d'estre receuz Auditeurs, & Iean Aluarez feit monter vn Gentil-homme sur vn asne, & l'eust faict fouetter, sans les prieres de quelques vns, & que c'estoit cōtre les Loix d'Espagne. Il faisoit porter aux Indiens ses hardes sans les payer, qui estoit contre les Ordonnances qu'ils portoient. Par-ce qu'Alphonse Palomin Preuost ordinaire de sainct Michel ne s'estoit descendu de son cheual, & n'auoit accompagné Iean Aluarez fut reprins par quelques parolles aigres. Ils mangerent par plusieurs iours aux despens de leurs hostes, hommes trefriches, & opu-

lens, & toutesfois deuoient reformer les trop grãd
 départemens, & richesses: Christophle de Burgos
 en'estoit entre autres: & si deuoit chasser hors le
 Peru tous les nouveaux Chrestiens suiuant l'Edict
 de l'Empereur. Ils disoiēt par où ils passoient que
 les Ordonnances n'estoient point iustes, & que le
 Roy n'auoit peu par raison les faire, & qu'encore
 moins le Viceroy les pouuoit il executer, & que
 tout ce qu'il faisoit sans eux ne valloit rien, encore
 qu'il l'authorizast du nom de l'Empereur. Ils al-
 loient souuent se pourmener aux champs, & là
 communiqnoient ensemble, & s'accordoient con-
 tre le Viceroy, & ainsi faisoient ils de peur qu'il ne
 eust empesché leurs assemblees, s'ils les eussent fai-
 ctes chez eux. Iamais ne furent contens qu'il y eust
 accord entre Blasco, & Gonzalle, & ne subsigne-
 rent de bonne volonté au pardon, & sauf-conduict
 que porta le Prouincial des Iacobins pour ceux,
 qui voudroient se retirer du party: encore moins
 à celuy que demanda Balthasar de Loaysa, par-
 ce qu'il exceptoit Pizarre, le docteur Caruajal & trop
 peu d'autres, disans qu'il appartenoit au Roy seu-
 lement de pardonner tels delicts. Ils louoient Dō
 Diego d'Almagro, par-ce qu'il auoit faict comme
 Gonzalle Pizarre, le party duquel ils iustificoient
 le plus qu'ils pouuoient. Ils se laisserent suborner
 par Benoist Martin chappellain de Pizarre. Ils de-
 manderent pour lors gages 6000. castillans d'or
 pour chacun tous les ans, & qu'autrement ils ne
 tiendroient plus l'audience tant que dureroit l'an
 mil cinq cens quarante quatre. Ils haïssoient au cō-
 mencement les proces qu'on faisoit touchant les

Indiës, mais depuis que le Viceroy fut prins ils faisoient bien le contraire contre l'Ordonnance, & volonté de l'Empereur, disans qu'ils ne pouuoient denier iustice à qui la demandoit. Ils prindrent à Blasco Nugnez tous les papiers pour s'ayder de ceux qui parloient pour les Presidës, & Auditeurs. Quand Blasco fut prins il demanda le guidon Royal, par ce qu'il ne pouuoit estre porté que par vn Viceroy, & capitaine general. Cepeda luy dict qu'il en auoit affaire puis qu'il estoit gouverneur, President, & Capitaine general. Blasco escriuit tout ce que nous auons cy dessus recité à l'Empereur. Les Auditeurs mesme ont confirmé beaucoup de ces choses par les fautes qu'ils ont faictes, comme contient l'histoire. Ils disoient qu'ils ne pouuoient supporter le naturel terrible de Blasco Nugnez, qui tousiours ne se pouuoit cōtenir, qu'il ne s'attaquast à eux de parolles hautaines, & superbes. Ils s'excusoient assez de ne l'auoir iamais faict prisonnier, & qu'aussi ils ne l'auoient mis en liberté pensans que l'Empereur seroit mieux seruy par ce moyen, & aussi qu'ils n'auoiët peu mieux faire avec Pizarre, qui autrement les eust tuez. Mais ils ne furent point creus pour l'euenemēt, & la fin qu'eurent les affaires, comme au contraire on adiousta foy à la lettre de Blasco qu'il enuoya de Tombez à l'Empereur par son cousin Diego Aluarez Cueto.

Comme Gonzalle Pizarre se voulut appeller Roy.

Chap. 173.

IAmas Pizarre en l'absence de François de Caruajal, son maistre de cāp, ne tua, ny permit tuer aucun Espagnol, sans que tous, ou la plus grād part

de son conseil l'eust trouué bon, encor' vouloit-il que son proces fut faict en bonne forme, & qu'il fust confessé deuant que mourir. Commanda par lettres patentes qu'il feist publier par tout, qu'on n'eust à se seruir d'Indiens pour les faire porter la somme sur le dos, qui estoit vn article des Ordonnances, ny les rançonner, c'est à dire, prendre leurs biens par force sans payer, sur peine de la vie. Il commanda aussi que tous ceux, qui auoient des Indiens en leurs departtemés, eussent en leurs maisons des personnes d'Eglise, & prestres pour les endoctriner en la foy, & religion Crestienne, sur peine d'estre priuez d'iceux departtemés. Il print grád peine à amasser le Quint du Roy, & les biens qui luy pouuoient appartenir, disant que son frere François Pizarre auoit ainsi faict. Il commanda qu'on neust à payer aucú tribut, excepté le dixiesme, & puis que les guerres estoient finies, & Blasco Nugnez mort, qu'un chascun seruist le Roy, afin qu'il reuoquast les Ordonnances, confirmast leurs departtemens, & leur pardónast tout le passé. Alors tous louoient son gouvernement, mesme Lagasca, apres qu'il eut veu les Ordonnances qu'il auoit faictes, dict qu'il gouernoit bien, & assez modestement pour vn tyran. Ce bon gouvernement dura, comme i'ay dict au commencement, iusques à ce que Pierre de Hinoiose meit entre les mains de Lagasca son armee, qui fut peu de temps apres. Car depuis tout fut renuersé: car François de Caruajal, & Pierre de Puellas escriuirét à Pizarre qu'il se feist Roy, puis qu'aussi bien à la verité il l'estoit, & qu'il ne se souciaist d'enuoyer à l'Empereur des

procureurs du pays : qu'il meit peine, & diligence à recouurer force cheuaux, corselets, artillerie, arquebuzes, & autres armes, qui estoient les vrayz procureurs, & qu'il print pour soy les quintz, vassaux, villes & reuenus royaux, & les daces qu'auoit en ce pays le secretaire Couos, sans les auoir meritees. Cela ne despleut gueres à Pizarre, car vn chascun voudroit estre Roy : mais il n'osa toutefois se declarer tel, encor' que plusieurs l'incitassent à ce faire, par ce qu'aucuns de ses plus grands amys le blasmoient s'il le vouloit entreprendre, ou bien à cause qu'il vouloit attendre que Caruajal fut venu des Ciarcas, & Puellas de Quiro. Quand ceux-cy furent venus, alors aucún ne pouuoit sortir du Peru, ny tirer de l'or, ou de l'argent, sur peine de perdre la vie. Ils tuoient sans iustice, & sans confession, tous ceux qu'ils vouloient. Ils faisoient mourir les riches pour auoir leurs biens : ils osterent les daces qu'auoit Couos, qui luy valloient 30000. castillás d'or par an. Aucuns disoient qu'ils ne dōneroient point le Royaume à l'Empereur, s'il ne leur donnoit à perpetuité leurs departemens : autres disoient, qu'ils feroient Roy qui bon leur sembleroit, puis qu'ainsi autre-fois auoient fait, apres la ruine d'Espagne, l'infant Dom Pelage, & Garzia Ximenez : autres qu'ils appelleroient les Turcs si on ne donnoit le gouuernemēt à Pizarre, & si on ne deliuroit son frere Ferdinand. En somme tous disoient que ces Royaumes leur appartenoiēt, & qu'ils les pouuoient departir entr'eux, puis qu'ils les auoient gaignez à leurs despens, ayant espendu leur propre sang, à la conqueste d'iceux.

Pizarre feit faire iustice de trois habitās de Quiro, qui auoient esté cōdemnez par le Licencié Leō il y auoit ja six moys, les departemēs desquels, leurs femmes aussi, il donna à d'autres, selon aucuns, autres qui louent sa clemence le nient. Il meit ordre aux affaires de ceste ville, & puis s'en alla à la ville des Roys, qui est le chef du Peru, pour faire là sa residence, & gouuerner tout le reste, douze mil au deça de Lima, où il fut festoyé magnifiquement par Dom Antoine de Riuiere. Diego Velasquez grand maistre de Ferdinand Pizarre l'y vint trouuer avec lettres de Pierre de Hinoiose, & d'autres Capitaines de l'armee, qui estoient à Panama, par lesquelles ils l'aduertissoient de la defaïcte de Verdugo, & de la venue du presidēt Lagasca. Hinoiose par deux lettres louoit grandement Lagasca, & asseuroit de pouuoir descouurir ce pourquoy il estoit venu, encor' qu'il fut biē fin, rusé & secret par le bō ordre qu'il y mettroit, & s'il cognoissoit qu'il n'apportast ce qui estoit bon à tous, qu'il le feroit bien-tost mourir. Ces lettres ruinerent Pizarre, qui s'asseuroit sur icelles, & estoit au demeurant negligent, tenant son affaire pour toute faïcte. Car il est tout certain que, si Hinoiose luy eust escrit qu'il eust à obeir à Lagasca, il eust faïct: l'ayāt aussi bien desia deliberé de faire par le conseil de ces Capitaines, & autres gēs de sçauoir, qui auoient beaucoup de puissance sur luy en l'absence de François de Caruajal. Ainsi se confiant sur Hinoiose, n'auoit peur d'aucun sinistre aduenemēt, ny d'aucune

disgrace de fortune, ne faisant compte, ny estime aucune de Lagasca, & n'entendoit qu'à faire festes, à courir la canne à cheual à la mode d'Espagne, & autres passetemps, faisant tousiours toutesfois bien son deuoir quant au gounernement. Durant ce temps on accusa Vela Nugnez frere du Viceroy, & eut la teste tranchee, Iean de la Torre en fut cause. Ce Iean de la Torre auoit plus de 100000. castillans d'or, & force lingots d'or pur, & vne petite cassette pleine d'esmeraudes fines qu'il auoit eue par son astuce des Indies sans leur faire aucun mal, par ce qu'il les trouua en vne de leurs sepultures. Il auoit grand enuie de s'en retourner en Espagne avec ce tresor: mais il n'osoit de peur de Pizarre, ou à cause qu'il ne se confioit à personne. Il communiqua avec Vela Nugnez, afin qu'ils s'en allassent eux deux ensemble en vn nauire de Pizarre. Là dessus vint nouuelles, comme Lagasca auoit enuoyé Pierre Hernandez Paniagua vers Pizarre, & le faisoit gouuerneur. Iean de la Torre croyant ceste nouuelle, delibera trahir Vela Nugnez, pour gagner la grace de Pizarre. Pour le mieux tromper, comme fil poursuuiuoit tousiours son entreprinse de leur en aller donna 25000. castillans d'or au Gardien des Cordeliers, present Vela, & luy iura sur l'Hostie consacree, en presence du mesme Moyne, de ne descourir rien: car Vela auoit peur de quiconque fut. De là à trois ou quatre iours, il dit à Pizarre comme Vela se vouloit destobber. Pizarre luy dict qu'il feist bonne mine pour sçauoir ceux qui s'en voudroient aller avec Vela. On en print quelques vns, qui par le moyen

de la torture confesserét le tout, & Vela Nugnez eut la teste tranchee, sans estre mis à la questiō, ce qu'il estima à grand grace. Il fut decapité plustost que plusieurs n'eussent voulu: mais il fut hasté à la persuasion du docteur Caruajal, qui en auoit peur, pour auoir vſé de cruauté contre son frere Blasco Nugnez.

*Comme le Docteur Pierre de Lagasca s'en alla
au Peru. Chap. 175.*

L'Empereur ayant entendu les rebellions, & tumultes qui s'estoient esmeuës au Peru, à l'occasion de ses nouuelles ordonnances, & l'emprisonnement du Vice-roy Blasco Nugnez, fut fort mal content de la desobeissance, & de la hardiesse des Auditeurs, qui l'auoient mis prisonnier, ensemble la rebellion de Gonzalle Pizarre. Mais il modera vn peu son courroux considerant que le tout estoit aduenu pour n'auoir cédé à l'appel qu'on faisoit de l'execution des ordonnances, & par-ce qu'il voioit par les lettres, qu'on apportoit du Peru, & mesme par le recit de Maldonado, que le Viceroy auoit le tort, par-ce qu'il executoit les loix trop rigoureusement sans vouloir acquiescer à l'appel. Il excusoit aussi le Vice-Roy, par-ce que luy mesme luy auoit commande de les executer nonobstant appel, estât informé, ou bien trompé, qu'en ce faisant il faisoit seruice à Dieu, & que c'estoit le bien, & la conseruation des Indiens, que par là il satisfaisoit à sa conscience, & si c'estoit l'augmētation de son reuenu. Ces nouuelles luy redoublerent la fâcherie, & soucy qu'il auoit des guerres d'Alemagne, & des Luthe riens, où il estoit fort embrouillé, & les tourmen-

toient grandement, tellement qu'à grande peine pouuoit il songer à celles-cy. Mais cognoissât quel le importance ce luy estoit de remedier à ses vassaux, & à ses Royaumes du Peru si riches, & profitables à sa courône, aduisa d'y enuoyer vn homme paisible, secret, peu parlant, & sçachât demesler tels affaires, qui peut remedier aux maux aduenus par la trop grâde hautesse de Blasco Nugnez, qui ne pouuoit tenir son secret, & qui estoit de petite affaire. En somme voulut y enuoyer vn regnard, puis qu'il n'auoit rien gagné d'y auoir enuoyé vn Lyon, il esleut, donc, le docteur Pierre de Lagasca, qui estoit du conseil de l'inquisition, homme cault & rusé, de petite corpulence, mais de grand esprit, & d'une mesme prudence accompagnée de bon cueur, il valloit plus que trois hommes. L'Empereur l'auoit ja experimenté en affaires ardues, & de grande importance, pour les Mores du Royaume de Valence. Il luy donna l'authorité, & mandemens tels qu'il demandoit, & lettres missiues, & blansignez de sa maiesté comme il vouloit. Il reuoqua ses ordonnances, & escriuit à Gonzalle Pizarre, d'Alemagne au mois de Feurier mille cinq cens quarante siz. Lagasca partit d'Espagne avecques peu de gens, & à petite despence, encores qu'il eust desia le tiltre de President, mais avecques grande esperance, & reputation. Il despendit peu pour faire son chemin pour ne mettre l'Empereur en despense, & pour monstrier cauteleusement sa paisible douceur à quelques vns du Peru, qui alloient avec luy. Il mena avec soy pour auditeurs les deux docteurs André de Cianca, & Renterio homme de bien, ausquels il

se fioit assez. Il arriua au Nom de Dieu, sans dire l'occasion qui l'aménoit. Quand on luy parloit de sa venue pour tirer quelque chose de luy, il respondoit suiuant l'affection de celuy, à qui il parloit, & par ceste pouruoyance il les deceuoit tous. Il disoit finement que si Pizarre ne le vouloit receuoir, il s'en rerourneroit vers l'Empereur incontinent, n'estant point venu pour faire la guerre, par ce qu'elle ne conuenoit à sa profession, ny à son habit, estant prestre, & qu'il n'estoit venu que pour mettre paix par tout en reuoquant les Ordonnances, & presidant seulement en l'Audience suiuant l'estat, & office que l'Empereur luy auoit baillé. Il manda à Melchior Verdugo, qui venoit vers luy avec quelques soldats pour l'accompagner, & luy faire seruiue, qu'il ne passast point outre: mais qu'il demeurast là, attendant ce qui en aduiendroit. Il meit ordre à quelques choses, & puis s'en alla à Panama, laissant au Nom de Dieu pour Capitaine Garzia de Paredes, avec des soldats que Ferdinand de Mexia, & Dom Pierre de Cabrerre Capitaines de Pizarre, luy donnerent pour defendre ceste coste de quelques corsaires François, qui vouloient venir assaillir ceste ville: Mais ils furēt enfoncez par le Gouverneur de sainte Marthe.

Ce que Lagasca escriuit à Gonzalle Pizarre.

Chap. 176.

Q Vand Lagasca fut arriué à Panama, il entendit mieux en quel estat estoit l'armee, & ce qu'on ditait de Pizarre. Il faisoit des practiques le plus secretement qu'il pouuoit, & voyant les forces de Pizarre, il discouroit en soy mesme qu'il les falloit

rompre ou par plus grâdes, ou par astuce. Il escriuit à Quito, Nicaragua Mexieque, à S. Dominique, & autres lieux pour auoir hômes, cheuaux, & armes, & enuoya au Peru Pierre Fernandez avec lettres pour les chapîtres des villes, par lesquelles il donnoit à entendre comme il estoit venu pour reuocquer les Ordonnances. Il luy bailla aussi vne lettre de creance de l'Empereur pour Pizarre, par laquelle l'Empereur sous couleur d'escrire autre chose, dissimuloit tout ce pour quoy il auoit enuoyé, & en escriuit à luy mesme vn autre longue, & ample, pleine de bonnes raisons tendantes à fin qu'il meit les armes bas, qu'il se demeit de son gouuernemēt, & se meit entre les mains de l'Empereur, qu'il apportoit la reuocation des Ordonnances, pardon pour tout le passé, commissiō pour disposer, & ordōner des vassaux, & peuples avec l'aduis des gouuerneurs des villes au proffit des Espagnols, & Indiens, permission de faire nouuelles conquestes, à fin que ceux, qui n'auoient aucuns departemēs, ny offices, en peussent auoir, pour se maintenir. Pour conclusion il luy remonstroit qu'il ne se fiasst point à ceux, qui iusques à l'heure presente l'auoient suiuy, par ce qu'ils l'abandoneroient par le moyen du pardon general que le Roy leur enuoyoit, & le tueroient pour faire seruice à l'Empereur, & luy faisoit dextrement trouuer bonne la paix, en desprisant la guerre.

Cōme Pizarre se cōseilla sur les lettres de Lagasca. Ch. 177.

Pierre Fernádez arriua à la ville des Roys, & presenta ses lettres à Pizarre à l'heure qu'il le veid seul. Pizarre luy tint quelques paroles rudes, & ne

luy dict qu'il fasséid, dequoy Pierre Fernandez se cholera. Pizarre enuoya querir Cepeda, par ce que François de Caruajal n'estoit encore de retour des Ciarcas, pour luy communiquer les lettres. Cepeda ayant trouué l'un despiré, & l'autre en colere, feit alleoir Pierre Fernádez, & reprit Pizarre qui luy respōdit en riât: le vous iure que ie me suis courroucé ie ne sçay comment, parce qu'il me disoit que ce que nous auons encommencé ne pourra pas reüssir aisément. Cepeda, apres auoir communiqué quelque espace de temps ensemble sur plusieurs affaires s'en alla, & emmena avec soy Fernandez, & le logea, en la maison de la Riuiere, où il fut bien festoyé. Il luy donna des cheuaux pour picquer parce qu'il aymoit fort aller à cheual, & courir souuēt dessus. Il se faisoit plusieurs assemblees pour sa venue, & vn chacun disoit ce qu'il desiroit. Pizarre n'adiousta foy aucune aux lettres du docteur Lagasca, encores moins aux parolles de Fernandez, croyant pour certain que ce n'estoient que tromperies pour le deceuoir. Il appella les plus principaux, & leur leur ses lettres, il demanda l'opinion de tous, & iura sur l'Image de la Vierge Marie qu'un chacun pouuoit librement dire son auis: Ils ne s'y fioient point tous, toutesfois de sorte que plusieurs d'entr'eux ne parlerēt en toute liberté comme ils eussent bien voulu: Ce que s'ils eussent faict, ou si on n'eust point encores apporté les lettres de Hinojose, Pizarre se fut mis entre les mains de Lagasca sans doute aucun. Car François de Caruajal, qui estoit ce luy, qui luy conseilloit de se faire Roy & ne se soucier de l'Empereur, n'estoit point enco-

res là. Ce surquoy ils consulterent le plus, fut, à sca-
uoir s'ils laisseroient entrer Lagasca ou non, & cō-
me ils le tueroient, si ce seroit apres qu'il seroit en-
tré, & n'auroit voulu faire ce qu'ils voudroient, où
bien si ce seroit à Panama. La plus grande opiāion
fut qu'on ne le laissast entrer, ny approcher, par-
ce que telle estoit la volonté de Pizarre, qui auoit for-
ce, & esperance sur Hinoiose. Aucuns disent qu'il
seroit bon donner le degast à tout le pays de Pana-
ma, & du nom de Dieu, afin que les habitās de ces
villes, qui fauorisoient le parti du Roy, n'eussēt moiē
de recueillir aucunes prouisions, & qu'il failloit se
saisir de tous les vaisseaux, qui estoient en la mer de
Midy, afin qu'aucun ne peut entrer au Peru: qu'il
falloit aussi enuoyer pl^{rs} de 500. arq̄buziers vers Ni-
caragua, Guatimalla, Tecoantepec, & Xalisco pour
esmouuoir toute la nouuelle Espagne, & les autres
prouinces à prendre le party de Pizarre, s'assurant
de trouuer là beaucoup de souffreteux, & mal-con-
tens, & s'il n'aduēoit, cōme ils esperoient, que pour
le moins en se retirant on pilleroit, & brusleroit on
tous les peuples de la marine, de sorte qu'il ne fau-
droit plus defendre que soy mesme, sans auoir soin
de s'asseurer d'auantage sur les voisins. Ce fut vne
entreprinse plus mal heureuse que celle que on a-
uoit desia encommencee. Estāts donc tous d'ac-
cord, ils firent responce ensemble par vne lettre
seule, le voulant ainsi Pizarre pour s'autoriser d'a-
uantage, afin que Lagasca veid comme tout le pays
le fauorisoit, & aussi pour estre plus asscuré d'eux,
s'obligeans tacitement à luy en soubsignants tous
cette lettre: Elle fut signee par plus de soixante per-

sonnes des pl⁹ notables, & par Cepeda le premier, comme lieutenant general de Pizarre tant en guerre, qu'en iustice.

La lettre.

N^Ostre honoré seigneur, par les lettres de Pierre de Hinoiose capitaine de l'armée nous auons entendu vostre venue, & le bon zele que portez au seruice de Dieu, de l'Empereur, & au bien cōmū de ce pays. Si fusliez venu en vn temps, auquel ne fut adueni tant d'affaires, comme il en a esté veu en ces pays depuis la venue de Blasco Nugnez Vela, nous eussions esté trèsaisés, & eussions estimé que le tout se fut encor mieux porté. Mais estans suruenus tāt de meurtres, & de batailles entre nous autres, qui sommes encor viuans, & ceux, qui sont morts, nous ne pensons point que vostre venue en ces Royaumes soit seure pour le pays, ains au contraire estimons qu'elle pourroit estre la cause seule de ruiner tout le reste. Pour ceste cause aucun n'est d'aduis que vous entriez plus auant, & ne sçauons comme nous pourrions sauuer la vie à celuy, qui voudroit dire du contraire encore que nostre gouverneur Pizarre fut de sa part. Suiuant la deliberatiō, & accord de tous, tous ces Royaumes enuoient procureurs vers l'Empereur nostre Roy, & seigneur avec entiere information de tout ce, qui s'est faict iusques à aujourd'huy depuis que Blasco Nugnez arriva. Par là ils demonstrent euidemmēt leur innocence, & iustification, & la faute, & orgueil de Blasco, qui iamais ne voulut acquiescer à l'appel qu'on luy presentoit sur l'exécution des ordonnances, les executant avec toute rigueur, fai-

tant guerre, & vſant de force au lieu de iuſtice. Ils ſupplient l'Empereur de confirmer le ſeigneur Gōzalle Pizarre au gouuernement du Peru, comme il le tient maintenant, puis que par ſes vertus, & ſeruices il le merite, eſtant aimé de tous, & eſtimé pour pere de la patrie. Il maintient les Royaumes en paix, & iuſtice, prend garde aux Quints, & daces du Roy, il entend fort bien les affaires, & gouuerne avecques vne longue experience qu'il a. Ce qu'vn autre ne pourroit pas de long temps entendre, & ce pendant que le peuple, & pays ſouffriroit de grands dommagés, & pertes. Nous nous aſſurons que l'Empereur nous fera ceſte grace, par ce que iamais no^s n'auōs failli à luy faire ſeruice quelques deſordres, rebelliōs, & guerres furieufes ſoiēt aduenues par ſes iuges, & gouuerneurs, qui ont pillé ſes biens, & prins, & conſommé ſes reuenuz. Nous eſperons auſſi qu'il approuuera tout ce que nous auons faiēt pour noſtre deſſence, & qu'il ne trouuera mauuais ſi nous auons perſiſté en noſtre appel. Il n'y a pas vn de nous autres, qui luy demande grace, ou pardon. Auſſi n'auons nous point failli, mais au contraire nous auons faiēt ſeruice à ſa maieſté en conſeruant noſtre droiēt comme ſes loix le permettent. Nous vous aſſurons de noſtre part que ſi Ferdinand Pizarre, que nous aimons grandement fut auſſi bien reuenu par deçà comme vous, nous ne l'eufſions enduré entrer plus auant, non plus que vous, ou nous fuſſions deuant tous morts: car en ces pays nous ne nous ſouciōs d'aũturer nos vies pour conſeruer l'hōneur, encor' que ce ſoit pour choſes legieres, tellemēt q̃ biē pluſtoſt

nous les auanturerons en cest affaire, où il ne va rié moins que de nos biens, de l'honneur, & de la vie mesme. Nous supplions dont vostre seigneurie que pour le bon zele, & vray amour que tousiours aués eu, & auez encor au seruice de Dieu, & du Roy que vous retourniez en Espagne, & informez l'Empereur de ce, qui est propre à ces Royaumes, comme vostre prudence peut voir, & que ne donniez occasion que nous mourios tous en guerre, & que nous acheuions de tuer les Indies, qui sont restez des autres guerres passées, puisque par la deliberation de tous il ne peut venir autre fruit. Le capitaine Laurent d'Aldene s'en va pour traicter avecques vous des affaires, qui touchent ces Royaumes, vous adiousterez foy, s'il vous plaist, à tout ce qu'il vous dira: De la ville des Roys ce quatorzieme d'Octobre mil cinq cens quarante six.

Elinoiose met l'armee de Pizarre entre les mains de Lagasca. Chap. 178.

Pizarre fut long temps à mettre ordre à ses procureurs qu'il vouloit enuoyer en Espagne. Les procurations de tous les chapitres des villes estoient ja faictes pour enuoyer avec icelles Laurent d'Aldene. Mais iamais ne pouuoit venir à bout de le despescher, par-ce qu'il estoit tousiours empesché par François de Caruajal, qui ne vouloit point de repos, ny de paix, & se foucioit encor moins d'Espagne. Il fut neantmoins en fin despesché avec ceste lettre vers Lagasca, & luy bailla on pour cōpagnon Gomez de Solis. On y enuoya encores avecques luy Pierre Lopez, en presence duquel toutes les consultations auoient esté faites. Pizarre pria frere Hié.

rosme de Loaysa Euesque de la ville, & frere Thomas de Saint Martin Prouincial des iacobins de sen aller avec eux, afin que par ceste ruse ils abandonnassent son party, & se meissent du costé de Lagasca, ou bien pour les chasser hors du Peru se defiant d'eux. Pizarre offroit à l'Empereur grande somme de deniers, luy demandant le gouuernement, & le priant de ne leuer point le quint, & se cōtenter seulement du dixieme pour certaines annes. C'estoit vn des articles que portoit son argent. Il escriuit par luy mesme à Hinoiose qu'il donnast 50000 castillans d'or, ou plus à Lagasca, afin qu'il s'en retournast, ou bien qu'il le tuast le mieux qu'il pourroit. Ainsi il depescha Laurent d'Aldene, & ses cōpagnons qui s'en allerent à Panama. Ils presenterent la lettre à Lagasca, & l'aduertirent comme on le vouloit tuer, & que partant il y print garde. Ils le feirēt aussi certain que Pizarre ne le receuroit point & qu'il y en auoit plusieurs au Peru, qui desiroiēt grandement sa venuë pour se ioinde de son costé au seruice du Roy. Le president Lagasca qui ne pensoit point deuant qu'on l'eust voulu tuer, eut grand peur, voyant les lettres des Pizarristes, & les nouuelles qu'on luy disoit. Alors il declara entierement à celuy, qui estoit allé par deuers luy, l'occasion, pour laquelle l'Empereur l'auoit enuoié & tout ce qu'il auoit enuie de faire. Le capitaine Hinoiose l'ayant sceu meit aussi tost de sa bōne volonté, par-ce qu'aucun ne l'eust peu contraindre, son armee entre les mains de Lagasca, qui finement l'auoit tousiours sollicité à ce faire par subtils moyens, & cautelles, luy faisant de grâdes pro-

messes. Par là commença la ruine de Gonzalle Pizarre. Lagasca ayant l'armee en fait capitaine general le mesme Hinoiose, & rendit la charge des nauires, & les enseignes aux Capitaines, qui les tenoient nagueres pour Pizarre. Ce fut faire de necessité vertu, d'un traistre en faire un fidelle, & loyal. Il estoit aise au possible de se veoir une armee entre les mains, croyant desia auoit bien commencée son affaire. Aussi, à dire vray, iamaïs, où bien tard eust peu faire reussir son entreprinse, par ce que iamaïs il n'eust peu aller au Peru par mer, & si il y eust voulu aller par terre, comme il pensoit au commencement, il eust enduré de grands travaux, la famine le froid, & autres dangers deuant qu'y arriuer. Incontinent doncques que Lagasca fut maistre de ceste armee il enuoya l'Auditeur Cianca pour auoir l'artillerie, qui estoit au Nom de Dieu, pour en garnir les nauires, & son armee. Il enuoya és Isles prochaines Paul de Meneses, leã de Lanes, & Jean Alphonse Palomin avecques quelques vaisseaux pour garder la coste, afin qu'on ne peut aduertir Pizarre, cômme Hinoiose luy auoit baillé son armee, & des preparatifs de guerre qu'il faisoit contre luy. Cès trois priindrent Gomez de Solis, qui s'en venoit cherchant le capitaine Aldene, cestuy cy declara encore mieux au long l'intention de Pizarre. Lagasca pour auoir d'auantage de gens de guerre, & de munitions enuoya à Nicaragua, la nouvelle Espagne, au nouveau Royaume de Grenade, à saint Dominique, & autres lieux des Indes donnant à entendre à un chacun comme il auoit desia en sa puissance l'armee de Pizarre, qui

estoit la principale force du tyran . Il ordonna vn hospital à la mode de la court , avec son medecin, & apoticaire, qui fut vn grand remede pour ceux, qui estoient malades, & qui seroient blesez en la guerre. Il en dóna la charge à F. François de la Roque, Mathurin . Il chercha deniers pour payer les soldats, & entretenir les gentils-hommes, & se móstrooit courtois, liberal, & courageux, tellement que ceux, qui auoient esté du party de Pizarre, l'estimoient plus qu'ils n'auoient faict par cy-deuant, spécialement 'considerans sa prudence, qui estoit grande en vn corps si petit, & fluët. Il depescha aussi Laurent d'Aldene, lean Alphonse Palomin, lean de Lanes, & Ferdinand Mexia avec quatre nauires pour porter lettres au Peru, commandant à Laurét d'Aldene, qui estoit general, de n'aborder en lieu quelconque deuant qu'arriuer à Lima, & en donnant aux habitans de ceste ville le pardon general, & la reuocatió des ordónances, criaissent tousiours le nom du Roy, & de là courussent la coste, & qu'il enuoyast quelques vns à Arequipa, & autres à Tru-figlio . On dit que pour auoir couleur de mouuoir la guerre il feit vne information contre Pizarre, & ses adherans, comme ils auoient prins Paniagua, & de leur meschante intention, & rebellion, de fa-çon, qu'ils s'entendoient tous deux bien en leurs affaires, par ce que si l'vn estoit corsaire, l'autre n'estoit pas moins diligent, & aduisé que s'il eust esté luy mesme corsaire.

*Comme plusieurs se rebellerent contre PiZarre sca-
chant que Lazasca auoit eu l'armee.*

Chap. 179.

Laduint vn grand trouble, & changement entre ceux du Peru, apres qu'ils eurent entendu ce qu'auoit faict le president Lagasca, & la bonne façon, de laquelle il vsoit enuers vn chacun. Ce changement commença sur les lettres qu'apporta Paniagua, & fut fort aduancé quand on sceut que Hinoiose auoit mis son armee entre les mains de Lagasca. De ceux qui se rebellerent contre Pizarre, on compte Diego de Mora en la ville de Trusiglio, qui de là s'en alla à Caxamalca, où il assemblea tous ceux, qui s'enfuyoient de Pizarre, & enuoya les lettres de Lagasca, & d'autres que luy auoit baillé Al-dene, à plusieurs peuples, afin qu'ils demeurassent fermes au seruire du Roy. Gomez d'Aluarado se rebella en Leuant aux Ciaciapoias, & leã de Sajauedre de Guanuco, Iean Porzel de Ciquimayos, ceux de Guamanga. & autres s'assemblerent tous ensemble, avec Diego de Mora à Caxamalca. Alphonse Mercadiglio laissa le party de Pizarre à Xarza, & François d'Olmos à Guayaquil, où il tua Emanuel Statio, qui estoit pour Pizarre. Roderic de Salazar abandona Pizarre à Quito apres auoir tué Puellas, qui pensoit se declarer pour le Roy le lendemain, ainsi que deuant il auoit dit à Diego d'Urbine. Diego Aluarez en feit autant à Arequipa avecques vingt autres, qui appellerent Diego Centeno, qui estoit encores caché parmy des Indiens, qui estoient à Cornejo, comme nous auons escrit cy deuant. Centeno oyant ceste nouuelle aise au possible sortit de sa tanniere, & s'en alla avecques Loys de Riuiere à Diego Aluarez. Ils assemblerent en peu de temps plus de quarante Espagnols, & en-

treizeux y auoit quelques vns de cheual, qui estoient esleuez, quand ils ouyrent nouvelles que Centeno comparoissoit. Ils s'en allerent tous à la ville de Cuzco pour la faire esleuer pour le Roy. Quand Antoine de Robles le sceut, il se meit en la place avec trois cens hommes, qu'il deuoit bié tost mener à Pizarre, pensent que Centeno amenaist avecques soy plus de gens, puis qu'il entreprenoit de prendre ceste ville. Diego Centeno entra dedans secrettement, & assaillit les ennemis: il en mourut sept en combattant, & luy fut blessé. L'Euesque frere Iean Solano accourut à ceste meslee, & sur peine de des-obeissance à Dieu, & au Roy, & d'estre excommuniez, les fait cesser, & qui voulut se meit du party du Roy. Le lendemain Centeno fait trancher la teste à Antoine de Robles, & tous les autres se rangerent de son costé au seruice du Roy. Il fait attacher l'enseigne du Roy, & puis laissa la ville à la deuotion du Roy, & s'en alla en la prouince des Ciarcas contre Alphonse de Mendozze, & Iehan de Siluere, qui estoient avec 400. combatans en la ville de l'Argent pour aller vers Pizarre. Mais Mendozze, & Siluere vindrent au deuant de luy pour faire seruice au Roy, suiuant vne lettre qu'il leur auoit escrit, & aussi à cause qu'ils voyoient que Centeno menoit avecques soy pres de cinq cents hommes. Quand Centeno eur ce renfort il alla se loger à l'entree du lac de Tiquicaca, pour attendre là ce que le President Lagasca luy commanderoit.

Comme Pizarre laissa le Peru.

Chap. 180.

ON ne ſçauoit dire le ducil que print Pizarre, & les ſiens quand ils ſceurent que leur armee eſtoit en la puiffance de Lagasca ſe complaignans de la fiance & amitié qu'ils auoient portee à Pierre de Hinoioſe, non ſans ſe repentir de n'y auoir enuoyé pluſtoſt Bacicao en ſon lieu, & encor' diſoit-il, en ſe moquant, qu'il ne pouuoit ſortir autre choſe de la bonté, & animoſité d'Hinoioſe, que les chiens, qui abbayoient eſtoient meilleurs, & non ſi dangereux que ceux qui mordoient ſans iapper, par ce qu'on ne ſ'approche pas d'eux. Ils moſtroiēt toutefois bō courage, par ce qu'ils eſtoient grands ſeigneurs au pays. Pizarre voyant qu'on ne faiſoit point contenance de le vouloir aſſaillir par mer, enuoya à la ville de Quito pour faire haſter les ſoldats qu'auoit Puelles, & à Trufiglio pour auoir ceux de Diego de Mora, à Cuzco, pour faire venir Antoine de Robles avec les ſiens, à Arequipa pour amener ceux de Lucas Martin, aux Ciarcas, pour diligéter Iean de Siluere avec ſes troupes, aux Ciapiopas pour faire depeſcher Gomez d'Aluarado avec ſes gens, à Guanuco pour preſſer Iean de Sajaedre de faire marcher ce qu'il auoit de gens de guerre, & ainſi en tous autres lieux. Il comanda à Iean d'Acoſte qu'il ſ'en allaſt courir le long de la coſte avec trente cheuaulx. Ce qu'il feit, & fut iuſques à la ville de Trufiglio, laquelle il print, par ce que tout le peuple ſ'en eſtoit fuy dedans les montagnes avec Diego de Mora, & ſ'il euſt eu 200. cheuaux, il fuſt allé iuſques là, & les euſt defaictz. Il print à Sainte trente hommes de Laurent d'Aldene, ſe mocquant de l'embuſche qu'on luy auoir

dressée, & les mena à Lima. Aucuns disent que ce n'estoient point soldats d'Aldene, mais seulement mariniers, qui puisoient de l'eau. Pizarre s'informa particulièrement de ceux-cy des preparatifs, & du courage de Lagasca. Il renuoya le mesme Acoste avec plus de deux cents cheuaulx apres Aldene, & Diego de Mora, mais il estoit trop tard: car de Mora estoit ja puissant, & estoit asseuré des affections de ceux qu'il menoit pour le seruice du Roy. Diego de Sturie, Raodone, & autres s'enfuirent d'Acoste à Mora. Roderic Mexia en vouloit aurât faire, mais il fut arresté, & eut la teste trêchée. Pizarre rappella Iehan d'Acoste, luy donna d'auantage de gens, & l'enuoya contre Centeno, qui apres auoir pillé la ville de Cuzco s'en alloit à celle de l'Argét. Aussi tost Laurent d'Aldene arriua au port avec quatre nauires, & fut cause de troubler, & changer les esprits des habitans, & affections des soldats, & amis de Pizarre, par ce qu'il enuoya en la ville le capitaine Pegna avec les lettres de Lagasca, & les copies de la commission qu'auoit ledict Lagasca de la part de l'Empereur. Pizarre voulut suborner Aldene par vn nommé Fernandez, mais il ne peut. Il leur les lettres & se conseilla de ce qu'il deuoit faire. Il trouua que plusieurs estoient bien changez depuis la derniere consulation. Alors il perdit vn peu de courage, encor' que tousiours il dit qu'avec dix de ses amys, qui luy resteroiét, il pourroit se conseruer, & conquerir de nouueau le Peru, tant estoit grande sa cupidité de regner, où plustost à vray dire son orgueil. La dessus Alphonse Maldonado le riche, Vasco, & Iean Perez de Gue-

uare, Gabriel, & Gomez de Roias, le docteur Nigno, François d'Ampucro, Hierosime Aliaga, François Louys, Martin de Robles, Alphonse de Carceres, Bonauenture Bertrand, François de Retamose, & plusieurs autres s'enfuirét de l'armée de Pizarre. Alors François de Caruaial chantoit ces deux vers tirez d'une chanson Espagnolle.

*Ces miens cheueux vn espoir air, & sombre
Par esquadron petit on verra rompre.*

Comme s'il vouloit dire que luy seul avec peu de gens pourroit rompre vne grosse armée, & que par tant ne se soucioit de ceux qui s'enfuyoient. Pizarre entra en grand desespoir voyans ses amis devenir ses ennemis. Aucuns se rangeoient au portvers Aldene, autres demeuroient en leurs maisons. Il ne sçauoit plus sur qui se fier ayant peur de tous, suivant la malediction de tous les tyrans. Il ne sçauoit où se retirer, à cause que Diego de Mora estoit à Caxamalca, Diego Cêteno à Cuzco, & que toutes les villes estoient contre luy. Il s'en alla à Arequipa ayant tousiours grand soing qu'aucun ne l'abandonast, si est-ce toutesfois que le docteur Caruaial, & ses parens, & amis se retirèrent encor d'avec luy. Il enuoya contremander Jean d'Acoste, à fin qu'il fust mieux accompagné. Acoste, qui estoit à Guamanga voyant la nécessité de Pizarre, vint en grande diligence, & perdit en chemin Paez de Soroto Mayor son maistre de camp, Martin d'Olmos avec vne bône partie de sa compagnee, Garzia Gutierrez de Scobar, Gaspar de Toledo, & plusieurs autres, par ce que le bruiet couroit que Pizarre s'enfuyoit. Voila comment Pizarre abandonna la belle

ville de Lima, chef du Peru, & arriva en la ville d'Arequipa avec propos de se retirer du tout hors de ce qu'il auoit conquis. Aldene se meit dedés Lima, & Iean Alfonse Palomin, & Ferdinand Mexia s'en allerent à Xauxa, pour rassembler gens, & attendre Lagasca & son armée.

La victoire de Pizarre contre Centeno. Chap. 181.

QUand Iean d'Acoste fut arriué à Arequipa, Pizarre consulta avec les siens ce qui estoit besoin de faire pour sauuer leurs vies, & leurs biens, c'est à dire leurs deniers, puis qu'ils ne pouuoient sauuer le pays: car ils n'estoiēt desia plus q̄ 480. & les autres du Peru estoient contre eux. Aians, dōc conclud entr'eux de se retirer en quelque lieu de la province de Chili, où iamais Espagnol n'eust esté, ou pour conquerir nouveaux pays, ou bien pour se remonter contre Lagasca, aduiserent de se faire chemin par où estoit Centeno: car il falloit par force passer par entre les ennemis, & si Pizarre vouloit se mettre en seurté, & sçauoir combien, & quels demeureroient fermes avec luy, & si auoit bonne enuie de pratiquer quelque accord avec Lagasca suivant le conseil de Cepeda. Il enuoya François de Spinosa avec trente chevaux par le chemin, qui conduir à l'entree du lac de Tiquicaca, & luy dict qu'il commandast aux Indiens de faire provisions de viures, affin que Centeno pensast qu'ils deussent passer par là, & s'en alla avec tous ses gens par Vicosuyo costoyant les montagnes. Il prit quelques vns, qui s'estoient trop escartez, & vn prestre, qui portoit vne lettre de Centeno à Aldene: François de Caruajal le pendist. Centeno eut aduertissement

de l'intention de Pizarre par le moyen des seruiteurs de Paul Ynga, qui estoit avec luy, & aussi par le moyen du capitaine Olea, qui se vint rendre de son costé. Par le conseil de quelques ieunes il feist couper le pont de l'entree du lac, & laissa ce lieu fort, s'en allant à Pucaran de Collao pour là attendre son ennemy, & luy donner la bataille, croyant auoir la victoire en sa main, & voulât auoir l'honneur de tuer, où vaincre Pizarre. Il meit ses gens en ordre, comme prests à combattre, & les feist approcher pour estre plus pres de l'ennemy, q̄ estoit à Guarine 15. mil de Pucaran, où pour auoir l'eau de son costé. Il planta son camp au meillieu d'un chemin, en vne plaine, & si estoit le lieu assez aduantageux pour luy, & le lendemain, qui estoit le iour des 11000. Vierges l'an 1547. il departit ses 1200. hommes qu'il auoit en ceste façon : il feist deux escuadrōs de toute sa cauallerie, qui montoit à deux cents soixante cheuaulx. Il meit le plus gros à main droicte, & en donna la charge à Louys de Riuiere son maistre de camp, & à Alphonse de Mendozze, & Hierosme de Villegas. Il donna l'autre à Pierre de los Rios, Antoine d'Vlloa, & Diego Aluares. L'infanterie fut mise tout ensemble, & en estoient capitaines Ieā de Siluere, Diego Lope de Zuniga, Roderic de Pátoye, François de Retamose, & Iean de Vargas frere de Garcilasso de la Vega, qui estoit avec Pizarre. Centeno, qui estoit malade de pleuresie, ainsi qu'on dit, se tint à part à regarder la bataille avec l'Euesque de Cusco, frere Hierosme Solano, recōmandant son armee, & la victoire à Iean de Siluere, & à Alphonse de Mendozze. Pizarre,

qui ſçauoit par ces eſpies tout, ſortit de Guarine avec 480. Eſpagnols, il donna la charge de 80. cheuaulx qu'il auoit ſeulement, à Cepeda, & à Iean d'Acoſte, qui depuis changea de place avec Gueuare capitaine d'arquebuziers, qui eſtoit boſſu. De l'infanterie furent capitaines, outre Iean d'Acoſte, Diego Guillaume, Iean de la Torre, & Ferdinand Bacicao, qui ſ'enfuit à l'heure qu'il failloit combattre. Auſſi au commencement des eſcarmouches la plus grand part ſe retira de la cōpagnie de Cepeda. Alors Gueuare, & Cepeda meirent enuiron vingt harquebuziers entre les premiers rangs des cheuaulx, & ſe teindrēt fermes ſans branſler. Les capitaines de l'infanterie en firent de meſme. Alphonſe de Mendozze, & ceux de ſon eſquadron picquerent de roideur cōtre la cauallerie de Pizarre. Mais ils furent mis en deſ-ordre par ces vingts arquebuziers, & rompuz par Cepeda. L'autre eſquadron vint donner ſur l'infanterie, mais ayant perdu Pierre de los Rios, & quelques autres, qui eſtoiēt deuant, par le moyē des arquebuziers, il tourna bride, & ſ'en alla donner ſecours à ſes compagnons. Eſtans ainſi tous enſemble ils meirēt en route toute la cauallerie de Pizarre n'en laiſſans quaſi pas vn en vie, où ſans eſtre bleſſé, où eſtre contrainēt de ſe rendre. Les ſoldats de Centeno baiſſerēt leurs picques de loing, & alloient à grand pas, ainſi par la perſuaſiō d'un preſtre penſans par là vaincre pluſtoſt: les arqbuſiers auſſi pēſans tirer ſur leurs ennemis deſlacherēt leurs harqbuſes ſans propos, ny à réps, de façō qu'à l'heure du cōbat, & lors qu'il failloit biē faire ils eſtoiēt las, & à demy rōpus. Au cō-

traire ceux de Pizarre tirerent bien à propos, & à temps par deux, ou trois fois. Jean d'Acoſte ſ'avança deuant avec trente arquebuziers penſant rompre ce gros eſquadron de gens de pied, mais il fut renuerſé par terre à coups de picques, & fort bleſſé. Jean de la Torre avec ſeptante autres arquebuziers luy fut donner ſecours, & tua Jean Siluere, & bon nombre d'autres. Diego Guillaume ſuruint par vn autre coſté, & en peu de temps tuerent quatre cêts des ennemis, & rompirent le reſte. Apres cela aiâs veu leur cauallerie en route Jean de la Torre y courut pour les ſecourir avecques force arquebuziers. Il faiſoit tirer ſes gens à pluſieurs fois ſuiuant le cōſeil de Caruajal, par-ce que la cauallerie de l'vne, & l'autre part eſtoient meſlez enſemble. En deux charges qu'ils feirent ils rompirent, & feirent eſcarter leurs ennemis, ayans tué quelques vns, de leurs amis auſſi bien que leurs ennemis. Auſſi ceux, qui penſoient eſtre vaincus furent victorieux. Il n'y en eut que cent morts de la part de Pizarre, entre autres Gomez de Leon, & Pierre de Fuentes capitaines. Cepeda, Acoſte, Diego Guillaume, & autres furent bleſſez. Pizarre fut en grand danger, ayant perdu ſon cheual, mais il en fut ſecouru d'vn autre par Garcilaffo. Il y eut plus de quatre cens cinquante tuez de la part de Céteno, il perdit être autres, les capitaines Loys de Riuere, Jean de Siluere, Pierre de los Rios, Diego Lopez de Zunigua, Jean de Vargas, & François Negral. Diego Centeno ſ'enfuyt ſans attendre ſon Eueſque, & tous les autres, qui voulurent fuir, par-ce que les victorieux ne voulurent ſuiure autrement leur yictoire, à cauſe qu'ils eſtoient

estoyent trop las & foibles.

Ce que feit Pizarre apres ceste victoire.

Chap. 182.

LE iour d'apres la victoire Pizarre enuoya Iean de la Torre avec trente arquebuziers à cheual à la ville de Cuzco apres les vaincuz, & Diego de Caruajal le galant avec autant d'autres arquebuziers à Arequipa, & Denis de Bouadiglia avec mesme compagnee à Ciarcas pour leuer gens, & occuper les chemins. Quant à luy apres auoir prins les despoiles chemina vers Cuzco avec le reste de ses gens. Mais deuant il feit trencher la teste au capitaine Olca, par ce qu'il auoit quité son party, & s'estoit retiré vers Centeno, & en feit executer encor' quatre, où cinq. François de Caruajal se louoit d'auoir tué le iour de la bataille pour contenter seulement son esprit 100. hommes, & entre autres vn sien frere: c'estoit vne cruauté, qui luy estoit particuliere, si d'aventure il ne le disoit pour gloire de la victoire qu'il s'attribuoit à soy. Cela se peut croire puis que la guerre estoit ciuile, & qu'un frere cōbattoit l'autre, l'amy contre l'amy, & le parent contre parent. A Pucaran Pizarre, & Cepeda se courroucerent ensemble, sur la question s'il failloit praticquer vn accord avec Lagasca: disant Cepeda, qu'il estoit à ceste heure temps de mettre les fers au feu, & que ceste victoire pourroit adoucir le cœur de Lagasca, & le faire venir à vn accord plus honeste, & gracieux, & aussi il disoit qu'il se remettoit en memoire que il luy auoit promis à Arequipa d'y penser. Pizarre suiuant plustost l'opinion des autres, & son propre desastre, qu'il ne pouuoit euitier, dit qu'il ne luy cō-

uenoit point pour le present, par-ce que s'il en faisoit parler apres ceste victoire les ennemis estimeroyent, & reputeroient cela à foiblesse, & debilité de courage, & si les siens en oyoient le vent, ils l'abandonneroyent incontinent, & les amis qu'il pensoit tousiours auoir au camp de Lagasca luy faudroient au besoing. Gárcilasso de la Vega avec quelques autres estoient de l'aduis de Cepeda. Ce pendát qu'on dispuoit de cecy Bacicao fut tué à Luli, ville qui tenoit le party du Roy, & François de Caruajal s'en alla à Arequipa, le long de la marine ayant entendu que Diego Centeno auoit prins ceste route, & aussi pour emmener toutes les femmes à Cuzco, afin que par le moyen de leurs Indiens, elles ne donnassent aucun aduertissement à leurs maris qui estoient avecques Lagasca, & pour contraindre lesdits maris reuenir vers elles. Pizarre entra à Cuzco avec grande admiration du peuple. Il feit pendre Herrezuelo, le docteur Martel, Iean Vasquez, & autres, par l'aduis de quelques personnes de lettre qu'il auoit avec luy. Il meit bonne garnison par tout, & voulut enuoyer Iean d'Acoste avecques 200. arquebuziers à cheual assaillir Lagasca, faisant courir le bruiet que tout le reste marcheroit apres, afin qu'aucun ne s'enfuit. Il creut grandement ses arquebuziers, & feit fondre six pieces d'artillerie, feit faire forces armes de fer, & de picques, en somme il songeoit plustost à faire faire des armes qu'à gaigner le cueur des hommes. Caruajal emmena d'Arequippa en ceste ville toutes les femmes, & autres hommes, tout l'or, argent, & ioyaux qu'il peut trouuer : car il aymoit autant voler que tuer :

aussi dit on qu'il pillà tout le pays sans que Pizarre en dit mot : mais le loup, & le regnard estoient tous deux d'accord.

Ce que Lagasca feit arriuant au Peru. Chap. 183.

LE president Lagasca partit de Panama, long temps apres Aldene, avec tous les vaisseaux, & hommes qu'il peut amasser. Ce qui le feit tant arrester estoient les vës contraires, qui auoient tousiours soufflé. De là à Tombez il eut vne meschante, & dangereuse navigation, & fallut que pour vn long & roide courant de la mer il donnast en l'isle de Gorgone. En fin il arriua à Tombez fort trauaillé, il receut là bonnes nouuelles comme certains soldats de Blasco Nugnez s'estoient faits maistres du port Vieil, ayans tué le capitaine Morales, que Bacicao y auoit laissé, & mis prisonnier Lope d'Ayala lieutenant pour Pizarre, & comme François d'Olmos estoit pour le Roy à Guayaquil, & Roderic de Salazar à Quito. Aussi tost qu'il fut arriué il vint par deuers luy des messagers de la part de Diego de Mora, Ieá Porzel, Ieá Sajauredre, & de Gomez d'Aluarado, qui estoient accompagnez de grand nôbre de soldats à Caxamalca, desquels estoit maistre de camp Iean Gonzalez. Il leur feit responce en loüât leur fidelité, & leur courage. Il sceut aussi quelles forces auoit Centeno, & comme Pizarre se retiroit. Toutes ces nouuelles le cõtenterét fort, & croioit q̄ s̄o jeu estoit si bié tablé qu'il ne l'eust sceu perdre. Il escriuit à Céteno, qu'il ne dônast bataille iusques à ce qu'ils fussent ioints enséble. Ce pendant il meit ordre à serrer les armes, & arq̄buzes qu'o apportoit tous les iours des gens de Pizarre, qu'on defaisoit

deça delà. Il enuoya dom Iean de Sandoual pour assembler à S. Michel ceux, qui quittoient le party de Pizarre, & se retiroient là. Il manda à Mercadiglio qu'il amenast les Bracamores, & enuoya querir plusieurs autres capitaines. A son commandement, & au bruiet de son arriuee au Peru chacun accourut de tous costez, entre autres Sebastien de Venalcazar, François d'Olmos, Roderic de Salazar, & autres capitaines. Voyant donc qu'un chacun venoit faire seruice à l'Empereur, il enuoya un homme avec lettres à la nouuelle Espagne, par lesquelles il mandoit au Viceroy dom François qu'il ne luy enuoyast point son fils avec les 600. hommes, qu'il auoit prests, puis qu'il n'en estoit point besoin. Pour ceste cause dom François de Mendozze ne bougea. Mais vindrent Gomez Arias, & l'Auditeur Ramirez, avec les autres de Nicaragua, & Quahutemallan. Lagasca ayant tous ces gens s'en alla avec une partie d'iceux de Tombez à Trusiglio, & enuoya l'autre partie à Caxamalca par les montagnes sous la charge de l'Adelantado Pasqual d'Andogoye, & Pierre d'Hinoiose son general, pour prendre avec eux, ceux qui estoient là, & de là s'en aller à Xauxa, où ils s'assemblerent tous, pour ce que la ville est riche, & bien prouisionnée. L'un, & l'autre souffrirent fort par les neiges & montagnes iusques à ce qu'ils arriuerent là. Lagasca arriua le premier, & sceut là la deffaicte de Centeno qui luy causa une grande fascherie. Il enuoya incontinent Marcial Alphonse d'Aluarado à la ville des Roys avec deniers empruntez pour payer les soldats d'Aldene, & feit fourbir tous ses harnois, desrouiller arque-

buzes, remonter les pieces d'artilleries, faire boulets, battre de la poudre, & forger toutes autres armes necessaires avec vn soing, & vne diligence admirable. Il enuoya Alphonse de Mercadiglio courir sur le chemin de Cuzco, & apres luy Lope Martin qui aduança son compagnon, & alla courir iusques au pays d'Andagoalas, où il donna de nuit sur quelques gens de Pizarre, qui venoient fourrager, & apporter quelques aduertissemens aux Caciques du pays. Il les combattit, encor' qu'il eust moins de gens, & les deffait : il en pendit quelques vns, & en emmena plusieurs prisonniers, qui informerent Lagasca de l'estat, du courage, & de ce que pensoit faire Gonzalle Pizarre. Suiuant le rapport de ses prisonniers Lagasca manda à Mercadiglio, & à Palomin qu'ils se saisissent, & deffendissent avec leurs arquebuziers ceste vallee d'Andagoalas, qui estoit de grande importance pour la guerre, à raison des viures, esquels elle abonde. Alphonse de Mendozze, Hierosme de Villegas, Antoine d'Ulloa, l'Euesque de Cuzco, & autres, qui s'estoient sauuez de la defaictte de Céteno, arriuerent les premiers en ceste premiere statió, & vn peu apres Hinoiose, & Andagoye, avec to⁹ les soldats de Caxamalca. Aluarado y arriua aussi tost avec les gens de guerre de la ville des Roys. Lagasca ayant là tous les gens nomma pour capitaines ceux qui desia estoient: Hinoiose estoit general, Marcial Aluarado maistre de cāp: le docteur Benoist Xuarez de Caruajal auoit l'estendard Royal : & Gabriel de Roias estoit maistré de l'artillerie. Il paya plusieurs soldats qui se malcontentoient, & vouloient desia se

mutiner pour la victoire qu'auoit eue Pizarre iugeas par là qu'il estoit inuincible, & deuoit estre seigneur de tout le Peru. Pour esteindre telles mutineries, il feit pendre le capitaine Pierre de Butica, & autres Pizarristes, & amateurs de nouuelletez. Il feit faire monstre, & trouua qu'il auoit plus de 2000. Espagnols bragarts, & bien armez. Aucuns en comptet moins, les autres plus. Il auoit 500 cheuaux, & 950. arquebuziers. De Xauxa ils s'en allerent à Guamanga, où ils commencerent auoir faute de viures, & fallut à Vilcas departir les viures: le docteur Cianca eut la charge de les distribuer par iour, & par ordre. Quand ils furent arriuez à Andagoalas ils eurent abondance de viures: mais par-ce que le maiz estoit encor verd, la quarte partie de l'armee deuint malade, & alors on experimenta le bien que c'estoit d'auoir faict vn Hospital. Il pleut tant, & si continuellement par trente iours, sans iamaïs cesser, que les tentes se pourrissoiēt, & les hommes deuenoient estropiats pour la trop grande humidité, & froidure. Diego Centeno, & Pierre de Valdiuia se trouuerent là venans de Chili, pour demander secours. Lagasca, & tout le camp se resiouyt de leur venue, & firent en signe de ioye vn jeu de canne à cheual, & coururent l'aneau avec la lance. Lagasca feit Valdiuia colonel de toute l'infanterie. Tous auoient grâ de enuie de combattre & Lagasca mesme qui vouloit veoir la fin de ceste guerre, & ainsi marcherent droit, où ils pensoient que leurs ennemis fussent,

*Comme Lagasca passa le fleuve Apurima sans
empeschement. Chap. 184.*

LAgasca avec vne allegresse grande de toute l'armee, deslogea d'Andagoalas au mois de Mars, & passa le pont d'Auançay. Ils marchoiẽt en bonne ordonnance de guerre, avec conseil, & seures espies. Les Euesques du Peru suiuiẽt ce camp. Lagasca eut aduertissemẽt comme ses ennemis auoiẽt rompu le pont d'Apurima, qui n'est qu'à 60. mil. de Cuzco. Estant venu des-jà iusques à ce fleuve, il feist abatre, & rapporter bois & rameaux pour faire vn autre pont. Les Indiens avec vne grande diligence & affection, s'employèrent à cest œuure, nonobstant les pluyes. Ce fleuve auoit 300. pieds de largeur, & estoit si profond que les arbres n'estoiẽt assez hauts pour les ficher au fond. Il feist faire au lieu de pont force cordes, qu'il appellẽt criznegas, lesquelles ils font de certaines plantes, qu'ils nomment Vergaza, qui est comme la viorne. Ces cordes sont lógues & grosses comme les cables, qui seruent aux plus gros vaisseaux. Ils les entraissent les vnes dedãs les autres en forme de rets, & les font aussi lógues qu'on veut, & s'en seruent coustumierement au lieu de pont. Lagasca trouua ceste façon de pont, bõne: & pour tromper les ennemis, voulut qu'on feist trois de ces ponts en diuers lieux, l'vn au chemin Royal, l'autre à Corabamba 40. mil. au dessus, & le tiers vn peu plus haut en certaines villetes, qui appartenoient à Pierre Carreró. Ils s'en allerent à Corabamba pour passer par là. Sur le chemin il y eut quelques vns, qui perdirent la veuë par les montagnes pour la trop grande splendeur, & reuerberatiõ des rayõs du soleil sur la neige. Quelques capitaines, spécialement Lope martin, remonstrerent qu'il n'estoit pas bon

passer en cest endroict, & qu'il valloit mieùx chercher vn passage plus haut. Pierre de Valdiuia, Diego de Mora, Gabriel de Roias, François Hernandez, & Aldene, s'en allerent chercher vn autre passage, & l'ayans trouué meilleur, commencerent à dteſſer leur pont. On auoit enuoyé Lope Martín deuant, pour garder les riuies, & les cordes : quand il ouit que l'armée approchoit, il feit incontinent porter les cordes de là l'eau sans aucun commâdement, & en auoit desia faiçt attacher trois à l'aurre bord : les Indiës & sentinelles de Pizarre suruindrēt la dessus, & couperent, ou bruslerent deux de ces cordes, sans trouuer aucune resistance, & puis furēt aduertir Pizarre de ce qu'ils auoient fait, luy portās tēte restes d'Espagnols qu'ils auoiēt tuez, ainsi que on dict. Lagasca, & tous les autres, furent fort desplaisans de ceste nouuelle. Ils marcherēt avec toute l'infanterie pour remedier à ceste faute, & aussi tost qu'ils y furent arriuez Lagasca feit passer les Capitaines des arquebuziers, avecques les soldats, dedans des petites barques, & les piquiers apres, & quelques cheuaux. Il y en eut assez qui passerent à nage, & mesme sur leurs cheuaux. Cōme ils passoient par mesme moyen ils attachoient leurs cordes, & ainsi en ceste nuit le pont fut acheué. Vn peu deuant l'aube du iour Lagasca passa avec toute son armee; plusieurs passoient par dessus de grosses rames qu'ils faisoient, & se tenans couchez dessus le ventre se tiroiēt par les cordes du pōt, tant estoit grāde la presse pour passer, & fut vn cas estrāge qu'il n'en tomba aucun de dessus le pōt, encor' qu'il feist obscur, mais l'obscurité au contraire leur aydoit,

Car ils ne pouuoient veoir le courant du fleuve, qui leur eust faict chanceler la teste. Les riuës d'une part & d'autre estoient fort incommodes, & pour la haste qu'on auoit de passer, furent cause de ce que plusieurs tomberent dedans l'eau se pouffans trop rudement l'un l'autre. Ceux, qui ne scauoient nager, ou ne pouuoient resister à la violence du fleuve demurerent là noyez. Il y eut aussi beaucoup de cheuaux perdus par mesme accident, qui fut vne grande perte pour l'armee de Lagasca, mais aussi la victoire consistoit entierement à passer ce fleuve diligemment. On ne scauroit reciter la ioye que tous eurent pour auoir passé ce fleuve, qui seruoit de muraille à leurs ennemys, & de ce qu'ils ne voyoient aucunes gens de guerre de Pizarre. Dom Iean de Sandoual alla recognoistre vne haute montagne, & roide, & la voyant creuse, & par ce moyé propre pour embusches, il s'en saisit, & alors Hinoiose, & Valdiuia y menerent bone troupe de soldats. Si leã d'Acoste, qui y venoit avec cinquâte arquebuziers à cheual se fut hasté plustost, & eut amené plus de gens, ils les eust tous facilement rompus sur le haut de la montagne, par-ce qu'ils estoient las d'auoir monté cinq mil. Mais il s'en retourna avec moins de gens qu'il n'auoit amené. Ainsi toute l'armee passa puis apres & douze pieces d'artillerie, & se camperent tous sur le hault de ceste montagne.

La iournee de Xaquisaguana, en laquelle fut prins Gonzalle Pizarre. Chap. 185.

Pizarre ayant entendu que Lagasca venoit passer le fleuve d'Apurima par Cotabamba sortit

de Cuzco. Au bruit, qui couroit par la ville, de la puissance, & force du president Lagasca, vn chacun parloit hardiment, & damoiselle Marie Calderon, femme de Hierome de Villegas, disoit que bié tost, ou tard les tyrans deuoient prendre fin. Ceste parole ayant esté rapportee à Caruajal, il la feit estrangler en son liét, ce qui estonna les autres, tellement que pas vn n'osoit plus ainsi parler. Pizarre partit avec plus de 1000. Espagnols, desquels y en auoit 200. de cheual, & 550. arquebusiers, mais il ne se fioit pas à tous : car il y en auoit 400. qui auoient esté ramassez de la deffaiéte de Centeno, pour ceste cause il faisoit bõ guet sur ceux-là, afin qu'ils ne l'abandonnassent point, où s'ils vouloient fuir, qu'on les meit en pieces. Il enuoya deux prestres avec des lettres, par lesquelles il demandoit à Lagasca, qu'il leur monstrest la commission qu'il auoit de l'Empereur, & si elle portoit de luy commander, qu'il eust à se deporter du gouuernement, par ce que s'il monstroist qu'elle estoit telle, il seroit prest à y obeyr, & laisser ceste charge, iusques à abandonner le pays: mais aussi s'il ne leur monstroist, qu'il protestoist luy donner la bataille, & que ce seroit par sa faute. Lagasca arresta prisonniers ces deux prestres, par ce qu'il fut aduertty qu'ils auoient charge de suborner Hinoiose, & autres, & fait responce à Pizarre qu'il se rendit à luy, qu'il luy enuoyeroit vn pardon pour luy, & pour tous les siens, luy remonstrant le grád honneur qu'il gaigneroit d'auoir faict reuocquer à l'Empereur ses ordonnances, demeurant neantmoins en sa grace comme seruiteur de sa maiesté, & luy remettant deuant les yeux, com-

me il s'obligerait vn chacun en se rendant, sans donner bataille, par-ce qu'aucuns auroient pardon de tout le passé, autres demeureroient riches, & beaucoup resteroient viuans, qui par vn combat pourroient mourir. Mais c'estoit prescher au desert, pour sa trop grande obstination, & de ceux qui le conseilloyent, Ceste obstination leur venoit par-ce qu'ils estoient comme desesperes, ou à cause qu'ils s'estimoient inuincibles. Aussi, à dire le vray ils estoient campez en vn lieu fort, & auoient grand secours des Indiens, & si estoient bien garnis de toutes munitions. Pizarre s'estoit logé en vn lieu qui par vn costé estoit fermé de hautes roches, qui ne se pouuoient franchir ny à pied, ny à cheual, l'entree estoit estroicte, & forte, au deuant de laquelle il braqua son artillerie : de façon, qu'il ne pouuoit estre prins de force, ny par famine, par-ce qu'il s'estoit bien aprouisionné par le moyen des Indiens comme i'ay dict : Il sortit dehors, & mit ses gens en belle ordonnance, faisant deslacher son artillerie, & toute l'arquebouzerie en signe d'assurance. Quelques cheuaux commençoient déjà à s'escarmoucher d'une part, & d'autre : mais ils ne faisoient encores que s'iniurier l'un l'autre. Les nostres les appelloient trahystres, & cruels, & les ennemis nous appelloient esclaves, gens de petit cuer, pauvres, & sans regle, par-ce que Lagasca, les Euesques, & Moines combattoient mais pour ceste soiree on ne se cognoissoit point l'un l'autre, par-ce que le temps estoit trop nebleux. Lagasca, & quelques autres vouloyent differer la bataille, afin qu'il ne mourut point tât de Chre-

stiens, & pensoient que tous, où la plus grand part de ceux de Pizarre passeroient de leur costé, & que par ce moyen il seroit contrainct se rendre. Mais entrans en conseil ils conclurent de donner la bataille, par ce qu'ils n'estoiēt point biē garnis d'eau, de pain, encor' moins de boys en vn temps, où il faisoit excessiuement froid, & aduiserent que telle defaillāce pourroit inciter les soldats se retirer vers l'ennemy, qui estoit garny de tout cela. Ainsi vn chascun fut en armes toute ceste nuit sans se tenir sous les tentes. Le froid fut si grand que les lances rōboient des mains à plusieurs. Jean d'Acoste voulut aller ceste nuit avec 600. hommes la chemise blanche sur le dos assaillir, & mettre en routte Lagasca, s'assurant qu'il le deferoit aisément à cause du froid, qui estoit si horrible, & que l'assaillāt ainsi de nuit il feroit peur aux siēs. Mais Pizarre l'empescha, luy disant : Jean d'Acoste puis-que nous auōs gaigné le ieu, ne nous mettez point en hazard de le perdre : qui fut vne audace, ou plustost vne cecité, qui le feit perdre. Quand l'aube du iour fut venue les tabourins, & trompettes de Lagasca cōmencerent à sonner, & vn chascun crioit arme : bataille, bataille : à cheual, à cheual : que les ennemys viennent. Quelques harquebuziers de Pizarre vouloient monter à mont, mais Jean Alphonse Palomin, & Ferdinand Mexia avec 300. arquebuziers se meirent au deuant, & les escarmoucherent si rudement qu'ils les contraignirent retourner d'où ils estoient venus, Lagasca enuoya Valdiuia, & Aluaredo pour prédre garde à l'artillerie, & feit descendre toute son armee en la plaine de la vallee de Xa-

quisaguana par le derriere de la montagne. La descente estoit si meschante, & si roide qu'ils estoient contraincts mener leurs cheuaux par la bride, & à mesure qu'ils descédoient à la file, ils se rangeoient sous leurs enseignes, ainsi que Diego Villauencio de Xeres sergent maieur les dispoisoit. On feit deux esquadrons de l'infanterie, desquels estoient capitaines le docteur Ramirez, dom Balthasar de Castille, Paul de Meneses, Diego d'Urbine, Gomez de Solis, dom Fernand de Cardenas, Christophle Moschere, Hierosme d'Aliaga, François d'Olmos, Michel de Serne, Martin de Roblez, Gomez d'Arias, & autres. On feit aussi deux bataillons de la Cauallerie, au milieu desquels on mit l'infanterie. De celuy, qui estoit à gauche, estoient capitaines Sebastien de Venalcazar, Roderic de Salazar, Diego de Mora, Iean de Sajaedre, & François Fernandez d'Aldene. Les capitaines du bataillon droict estoient dom Pierre de Cabrere, Gomez d'Aluarado, Alphonse de Mercadiglio, l'Auditeur Cianca, & Pierre d'Hinoiose, qui estoit general de tous: le docteur Caruajal y estoit aussi, qui portoit l'estendard Royal. De ce mesme costé marchoient vn peu à l'escart Alphonse de Mendozze, & Diego Centeno pour dōner secours où il seroit besoing. Lagasca, les Euesques, & les moynes se retirerent avec Pardauee vers l'artillerie que menoient Gabriel de Rojas, Aluarado, Valdiuia, Mexia, & Palomin. Apres que l'artillerie fut conduite où il falloit Fernand Mexia, & Pardauee se meirent à dextre vers le fleuve avec 150. arquebuziers, & Palomin avec autant de gens à fenestre vers la monta-

gne. Les esquadrons estans ainsi arangez, comme j'ay dict, Hinoiose les fait marcher lentement iusques à vn traiçt d'arquebuzes près le camp de l'ennemy, en vn lieu bas, où l'artillerie de l'ennemy ne le pouuoit offencer. Pizarre dit à Cepeda qu'il met l'armee en ordre. Cepeda qui auoit enuie de se retirer vers Lagasca sans estre tué, veid alors qu'il estoit temps, & donna à entendre à Pizarre que le lieu, où ils estoient n'estoit pas propre par ce que le canon de l'ennemy les offensoit sans perdre coup. Il passa ces fosses qui enuironnoient leur camp, comme pour aller choisir vn lieu plus bas où l'artillerie ne fait aucun dommage, quand il se veid là; il picque son cheual pour se ietter dedans les gens de Lagasca; mais estant troublé d'entendement, & estant saisi d'une grand peur, tomba en chemin dedans vne mare, où il eust esté tué par ceux de Pizarre, qui incontinent se meirent à le poursuiure, s'il n'eust point esté secouru, & retiré de là par quelqs siens esclaves Negres qu'il auoit enuoyez deuant. L'armee de Pizarre fut bien esbranlee par la retraite de Cepeda, & encor d'auantage quand apres luy Garcilasso de la Vega, & autres des principaux en firent autant. Lagasca embrassa, & baïsa Cepeda, encor qu'il eust la ioue toute barbouillee de sa cheute, estimant Pizarre vaincu pour son default, par ce que, selon qu'on veid depuis. Cepeda l'auoit aduertiy par frere Antoine de Castro prieur des Iacobins d'Arequipa, qu'ou Pizarre ne voudroit entēdre à aucun accord, il se retireroit de son costé au seruiçe de l'Empereur à vn tēps, & à vne heure si ppre qu'il seroit cause de le ruiner entierement par la re-

traicte. Pizarrefut desplaisât au possible d'auoir perdu ces capitaines, & de veoir la peur, qui faisissoit le cuer des siens. Mais avec vn courage fort, & cōstât il ne fait semblant de s'estonner, & voyant ses ennemis si prescuuoya bō nombre d'arquebuziers pour essayer leur contenance. Il auoit mis grand nōbre d'Indiens en vne vallee, il auoit baillé la charge de l'artillerie à Pierre de Sturie. Il auoit fait deux esquadrons de tous ses gens, vn de l'infanterie sous la charge de François de Caruajal, les capitaines estoient Jean Velez de Gueuare, François Maldonado, Jean de la Torre, Sebastien de Vergara de Toledo, & Diego Guillaume. L'autre estoit la cauallerie, duquel luy mesme estoit chef, les capitaines estoient l'auditeur Cepeda, & Jean d'Acoste. Les deux armées estoient fermes en contenance de vouloir combattre, l'artillerie de part, & d'autre tiroit, celle de Pizarre ne faisoit que passer par dessus. Mais celle de Lagasca tiroit si à propos qu'à la premiere vollee vn coup passa à trauers la tente de Pizarre, où y eut vn page tué. Pour ceste cause les Indiens par l'aduis de Caruajal abbattirent incontinent toutes les tentes. Caruajal commençoit ja à escarmoucher avecques ses arquebuziers quand il enuoya dire à Pizarre qu'il se meit en ordre pour combattre, & qu'il voyoit bien que les ennemis l'assailleroient bien tost avec vne grande furie, & vn desordre, comme auoient faict ceux de Centeno, & ceux de Blasconugnez. Mais Hinoiose sage, & aduisé s'arrestoit plus fort, & ne faisoit contenance de bransler, ayant esté ainsi conseillé par ceux, qui du camp de Pizarre se retiroient vers Lagasca, l'assurant que sans

combattre il demeuroid victorieux. Les deux armées estoient à vn trait d'arquebuzes l'une de l'autre. Mendozze, & Centeno festoient vn peu aduancez plus auant tout expres pour receuoir ceux, qui se retireroient du camp de leur ennemy. Ce pendant que les arquebuziers se saluoient l'un l'autre à belles arquebuzades, Pierre Martin de Sicile faisoit le guet sur ceux, qui s'enfuoient vers Lagasca, & en tueoit autant qu'il en rencôtroit ne pouuant les arrester, il en passa pour vn coup trente-trois arquebuziers, qui ne peurent estre blesez. Plusieurs autres voyans cela jetterent leurs armes à terre, disans qu'ils ne combattroient point contre leur Roy. Ainsi en peu de temps les esquadrôs se deffirent eux mesmes, & Pizarre, & ses capitaines demurerent tous esperduz ne pouuans plus combattre, ne voulans aussi fuir. Ils furent prins, comme on dict, à main saue. Alors Pizarre demanda à Jean d'Acoste: Que ferons nous nous autres? Allôs nous-en aussi respondit Acoste, vers Lagasca. Allôs donc, dict Pizarre, allôs mourir comme vray Chrestiens. C'estoit vne parolle de Chrestien, & d'un cœur inuincible: car il ayma mieux se rendre que fuir: aussi iamais ses ennemys ne veirent ses espaulles. Voyant aupres de soy Villaucencio il luy demâda qui il estoit, & comme l'autre luy respondoit qu'il estoit sergent maieur du camp imperial: Et moy ie suis dit-il, l'infortuné Gonzalle Pizarre, & luy donna son estoc. Il marchoit en biau chevalier avec vne contenance royale. Il estoit môté sur vn puissant cheval baye, armé d'un iacque de maille, & d'un cuirasse à l'esprouue & fort riche, &

par

par dessus auoit vne casacque de velours ras, & portoit sur la teste vne bourguignote d'or, qui estoit vn œuure non moins beau que riche. Villaucécio fut fort aise de se veoir entre les mains vn tel prisonnier, il le mena incontinent deuant Lagasca, qui entre autres choses luy dict s'il trouuoit bõ d'auoir excité tout ce Royaume cõtre l'Empereur son naturel seigneur, & Roy. Pizarre luy respondit: Monsieur, moy, & mes freres auons gaigné à nos despès ce pays, & ne pẽsois point faillir en les voulãt gouverner, & retenir. Alors Lagasca dit par deux fois qu'on l'ostast de deuant luy, & en bailla la charge à Diego Centeno. Voila cõment fut vaincu, & prins Gonzalle Pizarre: Il n'y eut que dix ou douze des siens tuez, & vn de la part de Lagasca. Iamais n'y eut armee où il y eust tant de Capitaines lettrez, & de sçauoir, aucũs, encor' qu'ils ne combattissent, gouuernoient l'artillerie, les autres donnoient courage aux soldats pour poursuiure ceux, qui fuioient. Le Moyne la Rocque Mathurin accompagnoit tousiours Lagasca avec vne halebarde en sa main, & les Euesques estoient entre les arquebuziers pour les animer contre ces tyrans, & traistres. Apres la prise de Pizarre on pillà tout son camp. Il y eut plusieurs soldats, qui eurent chascun plus de cinq, ou six mille pesans d'or, & mulets, & cheuaulx, vn soldat de Pizarre rencontra vn mulet chargé d'or, il ietta par terre ce qu'il portoit & mōta dessus, pour s'enfuir, sans regarder à ce qu'il auoit ietté.

La mort de Gonzalle Pizarre par iustice. Chap. 186.

LAgasca de pescha incontinẽt Martin de Robles pour aller avec sa compagnee à Cuzco prendre

les fuiards, & empescher que la ville ne fut saccagee, & bruslee. Il cōmeit la cause de Pizarre, & des autres prisonniers au docteur Cianca, & Marcial Aluarado. Le procès faict, & conclud, ils en condemnerent treize comme traistres, & criminels de lese maiesté. Ce fut le iour mesme de la prinse, & le lendemain Gonzalle Pizarre pour estre decapité fut mené sur vne mulle, les mains liees, & ayant vne cappe sur ses espaulles. Il mourut catholicquemēt, & cōme vn bon Chrestien, sans parler vn seul mor, retenant au reste vne autorité grande, & vne contenance seuerre. Sa teste fut portee en la ville des Roys, où elle fut mise sur vn pilier de marbre enfermee d'vn treillis de fer avec ce tiltre: Icy est la teste du traistre Gonzalle Pizarre, qui donna bataille en la vallee de Xaquisaguana cōtre l'estédard Royal de l'Empereur son seigneur, le Lūdy 9. iour d'Auril 1548. Voila la fin de Gonzalle Pizarre, homme qui ne fut iamais veincu en bataille qu'il aye donnee, encor' qu'il en aye doné plusieurs. Diego Centeno paya au bourreau ses habillemens, qui estoiet riches, à fin qu'il ne le despouillast point, le faisant enterrer avec iceux en la ville de Cuzco, non obstant qu'il eust esté son ennemy capital, disant que ce n'estoit point acte de Cheualier d'iniurier vn mort. On pendit, & meit-on en quatre quartiers François de Caruajal de Ramaga, Iean d'Acoste, François Maldonado, Iean Velez de Gueuare, Denys de Bouadiglia, Gonzalle Morales d'Amajano, Iean de Torre, Pierre de Sturie Gonzalle de Los Nidos, & autres quatre. Il y en eut plusieurs autres, qui furent fouëttez, & condemnez aux galeres, &

estre enuoyez au pays de Chili. François de Caruajal fut fort dur à se cōfesser. Quand on luy leut la sentence, par laquelle il estoit cōdemné à estre pendu, & mis en quatre quartiers, & sa teste estre mise avec celle de Pizarre, il dict : c'est assez tu ne me scaurois tuer qu'une fois. La nuict de deuant qu'il fut exécuté, Céteno le fut veoir: Caruajal faisoit semblant de ne le recognoistre point, & quād l'autre luy eut dict qui il estoit, il respondit que ne l'ayant iamais veu que par derriere il ne l'auoit peu cognoistre: voulant donner à entendre que l'autre auoit tousiours fuy. Ce seroit vne chose trop longue de vouloir reciter ses responcez argues, & subtilles, & ses actes cruels, & inhumains: Ceux que nous auons recitez seront suffisans pour demōstrer sa subtilité, son avarice, & inhumanité. Il estoit aagé de quatre vingts quatre ans. Il auoit esté enseigne en la iournee de Rauenne, & soldat du grand capitaine. C'estoit le plus fameux guerrier de tous les Espagnols, qui ayent passé aux Indes. Ce prouerbe est demeuré de luy: il est aussi cruel qu'un Caruajal, par ce que de 400. Espagnols que Pizarre a faict mourir hors la bataille depuis q̄ Blasco Nugnez entra au Peru, cestuy-cy les auoit quasi tous tuez de sa main avec quelques Mores qu'il menoit avec soy pour ceste fin. Oultre ces 400. il en est encor' mort plus de 1000. pour les Ordonnances, & plus de 10000. Indiens en portant la somme, où bien à cause de la retraicte qu'ils faisoient aux montagnes de peur de la porter, où ils mouroient de faim, & de soif, & afin qu'ils n'eschappassent on les lioit plusieurs ensemble par la ceincture, & celuy qui se destachoit,

ou deuenoit malade pour demeurer, auoit la teste tranchee, qui estoit vne chose que les bons pouuoient veoir, mais non pas corriger.

Le departement des Indiens que feit Lagasca entre les Espagnols. Chap. 187.

L Agasca ayant faict decapiter Gonzalle Pizarre s'en alla à la ville de Cuzco avec toute l'armee, pour donner ordre aux affaires, qui touchoient le repos, & contentement des Espagnols, & des Indiens, le bié public, & le seruice du Roy, & de Dieu, qui estoit le principal. Quand il fut arriué il feit raser la maison de Pizarre, & celles des autres traistres, & y feit semer du sel, & mettre vne grande pierre sur laquelle estoit escript : Ceste maison appartenoit au traistre Gonzalle Pizarre. Il enuoya puis apres le capitaine Alphonse de Mendozze avec ses soldats aux Ciarcas pour arrester prisonniers ceux, qui estoient du party de Pizarre, qui s'en estoient fuis là, & aussi pour apporter les Quints, & tributs du Roy. Il enuoya aussi Diego de Roias, & Diego de Mora, & autres par tout le Royaume pour recueillir le reuenu, & quint Royal. Il feit bastir, & peupler vne ville entre Cuzco, & Collao, qu'on appelle Ville-neufue. Il depescha Pierre de Valdiuia avec gés, qui le voulurent suiure pour aller à Chili, & le capitaine Bonauenture à sa conqueste du pays de Quito, qui est riche en bestail, & mines d'or. Il enuoya semblablement Diego Centeno aux mines de Potosi, qui sont vers la Prouince de Ciarcas, ce sont les meilleures du Peru, & mesme de tout le monde, par ce que cent liures, qu'on tire de la mine, rendent cinquante liures d'argent pur,

& fin, & encor' plus: & fil y a vne montagne outre les autres, qui a deux mille de haut, & plus de troys mil de tour, de laquelle on tire des pieces d'argent pur, n'ayans besoing que d'une bien petite purification. Il donna en outre congé à tous de se retirer en leurs maisons principalemēt à ceux, qui auoient demeuré aux villes, ou qui auoient des vassaux, & des terres. Ce qu'il feit pour les enuoyer loing de luy, & s'en descharger par ce qu'ils estoient tousiours apres luy pour demander des departemens, & de quoy viure. Il s'en alla puis apres à Aputima, 36. mil loing de Cuzco, & là il departit des terres, & vassaux à plusieurs suiuant la deliberation qu'il en feit avec l'Archeuesque de la ville des Roys, & avec le secretaire Lopez. Il donna par ces departemens à diuerses personnes plus de quinze cēs mille Castillans d'or de reuenu par an, & si distribua d'argent comptant plus de 150000. ducats qu'il auoit desja receu de ceux, qui auoient des terres recommandees, c'est à dire, des departemens. Il maria plusieurs riches vefues à des personnes pauures, qui auoient seruy le Roy fidelement. Il y eut tel qui eut 100000. ducats de reuenu par an: C'estoit le reuenu d'un prince, si cet heritage eust esté perpetuel, & fut tombé aux enfans, ou autres heritiers: mais l'Empeur ne baille ces terres qu'à vie. Celuy, qui en eut le plus fut le capitaine Hinoiose. Lagasca de là s'en alla à la ville des Roys pour n'ouir les plaintes, blasphemies, & maledictions des soldats, & pour la peur qu'il en auoit, par ce qu'il estoit impossible de contenter vn chascun. Il enuoya l'Archeuesque à la ville de Cuzco pour publier les de-

partemés, & appaïser de parole ceux, qui n'auoient rien eu, leur faisant de grâdes promesses pour l'aduenir. Mais il ne sceut si bien prescher qu'il peut refroidir les feuz des soldats, qui n'auoient rien eu du tout, ou q en auoient eu trop peu. Aucûs se plain- gnoient de Lagasca de ce qu'il ne leur auoit fait part d'aucunes terres : autres, de ce que leur part estoit trop petite : & autres, par ce qu'il en auoit plu- tost donné à ceux, qui auoient esté contre le Roy, protestans de l'accuser en Espagne au Conseil des Indes. Et ainsi il y en eut quelques vns, entre autres Marcial Aluarado, & Melchior Verdugo, qui depuis en forme d'accusation enuoyerent des lettres au procureur fiscal de ce Conseil, par lesquelles ils mandoient beaucoup de mal de Lagasca. Finalement ils faisoient des menees pour se mutiner l'un l'autre voulans mettre prisonniers l'Archeuef- que, l'Auditeur Ciâca, le Capitaine Hinoïose, Centeno, & Aluarado mesme, & prier le president Lagasca de reformer ses departemens, & en faire part à tous en faisant plusieurs parts, & portions de ceux, qui estoient trop amples, ou les charger de pensions : & où il n'en voudroit rien faire conclurét de se faire eux mesmes maïstres, & seigneurs d'iceux. Mais ceste mutinerie fut incontinent descouuerte : & l'Auditeur Cianca print, & chastia les chefs, & par ce moyen le reste l'appaisa.

La taxe que feit Lagasca pour le tribut.

Chap. 188.

LAgasca remeit sus le Parlement en la ville des Roys, & y presidoit comme en estant presidet, decidant tous procès, & affaires du gouuernemēt,

Les Auditeurs estoient les docteurs André de Cianca, Pierre Maldonado, Santillane, & Melchior Brauo de Sarauia gentil-homme de sçauoir, & de bonne conscience. Ce Parlement meit ordre pour la conuersion des Indiens, qui n'auoient point encor esté baptizez, à ce qu'ils fussent instruits en la doctrine Chrestienne par les Euesques, Moynes, & prebstres, par ce que par les guerres passees on ne s'en estoit guere soucié, & defendit sur grieues peines qu'on ne fait porter la somme aux Indiens contre leur volonté, & qu'on ne les tint pour esclaves, puis que le Pape, & l'Empereur le commandoient ainsi. Mais pour la grâde necessité qu'on a de sommiers soient cheuaux, ou autres bestes, desquelles le defaut est grand en ce pays, ordonna qu'en plusieurs lieux les Indiens porteroient la somme comme ils auoient accoustumé de faire au tēps de leur Idolatrie lors qu'ils seruoient à leurs Yngas, & seigneurs, qui estoit vn deuoir personnel. Pour laquelle chose on diminua d'un tiers le tribut qu'ils souloient payer. D'auantage il commanda sur grosses peines qu'on ne les tirast point hors leur pays naturel, de peur que par changement d'air, & par diuerse temperature ils ne mourussent. Partant il ordonna que ceux, qui estoient nourriz és plaines, qui sont chaudes, seruissent là, & que les montagnards, qui estoient accoustumés au froid, ne descendissent point en la campagne, & qu'on les changeast par quartiers, de peur que les vns portassent tousiours la somme, & les autres non. Il en laissa plusieurs autres, qui sont esclaves nommez Mitimaes, en la façon que Guaynacapa les tenoit, & commanda à tous les autres

qu'ils eussent à s'en retourner aux pays d'où ils estoient : plusieurs routesfoys n'y voulurent aller, & aimerét mienx demeurer avec leurs maistres di-
sans, qu'ils s'y trouuoient bien, & qu'ils aprenoient mieux avec eux la religion Chrestienne, allâs avec eux à la messe, & aux sermons, & qu'ils gaignoient sous eux quelque peu d'argent en vendant, achetant, ou seruant. On dict que des pays du Peru, qui furent conquis il y auoit plus de la moitié des Indiens morts pour auoir esté rompus à porter trop grosse somme, & trop souuent : & ceux à qui ils estoient recommandez, & les auoient en leurs departemens ne les en pouuoient exempter, par ce que les soldats sans aucune pitié les prenoient de force, ou les tueient s'ils ne vouloient marcher, mesme ils prenoient ceste hardiessé en presence de Lagasca durant la guerre. Lagasca choisit quelques personnages gens de bien pour aller les vns deçà, les autres delà visiter le pays, & leur donna certaines instructions, desquelles il chargea leurs consciences, & les feit iurer sur les saintes Euangiles entre les mains d'un prestre, qui leur auoit chanté vne Messe du saint Esprit, qu'ils feroient bien, & fidelement leur office. Ces visiteurs furent par toutes les villes du Peru, qui sont iusques à au-
iourd'huy subiettes à l'Empereur, les vns par vn costé, les autres par l'autre. Ils prenoient le serment de ceulx, qui auoient des departemens, & Indiens sous eux, mesmes de ceux, qui en tenoient pour le Roy, à fin qu'ils declarassent combien d'Indiens, sans les vieils, & les enfans, ils auoient en leurs terres, & ce qu'ils leur payoient

de tribut, & combien: & cela entendu d'eux, ils les enuoyoit hors de leurs departemens, & puis examinoient leurs Indiens, & Caciques des vexatiōs, couruees, & peines qu'ils enduroient de leurs maistres, & quelles choses portoient leurs terres, quel tribut ils fouloient payer à leurs Roys Yngas, où ils le portoient, pour quoy ils payoient tribut à leurs Roys de lezardes, de grenouilles, & d'autres choses semblables, s'ils n'auoient rien autre chose que ce qu'ils payoient pour ceste heure, & ce qu'ils pourroient payer pour l'aduenir, leur donnans à encores à entendre la grace, de laquelle l'Empereur vouloit tousiours vser enuers eux en moderant le tribut qu'ils fouloient payer, & les laissant libres, & francs, & seigneurs de leur biens, & de tout ce qu'ils pourroient acquerir par leur industrie, & labeur. Ils les asseuroient de ceste grace le plus qu'ils pouuoient pour faire reuenir grand nombre d'entr'eux, qui n'ayans aucunes maisons ny vassaux estoient retirez des campagnes parmy les montagnes, quand ils ouyrent qu'on les venoit visiter, pensans que les visiteurs imposeroient moindre tribut où ils trouueroient moins d'habitans, & que par ce moyen ils demeureroient libres en leurs biens comme en leurs personnes. Ces visiteurs estans de retour Lagasca se deschargea de la taxe du tribut sur l'Archeuesque Loaysa, frere Thomas de Saint Martin, & frere Dominique de saint Thomas Iacobins. Iceux apres auoir prins l'opinion des visiteurs, & consideré ce que disoient les seigneurs, & vassaux, taxerent le tribut beaucoup moindre que celuy, que les Indiens mesmes disoient pouuoir ai-

sement payer. Lagasca commanda que ceste imposition fut gardee, & que chascue contree ne fut tenuë payer son tribut en autre chose, qu'en ce, que produisoit le terroir, s'il y auoit de l'or, qu'o payast en or: si de l'argent, en argent, ou en cotton, sel, bestail, & en toutes autres choses que le pays produire. Il commanda toutesfois à plusieurs pays de payer en or, ou argent, encor' qu'ils n'eussent aucunes mines de ces metaux, à fin qu'ils trouuassent, & employassent leur esprit à gagner cet or, en nourrissant des oyseaux, ou cheures, ou porcs, ou autre bestail, ou bien s'employant à faire de la soye, & puis vendre leurs nourritures, & labour, en les transportât aux autres villes, foires, ou marchez, menâs aussi ou du boys, herbes, grain, ou autres telles choses: voulant par cela Lagasca, qu'un chacun s'accoustumast à gagner sa iournee en trouuillant, & seruant aux maisons, & boutiques des Espagnols, à fin que peu à peu par ceste voye ils apprinsent leurs coutumes, & changeassent leur rudesse, & austerité à vne vie humaine, douce, & chrestienne, oubliâs leur idolatrie, leur yurongnerie, & vie brutalle, à laquelle ils s'employoient du tout, & de corps, & d'esprit, demeurâs au reste en perpetuelle oisieté mere de tous maux. Lagasca feit donc publier ceste taxe au grand contentement des Indiens, qui auparauât ne dormoient, ny reposoient aucunement pensans tousiours à leurs rançonneurs: ou s'ils dormoient, ils ne faisoient qu'y resuer. Quant à la peine, il la feit telle, que si les Indiens dedans certain tēps de l'annee, & vingt iours apres ne payoient leur tribut & imposition, ou si ceux, qui auoient quelque departement

à la charge de payer à l'Empereur quelque pension ou rente suiuant la coustume, estoient negligens à payer, ou si ceux, qui ont des vassaux, ou sont commis à leuer le tribut, receuoient plus que ne monre le tribut, ou la peine, ils payeroient pour la premiere fois quatrefois autant: & pour la seconde, ils perdroient leur bien, leur fief, leur estat, & departement qu'ils auroient.

Cōbien despendit Lagasca, & le tresor qu'il rassembla. Ch. 189

Quand Lagasca arriua aux Indes, & qu'il entra en la ville du Nom de Dieu il n'auoit pas plus de 400. ducats. Mais il emprunta tous les deniers, desquels il eut affaire pour la guerre qu'il eut contre Pizarre, de ces deniers il achepta armes, artilleries, & cheuaux, il paya ses soldats, & feit plusieurs autres despenſes, esquelles il despédit 900000. peſans d'or depuis le premier iour qu'il arriua au Peru iusques au dernier qu'il en partit. Ceste despée fut grande à raison qu'il falloit qu'il se mōstrast liberal aux soldats, & toutes les marchādises qu'on apportoit d'Espagne estoient fort cheres, non ſeulement les viures, & habillemens, mais auſſi toutes autres choses de guerre, cōme cheuaux, arquebuzes, & corſelets: & ſi il faut noter que, encor' que ce pays ſoit loing, on y trouue toutesſois de fort bōs cheuaux, & bonnes armes, & en grand nōbre: car vn chacun ſçait que les marchandises ſont portees en lieux où elles valent de l'argēt, & n'y a pays, où il y euſt deniers pour en acheter, plus qu'en ceſtuy cy. Lagasca aſſembla les reuenuz, & quintes du Roy, & tout l'or & argēt, qui appartenoit à ceux, qui auoiēt eſté condemnez. La ſomme fut ſi grande que d'icelle

il paya les neuf cens mille pesans d'or, & en resta de bon pour porter à l'Empereur treize cens mille tât en or, qu'en argent. Vn chacun fut esmerueillé de ce thresor, non pas pour la somme, mais pour la maniere, de laquelle il l'assembla. Iamais ne print pour soy la paye d'aucun soldat: & si dis, & l'asseure, que iamais Espagnol ne passa au Peru avec charge, où sans charge, qui ne prit quelque chose pour soy, excepté cestuy-cy, auquel on n'a sceu remarquer aucun signe d'avarice, n'ayant fait son profit d'aucune chose: aussi auoit il derriere luy plusieurs yeux, qui attentiuement regardoient ce qu'il feroit, pour l'accuser puis apres s'il eust versé mal en sa charge. Ainsi il euita ceste note d'avarice, pour laquelle se sont perduz, & sont morts tous ceux, desquels nous auôs parlé: i'en mets hors Blasco Nugnez Vela, par ce qu'il a iustemét serui l'Empereur, & a esté exépt de ce vice. Gabriel de Roias sous couleur qu'il estoit pour le Roy print sur les Indiens grande quantité de Vacos, & sur les Espagnols, qui auoient porté faueur à Pizarre, & mesme sur ceux, qui ne l'auoient point fauorisé, mais luy estoient suspects, disant: qu'il estoit bien vray qu'ils n'auoient point donné secours à Pizarre, mais estoient attendans l'issuë des guerres, pour selon icelle se ranger d'une part où d'autre. Ceste leuee qu'il feit montoit à plus d'un million d'or, & parce qu'il mourut soudainement en chemin, on dit que ce fut par le iugement de Dieu, & que depuis il apparut en vision espouuentable à certains Iacobins en la ville de Lima. Mais puis que nous sommes sur ce point de parler de tresors, il ne sera point

hors de propos de dire la richesse, qui iusques aujourdhuy a esté tirée du Peru par nos Espagnols, tant de l'or, qui a esté trouué tout affiné, & en œuvre entre les Indies, que de celuy, qui a esté tiré des mines. Mais à vouloir compter cecy ce seroit vne chose autant impossible, comme elle seroit incredible si elle estoit possible à compter: ie diray seulement qu'Augustin de Zarate maistre des Comptes du Roy à trouué que les Officiers, & Thresoriers sont demeurez en *debet* aux liures des comptes, qui auoient ja esté calculez, & arrestez, de dixhuiet cés mille pesans d'or, & de six cens mille liures d'argēt sur les quints, & reuenuz Royaux qu'il auoit charge de receuoir: Et tout cest or, & argēt a depuis esté apporté en Espagne par vn moyē, où par vn autre: & encor' que Dō Diego d'Almagro, Vacca de Castro, Blasco Nugnez, Gonzalle Pizarre, Lagasca, & autres capitaines en ayent despendu grande somme és guerres, si en fin a il esté tout apporté, comme i'ay dit, en Espagne, & est vne quantité incredible, trescertaine toutesfois.

Considerations. Chap. 190.

DE tous les Espagnols, qui ont gouuerné le Peru il n'en est eschappé aucun excepté Lagasca, qui n'y soit mort, ou mis prisonnier, qui n'est pas vne chose qu'il faille oublier. François Pizarre, qui le descouurit, & ses freres, ont estranglé dom Diego d'Almagro, dom Diego son fils à faict tuer François Pizarre. Le docteur Vacca de Castro à faict decapiter dom Diego. Blasco Nugnez Vela à mis prisonnier Vacca de Castro, lequel est encores prisonnier. Gonzalle Pizarre tua en baraille Blasco Nug-

nez. Lagasca feit mourir par iustice Gonzalle Pizarre, & meit en prison l'Auditeur Cepeda, qui auoit desia perdu par mort ses trois autres compagnons. Les Contreras, desquels nous parlerons tantost, rascherent à tuer Lagasca. Encor' trouuera-on plus de cent cinquante capitaines, & autres personnes ayans charge de iudicature morts, ou par la main des Indiens, où en combattât entre-eux mesmes, où pour auoir esté penduz, & massacrez. Les Indiens, & mesme les Espagnols attribuent tous ces meurtres, dissentions, & guerres ciuiles aux planettes, qui dominant sur le pays, & à la richesse: Quant à moy i'impute cela à la malice, & auarice des hommes. Les Indiens disent que iamais d'autant loing qu'ils se peuuent souuenir, & si y en a aucuns qui ont 100. ans, les guerres n'ont failli au Peru. Car Guaynacapa, ce disent-ils, & Opaynga son pere ont tousiours eu des guerres cruelles avec leurs voisins, & autres Caciques, pour estre seuls seigneurs de ces pays. Guascar, & Attabalipa freres ont combattu à qui seroit d'eux deux Ynga, & monarque. Attabalipa pour ce faict feit tuer son frere aîné, & François Pizarre tua, & priua du Royaume Attabalipa comme traistre, mais tous ceux, qui conseillèrent de le tuer, & qui y consentirent ont finy malheureusement, qui est vne autre consideration, comme vous auez desia leu de Diego d'Almagro, de François, & Gonzalles Pizarres: en reste encor' plusieurs autres, qui estoient presens, qui seroient trop long à reciter, seulement i'en nommeray quelques vns: Iean Pizarre, qui de tous ses freres estoit le plus vaillant, fut tué en la ville de

Cuzco par les Indiens, Jean de Rada, & ses complices tuerent François Martin d'Alcantara, ceux de l'Isle de Puna tuerent à coups de bastons l'Euefque frere Vincent de Valuerde comme il fuyoit de dom Diego d'Almagro, & le docteur Velasquez son cousin, & le capitaine Jean de Valdiuiesco avecques plusieurs autres. Almagro feit pendre à Chili Philippes le truchement: Fernand de Sotto mourut en la Floride, & plusieurs autres en diuers lieux. Aucuns sont encores viuans comme Ferdinand Pizarre, qui, encor' qu'il n'eust esté à la mort d'Attabalipa, si est-il prisonnier au chasteau de Medine du Champ, pour la mort de dom Diego d'Almagro, & à cause de la bataille des Salines, & de plusieurs autres choses.

Autres considerations. Chap. 191.

Les differens d'entre Pizarre, & Almagro ont commencé par ambition, & pour le gouuernement de la ville, & Royaume de Cuzco. Mais depuis ils se sont augmentez par auarice, & sont venus iusques à exercer vne grãde cruauté par ire, & enuie. La partialité à suiui, par ce qu'Almagro donnoit liberalement aux soldats, & François Pizarre cōme gouuerneur pouuoit iustemēt dōner. Apres la mort d'eux deux, vn chacun à suiui celuy, duquel il esperoit auoir plus de proffit, & ainsi plusieurs abandonnoient le seruice du Roy, par ce qu'il ne leur dōnoit que la soulde ordinaire: & le nōbre de ceux qui sont tousiours demeurez loyaux, & fidelles est bien petit, par ce que l'or auiegne le sens naturel, & ce metal est si abōdāt au Peru qu'il met vn chacun en admiration. Comme donc tous suiuienoient partis

differeñs, aussi tous auoient les affectiõs doubles, & mesmes leurs langues, tellement que iamais on n'oyoit verité si ce n'estoit pour malice, & meschanceté. On corrompoit les hommes par deniers pour iurer vne faulseté, on l'accusoit l'un l'autre malicieusement vers l'Empereur pour auoir le commandement, pour gouuerner, tantost par vengeance, tantost par enuie, aucunesfois seulement par passe-temps. On faisoit mourir les personnes par iustice, & sans iustice, & le tout pour estre trop riches, de façõ que plusieurs choses ont esté cachees, qui deuoient estre verifiees, mais elles ne pouuoient estre cogneuës en iugement, par ce qu'un chacun prouuoit son faict. Il y a encor' plusieurs personnes, qui ont serui le Roy, desquels on ne parle point pour estre hommes priuez, & sans charge, & coustumierement ne se parle que des gouuerneurs, capitaines & personnes notables, par ce qu'il seroit impossible de discourir du fait de tous: ioint aussi qu'il est aucunesfois meilleur les retenir sous silence que de les donner à cognoistre. S'il y a donc quelqu'un qui soit fasché de ce que l'ay mis en oubly ie luy conseille de s'appaiser, & se contenter de se veoir libre de mes escrits, & environné des richesses du Peru, & qu'il ne recherche son mal: s'il a faict quelque chose de bon, & qu'il ne soit loué comme il le pense meriter, qu'il en reiecte la faute sur ses compagnons: si au contraire il a mal faict & qu'il soit nommé par moy, qu'il ne s'en prenne à autre qu'à soy mesme.

Ce que les Contreras vollerent à Lagasca comme il s'en retournoit en Espagne.

Chap. 191.

Lagasca

L Agasca, après qu'il eust fait exécuter Pizarre & les autres seditieux, se diligença avec grande ruse d'asseoir les tributs, de recevoir deniers, & de laisser ce peuple, & pays paisible, en repos, & le rendre plus profitable à l'Empereur qu'il n'auoit esté durant ces guerres, afin qu'il s'en peut retourner en Espagne, laquelle il desiroit grandement reueoir. Ainsi donc ayant fait toutes ses diligences mit en ses nauires quinze cents mille pesans d'or pour le Roy, & encores autant, voire d'auantage pour des particuliers, & fait voile à Panama, où il laissa six cents mille pesans, ne pouuant à faute de sommiers faire transporter tout son or de là, & s'en alla au Nom de Dieu. Aussi tost qu'il fut party deux fils de Roderic de Contreras gouuerneur de Nicaragua arriuerent à Panama avec deux cents bons soldats, & vollerent les six cents mille pesans d'or, que Lagasca auoit laissez, & tout l'argent & l'or, & meubles des habitans qu'ils peurent enleuer ayants entré par force dedans la ville. L'un d'eux se retira en mer avec deux, ou trois vaisseaux pleins de butin, & l'autre s'en alla apres Lagasca pour luy voller tout l'or, & argent qu'il menoit, & luy oster la vie, tant il estoit aueuglé, & superbe. Ces Contreras auoient fait mourir frere Antoine de Valdiuesa Euesque de Nicaragua par-ce qu'il auoit mal escrit en Espagne de leur pere comme il alloit vers l'Empereur pour ses affaires: & sur les plainctes qu'on auoit fait de luy, fut spolié de son gouuernement, tellement que ses fils apres la mort de cest Euesque tomberent en grande indigence, & ne s'osoient plus trouuer en public, & vagoient deçà de là comme voleurs. Ils

receurent, & assemblerent des soldats de Pizatre, qui s'en fuioient, & se sauuoient, & autres enfans perdus, & s'accorderent ensemble de faire ce vol, disans, que ce tresor, & tout le Peru leur appartenoit comme estans nepueuz de Pierre Arias d'Auile, qui s'estoit mis en societé avec Pizarre, Almagro, & Lucque, & ainsi se meirer aux champs. Cela leur parloit bien d'une humeur meschante, & leur couleur n'estoit gueres meilleure: elle estoit, toutefois, assez suffisante pour attirer à leur cordelle les plus meschans. En somme, ils feirent vn vol notable, & d'importance, s'ils se fussent contentez d'iceluy: encor' ne se fussent-ils pas eschapez des mains du Roy, qui serrent de loing. Lagasca, par quelques habitans de Panama, sceut l'un & l'autre: Il mit le tresor en seure garde, & marcha avec bon nombre de soldats au deuant d'eux: il les combattit, les vainquit, les print, & en feit executer autant qu'il voulut. Contreras eschappa, & en fuyant se noya en vn fleuve pres de là. Lagasca enuoya soudainement des nauires bien armez contre l'autre frere. Ils feirent si bonne diligence qu'ils l'attraperent, le combattirent, prindrent ses vaisseaux, & les deniers qui estoient dedans, & tuerent tous ceux qu'ils trouuerent dedans, exceptez dix, ou douze. Par ce moyen Lagasca recouuit ce qu'on luy auoit vollé, & chastia les voleurs, qui est vne chose autât pour luy remarquable, cōme aduventureuse, pour son hōneur, sa renommee, & pour sa memoire perpetuelle. En fin, il s'embarqua au port de la ville du Nom de Dieu, & arriva en Espagne au mois de Iuillet 1550. amenant avec soy grande richesse pour autrui, &

plus grãde reputation pour soy mēme. Il employa à aller, & reuenir, & faire tout ce que vōus auez leu, vn peu plus de quatre ans. L'Empereur le feit Euef que de Paléce, qui vaut plus de 2000. ducats de reuēnu par an: & le feit venir à Ausbourg en Alema-gne, afin d'ouir de sa bouche & entendre mieux de luy toutes les affaires du pays du Peru.

La qualité & temperature du Peru. Chap. 193.

SOubs ce nom du Peru, on comprend tous les pays, qui sont depuis le fleuue nommé Peru, iusques à Chili, desquels nous auons souuentefois parlé en eferinant les conquestes, & les guerres ciuiles, cōme sont Quito, Cuzco, Ciarcas, Port-vieil, Tóbez, Arequipa, Lima, & Chili. On diuise le Peru en trois parties en campagnes ou plaines, montaignes, & andes. La campagne est toute sablonneuse, & est fort chaude, elle est situee vers les riuēs de la mer, elle entre peu dedans terre, mais elle s'estend fort pres de la mer. De Tombez en de là iamais ne pleut, ne tonne, ne gresle: & telle temperature de l'air s'estend le long de la coste plus de 1600. mil, & enuiron 40. ou 60. mil dedans terre, tant ces plaines sont longues. Les Indiens habitans de ce pays, viuent le long des riuieres qui viennent des montaignes, arrousans plusieurs vallees, qui sont abondantes en fruiçts; & en beaux arbres, sous l'ombre & frescheur, desquels ils reposent, & demeurent, & ne bastissent point autres maisons, ny n'v-sent d'autres liçts: Il est bien vray que ceulx qui veulent coucher plus mollement font des liçts de éatines, ioncs, spadanas, & d'autres semblables herbes, qu'ils ont tousiours verdes. Ils en font

aussi de fucilles de certains arbrisseaux, qu'ils font secher incontinent en les maniant seulement. Ils sement le cotton, qui de sa nature sort de terre avec diuerses couleurs, tellement que vous y en voyez d'azuré, de verd, de iaulne, de roux, & d'autres couleurs. Ils sement le mais, & battatas, & autres semences, & racines qu'ils ont accoustumé de manger. Ils arrousent leurs labourages par le moyen de petits fossez, & ruisseaux qu'ils font venir des fleuves. Il tombe encore vne rousée, qui leur fait grād bien. Ils sement aussi vne herbe appelée Cocca, laquelle ils estiment plus qu'or, & que leur pain, elle demande vne terre fort chaude, tous en ont tousiours en leur bouche, & disent qu'elle esteinct la soif, & la faim : ils disent choses admirables de ceste herbe: ils la sement, & la recueillent tout le lōg de l'an. Il n'y a point és riuieres de ces plaines depuis Lima en de là de grands laisards, ou crocodilles, & ainsi peschent en toute assurance sans peur aucune. Ils māgent le poisson crud, & en font pour la plus part le semblable de la chair. Ils prennent force loups marins qu'ils trouuent bons à manger, & se nettoient les dents avec leur poil disans qu'il est bō pour cōtregarder les dents, & si disent que si on touche de leurs dents vne dēt, qui fait mal qu'elles osteront incontinent la douleur. Ces loups māgent des cailloux, peut estre que c'est pour faire fōdement en l'estomach. Les aultours tuēt ces loups quand ils sortent en terre, qui est vne chose fort belle à voir, & les mangent. Plusieurs aultours assaillerōt vn loup, & mesme deux seuls prendrōt la hardiesse de l'assaillir, les vns le piquēt à la queue, & aux

pieds, autres aux yeux iusques à ce qu'ils les ayent arrachez ou creuez, & puis le tuët. Les autours sont grands en ce pays, & aucuns ont dix, douze, quinze, & dixhuiet palmes de la teste à la queuc. On voit en en ce pays des cigongnes toutes blanches, & autres de couleur chageante, des perroquers, des ciuettes, des rossignols, des cailles, des turtrelles, des oyes, des pigeons, des perdrix, & autres oyseaux que nous auons accoustumé de manger : ils n'ot point toutesfois de coqs, & poules. De Cira, où Tombez, en deça on trouue des aigles, faulcons & autres oyseaux de proye, qui sont de fort belle couleur. Ils ont vn certain petit oisellet, qui n'est pas plus grand qu'vn grillon, qui est reuestu d'vn plumage menu, & delié, beau, & diuersifié à perfectiō, & sa couleur, & petitesse fait esmerueiller grandement ceux, qui le contemplent. Il y a vne autre sorte d'oiseaux grands comme oyes, qui sont sans plumes, & iamais n'abandonnent la mer : ils ont toutesfois vn duuet par tout le corps doux, & subtil au possible. On void encor en ce pays des cōnils, des regnards, des moutōs, des cerfs, & autres bestes, apres lesquelles les habitans chassēt avec les filers, toilles, & arcs. Les Indiens, qui habitent ces plaines, sont grossiers, brutaux, n'ayans point de cueur, ny aucune habilité ils sont peu, & mal vestus : ils ont des cheueux, mais ils n'ont point de barbe : & à raison de l'estendue de ces pays, ils parlent diuerses langues. Quant aux montaignes, elles sont fort hautes, & ont en hauteur plus de deux mille, & 300. mil de longueur & ne s'esloignent de la mer pas plus de 50. ou 60. mille. En icelles il pleut, & neige abondamment,

& faict froid de meſme. Ceux, qui demeurent entre ce froid, & ce chaut ſont pour la plus part louches, ou aueugles, & eſt domerueille ſi de deux perſonnes, qui ſerôt enſemble, il n'y en a aucun louché. Ils ont leurs teſtes enuelopees de certaines toiles de cotton, qu'ils lient ſur leurs teſtes, & nō pour couurir, cōme aucuns vouloiēt dire, de petites queūes, qui leur naiſſoient derriere la teſte. En pluſieurs endroiets de ces mōtagnes froides il n'y a point d'arbres, & au lieu d'iceux ils ſe chauffent d'vne certaine terre, & de ſouches, qui bruſlent fort bien. Il y a des mōtagnes de couleur, comme és Prouinces de Parméga, & Guarimey, où il y en a aucunes, qui ſont rouges, autres noires, verdes, bleuës, & turquines, & de loing on les diſtingue toutes aiſément de l'œil, & les faict beau veoir. On trouue en ces pays montagneux des cheureuls, des loups, des ours noirs, & certains chats qui reſſemblēt à des Mores. Il y a icy deux ſortes de vacos, que nous appellons moutons: les vns, comme nous dirōs en autre lieu, ſont domeſtiques, les autres ſauuāges, la laine de l'vn eſt groſſe, & celle de l'autre eſt fine, de laquelle on faict des habillemēs, des chaulſes, materaz, couuertures, draps, cordes, du fil, & le petit floquet que portent les Roys Yngas. Ils ſont grād amaz de ces marchandises à Cinca, à Caxamalca, & en pluſieurs autres villes, & les portoient pour vendre en pays loingtrains, qu'eſt Syrie de la ville de Scremadure en Eſpaigne. Ils ont des raues, reſſorts, lupins, de l'ozeille, & pluſieurs autres herbes bonnes à manger. Ils en ont vne qui reſemble au perſil, & porte vne fleur iaune, elle guarift toutes les playes, qui ſont

pourries, & si on l'applique sur vn endroict, où il n'y ayt point de mal, elle mangera la chair, iusques à l'os: & ainsi elle est bonne contre le mal, & mauuaise contre vn endroit sain. Je n'ay que dire de l'or, encor' moins de l'argent, puis qu'on en trouue en tous lieux. Aux valles de ces montagnes, qui sont fort profondes, la chaleur est grande, & là vient la coca, & autres choses, qui ne demandent terre froide. Les hommes portent des chemises de laine, & serrent leur teste par dessus leurs cheueux avec vne sangle. Ils sont plus forts, plus courageux, plus corpulens, plus raisonnables, & humains que ceux, qui habitent és plaines sabloneuses. Les femmes portent vn long habit sans manches; elles se fardent quasi toutes: elles portent de petits manteaux sur leurs espauls attachez avec des espingles d'or, & d'argent, ainsi que portent celles de la ville de Cuzco: Elles trauaillét fort, & secourent grandement leurs mariz. Ils bastissent en ce pays leurs maisōs de gros quartiers de pierre, & de bois. Ces montagnes sont fort rudes, si il y en a au monde, & viennent de la nouuelle Espagne: & encor' plus au delà, passans entre Panama, & le Nom de Dieu, & vont iusques au destroit de Magellan. D'icelles naissent de grands fleuues, qui tombent en la mer de Midy, & autres plus grands, qui coullent en celle de Tramontane, comme les fleuues de l'Argent, de Maragnon, & d'Oregliane, duquel encor' on doute si c'est le mesme Maragnon. Les Andes sont montagnes, & valles fort peuplees, & riches en mines, & bestail: mais on n'en a point encor' si grande cognoissance que des autres.

aussi, qui leur estoit vn grand deffaut, & vne bestise lourde: prouenante d'ignorance. Mais maintenant ils sçauent en vser, & l'apprennent de nous: ce qui leur vaut plus que toutes leurs richesses, desquelles ils ne sçauoient s'aider, ny en retirer proffit.

17 Il ne faut pas mettre en oubly la maniere, de laquelle ils vsent à bastir leurs temples, forteresses, & ponts. Ils trainét leurs pierres, ou les roulent à force de bras iusques au lieu, où ils veulent bastir, parce qu'ils n'ont point de bestes pour s'ayder d'elles à tels œuures. Les pierres sont de dix pieds en quarré & encore d'auantage: ils les asseoient avec de la chaux, & autre mortier. Or pour monter leurs pierres, ils apportent de la terre contre le mur, & autât que croist l'edifice, autât haussent-ils leur terre. Car ils n'ont point d'autres engins à bastir, & ainsi sont long temps deuant qu'acheuer telles entreprinſes, & leur faut vne infinité de personnes. La forteresse de Cuzco estoit de mesme structure, & estoit fort belle, & magnifique. Quant aux ponts, ce sont choses dignes de rire, & encores plus propres pour tōber. S'ils veulēt donc, faire vn pōt sur vn fleue, qui soit si creux, qu'ils n'y puissent ficher aucuns pillotiz, ils mettront aux riuës, qu'ils trouueront les plus hautes, vne corde faicte de laine, qui trauersera l'eau, à icelle pendront, avec vn neud coullant, vne hotte semblable à celles, desquelles on se sert à faire vendanges en Espagne, ou vn panier faict à la façon des anſes, ausquels on porte la vendange en Touraine. Ce panier a deux oreilles, à chacune desquelles ils atrachent vne corde aussi longue que tout le trauers de l'eau. & attachent l'autre bout de

ceste corde au pau, qui tient la grosse corde. Si quel-
qu'un veut passer, ils le mettent dedans ce panier,
& font tirer la corde, qui est attachee à la rive, où il
veult aller par ceux, qui sont delà. Sur d'autres fleu-
ves, ils font des ponts sur pilotis : mais ils n'ont la
largeur que d'un aiz, comme ceux qu'on faict en
Espagne sur le fleuve Tago, pour faire passer les
moutons. Les Indiens passent par dessus ces ponts
sans tomber, ny se troubler. par ce qu'ils les ont ac-
coustumez. Mais les Espagnols y tresbuchent sou-
vent se troublans la veüe & la teste en regardant le
courât de l'eau, qui coule roide, & aussi à cause que
ils les font coustumierement hauts, & que les aiz
pour estre longs tremblent tousiours : pour ceste
cause nos Espagnols quand ils veulent passer se
mettent à quatre pattes. Ils font encore d'autres
ponts des cordes dessus des pilliers, par dessus les-
quelles ils iettent des rets faicts de mesme corde:
par dessus ces ponts, les chevaux passent, encor que
ils tremblent. La premiere fois que nos Espagnols
passerent par dessus tels ponts fut entre Yminga, &
Guailasmarca. Ce pont estoit separé en deux, par
l'une moitié passoient les Roys Yngas, Orejons, &
Soldats seulement: par l'autre, les autres passans: &
falloit payer un certain peage par to^s ceux qui pas-
soient, pour entretenir le pont, nonobstant que les
peuples voisins fussent obligez à l'entretenir. Aux
endroitz où il n'y avoit nul pont, ils faisoient de
petits bacs, ou autres barquerolles cōme les equifs
de vendangeurs de Rome, mais le courant de l'eau,
les emportoit biē souuēt, & ainsi estoient cōtraints
passer à nage : mais tous les Indiens sont bons na-

geurs. Autres passét par dessus vn rets de corde soustenu de coucourdes creuses, & le font nager de telle façon que l'un le fait tousiours tourner, & l'autre le pousse. A faute de ponts, ou pour estre mal seurs plusieurs Espagnols, & cheuaux ont esté noyez, beaucoup d'or, & d'argent a esté perdu.

28. Il y a en ce pays deux grands chemins royaux depuis la ville de Quito iusques à celle de Cusco, qui est vn œuvre d'aussi grād coust comme il est remarquable. L'un est par les montaignes, & l'autre par les plaines, tous deux durent plus de 2000. mil. Celui qui est en la campagne est reuestu de muraille des deux costez, & est large de vingt cinq pieds : il a en dedás des fossez, ou petis ruisseaux pleins d'eau coulante perpetuellement, & dessus iceux ont esté plantez force arbres, qu'ils appellent Molli. L'autre qui est en la montaigne, est de mesme largeur, entaillé par dedans les rochers, & aux endroicts où il y auoit des vallons trop creux, pour esgaller le chemin on les remplissoit de pierres massonnées, avec de la chaux. En somme, c'est vn œuvre, qui mesme au dire de tous ceux, qui ont veu l'un, & l'autre, surpasse les Pyramides d'Egypte, & les grands chemins pauez des anciens Romains, & tous les edifices anciens. Guaynacapa les fait refaire, & eslargir : mais il ne fut pas le premier autheur d'iceux, comme aucuns veulent dire : car la massonnerie se mōstre biē plus ancienne, & si ne les eust peu acheuer durt sa vie. Ces chemins vōt tous droits sans auoir par dessus aucune colline, ny montaigne, & sans s'aboutir à aucun lac, ou estang : & dessus de iournee, en iournee, on void de beaux grāds

Palais bastis, qu'ils appellent Tambos, où se logeoit la court, & les armées des Roys Yngas. Ces Palais estoient garnis d'armes, de prouisions, de vestemens, & de souliers pour les soldats : les pays d'environ estoient tenus de fournir tous ces chasteaux de telles choses. Nos Espagnols, par leurs guerres ciuiles, ont ruiné ces chemins, les ayants coupeez en plusieurs lieux, pour empescher le passage l'un à l'autre. Les Indiens mesme en ont rompu leur part quand on leur faisoit la guerre, & quād on assiegea la ville de Cuzco.

Conclusion des choses du Peru. Chap. 195.

LEs armes, desquelles les Indiens du Peru vsent communement, sont frondes, fleches, picques faictes de palmiers, dards, haches, & hallebardes, le fer de ces bastons est de bronze, d'argent, & d'or. Ils portent des cabassers de metal, & de bois, & des hallecres rembourrez de cotton.

2 Ils comptent vn, dix, cent, mille, dix mille, dix cents mille, & ainsi multiplians tousiours. Ils gettent leurs compres avec des pierres, ou avec des neuds qu'ils font à des petites cordes de couleur, & leur compte est si certain, & si bien accordant que nos gens s'en esmeruilloient.

3 Ils iouent avec vn dé seul, qui a cinq carres, & n'en ont point d'autre sorte:

4 Leur pain se faict de maiz, & leur boisson aussi qui les enyure iolyement. Ils font encores autres breuuages de fruiçts, & d'herbes, cōme de molles, qui sont arbres fruiçtiers, desquels aussi ils font certain miel qui est bon pour guarir les playes d'un cheual, & les fucilles seruent aux hōmes pour oster

la douleur d'une playe, & la guarir, & pour lauer les jambes, aussi les barbiers sçauent bien s'en seruir pour guarir les playes.

5 Leurs viandes sont fruiets, racines, poisson, & chair, spécialement de mouton. Ils ont grande quantité de cheureaux, tant es pays peulez, qu'es deserts, de propres, & de communes: mais ils estoient saincts, & sacrez au Soleil. Les Roys Yngas inuentèrent ceste saincteté, afin qu'en temps de guerre il n'y eust point faute de chair, deffendās de les chasser, & de les tuer, & commandans que ceux qui en auoient de propres à eux, en portassent tousiours la disme à leur Paciacama, & autres Guaches.

6 Ils s'en-yurent si fort, qu'ils perdent tout iugement.

7 En matiere de mariage, ils n'ont gueres d'esgard à la parété, & les femmes moins à la loyauté qu'elles doiuent garder en mariage. Ils se marient avec autant de femmes qu'ils leur plaist: quelques Orçons espouzent leurs sœurs.

8 Les neueuz succedent à leurs oncles, & non les enfā excepté entre les Rois Yngas, & les seigneurs. Mais dictes moy, qui seront deormais les heritiers puis que le vulgaire n'a, & ne veut-on permettre qu'il aye aucun patrimoine?

9 Ils sont menteurs, larrons, cruels, sodomites, ingrats, sans honneur, sans honte, sans charité, & sans vertu.

10 Ils mettent les morts en terre, ils en embaulement quelques vns leur iettans par le gosier vne liqueur qu'ils tirent de certains arbres odoriferans, ou bien les oignans avec vne gomme. Ils se gardēt

fort. long temps és montagnes, à cause du froict, & pour ceste cause on trouue par deça force momie.

11 Plusieurs viuent plus de cent ans, en la Prouince de Colao, & en autres lieux du Peru, qui sont froids.

12 Les terres & pays ou ils sement leur maiz, & nostre blé, & orge, sont si fertiles qu'un seul grain d'orge en a rendu deux cens, & un autre trois cens: ce furent des premiers, qui furent semez. A S. Iean, qui est au gouuernement de Pascal d'Andagoye: ils semerent vne escuellee de bled, & en recueillerent neuf cens. En plusieurs autres lieux on a cueilly deux cens pois, & plus, pour un qui auoit esté semé, & ainsi les semences multiplioient grandement au commencement par deça. Les racines deuenoient grosses comme la cuisse, & aucunes come le corps de l'homme: mais depuis elles sont diminuées, autant en ont fait toutes les semences qu'on auoit apporté d'Espagne. Les fruits, qui ont le iuz doux, ou aigre, ont fort multiplié en ce pays, come les citrons, & les cannes, desquelles on fait le sucre. Le bestail s'est grandement aussi multiplié: car vne cheure rendra cinq cheuteaux, & pour le moins trois: & n'eust esté les guerres ciuiles, il y auroit desia par deça force bestes cheualines, moutons, vaches, asnes, & mulets, qui porteroient la somme au lieu des Indiens. Mais deuant qu'il soit peu de temps il y en aura abondamment, s'il plaist à Dieu: & les Indiens seront traduits à vne vie plus politique, par le moyen de la paix, qu'ils ont maintenant, & des predications qu'on leur fait, auxquelles parvne sainte

charité, sont fort attétrifs les Espagnols, tant Ecclesiastiques, que seculiers, qui ont des vassaux: les Auditeurs aussi commandent tousiours expressement sur grosses peines qu'elles soient entretenues, autāt en faiēt le Viceroy Dom Antoine de Mendozze, qui auoit des-ja bien aduancé la cōuersion des Indiens de la nouuelle Espagne, d'oū il fut enuoyé par l'Empereur pour gouverner ce Pern. Ce qui a faiēt demeurer ces Indiens en leur Idolatrie, & vices abominables, a esté par ce que les Euesques, Religieux, & Prestres, s'estoient meslez parmy ces guerres ciuiles abandonnans leur troupeau, & ceux, qui s'estoient des-ja conuertis facilement renonçoient à la religion Chrestienne, voyans comme les affaires se portoyent: plusieurs aussi la renioient par malice, & par la persuation du diable. Aussi plusieurs ne vouloient enterrer leurs corps morts en nos Eglises: mais les portoient en leurs Temples, & Guaches, & bien souuent ils se moquoient de nos Prestres, mettrons dedans la biere, au lieu d'un corps mort, vn bouchon de paille, ou de cotton. Autres disoient quand on leur preschoit Iesus Christ, & sa foy, & religion, que c'estoit pour Espagne, & non pour eux, qu'ils se contentoient d'adorer leur Paciacama createur de toutes choses, & celuy, qui donne clarté au monde.

13 On ne prend point de disme sur leurs biens, sinon ce qu'ils offrent volontairement, de peur que vne telle leuee ne les fasche, & par cela n'estiment mal de nostre religion, laquelle ils n'entendent pas encor' bien.

14. Frere Hierosme de Loaysa est Archeuesque des Rois. Il y a en outre trois Eueschez, Cuzco, que est entre les mains de frere Jean Solano: Quito, qui rient Garzia Diez Arias: & Ciarcas, qui est à frere Thomas de S. Martin.

LIVRE CINQUIESME

DE L'HISTOIRE GÉNÉRALE des Indes.

Panama Chap. 196.



Depuis le fleuve du Pertu iusques au cap Blanc, qu'on appelle autrement le port de la Ferraille, on compte, suivant le long de la coste 1560. mil, en ceste façon: du Peru, qui est à 2. degrez au deça de l'Equinoxial, y a 240. mil iusques au goulfe de S. Michel, qui est à 6. degrez, & n'est qu'à 100. mil de l'autre goulfe d'Vraba, ou Darien, & a de tour 200. mil. Vasco Nugnez de Valuoale descouurit l'an 1513. comme il cherchoit la mer de Sur, autrement, Midy, ainsi que nous auõs recité en autre lieu, & trouua en iceluy force perles. De ce goulfe iusques à Panama il y a plus de 200. mil. Gaspar de Morales, capitaine de Pierre Arias d'Auile descouurit ceste coste. De Panama à la pointe de Guera passant par Paris, & Natan on cõpte 280. mil. de Guera, qui est

R

vn peu pl^s qu'à 6. degrez, on met 400. mil iusques à Borica, qui est vne poincte de terre à 8. degrez, de laquelle on cõpte encore 400. mil iusques au cap Blanc, qui faict la figure d'un ongle d'aigle, & est à 8. degrez, & demy au deça de l'Equinoxial. Ces 1080. mil ont esté descouverts par le docteur Gaspar de Spinosa de Medine du Champ, grand preuost de Pedrarias l'an 1515. ou 16. & par Diego Arias d'Auile fils du gouuerneur. Il est vray qu'un peu deuant Gonzalle de Vadaioz, & Louys de Mercado auoient couru par terre la coste de Paris, & Natan bien enuiron 200. mil. Pierre Arias d'Auile enuoya plusieurs capitaines descouurir, & peupler en diuers pays, cõme i'ay desia dict en autre lieu. Entre ceux-cy fut Gonzalle de Vadaioz, lequel partit de Darien au moys de Mars 1515. avec 80. soldats, & s'en alla au Nom de Dieu, où il demeura quelques iours raschant par vne paix attirer les habitãs, mais il ne peut, par ce que le Cacicque ne voulut aucunemēt prendre amirié avec luy, ny negocier. Alors arriua encor' là Louis de Mercado avec 50. Espagnols de Pedrarias mesme, & s'accorderent tous deux d'aller ensemble à la coste de la mer de Midy, qui auoit bruiet d'estre vn pays plus riche. Ils menerēt quelques Indiens pour les guider, & pour porter leurs hardes. Ils monterent au haut des montagnes, à la cime desquelles estoit Yuana seigneur de Coyua qu'ils nommerent la riche, par ce qu'ils trouuerent l'or où ils vouloient. Le Cacicque s'enfuit de peur qu'il eut de ces nouueaux hommes barbus & ne voulut iamais venir pour quelques messages qu'on luy enuoyast, pour ceste cause ils saccagerēt,

& brûllèrent le pays, & puis passerent plus auant emmenans grand nombre d'esclaues. Quand ie dis esclaues, ie n'entends pas que ce fussent Indiens libres qu'ils rendirent tels : mais cela se doit entendre de vrayes esclaues desia faits, desquels ils vsent fort en ce pays pour faire leurs semences, pour tirer l'or des mines, & pour faire autre seruice. Ils les marquent au visage de noir, & de rouge avec vn fer chaud, ou avec vn os, ou espine de poisson : ils leur font des rayes dedans les iouës, & mettent dedans certaine pouldre noire, ou rouge si forte que par quelques iours ils ne peuuent mâger, & depuis que cela est sec iamais ne perdēt couleur. De Coya nos gens ne feirent autre chemin que suivre l'eau, par ce qu'ils n'en sçauoient point d'autre ne rencontrans pas vn village, ny maison. En fin ils trouuerent deux hommes, qui portoient chacun vn sac plein de pain. Iceux les guiderent vers leur Cacique nommé Togoua, qui estoit auetgle, & les receut amiablement, & leur donna 6000. pesans d'or en grains, vases, & ioyaux. Il leur donna encor' nouuelles de la coste, & de la richesse qu'ils cherchoient. Ils partirent d'avec luy bié ioyeux, & contens, & prindrent leur chemin vers ponent. Ils arriuerent à vne ville de Taracuru, qui estoit vn Roy, qui auoit peu d'estendue de pays, mais tresriches : il leur dōna enuiron huit mille pesans d'or. Ils ruinerent Pananome par ce, qu'il ne voulut point les receuoir. De Taracuru ils sē allerēt à Tauror, où ils furent fort bié receuz par Ceru, qui leur feit vn present de 4000. pesans d'or. Ils estoient riche pour le trafic de sel, qu'o tiroit de son pays. Le lēdemain

ils furent à la ville de Natan, où ils eurent du seigneur 15000. pesos d'or. Ils sejournerent en ceste ville quelque espace pour la bonne chere que leurs faisoient les habitans. Ceste ville est bien approvisionnee de toutes choses, & a de bonnes maisons, qui ne sont couuertes que de paille. Vadaioz, & Mercado auoient desia 80000. pesos d'or en grains colliers, pendans, accoustremés de teste, vaisseaux, & autres pieces, qu'on leur auoit donnees, & qu'ils auoient prinſes, ou changees à autres choses. Ils auoient en outre 400. esclaves pour porter leurs hardes, & ceux, qui estoient malades. Au partir delà ils cheminoient sans ordre, & sans prendre garde à eux, par ce qu'ils n'auoient encore trouué aucune resistance. Ils cherchoient le Roy Pariza, ou Paris comme aucuns veulent dire, qui auoit le bruiet d'estre le plus riche seigneur de toute ceste coste. Paris en eut aduertissement par ses espions, il feit armer ses gens, & se mit au passage en embuscade. Quand nos Espagnols furent tombez en telle embusche, ils furent plustost chargez, bleſsez, & tuez que d'é apperceuoir quelque chose. Il demeura 80. Espagnols, & les autres s'enfuyrent. Paris eut les 80000. pesos d'or, les 400. esclaves, & toutes leurs hardes qu'ils emporterent chez eux. Mais il ne iouyt pas long temps de telles despouilles, par ce que depuis par plusieurs fois il perdit tout cet or, & deux fois d'auantage, avec tout son pays. Pedrarias ne peut pas aller venger la mort des siens à cause de sa maladie, il y enuoya Gaspar de Spinosa son grand preuost, qui cōquesta tout ce pays, descourrit toute la coste, & peupla Panama. Panama est vne peti-

te ville, mal fondée, & mal saine, mais a grád bruiet, à raison que c'est le passage pour aller au Peru, & à Nicaragua, & que le parlement y a esté quelque réps, & que c'estoit vn des premiers Eueschez: c'est vne ville de grande trafficque. L'air y est bon quád le vent vient de la mer, mais sil souffle de la terre il est fort mauuais, ainsi ce qui est bon icy est mauuais en la ville du Nom de Dieu, & au contraire. Le pays est fertile, & abondant, il produict de l'or, il y a force bestes, & oyseaux de chasse: le long de la coste on trouue des perles, des balcines, & crocodilles, qui ne passent point Tombez. On y en a tué quelques vns, qui auoient cent pieds de long, & a on trouué en leur estomach force cailloux, si ils les digerent ils ont vne grande chaleur naturelle. Les habitans de Panama se vestent, & parlent ne plus ne moins que ceux de Darien: & du pays de Cucua, qu'on appelle Castille de l'or. Leurs dances, ceremonies, & religion sont vn peu differentes, & ressemblent mieux à celles de l'isle de Hayti. & de Cuba. Ils taillent, & peignent, & accoustrent leur Ta-uira, qui est le diable, en la forme qu'il s'apparoist, & parle à eux, ils le iettent encore en or. Ils sont fort addonnez au ieu, au plaisir de la chair, au l'arrecin, & à oyfueté. Il y a en ce pays plusieurs esprits, qui de nuict succent les mammelles aux femmes. Il y a vn grand nombre d'hommes qui estiment que nous n'auons rien que naistre, & mourir, aussi ne se soucient ils de se faire enterrer avec du pain, & du vin, & moins encore avecques des femmes, & seruiteurs. Mais ceux, qui croient l'immortalité de l'ame, s'ils sont seigneurs, ils serót enterrez

avec leur or, armes, plumes & pennaches, & si ce sont autres on mettra en leur sépulture avec leurs corps du may, du vin, & des couuertures: si ce sont Cacicques on fait seicher leurs corps au feu, qui est leur façon d'embaulmer, & puis on les met dedans leurs tombeaux faicts en voute où on met avecques eux quelques vns de leurs seruiteurs, pour les servir en enfer, & celle de leurs femmes qu'ils auront mieux aimees. Ce pendant qu'on met le corps en terre, celles qui doiuent accompagner le mort dansent, font cuire leur boisson, & puis la boient, & aucunes fois vous en verrez cinquante. Il y en a plusieurs autres, qui se sentans malades à la mort, s'en iront mourir au meilieu d'un champ, où les oyseaux, les tygres, & autres animaux les mangent. Les Cacicques estans au liêt de la mort baissent les piedz à leurs enfans, ou neueuz, qui sont leurs heritiers, qui vaut autant à l'enfant comme s'il estoit couronné. Mais tout ce que nous auôs recité est allé à neant par leur conuersion, & vivent maintenant selon la religion Chrestienne. Il est bien vray qu'ils ne sont demeurez gueres à causes des premieres guerres, & pour le peu de iustice qu'on a faict au commencement.

Tararequi, Isle des Perles. Chap. 197.

GAspar de Morales s'en alla l'an 1515. au goulf de S. Michel avec 150. Espagnols par le commandement de Pedrarias, cherchant l'Isle de Tararequi, que les soldats de Valuoà disoient estre tresriche en perles. Il sceut qu'elle estoit pres de terre, il assambla grand nombre de Canoas, & d'Indiens que luy baillerent Ciapé, & Tumaco amis de Vasco, & passa

en ceste Isle avec 60. Espagnols. Le seigneur sortit au deuant pour empescher la descente, il combattit par trois fois avec noz gens avec vn heur esgal: mais à la quatrieme il fut rompu, & vouloit encore se reioindre, & deffendre son Isle, mais il quitta les armes, & feit paix avec Morales par le conseil; & prieres des Indiens du goulfe, qui luy remonstrent que ces barbus estoient inuincibles; amis des amis, & ennemis extremes à leurs ennemis, comme ils auoient bien demonstté à Ponca, Pocorose, Quereca, Ciape, & Tumaco, & à autres grands Cacicques, qui s'estoient vouluz attaquer à eux. Apres donc auoir conclud l'amitié avec nos Espagnols il les mena en sa maison, qui estoit belle, & grande: il leur feit vn festin à leur mode, & leur dōna vne cassette pleine de perles, qui pesoient 110. liures. Noz gens pour recompense luy dōnerent quelques miroirs, des couronnes de verre, des sonettes, des ciseaux, des haches, & autres petites merceries, qu'il estima encor' plus, que ne faisoient les Espagnols leurs perles. Il les feit monter en hault d'vne petite tour, & leur monstra des autres Isles tresriches en perles, & en or aussi, disant qu'elles estoient toutes à leur deuotion. Il cōfirma de rechef l'amitié entre eux, & se feit baptiser, on le nomma Pierre Arias du nom du gouuerneur, & promet de payer à l'Empereur, en la sauuegarde duquel il se mettoit, pour tribut 100. liures de perles par an. Noz gens puis apres se retirerent au goulfe de S. Michel, & de là s'en retournerent à Darien, Tararequi est à 5. degrez de l'Equinoxial, elle est fort abōdante en poisson, oiseaux, & connils, desquels y en a telle quātité

tant aux lieux habitez qu'inhabitez, qu'on les prît avec la main. Il y a en ceste Isle des arbres odoriferans approchâs à l'espicerie, qui fut cause que quelques vns pèserent que l'espicerie n'estoit pas loing de là, & suivant ceste opinion il y en eut, qui demanderent à faire le descouuremēt à leurs propres despens. La pècherie de perles estoit icy grande, & estoient les plus grosses, & les meilleures qu'o eust trouuē en ce nouveau monde. Des perles que donna le Cacique de ceste Isle, y en auoit plusieurs de la grosseur de noisettes, autres comme noix muscades, & si en trouua vne qui pesoit 26. carats, & vne autre 31. elle auoit la forme d'une poire muscadelle, elle estoit bien Orientale, & parfaicte: Pierre du port marchant l'achepta de Gaspar de Morales 1200. Castillans d'or. Depuis qu'il l'eut acheptee, il ne peut dormir de melācholie & de fâcherie qu'il print d'auoir baillé tant d'argent pour vne pierre, & des le lendemain la reuendit pour le mesme pris à Pedrarias d'Auile pour sa femme Dame Isabelle de Bouadillia, & puis Bouadillia la vendit à l'Imperatrice Dame Isabelle.

*Des perles.**Chap. 195.*

LE Cacique Pedrarias feit pècher des perles à ses ouuiers en presence des Espagnols, qui l'en prirent, & prindrent grand plaisir à telle pèche. Ceux, qui se meirent en la mer pour les pècher estoient gēs bien experts à nager entre deux eaux, aussi sont ils nourris toute leur vie à ce mestier. Quand la mer est calme ils vont dedans des petites barquerolles bien auant sur mer, & au lieu d'un ancre pour tenir leur naselle ils iettent en mer vne

Pierre attachee à vne corde faite d'escorçe d'aibre
resséblant au coudre, & puis ils se iettent dedans la
mer pour chercher les coquilles qu'on appelle me-
res perles, ayans chacun vn sachet pendu au col. Ils
sortirét plusieurs fois de l'eau chargez d'icelles. Ils
vôt sous l'eau plus de quatre, six, & dix stades loin,
par ce que d'autât que la coquille est grande, d'au-
tant plus se tient elle auant en la mer, & si quelque-
fois elle se trouue plus pres des riuës, cela auiet par
la tempeste de la mer, aussi qu'elles se coulent deçà
de là pour chercher leur nourriture, & l'ayans trou-
uee elles s'y arrestent iusques à ce qu'elles ayēt tout
mangé, alors si elles sentent qu'on les cherche elles
s'attachent si fort aux roches, & pierres, & l'une
contre l'autre qu'il faut auoir grand force pour les
tirer, & bien souuent ne les peut on auoir, aucune-
fois on les laisse pensant que ce soient pierres. plu-
sieurs se noyent en ceste pesche, ou à faute de pren-
dre vent en s'efforçant trop à arracher ces coquil-
les, ou s'encheuestrant parmy la corde, ou estans
renuersez par la rencontre de quelque gros pois-
son. Les sachets qu'ils pendent à leur col, sont pour
mettre les coquilles. Ils s'attachēt encore vne cor-
de au dessus de la hanche, & au deux bouts ils y pé-
dent deux pierres, qui portent iusques en terre, el-
les leur seruent de contrepoix de peur que la force
de l'eau les reiecte au dessus, ou les pousse deçà, de
là. Voila comment par toutes les Indes on pesche
les perles: & à cause que plusieurs mouroient en les
peschāt pour les dangers susdicts, & pour les grāds,
& continuels trauaux qu'ils enduroient, & pour le
mauuais traictement qu'ils receuoient des Espa-

gnols, l'Empereur feit vne loy entre celles que Blasco Nugnez apporta, par laquelle il defendit sur peine de mort qu'aucun n'eust à forcer les Indiens à faire telle pesche, estimant plus la vie des hommes, que le profit, qui luy venoit de ces perles, encor' qu'il fut grand. Ce fut vne loy digne d'un tel Prince, & d'une memoire perpetuelle. Les anciens escriuent pour chose merueilleuse auoir trouué dedans vne coquille où mere, perle quatre ou cinq perles. Mais quant à moy ie ne trouue cela si admirable, attédu que par noz Espagnols il s'en est trouué en ces Indes, qui auoient dix, vingt, & trente perles, & aucunes en auoient plus de 100. mais elles estoient menuës. Quand il n'y en a point plus d'une, elle en est plus grosse, & meilleure. On dit que les perles sont en leur coquille, comme les œufs sont dedans vne poulle, & que la mere perle les iette dehors comme la poulle faict ses œufs : ce que ie ne croy, par ce que si elle les iettoit, elles ne deuiendroient pas si grosses, si ce n'estoit qu'elle fut tousiours pleine. Il est bien vray qu'en un certain temps de l'an la mer se teint à Cubagua, où on a le plus pesché de perles, & de là on prenoit argument que les meres perles en certain temps iettoient leurs perles, & que, lors que la mer se changeoit ainsi, c'estoit vne purgation, qui leur aduenoit, comme aux femmes. Les perles iaulnes, celestes, verdes, & d'autre couleur, qu'on trouue en ce pays, doiuent estre artificielles, encor' que nature les puisse diuersifier aussi bien qu'elle faict les pierreries, & les hommes, qui estans tous d'une mesme chair, sont neantmoins de diuerse couleur. Les Indiens mettoient sur le feu

les coquilles pour manger ce qui estoit dedans, & alors les perles deuenoient noires, tellement que la nacre ne valloit rien. Ils n'auoient pas l'esprit d'ouvrir autremēt ces coquilles, aussi n'auoient ils perles, qui vallussent. La meilleure façon de perle est celle, qui est ronde: celle qui est en façon de poire, ou de gland n'est pas pire, on met puis apres celle, qui est comme vne noisete, encor' ne iette on celle qui est tortue, & bossue, ny la petite, toutes se porter, les vnes sont pour les riches, les autres pour les pauvres: il n'y a celuy, qui n'en porte, hommes, & femmes, tant elles sont deuenues communes: aussi ie ne sçache Prouince, où on ayt porté plus de perles qu'en Espagne, & en peu de temps, ce qui me fait admirer d'auantage. En fin les perles ont surpassé la richesse de l'or, & l'argent, & des esmeraudes que nous auons apportees des Indes: & toutefois ie voudrois bien sçauoir la raison pourquoy les anciens, & les modernes ont tant estimé les perles, veu qu'elles n'ont aucune vertu medicinale, & qu'elles s'enuieillissent assez aisément, comme on peut veoir quand elles ont perdu leur lustre clair, & naïfue blancheur. Quant à moy ie ne puis imaginer qu'elle peut estre ceste raison, si ce n'est pour l'amour de la blancheur, qui n'est cōmune aux autres pierres precieuses, car ie voy qu'on ne tient compte de celles, qui ont autre couleur, encor' que elles ayent vne mesme substāce. Ie pense encor' vne autre raison, c'est par ce qu'on les apporte de ce nouveau mode, & qu'au temps passé on les apportoit aussi de loingtains pays, & volōtiers nous estimons ce qui vient de loing, où bien on les estime

cheres par ce que bien souuent elles coustent la vie de l'homme, qui veut entreprendre de les pescher, comme nous auons recité.

Nicaragua.

Chap. 199.

DV cap Blanc surnommé Ciorotega on compte 520. mil de coste que descouurit Gilgonzalez d'Auile l'an 1522. En ce long espace on comprend le goulfre de Papagalli, Nicaragua la Possession, & la plage de Fonseca. Au deça du cap Blanc est le goulfe d'Ortega, qu'on appelle encor' Guetares, lequel Gaspar de Spinosa veid, sans en approcher autrement: mais Gilgonzalez y passa, & le comprenoit avec les pays qu'il auoit descouuers. Pedrarias d'autre part disoit que ce goulfe luy appartenoit, & que c'estoit assez de ce que son capitaine Gaspar l'auoit veu. Gilgonzalez pour faire ce descouurement equippa quatre caruelles à Tararequi, & les garnit de tout ce, qui luy estoit necessaire, comme pain, armes, & de la mercerie. Il mit dedans quelques cheuaulx, & plusieurs Indiens avec ses Espagnols. Il mena pour pilote André Nigno, & partit de là le 26. de Ianuier l'an susdict. Il costoya tout le pays que i'ay dit, & ce qu'il cherchoit le plus estoit vn destroit pour passer en la mer de la Tramōrane, ayant receu ceste charge du conseil des Indes. Car pour lors le differēt, qui estoit entre le Roy de Portugal, & l'Empereur touchāt l'espicerie estoit fort enflambé, & pour oster toute dispute la resolution estoit qu'ō ne faisoit point de tort aux Portugalois si on pouuoit passer aux Moluques sans aller par la route de l'Afrique, & pour ceste cause on cherchoit trefardamment vn destroit par ces Indes, & auoit:

on asseuré à l'Empereur selon le iugement des pilotes qu'il y en auoit vn en ce quartier. Ainsi Gilgonzalez, qui auoit la charge de le trouuer, recherchoit par tout soigneusement, & y fut si long temps qu'il consumma toutes ses prouisions, & mesme les vaisseaux furent tous rôgez par les vers, qui ont accoustumé s'engendrer entre les aiz, qui sont dedans l'eau, quand le vaisseau est trop long temps en mer. Il print possessiõ de ce pays au nom du Roy d'Espagne, en signe de quoy il nomma vn fleuue, qu'il trouua, le fleuue de la possessiõ, & pour l'amour de l'Euesque de Burgos president des Indes, qui le fauorisoit, il surnomma la plage de Fonseca, & nomma vne Isle, qui est au dedans de ceste plage, Petrouille, à cause de sa niepce, qui s'appelloit ainsi. Du port de saint Vincent André Nigno s'en alla descouurir par mer, & Gilgonzalez se meit à terre avec 100. Espagnols & 4. cheuaulx, entrant auant en pays. Il rencõtra Nicoyan homme riche, & puissant, avec lequel il feit paix, le prescha, & le cõuertit: il le baptiza avec toute sa famille, & à son exemple se conuertirent, & se feirent Chrestiens en 17. iours quasi tous ses vassaulx. Il donna à Gilgonzalez 14000. pesans d'or, & 6. Idoles d'or pur de la hauteur de la main chascun, disant, qu'il les emportast, puis qu'il n'auoit plus que faire de parler à eux, ny de les prier comme il auoit accoustumé. Gilgonzalez luy donna de ses petites merceries, & s'imforma de luy de l'estat du pays, & d'un grand Roy nommé Nicaragua, qui estoit à 200. mil de là. Il se meit en chemin pour l'aller trouuer, & estant pres de luy, y enuoya deuant vn messager, par lequel

il luy madoit qu'il estoit son amy, puis qu'il ne venoit point pour luy faire aucun mal, & qu'il ne demandoit de luy autre chose sinon qu'il se fait amy, & vassal de l'Empereur, qui estoit Chrestien, & grand seigneur, & que son amitié luy apporteroit grand profit, luy denonçant la guerre s'il ne vouloit accepter ceste amitié. Nicaragua entendant la façon de faire de ces nouveaux hommes, leur resolution, la force de leurs especs, la braueté des cheuaux, enuoya faire sa responce par quatre gentils-hommes de sa court, laquelle estoit telle que pour le bien, que coustumierement apporte vne paix, il acceptoit son amitié, & promettoit receuoir la foy Chrestienne si il la trouuoit aussi bonne, comme on la louoit. Ainsi il receut humainement les Espagnols en sa ville & en son palais, leur dōna 25000. pesans d'or, & autres meubles, & pennaches. Gilgonzalez pour recompense d'un tel present luy donna vne chemise de lin, vn saye de soye vn bonnet d'escarlata, & autres choses. Il le fait prescher, & annoncer la parolle de Dieu par vn religieux de l'ordre de la Mercé, qui entre autres poincts confuta si clairement leur idolatrie, yurongnerie, dances, sodomie, sacrifices de sang humain, qu'incontinent Nicaragua avec sa famille, & toute sa court se fait baptizer. A son exemple 9000. personnes de son Royaume receurent le baptisme, qui fut vne grande conuersion encor' qu'on die qu'elle ne fut pas bié faicte, mais ce leur estoit assez pour le commencement de croire de cueur seulement. De tout ce que leur dit Gilgonzalez ils se cōtenterent fort, excepté de deux choses : l'une estoit de ce qu'ils leur

defendoit la guerre, l'autre de ce qu'on leur ostoit les danſes, & leur defendoit on l'irongnerie. Car ils trouuoient cela rude de laiſſer les armes, & de perdre le plaifir qu'ils prenoient à ſenyurer, & danſer, diſans, qu'ils ne faiſoient tort à perſonne en danſant & en prenant leur plaifir, & qu'ils ne vouloient point cacher leurs enſeignes en lieux obscurs, ny leurs arcs, leurs morions & pennaches, & qu'ils ne vouloient point laiſſer le maniement de la guerre, ny de leurs armes à leurs femmes, pour filer au lieu, & labourer la terre comme font les femmes, & les eſclauſes. Gilgonzalez n'oſa repliquer à cela par ce qu'il les voyoit enflambez. Il ſe fit, incontinent ietter hors de leur grand temple toutes les Idoles, & au lieu y ſe fit mettre vne croix. Il ſe fit dreſſer hors la ville vne autre croix afin qu'à l'entree, & ſortie de la ville ils ſ'humiliaſſent touſiours, & puis il ſe fit faiſre vne proceſſion, où tous pleuroient en grande deuotion, & chantoient en muſique comme on a accouſtumé loüans tous dieu. Nicaragua avec tous ſes Indiens ſuiuoit, qui fut vne choſe fort belle à veoir.

Les demandes de Nicaragua. Chap. 200.

CE pendant que noz Eſpagnols eſtoient avec Nicarauagua il ſe fit pluſieurs diſputes avec Gilgonzalez, & les religieux. Car c'eſtoit vn homme accort, ſage, aduiſé, & bien entendu en leurs ceremonies, & religion, & ſçauoit beaucoup de choſes de leur antiquité. Il demanda ſi les Chreſtiens auoient cognoiſſance du deluge, qui noya toute la terre, les hommes & beſtes, & ſi il en deuoit venir vn autre: Si la terre ſe deuoit renuerſer ſans deſſus

deffoubs: Si le ciel deuoit tomber: quand le Soleil, la Lune, & les estoilles deuoient perdre leur clarté, & leur cours: quelle estoit la cause, qui rendoit la nuit obscure: qui cauſoit le froid. Il reprenoit nature en ces deux choses de ce qu'elle n'auoit fait la clarté, & la chaleur perpetuelle, puis qu'elles estoient meilleures que l'obscurité, & froidure. Il demanda en oultre quelles graces il falloit rendre, & quel honneur il falloit porter au Dieu des Chrestiens, qui auoit fait les cieux, le Soleil (que entre eux ils ſouloient adorer pour Dieu) la mer, la terre, & l'homme, qui est maistre des oiseaux, des poissons, & de tout le reste du monde: où se retiroient les ames, & ce qu'elles faisoient apres estre sorties du corps. Il demanda semblablement si le Pontife Romain Vicaire de Iesus Christ, & Dieu des Chrestiens en terre mouroit, & vouloit ſçauoir comment Iesus Christ estoit Dieu, & homme, & comme ayant tousiours esté Dieu il auoit esté mortel, comment ſa benoiſte mere estoit vierge ayant enfanté: comment l'Empereur, & Roy d'Eſpagne, duquel on luy recitoit tant de prouèſſes & de vertus, estoit mortel: & demandoit encor' pourquoy si peu de gens qu'ils estoient vouloient auoir tant d'or qu'ils cherchoient. Gilgonzalez, & tous les ſiens furēt fort esmerueillez oyans telles demandes sortir de la bouche d'un homme demy nud, barbare, & ſans lettres, auſſi à la verité telles demandes estoient admirables en la personne de ce Nicaragua, & iamais Indien, que ie ſçache, ne parla à noz Eſpagnols de la façon que feit ceſtui-cy, Gilgōzalez luy reſpōdit cōme Chrestien,

&

& le contenta de tout ce, qui luy auoit demandé, par raisons tirees de philosophie, & de theologie. le ne descriz point icy les raisons: car ce seroit vne chose trop longue, & mesme possible ennuyeuse au lecteur, puis que chasque Chrestien les sçait, & les peut aisément considerer. Apres la response, de Nicaragua, qui escoutoit attentiuement, se conuertit: Il demanda en l'oreille au truchement si ces hommes Espagnols, qui estoient si subtils, & si prudents estoient descendus du ciel, & incontinent demanda le baptesme consentant de ietter hors, & rompre tous ces Idoles.

Ce que GilgonZalez fait depuis en ces pays. Chap. 201.

Gilgonzalez voyant qu'on le traictoit si amiablement voulut sçauoir dextremēt les secrets, & quelles estoient les richesses du pays, & veoir si l'on touchoit à celuy que Cortes auoit conquis: car il en pensoit quelque chose, à cause qu'il voyoit les habitas de ce pays ressembler en beaucoup de choses à ceux de Mexique selon les nouuelles qu'il en auoit ouy. Ainsi il s'achemina vers ce quartier là, il rencontra plusieurs villes, qui n'estoient pas grandes, mais toutefois estoient bonnes, & bien peuplées, ils ne pouuoient compter par les rues la grande foule d'Indiens, qui sortoient dehors pour les veoir, & contempler leurs vestemens, leurs barbes, & leurs cheuaux. Le plus grand seigneur qu'ils rencontrerent apres Nicaragua, fut vn nommé Diriangen, qui estoit vn Cacique belliqueux, & vaillant. Il vint accompagné de cinq cents hommes, & 20. femmes, marchans tous en ordonnance de guerre, encores qu'ils n'eussent point d'armes, portans dix

enseignes, & cinq cornets, desquels ils sonnoient comme si ils eussent esté en guerre. Quand ils arriuerent les cornets cesserent, & plierent leurs enseignes. Diriangen toucha en la main de Gilgonzalez, aussi feirent tous les 500. luy presentans chascun vn coq, où deux. Les 20. femmes luy presenterent 20. haches d'or chascune, la piece pesoit 18. pesans d'or, & quelques vnes plus. Ce present fut plus beau que riche : car l'or n'estoit que de 16. carats, ils vsent de ces haches à la guerre, & à bastir. Diriangen dit qu'il estoit venu veoir ces hommes si nouueaux, & si estranges suiuant le bruit qu'il en auoit entëdu. Gilgonzalez le remercia grandemēt de tout, & luy donna autres choses qu'il estimoit beaucoup, & le pria qu'il se fist Chrestien. L'autre respondit qu'il estoit content, demandant seulement trois iours de terme pour en communiquer avec ses femmes, & ses prestres. Mais ce n'estoit que pour ce pendant assembler gens, & voler les Chrestiens, desprisant le peu d'hommes qu'ils estoient, & disant qu'ils estoient seulement hommes comme luy. Ainsi il s'en alla, & retourna en bon equipage secretemēt, sans estre descouuert, & puis tout d'un coup avec grands cris vint donner à l'impourueu sur noz gens pensans les estonner, & les rompre, & puis les manger. Mais Gilgonzalez ayant esté aduertty par ses sentinelles comme ses ennemis approchoient se meit incontinent en point, & en ordre de combattre. Diriangen assaillit noz gens vaillamment, & fut receu aussi courageusement: le combat dura vn iour, & vne nuit, & puis Diriangen se retira avec perte de plusieurs des siens, fai-

fant autre compte de ces barbus qu'il n'auoit fait, & les estimoit plus qu'hômes. Il appella ses amis, & voisins au secours se disant estre iniurié de ce qu'il n'auoit esté le victorieux. Gilgonzalez remercia Dieu seigneur des batailles de ce qu'avec si peu d'Espagnols il l'auoit deliuré d'entre tant d'Indiës; & ayant entendu que son ennemy le vouloit venir encor' vn coup chocquer ayant peur de ce, ou voulant seulement sauuer l'or qu'il auoit il se retira du chemin de ce Cacique, & en print vn autre à l'escart tirant vers la mer. Il endura de grands trauaux à son retour comme la faim, où estre en danger d'estre noyé. Il feit plus de 600000. mil de chemin allant de ville en ville: il baptisa 32000. personnes; & eut 200000. pesans d'or, vne quantité estoit de bas or: on luy en auoit donné vne partie, & auoit prins l'autre: aucuns en comptent d'auantage, autres moins. Mais pour le moins il en rapporta vne grande richesse, & telle qu'il n'eust iamais pensé, ce qui le feit deuenir incontinent fier, & hautain. Il retrouua à saint Vincent André Nignò, qui auoit; selon qu'il affermoit, nauigué plus de 1200. mil de coste vers Ponent sans auoir peu trouuer aucun destroit. Gilgonzalez s'en retourna à Panama, & de là s'en alla en l'Isle de saint Dominique pour rendre compte de son voyage, & pour equipper; & appareiller autres vaisseaux pour retourner à Nicaragua par les Hôdures, pour sçauoir en quel endroit s'escouloit le lac. Mais nous auons desja dit en autre lieu quand, & comme il s'y en alla, & comme il se perdit, & comme Christophle d'Olid le feit prisonnier.

LEs Espagnols, qui allèrent avec Gilgonzalez, retournerent si cōtens de la beauté, frescheur, bōté & richesse du pays de Nicaragua que Pedrarias d'Avile postposa le descouvrement du Perù, que vouloient entreprendre Pizarre, & Almagro, à cestui-cy. Ainsi il enuoya des gens sous la charge de François Hernandez à Nicaragua, qui en peu de temps conquirent grande estendue de pays, & amasserent grande quantité d'or. Ils bastirent sur le lac la ville de Grenade, & la ville de Leon, où est le siege Episcopal, & le parlement: ils fonderent encores autres lieux: mais ces deux sont les principaux. Le port où se faiët le trafic de marchandise est au fleuve de la possession. Gilgonzalez estant aux Hōdures, ou au cap d'Higueras sceut les nouvelles de ce que faisoit Hernandez à Nicaragua, de quoy fâché au possible voyant qu'on luy tolissoit le fruit, de ces travaux, feit voile à Nicaragua, & ayant pris terre marcha contre Hernandez, avecques lequel il combatit par trois fois, mais l'autre en fin demeura au pais victorieux, & Gilgōzalez fut cōtraint se retirer vers ses vaisseaux, où Christofle d'Olid le prit. Pedrarias estât debouté de Castille de l'Or s'en alla à Nicaragua, qu'o luy auoit au lieu de l'autre baillé pour gouverneur, & feit trêcher la teste à François de Hernádez, disants qu'il machinoit de se rebeller avecques le pays, & s'en faire gouverneur par quelques pratiques qu'il auoit avecques Ferdinád Cortes, mais ce n'estoit qu'un faux pretexte pour le faire mourir, & iouyr seul de ce pays. Quant au lac de Nicaragua, c'estvne chose notable pour sa grādeur,

pour estre bien peuplé tout autour, & pour les belles isles qu'il a : il croist, & décroist: il n'est qu'à dix ou douze mil loing de la mer de Midy, & iette son eau vers la mer de Tramontane par vn canal, où fleuve, qui en sort, par lequel, ainsi que j'ay recité en autre lieu Melchior Verdugo descendit de Nicaragua, avecques des barques à la ville du Nom de Dieu. Ce canal à plus de trois cents mille de longueur.

De la montagne Masaya. Chap. 203.

Dix mille loing de la ville de Grenade, & à 30. de celle de Leon, il y a vne montagne rase, & ronde qu'ils appellét Masaya, qui iette du feu. C'est vne chose autant admirable qu'autre, qui soit au monde. Sa bouche, par laquelle elle iette son feu, est ronde, & à de tour bien deux mille, on y descend plus de 250. bralles, & par dehors, & par dedans il n'y croist aucun arbre, ny herbe : les oyseaux toutesfois y fond leurs nids sans auoir peur du feu. Aupres de ceste bouche : il y en a encores vne autre, qui est large autant que peut porter vne arquebuzé, iusques au feu on compte coustumierement 150. stades, vn peu plus ou moins, selon qu'il boult, & aucunes fois ceste masse de feu s'esleue plus hault, & iette dehors si grande clarté qu'on la void bien de 60. & 90. mille. Ce feu va d'une bouche en l'autre, & quelques fois on oit sortir de là des gemissements grands, qui font peur aux plus asseurez. Mais iamais ne iette tisons, pierres, ny cendre, come font les autres montagnes qui iettent feu. Pour ceste cause & pour-ce qu'elle boult tousiours, plusieurs ont estimé que c'estoit vne veine d'or fôdue.

Vn iour F. Blaise d'Ynnesta Iacobin, & deux autres Espagnols, voulurent sçauoir que c'estoit, & quel metal ce pouuoit estre. Ils se firent deualer en trois panniens en la premiere bouche le plus bas qu'ils peurent, & puis de là descendirent iusques au fond vn chaudron attaché à vne chaine de fer, dedans lequel ils meirét vn boulet d'artillerie pour le faire enfoncer. La chaine coulla 140. brassées, & le chaudron estant au feu, se fondit incontinent avec quelques anneaux de la chaisne. Ainsi ils ne peurent auoir cognoissance de ce qu'ils vouloient sçauoir. Ils furent là toute la nuit sans auoir besoing de chandelle. Ils remonterent en leurs panniens bien trauallez pourneant, & estonnez d'un tel œuure de Dieu. L'an 1551. on donna permission au Docteur & Doyen Iean Aluarez pour ouurir ceste môtagne, & en tirer le metal qui est dedans.

La qualite du pays de Nicaragua. Chap. 204.

LA prouince de Nicaragua est grâde, & est plus saine, & fertile, que riche, encor' qu'on y trouue quelques perles, & vn peu d'or. Elle estoit embellie de fort beaux iardins, & d'arbres tousiours verdoyans. Mais aujourd'huy il n'y en a plus tant. Les arbres y croissent hauts, il y en a vn qu'on appelle Cerba, qui grossit si fort que quinze hommes ne le sçauroient embrasser. Il y en a d'autres qui viennent en forme de croix, autres desquels la fueille seiche quand on y touche. Il y a en ce pays vne herbe, qui faict creuer les bestes, laquelle est aussi assez commune au Nom de Dieu. Ils ont plusieurs arbres, qui portent fruiet comme prunes rouges, avec lequel ils font du vin : ils en font aussi

d'autres fruiçts, & de maiz. Nos gens en font de miel qui est en ce pays en grande abondance, & cōserue leur bonne couleur. Les coucourdes & calabasses meurissent en quarāte iours, & en font grosse marchandise, par ce que ceux, qui vont par pays, ne feront pas vn pas, sans en porter vne, pour le defaut d'eauë qui est par les champs: aussi n'y pleu il gueres. Les serpens sont fort grands, & conçoient par la bouche, comme on dict, des viperes ou aspicz. Par routes les Indes on a veu beaucoup de ces grands serpsēs, les plus grands estoient au Peru: mais ils n'estoient si hardis, ny si veneneux que les nostres, ou ceux de l'Afrique. Il y a en ce pays des porcs, qui ont le nombril en l'eschine, & si on les tue, ils se corrompent, & sentent mal incontinent, si premierement on ne leur coupe ce nombril. En la mer de Nicaragua on veoid coustumierement des balaines, & autres poissons monstrueux, qui eslançant hors de l'eauë la moitié de leurs corps, se gallent quasi à la hauteur des maz des nauires. Ils ont la teste grosse comme vn tonneau, & leurs ailerons longs comme gros cheurons de 25. pieds. Avec iceux ils battent l'eau si rudement, & avec vn si grand bruit, qu'ils estourdissent les nauigeans, & n'y a celuy qui n'en ayt peur, croyant qu'ils doiuent mettre en fond, ou brizer le vaisseau. Il y a encor' vne autre sorte de poissō q̄ porte escaille, q̄ ressemble à celuy qu'on appelle à Marseille, Mendola. Ce poisson estāt en poëlle, grongne cōme vn porceau, & rôfle en la mer: pour ceste cause, ils l'appellēt rôfleur. Vne fois cōme Frāçois Brauo, & Diego Daza soldats de Frāçois Hernandez par vn naufrage s'en

alloient perdus à la fortune du vent, & de l'eau sur vne piece de bois, sur laquelle ils naniguerent, ou pour mieux dire, nageoient, par l'espace de neuf ou dix iours sans boire, & sans manger que des cācres qu'ils prenoient sur leurs cūysses, & en leurs heines, ils eurent la moitié de leur membre mangé, & rongé par ces cancre, ainsi qu'ils reciterent, & monstrent à Tuenqué, où ils aborderent. Ces poissons ne les mangeoiēt, ny mordoiet en autre lieu, qu'au membre, & aux couillons.

Costumes de Nicaragua. Chap. 205.

Les villes de ce pays ne sont pas grandes, mais sont en grand nombre, & en leur situation, & bastiment ont vn ordre certain, vous y verrez les maisons des seigneurs differentes de celles de leurs vassaux. Mais és villages, qui sont fort frequents en ce pays, toutes les maisons sont esgales. Leurs Palais & Temples ont au deuant de grandes places enuironnees des maisons des nobles, & au milieu y a vne maison pour les orfeures, qui sont bons ouuriers à merueilles. En aucunes Isles, & sur les fleuves ils font leurs maisons dedans les arbres comme les cinges, & dorment là dedans, & y aprestēt leur manger. Les habitans de ce pays sont de bonne stature ils sont plus blancs qu'oliuastres. Ils ont vne fossette au milieu de la teste qu'ils se font en ieunesse pour beauté. Pour porter la somme à leur mode plus aisément, ils se rasent la moitié des cheueux de deuant; mais les autres, qui s'estiment bragards, & vai l'ins, rasent tout, excepté le sommet de la teste. Ils se percent le nez, les leures, & les oreilles, & s'habillent quasi à la maniere de ceux de Mexique.

Les femmes portent des colliers, & brasselets d'or & escarpins de mesme. Elles vont aux foires, & aux marchez, & les hommes nettoient la maison, font le feu, & autres choses, & mesme à Duraca, & à Caniores ils filent. Ils pissent où ils veulent, cōme font nos femmes par deçà, & les femmes de ce pays pissent tout debout. A Orotina les hommes vōt tous nus, & se peignent les bras. Aucuns lient leurs cheveux derriere la teste sur le col, autres les lient en poincte au sommet. Ils lient tous leur membre par entre les fesses, tant pour le bien de la generation, ce disent-ils, que pour l'honesteté. disans que c'est aux bestes brutes de le porter pendant. Les hōmes seulement portent des brayes, & les cheveux longs entrelassez en deux cordōs. Tous prennēt plusieurs femmes : mais il n'y en a qu'une legitime, qui se prend avec ceste ceremonie. Le prestre prend l'espoux, & l'espouze par leurs petits doigts, & les meine en vne petite chambrette, où il y a vn feu allumé, & tandis qu'il dure, le prestre leur fait certaines admonitions: mais apres qu'il est estaint, le mariage est consommé. Si l'espoux prend, son espouse pour vierge, & qu'il la trouue corrompue, il la peut repudier: mais non autrement. Aucuns baillent leurs filles aux Caciques pour les despu-celler, pensans les honorer d'auantage: ce qu'ils font aussi pour oster tout le soupçon qu'on pourroit auoir d'ailleurs. Quand les femmes ont leurs mois, les maris ne couchent point avec elles, ny aussi au temps qu'ils font leurs semailles, ou qu'ils ieusent, en ce temps là aussi ils ne mangēt point de sel, ny de vinaigre, & ne boiuet chose, qui les puisse

enyurer. Les femmes quand elles ont leurs moys n'entrent point au Temple. Ils confinent en perpetuelle prison celuy, qui prend deux femmes legitimes avecques la ceremonie susdicte, & on donne tout son bien à la premiere femme. Si la femme commet adultere, on la repudie en luy rendant ce qu'elle a apporté, & ne se peut plus marier. Quant à celuy, qui commet l'adultere, on luy donne des coups de baston: mais on ne le peut pas tuer impunément, & si n'y a que les parés de la femme, & celuy qui se veut venger des cornes qu'on luy faict, qui soient deshonnez. Aussi vne femme qui va prendre la compagnee d'un autre n'est point autrement recherchée de son mary, si l'aime bien, & n'est recoit aucune peine ny deshonneur pour cela: mesme les maris consentent que leur femmes couchent avec d'autres en certaines festes de l'an. Deuant qu'elles soient mariees elles sont communement mauuaises: mais apres elles sont bones. En plusieurs villages, qu'ils appellent Beetric, les filles parmi les assemblees qu'on fait aux festes eslisent leurs maris entre grand nombre de iouuéeaux, avec lesquels elles banquettent toutes pisse melle. Celuy qui force vne fille, si l'y en a plainte, est faict esclaue ou paye le dot. Si c'est vn esclaue, ou seruiteur, qui couche avec la fille de son maistre il est enterré tout vif avec elle. Ils ont des bordeaux & putains publiques qui ne coustent que dix cacaos, qui sont come noisettes. Où ils ont de ces putains, ils lapident les sodomites. Quand les Espagnols arriuerent en ce pays les habitans ne voulurent plus coucher avec leurs femmes, afin qu'ils n'engédraissent point des escla-

ues pour les Espagnols. Pedtarias, voyât qu'é deux
ans aucun enfant n'estoit venu au monde leur pro-
meit qu'il seroient bien traictez. Ainsi ils enfante-
rent comme de coustume, & ne suffoquoient plus
leur part, comme ils auoient encômençé. Ils requi-
rent à leurs Idoles qu'ils chassassent les Espagnols
dehors, le diable leur respondit qu'il ne les pou-
uoit chasser qu'en mettât la mer sur leur dos : mais
qu'il failloit qu'ils demeurassent, par ce qu'é les cui-
dant par ce moyé chasser, il noyeroit tout le pays.
Les pauures ne demandent point pour l'amour de
Dieu, & ne demandent qu'aux riches, disans, ie
ne demande que par necessité. ou par maladie. Ce-
luy qui va demeurer d'une ville en l'autre, ne peut
vendre ses possessions, ny les maisons qu'il a : mais
les peut laisser à son plus proche parent. Ils gar-
dent iustice en beaucoup de choses : les ministres
d'icelles portent des esuentaux, & petites baguettes
pour signe & marque de magistrat. Ils coupét tous
les cheueux à vn larron, & demeure esclaué à celuy,
à qui il a fait le larcin, iusques à ce qu'il ait satisfait,
& le peut on vendre, & ioüer : mais non pas le chā-
ger, & mettre à rançō, sans la volonté du Cacicque,
ou du gouuerneur, & s'il est long tēps à payer, on le
sacrifie. Il n'y a aucune peine establie contre celuy,
qui auroit tué le Cacicque, par ce que, ce disent ils
il n'y a aucun vassal qui voulust entreprendre, ny
excogiter vn si meschant acte. Il n'y aussi aucune
peine cōtre ceux qui auroient tué vn esclaué : mais
celuy qui auroit tué vn homme libre, en doit payer
vn de mesme qualité à ses enfans, ou à ses parés. Ils
ne peuuent faire aucune assemblée sans les Cacic-

ques, spécialement touchant la guerre, ou sans le capitaine de leur republique. La guerre qu'ils font avec leurs voisins, est touchant leurs limites, leur chasse, & seulement pour qui est le meilleur, & encores pour moins. Ceste facilité de se guerroyer l'un l'autre s'estend par toutes les Indes. Ils font aussi la guerre icy pour enleuer quelques vns de leurs voisins, pour les sacrifier. Chaque Cacique en guerre, & en paix a des enseignes, & marques particulieres pour distinguer ses gens d'avec les autres. Les vieillies franches, & libres eslisent pour capitaine general le plus expert, & le plus habille d'entr'eux, & luy donnent puissance de commander, & chastier absolument sans appel. La peine d'un couard, est de luy oster ses armes, & le chasser du camp. Chascun soldat fait sien tout ce qu'il prend sur son ennemy, excepté les hommes, lesquels on amene en public pour estre sacrifiez, sans pouuoir estre rachetez. Ils sont courageux, caults, & fins en guerre pour attraper leur ennemy. Ils ont entre eux force esprits qui s'apparoissent à eux, ainsi qu'eux mesme racomptent, en forme de chiens, & de cinges. Les vieilles ont le soing des malades, & non seulement en ce pays, mais aussi en plusieurs isles, & par toutes les Indes. Quand elles veulent faire prendre vne medecine à leur patient, elles prennent en leur bouche la decoction, & par un entonnoir la soufflent dedans la bouche du malade. Nos Espagnols se moquent d'elles & en se mocquans pettent quand ils les voient ainsi souffler, & leur font cent mille autres mocqueries.

IL y a en Nicaragua cinq langages bien differens, le premier est celuy, duquel vsent les Coribiciés, qu'on louë fort: le second s'appelle Ciorotega, qui est le naturel du pays, & l'ancien, & ceux qui en vsent ont entr'eux droit de succession, & se seruēt de cacao qui est leur monnoye & richesse du pais. Ceux cy sont hommes vaillants, cruels, & subiets à leurs femmes, ce que ne sont pas les autres. Le tiers est Ciondale, qui est grossier, & duquel vsent les villageois. Le quart s'appelle Oroiegua, qui est pour les petis enfans. Le quint est Mexicquain cestuy cy est le principal, & ceux qui en vsent ont vne conformité d'habillemens, de religion, & de langage avec les Mexicquains, encor qu'ils soient loing de la ville de Mexicque plus 1000. mil. Ils disent que la cause de ce langage est vne grande & generale seicheresse, qui dura fort lōg temps à Auanaç, qu'aujourd'huy on appelle nouvelle Espagne, à l'occasion de laquelle plusieurs Mexicquains sortirent de leurs pays, & vindrent par la mer Australe s'habituier à Nicaragua. Or soit comme ce soit, si est il bien certain que ceux, qui parlent ce langage Mexicquain, ont pour lettres les mesmes figures qu'ot ceux de Culhua, & ont leurs liures de peaux de mouton larges d'un palme, & longues de douze redoublees, & pliees l'une dedans l'autre, où ils peignent des deux costez avec de l'azur, du rouge, & autre couleur les choses memorables, qui aduient en leur pays, & dedans tels liures estoient decrites leurs loix, & leurs ceremonies fort semblables à celles des Mexicquains, comme on pourra voir, si on confronte ces liures avec ceux de Mexiq̃.

Mais tous les habitans de Nicaragua n'vsent pas de telles façons de ceremonies. Car les Ciorotegs font leurs sacrifices à leurs idoles aussi differens de ceux cy, comme ils sont differens en langage, & autant des autres. Nous en reciterôs quelques particularitez, qui ne sont aux autres endroiçts. Tous les prestres se marient, hors mis ceux, qui escoutent les pechez des autres, & commandent la penitence selon le delict, & n'oseroient reueler la confession sur peine de chastiment. Ces prestres leur annoncent les festes, qui sont en nombre 18. & sont au commencement de leurs môys. Quand ils font leur sacrifice, ils se tiennent deuant le tēple de leurs dieux, & là on leur ameine l'hostie, laquelle ils ouurent avec vn cousteau de pierre, ou caillou. Ils aduerriſſent aussi combien d'hommes il faut sacrifier, si ce doiuent estre fēmes, ou esclaves prins en guerre, ou non, comme là feste se doit celebrer, & quelles prieres il faut faire, & ce qu'il conuient offrir. Le prestre, qui faict l'office, fait trois tours à l'entour de celuy qu'on veut sacrifier, chantant pesamment comme pleurant, & apres, luy ouure la poitrine, luy brouille le visage avec son sang, luy arrache le cœur, & desmembre tout son corps. Il donne le cœur au prelat, les pieds, & les mains au Roy, les cuisses à celuy, qui l'a prins, les trippes aux trompettes, & le reste au peuple, à fin que chacun en mange sa part. Il fiche la teste dedās certains arbres que on plante là aupres pour seruir expressement à ce mestier. En chasque de ses arbres est escript le nom d'une des prouinçes, contre laquelle ils font guerre, & ne pendent la teste du sacrifié à autre arbre

qu'à celuy, qui portera le nom de la prouince où il aura esté prins . Mais si celuy qu'on sacrifie n'est pas prins, mais achepté, ils en vsent autrement. Car ils enterrét toutes les entrailles, & parties interieures, avecques les mains, & les pieds mettans le tout en vne coucourde ou calbasse, & bruslent le cœur & tout le reste du corps, excepté la teste qu'ils pendent à ces arbres. Plusieurs fois ils sacrifient des hommes, & enfans d'entre-eux mesmes, quand ils sont acheptez . Car il est permis au pere vendre ses enfans, & mesme vn chacun se peut vendre . Quand ils font sacrifice de tels gēs ils ne les magent point. Ce pendant qu'ils mangēt la chair des sacrifiez, ils dansent, & ballent tant que leurs iambes les peuuent supporter, & s'enyurent avec leur vin, & avec vne fumee qu'ils font expres. Mais deuāt que s'enyurer ainsi le prestre frotte les iouēs, & la bouche de l'Idole du sang de l'hostie, & ce pendant les autres chantent, & le peuple en grāde deuotion auēc l'armes fait sa priere. Ils vont puis apres en procession les prestres portēt certains accoustremēs de cottō blanc faits comme les aulbes de nos prestres, & ont plusieurs autres choses, qui leurs pendēt depuis les espaulles iusques aux talōs, & au bout ont des bourfes au lieu de houppes, dedans lesquelles ils portēt des rasoirs de pierre noire, des poinçons de quelque metal, des cartes, du charbō en pouldre, & certaines herbes. Quāt au peuple, chacun porte des bādelettes, avec l'idole qu'il aime mieux, & des petits sachets pleis de pouldre, & des poinçons. Les ieunes garçons portent des arcs, fleches, dards, & boucliers. Pour banniere ils portēt l'image du diable fischee

en vne picque, le plus vieil & honorable prestre la porte. Tous les prestres vont en rang châtans tousiours iusques au lieu de l'idolatrie, estans là arriuez ils estendent vne couüerture, & iettent forces roses, & fleurs dessus, à fin que l'image du diable ne touche point à terre, puis aussi tost leur chant cesse, & font vne priere: puis le prelat frappe vn coup de sa main, au son duquel vn chacun incontinent tire de son sang, aucuns en tirent de la langue, autres des oreilles, autres de leur membre, vn chacun en tire selon sa deuotion. Ils prennent ce sang sur de la carte, ou sur leur doigt, & quand l'offerte se faict ils pinssent avec ceste carte, ou le doigt la face de leur image diabolicque, & ce pendant que ceste offerte dure les ieunes garçons en l'honneur de la feste dansent, & escarmouchent l'vn contre l'autre. Apres vn chacun pense sa playe avec de la pouldre, des herbes ou charbó qu'ils portent pour cest effet. En quelques vnes de ces processions ils font certaines benedictiõs sur du mays, & l'arrousent avec du sang de leurs parties honteuses, & puis le distribuēt & mangent entr'eux comme nous faisons nostre pain benist.

Quahuicmalan. Chap. 108.

CE pendant que Gilgonzalez d'Auille estoit au pays de Nicaragua, ainsi que i'ay recité cy dessus le pilote André Nigno courut la coste iusques à Tecoantepec pensant trouuer le destroiēt l'an mille cinq cents vingt-deux. Ferdinand Cortes enuoia incontinent apres de la ville de Mexique quelques vns de ses capitaines vers ceste prouince pour la conquerir, & la peupler. Cortes en eut les nouuelles

les par ce moyen: Ayant en sa puissance le Roy Morecuzma, il voulut sçauoir des nouuelles de la mer de Midy pour enuoyer ses gens peupler en ce quartier là, pensant qu'on y trouueroit de grandes richesses tant en espicerie, qu'en or, argent, & perles: mais il ne peut executer son entreprinse si tost pour l'amour du siege qu'il meit lors deuant Mexique. Mais apres qu'il eut gaigné ceste ville, & quelques autres il commença ce qu'il auoit delibere. Il enuoya quatre Espagnols avec des guides du pays par deux chemins vers ceste prouince, où, estans arriuez, ils prindrent possession pour l'Empereur, & s'en retournerent emmenans, avec eux des habitans du pays, & apportans quelque monstre de l'or, l'argent, & autres richesses qui estoient en ce pays. Cortes feit grand chere à ces Indiens, leur donna en contre-eschange de leur or de petites merceries, & les pria qu'ils feissent tant avec les seigneurs de leurs pays, qu'ils se feissent amys des Chrestiens, desquels à l'aduenir ils receuroient de grands biens, & qu'ils vinsent à Mexique ou bien qu'ils receussent humainement les Espagnols qu'il leur enuoyroit. Le seigneur de Tecoaatepec fut fort ioyeux d'entendre ce message, & accepta l'amitié des Chrestiens: En signe dequoy il enuoya 200. gentils-hômes, & autres avec vn present à Cortes, & à peude tēps de là luy enuoya demander secours cōtre ceux de Tututepec, disāt que ceux cy luy faisoient la guerre, parce qu'il s'estoit fait amy des Chrestiens. Cortes y enuoya pour lors le capitaine Pierre d'Aluarado avec 200. Espagnols à pied & 40. à cheual avec deux petites pieces de cāpagne. Aluarado étra à Tututepec

au mois de Mars 1523. il trouua au commencement quelque resistance, mais il fut reçu incontinent en la ville, où il eut quelque quantité d'or, d'argent de perles, & autres meubles, & vn fils du seigneur. De là il ennoya deux Espagnols à Quahutemallá pour parler au seigneur de ce pays, & luy offrir son amitié, & la religion Chrestienne. Quand ils furent deuant le seigneur, il leur demanda s'ils venoient de la part de Malinxe, ainsi les Indiens appelloient-ils Cortes, & ce mot en leur langue signifie Dieu tombé du ciel, s'ils venoient par mer, ou par terre, & si en tout ce qu'ils diroient, ils ne parleroient qu'à la verité: ils firent responce qu'ils disoient tousiours verité, & qu'ils estoient venuz par terre à pied, & qu'ils venoient de la part de Cortes Capitaine inuincible de l'Empereur du monde, homme mortel, & nô Dieu, mais qu'il estoit venu en ces pays pour enseigner le chemin qui conduit à la vie immortelle. Il leur demanda derechef si leur capitaine auoit certains grands monstres marins, qui auoient passé par ceste coste l'annee de deuant, ce qu'il disoit pour les vaisseaux d'André Nigno, qui auoient flotté en ce quartier. Ils respondirent qu'ouï, & en auoit encor' de plus grands. Vn de ces deux Espagnols, qui s'appelloit Tribigno, & se mesloit de bastir des nauires, leur feit en peinture vn grand carracon avec six maz. Les Indiens furent fort estonnez de la grâdeur de ce vaisseau, des voiles, des hunes, & de tout l'equippage. Il leur demanda en outre, qui estoit cause que les Espagnols estoient si vaillans qu'aucun ne les pouuoit vaincre, encor' qu'ils ne fussent pas plus grands que les autres. Ils

respondirent qu'ils demeureroient victorieux par l'aide de Dieu, la loy duquel ils preschoient en ces pays, & par le moyen de certains animaux, sur lesquels ils se portoient, & figurerent incontinent vn grand cheual, & dessus vn hōme armé, ce qui espo- uentoit tous les Indiēs qui le venoient veoir. Alors le seignr leur dit qu'il estoit tres-aise d'estre amy de telles gēs, & qu'il leur fourniroit de 50000. soldats pour l'accager quelqs seigneurs ses voisins, qui rui- noient son pays. Là dessus ces deux Espagnols luy dirēt qu'ils le feroiēt entēdre à Pierre d'Aluarado, qui estoit vn des capitaines de Cortes. Ainsi ils fu- rent depeschez, & ce seigneur leur dōna 5000. hō- mes chargez de biens, de cacao, de mayz, d'axi, d'oiseaux, & d'autres choses pour manger: en outre il leur dōna 20000. pesans d'or en vases, & ioyaux, qui resioüirent grandement le cœur de ces deux compagnons, & furēt toutefois cause de faire mal à l'vn d'eux. Car en ayant desrobé quelques pieces, il fut puis apres fouëté pour ce larcin, & cōdēné à ne sortir iamais de la Nouvelle Espagne. Voila cōme premieremēt fut descouuerte la prouince de Quahutemallan. Cortes ayāt entēdu cōme ce pays estoit peuplé, & cōme il estoit riche, & qu'il auoit la mer bien à propos pour descouurir nouueaux pays, & isles enuoya 40. Espagnols la pl^r part char- pentiers, & gens de mer pour bastir des vaisseaux à Zagatula, qui est aupres de Tututepec, autrement diēt Tuantepec, & incontinent enuoya apres eux, gēs pour peupler à Colima à la riuere de ceste mer. Il enuoya encōr' deux autres Espagnols avec quel- ques vns de Mexicque, & de Xochnuxco, qui estoit

ja peuplé à Quahutemallan, pour attirer à son amitié le Roy, & les autres voisins. Tous receurent humainement ses ambassadeurs, & son amitié, & enuoyerent 200. hommes pour la confirmer avec vn present honneste. Ils faisoient pour lors la guerre contre ceux de Xochnuxco, ils s'y eschauferent d'auantage pensans que les Chrestiens leur dōneroiēt secours, ou que pour le moins ils ne seroiēt point contre eux à raison de la nouvelle aliance faicte ensemble. Mais voyans que les habitans de Xochnuxco estoient deuant eux en la sauuegarde des Espagnols, ils enuoyerent des Ambassadeurs par deuers les Espagnols, qui peuploient à Xochnuxco pour se decharger de ceste guerre, disans que ce n'estoiēt point eux, qui la faisoient, mais quelques meschāns, qui estoient en leur pays. Ceux de Xochnuxco se pleignirent d'autre part à Cortes, qui à ceste occasion y enuoya Pierre d'Aluarado avec 420. Espagnols, entre lesquels y auoit 160. cheuaux, quatre pieces d'artillerie, & force mercerie. Avec ses Espagnols plusieurs gentilshommes de Mexique y allerent, & grand nombre d'Indiens. Pierre d'Aluarado partit de Mexique au moys de Decembre 1523. feit long chemin, conquesta par force Vtlatlan, & se feit maistre par amitié de Quahutemallā au mois d'Auril 1524. De là s'en alla conquerir le pays, & la coste de la mer, qui est vers Nicaragua, & estant de retour de ceste conqueste, edifia à Quahutemallan la ville de S. Iaqs, & plusieurs autres lieux. Il cōquesta de grās pais, parce que Corres luy enuoioit tousiours des Espagnols frais, des cheuaux, du fer, des meubles de la mercerie, & autres choses sēblables. Il

le fauorisoit le plus qu'il pouuoit, par ce qu'il luy auoit promis de luy dōner en mariage Sicilia Vafquez sa cousine: & le feit son lieutenant en ceste prouince. Quelque tēps apres avec la volōté de Cortes Pierre, d'Aluarado vint en Espagne, où il se maria avec damoiselle François de la Cueva pour auoir faueur de Conos secretaire de l'Empereur, par le moien duquel il fut faict gouuerneur de Quahutemallā, & puis s'en retourna à la nouuelle Espagne avec plusieurs de ses parens, & quelques gens de guerre. Il assembla à Mexique le plus d'hōmes qu'il peut, & s'en alla à Quahutemallan, où il commença incontinent à faire nouuelles conquestes, & peupler en son nom comme gouuerneur, & Adelantado. Il feit là plusieurs choses contre les Indiens, & aussi contre les Espagnols, qui eussent bien cousté cher à vn autre.

Declaration de ce nom Quahutemallan. Chap. 208.

Quahutemallan, que communement on appelle Guatimala, veult dire arbre pourry, par ce que Quahu signifie arbre & temalli pourry: encores pourra on dire qu'il signifie lieu d'arbres, par ce que temi, d'où aussi ce nō peut estre cōposé, signifie lieu. La ville de Quahutemallan est entre deux montagnes, qui iettent feu, l'vne n'est qu'à six mil loing de l'autre. Ceste montagne est haute, & ronde en son circuit, elle a tout au haut vne grande ouuerture, par laquelle elle iette de la flamme, de la fumee, de la cendre, & de grosses pierres. La ville très-fort, & souuent, à cause de ces deux montagnes. Ceste montagne fait souuent vn bruiet grand comme vn tonnerre, & iette ses flammes quelques fois

iufques fur les couuertures. Quant au pays il est creffain, fertile, riche, & a de fort belles patures, aufli y a il def-ja force beftail. Vn grain de maiz en rendra 100, 200. & mefme iufques à 500. Ils le femēt en la campagne, laquelle ils attroufent : elle est fort belle, & plaifante pour le grand nombre d'arbres fructiers, qui l'embelliffent : elle porte le grain du maiz plus gros que ne faiēt autre pays, & la canne aufli. Ce pays porte force cacaos, qui est vne grande richeffe, & fert de mōnoye, qui a cours par toute la nouuelle Espagne, & en plusieurs autres pays. Le cotton y croift en abondāce. On y trouue vn baulme excellent & vne certaine liqueur, qui coulle d'vne montagne, comme huile : ils ont aufli de l'allun, & vne forte de foudre, qui fans l'affiner autrement fert de poudte à canon. Les femmes tra-uailent, & prennent grande peine. Les hōmes font guerriers, & fort bons archers. Ils mangent de la chair humaine, & idolatrent comme ceux de Mexique. Ceste prouince du temps du capitaine Aluarado a eſté tref-heureufe, mais auourd'huy elle est toute ruinee, & y a peu d'Eſpagnols qui l'habitent : la caufe est, ſelon l'opinion de pluſieurs, pour auoir changé le gouuernement.

La mort inopinée de Pierre d'Aluarado. Chap. 209.

Pierre d'Aluarado ſe voyant pacifique de ſon gouuernement de Quahutemallan, & de celui, de Ciapa, qu'il auoir eu de François de Montejo pour celui de Honduras, demanda permiſſion à l'Empereur d'aller deſcouvrir nouueaux pays vers Quito, qui est vne prouince du Peru, riche, & de grande eſperāce, pour le grand bruit, qui pour lors

souroit de ses richesses, ou aucun Espagnol n'auoit point encor' esté. Suiuant la permission de l'Empe-
 reur il arma cinq grands vaisseaux l'an 1535. & en
 print encor deux autres à Nicaragua. Il mena avec
 soy 500. Espagnols, & plusieurs cheuaux. Il arriua
 au Port-vieil, où il print terre, & s'en alla par le pl^r
 droict chemin à Quito. Il endura de grãd froid par
 le chemin, la soif, & la faim. Son arriuee fut suspe-
 cte à François Pizarre, & à Diego d'Almagro. En fin
 voyant la furie des vens estre par trop grãde en ce
 pays, & les lieux par où il passoit si steriles qu'ils ne
 luy pouuoient fournir d'aucune chose, de laquelle
 il auoit affaire, il vendit ses vaisseaux, & son artille-
 rie 100000. castillans d'or, ainsi que plus à plein on
 peut veoir par l'histoire du Peru, & s'en retourna
 ioyeux, & riche avec vn tel tresor à Quahuremallã,
 ou de ces deniers il feit faire dix ou douze nauires,
 vne galere, & quelques fustes à rame pour s'en aller
 au pays, ou on disoit qu'estoit l'espicerie, ou pour
 aller descouurir par la poincte des balenes, qu'au-
 tres appellēt Califurnia, quelques nouuelles terres,
 où les Espagnols n'eussent poit encor' esté. F. Marc
 de Nize, & autres Cordeliers entrerent de leur bon
 gré en ces vaisseaux, & l'an 1538. s'en allerēt au pays
 de Culhuacan, & flotterent vers Ponent plus de
 1200. mil, & passerent plus auant q' n'auoient faict
 les Espagnols de Xalisco, & puis s'en reueindrent
 rapportans nouuelles de tous les pays par où ils a-
 uoient passé. Ils louoient grãdement la richesse, &
 bonté de Siuola, & d'autres villes: ce qui donna
 grãde esperãce aux Espagnols de pouuoir bien tost
 s'enrichir, & en outre d'auoir ce bien de retourne-

en Espagne glorieux pour auoir encores trouué de nouueaux pays au grand proffit de l'Empereur, auquel tous les Espagnols, qui font voile par routes les Indes occidentales, ont seulement esgard, & non à eux mesmes, esperans tous par ce moyen s'agrandir, & receuoir de leur seigneur, quelque dignité, & preeminence, comme il à accoustumé de donner largement à ceux, qui font quelque notable entrepriſe en ces pays de delà: & au cōtraire punist, ou pour le moins faict infames ceux, qui s'y portent mal, ou demonstrent vn courage vil, & abiect n'aimans autrement leur prince. Suiuant le rapport de ces religieux dō Antoine de Médozze Vice-Roy de la nouuelle Espagne, & dom Ferdinand Cortes Marquis de la Val capitaine general de la mesme nouuelle Espagne, & chef des descouurements de la mer de Midy, voulurent aller, ou enuoyer en ces pais vne armee par terre, & par mer. Mais par la diuersité des pouuoirs, qu'ils auoient sur vne telle armee, ils ne peurent s'accorder ensemble seulement par l'aduis de ces moynes, ains s'irriterent là dessus l'vn contre l'autre, & fallut pour ce different, & autres que Cortes s'en vint en Espagne, où il se presenta à l'Empereur, qui le receut avec signes de grād amour cōme veritablemēt sa fidelité meritoit, & ses entrepriſes, & executions, telles, qu'aucun autre capitaine à peu faire de semblables en ces pays, où les habitās sont si dissemblables de la nation Espagnolle qui l'n'est possible de plus. Cependant le Vice-Roy enuoya vers le capitaine Pierre d'Aluarado, qui auoit vne belle armee, cōme i'ay dict, pour accorder avec luy. Aluarado s'en vint avec son armee surgir

au port de Noël, ce me semble, & de là s'en vint par terre à Mexicque, où il s'accorda avec le Vice-roy d'aller à Siuola, sans considerer de quelle ingratitude il vsoit par-ce moyen enuers Cortes, à qui il deuoit tout ce qu'il auoit de biens, & d'honneur. Or s'en retournant de ce voyage à Mexicque il passa par Xalisco pour appaiser quelques contrees de ce Royaume, qui s'estoient rebellees contre les Espagnols. Il arriua premierement à Ezatlan où estoit Diego Lopez de Zúñiga, qui faisoit ja la guerre aux rebelles. Ils s'en allerent ensemble assaillir vne forteresse, ou s'estoient fortifiez plusieurs Indiens. Mais ils l'assaillirent si malheureusemēt qu'ils y perdirent 30. des leurs, & furent contraincts sonner la retraicte: en se retirant ainsi hastiuement, parce que le lieu estoit haut, & roide, & fort aspre, plusieurs cheuaux culbuterent du haut en bas. Pierre d'Aluado pour se sauuer d'un cheual, qui venoit roullāt droit à luy, se iette incōtinēt de dessus son cheual à terre, & se retire à costé où il pésoit estre en grande sauueté: mais ce cheual vint à rouller si roidement, que, dōnant de grād force cōtre vne grosse pierre, il la poussa contre luy de telle violence qu'elle le tua, & l'emmena iusques au bas du roc le iour de S. Iean l'an 1541. Il fut porté demi mort à Ezatlā, qui est loin de Quahutemallan 900. mil, où deux iours apres il rendit l'esprit, faisant les signes d'un bon Chrestié. On luy demandoit, qui luy faisoit mal, il respōdoit tousiours que c'estoit l'ame. C'estoit vn hōme dispos, allegre, & grand parleur, qui est vn vice propres aux menteurs. Il gardoit peu sa foy à ses amis, & fut noté d'ingratitude, & de cruauté enuers les In-

uers les Indiens. Il passa aux Indes estant encor fort ieune. Plusieurs l'appelloient le commandeur par ce qu'ordinairement il portoit vn saye, & vne cappe qu'un sié oncle cheualier de S. Iacques luy auoit donné en la ville de Vadagios deuant que partir: & afin que ce nom ne fut sans effect, quand il vint en Espagne il procura d'auoir l'habit de cet ordre. Quand il fut aux Indes, il demeura premierement à l'Isle de Cuba, & puis suiuít Iean de Grijalua, & apres s'en alla avec Ferdinand Cortes en la nouuelle Espagne, en la cõqueste de laquelle, & aux guerres, qui y furent faictes il eut charge ainsi qu'o peut veoir en l'histoire de Mexique. Il fut meilleur soldat que gouuerneur. Il espousa avec dispense du Pape les deux sœurs, qui furent damoysselles Françoisse, & Beatrix de la Cueva, il n'eut aucun enfant d'elles, & les prefera à Sicilia Vasquez dame trefhonorabile, & vertueuse, pour gaigner, comme de faict il gaigna la faueur de François de Los Couos secretaire, & fauorit de l'Empereur. Peu souuent telles nopces viennent à proffit. Il n'est demeuré de luy aucun patrimoine, ny autre memoire que ceste-cy. Il eut vne fille d'une Indienne, qui fut mariee à dom François de la Cueva.

*D'un espouuentable deluge qui aduint à Quahutemalan
qui suffoqua damoysselle Beatrix de la Cueva.*

Chap. 210.

QVand damoysselle Beatrix de la Cueva eut entédu la mort de son cher mary elle cõmēça à se douloir amerement, ietter abondance de pleurs, faire des plainctes grandes, & mesme proferer des parolles entre-lassees de sanglots, qui n'estoient

propres qu'à vne sottise, & non à vne femme de vertu telle qu'on l'auoit iusques à lors estimé. Elle feit peindre de noir toute sa maison tant dehors qu'à dedans, ne faisoit que pleurer, ne mangeoit point, dormoit encor' moins, ne vouloit receuoir consolation aucune, & si quelqu'un s'aduançoit de luy en dire quelque mot, elle respondoit que Dieu ne luy pouuoit plus enuoyer plus grand mal, qui estoit vne parolle d'une personne insensee, & vn blaspheme grand, & proferee, à ce que ie croy, sans cœur, & sans cerueau, ou iugement naturel, aussi vn chacun la trouua fort mauuaise, comme il estoit de raison. Elle feit faire les obseques, & funerailles le plus honorablement, & pompeusement qu'elle peut. Mais durant ce grand, & extreme dueil elle ne laissa point d'entrer au conseil du gouuernement, où elle se feit eslire, & confirmer par serment prins de tous les officiers, gouuernante du pays, qui fut vne follie, & presumption de femme, & chose nouuelle entre les Espagnols des Indes. Ce pendant il commença à plouuoir le iour de la nostre Dame de Septembre furieusement, & les deux iours ensuiuans, apres lesquels sur les deux heures apres minuit il sort d'une de ces montagnes à feu, desquelles nous auons parlé, si grande abondance d'eau qu'avec vne impetuosité furieuse elle iecte par terre plusieurs maisons de la ville, & la premiere, qui fut renuersée fut celle de l'Adelantado son mary. Au bruit & clameurs du peuple damoyse Beatrix se leue de son liét, & pour faire ses prieres, ou pour peur qu'elle eust, elle entre dedans son oratoire avec onze de ses damoyseles, & seruantes, elle monte sur

l'autel, embrasse vne image, & se recommande à Dieu. Cependant la force de l'eau croist, & iette en terre ceste chambre, & chappelle, & engloutist Beatrix, & ses damoiselles. Ce fut vne grande fortune pour elle. Car si elle n'eust bougé de la chambre, ou elle reposoit, elle ne fust pas morte, parce qu'elle ne fut point renuersee estât bastie sur meilleur fondement. Mais on rapporta ce malheur au iugement de Dieu, pour ce qu'elle auoit dit & fait. Ce sont des secrets de nostre Dieu. Aucuns eschaperent de ceste tempeste, autres y moururent comme fait ceste dame. Le nombre des morts fut iusques à 600. il y auoit telle maison, où il en mourut quarante. Plusieurs autres maisons demurerent saines, & debout. L'eau menoit quelques corps d'une maison en l'autre, elle estoit si forte, & si impetueuse qu'elle éportoit des pierres aussi grosses que tonneaux, & avec icelles réuersoit par terre tout ce qu'elle rencontroit. On a laissé par les ruës ces gros cailloux pour seruir de memoire à la posterité de ceste tempeste. On veid parmy l'eau vne vache ayant vne corne rompue, & trainant vne corde par par l'autre, qui couroit contre ceux, qui alloiēt donner secours à la maison de Damoiselle Beatrix. Vn Espagnol, qui nonobstant s'efforçoit d'y aller, fut ietté par elle sous l'eau, & à grand peine peult il s'eschapper de dessus ses pieds, & de la fange, & bourbe. Vn autre Espagnol estant cheu avec sa femme sous vne grosse traine, veid passer vn More qu'il ne cognoissoit point, il le pria d'oster de dessus luy ceste traine, & de luy aider à se leuer. Ce More luy demanda s'il estoit Morales, & l'autre luy

ayant respondu qu'ouy, il leua la poutre, osta le mary de là, & laissa noyer la femme, & puis s'en alla courant par l'eau, & par dedás la bourbe. On dict aussi qu'õ veid, & qu'õ ouyt en l'air plusieurs choses de grãd espouuẽtemẽt, ce qui peut estre. Mais pour la peur qu'on a, on remarque biẽ souuẽt au rebours tout ce qu'on veoid. Plusieurs ont estimẽ que ce More estoit le Diable, & la vache vne Augustine femme du capitaine François Canna, fille d'une, qui pour estre iussienne & forcierre, auoit estẽ fouẽttee en la ville de Cordube. Ceste Augustine auoit enforcelẽ, & faict en fin mourir à Quahutemallan dom Pierre Porto Carrero, par ce qu'estant la femme neantmoins il l'auoit abandonnee. Il estoit aduis à ce Pierre Porto Carrero quand il alloit à cheual, qu'il portoit tousiours en croupe vne femme, & disoit qu'il ne pouuoit chasser ce fantosme, & estant malade il s'asseuroit qu'il guariroit si Augustine le voioit. Mais elle ne le voulut iamais voir pour la grande inimitiẽ qu'elle auoit conceue en son cuer cõtre luy, ou bien pour oster le meschãt bruiẽt qu'elle auoit.

Xalisco.

Chap. 211.

DE Tecoãtepec on cõpte 3620. mil iusqs au cap de Trõperie costoiant la mer rouge. Ceste grande estendue de pais à estẽ descouuerte par Ferdinãd Cortes, & ses capitaines en diuers temps, & à diuerses fois, exceptẽ 600. mil que descouurit Nugno de Guzman en la coste de Xalisco. Nugno de Guzman à estẽ gouuerneur de Panuco, & president de Mexique, d'oũ, apres qu'il fut dechassẽ de ceste charge pour les pleinctes qu'on faisoit de luy à

L'Empereur: il s'en alla l'an 1531. conquerir Xalisco,
 avec 250. cheuaux, & 500. soldats, la plus part des-
 quels estoient souldoyez. Il passa par Mezuacan,
 où il print au Roy Cazoncin 10000. liures d'argẽt,
 grande quantité d'or, & 6000. Indiens pour por-
 ter la somme, & seruir à son armee, & son voyage,
 & encor' le feit brusler avec plusieurs Indiens des
 principaux de sa court, afin qu'ils ne peussent se
 plaindre. Il entra puis apres en la prouince de Xa-
 lisco, & conquesta Centilquipac, Ciametlan, To-
 ualla, Cuixco, Ciamolla, Culhuacan, & autres vil-
 les, ou il perdit beaucoup de ses gens, par ce que les
 hommes de ce pays sont vaillans, & en grand nom-
 bre. Il combattit quelque fois contre 20000. Il ap-
 pella Centilquipac la grande Espagne, & Xelisco
 la nouvelle Galice, à cause que le pays estoit aspre,
 & rude, & les habitans belliqueux: il y bastit vne
 ville nommee Compostelle afin qu'e nom elle res-
 semblast à celle, qui est en Espagne. Il en edifia vne
 autre à Toualla qu'il nomma Guadalagiara, par ce
 qu'il estoit natif de celle qui s'appelle ainsi en Es-
 pagne. Il feit peupler les autres villes de saint Es-
 prit, de la Conception, & de saint Michel, qui est
 à 34. degrez. A Ciametlan les femmes se vestent de-
 puis le hault iusques aux pieds, & les hommes por-
 tent des manteaux courts, & des souilliers de cuir.
 Ceux, qui portent la somme, la portent entre cer-
 tains bastons dessus leurs espaules, & les Indiens se
 rebellerent vne fois par ce qu'on les chargeoit cõ-
 me les autres sans l'aide de ces bastons. Les femmes
 quasi par tout ce Royaume sont dispostes, & fort
 belles, & les hommes brusques, gaillards, & belli-

queux. Leurs armes sont semblables à ceux de Mexique. Mais les seigneurs, & capitaines ne portent point d'armes à la guerre, sinon certains bastons, avec lesquels ils frappent ceux, qui ne combattent point, ou qui rompent leur ordre. Quand ils n'ont point de guerre ils s'exercent à la chasse, & sont tresbons archers. Le pays est fertile, & riche en argent, en cire, & miel. Ils adorent les Idoles, mangent chair humaine, & sont adonnez à autres meschans vices. On met prisonnier Nugno de Guzmá pour les plainctes que continuellement on faisoit de luy à cause des torts, & griefs qu'il faisoit à vn chacun: & puis pour rendre iustice à tous on y fait vn parlement de quatre Auditeurs à la façon de celuy, qui est en nostre Galice d'Espagne. Pierre Gomez de Malauer fut premier Euesque de Xalisco.

sinola. Chap. 212.

DV cap de tromperie on compte 1300. mil iusques à celuy des montagnes de neige, qui est le dernier, duquel nous ayons pour le iourd'huy cognoissance. Ce pays fut descouuert par les capitaines, & pilotes du Viceroy dom Antoine de Medozze l'an 1542, Encor' aucuns dient, qu'ils coururent la coste iusques à 45. degrez, & plusieurs estiment que là noz Indes se ioignent au pays de la Sina, par lequel les Portugais ont flotté iusques à quarante degrez, & encore par delà. De ce cap à l'autre y peut auoir au compte des mariniers 4000 mil. Si la coste de la nouuelle Espagne se ioingnoit à la prouince de la Sina ce seroit vne bonne chose pour le traffic, & apport de l'espicerie, & pour ceste cause on la deueroit costoyer soigneusement

pour en sçauoir la verité, encor que ce fust aux despés de nostre Roy, puis qu'il luy importe de beaucoup desçauoir s'il est certain, ou nō. Mais iene croy point que ceste coste se ioingne ainsi, si les autres trois parties du mōde, Asie, Afrique, & Europe sont isles cōme nous auons dit au commencement de ce liure. Ces mōragnes de neige sont de Leuant en Ponent loing du fleue de saint Antoine, que descouurit Estienne Gomez, 4000. mil, & à 6800. mille du cap de Labeur, par lequel i'ay commencé à mesurer les degrez des Indes. Par ceste distance on peut iuger combien est grand le pays de la nouuelle Espagne, & de la nouuelle Galice. Plusieurs religieux s'es-pādirent deça delà pour aller prescher, & conuertir les Indics, qui n'auoiēt point encor esté subiuguez: frere Marc de Nize, & vn autre Cordelier s'en allerent à Culhuacāl l'an 1538. De là frere Marc passa outre tout seul, par-ce que son compagnon demeura malade, ayant seulement son guide, & son truchement. Il suiuoit tousiours la route du Soleil, pour n'entrer point en pays froid, & pour ne s'eslongner de la mer. Il feit en plusieurs iournees plus de 1200. mil de pays. En fin il arriua à Siuola, d'où estant retourné, il racontoit choses merueilleuses de sept villes qu'il auoit veues en ce pays, comme il n'y auoit point de chef, que le pays se trouuoit plus peuplé d'autant qu'il s'estendoit vers l'Occident, & qu'il estoit riche en or, turquoises, & bestail de laine. Ferdinand Cortes, & dom Antoine de Médozze vouloiēt bien faire la cōqueste de ce pais de Siuola, mais chacun la vouloit faire à part soy, dom Antoine, cōme Viceroy de la nouuelle Espagne, &

Cortes

Cortes comme capitaine general & chef des descouuremens de la mer de Midy. Sur ce different ils tascherent de la faire ensemblement mais se defiās l'un de l'autre, entrerent tous deux en colere. Cortes s'en vint en Espagne, & dom Antoine enuoya de Mexicque à Culhuacan, qui en est loing 600. mil, François Vasquez de Coronado natif de la ville de Salamanque avec vne bonne armee d'Espagnols, & d'Indiens, & avec 400. cheuaux. De là iusques à Siuola on compte plus de 900. mil. A faire ce long chemin ils endurerent beaucoup, plusieurs Indiens y moururent de faim, & y perdirent quelques cheuaux. Ils recontrerēt de belles femmes routes nuës encore qu'elles ayent du lin en ce pays pour pouoir faire du linge. Ils endurerent grād froid, à cause des neiges, qui durent longuemēt parmi ces montagnes. Quand ils furent à Siuola, ils requirēt ceux de la ville de paix, disans qu'ils n'estoient point venuz vers eux pour leur mal faire, ains plustōst pour leur apporter grand bien, & proffit, demandans en outre des prouisions pour leur armee. Les habitās respondirent qu'ils ne vouloient rien leur donner, puis qu'ils venoient armez vers eux, cōme s'ils vouloient leur faire guerre. Ainsi les nostres ne pouuās riē gagner d'eux assaillirēt la ville, qui fut par quelque espace de temps vertueusement deffendue par 800. hōmes, qui estoient dedans, & blecerent Vasquez chef de l'armee, & plusieurs autres Espagnols; mais ils furent contrains quiter la place, & s'enfuir. Les nostres estans entrez dedans, la nommerent Granade, pour l'amour du Viceroy, qui estoit natif de la ville de Granade en Espagne. Siuola est vne

ville, qui contient environ 200. maisons, qui sont faictes de terre, & de boys, & sont hautes de quatre ou cinq estages. Ils font leurs portes, cōme les couuercles des nauires, par lesquels on charge la marchandise. Ils y montent avec des eschelles de boys, qu'ils tirēt de nuit apres eux, & en temps de guerre. Chasque maison à deuant soy vne grotte, ou ils demeurent l'hyuer cōme en des estuues. L'hyuer est long en ce pays, & fort subiect aux neiges encore qu'il ne soit de l'Equinoxial qu'à 37. degrez & de my. Si ce n'estoient les montagnes il seroit de mesme temperature qu'est Seuille en Espagne. Les sept villes renōmees que frere Marc disoit estre en l'espace de 20. mil, pouuoient auoir 400. personnes, les richesses de ce Royaume qu'il exaltoit si fort, sont de n'auoir que manger, ne de quoy se vestir, encor' que la neige y dure sept mois. Pour tous habillemens ils portent certaines mantilles faictes de peaux de cōnils, de lieures, & de cheureuls, ils n'ont point de cotton pour en faire d'autre sorte: ils portent des souliers de cuir, & l'hyuer ils portent des housseaux, qui leur vont iusques au genouil. Les femmes sont vestues depuis la ceinture iusques au genouil, elles entrelassent en cordons leurs cheueux, & les tournent à l'entour de leur teste par dessus les oreilles. Le pays est sablonneux, & rapporte peu, ie croy que ce n'est que par la paresse des habitans. Car le maiz y vient en quelque endroit que vous le voudrez semer, les coucourdes aussi, & autres fruiets y viennent bien, & y peut on esleuer, & nourrir la poulaille, ce qu'on ne sçauoit faire en tous les autres lieux.

LEs soldats voyans ce pays si peu habité, & la richesse si petite ne rendirent pas grands graces à ces Moines, qui le leur auoient loué si fort, & pour ne retourner à Mexicque les mains vuides, & sans faire quelque chose, ils prindrēt resolution de passer outre, par ce qu'on leur disoit que le pays estoit meilleur. Ainsi ils s'en allerent à Acuco, qui est vn lieu haut, & fort: & de là Dom Garzia Lopez de Cardenas s'en alla avec sa compagnie de cheual vers la mer, & François Vasquez avec le reste s'en alla à Tiguez, qui est situé sur vn grand fleuve. Ils eurent là nouuelles d'Axa, & de Qujira, où on disoit qu'il y auoit vn Roy nommé Tarrax, homme barbu, blanc & riche, qui portoit à son costé vn bractant, qui faisoit ses prieres en vne petite chapelle, qui adoroit vne croix, & vne image de la Royne du Ciel. Toute l'armee fut grandement resiouie de ceste nouuelle, encor' quelques vns la reputoient fauce, & ne la tenoient que pour parolle de Moines. Ils delibererent d'y aller avec intention d'hyuerner en ce pais si riche comme on disoit. Les Indiens en vne nuict se retirerent tous, & mourut, bien trente cheuaux, ce qui donna grand peur à toute l'armee. En passant leur chemin ils bruslerēt vne ville, & en assaillirent vne autre, où les habitās tuerent quelques Espagnols, blecerent 50. cheuaux, & titerent dedans la ville François d'Ouando blecé, ou mort, pour le manger, ou le sacrifier, ainsi qu'on pensoit, ou possible pour mieux veoir quels hommes estoient les Espagnols: car en tout ce pays il ne s'est trouué aucun signe qui puisse monstrer qu'ils facent sacrifice d'hommes. Nos gens meirent le

siege deuant ceste ville: mais ils ne la peurent prendre que 45. iours apres. Les habitans à faute d'eau beuuoient la neige, & se voyans perduz, feirent vn grand feu, dedans lequel ils ietterent leurs manteaux, leurs turquoises, & leurs richesses, afin que l'estranger n'en iouist point, & puis pour se faire chemin à force, sortirent en bataillon quarré, ayās mis au milieu les femmes, & petits enfans: mais peu eschapperent le trenchant de l'espee, & la furie des cheuaux: d'auantage plusieurs ce noyerent dedans vn fleue, qui estoit là aupres estans pressés de trop pres. En ceste meslee y eust sept Espagnols tuez, & 80. blecez, & plusieurs cheuaux. Par là on peut veoir quel est le courage, & la deliberation humaine en necessité. De ceste deffaiete de ces pauvres gens, plusieurs se retirerent encor dedans la ville, & se deffendirent vaillamment, iusques à ce que les Espagnols y mirent le feu. Le fleue qui estoit aupres de ceste ville, se gela si fort encor qu'il ne soit qu'à 37. degrez del'Equinoxial, que les hommes passoient par dessus à cheual. La neige dure en ce pays demy an. Il y a icy de bon melōs, du cotton blanc, & rouge, duquel ils font des manteaux plus amples, qu'en pas vn autre endroict des Indes. De Tiguez, nos gens s'en allerent en quatre iournees à Cicuic, qui est vn lieu petit, & à 12. mil de là, ils rencontrerēt vne nouuelle espeece de vaches fieres, & cruelles, desquelles ils en tuerent la premiere iournee 80. qui feirēt grād biē à toute l'armee. De Cicuic feirēt selō leur compte, enuirō 900. mil iusques à Quiuira passans par grandes plaines, & sablons si steriles, & si vniz qu'on n'y pouuoit pas

trouuer vne pierre, ny herbe, ny arbre, & nos gens ne faisoient leurs m^ote-ioyes que des bouzes de ces vaches, au lieu de pierre, ne pouuans autrement remarquer leur chemin pour ne se perdre point au retour : & d^{es} l'entree de ces plaines ils perdirent trois cheuaux, & vn Espagnol, comme ils s'estoient escartez à costé pour chasser. Toutes ces plaines sont couuertes de ces vaches bossues, comme est la Serene en Espagne plaine de moutons: mais il n'y a icy personne à les garder. Elles seruirent de grand remede contre la faim, qui les pressoit, n'ayans plus de pain. Vn iour il cheut forces pierres du ciel, qui estoient grosses comme citrons, ce qui estonna bien les nostres, qui se meirent à pleurer, & gémir profondement, faisant chascun quelque vœu pour eschapper de tel fleau de Dieu. En fin ils arriuerent à Quiuira, & trouuerent Tatarraz qu'ils cherchoient: c'estoit vn homme tout blanc, & tout nud, ayant à son col vn ioyau de bronze p^édu, c'estoit sa richesse. Les Espagnols ayans veu la mocquerie de la richesse qu'on leur auoit donné à entendre s'en retournerent incontinēt à Tiguez, sans veoir la croix ny aucuns autres vestiges de religion Chrestienne, desquels on leur auoit parlé, & puis arriuerent à Mexique au moys de Mars, l'an 1542. François Vaquez cheut de dessus son cheual à Tiguez, & du coup qu'il se donna contre la teste deuint fol, & insensé: aucuns en furent bien marris, autres n'en faisoient que rire, & mesme en parler mal, disans que ce n'estoit qu'une feintise pour ne point peupler, ny s'arrester d'auantage en ceste ville. Quiuira est à 40. degrez, & est vn pays temperé, garny de bones

eaux, & enrichy de grands pasturages: On y trouue
 des prunes, des meures, des noix, des melons, des
 raisins, qui viennent à maturité. Il n'y a point de
 cottó, & pour ceste cause ne se vestét que de peaux
 de vaches, & de cheureaux. Nos gens vèirent de sur
 la coste de la mer des nauires, qui auoient les ver-
 ges d'or, & les prouës argentees, chargees de mar-
 chandises: on pensoit qu'elles fussent de Catay, ou
 de la Sina, par ce que ceux de dedans faisoient si-
 gne d'auoir ia flotté par l'espace de 30. iours. Frere
 Iean de Padille demeura à Tiguez avec vn autre
 Cordelier, & s'en retourna à Quiuira avec autres
 douze Indiens de Mechuacan: vn André d'Ocam-
 po Portugays, iardinier de François de Solis, s'en
 alla aussi avec luy. Il mena avec soy du bestail, des
 bestes cheualines avec prouisions pour viure, des
 moutons, & des poulles d'Espagne, & feit porter
 des ornemens à dire la Messe. Mais les Quiuiriens
 tuerét ces pauures moynes, & le Portugais eschap-
 pa avec quelques autres de Mechuacan: encor que
 il se fust lors deliuré de la mort, si ne peut-il escha-
 per sa captiuité: car il fut aussi tost prins, & faict es-
 claue: mais à dix moys de là, il s'enfuit avec des
 chiens. Il faisoit le signe de la croix avec vne croix
 de boys qu'il portoit en la main, à tous ceux qu'il
 rencontroit. Ne faisant autre signe, il eut ce bõ heur
 qu'on le receuoit humainemét par tout, & luy dõ-
 noit on l'aumosne, & le couchoit on. Il vint au país
 de Cicimecas, & de là à Panuco. Quand il arriua à
 Mexicque, il portoit les cheueux fort longs, & la
 barbe luy estoit toure grisonnette. Il racõproit des
 choses estranges de ce pays, des fleuues, & des mō-

ragnes, par où il auoit passé. Dom Antoine de Médozze fut fort deplaisant de ce que ses gens estoient reuenuz sans faire autre chose, par ce qu'il auoit despendu plus de 60000. pesans d'or, à ceste entreprinse, sans veoir aucune monstre ny d'or, ny d'argent, ny d'autre richesse. Plusieurs voulurent bien demeurer par delà; mais François Vasquez de Coronado, qui estoit ia riche, & nouuellement marié avec vne fort belle femme, ne voulut point, leur remonstrant qu'ils ne pourroient s'entretenir, ny se deffendre en vn si pauvre pays, & estans si loin de secours. Ils firent en ce voyage plus de 3000. mil.

Des vaches bossues, qui sont à Quiuira. Chap. 214.

TOut ce qui est depuis Cicuic, iusques à Quiuira, est vn pays plat sans arbre, & sans pierre, peu habité, & encore ceux, qui l'habitent, sont tous pauvres gens. Les hommes se vestent, & chaulsent de cuir, & les femmes prennent grand peine à faire venir leur cheueux si longs, qu'elles en puissent couvrir leurs testes, & leurs parties honteuses. Ils n'ont aucun grain pour faire du pain, leur principale nourriture est chair, & si la mangent crüe, ou par vsance, ou par faute de boys. Ils mangent la graisse toute telle qu'ils la tirent de la vache, ou du bœuf, & en boient le sang chault, & si ne meurent point: nonobstant que les anciens ayent escrit qu'il faisoit mourir la personne, comme il fait Empedocles & autres. Ils le boient aussi tout froid derrempe en eau. Ils ne cuisent point leur chair, à faute de pot: mais ils la rotissent quelqsfois, ou pour mieux dire, ils l'eschauffent seulement à la flâme, ou brasier qu'ils fôt avec leurs bouzes de vaches, qu'ils trou-

uent toutes seches parmy les champs. Quand ils prennent leur repas, ils maschent peu, mais deuorent. Ils prennent la chair avec les dets, & la departissent avec des cousteaux de caillou, qui est vne bestialité, & vilannie grande: mais telle est leur façon de viure. Ils sont tousiours par troupes, & changent de lieu, comme les Arabes de Barbarie, suiuan la temperature du temps, & les pastures pour leurs bœufs. Ces bœufs sont de la grandeur, & couleur des nostres, mais ils n'ont pas les cornes si grosses: ils ont vne grosse bossé sur l'eschine pres des deux espaulles, & ont depuis le milieu du corps, le poil plus long deuant que derriere, & si ce poil est laine. ils ont le long de l'eschine des longs crins comme les cheuaux, & ont les iambes, depuis le genoil iusques à bas, couuertes de poil long & espaiz: il leur pend d'entre les cornes de grands floquets de poil, & les iugeriez estre barbus, pour les lōgs crins qui leur pendent dessous la gorge. Les massés ont la queue fort lōgue, avec vn grand floquet au bout, de façon qu'ils ressembtent en quelque chose au lyō, & au chameau. Ils cōbattent avec la corne, ils courent fort, ils se joindront bien avec vn cheual, & le tueront, quand ils sont prouoquez, & se mettēt en furie. En somme, c'est vne beste tressaide: & d'un regard cruel: les cheuaux n'ē veulēt approcher pour leur vilain regard, ou bien pour n'en auoir iamais veuz. Leurs maistres n'ont point d'autres richesses, ny autre patrimoine. Ces bestes leur seruent pour mager, pour boire, pour se vestir, pour se chauffer, & pour faire plusieurs autres choses. Ils font de leurs peaux, leurs maisōs, leurs souliers, vestemēs &

cordes : des os ils font des poinçons : des nerfs ils font du fillet : de la corne ils font des trompes : des vessies, ils en font des vases : des bouzes ils font du feu : & des peaux des veaux ils s'en seruēt pour porter, & garder leur eau dedās, comme on porte par deçà l'huylle d'oliue en peaux de cheures : En somme, ils font de ces bestes tout ce dequoy ils ont besoin. Il y a encor' en ce pays autres animaux grāds comme cheuaux, qui portent corne, & laine fine, ils les appellēt chastrez, & disent que chascue corne peze deux arroüē, qui est vn poix d'Espagne, qui sont 25. liures, en comptant 16. onces pour liure. On veoid encor' en ce pays de grāds mastins, qui sont si hardis qu'ils combattent contre vn taureau. Quand les habitās de ce pays vont à la chasse, ou qu'ils changent de demeure, ils font porter à ces mastins pesant deux arroüē.

Du pain des Indiens.

Chap. 215.

LA commune prouision de tous les hommes du monde est le pain, & n'est pas commun pour estre de meilleur entretien, & de meilleure nourriture : mais par ce qu'il nourrist plus, & à cause qu'il est plus facile à auoir, & à garder, combien qu'aucuns soient d'opinion contraire, par ce qu'on veoid des hommes viure seulement de pain, & d'eau. Mais ie dis que c'est aussi vne chose certaine qu'ils viuroient ne mangeans que de la chair, s'ils l'auoient accoustumé, & mesme ne mangeans que des herbes, ou du fruiēt. Car nostre estomach, & nostre nature se contenteroit de peu de chose, si nous voulions ne manger rien que par necessité, & non par friandise : toute viande peut soustenir la

personne, mesme le laiët seul. On appelle icy proprement pain celuy qui se faiët de grain mollar, ou concassë, & puis se paistrift, & veut estre cuiët : ils appellent aussi pain celuy, qui se faiët de racines, de racleures d'arbres, & de poissons secs. En Europe on mange generalement du pain de bled, en quelques endroicts toutesfois ils font leur pain d'espeaultre, & de mil, & mesme de chastaigne. La plus grand part d'Afrique mäge du pain de riz, & d'orge, ce qui monstre clairement que plusieurs hommes viuent sans manger bled. Mesme ils n'auoient aucün bled en toutes les Indes, qui est vn autre monde: c'estoit vne defaillance grande, si nous voulons iuger leur naturel au nostre. Mais ils n'ont aperceu, ny n'aperçoient encor' entr'eux tel defaut, se sustentans aussi bien de leur pain de maiz, comme nous faisons de nostre bled. Quand à leur maiz, i'en d'escriray la façon : Ils beschent la terre avec des paelles de bois, à faute de bestes pour labourer leur champs. Ils sement leur maiz, comme nous faisons les febues : ils le font tremper quelques iours deuant, & en mettent quatre grains pour le moins en chascue trou : d'vn grain sort seulement vn tuyau, ou canne, & la canne rapporte deux, ou trois espics, & chascue espic rend 100. 200. quelquefois 400. grains, il s'en est trouué tel, qui en a rendu 600. La canne croist à la hauteur de l'homme, & plus, & est grosse, & iette ses fueilles comme nos cannes, qui viennent aux maraiz : mais elles sont plus larges, plus longues, plus verdes, & plus douces. L'espice est comme vne pomme de pin sauuage : le grain est gros, & n'est pas si rond que pois, ny si long

comme nostre grain, aussi n'est-il pas quarré. Il se meurist en quatre moys, & en aucuns pays en trois. Au pays, où le terroir s'arrouse par le moyé des petits ruisseaux, qui y passent, il meurist en vn moys & demy: mais il n'est pas si bon q l'autre. En plusieurs contrees on le sème deux & trois fois l'an, en quelques lieux il rend 300. & 500. pour vn. Les Indiens mangent l'espice cuict en laiët au lieu de fruiët: ils le mangent encor' apres estre esgrené, crud, cuict, & rosty, qui est la meilleure façon. Ils mangent aussi le grain sec, & rosty: mais en quelque façon que vous le voudrez prendre, il est dur à mascher, & gaste les genciues, & les dents. Pour le manger en pain, ils font bouillir premierement le grain en eauë, & puis l'essuyët, & font seicher quelque peu, apres ils le broyent, & le paistrissent, & le font cuire sous la cendre, le couvrans de fucilles: car ils n'ont point d'autres fours, ou biën le font rostir sur le brasier. Autres ne le font point bouillir, mais le concassent entre deux pierres, cōme nous faisons la moustarde, par ce qu'ils n'ont point d'autres moullins. Mais ceste façon est fort penible, à cause q le grain est dur: aussi ce pain apporte vn grād travail cōtinuel: car il faut cuire tous les iours par ce q ce pain ne se garde pas cōme le nre. Il s'endurcist incontinct, & quand il est dur il perd sa saueur: il se moisist en trois iours, & mesme se pourrist. Les femmes ont la charge de le faire. Il gaste fort les dents, & pour ceste cause ils prēnēt grād peine à les tenir nettes. La farine de maiz corrige l'eau corrompue, & luy fait pdre sō mauuais goust, & sa puâte odeur, & pour ceste cause on en porte aujourd'huy sur la

mer. Ce pain est de tres-grande substance, & encor dict-on qu'il rassasie plus, & soustient mieux la personne que ne fait nostre pain : car nous auons veu les hommes s'entretenir en bon point ne mangeans que du maiz & de l'axi, mesme les cheuaux ne mangeans que du maiz verd, & trauaillâs iournellement n'amaigrissoient point comme ils font par deça au trauail. On fait encor du breuage avec du maiz, qui est fort ordinaire aux Indes. En somme, le maiz est fort bõne chose, & les Indiens, ainsi que j'ay entendu d'eux, ne le voudroient laisser pour nostre grain : les raisons, qu'ils dient sont grandes, & sont telles, qu'ils sont ja accoustumez à ce pain, & qu'ils s'en trouuent bien, que le maiz leur sert de pain, & de vin, qu'il multiplie plus que le bled, qu'il ne craint point beaucoup de hasards, qui aduiennent à nostre bled, comme l'eau, le soleil, les oiseaux, & les bestes, qu'il se seme avec moins de trauail. Car vn homme seul en semera, & cueillera plus, que ne fera vn homme & deux bestes de nostre bled. Les Indiens ont encor vne autre sorte de pain qu'ils font avec certaines racines, qu'ils appellent en la lague de l'Isle Espagnolle, Yuca, & Ayes, desquelles nous auons parlé en autre lieu.

De la couleur des Indiens. Chap. 216.

VNc des merueilles, desquelles Dieu a vsé en la composition de l'homme, est la couleur, tellement que nous sommes ravis en grande admiration, & en contemplation pareille, voyans deuant nous vn homme blanc, & vn autre noir, qui sont deux couleurs entierement contraires d'entre toutes les autres, comme vn chascun peut veoir s'il met

vne chose rouge entre blanc, & noir. Et autant que ces couleurs sont esmerueillables pour leur contrariété, & difference, d'autant sont elles aussi dignes d'estre exactement considerees l'une apres l'autre pour la difference, qui sort mesme d'une chascune, comme par degrez. Car nous voyons les hommes blancs auoir plusieurs sortes de blâcheur, & roussaux plusieurs sortes de roussueur, nous voyôs aussi des noirs de plusieurs façôs. Des blâcs, aucuns tirent sur le roux, autres sur le blond : des noirs semblablement, aucuns tirent sur la couleur de cendre, autres sur le brun, autres sont oliuâstres, & autres tirêt sur le poil de lyô, côme nos Indiens, lesquels en general sont lionâsses, ou de couleur de pommes de coings cuites, ou de chastaigne. Ceste couleur leur est naturelle, & nō accidentale, pour estre tousiours nuds, côme plusieurs ont creu : le pē se bien toutesfois q̄ cela y ayde vn peu. Côme dôc les hōmes sont en Europe communemēt blancs, & en Africque noirs, ainsi sont-ils en nos Indes communement lionâsses, où ils s'esmerueillent de veoir des hommes blancs, ou noirs autâr, que nous faisons d'en voir de leur couleur, ou de noirs. C'est encor' vne chose grandement remarquable, qu'en Seuille les hommes sont blancs, au cap de Bonne-esperance noirs, & au fleuve de l'Argent chastaigniers, & neantmoins sont tous à mesme distance de l'Equinoxial. De mesme, ceux qui en Afrique, & en Asie, viuēt soubz la Zone torride, sont noirs, toutesfois ceux de Mexicque, d'Yucatan, de Quahutemallâ, de Nicaragua, de Panama, de S. Dominique, de Paria, du cap de S. Augustin, de Lima, de

Quito, & d'autres villes, & pays du Peru, qui sont sous la mesme Zone, & mesme sous l'Equinoxial, ne sont point noirs. Il s'est trouué seulement certains negres à Careca, quand Vasco Nugnez de Valuoá descouurit la mer de Midy. Suiuant ces considerations aucuns ont opinion que ces couleurs viennent par la composition & nature des hommes, & non à cause du pays. Et toutefois nous sommes tous descenduz d'Adam, & Eue, qui n'auoient point tant de couleurs, ce qui me fait conclure, que nous ne sçauons point la cause, qui a meu Dieu d'ainsi nous diuersifier, & que nous pouuons bien penser seulement, mais non pas exprimer, & demonstrier au doigt la toute-puissance de Dieu, & sa sapience, qui est cachée sous ceste variété de couleurs, desquelles il a voulu peindre l'homme. Il y a encor' vne autre chose à noter en ces Indes, c'est qu'on dit, qu'o n'y a point veu de rousseaux, & biē peu de personnes chaulues, qui est vn subiect pour les Philosophes, qui voudrōt rechercher les secrets de nature, & espelucher les nouueautez de ce nouveau monde, & les complexions de l'homme.

De la liberté des Indiens. Chap. 217.

AV commencement les Roys Catholiques laissoient en liberté tous les Indiens, les soldats toutesfoys, & ceux qui estoient enuoyez pour peupler, se seruoient d'eux, comme d'esclaves, pour labourer, pour traualler aux mines, pour porter la somme, pour suiure les armées, & faire tout ce que la guerre requeroit. Mais l'an 1504. les Caribes furent abandonnez pour esclaves, pour leurs pechez de sodomie, d'idolatrie, & à cause qu'ils ne s'abste-

noient de māger les hōmes. Et combien que ceste permission ne comprint point tous les Indières, mais seulement les Caribes, apres qu'ils eurent tué des Espagnols à Cumana, & saccagé, & ruiné deux monasteres, qui estoient là, l'un des Iacobins, & l'autre des Cordeliers, ainsi que nous auons escrit en son lieu : si est-ce que par tout on les prenoit pour esclaves, sans aucune peine, ny chastiemēt, par ce que Thomas Ortiz Iacobin, & autres moynes de son ordre, & les Cordeliers aussi conseilloyent la seruitude des Indiens : & pour persuader qu'ils ne meritoient point estre en liberté, il presenta au Conseil des Indes, où pour lors presidoit F. Garzia Loaysa cōfesseur de l'Empereur, vn papier plein de ses raisons, & feit vn lōg discours de la vie de nos Indières, la subttāce duquel estoit telle : Les habitāts de la terre ferme des Indes, māgent chair humaine, & sont addōncz au peché de sodomie plus qu'aucune autre nation : ils n'y a iustice aucune entr'eux, ils sont to^r nuds, n'ont aucū amour à psonne, sont du tout eshōtez, sont cōme bestes, ignorāts, fors, insensez, ne se souciās de setuer eux mesmes, ny les autres : ils ne tiēnt cōpte de verité, si ce n'est pour leur profit : ils sont incōstās, ne sçauēt q'c'est q'cōseil : ils sont ingrats, & aymās toutes nouuellerez : Ils estiment l'yurōgnerie, & pour cest effect sont plusieurs sortes de bruuages avec herbes, fruičts, des racines, & du grain, & s'en yurent de la fumee qu'ils font, exprés de certaines herbes, qui leur oste toute cognoissāce : ils sōt vrayes bestes brutes pour leurs vices, n'ayās aucune obeissāce, ny courtoisie entr'eux, cōme les ieunes enuers les vieils, les enfans enuers

leurs peres: ils ne sont capables d'aucune doctrine, ny mesme de receuoir aucun chastiment: ils sont traistres, cruels, & vindicatifs, ne pardonns iamais, ils sont trespres ennemys de religion, larrons, menteurs, de petit ingement, & de peu de chose: ils ne gardent aucune foy, ny n'ont aucun ordre entre eux, les marys ne gardent loyauté à leurs femmes, ny les femmes, à leurs marys: ils sont sorciers, deuineurs, & negromanciens: ils sont couards & timides cōme lieures, salles comme pourceaux: ils mangent poux, areignes, & verds cruds ainsi qu'ils les trouuent: ils n'ont aucune contenāce, ny façon d'homme. Quand on leur veult apprendre ce qui concerne nostre sainte foy, ils disent que c'est pour Espagne, & non pour eux, & qu'ils ne veulent changer leurs Dieux, & leurs coustumes, à des estrangeres: ils sont sans barbe, & si quelque poil leur vient au menton, ils l'arrachent incontinent: ils n'vsent d'aucune pieté enuers les malades, & encor' qu'ils soient leurs voisins, & parens: ils les abandonent toutesfois à l'heure de la mort, on les porte au haut d'une mōtagne pour les faire mourir là, leur laissant seulement vn peu de pain, & d'eau. Tant plus ils croissent, & tant plus deuiennent-ils meschans: iusques à dix, ou douze ans, ils semblent tels qu'on doie auoir quelque bonne esperance d'eux: mais croissāns plus fort, ils deuiennent comme bestes brutes. En somme, ie dis que Dieu iamais ne crea nation que ceste-cy plus confite en tous vices, sans auoir aucune chose de bō, ou de police, & honnesteté meslee parmy. Qu'un chascun maintenant iuge de quoy pourra seruir vne souche si meschan-

meschante comme nous auons dit, nous auons cogné tout cecy d'eux par experience, spécialement frere Pierre de Cordube nostre pere, de la main duquel est l'escrit que ie vous ay présenté: & nous l'auons practiqué plusieurs fois ensemble, avec plusieurs autres choses que ie tais: voila le discours de ce Iacobin. Frere Garzia de Loaysa adiousta grande foy à frere Thomas Ortiz, & aux autres moines de son ordre. Pour ceste cause l'Empereur, avec la deliberation de son conseil des Indes, declara que les Indiens seroient esclaués, par vne ordonnance faicte à Madril, l'an mil cinq cens vingt cinq. Depuis les Iacobins changerent d'opinion reprenans en leurs chaires, & escolles, la seruitude des Indiens; Là dessus il fallut l'an mil cinq cens trente vn, informer de nouveau sur telle matiere. F. Roderic Minaye procura grandement la liberté des Indiens; & feit expedier vne bulle du Pape Paul troisieme; par laquelle il declaroit que les Indiens estoient hommes, & non bestes, & partant libres, & non esclaués. Frere Barthelemy de la Case insista fort sur ceste liberté, & lors l'Empereur comanda au docteur Figueroe de s'informer plus à plein des religieux, gens de sçauoir, & des gouuerneurs, qui auoient esté aux Indes, qui pour ceste heure estoient à la cour ce qui leur en sembloit. Par l'opinion de ceux-cy, & par plusieurs autres bonnes raisons, qui meurent les treize (qui feirent les ordonnances des Indes, desquelles nous auons parlé en autre lieu) d'estre de semblable aduis, l'Empereur mit les Indiens en liberté, commandant sous grieues peines qu'aucun n'eust à les tenir esclaués. Depuis ceste ordonnance

c'est tousiours obseruce, & entretenue iusques à aujourd'huy. Ce fut vne loy tres-saincte, & conuenable à vn Empereur tresclement. C'est plus grand gloire à vn Roy d'establiir de bonnes loix, que vaincre, & mettre en routte des grandes armées. C'est vne chose iuste que les hommes qui naissent libres, ne soient point esclaves d'autres personnes, mesme ment quand ils sortent hors de la captiuité du diable, par le saint Baptême, encores que la seruitude leur aduienne pour la coulpe, & pour la peine de leur peché, selon qu'ont déclaré les saints docteurs Augustin, & Chrysostome, comme certainement ie croy que Dieu n'a enuoyé à ces pauures malheureux ceste seruitude & trauail que pour punitiõ de leurs meschâcerez. Car ie pense que Cam n'a point tant peché contre son pere Noë, que ces Indiens ont offensé Dieu, aussi ie croy qu'ils sont descédus de luy, & ont esté les successeurs en la malediction que Dieu luy donna.

Du conseil des Indes. Chap. 218.

QVand les Indes furent trouuees, & la terre ferme commença à se descouurir on cogneut biẽ incontinent que c'estoit vne affaire de grande importance, encor' qu'elle ne fut tant comme elle est du iourd'huy. Les Rois de glorieuse memoire dom Ferdinand, & dame Isabelle, qui estoient tres-prudens en matiere de gouuerner, tascherent à ne mettre les affaires, & questions, qui venoiẽt de ces nouueaux pays, en autres mains que de personnes de bonne conscience, & sur lesquels ils se fioient que bien, & diligemment ils expedieroient tout ce, qui s'offriroit à eux. Mais ceux-cy ne faisoient pas

encores vn parlement. Celuy, qui gouuernoit pour lors toutes les affaires d'Espagne l'appelloit lehan Roderiguez de Fonsecque, iceluy commença aussi à entendre sur le faict des Indes: il estoit Doyen de la ville de Seuille, & à la fin fut Euesque de Burgos, & eut esté Archeuesque de Toledé sil n'eust esté miserable. Ferdinand de Vega seigneur de Grajales & grãd commandeur de Castille, qui manioit tout le Royaume, eut longuement la superintendance des affaires des Indes. Mercure Catinara grand chancelier l'eut aussi, & Monsieur de Nansau qui estoit de la chambre de l'Empereur, & le docteur François de Vargas thresorier general de Castille, & autres grands personages de lettres, & de sçauoir. Mais pour le maniement de ces affaires les personnes n'estoient point asseurees, & y en auoit tous les iours de nouveaux tel qu'il plaisoit au Roy de nōmer, ou à ceux, qui gouuernoient, & toutesfois il estoit necessaire pour l'importance des affaires, qu'ils fussent asseurez, & residents. Pour ceste cause l'Empereur dō Charles nostre seigneur & Roy, erigea l'an 1524 vn cōseil Roial des Indes pour depescher les causes, graces, & toutes autres affaires qui viēdroiēt de ceste part, avec vn scel, & greffe, suiuant la forme des autres sieges, & Parlemēs, où il y a vn seul. Il feit president de ce cōseil frere Garzia de Loaysa, qui estoit general de l'ordre des Iacobins, & l'auoit pris pour son cōfesseur. Iceluy mourut Cardinal, & Archeuesque de Seuille, grãd inquisiteur commissaire general de la Cruiciade, & prēsidēt des Indes, encor que (quand il fut recherché suiuant la coustume obseruee contre tous les Officiers d'Espagne) quelques vns

ne luy voulussent faire quicter ceste charge. Les auditeurs de ce Parlement furent l'Euesque de Canarie, le docteur Bertrand, le docteur Maldonado, & Pierre Marrir Milannois. En l'absence du Cardinal qui s'en alla à Rome, on mit en son lieu dom Garzia Manriche comte d'Osrone, president du cōseil des ordres des Cheualiers, & eut ceste charge par l'espace de quatre ans tant que l'autre fut absent. Le secretaire François de Los Couos grand commandeur de Leon eut le secretarial des Indes avec grandissimes proffits. Ce seroit vne chose trop longue de réciter tous les auditeurs, & les personnes, qui ont euz le maniement des affaires des Indes: Je diray seulement qu'ils ont esté personages singuliers en leurs estats. Apres la mort de Loaysa on feic president dom Louis Hortado de Mendozze Marquis de Mondejar, qui auoit esté Vice-Roy en Grenade, & au Royaume de Nauarre, cheualier tresuertueux, & qui auoit en soy toutes les qualitez requises en vne personne genereuse, c'estoit vn homme prudent, & aduisé en affaire de guerre, & d'estat. Les Auditeurs du iourd'huy sont le docteur Gregoire Lopez, le docteur François Tello de Sádoual, le docteur Hernand Perez Belon, le docteur Gonzalle Perez de Ribadeneire, le docteur Garzia de Biruiesque, & le docteur dom Iean Sariment: Le docteur Martin d'Agrede est procureur fiscal: Ce sont tous seigneurs graues, qui veritablement meritent tels offices, & la charge de gouverner les Indes, aussi sont elles gouvernees par bon iugemēt & grande prudence. Le secretaire est Iean de Samano cheualier de Saint Iacques, homme prudent,

& de faciende. Il y a encor aux Indes plusieurs autres parlemens, & gouverneurs, mais cestuy cy est le supreme, & reçoit les appels de tous les autres cas, où l'appel est permis. A Saint Dominique y a vn parlement, & en l'Isle du Cuba y a vn gouverneur, ce sont les deux plus grandes Isles, & les principales. Il y a encores vn autre parlement pour toute la nouvelle Espagne à Mexique, où preside le Vice-Roy d'icelle, nommé Dom Louis de Velasco. La nouvelle Galice à aussi vn autre Parlement de quatre grands preuosts. Les provinces de Guatimala, & de Nicaragua en ont aussi chacune vn, & le nouveau Royaume de Grenade vn autre. Il y en a vn en la ville des Roys, qui est souverain pour toutes les provinces du Peru, où est auioird'huy Vice-roy dom Antoine Mendozze, qui deuant estoit Viceroy de la nouvelle Espagne. Il y a aussi d'autres gouverneurs en plusieurs lieux, cōme à Boriquen, à Panama, Carthagena, & à Venezuela. Outre ces gouverneurs il y a encores des Adelantados, qui gouvernent comme generaux, comme est François de Montejo, à Yucatan. Et pour iuges ordinaires, & subalternes y a en chasque ville des preuosts, & des Correcteurs, qui sont mis pour les Vice-roys selon l'estendue de leurs gouvernemens. Les Euesques ont aussi iustice en ce qui concerne l'estat Ecclesiastique. Ils sont desja plusieurs. Saint Dominique est Archeuesché, & à pour ses suffragans les Euesques de Cuba, Boriquen, des Hondures, de Panama, Carthagena, & de Sainte Marthe. Mexique est Archeuesché, & à sous luy les Euesques de Xalisco, Mechuacan, Guaxaca, Tascala, Guatimala, &

de Nicaragua. La ville des Roys au Peru est aussi Archeuesché, & à pour suffragans les Euesques de Cuzco, Quito, & de Ciarcas. Le Roy d'Espagne est patrô de toutes les Archeueschez, Eueschez, dignitez, benefices des Indes, & ainsi luy seul en portuoit & y presente, de façon qu'il est seigneur absolu des Indes, qui contiennent vn pays si grand comme nous auons déclaré, ce qui me faict affermer, & dire en puré verité que le Roy d'Espagne est le plus grand seigneur du monde.

*Vn dire de Senecque touchant le nouveau monde qui semble
vne Prophetie. Chap. 219.*

Dire ce qui doit aduenir deuant qu'il aduienne, c'est deuiner, & appelle on diuinatiô ce qui aduiét de faict apres qu'il a este predict. Plusieurs fois ceux, qui disent quelque chose deuinent par coniectures, ou par sciëce, ou par raison naturelle: mais ceux, qui parlent par reuelation, & par l'esprit de Dieu sôt prophetes, ausquels i'adiouste foy en tout ce qu'ils ont escrit: mais ie ne croy aucunement aux autres, & aussi n'y faut-il croire pour quelques apparences, semblans, raisons, & demonstrations qu'ils ayēt, encore que ce soit vne chose esmerueillable côme aucunes fois ils deuinent: mais côme on dict, qui parle beaucoup, en quelque chose diuine. I'ay faict ce petit discours en consideration de ce qu'à dict le poëte Senecque en sa tragedie de Medée touchant ce nouveau monde, que nous appelons les Indes. Car il me semble que ce descouurement respôd de poinct en poinct à son dire, & que nos Espagnols, & Christofle Colomb l'ont practiqué au vray. Voicy ce que dict Senecque.

*D'icy à long temps nos enfans verront
Des ans s'approcher, ou veoir ils pourront
Le grand Ocean ouvrir tout d'un coup
Ce, qui cachoit son secret à beaucoup.
Alors la terre abondamment croistra.
Et de Thyphis nouveau pays naistra.
Alors Thylé dernière ne sera,
Et plus le monde ne terminera.*

De l'Isle que Platon appelle Atlantide. Chap. 220.

Platō en ses Dialogues de Timee, & de Critias recite qu'anciennement il y eut en la mer Atlantique, & Ocean de grands pays, & vne isle nommée Atlantide plus grande qu'Afrique, & Asie, assurant que ces terres estoient veritablement fermes, & de grande estendue, & que les Roys de ceste isle auoient dominé sur la plus grand part d'Afrique, & d'Europe, mais que par vn grand tremblement & par pluyes continuelles ceste isle f'estoit noyee, & que les hommes auoient esté tous englouriz; & & qu'il n'en estoit resté qu'un grand marécage, où à cause de la bourbe, & fange on ne pouuoit plus nauiguer. Aucuns tiennēt cecy pour fable, plusieurs autres l'estimēt estre vne histoire tresueritable. Proclus mesme, selon que recite Marcilius, le confirme par certaines histoires qu'il allegue des Ethiopiēs, cōposées par vn, qu'il nome marcellus. Mais au iour d'huy il ne faut pl^s disputer, ny douter de ceste isle Atlantide, puisque le descouurement, & la conqueste de nos Indes esclaireissent entierement ce q^{ue} Platō à escrit. Les Mexiquains mesme appellēt l'eau Atl, qui est vn mot, qui respond au nom de ceste

isle Atlantide. Ainsi nous pouuons dire que nos Indes sont l'isle, & terre ferme de Platon, & non les Hesperides ny Ofir, ny Tarsis comme aucuns modernes ont voulu interpreter. Car les Hesperides sont les isles du cap Verd, & les Gorgones, d'où Hannon Carthaginois apporta des cinges, encores qu'on en puisse faire quelque doute pour la nauigation de 40. iours qu'y met Solin. L'isle de Cuba, ou de Hayti, ou bien quelques autres isles des Indes peuuent estre celles, qui furent trouuees par les Carthaginois, qui puis apres defendirent à leurs citoyens d'y aller, ainsi qu'escriit Aristote, ou Theophraste és merueilles de nature. Quant à Ofir, & Tarsis on ne sçait où ils sont, encore que plusieurs personnages doctes, comme dict Sainct Augustin, se soient efforcez de les chercher, & trouuer. Saint Hierosme, qui entendoit fort bien la langue Hebraïque dict en beaucoup de lieux sur les Prophetes que Tharsis veut dire mer, & ainsi quand le Prophete Jonas s'enfuit à Tharsis, il interprete qu'il s'enfuit sur la mer: car elle a plusieurs chemins pour fuir & celuy qui fuir sur icelles ne laisse aucun vestige, ny marque apres soy. Ce ne fut point aussi à nos Indes où les armées de Salomon feirent voile: car pour y aller il falloit sortant de la mer rouge tourner les prouës vers Ponent, & non vers Levant comme ils feirent: ioint aussi qu'il n'y a point en ces pais de Licornes, d'Elephans, de diamans, n'y des autres choses qu'ils apportèrent de ceste nauigation.

Le chemin pour aller aux Indes.

Chap. 221.

Puisque nous auons remarque la situation des Indes, il est conuenable de descrire le chemin pour y aller, tant pour rendre cet œuure parfait, que pour contéter les lecteurs spécialement ceux, qui sont d'estrange pays, & qui en ont bien peu de cognoissance. Ceux donc, qui veullent voyager aux Indes, partent du port de S. Lucar de Barrameda, qui est à l'emboucheure du fleue de Guadalquivir, à 37. degrez de l'Equinoxial, & en huit, ou douze iours arriuent en vne des Isles de Canaries, qui sont à 27. degrez, & à 1000. mil d'Espagne, comptant iusques à celle de Fer qui est la plus occidentale. De là coustumierement on arriue à l'isle de saint Dominique qui en est loing 4000. mil, en trente iours. En passant ils touchent, où voient la premiere Isle des Desirees, ou quelque vne des autres, qui sont en grād nombre sous ce parallele. De S. Dominique, qui est l'abord general pour l'aller, on fait 2400. mil pour aller à la nouuelle Espagne, ou 1400. quand on veult aller à Yucatan, & aux Hódures. Ceux, qui vôt au nom de Dieu, n'en font que 1000. ou que 600. pour entrer à sainte Marthe, d'où on prend son chemin pour aller au nouueau Royaume de Granade. Ceux, qui veullent aller à Cubagua, où on pesche les perles, prennent leurs chemin dès l'Isle Desiree à main gauche. Pour tirer au fleue de Maragnon, où à celuy de l'Argët, ou au destroit de Magellā, qui est 16000. mil loing d'Espagne, ou aux Isles du cap Verd, q̄ sont à quatorze, & quinze degrez, & à 2000. mil loing du destroit de Gibraltar, prénent vn autre chemin des les Canaries, & recognoissent la terre ferme des Indes

au cap de S. Augustin, ou non loing de là. Selon le cōpte des pillotes il y a depuis le cap Verd iusques à celuy de S. Augustin 2000. mil. Si on veult aller au Peru il fault prédre port de S. Dominique au nom de Dieu, & de là aller par terre iusques à Panama, qui est sur l'autre mer à 50. mil seulement, & là il fault prendre vn autre vaisseau, & attēdre le temps commode: car on ne peut pas tousiours flotter sur ceste mer de Midy. Mais quād ce vient au retour il fault que tous, s'ils ne se veullent perdre, viennent surgir au port d'Hauana en l'Isle de Cuba, qui est sous le tropicque de Cancer, & de là tirent vers la Tramontane pour s'aider du vent. Ils ont accoustumé en passant toucher la Vermude, qui est vne Isle deserte, & depeuplee, sans mesme aucuns Satyres, qu'aucuns auoient voulu controuuer. Ceste Isle est à 33. degrez, d'icelle ils passent par les Azores, & en fin retournent en Espagne d'où ils estoient partis. Quand ils reuiennent il font 1200. mil de chemin, voire aucuncfois 1600. mil plus qu'ils n'auoient faict à aller: ce qu'ils font pour plus grande seureté, & mesme pour vne promptitude plus legiere. Toute ceste nauigation aux Indes tant à l'allee qu'au retour est tres-seure, par ce que la mer est fort ample, & large, combien qu'il y ayt bien peu, qui en reuiennent sans conter des fortunes qui leur sont aduenues. Le plus dangereux passage, qui soit à aller, est le goulfe de las Yegas, qui est entre les Isles de Canaries, & Espagne: pour le retour le canal de Cahama, qui est pres de la Floride, est aussi dāgereux. Aucun hōme fil n'est Espagnol ne peut passer aux Indes sans la permission du Roy: & tous

les Espagnols, qui y veulent aller, se doiuent faire enregistrer en la maison de la negociation des Indes, qui est en la ville de Seuille, avec to^r leurs biës, & marchandises, qu'ils veulent transporter, sur peine de les perdre, & mesme au retour doiuent venir en la mesme maison se monstrier, sur la mesme peine quelque temps qu'il face, mais ils desbarquent en quelque port d'Espagne qu'ils veulent.

La conqueste des Isles de Canarie. Chap. 222.

ARaison que les Isles de Canarie sont au chemin, qui est pour aller aux Indes, & qu'il n'y a pas long'téps qu'elles sont acquises, il ne sera point hors de propos d'escrire, qui est celuy, qui les a subiugues. Ces Isles ont tousiours esté fort cogneuës, & louees, ainsi qu'il appert par les Autheurs tant Grecs, Latins, Afriquains, qu'autres Gentils. Mais quant à moy ie ne sçache point qu'elles ayent esté aux Chrestiens deuant que d'estre conquises par les Espagnols. Dom Pierre Roy d'Aragõ quatriesme du nom raçompte en son histoire, que dom Louys, nepueu de Iean de la Zerde, qui s'appelloit Prince de la Fortune, par la faueur à ce que ie pèse, du Pape Clement 6. François, vint l'an 1344. luy demander secours pour conquerir les Isles perduës de Canarie. Peut estre qu'alors les Maiorquains y allerent : car les Canariens se vantent de les auoir vne fois vaincuz & en auoir faict vne grande boucherie comme ils les estoient venuz chercher, & auoir prins en leur armee vne Image antique, qu'ils ont encor'. Les premiers Espagnols, qui commencerent à les subiuguer furent les Seuillians, & Biscains l'an 1393. Ils feirent

ensemble vne armee de mer, en laquelle mesme ils auoient des cheuaux, & feirent voile droict vers ces Isles. Ce fut le troisieme an du regne de don Henry 3. selon que recite son histoire. Mais on ne scauroit dire aux despens de qui ils y allerent, encor' qu'il semble que ce fust aux leurs. On scait aussi peu si ce fut par le commandement du Roy, ou de leur propre mouuement. Mais ie sçay pour certain qu'ils chocquerēt avec ceux de l'Isle de Lāzarote, & qu'ils eurent de riche butin, & qu'ils amenerent en Espagne le Roy, & la Royne de ceste Isle prisonniers, & 170. autres personnes, avec grande quantité de peaux de cheure, de cire, & autres choses riches, & prises pour ce temps là. Depuis le Roy Henry les donna à certains gentils-hommes pour les conquerir pour eux, retenant seulement la souueraineté, & recognoissance. Entre autres Jean de Ventacourt ou Betancourt gentil-homme François en estoit vn, qui par la supplicatiō de Robin de Bracamont Admiral de France son parent, eut l'an 1417. luy seul toute la cōqueste de ces isles avec tiltre de Roy. Pour subiuguer son Royaume il vendit tout son bien qu'il auoit en France, & equipa quelques vaisseaux, & s'en alla aux Canaries menāt avec soy bon nombre d'Espagnols parmi les François, & pour Euesque de toutes les Isles qu'il subiugueroit il mena vn moyne nommé Mende pour endoctriner, & conuertir, suiuant le commandement du Pape Martin cinquieme, les habitans, qui estoient encore Gentils. Il se fit incontinent maistre des Isles de Lanzarote, de Fortuentura, de Gomere, & de celle de Fer, qui sont

des plus petites. Aucuns disent qu'il print aussi celle de Palme. Mais il fut chassé de la grande Canarie, ou les habitans auoient mis 10000. hommes en armes. Ainsi il se retira à Lanzarote, & y feit bastir vn chasteau de Pierre, ou il faisoit sa demeure, & commença là à peupler, à regner, & gouverner les autres Isles qu'il auoit subiuguées. Il enuoyoit en France, & en Espagne des Esclaves, de la cire, du cuir, du suif, de l'orseille, du sang de Dragon, des figues, & autres choses, desquelles il faisoit de grands deniers. Au bruiet, qui couroit de la richesse de ces Isles, ou pour acquerir honneur en conquerant l'Isle de Tenerifé, qu'on appelle l'Isle d'Enfer, & la grand Canarie, qui se deffendoit tousiours couragement, l'Infant de Portugal dom Henry demanda la conqueste d'icelles au Roy de Castille Dom Iean second, qui ne luy voulut donner. Mais son pere le Roy Dom Iean de Portugal l'obtint du Pape, & l'ã mil quatre cens vingt cinq, y enuoya Ferdinand de Castro avec vne armee. Les Canariens se defendirent vaillamment: il print tourefois de Madere, & quelques autres. Les Roys dom Iean, dom Edouard, & l'Infant dom Henry poursuiuirent ceste guerre. Mais en fin il se meut vn different sur ces Isles, qui fut discuté deuant le Pape Eugene 4. Venitien, estant pour lors à Rome pour la sollicitatiõ de ce faict le docteur Louis Aluarez de Paz. Le Pape adiugea la conqueste, & la conuersion de ces Isles au Roy de Castille dom Iean 2. l'an mil quatre cens trente-vn. Ainsi la contention, qui estoit entre les Roys de Castille, & de Portugal touchant ces Isles fut terminée. Or

retournant à Jean de Ventacourt, ie dis que quand il mourut il laissa la seigneurie des quatre Isles, que il auoit cōquises, à vn sien parent nommé Menaut. Cestuy-cy continuant le gouuernement de ces isles comme l'auoit commencé Ventacourt, eut quelque desbar, & fascherie avecque l'Euesque frere Mende, qui par despit escriuit au Roy comme les habitans de ces Isles estoient mal affectionnez enuers Menaut pour les mauuais traictemens qu'il leur faisoit, & qu'ils desiroient grandement estre ses subiects, & que mesme ils en monstroient desia quelque chose. Le Roy suiuant les lettres de cest Euesque y enuoya avec trois nauires Pierre barbe des Champs avec charge de se saisir de ces Isles en son nom. Ce Pierre estoit homme riche, cault, & rusé, & qui scauoit cōme il failloit entretenir Menaut de parolles, & de faict si d'auenture il failloit venir aux mains. En somme ils s'accorderent ensemble. & Menaut laissa, & vendit ces isles à Pierre Barbe, qui depuis les vendit à Ferdinand Peraza gentil-homme de Seuille. Autres disent que Ventacourt les vendit à dom Jean Alphonse Comte de Nieble, qui depuis les chāgea contre quelques petites villes, & bourgades qu'auoit Ferdinand Peraza son seruiteur : Or soit que ce soit, si est-il donc pour le moins certain que Peraza les eut, & qu'il fit guerre pour subiuguer les autres Isles, durant lesquelles il perdit son fils vnique Guillaume Peraza en l'Isle de Palme, il s'appelloit Roy de Canarie. Il donna en mariage sa fille aisnee damoysele Agnes à Diego de Herera frere du Marechal d'Empudie. Ferdinand Peraza mourant laissa ses

heritiers Diego d'Herrera, & dame Agnes Peraza, qui se faisoient appeller Roys, ce qu'ils ne deuoient pas faire. Ils trauaillerent assez pour conquerir les Isles de Canarie, & Tenerifé & de Palme, mais iamaïs ne peurent. Ils laisserent cinq enfans Pierre Garzia d'Herrera, Ferdinand Peraza, Sancio d'Herrera, dame Marie d'Ayala mariee en Portugal avec dom Diego de Selue Comte de Portalegre, & vne autre, qui fut mariee avec Pierre Fernandez de Sajauédre fils du Marechal de Zahara. Pour lors le Roy dom Ferdinand, & dame Isabelle nouuellement heritiers du Royaume de Castille estans à Seuille l'an 1478. & ayans entendu que Diego de Herrera ne pouoit venir à bout des Canariens enuoyerent Jean de Reion, & Pierre d'Algane avec vne armee pour se saisir de la grand Canarie. Ces deux Capitaines allans executer leur charge se prindrent de parolles, & Reion tua Pierre d'Algane. Mais la vengeance ne fut pas longue à venir: car incontinent apres Ferdinand Peraza fils de Diego d'Herrera tua Reion, la mort duquel apporta grand dommage à Herrera. Car le Roy Ferdinand poursuiuant ceste guerre eut depuis mauuaise volonté contre Diego de ce qu'il se faisoit appeller Roy sans l'estre. D'autre part Diego esmeut vn proces deuant le Pape contre Ferdinand voulant qu'il laissast ceste conqueste des Canaries, ou bien qu'il en fust chef, disant, qu'elle luy appartenoit, & à sa femme par le don qu'en auoit faict le Roy Dom Iehan à Iehan de Ventacourt, duquel ils estoient successeurs, & qu'il estoit en possession de ceste

conqueste, laquelle iusques à l'heure presente il auoit continuee avec grand frais sans y auoir esparagné le sang de ses freres, parens, & amys. Il y eut sur ce different plusieurs demandes, & responces proposees de part, & d'autre, & mises par escrit par gens doctes. Mais apres il se feit vn accord, par lequel le Roy donna à Diego d'Herrera 15000. ducats contens pour les despés, & frais par luy faicts, & l'Isle de Gomere, & celle de Fer en tiltre de Comté, à la charge que luy, & sa femme renonceroient à tout le droict qu'ils pretendoient aux autres Isles. Apres que cest accord fut conclud, & arresté entr'eux le Roy Ferdinand enuiron l'an 1480. enuoya en ces Isles Pierre de Vere avec vne armee. Il fut trois ans à subiuguer la grand Canarie, par ce qu'elle se defendoit tousiours vertueusement, & y eust encor' esté d'auantage, & possible n'en eust sceu venir à bout, si Guanarteme Roy naturel de Galdar ne luy eust donné secours pour defaire Doramas, homme de basse condition, mais qui par sa vaillantise, & industrie s'estoit faict Roy de Telde. Mais l'un voulant defaire l'autre, se defeit aussi par mesme moyen. Il y eut beaucoup de Canariens renommez pour ceste guerre, entre autres Iean de Gado, qui ainsi fut nommé quand il se feit Chrestien, & vn Mauinigra, qui fut vaillant par dessus tous. Cestuy estant vne fois repris par vn autre de ce qu'il auoit peur, par vne subtile responce cacha sa peur, disant la chair veritablement me tremble, mais c'est pour le danger ou le grand courage que i'ay la veult mettre. Avec ces deux-cy on remarque encor' vn nommé Alphonse de Lugo vaillant

lant soldat, & capitaine. Pierre de Vere conquesta puis apres l'isle de Palme, & Tenerifé, de laquelle il fut Adelátado, l'an 1494. Depuis ces Isles de Canarie ont tousiours esté possedees paisiblement par les Roys de Castille, auxquels le Pape Innocent 8. donna la presentation de l'Esuesché, benefices, & dignitez, qui sont en icelles l'an 1486.

Costumes des Canariens. Chap. 223.

LEs isles de Canarie sont sept, c'est asçauoir, Lãzarote, Forteventura, Canarie, Tenerifé, Gomere, Palme, & Fer. Elles sont à la fille l'une apres l'autre de Leuant en Ponent, situees à 27. degrez & demy de l'Equinoxial, & sont 60. mil loing du cap de Boiador, qui est en Afrique, & 800. mil d'Espagne ne comptât que iusques à Lanzarote, qui est la premiere de routes. Les anciens auteurs les ont nommees Fortunees, & heureuses, les estimans tressaines, & si abondantes de routes choses necessaires à la vie humaine, que les hõmes viuoient en icelles longuement sans traauiller aucunement, ny de corps ny d'esprit. Solin toutefois, quand il en parle, il diminue fort le bruit de leur bonté & fertilité, & son dire conuient mieux à ce qu'on y voit pour le present. Outre ces sept isles ils recitent qu'il en fut veuë encor vne quelque temps vers la partie de Septentrion, qui doit estre celle que Ptolomee appelle inaccessible. Plusieurs l'ont recherchee avec grand soing & diligence faisans voguer sur mer en cet endroit quatre carauelles routes de front, & aucunes fois sept, mais iamais personne ne l'a peu rencontrer, & ne sçait-on ce qu'ils veulent dire. L'isle de Canarie est ronde, & la meilleure

de toutes. A l'endroit, où elle est fertile, elle l'est au possible, & où elle est sterile, telle l'est aussi entièrement: & encor ce, qui est bon, est petit, & bien trempé, & arrousé d'eaux. Pierre de Vere n'y trouua point les chiens que disoit le Roy Iuba, encor qu'on die qu'elle ait prins son nom de là. Aucuns pensent qu'on l'ait appelée Canarie, & les habitans Canariens par ce qu'ils mangeoient cōme chiens, beaucoup, & tout crud. Car vn Canarié mängeoit vingt conñils en vn repas, ou vn grand bouc, qui est d'avantage. Tenerifé qui doit estre la Niuaria des Anciens, est faicte en triangle, c'est la plus grande, & la mieux fournie de grain. Il y a en icelle vne montagne, qu'on appelle le Pico de Teyda, qui est la chose la plus haulte de quoy ayent cognoissance tous les mariniers. Ceste montagne est verte au pied, & au milieu est tousiours couuerte de neige, & la cime est toute rase, & iettant des fumees. L'Isle de Fer est la Pluitiua selon l'opinion de plusieurs. En icelle il n'y a, ny n'y tombe autre eau que celle, qui distille d'un arbre quand il est couuert d'une nuee, & est ainsi couuert tous les matins, qui est vne chose fort estrange, & vn secret de nature tres-admirable. Tous les habitans de ces Isles n'auoient point d'autres maisons que des grottes, & des ramees. La grotte du Roy de Galdat estoit taillee dedans vne roche viue, & estoit toute lambrissée d'aiz de pin, qui est vn bois fort bon, & de longue duree. Ils se tenoient nuds, ou s'ils se vestoient, ce n'estoit que avec deux peaux de cheure velues. Ils s'oiñoient la peau avec du suif pour l'endurcir, messans le suif avec du ius de certaines herbes. Ils ne mangeoient

que de l'orge à faute d'autre grain. Ils mangeoient la chair crue à faute de feu, ainsi qu'eux-mêmes confessoient : Mais je ne croy point qu'ils en eussent faute estant vne chose si necessaire, & si vtile pour la vie de l'homme, & si facile à auoir & garder. Ils n'auoient point aussi de fer, qui estoit encor vn autre grand default, & pour labourer leurs terres ils vsoient de cornes au lieu de fer. Chasque isle auoit son langage particulier, & l'vne n'entendoit point l'autre. Ils estoient courageux en la guerre, & pen- sifs, mais en temps de paix ils estoient tout dissoluz. Ils vsoient d'arbalestres de bois, de dards, & iauelots, qui auoient vne corne au lieu de fer. Ils iettoient vne pierre avec la main aussi seurement, & aussi droit, qu'on scauroit tirer d'vn trait avec vne arbalestre. Ils ne faisoient gueres leurs escarmouches que de nuict pour tromper leurs ennemis. Ils se peindoient de diuerses couleurs quand ils alloient à la guerre, ou à la feste. Ils se marioient avec plusieurs femmes, & les seigneurs, & Capitaines tant pour honneur que par tyrannie, qu'ils auoient vsurpée, despuceloient premierement la fiancee. Ils adoroient des idoles; & chacun adoroit ce qu'il vouloit. Le Diable pour estre pere d'idolatrie, s'adressoit souuentefois à eux. Aucuns se precipitoient du hault d'vne montagne nommee Ayatirma iusques en bas, & se faisoient mourir au choix du seigneur avec grande pompe & solennité, & avec grande affluence du peuple, pensans par cela acquerir vn hōneur pour soy, & conseruer ses biens aux siens. Ils baignoient les corps morts dedans la mer, & puis les ayans faict secher à

L'ombre, les lioient de petites bandes estroites faites de peau de lieure, & par ce moyen s'endurcissent, & duroient ainsi longuement sans se corrompre. Je m'esmerueille de ce qu'estans si pres des Africains, ils estoient neantmoins differents de coustumes, d'habillemens, de couleur, & de religion. Quant au langage ie ne sçay s'ils en estoient differens, pour le moins ces mots Gomere, Telde, & autres semblables sont du royaume de Fez, & de Benamarin. Quant à ce qu'ils n'auoient point de feu, ny de fer, ny lettres, ny aucunes bestes pour porter la somme, cela monstre bien qu'aucuns Chrestiens ne les estoient allez veoir deuât Ventacourt, & noz Espagnols. Depuis qu'ils ont esté annexez au royaume d'Espagne, ils ont esté Chrestiens, & se sont vestuz à l'Espagnole. Ils viennent en cause d'appel plaider en Espagne: Ils ont plus grande abondance de succe qu'ils n'auoient au parauât, ce qui a enrichy grandement leur pays entre autres choses qu'ils ont depuis eues. Ils ont des poires, qui profitent si fort en l'Isle de Palme que chacune pèse de seize à 30. onces. Il y a deux choses, qui par le monde anoblissent ces Isles, les oiseaux nommez Canariens tant estimez pour leur doux, & plaisant chant, qui ne se trouuent en aucun autre pays: l'autre est le bal Canarien si gentil, & si artificiel.

Louange des Espagnols. Chap. 224.

NOz Espagnols ont descouuert, cheminé, conuert, & conquis en 60. ans tout ce pays, & nouveau monde que j'ay descrit. Iamais Roy, ny nation aucune n'en subiugua tant en si peu de tēps: aussi n'y a il peuple, qui merite tant de louange par

tout le monde comme font noz Espagnols, soit pour les armes, soit pour la nauigation, soit pour la predication du saint Euangile, & pour la conuersion des Idolatres. Benoit & loué soit Dieu, qui leur a donné tant de puissance, & tant de grace. C'est vne tresgrande louange, & vne gloire nonpareille à noz Roys, & à noz Espagnols d'auoir imprimé au cœur des Indiens nostre croyance, & les auoir fait adorer, & croire vn seul Dieu, vne foy, & vn baptesme, de leur auoir osté l'idolatrie, les sacrifices humains, la sodomie, la coustume de manger chair humaine, & autres grands & enormes pechez que nostre Dieu tout puissant a en horreur, & lesquels il chastie. Ils leur ont encore osté la multitude de femmes, qui est vne vieille vsance & delectation entre les hommes charnels. Ils leurs ont monsté les lettres, qui est vne chose si necessaire aux hommes que sans icelles ils sont comme vrayes bestes. Ils leurs ont semblablement, enseigné plusieurs bonnes coustumes, arts, & police pour passer plus honestement, & plus à l'aise ceste vie: lesquelles choses, mesme l'vne d'icelles, vault sans point de doute beaucoup plus que leurs plumes, perles, or, & argent que noz gens leurs ont osté, mesmemēt à cause qu'ils ne se seruoient point de ces meraux en aucune monnoye, qui est leur propre vsage, il est bien vray que c'eust esté encor mieux fait, de ne leur auoir rien osté de leurs biens, & de se contenter de celuy qu'on a depuis tiré des mines, & du creux de leurs sepultures, & de dedās les fleuues, qui mōte à plus de soixante millions d'or, sans les perles & esmeraudes qu'on a tiré de la mer, & de terre,

laquelle somme est sans comparaison plus grande beaucoup que celle qu'on a prise sur eux. Mais le plus grand mal qu'on leur a fait c'est de les auoir fait trop trauailler aux mines & à la pesche des perles, & à porter les sommes. Et là dessus i'ose bien dire, que tous ceux, quelque couleur qu'ils ayent, qui ont fait mourir les Indiens par vn tel trauail, qui ont esté plusieurs, & quasi tous, ont finy malheureusement. Mais quant au reste il me semble que Dieu a voulu par tel moyen chastier leurs pechez énormes: & en faisant fin à cet œuvre nous le prions qu'il nous vucille donner la grace de finir nostre vie en son saint seruice.

Fin de l'histoire generale des Indes.

TABLE DES PRINCIPAUX
NOMS, SURNOMS, ET CHOSES
plus remarquables, contenues en
cette histoire generale
des Indes.

a signifie la premiere page, b la seconde.

A



Age des Indes 137.b
Abenamaquey Cacique. 87.a
Abebeiba fleuve. 86.b
Abibeiba cacique. 87.a
Abraibe cacique. 87.a
Abrigo pointee. 138.b
Acuzamil isle. 66.b.70.b
Aethiopie dicte Indie. 25.b
Afrique cedee au Portugais
par l'Espagnol. 161.b
Acuco fort. 338.b
Aqueibana Cacique. 55.b
Almagro comence la guerre
contre Pizarre. 207.b
Almagro fait prisonnier
Alphonse d'Alvarado. 212.a
Almagro et Pizarre se voient
ensemble. 213.a
Almagro ne veut aucun ac-
cord. 212.213.a
Almagro condamné à mou-

rir. 217.b
Almagro fils de prestre.
219.a
Almagro s'accorde avec Pi-
zarre. 214.b
Almagro perd la bataille
des Salines, & est prins.
217.b
Almagro & Pizarre enne-
mis come deuant. 215.a.b
Almagro comence à se plain-
dre de Pizarre. 174.b
Almagro & Ferdinand Pi-
zarre se font ennemis
mortels. 174.a
Almagro entreprend contre
Pizarre. 204.a
Almagro enuoyé contre Pier-
re d'Alvarado. 200.b
Almagro va au pays de Chi-
li. 205.a.b
Almansor Roy de Tidore.
153.b
Alphonse de Quintanil le
Y iij'

grand Tresorier. 21.a	Alphonse de Hoieda Capitaine. 106.a
Alphonse d'Aluvarado hors de prison. 213.b	Alphonse de Hoieda. 73.b
Alphonse de Medoza capitaine renommé. 270.a	Aluaro Nugnez Cabeza capitaine. 137.a
Alphonse d'Ogeda Capitaine. 24.a	Amazones. 220.a
Alphonse Roy de Portugal. 161.b	Amazones faulces. 134.b
Alphonse Roy de Portugal entreprend le descouuement des especes. 166.a.b	Ambroise d'Alfinger capitaine Alemand. 112.b
Alphonse d'Aluvarado desfaict les Indiens rebelles. 214.b	Americ Vespuce pilote. 164.a
Alphonse de Hoieda capitaine. 107.a.b	Americ Vespuce. 136.a
Alphonse de Lugo gouverneur de S. Marthe. 107.a	Americ Vespuce Florentin. 135.b
Alphonse de Hoieda de despus se rend Cordelier. 79.b	Andes montagnes. 208.b
Alphonse de Hoieda capitaine. 77.b	André de Cerezede. 73.a
Alphonse de Castille faisant miracles. 61.a	Antéville. 59.a
Alphonse de Mendozza abandonne Gonzalle. 285.a	Antequas. 8.a
Alphonse d'Aluvarado s'oppose à Diego d'Almagro. 228.b	Antipodes. 7.a.8.b
Alphonse Maso premier Euesque de Boriquen. 56.b	Antipodes des vns, & des autres. 7.8.a
	Antique ville mal saine & depuelee. 81.b.100.b
	Antoine de Mendozza enuoye descouurir les especeries. 164.a
	Antoine de la Garma Syndic de la Castille de Lor. 100.b
	S. Antoine, port. 65.b
	Aplacen ville. 59.a
	Aragnees des Indes. 124.b

T A B L E.

- Aranata beste de chasse.* 123.a
Arbre merueilleux semēt gros 86.87.a
Archeusque premier des Indes. 46.a
Areca fruiēt qui fait les dets & la bouche rouges. 150.b
Arctos chansons. 39.a
Argent, port en Espagnolle. 29.b
Argent fleuve. 136.a
Armees de l'Empereur aux Moluques. 162.163.a
Armes des Indiens. 311.a
Armee de dō Diego. 228.a
Armes des indiens. 103.b
Armes des Indiens. 70.a
Armes des Indiens. 38.39.a
Armes des Indiens. 113.
Atlantide isle. 348.a
Atomes. 1.a
Attabalipa cōdemnē à mourir. 189.190.
Attabalipa faiēt tuer son frere Guascar. 185.b
Attabalipa Roy du Peru fait guerre contre son frere. 167.178.a
Attabalipa promet vne rancon inestimable. 43.b
Attabalipa Roy du Peru ri-
- che & puissant prins par Pi Zarre.* 197.a
S. Augustin. cap. 135.a
S. Augustin. cap. 132.b
Auana fleuve. 99.a
Austruches vistes à la course. 206.a
Axies herbe. 24.a.108.a

B

- Baccalos pays.* 49.a
Barbosa capitaine esleu apres la mort de Magellan. 148.b
Bartelemy de la case prestre Docteur & Capitaine des Paysans qui allerent aux Indes. 119.a
Bartelemy de la Case se rend moyne. 120.a
Bartelemy Colomb. 22.a
Barutoa, port. 22.b
Basse cap. 13.138.b
Bataille des salines entre Ferdinand Pi Zarre & Ordognez, lieutenant de Almagro. 216.217.a
Bataille entre Centeno, & GonZalle. 287.a
Bataille de Ciupas entre Vacca de Castro, & dom Diego d'Almagro. 232.b

- Bataille de Quito entre Blas-
 co & Gonzalle. 269.b
 Bataille de Xaquisaguana.
 293.a
 Batatas, racines. 24.a
 Baulme des Indes. 47.b
 Baulmes. 135.a
 Beatrice de la Cuenca femme
 de Pierre d'Aluvarado
 noyée par un deluge.
 334.a
 Bethrecio Cacique. 35.a
 Belzeres marchans riches.
 113.a
 Bernardin de Talavera. 79.a
 Beste es Indes iectant des ser-
 pens avec son excrement.
 123.b
 Beste sauvage cruelle. 123.b
 Betancourt subiugue les Ca-
 naries. 350.b
 Bintadel idole. 36.b
 Bise fruit. 39.a
 Blasco redresse la guerre con-
 tre Gonzalle. 246.b
 Blasco enuoyé hors le Peru.
 256.a
 Blasco baillé en garde à Iean
 Alvarez. 256.a
 Blasco se met en armes con-
 tre Gonzalle. 146.b
 Blasco arreste prisonnier Vac-
 ca de Castro. 243.a
 Blasco fuit de Tombez.
 261.a
 Blasco tue Guillaume Xua-
 rez de Caruaial. 249.a
 Blasco iniurié d'un chacun.
 253.a.b
 Blasco comme il fut embar-
 qué pour aller en Espa-
 gne. 254.a
 Blasco amasse son armee à
 Quito. 261.b
 Blasco chassé hors le Peru.
 267.a
 Elasco Nugnez Vela en-
 uoyé au Peru Viceroy pour
 executer les ordonnances.
 240.a.b
 Blasco prisonnier. 249.b
 Blasco s'enfuit de deuant Gö-
 zable. 265.b
 Blasco tué en une bataille.
 274.b
 Blasco brouille le Peru. 240.
 241.a
 Blasco mis en liberté par Ieā
 Alvarez. 260.b
 Blasco fait serment d'ac-
 quiescer à l'appel de ceux
 du Peru sur les ordonnan-
 ces. 243.244.a
 Bogota Cacique. 110.a

T A B L E.

Bohiti prrstre du Diable.

37.a

Bombon pays. 138.b

Bon signe, isle. 146.a

Bordeaux d'hommes. 103.a

Bordeaux d'enfant. 63.a

Boriquen isle. 55.a

Borney isle. 150.a. 152.b

Bonadilla gouverneur en

l'Espagnole. 42.a

Bracamorie pays. 220.b

Bresil pays. 160.b

Bruiuages des Indies. 311.a. b

Bruiuoge de Palmier. 149.b

Bucil Catalan mome enuoie

premier pour prescher aux

Indes. 29.a

Bulaya, fort. 147.b

Buquebuca Cacique. 94.a

C

Cacuos. 331.a

Calennado, isle. 150.a

Calicucima Capitaine In-

dien. 188.a

Caliz ville. 120.b

Campeche, ville. 69.b. 71.a

Canaries isles et leur descri-

ptions. 350.a

Candiga isle. 163.b

Canelle pays. 155.a

Canocotto idole. 36.b

Canfre gomme. 152.b

Capa beste de chasse.

125.a

Cap des femmes. 68.b

Cap de labeur. 49.a

Capara ville. 55.b

Caribana pays. 78.b

Caramairi port. 80.b

Caribes belliqueux et cruels.

109.a. 74.a

Carette Cacique. 84.a

Caribes, Indiens, qui man-

gent les hommes. 30.a

Caribes declarez serfs. 77.b

Caribes surmontez par He-

redia. 106.b

Carpintero oiseau. 102.a

Carthagena pays. 73.b. 78.

a. 105.b

Carola Roy. 154.a

Cartier francois. 49.b

Casse des Indes fort excel-

lente. 47.a. 87.b

Catameche pays. 172.b

Castille de Lor pays.

97.a

Caxamalca pays & ville.

179.a

Caxinas port. 72.b

Caxoncin cacique. 335.b

Cedres aux Indes. 145.b

Centeno rompu par Gonzalle.	187.a	Zalle	259.b
Centeno rompu par François Caruial.	270.a	Cepeda blessé en la bataille donnee contre Centeno.	288.b
Centeno tue en trahison Al- mādras Capitaine de Gö- Zalle.	269.b	Cepeda fait embarquer Bla- sco pour aller en Espagne.	254.255.a
Centeno reprend Cusco sur Gonzalle.	285.a	Cepeda riche en reuenue de cent cinquante mille du- cats.	295.a
Centeno s'arme contre Gon- Zalle Pizarre.	270.a	Cepeda amasse vne armee.	256.a
Centeno sauué au camp de Lagasca.	291.a	Cepeda en la bataille de Qui- to pour Pizarre.	273.
Centeno prend la ville de l'Argent.	270.a		274.a
Centilquipac pays.	335.b	Cepeda reçoit Gonzalle pour gouverneur du Peru.	264.265.
Censusucia pays.	111.a	Cepeda enuoyé avec Blasco au Peru.	240.a
Cepeda & les autres Au- diteurs se bandent contre Blasco.	250.b	Cepeda mande à Gonzalle Pizarre de rompre son ar- mee.	256.a.b
Cepeda assiéé en la ville des Roys par GöZalle.	264.b	Cepeda lieutenant de Gon- Zalle.	281.b
Cepeda & les autres Au- diteurs departent entre eux les charges du Peru.	252.b	Cepeda fait prédre les vais- seaux de Zurbanā.	255.a
Cepeda conseille Gonzalle de s'accorder avec Lagasca	289.a	Cepeda tient prisonnier Bla- sco.	252.a
Cepeda abandonne Gonzal- le.	295.b	Cerba herbe.	323.b
Cepeda d'accord avec Gon-		Ceremonies des Chicorans.	53.a

T A B L E.

Ceremonies des Indiens.		Ciarcas ville.	205.b
37.a.b		Cicuc ville.	338.b
Cesemal.	68.a	Ciel en cinq Zones.	3.4.a
Ceru Cacique.	314.a	Cilapulapo Roy de Mausan.	147.b
Chaleur grande.	130.b	Cimaco, cacique.	81.b
Chansons des Indiens.	38. a	Cinca a vne fontaine qui cõ-	
Chats sauvages des Indes.		uerit la pierre en cail-	
102.a. 123.b		loux.	308.b
Chauue-souris dangereuse.	124.a	Cinges infinis.	100.a
Chauue-souris veneneuse.	102.a	Cimitao pays.	106.b
Chemins du Peru magnifi-		Cimbubon isle.	153.a
ques.	310.b	Cipango, isle estimee riche.	21.a. 25.b
Chemin pour aller aux In-		Cira fleuve.	179.a
des.	348. 349.a	Circuit du monde.	9.b
Chiens en combat.	90.b	Ciribici port.	117.b
Chien receuant paye.	56.a	Cloux de girofle.	155.a
Chicorans & leurs constu-		Coaché ville.	176.a
mes.	53.a	Coänabo, cacique.	34.a.
Chili pays.	205.a	Coca ville.	222.b
Christophle de Bouadilla.		Coco fruiët merueilleux.	149.b.
33.a		Cocodrilles.	102.a
Christophle Colomb prison-		Codego isle.	105.a
sonnier.	33.b	Cohoba herbe propre pour	
Christophle de Pegna.	77.a	les deuins.	37.a
Ciagré, fleuve.	74.a	Cohol isle.	150.a
Ciametlan pays.	335.b	Colao pays.	191.a. 207.a.
Ciamolla pays.	335.b	220.b	
Ciampoton ville,	69.b	Colima ville.	330.a
Ciampoton, port.	66.a	Colomb Geneuois.	19.a.b.
Ciape Cacique.	90 a		

T A B L E.

se marie en Portugal.	Comptes des Indiens.
au mesf. ignorant. au	311.a
mesm. pauvre. 20. a.	Conception ville. 335. b
sollicite les Roys, &	Concinquiens peuple.
Princes au mesf. a re-	220. b
refuge à Pinzon pi-	Conclusion des choses dte
lote. 20. b. receu par	Peru. 311.a
le Roy de Castille.	Couleur des Indiens.
21. a. presente au Roy	342. 343. a
des nouueantez des	Coniuration d'Indiens
Indes. 24. a. grand	contre les Espagnols.
Admiral. 25. b.	87. b
va pour la seconde	Connils aux Indes de
fois aux Indes. 29. a.	trois sortes. 46. a
pour la troisieme.	Conseil des Indiens.
31. a	245. b
Colomb Astrologique.	Conzota pays. 111. a
34. a.	Copei arbre. 152. b
Colomb descouvre les	Coq Isle. 172. b
perles. 114. a	Coqs d'Indes. 102. a
Colomb en disgrace du	Coquera Cacique.
Roy. 115. b	21. a
Colomb meurt. 34. b	Coquille d'où est sortie la
Comagre Cacique.	mer. 37. a
84. b	Coral isle. 164. a
Compostelle ville.	Coral blanc aux Indes.
335. b	146. a

T A B L E.

Corbeaux des Indes.		Croix de saint André.	
124.a		entre les Indiens.	
Cordeliers massacrez par		128.a	
les Indiens.	117.b	Cuba isle.	66.b
Corizo Cacique enuoyé		Cubagua isle.	33.a.114.
vers les Espagnols.		a.b.120.a.b.	
94.b		Culhuacan, pays.	335.
Corquin fort.	73.a	336.a	
Cortes Reales isles.	48.b	Cumaco ville.	222.a
Cortes.	66.b	Cumana reconquise.	
Cotohé, cap.	69.a	120.a.b	
Couleur des Indes.	36.a	Cumana pays.	112.b.
Costume d'Espagne.		117.a	
25.a		Cumana Cacique.	114.b
Conil ville.	71.a	Curiana pays.	112.b.
Couleur des Indiens.		116.b	
342.b		Cuixco pays.	335.b
Costumes de Cumana.		Cuzco ville.	195.b
121.a		Cuzco assiegee par les	
Costumes des Indiens		Indiens.	207.a.b
Orientaux pour con-		Cuzco assiegee par Al-	
fermer une paix.		magro & prinse.	
150.a.b		208.209.a	
Coyua pays.	313.b	Cuzco reprins par Gon-	
Croix de Colomb en esti-		zalle.	289.b
me.	45.a	Cuzco s'oppose aux Al-	
S.Croix isle.	30.a	magristes.	229.a

D

- D** Abaida Cacique. 86.a
 Dances des Indiens. 126.b
 Darien pays. 76.a.77.a
 Daiha Cacique-Geant. 53.a
 Deffaicte d'Espagnols. 82.a
 Degré que vault. 9.a.b
 Deluge aduenü à Quahu-
 temahan. 333.b
 Descouurement de la mer de
 Midy. 88.a.b
 Desiré, port. 64.b
 Desirée, isle. 29.b
 Desolation des Indiens. 43.
 a.b
 Destroict de Magellan. 141.
 b.145.a
 Desineurs Indiens. 36.37.a
 Diable se monstre aux In-
 diens. 71.72.a
 Diable reueré des Indiens.
 104.a.b
 le Diable se mue en diuerses
 especes. 36.a
 Diduco & François de Por-
 rus. 34.a
 Diego d'Almagro s'appreste
 à la guerre contre Vacca
 de Castro. 231.b
 Diego d'Almagro prins des
 siens mesme & puis de-
 capité. 236.b
 Diego d'Almagro se fait ap-
 peller gouverneur & roy
 du Peru. 227.b
 Diego d'Almagro vaincu
 par Vacca de Castro. 236.b
 Diego d'Almagro, Francois
 Pizarre & Hernad Lu-
 che s'associent pour des-
 couvrir le Peru. 170.a.b
 Diego d'Almagro en dan-
 ger d'estre tué par trahi-
 son. 232.a
 Diego d'Almagro bastard.
 219.b
 Diego d'Almagro veult vi-
 ger la mort de son pere
 Almagro. 224.a.b
 Diego d'Almagro. 219.a
 Dom Diego d'Almagro pre-
 mier qui se soit remué au
 Peru contre le Roy d'E-
 spagne. 236.237.a
 Diego d'Albitez. 73.a
 Diego Cacique. 119.a
 Diego de Niquesa capitaine.
 78.a
 Diego de Niquesa gouver-
 neur de Veragua. 73.b
 Diego Colob Admiral. 118.a
 Dom

Dom Diego Colomb gou-
verneur des Indes. 43.a

Diego Velasquez gouver-
neur de Cuba. 65.b

Diego Pizarre capitaine.
209.b

Diego d'Ordas gouverneur
de Maragnon. 135.b

Diego de Salazar redouté
des Indiens. 56.a

Diego d'Ocampo s'enterre
vif. 76.77.a

Dieu des Indiens. 36.b

Different entre le Roy d'Es-
pagne & celui de Por-
tugal touchant l'espicerie
& isle de Moluques.
157.158.a

Diriagen Cacique. 321.a.b

Dissention entre Valuoia &
Pedrarias. 99.b

Dissention entre les Espa-
gnols. 33.34.a.b

Division entre les Espagnols.
82.a

Donation faicte par le Pape
au Roy de Castille tou-
chant les Indes. 26.a.b

S. Dominique, ville. 31.a
35.b.46.a

Dot des Indiens. 111.112.a

Dulciancein Cacique. 59.a

E Lement de la terre. 7.b

Emanuel Roy de Por-
tugal. 168.a

Encen aux Indes. 135.a

Enfans ne sont heritiers de
leurs peres. 111.a

Enciso docteur & capitaine
80.b.104.b

Enciso faict prisonnier par
Valuoia. 83.84.a

Enciso preuost de Hoieda.
75.b

Enotes peuples. 113.a

Epilquanit idole. 36.b

Eschine bois propre à guarir
la verole. 40.a

Escorce noire herbe singulie-
re contre la poison. 109.b

Esquille marine. 10.a

Esmerandes trouuees en grã
de quantité. 111.a

Esmerandes nompareilles.
135.a

Espagnole isle. 35.b

Espagnols dessaiets par les
Indiens en plusieurs en-
droits. 209.b

Espagnols dessaiets. 119.a.

314.b

Espagnols desaiets. 117.118.a

Espagnols. 800. en guerre.	tre Magellan.	145.a
22.a	Espagnols massacrez par	
Espagnols comme ont trouué	trahison.	148.b
les Indes.	Espicerie adingee au Roy	
Espagnols deffaiets à la Flo-	d'Espagne.	160.a
ride.	Espiceries.	155.a
57.a.b	Espicerie entre les mains de	
Espagnols battus.	qui elle a esté.	168.a.b
69.70.a	Espicerie engagée au Roy de	
Espagnols riches au Peru	Portugal.	165.b
par la prinse du Roy.	Espicerie anciennement estoit	
189.	entre les mains des Espa-	
a.b	gnols.	168 a.b
Espagnols en neccesité vou-	Espousee depucelee par vn	
lant descouvrir le Peru.	autre que par son espoux.	
172.173.a	67.a	
Espagnols deffaiets à Pa-	Estiène Gomez pilote.	49.b
nucó.	Estoile pour vn monde.	5b
63.a	Euesques au camp de Laga-	
Espagnols deffaiets en la co-	sca.	297.a
ste des Palmes.	Euesque premier aux Indes.	
62.a	44.b	
Espagnols estimez immor-	Euesche des Indes.	347-
tels.	a.b	
56.a	Eude isle.	156.b
Espagnol mägé par ses com-	EZailan pays.	332.a
pagnons.		
76.b		
Espagnols deffaiets aux Mo-		
luques par les Portugais.		
163.a		
Espagnols vont seuls aux		
Indes.		
113.a		
Espagnols ne veulent gou-		
ster des trauaulx de Ma-		
gellan.		
144.b		
Espagnols entre les mains		
des Portugais.		
164.a.b		
Espagnols en dissention con-		

F

Famine grande entre les	
Espagnols.	76.a
Femmes vont à la guerre.	
103.a	

T A B L E.

Femmes belles aux Lucaies.	
50.b	
Ferdinand Pizarre retour-	ge tout. 261.b
né au Peru sollicite des	Fernand Bacicao tue. 289.b
deniers pour l'Empereur.	Fernandine isle. 66.b
206.a	Fins du monde. 9.a
Ferdinand Pizarre prins à	Fleciado port. 115.a
Cuzco par Almagro.	Fleuve courant le iour &
208.209.a	congelé la nuit. 205.b
Ferdinand Pizarre. 174.a	Floride cimetiere des Espa-
Ferdinand Pizarre prison-	gnols. 57.a
nier en Espagne. 221.a	Floride découverte. 56.b
Ferdinand Pizarre deliuré	Fonseca Baye. 318.b
par accord. 214.b	Fontaine Admiral. 121.a
Ferdinand Pizarre victo-	Fortune de Niquesa. 74.a.
rieux en la bataille des Sa-	83.a
lines. 217.a.b	S.Foy Monastere. 117.b
Ferdinand Pizarre poursuit	Francois Caruaial pille les
Almagro. 215.216.a	villes de Ciarcas, de l'Ar-
Ferdinand Cortes. 63.a.66.b	gent et d'Arequipa. 272.a
Ferdinand Cortes enuoye	Forte isle. 78.b
chercher les Moluques.	Francois de Caruaial persua-
163.b	de Gonzalle se faire Roy.
Ferdinand Cortes capitaine.	272.a
329 a.331.b	Francois de Caruaial se loue
Ferdinand de Sotte gouver-	de sa cruauté. 289.a.b
neur de la Floride. 57.a	Francois de Caruaial cruel.
Ferdinand Magellan capi-	270.a.b
taine & pilote. 139.b	Francois de Caruaial estran-
Ferdinand Bacicao capitaine	gle Diego de Gumiel.
de Gonzalle enuoyé con-	260.a
tre Blasco Vole & sacca-	Fräcons de Caruaial entre en
	la ville des Roys & esträ-
	gle 3.Espagnols. 263.b
	Z = y

T A B L E.

François de Caruaial, capitaine de Gonzalle Pizarre	257.a	nal gouverneur de Castille.	139.b
François de Caruaial menacé de sa teste par Gonzalle.	266.a	François Corsaires enfoncez aux Indes.	279.b
François de Caruaial donne la chasse à Centeno.	270.a.b	François d'Oregliane capitaine.	223.a
François de Caruaial prolonge la guerre.	265.a.b	Frâçois d'Oreillan capitaine.	
François de Caruaial possède Gonzalle Pizarre.	259.b	François Martin d'Alcantara tué avec Pizarre.	226.a
François de Caruaial défait par iustice & de ses meurs.	297.298.a	François de Monteio gouverneur de Yucatan.	70.b
Frâçois Hernandez de Cordube.	68.a	François de Monteio.	73.a
François de Haray, gouverneur de Panuco.	262.b	François Vezera capitaine.	99.a
Frâçois de Haray pilote.	58.a	S.François monastere.	117.b
François Pizarre capitaine.	79.b	S.François ville.	71.a
François Cartier pilote Frâçois.	49.b	François de Barrio Nuevo gouverneur de Castille de l'Or.	100.b
François Pizarre gouverneur du Peru.	174.a	Frio cap.	138.b
François Pizarre comme il descouurit le Peru, lisez Pizarre.	171.a	Froid sous l'Equinoxial.	200.a.b
François de la Case.	72.b	Froidure extreme au Peru.	208.a
François de Zisueros Cardina		François Martin d'Alcantara.	174.b

G

Arde, ville. 81.a
 Garçi Loffre de Coaisa capitaine enuoyé aux Mo-

Lucques.	162.b	s'opposer à l'exécution
Garzia de Loaisa Card. presi-		des ordonnances du Pe-
sident du Conseil des In-		ru.
des.	238.a	244.b
Gasspar de Moralles capitaine.		Gonzalle Pizarre commen-
99.a		ce à tyranniser les Perus.
Gaueto pilote Venitien.	49.a	257.b
Gayra ville.	108.a.	Gonzalle Pizarre se faiët
Gaytara Montagne.	215.b	eslire gouverneur du
Geants en Indie.	143.a	Peru.
George de Spire capitaine A-		146.a.b
mand.	112.b	Gonzalle Pizarre faiët dis
S.George, ville.	73.a	Roy.
S.Gloire port.	34.b	276.a
Gonzalle Pizarre.	174.a.b	Gonzalle Pizarre assiege
Gonzalle Pizarre s'arme cõ-		la ville des Roys contre
tre Blasco.	245.246.a	Cepeda.
Gonzalle Pizarre marche cõ-		257.a.b
tre Blasco.	264.a	Gonzalle s'assurant sur
Gonzalle Pizarre gagne la		la promesse de Pierre de
bataille contre Blasco.	273.	Hinoiose ne s'oppose à
274.a		Lagasca.
Gonzalle Pizarre faiët tren-		277.b
cher les testes à des capitai-		Gonzalle Pizarre, doux
nes de Blasco.	268.b	de son naturel.
Gonzalle faiët decapiter Vela		276.
Nugnez frere de Blasco.		277.a
278.a		Gonzalle delibere sur l'as-
Gonzalle Pizarre receu gou-		sassinat de Lagasca.
verneur en la ville des Roys.		280.281.a
258.b		Gonzalle respond aux let-
Gonzalle Pizarre sollicité de		tres de Lagasca.
		281.a.b
		Gonzalle, defaiët par La-
		gasca sans coups frapper
		295.b
		Gonzalle abandonné de
		plusieurs des siens.
		284.
		b.286.a.b

Gonzalle prins.	297.a	ne.	99.a
Gonzalle Pizarre sort du Peru.	286. 287.a	Gonzalle Ximenez capitaine.	110.a
Gonzalle Pizarre deliuré de prison.	213.a b	Gorgone isle.	173.b
Gonzalle Pizarre deffaict par iustice.	297.a b	Goulse quarré.	48.b
Gonzalle Pizarre soubz ombre de parlement dresse vne embusche à Almagro.	213.b	Goulse de saint Michel.	91.a
Gonzalle Pizarre se veut ioindre à Vacca de Castro.	231.b	Grain d'or nompareil.	42.a
Gonzalle Pizarre prins à Cuzco par Almagro.	209.a	Grande Espagne.	335.b
Gonzalle Pizarre va au pays de la Canelle de Quito.	221.b	Grand fleuve.	110.a
Gonzalle Pizarre met Blasco hors le Peru.	266. 267.a	S. Gregoire Ville.	110.a
Gonzalle rompt l'armee de Centeno.	287.a	Grenade Ville.	322.b. 337.a
Gonzalle d'Ocampo capitaine enuoié contre les Indiens qui sestoient reuoltez.	118.b	Griualua riuere.	64.b
Gonzalle de Mendozze Cardinal.	21.a	Gruniland, pays.	12.b
Gonzalle de Badioz capitaine.		Guabiniquimazes bestes.	67.b
		Guaca Idole.	178.b. 193.a
		Guadalagiara Ville.	335.b
		Guaiabos arbre.	101.a
		Guai herbes propre à faire vomir la cholere.	53.a
		Guaiacan, autrement dict le bois saint.	40.a
		Guauabanos arbre.	101.a
		Guanaban premiere terre desconuerte.	20.b
		Guanigua, ville.	55.b
		Guaorecua Cacique pendu.	42.b
		Guanuco pais.	185.a
		Guarcima arbre.	125.b
		Guarays Ville.	230.a
		Guarionex, Cacique.	32.b

T A B L E.

Guascar Roy du Peru pri- sonnier. 185.a	Gumangua Ville. 232.b
Guascar tué par Attabalipa son frere. 185.b	Gyngembre. 155.a
Guarionex Cacique predict la ruine des Indiens par les Chrestiens. 43.a.b	H
Guaynacapa Roy du Peru. 186.a	Hamabat Roy de Ze- bur. 147.a
Guaynacapa sumptueux. 191.192.a	Hay arbre. 121.b
Guaynacapa Inga & de sa court. 191.b	Hayti isle. 20.b.35.b
Guaypalcon Indien. 203.a	Hémisphere superieur. 11.a
Guacanayali, Cacique. 21.a	Henry de Cuzman duc de Medine. 20.b
Guema Ville. 223.a	Heritiers entre les Indiens. 111.a
Guerre ciuile commence au Peru entre les Espagnols. 175.a	Hernand Luche prestre ri- che. 171.a
Guerre premiere ciuile aux Indes entre les Espagnols 34.a.b	Hernand de Messa premier Euesque de Cuba. 68.a
Guerres ciuiles recommen- cent au Peru. 251.a.b	Hernand Arias mangé par ses cōpagnons Espagnols. 76.b
Guerres ciuiles commencent au Peru. 210.a	Hierosme Attal capitaine. 135.b
Guerre entre Attabalipa & Guascar freres Rois du Peru. 186.b	Hommes Indiens vestuz en femmes 89.a.b
Guillaume Xuarez de Car- uail tué par Blasco Nu- gnez. 247.b	Hommes impuissans mariez à autres. 61.b
	Hommes mourans pour a- uoir mangé de la chair. 51.a
	Homme s'enterre soy mesme. 76.b
	Honduras, cap. 72.a

Honneur qu'on faiët à vn	né.	274.a
Cacique mort.	113.b	Iehan Aluarez cõmis pour
Houos arbre.	101.a	emmener Blasco. 254.b
Humos poinëte de mer.		Iehan Diaç de solis grand
136.a		voyageur. 135.136.a
Huias bestes.	24.a	Iehan Serran pilote. 141.b
Hyberbaton herbe.	109.b	Iehan Serran abandonné de
Hyperbores.	10.a	ses soldats. 150.a
Hypernocques.	10.a	Iehan Serran succede à Ma-
		gellan. 148.a
		Iehan Serran mort. 155.b
		Iehan de Quiçedo. 88.a
		Iehan Cabedo Euesque de
		l'Anticque. 98.b
		Iehã Sebastie de Cano tour-
		ne tout le monde. 156.b
		Iehan 2. Roy de Portugal.
		167.b
		Iehan Pizarre. 174.a.b
		Iehan Pizarre tué à la def-
		fence de Cuzco contre les
		Indiens. 207.208.a
		Iehan Vespuce pilote. 98.b
		Iehan de Sanabria capitaine.
		137.b
		Iehan Pereç cosmographe.
		20.b
		Iehan de la Cossa pilote. 77.
		4.104.b
		Iehan de la Cosa tué. 78.a
		Iehan de Ayora pour son
		auarice faiët rebeller les

I Acobins mangez par les
 Indiens. 117.b
 Iacques Castellon capitaine.
 120.b
 S.Iacque isle. 63.b.156.b
 S.Iacque ville. 68.a.
 Iaguarri ville. 60.b
 Iaharo cacique. 107.a
 Iamaïque, isle. 63.b
 Jamaia fort. 73.a
 Iassemin faiët rougir les dets
 & la bouche. 249.a
 Idoles des Indiës. 65.b.68.a
 Iehan de Figueroe commis
 pour informer sur le con-
 seil des Indes. 238.a
 Iehan de Griialua. 64.b
 Iehan Aluarez met en li-
 berté Blasco. 260.a
 Iehan Aluarez empoison-

T A B L E.

Indiens.	99.a	Indiens portent en guerre les
Iehan Ponce gouuerneur de		corps des vaillants capi-
Boriquen.	55.b	taines pour dōner courage
Iehan Ponce gouuerneur de		aux soldats. 112.a
la floride.	56.b	Indiens croient la resurrectiō
Iehan Ponce vaillant.	57.a	des morts. 1197.b
Iehan Fernandez capitaine.		Indiens baillent leurs filles à
176.b		depuceler à leurs prebstres.
S.Iehan isle.	55.b	122.a
S.Iehan fleuve.	171.a	Indiens craignēt les eclipses.
S.Iehan de l'huua.	65.a	127.b
Ieusnes des Indiens.	110.b	Indiēs croient l'ame immor-
Indie	25.a	telle. 130.b
l'Indie sans fer.	39.a.b	Indiens idolatres. 36.a.b.
Indes secondes.	46.a	127.b
Indes premierement descou-		Indiens iurongnes. 39.a
uertes.	18.b	Indiens baptisez. 24.b
Indienne Vierge peut iuer ce-		Indiens obeissans. 39.a
luy qui la requiert de son		Indiens assiegent la ville des
honneur.	109.a	Roy. 210.a
Indiens rebelles deffaiēts par		Indiens legiers à la course.
Aluarado.	211.a.b	39.a. 137.b
Indiens sodomites.	109.a.	Indiens māgez par les Espa-
113.a.b		gnols. 76.a
Indiens ieusnent.	110.b	Indiens se delectent à danser
Indiens en Ethiopie.	22.a.b	& à boire 126.b
Indiens bons nageurs.	104.a	Indiens croient le deluge.
Indiens courageux.	78.b.	194.b
108.b		Indiens parlent au diable.
Indiens portent les dents noi-		193.a
res.	121.a.b	Indiens assiegent Cuzco.
Indiens grands.	54.b	207.b

- Indiens n'ont pour histoires*
que des chansons. 39.a
Indiens vivent longuement.
 72.a.221.a
Indiens redoubtent les Eccli-
psés. 195.a
Indiens croient l'immortalité
de l'ame. 54.a
Indiens n'ont point de poil.
 102.a
Indiens sans barbe. 106.b
Indiens sodomites. 63.a
Indiens se reuoltēt au Peru.
 206.207.a
Indiēs declarez esclauēs &
pays libres. 345.a.b
Infortunees isles. 146.a
Information sur le cōseil des
Indes. 237.b
Inondation grāde aduenue à
Quahutemallan. 333.334.a
Iop herbe. 110.b
Island isle. 12.a
Isles vogantes sur l'eau.
 73 a b
Isabelle, ville premiere ba-
stie es Indes. 30.a
Iuge pour vider le differēt
d'entre les Portugais &
Espagnols touchant l'Es-
picerie. 158.b
S.Iulien port. 144.b
- Iunagaua isle.* 146.a
Iurōgnerie des Indiēs. 127.a
 L
L *Abetur pays.* 48.a
Lagane oyseau ennemy
mortel de la balcine. 150.a
Lagasca fin et aduise. 279.a
Lagasca escript à Gonzalle.
 24.280.a
Lagasca dresse son armee cō-
tre Gonzalle. 283.b
Lagasca fait monstre de son
armee. 291.a
Lagasca attire les capitaines
soldats de Pizarre. 284.
 a.b
Lagasca enuoie au Peru pre-
sident de l'Empereur.
 279.a.b
Lagasca fait dresser des
ponts pour passer contre
son ennemy. 292.a
Lagasca arrive au Peru.
 289.290.a
Lagasca prestre. 279.b
Larrecin chastie rigoureu-
sement entre les Indiens.
 104.a
Larrō puni aux Indes, & le
genre du supplice. 38.b
Larrons isle. 146.a
Lazarre ville. 69.b

TABLE.

Leon ville.	322.b	Magellan guarit vn muet.	
Leopards simides.	102.b		147.a
Liberté des Indiens.	343.b	Magellan tué.	148.a
Libures entre les Indiens.		Magiciens entre les Espa-	
	300.a	gnols.	128.a
Lict des Indiens.	135.a	Maicabellica, Roy de Pobe-	
Lima riviere et ville.	204.b	cios.	248.a
Liribamba fleuve.	201.a	Magnificence des Indiens	
L'isle Espagnole.	34.a	Orientaux.	151.a
Lopez de Sosa gouverneur		Magnificence du Roy Aisa-	
de Castille de l'Or.	100.b	balipa.	182.183.a
Lopez de Salcede gouver-		Malbado, isle.	59.b
neur de Honduras.	73.a	Mahometistes par tout O-	
Lopez de Olano.	74.a	rient.	152.b
Louys de la Cerde duc de		Mal'heureuse isle.	146.a
Medine.	20.b	Mai'bled des Indes.	341.b
Louis guerra capitaine.	106.a	Mamucosoiseaux vins seu-	
Louis Colomb Admiral duc		lement en l'air.	154.b
de Veragua & Marquis		Manati poisson.	41.
de Iamaïque.	76.77.a	Mango Inga.	243.1.1
Luz, Roy aiant six cens fils.		Mágo Inga se rebelle.	206.b
	154.b	Mantan isle.	147.a.b
Lucaies isles.	50.a	Manglars fruits.	172.a
Lyons aux Indes.	93.b	Maracaibo lac.	113.a
Lyons ne sont si cruels aux		Maragnon fleuve.	135.a
Indes qu'aillieurs.	102.b	Marcapana país.	117.a
	M	Marguerite isle.	120.b
		Mariages des Indiens.	38.a
Macian isle.	155.a		103.a. 121. 122.a. 188.a
Magellan Capitaine.		Marida ville.	71.a
	104.a	S. Marie de la victoire ville.	
Magellan endure beaucoup			71.a
en son voiage.	145.a		

Marmol, cap.	71.a	Indiens.	44.b.68.a
Marobe idole.	36.b	Missions crainctes par les In-	
S. Marthe.	107.a	diens.	95.b
Martin Fernandez d'Enci-		Mochi ville.	71.a
so.	77.78.a	Moines martyrisez à la Flo-	
Masara isle sainte Chrestien-		ride.	57.b
ne.	147.a	Moluques adingees au Roy	
Masaya mont.	323.a	d'Espagne.	160.a.b
Mate, isle.	155.a	Moluques engagees au Roy	
Matil isle.	155.a.b	de Portugal par l'Empe-	
Mamais, arbre.	101.a	reur Charles 5. 165. 166.a	
Medecins des Indiens.	113.b	Moluques isle.	153.a. 155.a
Medecins Indiens peuuent		Monde seul.	3.a
auoir plusieurs femmes.		Monde rond.	3.a
60.a		Monde en forme de poire.	
Mer rouge.	121.a	131.a	
Mer de Midy descouuerte.		Monde du tout habitable.	3.b
88.a		Monde inhabitable.	4.a
Mer magellanique.	141.b	Mondes plusieurs.	1.a
MeXuacan pays.	335.b	Mont qui icte feu.	222.a
Mexicque ville.	66.b	Montagne icte feu.	200.a
S. Michel, ville & port.	62.a	Mort d'Atabalipa.	189.b
S. Michel goulfe.	91.a	Moscouie sollicité par vn Ge-	
S. Michel de Neueri ville.		nenois de prendre sur les	
135.b		Portugais le traffic de l'e-	
S. Michel ville.	179.a	spicerie.	169.a.b
Mil que vault.	9.a	Motecuma, Roy.	66.b
Mindanao isle.	164.a	Motupec pays.	173.b
Mine d'esmeraudes.	111.a	Mouches des Indes.	124.a
Mine d'or en Guinee.	161.a	Mouches facheuses en l'Es-	
Mines de Cibao.	30.a	pagnole.	40.b
Miracles en la conuersion des		Moutons reservez pour vn	

T A B L E.

temps de guerre. 203.b
Moynes gouuerneurs en l'E-
spagnole. 43.a
Molubäba ville, & pays.
237.a

N

Naissance d'un enfant
Indien. 38.b
Natan ville. 314.b
Nauire qui tourne tout le
monde. 156.b

Neiges grandes & froides
sous l'Equinoxial. 200.
a.b

Nepueu heritier & non les
enfans. 111.a

Nicaragua ville, pays &
Cacique. 319.a. 323.b

Nicolas d'Ouando gouuer-
neur en l'Espagnole. 42.a

Nicoyan Cacique. 319.a

Niquesa esgaré. 74.b

Nigua beste d'angereuse qui
ne mord qu'es pieds. 40.b

Noel port. 332.a

Noir fleuve. 87.a

Noirs trouuez aux Indes.
90.a

Noix muscates. 155.a

Nom de Dieu pillee par Ver-

dugo. 168. 169.a
Nourriture meschante des
Indiens. 122. 123.a
Nouuelle Granade pays.
111.b

Nouuelle Galice. 335.b

Nouuelle Espagne. 64.a

Nugno de Guzman gouuer-
neur de Panuco. 63.b

prisonnier. 335.a.b. 336.a

O

Oiseaux viuans seule-
ment en l'air & non
suiets à corruption. 155.a

Oisons d'Indes. 101.a

Opanguï Ynga 191.b

L'or se trouue pur aux In-
des en grains gros. 104.b

Or aisé à recueillir aux In-
des. 95. 96.a

Ordonnances du Peru cause
des seditions. 238.b

Ordonnances du Roy catho-
licque touchant la cōque-
ste des Indiens. 77.a.b

Oreillan fleuve. 133.a

Oreiones. 191.a

Origuara prophete Indien.
139.a

Origines des guerres ciuiles

du Peris.	174.a.b	PedraZza Euesque de Hö-
Ortegua goulfe.	318.b	duras.
Oſca herbe.	110.b	73.a Perles & de leur peſche.
		316.b

P

P sera ietié aux chiens.		Perroquets blancs & rou-
93.b		ges.
Palmes aux Indes.	102.a	156.b Peru païs deſcouuert.
Pamphile de Naruaez gou-		170 a
uerneur des Palmes.	58.b	Peru combien eſt large &
Panama pillée par Fernand		long.
Bacicao.	263.a.b	191.a.19.20.a
Pances peuples.	111.b	Peronille iſle.
Panquiaco Indien qui donna		319.a
les premieres nouuelles de		Philippe Gutierrez gouver-
la mer de Midy.	84.a	neur de Veragua.
Paraguanu fleuve.	176.b	76.b
Paradis terreſtre.	131.b	Philippe Indien truchement
Parcos mont.	219.b	deſſaiët par iuſſice.
Porcs d'Indes.	102.a	208.a
Paria païs.	31.a	Piaces prebſtres.
Parlement inſtitué au Peru.		122.a
43.b.en l'eſpagnole.	240.a	Pierre d'Aluarado capitaine
Passages pour aller aux Mo-		va au Peru.
luques.	165.b	199.b
Pattos port.	139.a	Pierre d'Aluarado ſe retire
Paul Ynga.	200.b	du Peru.
Payra port.	179.a	204.a
Pedrarias priué de ſon gou-		Pierre d'Aluarado de re-
uernement.	100.a	tour du Peru va deſcou-
Pedrarias d'Auila gouver-		urir nouueaux païs.
neur de Darien.	107.b	331.b
		Pierre Xuarez. premier E-
		ueſque aux Indes.
		44.b
		Pierre martyr abbé premier
		à ſeuile des Indes.
		63.b
		Pierrre de Hinoioſe promet
		à GonZalle iuer Lagasca.
		deuant Panama.
		277.b
		267.a
		Pierre de Hinoioſe capitaine
		de PiZarre met ſon armee

- entre les mains de Laga-
sca. 283.a
- Pierre d'Heredia gouver-
neur de Carthagena vi-
Etorienx des Caribes. 106.a
- Pierre Marguerite, capitai-
ne. 30.a
- Pierre Aluarez dresse vne
armee contre Diego d'Al-
magro. 229.a
- Pierre de los Rios gouver-
neur de Castille de l'Or.
173.b
- Pierre de Mendozze capi-
taine. 137.a
- Pierre de Lugo gouverneur
de S. Marthe. 107.a
- S. Pierre ville. 73.a
- Pigeonneaux sentans le muse.
30.b
- Pinzon pilote. 115.b. 132.
133. 134. 135.a
- Piritu port. 117.b
- Pizarre prend Attabalipa
Roy du Peru. 179.a
- Pizarre dresse son armee cõ-
tre Almagro. 213.a.b
- Pizarre reçoit Pierre d'Al-
uazado & luy paye
100000. pesans d'or
pour son armee. 204.a
- Pizarre et Almagro renou-
uellent les guerres. 215.a
- Pizarre iné par les Alma-
gristes. 225.a.b
- Plage del' Ascension. 64.a.b
- Plata fleuve. 136.a
- Poireaux maladie aduenue
aux Espagnols. 176.a
- Poison des Indiens. 125.a
- Poissons en l'isle de l'Espa-
gnole. 41.a
- Poissons ressemblans à l'hom-
me. 121.a
- Pole, ville. 71.a
- Pommes veneneuses. 109.b
- Popain pays. 266.b
- Porcs Indiens. 80.b
- Porcelaine qui ne peut en-
durer venin. 149.a
- Porto ville. 89.b
- Port beau. 75.a
- Portuguais querellēt la con-
ronne de Castille. 101.a.b
- Portuguais descourent l'es-
picerie. 167.a
- Possession fleuve. 319.a
- Postes des Indiens. 185.a
- Prestres des Indiens. 113.b
- Premiere espicerie trouuee
par les Espagnols. 152.a
- Proscription contre les rebel-
les du Peru. 246. 247.a
- Puna isle. 176.b

Punition d'un Cacique.

93.94.a

Puierds Indiens. 101.b

Q

Quabutemallan Ville.

331.a

Quabutemallan pays. 328.b

Quemis beste. 46.b

Quinira pays. 247.a

Quirandies pais. 137.b

Quisquicia isle. 35.b

Quisquiz capitaine Indien.

200.b

Quisquiz poursuini par les

Espagnols. 202.a

Quisquiz capitaine Indien

s'efforce de remettre sus

l'Empire des Ingas. 201.a

Quisquiz tué par les siens.

203.a.137.b

Quito pays. 202.a

Quito Ville. 197.b

Quito prinse par les Espa-

gnols. 199.a.b

Quixos Ville. 222.a

R

Raggia poisson vene-

neux. 109.b

Rançon inestimable du Roy

Attabalipa. 183.b

Raxamira Roy de Tidore.

163.a.

Rebellion grande de tous les

Indiens contre tous les E-

spagnols. 206.b

Recepte contre la lassitude.

103.b

Religion des Perusiens. 193.

a.b

Religion des Indiens. 328.a.

b.37.a

Remede pour guarir la ve-

role.

40.a

Remonstrance graue d'un

Indien.

85.a

Reuenue des Moluques &

de l'espicerie. 166.a.b

Richesse de l'isle Espagnole.

37.a.b

Richesse merueilleuse par la

prinse d'Attabalipa Roy

du Peru.

189.a

Roderic de Bastidas gouver-

neur de S. Marthe. 107.

a. Euesque de Venezue-

la. 112.b. assassiné en son

liet par les siens. 107.a.

prisonnier, 77.a

Roderic Euriquez de Col-

menares capitaine. 75.b

82. a. 108. a. enuoyé en

Espagne.

88.a

Roderic

Roderic d'Arene premier de- meurant aux Indes. 23.b	pert en la marine. 161.a.
Roderic de Fonseca Presi- dent du conseil des Indes. 29.a.	137.a
Roldan Ximenez grand pre- nost. 34.a. noyé. 42.b	Second voyage de Colomb. 29.a
Roy de Portugal a part aux Indes Occidentales. 138.b	Sel d'urine d'homme. 112.a.b.
Roy ville assiegee par les In- diens. 210.a	Senecque a predit le descou- urement des Indes. 34.b
Rubis aux Lucaies. 51.a	Sepulchre riche. 106.b
Ruminaguy brave capitaine Indien. 181.b	Sepulture des Indiens. 111.b
Ruminaguy fait expertises de guerre contre les Espa- gnols. 198.b	38. 39.a. 104.a. 197.b
Ruy Falero pilote. 139.b	Serpens sans venin. 67.b.
S.	Seuille, ville. 63.b. 71.a
Sacrifice des Indiens. 11.b. 112.a. 193.b. d'ho- mes. 111.b	Siuola pays. 337.a
Salle belle en Indes. 84.b	Soleil Dieu des Indiens. 104.a
Salmendre. 124.b	Solyman Turc en vain s'es- force contre les Portuguais 169.b
Salamanque ville. 71.a	Songe du Roy Almanfor. 154.a
Samotra isle. 156.b	Subo isle. 146.b
Saragan isle. 153.a	Tumultuosité admirable de Guaynacapa Roy du Peru. 191.b
Sebastien de Cauo retourne aux Moluques. 163.a	Syripada Roy de Borney en Orient magnifique. 150.a
Sebastien de Venalcazar ca- pitaine. 176.b	T
Sebastien Gauoto homme ex- pert en la marine. 161.a.	T Abunicho gomme. 1
	55.a
	Taibo ville. 107.a
	Tararequi isle. 315.b
	Taracuru Cacique. 314.a

T A B L E.

Tatarrax Cacique.	339.a	Tumaco Cacique.	92.a
Tauor Ville.	314.a	Tumebamba pays.	187.a.
Tauoga isle.	268.a		188.a
Tauasco Ville.	66.b	Turmeque pays.	111.a
Tecoantepec pays.	328.b	Tututepec Ville.	329.a
Temple magnifiques au Téru.	193.a	Tygres & Lyons aux Indes.	93.b. 97.a.b
Teoca Cacique.	93.a		V
Terre de labeur.	48.a		
Themistitan, Ville.	66.b		
S. Thomas de Cibao, forteref- se.	33.b	Vacca de Castro gaigne la bataille de Cinpas.	235.a.b
Tidoré isle des Molucques.	153.a	Vacca de Castro mis en pri- son par Blasco.	244.b
Tiguez ville.	338.a	Vacca de Castro eschappe de prison.	260.a
Timor isle.	156.b	Vaches des Indiens.	240.a.
Tiripi Ville où les Indiens feirent fuir les Espagnols.	78.b		102.a.b
Togona Cacique.	314.a	Vacos bestes.	221.a
Toledo, Ville.	119.a	Valdimia perdu en mer.	86.a
Tombe Ville. 180.a. Pays.	173.b. pillée par Fernand Baciao.	Valladolid Ville.	71.a
Tordécia Cacique.	89.a	Vallée du S. esprit pays.	111.a
Tous les saints ville.	94.a.	Valleio capitaine deffait à Caribana.	99.a
	138.b	Vasco de Gama Portugais arriné en Calecut.	167.b
Tramontane habitable.	5.a	Vasco de Herrera gouver- neur de Honduras.	73.a
Triane Espag. Void premier les Indes.	20.b	Valnoa executé par iustice.	99.b
Trinité isle.	131.a		
Trusilio Ville.	72.b	Veragua & Vraba pays re-	

T A B L E.

- doutez par les Espagnols 98.a
 Verdugo en fuite par Pierre de Hinoiose. 269.a
 Venezuela Ville & Euefché. 112.b
 Verolle venue des Indes. 39.b
 Vespuce florétin pilote. 98.b
 Vexerilo chien. 56.a
 Viceya isle. 163.a
 Vices des Indiens. 343.a.b
 Vigne trouuee és Indes. 46.b
 Vimini port. 56.57.a
 Vraye Croix, ville. 66.b
 Vraioa Cacique. 56.a
 Vilaslan pays & ville. 330.b
- X
- Xalisco pays. 332.a.
 335.a
 Xauxa ville despeuplee. 195.b. 204.b
 Ximenez docteur & capitaine descouure les esme-
 rauldes. 111.a
 Xochmuxco ville & pays. 330.a.b
- Y
- Yaguana petite bese. 124.a
 Yuga herbe bonne & mau-
 uaise selon la diuersité des
 pays. 108.a
 Yuga racine. 39.a
 Yucatan pays & ville. 68.a
 Yuana cacique. 313.b
- Z
- Zagatula port. 330.a
 Zapula Indien premier
 Yuga. 179.a
 Zebur isle. 146.b. 149.a
 Zebut reçoit le christianis-
 me. 147.a
 Zenu fleuve ville & port. 104.b
 Zompaciay pays. 113.b
 Zopozapagu Cacique. 201.a

FIN DE LA TABLE





